





Ex Bibliotheca
majori Coll. Rom.
Societ. Jesu

33 538

33-C-37

71

8

B

20

MARTINI
BONACINÆ
VTRIVSQUE

SIGNATURÆ

Referendarij,

OPERV M

DE MORALI THEOLOGIA,
omnibúsque conscientiae nodis,

COMPENDIV M.

Authore D. ANTONIO GOFFAR.

Leodiensi, sacrae Theologiae Doctore,

& Protonotario Apostolico.



LVGDVNI,

Sumptibus CLAVDII LANDRY.

M. DC. XXX.

CVM PRIVILEGIO REGIS.

—

०३३३

०३३३

०३३३

०३३३



Perillustri ac Generoso D.

D. GVILIELMO

A B A V A R I A,

Baroni de Hollinghouen,
Serenissimi Electoris Colo-
niensis, Episcopi & Princi-
pis Leodienſis Supremo au-
læ Præfecto, necnon Conſi-
liario intimo, &c.



V M Orbi prodit hoc
Bonacinæ Compen-
dium, meritò sub tuæ
Amplitudinis patrocini-
nio prodit (PERILLVSTRIS DO-
MINE,) tuumque nomen in fronte

ã 2

præ

præfert; cùm tu probitatem, indu-
striam, cæterasque artes bonas, vno
veluti compendio contineas; easq;
ita adæquet tui nominis ac famæ
claritudo, vt quæ potiolem sibi in
animo tuo locum vindicarint iudi-
care difficillimum sit: si enim in
apertum manifesta virtutis tuæ te-
stimonia proferam, claræ diei lam-
pada & lumen mutuabo Soli; id ne
faciam contra naturæ æquique le-
ges, pluribus supersedebo, nec om-
nia virtutum tuarum monumenta
persequar. Verùm vt multa taceam,
pro se ipsa loquitur tua illa pruden-
tia, lumen illustre magnæ mentis,
quæ Belgij, Germaniæque finibus
arctari non potuit, sed in Vrbe orbis
principe Roma (ignosce Perillustis
Domine, nunquam potest non esse
virtuti locus) V R B A N O V I I I.
Pontifici Maximo sæpiùs affuit, qui
te in dignitate constitutum & aulæ
& arcanorù consortem esse voluit.

Nec

Nec tacere possum PHILIPPVM IV.
Hispaniarum Regem te sibi à ge-
rendis rebus satis superque notum
Equitem Calatrauæ iussisse. Deni-
que & Sereniss. FERDINANDVM
Bauarum , Electorem Colonien-
sem , Episcopum & Principem no-
strum clementissimum , longè cer-
tissimum integritatis ac eximiæ tue
mentis testem dedisse , cùm te su-
premum aulae suæ Præfectum con-
stituit, & secretis consiliis adhibuit;
vnde & multorum decus te gratifi-
cari , & innumera in dies in Rem-
publicam manare commoda , cla-
riùs est quàm vt verbis exprimatur.

His titulis euocatus in lucem
Solémque prodit iste liber , & in
aula principe tuos oculos , manus,
fauores expectat ; hoc vno tantùm
tutus & liber , si tuis teratur mani-
bus, vsurpetur oculis, fauore tenea-
tur : & verò fauorem spondet tua
illa cõmitas & humanitas, quæ suos

qua tibi subito occurrent dubiorum facilem expeditionem. Adieci praterea cuique dubio & sententia totum & paginam, ex qua singula depromuntur, ut, si ita tibi videatur, possis in difficultatibus ad ipsum Authorem nullo negotio recurrere, ibique loca propria & sententias Auctoris cuiusque fusius examinare. Quo autem fructu id praestiterim, tu Lector amice iudica; & hoc quantulocumque labore meo frui, meque tuis Deo Opt. Max. suffragiis commenda.

APPRO

APPROBATIO.

IOannes Claudius de-Ville, in S. Theologia Magister,
& S. Crucis Lugdun. Custos : Fidem facimus nos hoc
Compendium omnium operum moralium Doctoris Martini
Bonacinae, auctore R. D. Antonio Gossar Leodiensi, S. Theolo-
giae Doctore, &c. vidisse, & ex toto conforme operibus, &
Ecclesiae Catholicae, Apostolicae, & Romanae sanae doctri-
nae comperisse. Lugduni prid. Cal. April. 1630.

DE VILLE.

NOs subsignati S. Theologiae Doctores, in alma facul-
tate Parisiensi, Librum cui titulus est, *Compendium*
omnium operum moralium D. Martini Bonacinae, &c. à R. D.
Antonio Gossar Leodiensi, S. Theologiae Doctore collectum, vidi-
mus & legimus, nihilque in eo contrarium Catholicae
fidei reperientes, dignum certè ut typis mandetur, & in
lucem edatur indicauimus. Lugduni in Conuentu S. Bo-
nauenturae die 7. mensis Maij, 1630.

FR. DESIDER. RICHARD
Guardianus praefati Conuentus.

FR. BERNARD. MOLLIASSON
in praefato Conuentu Lector.

2 5

Sum

SVMMA PRIVILEGII
Regis Christianissimi.



VDOVICVS XIII. Dei gratia
Galliarum & Nauarræ Rex Chri-
stianissimus diplomate suo sanxit,
ne quis per vniuersos Regnorum
suorum fines, intra sex annos, à die finitæ im-
pressionis computandos, imprimat, siue im-
primendum curet, venalemve habeat, librum,
qui inscribitur, MARTINI BONACINÆ,
*utriusque signaturæ Referendarij, operum de Mo-
rali Theologia, Compendium, Authore ANTONIO*
GOFFAR, S. Theologiæ D. & Protonotario Apo-
stolico, præter CLAVDIUM LANDRY Bi-
bliopolam Lugdun. aut illos, quibus ipsemet
concesserit. Qui secus faxit, præter librorum
confiscationem, multâ arbitrariâ in eum
animaduertetur; vti latius patet in litteris
datis LVGDVNI XI. Maij. 1630.

Ex mandato Regis

Signatum

RENOVARD.

INDEX

INDEX

Eorum Titulorum , qui in hoc
Compendio continentur.

A

ABSOLVTIO. Vide *Censura*, *Ex-*
communicatio, *Casus reservatus*, *Lex*.
Accusator. pag. 1

Acedia. Vide *Charitas.*

Adiuratio. 7

Adorare, *Adoratio.* Vide *Decalogus.*

Adulterium. 2

Advocatus. Vide *Accusator.*

Affinitas. Vide *Matrimonium.*

Alienatio bonorum Ecclesiasticorum. 11

Quae persona poenā incurrant ratione alie-
nationis bonorum Ecclesiasticorum. 16

Apostata. 18

Asscuratio. 23

B

Baptismus. 24

Baptismi materia. 27

Baptismi forma. 28

Baptismi Minister. 30

2 6 *Baptismi*

INDEX

| | |
|-----------------------------------|--------------|
| <i>Baptismi subiectum.</i> | 31 |
| <i>Baptismi effectus.</i> | 33 |
| <i>Bellum.</i> | <i>ibid.</i> |
| <i>Beneficium, Beneficiarius.</i> | 36 |
| <i>Bestialitas.</i> | 38 |
| <i>Bigamia, Bigamus.</i> | 39 |
| <i>Blasphemia.</i> | 41 |

C

| | |
|---|--------------|
| <i>Cambium.</i> | 43 |
| <i>Canonicus. Vide Distributiones.</i> | |
| <i>Casus reservati.</i> | 46 |
| <i>Qui ab illis absoluant.</i> | <i>ibid.</i> |
| <i>Censura.</i> | 52 |
| <i>Censura causa efficiens.</i> | 54 |
| <i>Censura causa materialis.</i> | <i>ibid.</i> |
| <i>Censura quomodo feratur.</i> | 59 |
| <i>Censura finis & effectus.</i> | 65 |
| <i>Causa excusantes ab incurrenda censura.</i> | <i>ibid.</i> |
| <i>Censurarum absolutio.</i> | 69 |
| <i>Censurae absolutionis forma.</i> | 72 |
| <i>Census.</i> | 76 |
| <i>Cessatio à divinis.</i> | 80 |
| <i>Cessationis effectus.</i> | 81 |
| <i>Charitas.</i> | <i>ibid.</i> |
| <i>Charitati vitia opposita.</i> | 85 |
| <i>Circumcisio. Vide Baptismus.</i> | |
| <i>Clastrum. Vide Moniales, Religiosi, Monasterium.</i> | |

Clerici

TITVLORVM.

Clericus. 87

Coadiutor, Coadiutus. Vide *Distributiones.*

Commodatum. 88

Concubinatus, Concubinaris. Vide *Fornicatio simplex.*

Conductio. Vide *Locatio.*

Confessio, Confessarius. 89

Causa excusantes ab integritate confessionis. 97

Confessio quandonam iteranda. 100

Confessionis obligatio. 101

Causa excusantes à confessione. 105

Confirmatio. *ibid.*

Contractus. 107

Quibus competat restitutio in integrum. 117

Contritio & Attritio. 118

Contumelia. 121

Correctio. Vide *Charitas.*

D.

Dæmon. Vide *Maleficium, Superstitio, Divinatio, Observatio vana, Adiuratio.*

Debitor. Vide *Restitutio.*

Debitum coniugale. Vide *Matrimonium, Votum.*

Decalogus. 123

Decalogi I. præceptum. *ibid.*

Decalogi II. præceptum. Vide *Iuramentum, Adiuratio, Votum.*

Decalogi III. præceptum. 126

Decalogi IV. præceptum. 129

Deca

INDEX

| | |
|---|-----|
| <i>Decalogi V l. & I X. precept.</i> | 135 |
| <i>Decalogi VIII. precept. Vide Mendacium.</i> | |
| <i>Decima.</i> | 136 |
| <i>Degradatio.</i> | 141 |
| <i>Delectatio morosa.</i> | 143 |
| <i>Denunciatio, Denunciator.</i> | 145 |
| <i>Depositum.</i> | 151 |
| <i>Detractio.</i> | 152 |
| <i>Causa excusantes à restitutione fama.</i> | 158 |
| <i>Dispensatio. Vide Lex, Censura, Excommu- nicatio, Votum, Privilegium, Irregularitas.</i> | |
| <i>Disputare. Vide Fides.</i> | |
| <i>Distributiones.</i> | 159 |
| <i>Cui ad Distributiones ius competat.</i> | 162 |
| <i>Absens quibus ex causis lucrari possit Di- stributiones, & an ligatus censura eas quoque lucretur.</i> | 165 |
| <i>Divinatio.</i> | 182 |
| <i>Divortium.</i> | 184 |
| <i>Donatio.</i> | 187 |
| <i>Dubium. Vide Peccatum.</i> | |
| <i>Duellum.</i> | 190 |

E

| | |
|---|-----|
| <i>Ecclesia. Vide Sacrilegium, Immunitas.</i> | |
| <i>Eiecti à religione. Vide Apostata.</i> | |
| <i>Eleemosyna. Vide Charitas.</i> | |
| <i>Emphyteusis. Vide Feudum.</i> | |
| <i>Emptio.</i> | 193 |

Episco

TITVLORVM.

Episcopus. Vide Suspendio, Lex, Suffragium.

Eucharistia. 198

Excommunicatio. 213

Excommunicationis maioris effectus. *ibid.*

Excommunicatio minor. 228

*Excommunicatio ob violentam manuum ini-
iectionem in Clericos.* 229

*Absolutio ab Excommunicatione ob Clerici
percussionem, cui competat.* 235

Excommunicatio ob haesim. Vide Haesim.

*Excommunicatio contra cogentes foemina ad re-
ligione, aut eas retrahentes à religione.* 237

F

Festum. Vide Decalogus.

Feudum & Emphyteusis. 238

Fideiussio. 244

Fides. 245

Filiusfamilias. Vide Furtum, Restitutio.

Fiscus. 251

Fornicatio simplex. 254

Furtum. 256

Restitutio ob defraudata vectigalia, ob

Furtum filijfamilias, uxoris, &c. 258

*Restitutio propter homicidium. Vide Ho-
micidium.*

H

Heres. 261

Heresis. 264

Histria.

INDEX

Histrion. Vide *Ludus.*

Homicidium. 267

Honorare. Vide *Decalogus.*

Hora Canonica. Vide *Offitium diuinum,*
Distributiones.

I

Idololatria. 274

Ieiunium. 275

Causa excusantes à Ieiunio. 279

Immunitas locorum sacrorum. 280

Impotentia. Vide *Matrimonium.*

Incestus. 288

Indulgentia & suffragia. *ibid.*

Indulgentia pro defunctis. 296

Interdictum. 301

Interdicti causa. 304

Interdicti effectus. *ibid.*

Interdicti effectus secundus, id est, priuatio
diuinorum officiorum. 306

Interdicti tertius effectus, id est, priuatio Ec-
clesiastica sepulturae. 309

Interdictum violantium poena. 310

Interdictum quibus casibus incurratur. 311

Relatio ab Interdicto. 313

Inuidia. Vide *Charitas.*

Irregularitas, Irregularis. 314

Irregularitatis causa. 315

Irregularitatis effectus. 317

Irre-

TITVLORVM.

Irregularitas ex defectu anima & corporis.

318

Irregularitas ex defectu natalium. 322

Irregularitas ex defectu aetatis. 323

Irregularitas ex defectu sacramenti. Vide

Bigamia.

Irregularitas ex infamia. 324

Irregularitas ex poenitentia publica. 325

Irregularitas ex culpabili iteratione sacramentorum. *ibid.*

Irregularitas ex susceptione & exercitio Ordinum illicito. 326

Irregularitas ex delicto haeresis. 328

Irregularitas ex homicidio. 330

Irregularitas qua incurritur accusando, vel testando. 332

Irregularitas contracta ob bellum. 334

Irregularitas contracta medendo, aut chirurgiam exercendo. 335

Irregularitas ex homicidio facto ad sui defensionem. *ibid.*

Irregularitas ex homicidio casuali. 337

Irregularitas ex homicidio iniusto voluntario.

339

Irregularitatis dispensatio. 343

Iudex, Iudicium publicum. 346

Iudicium temerarium. 354

Iuramentum. 355

Lega

INDEX

L

| | | |
|---|---|-----|
| <i>Legatum.</i> | Vide <i>Testamentum, Heres, Substitutio, Lex, Legislator.</i> | 362 |
| <i>A quo Lex possit ferri, & qua conditiones requirantur.</i> | | 364 |
| <i>Legum materia, & subiectum.</i> | | 368 |
| <i>Legis effectus.</i> | | 374 |
| <i>Legis obligatio quando cesset.</i> | | 385 |
| <i>Legis dispensatio.</i> | | 389 |
| <i>Dispensatio quibus modis vim suam amittat.</i> | | 397 |
| <i>Libellus famosus.</i> | Vide <i>Detractio.</i> | |
| <i>Ligamen.</i> | Vide <i>Matrimonium.</i> | |
| <i>Locatio & Conductio.</i> | | 400 |
| <i>Locus sacer.</i> | Vide <i>Immunitas.</i> | |
| <i>Ludere, Ludus.</i> | | 403 |
| <i>Luxuria.</i> | Vide <i>Sacrilegium, Decalogus.</i> | |

M

| | | |
|--|------------------------|-------|
| <i>Maleficium.</i> | | 406 |
| <i>Martyrium.</i> | Vide <i>Baptismus.</i> | |
| <i>Matrimonium.</i> | | 407 |
| <i>Matrimonium conditionatum.</i> | | 415 |
| <i>Matrimonij Impedimenta dirimentia.</i> | | 417 |
| <i>Impedimentum erroris.</i> | | ibid. |
| <i>Impedimentũ cõditionis, seu seruitutis.</i> | | 418 |
| <i>Impedimentum Voti.</i> | | 420 |
| <i>Impedimentum cognationis naturalis.</i> | | 421 |
| <i>Impedimentum cognationis spiritualis.</i> | | 422 |
| <i>Impedi</i> | | |

TITVLORVM.

| | |
|---|-----|
| <i>Impedimentum cognationis legalis.</i> | 424 |
| <i>Impedimentum criminis.</i> | 425 |
| <i>Impedimentum disparitatis cultus.</i> | 426 |
| <i>Impedimentum vis.</i> | 427 |
| <i>Impedimentum ordinis.</i> | 429 |
| <i>Impedimentum ligaminis.</i> | 431 |
| <i>Impedimentum publicæ honestatis.</i> | 432 |
| <i>Impedimentum affinitatis.</i> | 433 |
| <i>Impedimentum impotentia.</i> | 435 |
| <i>Matrimonij impedimenta nō dirimentia.</i> | 438 |
| <i>Confessarij munus circa Matrimonij impe-</i> <i>dimenta.</i> | 440 |
| <i>Matrimonij vsus licitus, & illicitus.</i> | 442 |
| <i>Mendacium.</i> | 448 |
| <i>Missa.</i> | 449 |
| <i>Monasterium.</i> | 463 |
| <i>Monasterij monialium ingressus, quibus per-</i> <i>sonis permissus, & quibus de causis.</i> | 465 |
| <i>Violatio clausuræ ob ingressum fœminarum</i> <i>in Monasteria religiosorum virorū.</i> | 470 |
| <i>Causæ excusantes fœminas ingredienti-</i> <i>es Monasteria virorum.</i> | 471 |
| <i>Moniales, & pœna violatoribus clausuræ im-</i> <i>positæ.</i> | 473 |
| <i>Ad quē pertineat facultatem exeundi Mo-</i> <i>onialibus concedere, & quib. ex causis.</i> | 475 |
| <i>Monitorium. Vide Denunciatio.</i> | |
| <i>Monopolia.</i> | 478 |
| <i>Mons</i> | |

INDEX

| | | |
|---|----------------------------|-------------|
| <i>Mons pietatis.</i> | Vide <i>Usura.</i> | |
| <i>Munera, Munerum largitio.</i> | | 480 |
| <i>Mutilatio.</i> | Vide <i>Irregularitas.</i> | |
| <i>Mutuum.</i> | | 484 |
| N | | |
| <i>Notarius.</i> | | 486 |
| O | | |
| <i>Observatio vana.</i> | | ibid. |
| <i>Odium.</i> | Vide <i>Charitas.</i> | |
| <i>Officium diuinum.</i> | | 489 |
| <i>ad Officium diuinum qui teneantur.</i> | | 491 |
| <i>Officiū diuinū quā forma recitandum sit.</i> | | 497 |
| <i>ad Officiū deuotē persolucendum requisita.</i> | | 500 |
| <i>Officiū diuinū quo tempore recitandū sit.</i> | | 504 |
| <i>Officij diuini quis ordo seruandus in recitatione.</i> | | 506 |
| <i>Quo loco recitandum sit, & quo corporis habitus & situ.</i> | | 508 |
| <i>Officij recitationis fructus & effectus.</i> | | ibid. |
| <i>Officium pratermittens quā grauiter delinquat, & ad quid teneatur.</i> | | 510 |
| <i>ab Officij recitatione causa excusantes.</i> | | 514 |
| <i>Officium recitandi obligatio an extet in choro.</i> | | 517 |
| <i>Orare, Oratio.</i> | | 518 |
| <i>Ordo.</i> | | 519 |
| <i>Ordinis minister.</i> | | 521 |
| <i>Ordinis subiectum.</i> | | 524 |
| | | <i>Oscu</i> |

TITVLORVM.

Oscula.

529

P

Parentes. Vide *Charitas, Decalogus.*

Parochus. Vide *Residentia, Beneficiarius.*

Peccatum. Vide *Contritio, Pœnitentia.*

Peccatum originale. 531

Peccatum actuale, & habituale. 533

Peccatum mortale & veniale. 536

Peccatorum distinctio specifica & numerica. 538

an Peccatum omissionis differat specie à peccato commissionis. 543

Peccatorum causæ efficientes, subiectum, & effectus. 550

Causæ excusantes à Peccatis. 551

Pensio. Vide *Simonia.*

Percussor clerici. Vide *Censura, Excommunicatio, Clericus.*

Periurium. Vide *Iuramentum.*

Pœnitentia, Pœnitens. 555

Pœnitentie forma. 563

Pollutio, seu mollities. 565

Prescriptio. 567

Precarium. 568

Princeps. Vide *Privilegium.*

Privilegium. 569

Procurator. Vide *Accusator.*

Professio. Vide *Religiosus, Apostata, Votum.*

Promissio. 579

Pignus.

INDEX

Pignus. 582
Purgatorium. Vide Indulgentia.

R

Raptus. 583
Religio, Religiosi. 584

*Quibus ex causis Religioso competat ius
 reclamandi contra professionem.* 597

Residentia. 600

Resignatio beneficij. Vide Simonia.

Restitutio. 604

*Ubi, cuius expensis, & quo tempore & or-
 dine facienda sit Restitutio.* 630

*Causa propter quas differri vel omitti pos-
 sit Restitutio.* 636

Reus. Vide Accusator.

S

Sabbatum. Vide Decalogus.

Sacramentum. 640

Sacrilegium. 648

Sacrilegium in materia luxurie. 649

*Satisfactio, & quomodo iniungenda à Confes-
 sario.* 651

*Pœnitentis obligatio circa pœnitentiam ac-
 ceptandam, & adimplendam.* 654

Sacramenti Pœnitentia effectus. 656

Opera per Pœnitentiã an reuiviscant. 659

Schisma. *ibid.*

Scrupulus. Vide Peccatum.

Secre

TITVLORVM.

| | |
|--|-----|
| <i>Secretum.</i> | 660 |
| <i>Sigillum confessionis.</i> | 662 |
| <i>Simonia.</i> | 667 |
| <i>Simonia quoduplex.</i> | 670 |
| <i>Simonia quo iure prohibita, quale peccatum sit, & quanam illius materia.</i> | 671 |
| <i>an Simonia committatur in permutatione beneficiorum, aliarumve rerum spiritualium, aut occasione pensionum.</i> | 677 |
| <i>an Simonia committatur in resignatione beneficiorum, vel transactione.</i> | 679 |
| <i>Simonia labem quinā committere possint.</i> | 682 |
| <i>Quæ causæ excusare possint à Simonia.</i> | 683 |
| <i>Simoniacorum pœne, & de ipsarum dispensatione.</i> | 686 |
| <i>An acta Simoniacè valida sint.</i> | 692 |
| <i>Virum Simonia inducat obligationem restituendi accepta simoniacè.</i> | 695 |
| <i>Societatis contractus.</i> | 697 |
| <i>Societas inter fratres.</i> | 700 |
| <i>Sodomia.</i> | 702 |
| <i>Sollicitare, Sollicitatio. Vide Denunciatio.</i> | |
| <i>Spes.</i> | 703 |
| <i>Sponsalia, Sponsus.</i> | 704 |
| <i>Sponsalia incerta.</i> | 707 |
| <i>Sponsalium rescissio,</i> | 709 |
| <i>Stuprum, Stuprator.</i> | 714 |
| <i>Substitutio.</i> | 733 |
| <i>Suffra</i> | |

INDEX TIT.

| | |
|--|--------------|
| <i>Suffragium.</i> | 299 |
| <i>Superstuitio.</i> | 716 |
| <i>Suspensio.</i> | <i>ibid.</i> |
| <i>Suspensio contra clericos.</i> | 719 |
| <i>Suspensio contra Episcopos.</i> | 722 |
| <i>Suspensiones cōtra Conuentus, & Capitula.</i> | 725 |
| <i>Suspensiones contra Religiosos.</i> | <i>ibid.</i> |
| <i>Suspensionis absolutio.</i> | 727 |
| <i>Susurratio.</i> | 728 |

T

| | |
|-----------------------------------|--------------|
| <i>Tentatio Dei.</i> | 729 |
| <i>Testamentum & legatum.</i> | <i>ibid.</i> |
| <i>Testis. Vide Accusator.</i> | |

V

| | |
|---|-----|
| <i>Vectigal. Vide Restitutio.</i> | |
| <i>Venditio.</i> | 735 |
| <i>Vnctio extrema.</i> | 740 |
| <i>Vnctionis extreme forma, & minister.</i> | 741 |
| <i>Vnctionis extrema subiectum, & quæ partes ungenda.</i> | 743 |
| <i>Vnctionis extrema effectus.</i> | 745 |
| <i>Votum. Vide Matrimonium, Religiosus, Apostata, Heres.</i> | 746 |
| <i>Voti materia.</i> | 751 |
| <i>Vsura, Usurarius. Vide Censuræ, Cambium, Societas, Mutuum.</i> | 766 |

FINIS.

COM



COMPENDIUM
OMNIVM OPERVM
D. MARTINI BONACINÆ,
collectum, & ordine Alpha-
betico digestum,

Per

R. D. ANTON. GOFFAR
Leodiensem, Sacræ Theologiæ
Doctorem, & Protonotarium
Apostolicum.

A

Absolutio.

Vide v. *Censura*, *Excommunicatio*, *Casus re-
servatus*, *Lex*.

Accusator, *Denunciator*, *Reus*, *Testis*,
Aduocatus, & *Procurator*.



ACCUSATIO est delatio rei de
crimine ad vindictam publicam
libello facta. Accusatio semper
datur in scriptis, denunciatio verò
fieri potest solis verbis; & qui accusat suscipit in

A

sc

2. *Accusator, Reus, Testis, &c.*

se onus probandi, sed non qui denunciatur; consequenter non se subiicit pœnæ talionis ferendæ. Ante accusationem per se loquendo non prærequiritur admonitio secreta, cum finis accusationis sit punitio. *tom. 2. fol. 471. num. 1. & seq.*

2. Possumus, imo etiam aliquando tenemur alium accusare ob aliorum utilitatem; ut quando crimen vergit in damnum commune, vel tertiæ personæ, & adhuc est in fieri. Et qui delinquentem non accusat, peccat, & tenetur ad restitutionem si delinquentem accusare tenebatur ex iustitia; at non tenetur ad soluendam pœnam, quam delinquens persoluisse, si accusatus fuisset. *tom. 2. fol. 473. num. 6. & seq.*

3. Ab accusatione repelluntur excommunicati in pœnam suorum delictorum, proditores, inimici, publici concubinarij, usurarij, & quicumque iure infames. Excipe tamen casus hæresis & criminis læsæ maiestatis qui vergunt contra bonum publicum, in quibus non repelluntur à denunciatione, sed tenentur denunciare. *ibid. num. 10.*

4. Reus non tenetur veritatem aperire dum crimen est occultum; quia tunc iuridicè non interrogatur; secus si præcessit infamia, aut si crimen ad iudicis aures peruenit per semiplenam probationem, vel per indicia grauia sufficienter probata: tunc enim Iudex dicitur legitimè seu seruato iuris ordine procedere; consequenter reo imponere potest obligationem aperiendi veritatem: imò potest etiam pœnam imponere, si ex certissima coniectura sufficienter probata præsumatur ipsum esse criminis reum. *tom. 2. fol. 474. num. 1.*

5. Reus qui iuridicè interrogatur, tenetur verum fateri, etiam si alioquin damnandus sit ad mortem,

mortem, nisi aliter de rationabili iudicis voluntate præsumatur; quanquam non videtur improbabilis sententia illorum qui asserunt reum non peccare mortaliter negando veritatem in causis grauib; modò denegata veritate spes subit euadendi. Ideo Confessarius non tenetur cogere reum ad veritatem aperiendam, quamdiu spem habet euadendi. Item neque tenetur eum cogere ad retractandum dictum, quoties retractato condemnaretur; debet tamen illum admonere ut veritatem aperiat, si iterum interrogetur. *tom. 2. fol. 475. num. 7. & 8.*

6. Iudex potest aliquando uti aliqua simulatione ut veritatem extorqueat, ut constat exemplo Salomonis dum simulauit occisionem infantis viui, fingens se velle dimidium utrique mulieri contendenti tradere. *ibid. num. 9.*

Reus vel ipse Aduocatus non peccat contra iustitiam aperiendo crimina quamuis occulta testium; dum crimina, quæ aperiuntur, valent ad infirmandum dictum testium, ut sunt periurium, crimen falsi, excommunicatio à qua testis nondum est absolutus, & infamia iuris vel facti; quia reus potest uti mediis ad sui defensionem ordinatis; caueat tamen maius malum inferre accusatori quàm necesse sit ad sui defensionem. *tom. 2. fol. 476. num. 10.*

7. Reus potest è carcere fugere, nisi iurauerit se ibi permansurum, etiamsi carcere detineretur ob debita, aut etiam si custos carceris ob ipsius fugam, damnum patiat. Idem dic de damnato ad perpetuum carcerem, vel ad triremes. *ibid. num. 13. & 14.*

8. Cui licitum est fugere è carcere, licitum etiam est fugere ne capiatur; & carcerem ac vincula

4 *Accusator, Reus, Testis, &c.*

cula perfringere; neque tenebitur ad restitutionem etiam si ob ipsius fugam reliqui vincti, & in carcere detenti occasionem fugiendi arripuerint; tenebitur tamen ad restitutionem carceris perfracti fugiendo. *rom. 2. fol. 477. num. 15. & seq.*

9. Licitum est fugam reo consulere, aut instrumenta ad perfringendum carcerem præbere, non verò cooperari ad fractionem carceris. *ibid. num. 19.*

10. Reus non tenetur per se loquendo obedire sententiæ quæ nititur falsa præsumptione; quamquam non potest per vim se tueri contra iudicem, ne hanc sententiam exequatur. Præterea reus negans veritatem, non tenetur ad solvendam pœnam, quam manifestata veritate persolvisset, modò ad eam pœnam non teneretur ante sententiam, aut ex iure naturæ ob actionem iniustam vel contractum: nam si tenebatur, non idcirco eximitur ab onere solvendi, & occultatio veritatis non tollit obligationem antecedentem. *rom. 2. fol. 478. num. 22. & 23.*

11. Quando iudex legitimè procedit, & interrogat, tenetur testis interrogatus respondere & veritatem aperire, nisi iustam habeat reticendi causam; qualis est iusta compensatio, secretum confessionis, &c. Vnde nullus per se loquendo tenetur manifestare quod sub secreto, vel gratia consilij, vel auxilij accepit. Item nullus tenetur testari, dum inde sibi aut suis graue damnum timet. Nullus quoque per se loquendo tenetur offerre se ad testandum; quoties suo dicto causa esset mortis alterius; secus si iuridicè interrogetur. Item nō tenemur ex iustitia, sed ex charitate offerre nos ad testandum in alterius utilitatem, præciso pacto vel officio. *s. 2. fol. 480. n. 4. & seq.*

12. Pro

12. Probabiliter defendi potest cum non peccare contra iustitiam, sed contra obedientiam, qui post citationem fugit ne testimonium ferat: neque testis tenetur ex iustitia iurare se veritatem dicturum dum interrogatur à iudice, nam iudex nullam ei iustitiæ obligationem imponit. *tem. 2. fol. 481. num. 13.*

Testis qui adhibita morali diligentia quæ ad debitè recordandum debitèque testandum requiritur, perniciosam falsitatem dixit inaduertenter, ex obliuione, vel ex alia causa excusante ab omni peccato, non tenetur ad vllam restitutionem damnorum quæ alter passus est ob ipsius testimonium: secus si cum culpa, & antequam sufficienter probatum esset delictum *ibid. n. 15.*

13. Is cuius falso testimonio inferenda est alteri mors, tenetur falsum retractare etiam cum periculo similis pœnæ, modò peccauerit in falso testimonio ferendo, & credat retractationem profuturam: testis autem qui veritatem negauit, non tenetur se iterum offerre ad manifestandum, nisi damnum pendeat in futurum. *tem. 2. fol. 482. num. 16. & 17.*

14. Accipiens pecuniam pro vero testimonio ferendo, non tenetur ad restitutionem; accipiens verò pro falso, tenetur ad restitutionem pecuniæ ante factum; post factum verò tenetur ad restitutionem damni suo falso testimonio illati. *ibid. num. 18.*

Testis curare potest vt sibi reficiatur dampnum emergens & lucrum cessans pro tempore quo se causa ferendi testimonij detinuit. *ibid. n. 19.*

15. Dum testes actoris & rei adinuicem discordes sunt circa substantialia, iudicandum est in fauorem rei; cum possessio stet pro ipso, &

6 *Accusator, Reus, Testis, &c.*

nullus præsumatur nocens nisi probetur. *tom. 2. fol. 482. num. 20.*

16. Quilibet Aduocati officium exercere potest, modo illud exercere valeat, & à iure non repellatur; quia actus patrociniandi liber est. *tom. 2. fol. 483. num. 1.*

17. Aduocatus tenetur gratis patrocinari pauperi extrema, vel etiam graui necessitate laboranti ipsiusque opera indigenti, dum nullus alius patrocinium præstiturus est. Quod si cliens causa cadat ob Aduocati negligentiam culpabilem, vel imperitiam, Aduocatus peccat contra iustitiam, & tenetur ad restitutionem clientis. Adde eum quoque teneri ad restitutionem omnium damnorum quorum fuit causa, causam iniustam defendendo. Idem dicendum quando manifestat parti contrariæ secreta causæ, ob quorum manifestationem cliens causam perdidit, quam alioquin licitè vicisset: hoc tamen limita, nisi fortè periculum sit, vt pars contraria graue damnum iniquè pariat. *tom. 2. fol. 483. num. 2. & seq.*

18. Aduocatus potest tueri causam actoris aut rei, dum vtraque pars est probabilis; quamuis altera pars quam ipse non defendit, probabilior sit. *tom. 2. fol. 484. num. 8.*

19. Procurator aut Aduocatus percipere potest pretium seu stipendium taxatum à lege, vel consuetudine, vel iudicio prudentis viri; nisi maius liberaliter donetur; non licet tamen ipsis pacisci de quota litis, vt de medietate, &c. quanquam licitum est absolutè pacisci de tanto pretio soluendo, siue causa obtineatur, siue non; tunc enim cessat periculum fraudis. Imo Aduocatus potest integrum stipendium sibi pro lite promissum recipere, etiamsi cliens litem inchoatam deserat, si

si non fuit habita ratio temporis. *tom.2. fol.484. num.9. & seq.*

20. Adde posse adhuc eum integrum sibi stipendium retinere, si alium Procuratorem vel Aduocatū idoneum substituat, assignata illi dimidia solum, vel tertia stipendij parte, reliqua sibi retenta; modò hoc faciat sine damno eorum, quorum patrocinium suscepit. *tom.2. fol.485. n.12.*

21. Procurator seu Aduocatus, cui Notarius, v.g. acta gratis concessit non intuitu Procuratoris, sed quia ita visum fuit in honorem Dei, vel ob alium finem, non potest sibi salarium Notario debitum retinere, neque petere à cliente. *ibid. num.13.*

22. Procurator qui litigantis causam non conductus suscepit animo mercedis obtinendæ, potest peracta causa stipendium quod alioquin alteri Procuratori traditum fuisset, petere. *ibid. n.14.*

Acedia.

Vide v. *Charitas.*

Adiuratio.

1. Adiuratio est contestatio rei sacræ, cuius reuerentia intendimus alterum promouere ad aliquid præstandum. Duplex est, nempe deprecatiua quæ fit deprecando; & imperatiua quæ fit præcipiendo. Dæmon non adiuratur adiuratione deprecatiua, sed solum Deus, sancti & homines. Sola rationalis creatura cōgruenter adiurari potest, videturque peccatum mortale ex suo genere directò, adiurare creaturas, quanquam ratione bonæ fidei, vel leuitatis materiæ vtr plurimum est tantummodo veniale. *tom.2. fol.333. n.1. & seq.*

A 4

2. Non

2. Non licet adiurare dæmones, vt opem ferant ad fugandas grandines, & similia, quia non licet beneficium à dæmone expectare. Facultas adiurandi & expellendi dæmones pertinet ad solos Clericos ordine exorcistatus insignitos, quoribus adiuratio fit secundum ritum exorcismorum; & iuxta formam præscriptam ab Ecclesia. A dæmone humanum corpus obsidente licitum est tantum ea petere, quæ spectant ad aliorum vtilitatem, vel ad ipsum expellendum. *ibid. num. 5. & seq.*

3. Qui ex leuitate aut curiositate aliquid imperatiue à dæmone petit, non verò deprecatiue, non peccat mortaliter; modò longi sermones, præsertim vani non adhibeantur; vel modò hoc non fiat causa aliquid addiscendi à dæmone; vel modò non sit periculum detegendi alicuius occultum peccatum; vel modò certa fides illi non præstetur. Sacerdos non potest dæmoni præcipere sub pœna excommunicationis vt exeat, neque terminos iudiciarios præscribere ad exeundum, quia dæmon non est capax excommunicationis. *tom. 2. fol. 334. num. 8. & seq.*

4. Adiuratio differt à iuramento, quod in iuramento adducitur Deus in testem, in adiuratione verò adducitur Deus seu res sacra, vt eius amore vel timore res petita obtineatur. *ibid. num. 11.*

5. In adiuratione peccatum committitur, quoribus sine debita reuerentia & necessitate adiuratur Deus aut sancti, aut adiuratur ad rem aliquam illicitam; aut quando falsus Deus adiuratur, vt Iupiter, Bacchus, &c. aut quando adiuratio fit sine voluntate obtinendi quod petitur per Dei nomen. *ibid. num. 12.*

6. Adiurans dæmonem non peccat adhibendo
iuram.

Adulterium.

rutam, flagella, &c. in contemptum dæmonis, secus si adhibeat quasi vim naturalem habeant ad fugandos dæmones. Item adiurans cōniuen- do pactioni dæmonis, seu ei aliquid permitten- do è corpore egressuro, peccat, si dæmoni rem malam concedat. Potest tamen à dæmone egres- suro è corpore petere aliquod signum, quo indi- cet se è corpore egredi, & non rediturum; quia licitè petuntur ea quæ conducunt ad fugandum dæmonem. *ibid. num. 13. & seq.*

7. Vno dæmone (saltem superiore) expulso, vt plurimum omnes exeunt, & sicut per quamlibet corporis partem potest dæmon ingredi, ita & egredi; cum sit spiritus & quantitate careat. *t. 2. fol. 335. num. 16.*

8. Dæmon non ita corpus obsidet vt semper vexet, vel semper in corpore resideat; sed dicitur obsidere, quia tempore ferè imperceptibili adest ad illud vexandum, & suam potestatem exercen- dum cruciando & affligendo. *ibid. num. 17. & seq.*

Adorare, Adoratio.

Vide v. *Decalogus.*

Adulterium.

Vide v. *Decalogus.*

1. Adulterium est accessus ad alienum thorum, seu illius violatio. Ad adulterium requiritur, vt saltem vnus eorum qui adulterium committit, sit coniugatus: erit autem adulterium multo gra- uius peccatum si vterque sit coniugatus; duo- bus enim fit iniuria, & duplex thorus violatur: vel quando fœmina coniugata concreditur cum duobus viris solutis, quàm si vir coniugatus co-
A 5 pulam

pulam habeat cum duobus fœminis solutis. *t. i. fol. 466. num. 1. & seq.*

2. Pœnæ adulterij sunt vt vxor adultera amittat dotem, arrhas & munera propter nuptias: deinde vt possit fieri diuortium ab adultero. *t. i. fol. 467. num. 6.*

3. Adulter qui filium ex adulterio susceptum indubitanter credit esse suum, tenetur in solidum cum matre ad restitutionem damnorum quæ patitur verus maritus & filij legitimi, vel hæredes; propterea adulter tenetur ad restitutionem alimentorum prolis spurix, saltem post tertium natiuitatis annum: si tamen probabiliter credat prolem non esse suam, non tenetur ad restitutionem. *ibid. num. 8. & 9.*

4. Quando duo carnaliter cognouerūt aliquam solutam, ex qua suscepta est proles, sed dubitatur cuiusnam sit proles suscepta, vterque tenetur alere pro sua parte, & altero nolente, tenetur alter in integrum. Præterea adulter tenetur ad restitutionem alimentorum, quæ facta fuerunt ab hospitali domo in alenda prole spuria, modò adulter non labore egestate. Adde debere adhuc adulterum resarcire damnum dotis & hæreditatis quod legitimis hæredibus infertur. Militat eadem ratio in casu quo vnus aut vna supposuit partum cum præiudicio veri mariti, aut legitimorum hæredum. *ibid. num. 10. & seq.*

5. An verò adulter teneatur ad aliquam restitutionem præcisè ratione adulterij, quamuis non suscepit filium ex adulterio, sunt qui affirmant, sunt qui negant. *tom. i. fol. 468. num. 15.*

6. Adultera honestæ conditionis, aut quæ passim pro tali habetur, non tenetur manifestare adulterium cum periculo vitæ suæ vel famæ, ad
impe

Alienatio bon. Ecclesiasticorum. II

impediendum ne filij legitimi damnum in hæreditate licet ampla patiantur; debet tamen si potest damnum aliunde compensare, aut spurium ad religionem inducendo, aut tradendo aliis filiis bona paraphernalia. *ibid. num. 17. & seq.*

7. Filius non tenetur credere matri asserenti etiam cum iuramento, aut in articulo mortis ipsum esse spurium, si mater tempore conceptionis habitabat cum viro, consequenter filius non tenetur abdicare à se hæreditatem.

8. Quare caueat Confessarius ne ultra modum compellat adulteram in articulo mortis detegere suum adulterium, raro enim prodest detectio adulterij. Nec est consulendum, ut adultera detegatur post mortem per Confessarium, quia periculum est ne proles adulterina, vel Confessarius ipse occidatur. *ibid. num. 21. & seq.*

Aduocatus.

Vide v. *Accusator.*

Affinitas.

Vide v. *Matrimonium.*

Alienatio bonorum Ecclesiasticorum.

Vide v. *Feudum.*

1. Alienatio bonorum Ecclesiasticorum vetita est, primò iure naturali diuino, annexo iuramento, si loquamur de Summo Pontifice, & de Cardinalibus respectu bonorum Sedis Apostolicæ, aut de Episcopis & Prælatiis respectu bonorum suæ Ecclesiæ. *tom. I. fol. 1045. num. 1.*

2. Secundò vetita est iure Cæsareo in l. *inbe-*
mus, &c. Tertiò iure Canonico pluribus in locis, præsertim in Concil. Trid. *sess. 25. cap. 11. & in*

12 *Alienatio bon. Ecclesiasticorum.*

extrauag. Ambitiosa, de rebus Ecclesia non alienandis. Hoc tamen intelligitur & limitatur primo nisi alienatio fiat ex iusta causa, & cum debita solemnitate; vel ad breue tempus locationis, aut in causa emphyteusis in casibus à iure permissis; vel nisi alienatio fiat de re leuis momenti, aut rerum quæ seruando seruari non possunt; aut nisi fiat bona fide; aut nondum perfecta sit alienatio; & ab eo qui bonorum administrationem habet. *ibid. num. 1. & seq.*

3. Nomine autem *alienationis* hoc in loco intelligitur actus, quo dominium rei directum vel utile, aut vsusfructus, aut ius in alterum transfertur, vel abdicatur. Bona immobilia Ecclesiastica, & mobilia pretiosa quæ seruando seruari possunt, hac extrauaganti alienari prohibentur: bona verò mobilia & pretiosa quæ seruando seruari non possunt, ab Episcopo aut administratore possunt vendi sine alia solemnitate: vnde valida est alienatio vini, frumenti, olei, ouium, caprarum, &c. facta sine solemnitate. Oblationes quoque factæ sacræ imagini possunt de licentia solius Episcopi alienari. *tom. 1. fol. 1047. num. 1. 2. 3. 4. & 6.*

4. Pecunia Ecclesiæ, mutuo dari, aut in alios vsus alienari prohibetur, quàm in eos, ad quos destinata est. Item arbores solo adhærentes, seu quæ radices solo egerunt & durioris ligni sunt, non possunt incidi sine debita solemnitate. Inualidus est similiter contractus, quo quæuis bona Ecclesiastica (etiam bona Confraternitatis, Collegij, Hospitalis auctoritate Episcopi fundati) alienantur sine debitis solemnitatibus. *tom. 1. fol. 1048. num. 5. 7. & seq.*

5. Vsus Capellæ cum sepultura alicui concedi potest

Alienatio bon. Ecclesiasticorum. 13

potest ad vsum sine debita solemnitate, cum hoc non sit alienare. *tom. 1. fol. 1050. num. 12.*

6. Commendæ S. Ioannis Hierosolymitani, aut alia; item bona monasterij non possunt alienari sine assensu Apostolico; sicut neque ius patronatus Ecclesiasticum transferri in laicum absque debita solemnitate. Similiter in retrovenditione rei ab Ecclesia emptæ requiritur dicta solemnitas. *ibid. num. 13. & seq.*

7. Denique ut bona incorporalia, iura & actiones & seruitutes Ecclesiæ alienentur; aut ut res non solitæ tradi in emphyteusim, aut feudum licet infendantur, aut emphyteuticentur; aut ut bona immobilia, vel mobilia pretiosa oppignerentur, vel hypothecentur requiritur dicta solemnitas. *ibid. num. 19. & seq.*

8. Bona patrimonij, ad quorum titulum quis ordinatus fuit, non possunt alienari absque Episcopi licentia, donec Clericus, qui ad titulum illorum fuit promotus, adeptus fuerit beneficium Ecclesiasticum; vel aliunde habeat, ex quo vivere possit; quamvis huiusmodi bona ipso mortuo pristinam retineant libertatem. *tom. 1. fol. 1052. num. 28.*

9. Res Ecclesiæ pretiosæ, quæ seruando seruari possunt, non possunt locari ad longum tempus, videlicet ultra triennium; & locatio beneficij ultra triennium, inualida est, etiamsi firmetur iuramento. *tom. 1. fol. 1051. num. 24. & seq.*

10. Lampades argenteæ, & his similia, non possunt alienari (seclusa in contrarium consuetudine) ut earum pretium conuertatur in fabricam necessariam Ecclesiæ, aut in alium vsum. *tom. 1. fol. 1052. num. 30.*

11. Prælati potest validè repudiare legatum relictum

14 *Alienatio bon. Ecclesiasticorum.*

relictum Ecclesiæ non seruata solemnitate requisita ad alienationem, nam Prælatus repudiando legatum nondum acceptatum, nō dicitur alienare bona Ecclesiæ. *tom. 1. fol. 1053. num. 33.*

12. Quæres vtrum valida sit cessio hæreditatis nondum aditæ facta à Prælato sine debita solemnitate in fauorem alterius? Respondetur negatiuè, si fiat in fauorem extranei, ad quem hæreditas non perueniret, sed solum peruenit eo quod Ecclesia sua iura illi cedat. *ibid. num. 34.*

13. Quatuor causæ assignantur à Doctõribus, propter quas alienatio bonorum Ecclesiasticorum licitè & validè fieri potest; videlicet necessitas vrgens, pietas, vtilitas euident Ecclesiæ, & quando Prælatus credit subesse legitimam causam, licet postea comperiat non fuisse legitimam causam. *ibid. num. 1.*

14. Solemnitates requisitæ ad alienationem bonorum mensæ Episcopalis, aut Ecclesiæ Cathedralis, vel Collegiatæ, præter iustam causam, sunt hæ: vnus saltem tractatus, id est discussio quæ fit allatis rationibus pro & contra, vtrum expediat huiusmodi bona alienare: post tractatum requiritur consensus expressus maioris partis capituli, eorum scilicet qui sunt præsentēs: non est necesse vt hic consensus præstetur à Canonicis in communi, sed sufficit si præstetur singulariter: præterea ad dictam alienationem requiritur consensus Superioris: & alienantes ante consensum Superioris, dicendo, *saluo superioris assensu*, non excusantur, cum hæc protestatio sit contraria facto. Potest tamen Prælatus res modicas & paruæ vtilitatis alienare absque consensu, & tractatu particulari. *tom. 1. fol. 1054. num. 1.*

& seq.

15. In

Alienatio bon. Ecclesiasticorum. 15

15. In alienatione bonorum Ecclesiæ Cathedralis, iure antiquo requiritur facultas Sedis Apostolicæ, ut sit licita, etiam si Episcopus in consecratione iuret se id non facturum inconsulto Pontifice. *tom. 1. fol. 1055. num. 6.*

16. Consensus Summi Pontificis licet suppleat solemnitates iure antiquo requisitas, non tamen supplet causam, nisi exprimatur. *ibid. num. 7.*

17. Ad validam alienationem bonorum Ecclesiæ carentis Collegio requiritur consensus rectoris Ecclesiæ cum consensu Episcopi; imo etiam cum assensu Summi Pontificis post extrauagantem *Ambitiosa*. Per *Collegium* autem intellige non solum communitatem Canonicorum, sed etiam beneficiariorum illius Ecclesiæ. *tom. 1. fol. 1056. num. 9. & 10.*

18. Res legata alicui Ecclesiæ cum conditione ut alienari possit, non potest reuera alienari sine prædicta solemnitate; quia hæc conditio habetur pro non apposita: & e contra, res legata cum conditione ut nullo in casu alienari possit, quit nihilominus alienari ex iusta causa cum debita solemnitate. *ibid. num. 11. & 12.*

19. Petes utrum incurratur pœna caducitatis adiecta rei quæ donata fuit Ecclesiæ cum hæc conditione, *ut non alienetur*, alioquin ad donatoris hæredes deuoluatur? Resp. pœnam caducitatis incurrere, quoties alienatur absque iusta causa, & sine debita solemnitate, ac consensu Sedis Apostolicæ; quia quilibet est rei suæ moderator & arbiter. *ibid. num. 13.*

20. Contractus alienationis bonorum Ecclesiæ sine debita solemnitate inualidus est in foro externo & interno, etiam si celebratus sit in fauorem Ecclesiæ; resque accepta sine prædicta solemnitate,

16 *Alienatio bon. Ecclesiasticorum.*

Iemnitate, restituenda est loco pio, ad quem ante alienationem pertinebat. *ibid. num. 14. & 15.*

Quæ persona pœnam incurrant ratione alienationis bonorum Ecclesiasticæ.

21. Omnes & singuli Ecclesiastici saculares & regulares, res, Ecclesiæ malè, & scienter alienantes, excommunicationem incurrunt: Episcopi verò & Abbates interdicto vel suspensione puniuntur. Neque excusatur ab hac censura qui alienauit bona Ecclesiastica, sed pœnitentia aut alio titulo ductus, alienationem reuocauit ante zealem & pacificatam traditionem; quanquam multi Doctores contrariam opinionem non improbabiler defendant. *tom. 1. fol. 1057. n. 1. & 2.*

22. Etiam Cardinales subiiciuntur legibus & pœnis contra alienantes bona Ecclesiastica impositis, quia cum subiiciantur legibus fauorabilibus, æquum est eos etiam subiici odiosis. Addo eos teneri vinculo iuramenti de non consentiendo alienationi bonorum Sedis Apostolicæ. *tom. 1. fol. 1058. num. 5. & 6.*

23. Quæres an Summus Pontifex alienans bona Ecclesiastica, ligetur his pœnis & censuris? Respondetur quod non; tum quia par in parem non habet imperium, tum quia legislator non tenetur suis legibus quoad vim coactiuam. *ibid. num. 8.*

24. Peccatne saltem contra iuramentum alienando bona Ecclesiastica? Respond. peccare contra iuramentum alienando, seu infeudando castra, ciuitates, dominia Sedis Apostolicæ, nisi iuramenti vinculum sibi prius relaxet, secumque dispenset in iuramenti vinculo; intellige si habeat

Alienatio bon. Ecclesiasticorum. 17

beat iustam causam dispensandi, alioqui dispensatio irrita est. *tom. 1. fol. 1059. num. 1. & seq.*

25. Summus Pontifex alienans bona Ecclesiastica cum damno Ecclesiarum, peccat contra iustitiam, nisi alienet ex iusta causa (qualis est communis necessitas, vel publica utilitas) quæ in alienatione facta à Summo Pontifice semper est præsumenda in foro conscientie, nisi oppositum constet. *tom. 1. fol. 1059. num. 1.*

26. Probabile est alienationem bonorum Ecclesiæ factam à Summo Pontifice etiam sine causa validam esse; at tenetur ad restitutionem damni illati per dictam alienationem. *tom. 1. fol. 1060. num. 4. & 5.*

27. Donatio seu alienatio gratuita facta à Papa in laicos de bonis Ecclesiæ sine iusta causa valida est, sed iniusta; & accipiens hæc bona, potest excusari à restitutione propter bonam fidem. *tom. 1. fol. 1061. num. 10. & 11.*

28. Papa spolians innocentem beneficio, illud alteri conferendo, etiam si spoliatum alia ratione compenset, peccat contra iustitiam. *ibid. n. 12.*

Idem sentiendum si alienet bona unius Ecclesiæ in aliam sine causa; secus si alienet alienatione compensatiua; nam tunc non peccat regulariter contra iustitiam. *tom. 1. fol. 1060. n. 7. & 9.*

29. Validæ sunt reuocationes bonorum iam alienatorum factæ à Pontifice alienante, vel ab eius successore. Imo tenetur eas irritare, si aduertat factas fuisse in detrimentum Ecclesiæ, cui alia ratione satisfieri nequeat, quam alienationes irritando. *tom. 1. fol. 1062. num. 15.*

30. Qui aliquid à Summo Pontifice accepit in damnum Ecclesiarum, tenetur restituere rem acceptam, vel saltem id in quo factus est locupletior,

tior, si à Pontifice interpelletur, vel alienatio reuocetur, & irritetur. *ibid. num. 16.*

31. Commissarij vel delegati à Sede Apostolica facultatem alienandi bona Ecclesiastica in detrimentum Ecclesiae concedentes, subiiciuntur excommunicationi, modò sint inferiores Episcopis: Episcopi verò, aut superiores Episcopis incurrunt suspensionem per annum ab executione officij; quanquam ista excommunicatio & suspensio non est reseruata Summo Pontifici. Contrà verò procurantes dolosè vel scienter huiusmodi alienationem aut decretum alienationis, lata est excommunicatio Summo Pontifici reseruata; incurriturque praefata excommunicatio etiam nondum secuta alienatione. *tom. 1. fol. 1062. num. 1. & seq.*

32. Petes, an Commissarij, vel delegati excommunicationem contrahant statim post decretum, etiam si alienatio nondum secuta sit? Resp. affirmatiuè, cum ipsi ex sua parte fecerint actionem ex sua natura damnificatiuam. *tom. 1. f. 1063. num. 5.*

Apostata.

Vide v. *Religiosus, Monialis.*

1. Apostata dicitur qui à vera religione discedit, animo deferendi statum religiosum, seu intentione non redeundi ad religionem. Et hoc verum est siue discesserit cum habitu, siue non. *tom. 1. fol. 912. num. 1.*

2. Nouitius non est Apostata deferendo religionem, quia non discedit à statu verè religioso cum nondum professionem in religione emisserit. Idem sentiendum est de nonnullis mulieribus, quas alicubi *Beatas*, alibi *Tertianas*, alibi *Virgines*

fulinas vocant; & de Monialibus Turris Speculorum in Vrbe, quæ non sunt propriè religiosæ. *ibid. num. 2. & 3.*

3. Transiens ad aliam religionem, non est propriè apostata, etiam si forte transeat ad laxiorem; cum hic non habeat simpliciter animum recedendi à statu religioso. *ibid. num. 4.*

4. Fugitiuus non est idē cum apostata: fugitiuus enim à religione dicitur, qui à monasterio ad tēpus discedit, non animo recedēdi à religione, sed intentione postea redeundi; vt si fugiat ob Prælati metum & rigorem, vel ob vagandi voluntatem, aut alia simili de causâ. Et hoc verum est siue fugiat cum habitu, siue illo dimisso, siue etiam in carcere inclusus sit, aut pēpetuo carcere damnatus cum recedat à monasterio absque debita licentia: secus dicendum de eo qui ē triremibus fugit vt pœnas triremium euadat, aut de eo qui confugit ad Superiorem absque licentia immediati Prælati, vt ab iniqua eius vexatione liberetur. *ibid. num. 5. & seq.*

5. Prælati religionum tenentur per se loquendo fugitiuos & apostatas, aut etiam eiectos data opportunitate reuocare, si spes subsit emendationis; tenentur enim ex officio saluti subditorum consulere; & si non reuocent annuatim fugitiuos vel eiectos, si spes subsit emendationis, priuationem officiorum, & alias pœnas in decreto sacre Congregationis expressas incurrunt. *rom. 1. fol. 913 num. 1. & 2.*

6. Apostata & fugitiuus à religione vbiq̃ue capi potest à suo Superiore, etiam extra suum monasterium & territorium: & si habitu dimisso apostata prætendat irritam fuisse professionem suam, non gaudet priuilegiis religionis; secus si
cum

cum habitu recessit siue licitè siue illicitè ; tunc enim adhuc gaudet priuilegiis toti religioni concessis , quia non extat ius in contrarium. *l. 1. fol. 914. num. 1. 2. & 3.*

7. Apostata vel fugitiuus priuatur alimentis seu iure alimentorum quæ religio ei exhibuisset ; quia pater non tenetur alere filium sua culpa discedentem : ergo neque religio tenetur religiosam à religione fugientem alere. *tom. 1. f. 915. num. 4.*

8. Apostata eligi potest in Abbatem vel Superiorem peracta pœnitentia , nisi obftet alia circumstantia aut aliud impedimentum ; aut nisi aliud ferant constitutiones ac priuilegia religionis. *ibid. num. 5.*

9. Apostata iure communi excommunicationem non incurrit propter apostasiam præcisè , cum ista excommunicatio in iure non reperiatur. Dicitur *iure communi*, quia apostatæ in nonnullis religionibus ex peculiari priuilegio ipsarum religionum sunt excommunicati, vt patet ex priuilegiis Societatis IESV concessis à Gregorio XIII. anno 1584. in Bulla *Ascendente Domino. tom. 1. fol. 916. num. 1. & 2.*

10. Apostata à religione, repellitur ab ordinum susceptione, & ab exercitio illorum quos apostasia tempore suscepit, consequenter suspensus est, vel potius irregularis : neque potest dimissa apostasia ad Superiorem promoueri ante dispensationem Summi Pontificis , ad quem pertinet absolutio suspensionis latæ contra apostatas. *ibid. num. 4. & 10.*

11. Apostatæ religionum participantium priuilegia Societatis IESV non sunt excommunicati, præcisè suæ religionis priuilegiis. *ibid. n. 3.*

12. Tran

12. Transiens seu aduolans ad aliam religionem, ibique sacrum ordinem suscipiens, non est suspensus ab exercitio illius ordinis, siue illa religio sit arctior, siue laxior. *tom. 1. fol. 97. n. 6.*

13. - Detinens apostatas, non videtur reus excommunicationis in genere loquendo, nisi admonitus ab ordinario loci eum dimittere nolit, iuxta Pauli IV. constitutionem. *tom. 1. fol. 918. num. 1.*

14. Religiosus potest iusta concurrente causa ob religionis vtilitatem à monasterio expelli, ita *cap. quia 31. distinct.* non potest autem expelli ab eoque iusta causa seu incorrigibilitate, & religiosus iniuste expulsus à religione petere potest alimenta futura, non verò præterita, nisi fortè debitum contraxerit ad se alendum. *tom. 1. f. 918. num. 1. 2. & 4.*

15. Expelli non potest religiosus, qui celato aliquo vitio professionem validam emisit, cum deceptio non sit circa substantialia religionis ut suppono. Item neque expelli potest virtute privilegiorum religioni concessorum, nisi privilegia post decretum congregationis iterum confirmata vel concessa fuerint. *tom. 1. fol. 920. n. 7. & 8.*

16. Monialis non potest à monasterio ob incorrigibilitatem eiici, sicut vir religiosus; quia publico religionis bono expedit ut monialis à monasterio non excludatur. *ibid. num. 9.*

17. Religio præclarissimæ Societatis IESV laudabiliter & sine ullius iniuria institui potuit, ut hac cōditione Reuerendissimo P. Generali libera facultas competat expellēdi religiosos post biennij vota. Ratio est, quia volenti & scienti nulla sit iniuria. Patres autem Societatis scientes & volentes



volentes hoc grauamen, admittuntur ad professionem; ergo, &c. *ibid. num. 11.*

18. Religiosus Societatis Iesv liber remanet ab obligatione votorum, postquam à religione dimissus fuit: modò dimissus non fuerit ob fraudem, vel ob peccata hac intentione commissa vt expelleretur: nam si hoc pacto dimissus fuit, non videtur liber remanere ab obligatione votorum, quia illa dimissio seu licentia irrita est & inualida, vtpote per dolum dante[m] ipsi causam obtenta. *tom. 1. fol. 921. num. 13.*

19. Religiosus qui eiectus est à religione tenetur suos deprauatos mores corrigere & emendare, vt iterum admittatur, alioqui per ipsum fiat, ne votum perseuerantiæ in religione adimpleat. Quod si in religionem iterum recipiatur, admittendus non est in eodem loco & gradu quem antea obtinebat, in punitionem delicti commissi. *tom. 1. fol. 922. num. 1. & 2.*

20. Religiosus professus à religione eiectus, tenetur (excipe Religiosos Societatis Iesv) vota religionis substantialia seruare, quia adhuc est religiosus professus; ita vt si à Superiore repetatur, teneatur redire, & ad id cogi possit. Eiectus expendens aliquid inutiliter, non peccat contra paupertatis votum iuxta sententiam nonnullorum Doctorum, quia eiectis permittitur, dum viuunt, administratio bonorum ac si religiosi non essent. *ibid. num. 1. & seq.*

21. Religiosus eiectus, qui iam emendatus est, sed desperat fore, vt ad primam religionem admittatur, potest propria auctoritate (sed cogi non potest) absque vlla licentia aliam ingredi æque perfectam, vel etiam laxiorem. Quod si eiectus fuit, in perpetuum, non tenetur aliam religio

religionem ingredi, nisi fortè eiectus fuerit cum hac conditione vt ad aliam transfret. *tom. 1. fol. 924. num. 1. & seq.*

22. Religiosus eiectus non tenetur ex voto obedire Episcopo, sed tanquam subditus iurisdictioni illius in cuius diocesi habitat. *tom. 1. fol. 925. num. 1.*

23. Religiosus eiectus à religione, si priuatus fuit habitu, non potest illum deferre, quia sententiæ iustæ obedire tenetur; si verò cum habitu expulsus fuit, tenetur illum deferre, quia adhuc est religiosus. *ibid. num. 2.*

24. Religiosus professus à religione eiectus, suspensus remanet, ita vt repellatur ab exercitio ordinum, sitque irregularis quando delictum grauissimum & notorium commisit; nec absolui potest nisi à Summo Pontifice. *tom. 1. fol. 926. num. 1. 4. & 5.*

Affecuratio.

Vide v. *Fideiussio.*

1. Affecuratio est contractus quo quis ob pretium, vel aliud interesse, vel gratis suscipit in se periculum rei alienæ, obligando se ad illius compensationem si perierit, ita vt teneatur ad compensationem totius si tota res perierit, vel ad restitutionem partis si pars tantummodo perierit. Et hic contractus non est usurarius, sed licitus, modò iustum intercedat pretium cum ratione periculi, & seruatis sequentibus conditionibus; videlicet vt adsit æqualitas inter pretium datum affecuranti, & obligationem quam affecurator in se suscipit; consideratis circumstantiis temporis, loci, & personarum; vt qui perit affecuratorem non cogat alterum ad contractum affecurationis

rationis secum ineundum; ut affecurator ab eo qui petit affecurationem admoneatur de veris periculis quibus res affecuranda subiacet; ut res de qua contractus affecurationis initur, existat; imò ut res non solum subsistat, sed etiam sit periculo exposita, alioquin si affecurator sciat contractum, rem ex.gr. peruenisse ad portum, vel ad terminum, ad quem erat deferenda, nihil accipere potest. Ex his patet mercatorem inualidè contrahere, qui sciens nauim periisse, petit affecurationem; quia adest dolus ex parte ipsius, qui eo ipso quò petit affecurationem, indicat rem non periisse, vel se existimare rem non periisse.

tom. 2. fol. 854. num. 1. & seq.

2. Inualidus est contractus affecurationis, quando quis aliquid affecurat, fingens se habere bona ad satisfaciendum, re pereunte, cum reuera non habeat, nec breui speret habere; quia dolus dat causam contractui. *tom. 1. fol. 856. num. 4.*

3. Quæres utrùm vita possit affecurari, sicut possunt affecurari merces? Respondetur, vitam posse affecurari ad certum aliquod tempus, ut si mutuauit alicui amico pecuniam ad 5. annos, quem timeo moriturum intra hos 5. annos, possum vitæ illius affecuratorem petere, traditis ex.gr. affecuratori quinque pro centum; sic enim tam affecurans, quam affecuratus subit æquale periculum lucrandi & perdendi. *ibid. num. 6.*

B

Baptismus.

Vide v. *Sacramentum.*

¶ **N**omen *Baptismi*, significat ablutionem, seu potius immersionem in aquam, quia

quia per Baptismum sordes peccatorum abluuntur, & purgantur; & quamvis propriè loquendo vnus tantum sit Baptismus, nihilominus si metaphoricè, & minùs propriè loquamur, triplex est Baptismus, fluminis, flaminis, & sanguinis, quorum quilibet appellatur Baptismus, quia Baptismi vices supplet. *tom. 1. fol. 39. v. Baptismus.*

2. Baptismus flaminis, est pœnitentia, seu dolor perfectus de peccatis ob Dei amorem. *ibid.*

3. Baptismus sanguinis, est martyrium, ideò sic dictum, quod efficiat effectus Baptismi, & illius vices aliquando suppleat. *ibid.*

4. Baptismus fluminis est verus, & proprius Baptismus, & verum ac proprium Sacramentum; & quoniam incidit mentio martyrij, videndum obiter quid sit martyrium, & quid ad ipsum requiratur. *ibid.*

5. Martyrium est passio, seu cruciatus lethalis susceptus pro Christi fide, aut pro vera virtute. Conditiones ad martyrium requisitæ sunt, vt in adultis adsit voluntas suscipiendi martyrium, simul cum attritione supernaturali, si adultus habeat peccatum mortale; deinde qui patitur martyrium, debet pati ob honestam causam, vel ob conseruationem fidei Catholicæ, & religionis Christianæ, vel castitatis, vel immunitatis Ecclesiasticæ, vel alterius veræ virtutis, præterea est necessaria passio seu cruciatus lethalis illatus in odium Christi, vel in contemptum fidei. *tom. 1. fol. 40. num. 1. 5. & seq.*

Martyrium confert gratiam ex opere operato, tribuitque remissionem omnis culpæ, & pœnæ. *tom. 1. fol. 42. num. 1. & 4.*

6. Baptismus est sacramentum consistens in ablu-tione corporis exteriori, sub præscripta verbo-

rum forma à Christo instituta ad regenerationem spiritualement. Institutus fuit Baptismus Matthæi 3. quando Christus baptizatus fuit in Iordane à Ioanne ; non verò post resurrectionem, quando Christus dixit Discipulis suis : *Ite, docete omnes gentes, baptizantes eos, &c.* tom. 1. fol. 43. num. 1. & seq.

7. Baptismus est non solum necessarius necessitate medijs, verum etiam necessitate præcepti, quia sine Baptismo in re vel in voto, non potest salus obtineri, obligatque adultos, ut quamprimum, moraliter loquendo, commodè & dignè possunt, Baptismum recipiant, vel saltem non multo tempore differant. Hinc fit, ut pater curare teneatur, ut filij & domestici quamprimum baptizentur : & Catechumenus, quamvis sit in gratiâ constitutus per actum contritionis, tenetur sub mortali recipere Baptismum, oblatâ opportunitate; nec saluantur pueri si moriantur ante realem Baptismi, vel martyrij susceptionem; imò verò tenetur infans etiam iustificatus in utero matris ex priuilegio recipere Baptismum. tom. 1. fol. 44. num. 3. & seq.

8. Hæc tam stricta Baptismi recipiendi obligatio incepta generaliter, & quoad omnes post sufficientem promulgationem Euangelij, factam vniuerso mundo, quæ fuit in die Pentecostes; vel ut alij etiam probabiliter volunt, post excidium Hierusalem, anno scilicet quadagesimo, post Christi passionem; quamvis respectu aliquorum, quibus Baptismus fuerat promulgatus, obligatio Baptismi inceperit ante illud tempus. tom. 1. f. 45. num. 10. & seq.

Materia

Materia Baptismi.

9. Materia remota Baptismi est aqua naturalis : dico, *naturalis*, ad excludendam ceruissiam, sudorem, lac, urinam, lacrymas, sputum, seu saliuam, aquam rosaceam, aquam distillatam, aquam à vite profluentem, aut alium liquorem artificialem specie differentem ab aqua naturali. *tom. I. fol. 46. num. 1. & 2.*

10. Validè ergo baptizat, qui utitur aqua maris, putei, fontis, pluuiæ, balnei, etiam si ex sulphure, aut cinere defluat; siue aqua calida sit, siue frigida, siue tincta colore, siue densa, &c. siue profluxerit à niue, aut à gelu, aut à sale (sal enim fit ex aqua naturali salsa) secus dicendum de glacie non liquefacta, quæ sic abluere non potest. Nec debet aqua naturalis ita alterata & mixta esse cum alio corpore, aut liquore, ut amplius non sit apta ad abluendum, qualia sunt brodium, aut lixiuium bene decoctum, aut lutum, aut similia, quæ nequeant amplius aqua denominari. *tom. I. fol. 46. num. 3. & seq.*

Neque potest minister Baptismi, seclusa iusta necessitate adhibere quamlibet aquam naturalem, veram, & puram, sed aquam sacrorum fontium. Et materia Baptismi non sunt duæ vel tres guttæ aquæ. *tom. I. fol. 47. num. 8. & 19.*

11. Baptizatus cum materia dubia, rebaptizandus est sub conditione cum materia solita, & consueta, si superuiuat, neque in Baptismo præter aquam adhibendus est ignis, contra aliquos hæreticos. *ibid. num. 10. & 11.*

12. Materia proxima Baptismi est ablutio, seu contactus successiuus, quo aqua successiuè contingit

tingit corpus, qui auferendis animæ sordibus deferuiat. Hæc ablutio fieri potest, siue immergendo corpus in aquam, siue infundendo, & applicando aquam corpori: ad quam abluionem faciendam, sufficit illa quantitas aquæ, quæ sufficit ad abluendam corporis partem, qua abluta possit homo dici ablutus: seruanda est tamen ministro ex officio Baptismi consuetudo Ecclesie suæ Cathedralis. *tom. I. fol. 47. num. 13. & seq. 13.* Quæres, an validus sit Baptismus, si aqua vestes tantummodo attingat, aut aliquid aliud extra carnes? Respond. negatiuè, & consequenter inualidus est Baptismus, si aqua solos capillos attingat. *tom. I. fol. 48. num. 21. & 22.*

14. Non potest baptizari infans in vtero matris existens, qui necdum prodiit in lucem, si tamen prodiit aliqua ex parte, Baptismus in necessitate est administrandus in qualibet parte corporis, etiam in solo digito, si nequeat in capite baptizari. Non censetur baptizatus infans, qui ad sacrum fontem defertur, si ante abluionem moriatur: secus dicendum de eo infante, qui à proferente formam, in flumen proiiceretur, aut in puteum, quamuis hoc non sit faciendum, si fiat nihilominus, tenet Baptismus; sicuti si fune mittatur in flumen, & viuus extrahatur: potest enim denominari ablutus. Valet item Baptismus, quando infans aquæ è testæ defluenti submittitur, denique finita qualibet abluione perficitur sacramentum, valétque Baptismus, si puer aut Sacerdos moriatur post primam mersionem. *tom. I. fol. 49. num. 25. & seq.*

Forma sacramenti Baptismi.

15. Forma sacramenti Baptismi sunt hæc verba

ba : *Ego te baptizo*, in nomine Patris, & Filij, & Spiritus sancti. In forma exprimenda est persona, quæ baptizatur, sed non est necessarium directè exprimere personam baptizantis. Similiter exprimenda est actio, quæ circa baptizatum exercetur; siue exprimat per verbum *baptizo*, siue per verbum *abluc*: siue per verbum *mergo*. Præterea exprimenda est vnitas diuinæ essentiae, & tres personæ sanctissimæ Trinitatis: quare inualidus erit Baptismus in nomine Christi collatus, aut in nomine Dei, vel S. Crucis. Mutatio substantialis adhibita in verbis formæ, inualidum Baptismum efficit. Hinc fit, vt vtens forma Græcorum, validè baptizet. Idem dic de eo, qui baptizaret omiſſa particula *Ego*; secus dicendum si baptizaret in nomine Genitoris, Geniti, & Spirati; validus, tamen esset Baptismus, si loco filij, dicatur, *Verbi*. His adde inualidum esse Baptismum, si dicatur, intendo te baptizare, aut si puer moriatur nondum finita forma Baptismi; aut si conferatur Baptismus in nomine & virtute beatissimæ Virginis, aut Sanctorum. Inualidus est similiter Baptismus, quem quis sibi confert, dicendo, *Ego me baptizo*: possent tamen duo se inuicem baptizare tempore necessitatis, dicendo, ego te baptizo. quod si duo vnum eodem tempore baptizarent, & vnus ablueret, alter verò formam proferret, non teneret Baptismus. Vnde infer non esse validum Baptismum, quando vnus incipit formam Baptismi, & alter eam perficit. Aduerte præterea validum esse Baptismum administratum lingua vulgari, etiam quando omitterentur tres illæ particulae, *Amen, Ego, In*, quia sensus formæ non destruitur, neque error circa personam baptizantem reddit Baptismum inualidum. Hinc sequitur

valere Baptismum collatum filio Gaij, quem Sacerdos opinabatur filium Titij; neque rebaptizandus est masculus, qui pro fœmina fuit baptizatus, imposito nomine, quod imponi consuevit fœminis: potest enim aliquis propria auctoritate, nomen, per se loquendo, commutare. *tom. 1. fol. 50. num. 1. & seq.*

Baptismi Minister.

16. Duplex est Baptismi Minister, videlicet Minister ex officio seu solemnitatis, & Minister necessitatis. Minister ex officio est Sacerdos, ita ut illicitè baptizet, qui cum non sit Sacerdos, tamen solemniter baptizat, usurpat enim sibi alienum officium. *tom. 1. fol. 54. num. 1. & seq.*

17. Minister Baptismi in necessitate, est omnis homo, habens usum rationis, potensque & sciens debitam formam, proferre, & materiam applicare. Potest ergo fœmina baptizare, ut obstetrices ratione necessitatis; deinde etiam hæreticus, imò Paganus, modo intentionem habeat baptizandi, anima tamen separata à corpore, non potest validè baptizare, quia non est homo: similiter neque Angelus ob eandem rationem, absque diuina dispensatione, ut diximus v. *Sacramentum*. Aduerte grauitè peccare eum, qui baptizat extra necessitatem, cum non sit Sacerdos; & qui non est proprius parochus, non potest baptizare solemniter, sine licentia Episcopi, vel proprii parochi. Aduerte præterea seruandum esse aliquem ordinem in necessitate, in administrando Baptismo, videlicet ut præsentè viro fœmina non baptizet, &c. *tom. 1. fol. 55. num. 4. & seq.*

18. In baptizante requiritur necessariò intentio

tio baptizandi; hinc fit vt ille validè non baptizet, qui solùm habet intentionem iocandi, & irridendi. *tom. 1. fol. 56. num. 13. & 14.*

19. Valétne Baptismus, quando quis intendit reportare lucrum, vel infantem occidere? Valet, si intenderit verè baptizare; nam finis extrinsecus non tollit intentionem, requisitam ad sacramentum. *ibid. num. 15.*

20. Requiritur vlteriùs, vt Minister adhibeat debitam materiam & formam, illamque sciat applicare. *ibid. num. 16.*

21. In Baptismo vnus adhibendus est patritius, possunt tamen duo adhiberi, si vnus sit masculus, & alter fœmina. *ibid. num. 19.*

22. Denique Baptismus collatus alicui iam baptizato, non est validus. *ibid. num. 21.*

Subiectum Baptismi.

23. Subiectum Baptismi est quilibet homo natus, existens in hoc mortali corpore, siue sit infans, siue sit adultus, siue sit vir, siue fœmina. Hinc colligitur Satyrum, aut genitum ex fœmina & bruto non esse capacem Baptismi: secus dicendum de monstro genito ex viro & fœmina, quod baptizandum est; quod si constet duplici anima rationali, (vt si habeat duo capita. cum vno pectore, vel duo pectora sub vno capite) duplex Baptismus conferendus est; vnus absolute, in ea parte, in qua perfectius caput vel pectus apparet, alter sub conditione in alia parte. Quod si dubitetur an monstrum genitum sit ex viro & fœmina, vel ex fœmina & bruto, baptizari poterit sub conditione, nisi constet esse animal irrationale. *tom. 1. fol. 57. num. 2. & seq.*

24. Ex eo quod Baptismus omnibus hominibus adhibeatur, patet differre à Circumcisione, quæ solis masculis adhiberi poterat. *ibidem, num. 6.*

25. Mortuus, & ille, qui existit adhuc in utero matris, non possunt baptizari; quod si mater moriatur, & filius in ipsius utero existens credatur vivere, aperiri poterit, ut infans extrahatur, & baptizetur. *ibid. num. 7. & seq.*

26. Quid dicendum de matre gravida damnata ad mortem? Differenda est executio donec pepererit. *tom. 1. fol. 58. num. 10.*

27. Baptismus infanti collatus dissentientibus parentibus validus est. baptizandus est filius infidelis, altero consentiente: Baptismus potest pluribus vnica forma conferri. *ibid. num. 11. & 12.*

28. In adulto baptizando requiritur intentio actualis, aut virtualis, aut habitualis; deinde requiritur adhuc fides supernaturalis & attritio: in pueris verò carentibus usu rationis, Christus & Ecclesia supplet intentionem & dispositionem. *ibid. num. 15. 16. 24. & 25.*

29. Ex dictis collige adultum non remanere baptizatum, nec characterem recipere, si nunquam voluit baptizari, vel si aliquando voluit, voluntatem tamen suscipiendi Baptismum reuocauit; secus dicendum de Baptismo collato dormienti, qui Baptismum perierat ante somnum: hic enim dicitur habere intentionem habitua-lem. Idem dicendum est de furioso, & amentè lucida rationis intervalla patientibus. Similiter tenet Baptismus per metum grauem susceptus, si adfuit debita intentio suscipiendi. *tom. 1. fol. 60. num. 18. & seq.*

Baptismi

Baptismi effectus.

30. Baptismus confert gratiam simul cum reliquis virtutibus & donis quæ gratiam consequuntur, modò non sit obex ex parte suscipientis. Gratia gradum confert Baptismus æqualem in omnibus pueris ; inæqualem verò adultis pro ratione maioris vel minoris dispositionis. *tom. 1. fol. 61. num. 2. & 3.*

31. Gratia in Baptismo producta remittit peccatum originale, peccatâque actualia commissa ante Baptismum, delétque omnem pœnam peccatis debitam, non aufert tamen pœnalitates, quales sunt, concupiscentia inordinata, mors, ægrotudines, &c. *ibid. num. 4. 5. & 7.*

32. Alius effectus Baptismi est character indelebilis: hinc fit ut Baptismus iterari non possit, nisi sub conditione, quando dubitatur de ipsius validitate. *tom. 1. fol. 62. num. 9.*

33. Vtrùm verò Baptismus susceptus cum fictione producat suum effectum recedente fictione, constat ex dictis v. *Sacramentum. ibid. num. 13.*

34. Peccata antecedentia Baptismum non sunt aperienda in confessione. *tom. 1. fol. 63. num. 15.*

35. Extra necessitatem non debent omitti ritus, & cæremoniæ Baptismi, peccatque qui baptizat in aqua non benedicta, aut adhibet chrisma alterius anni. Non sunt tamen cæremoniæ iterandæ, quando Baptismus fuit inualidè solemniter administratus. *ibid. num. 18. & seq.*

Bellum.

Vide v. *Homicidium, Irregularitas, contracta ob bellum.*

1. Bellum est armorum conflictus seu professio nocendi vi & armis contrariæ parti. Ut bellum offensuum licitum sit, tres conditiones requiruntur; auctoritas indicentis (hæc residet penes Principem qui neminem in sua iurisdictione habet Superiorem) seu conuocantis alios in suum adminiculum: recta intentio, & iusta causa, ut pro tuenda Republica contra aduersarios illam iniuste oppugnantes, vel quando subditi sunt rebelles, &c. Non potest autem dici ante diligentem inquisitionem illius iustitiæ & æquitatis. *tom. 2. fol. 675. num. 1. & seq.*

2. Quod attinet ad bellum defensuum, licitum est cuicunque, interueniente necessitate & recta intentione: nam licitum est cuique vim vi repellere propria auctoritate. *tom. 2. fol. 676. num. 4.*

3. Princeps posita iusta causa non potest semper bellum indicare; sed prius petenda est ab aduersario condigna satisfactio, qua oblata, non licet indicare bellum: nam oblata sufficienti satisfactione cessat iniuria præterita. *tom. 2. fol. 677. num. 9.*

4. Militibus qui sunt subditi Principi indicenti bellum, vel qui recipiunt stipendium à Principe, etiam pacis tempore, seu qui ante bellum locauerant Principi operas suas ad pugnandum satis est, si sciant causam belli non esse iniustam; in dubio enim obediendum est Superiori præcipienti, & in eius fauorem præsumendum est. *ibid. num. 10.*

5. Quæres an bellum possit esse iustum ex vtraque parte? Responderetur materialiter, & re ipsa non potest esse iustum ex vtraque parte: nam realiter ius competit vni soli, formaliter verò & per accidens potest esse iustum ex vtraque parte, ut propter

propter inuincibilem ignorantiam alterius partis, aut propter opinionem probabilem quam quisque sequi potest etiam in bello indicendo, ut quando utraque pars iudicio prudentum virorum credit se habere iustam causam indicendi bellum. *ibid. num. 11.*

6. Illa omnia licite fiunt in bello, quæ accommodata sunt aut ad rem ablatam recuperandam, vel compensationem faciendam, aut ad vindictam sumendam pro modo culpæ, aut ad pacem componendam & stabiliendam; quare sequitur licitum esse seclasis mendaciis procurare victoriam per insidias & strategemata, dummodo non fuerit data fides hostibus non ponendi insidias. Licitum quoque est inferre dāna cum expressa vel tacita Superioris licentia, etiam in bonis fortunæ hostium pro sumenda vindicta de iniuria illata, & pro stabilienda pace in futurum; Clerici tamen & Ecclesiæ tempore belli expoliari non possunt propter immunitatem qua gaudent; nisi fortè per accidens, ut quando victoria nequit aliter reportari. *tom. 2. fol. 678. num. 14.*

Et seq.

7. Petes, utrum bona alicuius nationis, ex.gr. Romanorum, extracta à militibus Florentiæ è manibus piratarum vel Turcarum acquirantur militibus? Respondetur quòd non: nam Turcæ non acquisierunt dominium illorum bonorum; consequenter bona remanent sub dominio priorum dominorum, illisque restituenda sunt, detracta æstimatione operæ & industriæ positæ in iis bonis acquirendis; possunt tamen aliqua consuetudine mutua, fieri capientium. *tom. 2. fol. 679.*

num. 23.

*Beneficium, Beneficiarius.*Vide v. *Resilientia, Simonia.*

1. Beneficiarius dominium habet non solum bonorum patrimonialium, verum etiam quasi patrimonialium, & etiam fructuum & prouentuum beneficij. Per *dominium* intellige facultatem disponendi ad suum libitum suo nomine de re aliqua, modò lege non prohibeatur. *tom. 1. fol. 1080. num. 2. & seq.*

2. Potestne beneficiarius fructus beneficij ad suum libitum expendere, seu teneturne illos in pios vsus erogare? Respond. fructus necessarios ad congruam sustentationem in pios vsus erogari posse ad libitum beneficiariorum; sicut possunt bona patrimonialia vel quasi patrimonialia; quamobrem in illis casibus in quibus beneficiarij non tenentur bona patrimonialia vel quasi patrimonialia in opera pia expendere, neque tenentur fructus beneficij sibi ad congruam sustentationem necessarios (secus dicendum de superfluis) in pia opera erogare. *tom. 1. fol. 1081. num. 1.*

3. Beneficiarius insumens bona patrimonij in utilitatem Ecclesiæ, potest tantundem ex beneficij fructibus insumere, ut voluerit. Item habens patrimonium pingue, non peccat beneficium quod viuat acquirendo, ut patrimonium propinquis aut aliis relinquat. *tom. 1. fol. 1082. num. 5.*

4. Quæres quanta pars fructuum constituenda sit pro congrua beneficiarij sustentatione? Respond. eam partem constituendam esse, quæ ad beneficiarij & ipsius familiæ sustentationem necessaria iudicatur, habitatione scientiæ & literaturæ, nobilitatis aut dignitatis, loci, & annonæ copiæ vel inopiæ. *ibid. num. 7.*

5. Bene

5. Beneficiarius qui fructus beneficij suæ sustentationi superfluos non in pios vsus, sed in profana opera expendit, v.g. ad ditandos amicos vel consanguineos, grauiter peccat; quanquam potest illos iuuare, qui vitam ex suo patrimonio commodè & honestè iuxta sui status conditionem traducere non possunt; imò potest aliquam partem fructuum sibi necessariam subtrahere, & consanguineis diuitibus tradere. Potest quoque non solum alere filios legitimos & spurios ex beneficij fructibus, si non habet aliunde, vnde eos alar, verum etiam rationabilem dotem tradere filix spurix vel sorori, dum aliunde non habet quo illis consular. *tom. 1. fol. 1083. num. 9. & seq.*

6. Percipiens pensionem ex aliquo beneficio potest vt voluerit dispensare, saltem id quod congruæ sustentationi parcè viuendo subtrahit. Similiter Capellanus potest ad libitum expendere acquisita pro celebratione Missarum, pro concionibus, audiendis confessionibus, pro vicariatus officio, aut similibus functionibus, cum hæc sint bona quasi patrimonialia: non potest tamen beneficiarius ad libitum insumere fructus Ecclesiæ; aut bona, quæ ipse emit ex pecuniis aut nomine Ecclesiæ. *tom. 1. fol. 1084. num. 17. & seq.*

7. Commendatarius perpetuus alicuius Ecclesiæ potest de fructibus Commendæ disponere solum prout cæteri beneficiarij; & habentes Abbatis, Prioratus vel Commendas possunt solum disponere pro suo arbitratu de ea parte fructuum, quam parcius viuendo sibi subtraxerunt: secus dicendum de militibus Commendatariis, quales sunt Equites S. Iacobi, Calatraux, &c. hi enim possunt de fructibus Commendarum liberius & securius disponere. *tom. 1. fol. 1085. num. 22. & seq.*

8. Bene

8. Beneficiarius attento iure communi antiquo non potest de beneficij fructibus, validè testari & disponere ad causas profanas; potest tamen ex privilegio vel consuetudine pluribus in locis recepta, cum id iuri diuino vel naturali non aduersetur; imò attenta consuetudine loci, in quo spoliolum vsus non adest, consanguinei validè succedunt ab intestato in ipsis fructibus beneficij. *tom. 1. fol. 1086. num. 1. & seqq.*

9. Beneficiarius potest non solum validè, sed etiam licitè testari de bonis patrimonialibus, & quasi patrimonialibus, & de fructibus beneficij necessariis ad congruam sui & sue familiae sustentationem, vbi consuetudo inualuit vt beneficiarij restentur; si verò sermo sit de fructibus congruæ sustentationi superfluis, dicendum videtur beneficarium non posse licitè de huiusmodi bonis testari. *tom. 1. fol. 1087. num. 4. & 5.*

10. Beneficiarius beneficij fructus superfluos expendens in profanos vsus, teneturne ad restitutionem? Respond. non teneri, cum sit illorum dominus: neque etiam à fortiori cum qui fructus à beneficiario accepit, cum acceptio ipsius non sit magis peccaminosa, quàm traditio beneficij. *tom. 1. fol. 1088. num. 1. & 2.*

Bestialitas.

3. Bestialitas est coniunctio carnalis cum re alterius speciei, ex. gr. cum bruto, vel cum dæmone, cum quo fieri potest congressus, vel comparente in forma bruti, vel in forma hominis, vel forminae: ob id dicitur fieri vel cum dæmone incubo, vel cum dæmone succubo: & hoc peccatum præter malitiam bestialitatis, habet malitiam super

superstitionis, imò & fornicationis, si dæmon transferat semen alicuius hominis in vas naturale mulieris, ex quo fœtus aliquis generari potest. *tom.1.fol.463.num.1.& seqq.*

2. Peccatum bestialitatis non differt specie pro diuersitate belluarum cum quibus perpetratur: unde non est necessarium in confessione exprimere belluam, sed sufficit dicere se congressam fuisse cum bellua, seu re alterius speciei. *ibid. num.4.*

Bigamia, Bigamus.

Vide v. *Irregularitas, Matrimonium.*

1. Bigamia est quædam irregularitas, con surgens ex multiplici matrimonio contracto & consummato. Triplex est bigamia: vera, interpretatiua, & similitudinaria. *tom.1.fol.677.num.1. & 2.*

2. Vera bigamia est, quando quis verè duas uxores legitimè duxit & cognouit carnaliter, siue duxerit ante Baptismum, siue post Baptismum. *ibid.*

3. Interpretatiua est quando quis reuera non contraxit cum duabus, sed secundùm interpretationem iuris censetur contraxisse cum duabus; vt quando quis vnâ uxorem legitimam habuit, & postea aliam inualidè ducit cum impedimento dirimente; tunc enim si cum ea copulam consumer, fit bigamus non realiter, sed interpretatiuè. *ibid.*

4. Bigamia similitudinaria contingit, quando quis post votum solemne castitatis emissum in professione religionis, vel in susceptione sacrorum ordinum, matrimonium celebrat cum aliqua,

qua, virgine vel corrupta, cumque carnaliter cognoscit. *tom. 1. fol. 678. num. 2.*

5. Bigamus ex vera bigamia, interpretatiua, vel similitudinaria est irregularis, & consequenter inhabilis ad ordines, & ad beneficia. *ibid.*

6. Ex dictis infer requiri ad bigamiam, ut matrimonium cum duabus contrahatur verè, aut interpretatiuè, aut similitudinariè; & ut copula actualis subsequatur: nam matrimonium debet esse consummatum, & cum vna, ut significet coniunctionem Christi cum Ecclesia per Incarnationem; propterea multiplicitas matrimonij rati nondum consummati, non inducit bigamiam, neque multiplicata fornicationes, vel adulteria ex parte viri, neque multiplicata sponsalia, etiam si subsequuta sit copula. *ibid. num. 4. & seq.*

7. Ad irregularitatem bigamiæ non sufficit copula nefanda. Bigamus est is qui ducit fornicariam corruptam quam putabat virginem, si, postquam comperit illam fuisse corruptam, nihilominus cum ea matrimonium consummat. Item & ille qui cognoscit propriam uxorem postquam cum alio nupsit, credens priorem maritum esse mortuum. Similiter & infidelis, qui saepius in infidelitate contraxit matrimonium, suscepto Baptismo est irregularis, quia bigamia non tollitur per Baptismum. *tom. 1. fol. 679. num. 9. 10. & seq.*

8. In quacumque bigamia potest Papa dispensare, cum bigamia sit de iure humano: non autem Episcopus, nisi quatenus illi conceditur à Sede Apostolica. *ibid. num. 14. & 15.*

9. Bigamus qui maioribus ordinibus fuit initiatus absque dispensatione gaudet priuilegiis clericorum, quia non potest viuere ut laicus; ergo debet

debet viuere vt clericus, & conſequenter frui priuilegiis. *tom. 1. fol. 680. num. 16.*

Blasphemia.

1. Eſt conuictum ſeu verbum contumelioſum quod iacitur in Deum, aut in Sanctos ore vel corde ſeu mente. *Blasphemia alia eſt ſimplex, ſeu quæ non opponitur directè articulis fidei; alia hæreticalis, quæ articulis fidei directè opponitur, qualis eſt hæc: Abnego Deum aut fidem. & hæc cognoscenda eſt ab Inquiſitoribus fidei: non hæreticalis verò, eſt mixti fori.* *tom. 2. fol. 303.*

num. 1. 2. & 4.

2. Renegans aliquem Sanctum non committit blaſphemiam hæreticalem, quia nihil dicit quod ſit directè fidei contrarium. *tom. 2. fol. 304.*

num. 3.

3. In diœceſi Mediolanenſi conſtituta eſt pœna excommunicationis *lata ſententia* iis qui non deferunt blaſphemos Inquiſitoribus, vel Epiſcopis, modò tamen præmiſerint correctionem, & per eam blaſphemi non reſipuerint. *ibid. num. 5.*

4. Blaſphemia committitur his modis: tribuendo aliquid Dei per contumeliam quod non habet, aut auferendo aliquid quod habet, aut deſtando diuina, vt maledicendo Deum, illique mala imprecando, aut exprobrando ea quæ Deus habet, ſeu tribuendo Deo quæ habet, ſed irreuerenter, modò hoc fiat ex indignatione vel ira contra Deum: aut maledicendo creaturis vt creaturæ Dei ſunt, vel blaſphemando res ſacras, aut communicando ea quæ ſunt Dei propria, creaturis, aut laudando Deum turpibus verbis, modò adſit intentio laudandi: nam ſic tribuitur Deo quod ei non.

non conuenit. Item spernens Sanctos committit blasphemiam; secus si quis aliquid de iis referat quod eis euēnit ante sanctitatem, & non fiat ad minuendam ipsorum sanctitatem. *tom. 2. fol. 304. num. 1. 2. & fol. 305. num. 3. & seqq.*

5. Non committitur blasphemia, dicendo, *Pos-
far Dio*, vel *al conspetto di Dio*, modò hæc verba non dicantur animo proferendi conuictum in Deum, vel detrahendi ipsius potentiae. Est tamen blasphemus qui dicit, *Al dispetto di Di*, vel, *rinego Di*, tacita vltima vocali e. At non præsumitur blasphemia dicendo, *Al dispetto di quel becco, che mi sostiene al monte*. Similiter non committitur blasphemia, dicendo: *Hoc ita est verum sicut est verum Euangelium*, vel, *sicut Christus natus est ex Maria Virgine*, &c. quia nihil Deo tribuitur per contumeliam, nec aliquid aufertur. Item non committit blasphemiam qui iurat contra hominem per corpus & sanguinem Dei: secus si iuret per pudendas partes Christi, vel Sanctorum. *ibid. num. 4. & seqq.*

6. Blasphemia est peccatum mortale ex suo genere, opponiturque virtuti religionis, & illi potest adherere alia malitia, vt heresis, odij Dei, &c. *tom. 2. fol. 306. num. 1. & 2.*

7. Blasphemans ex habitu peccat mortaliter, quoties aduertit ad prauum habitum, & non curat illum extirpare, & dum blasphemat cum sufficienti aduertentia. *ibid. num. 3.*

8. Maledicens proximo non committit peccatum blasphemiae propriè acceptæ, nisi maledicat per ordinem ad Deum, peccabit tamen semper mortaliter, si maledixerit illi cum desiderio notabilis damni. *ibid. num. 4.*

9. Qui imprecatur mortem filiis, ne in futurum

rum delinquant, non peccat mortaliter. *tom.2. fol.307.num.1.*

10. Blasphemia in Deum si consideretur vt blasphemia, non differt specie à blasphemia in Sanctos, sed est eiusdem speciei, grauior aut leuior pro grauitate, aut leuitate materiæ; explicandâque est in confessione qualitas blasphemix, & an fuerit in Deum, vel in Sanctos. Vide *Tentatio Dei. ibid.num.2.*

C

Cambium.

I **P**ER *cambium* intellige contractum quo pecunia pro pecunia permutatur. Duplex est, reale seu verum, quo vna pecunia re vera cum alia commutatur; & ficcum, quod non est verum cambium, sed fingitur & simulatur cambium, & est mutuum sub imagine cambij realis; vt accidit quando campfor pecuniam tradit campfario soluendam in eodem loco in quo eam tradit, confectis litteris ad locum distantem, ad quem reuera litteræ non mittuntur, vel si mittuntur, nihil operantur, ac si non mitterentur, eo quòd campfor sciat campfarium non habere pecuniam actu aut potestate in eo loco ad quem litteræ mittuntur: & huiusmodi cambium ficcum illicitum est & vsurarium, cum in eo accipiatur lucrum ob mutuum. *tom.2.fol.786.num.1. & 2.*

2. Rursus cambium reale duplex est: minutum, & locale, seu per litteras. Cambium minutum, est contractus quo minora numismata permutantur cum maioribus, aut maiora cum minoribus; & hoc non est illicitum vel vsurarium, quia non acci

accipitur lucrum ob mutuum. Sed ob has causas, nimirum propter officium cambiendi, lucrum cessans, quod campfor aliàs recepisset, si pecuniam ad cambium non dedisset, ob laborem numerandi, qui est pretio æstimabilis, maximè si magna pecuniæ quantitas cambienda est, ob expendibilitatem seu commoditatem vnius monetæ in numerando, ob antiquitatem monetæ, quæ pluris æstimari solet quàm noua. *tom. 2. fol. 787. num. 3.*

3. Qui pecuniam adulterinam exigit scienter, vel ex inaduertentia & ignorantia, non potest illam expendere, cum sit vitiosa; res autem vitiosa, saltem notabiliter, non potest alteri tradi vitio non detecto. *tom. 2. fol. 788. num. 4.*

4. Famulus vel procurator qui à suo domino accepit pecunias aureas vel argenteas ad soluendum creditoribus, vel ad emendas res necessarias, si eas permutet cum vilioribus, aut det ad cambium, potest lucrum inde acceptum sibi retinere, cum huiusmodi lucrum sit fructus industriæ suæ factæ periculo & industria illius: limita tamen modo dominus pecuniæ nullum ob huiusmodi commutationem vel negotiationem damnum patiatur. *ibid. num. 5.*

5. Non est vsurarium vel illicitum cambium locale reale, seu per litteras quo campfor accipit hîc Mediolani pecuniam cum certo lucro, vt eam alibi soluat; vt si hîc Lugduni à me accipiat centum & quinque, vt mihi in Flandria soluat centum. Idem dicendum de cambio reali locali quo campfor dat pecuniam hîc Mediolani campforio, vt eam alibi recipiat cum certo lucro: vt si det mihi centum Parisiis recepturus Romæ centum, & aliquid supra centum. *tom. 2. f. 789. n. 6. & 7.*

6. Cam

6. Cambium reale per litteras cum recambio quo litteræ mittuntur ad locum præfixum; ex. gr. Placentiam, ibique sortiuntur effectum, deinde Placentiæ conscribuntur aliæ litteræ, quibus pecunia Mediolanum recambitur, non videtur vsurarium, vel contra iustitiam; cum non sit mutuum, nec cambium siccum, sed reale, in quo pecunia præsens permutatur cum absente. Ad cambium reale ex constitutione Pij V. requiritur, vt campfarius litteras scribat, quæ mittantur & non referantur inanes, nec contrahentes contingant celebrare cambia ad proximas nundinas, vel ad alia loca, vt non fiat pactum de certo & determinato interesse lucri cessantis, vel damni emergentis soluendo à campfario, si non soluat tempore constituto, quanquam hoc lucrum & interesse exigi potest, postquam campfarius fuerit in mora soluendi debito tempore, nihilominus Summus Pontifex non vult hoc deduci in pactum; vt campfor non protrahat terminum solutionis ob pactum recipiendi lucrum; vt non detur ad cambia nisi pro nundinis proximis, vel pro terminis proximis, iuxta consuetudinem & vsum locorum; aut si detur pro secundis aut tertiis nundinis, non ob id plus exigatur, quam exigeretur, si pecunia daretur ad proximas tantum nundinas, vt non statuantur termini ad soluendum longiores quam postulet distantia locorum. *ibid. num. 8. & 9.*

7. Non videtur damnandum cambium, quo quis alteri tradit pecuniam sibi soluendam alio loco quam vbi fiunt nundinæ, cum eo lucro, quod soluitur ad proximas nundinas; modò tamen tanta sit distantia, quanta est inter locum in quo nundinæ celebrantur; & campfor nesciat, aut probabiliter

habilitate non credat pecuniam plus valere in eo loco, ubi solutio sibi facienda est, quam valeat in nundinis, alioquin videretur excedere in pretio; quod pretium, seu valor cambij potest augeri, vel minui propter maiorem vel minorem pecuniæ æstimationem, quæ oritur ex copia vel inopia pecuniæ; aut ex multitudine vel paucitate cambientium & campfariorum. *tom. 2. fol. 791. num. 13. & seqq.*

8. Licitum est vni cambientium, ei nimirum qui ab altero præuenitur, recipere mercedem cambij ab altero, quando vterque ex eo cambio reportat æquale commodum, & onus. *tom. 2. fol. 793. num. 25.*

Canonicus.

Vide v. *Distributiones.*

Casus referuati.

Vide verb. *Confessarius, Episcopus, Pœnitentia, Hæresis.*

1. Peccata quæ referuari consueuerunt à legitimo Superiore, non sunt peccata merè interna (quamuis absolute possint referuari) neque venialia, sed peccata mortalia graua externa, & ita expedit salutem animarum. Hinc fit, ut ille non incurrat casum referuatum, qui facit opus externum non sufficiens ad mortale, etiam si animus internus fuerit peccaminosus mortaliter. *tom. 1. fol. 272. num. 3. & 4.*

Qui ab illis absoluant.

2. Superior qui referuauit, v.g. Summus Pontifex, Episcopus, aut Generalis alicuius religionis;
&

& Superior ipsius referuantis habet facultatem ordinariam & directam absoluendi à casibus referuatis, quia qui potest ligare, potest etiam soluere. *tom. 1. fol. 273. num. 1.*

3. Summus Pontifex nullum peccatum referuare consuevit, nisi ratione excommunicationis, seu censuræ adiunctæ; qua censura sublata, poenitens à quolibet Confessario absolui potest. *ibid. num. 4.*

4. Archiepiscopus non potest subditos suorum suffraganeorum à casibus referuatis absolvere, excepto casu visitationis prouinciæ, vel causa appellationis ad ipsum. *ibid. num. 5.*

Episcopus incidens in casum referuatum, potest ab Archiepiscopo absolui, si ei se subiiciat: aut à Confessario quem ipse Episcopus elegerit, si facultatem habeat absoluendi alios in eundem casum incidentes: nec refert quod eiusmodi casus sit referuatus Summo Pontifici. *ibid. num. 6.*

¶ 7.

5. Ille facultatem habet delegatam absoluendi à referuatis, qui facultatem obtinuit à Superiore, habente ordinariam. *ibid. num. 8.*

6. Simplex Sacerdos non potest absolvere peregrinum habentem casum referuatum in loco ubi confitetur, sed non referuatum Episcopo proprii domicilij, est enim iudicandus iuxta leges loci in quo confitetur. *ibid. num. 11.*

7. Qui à Sede Apostolica obtinuit facultatem absoluendi ab omnibus censuris, non potest absolvere à referuatis contentis in bulla Cœnæ Domini, aut ab Episcopo loci referuatis. Ita decernit Bulla Clementis V I I. quæ incipit, *Sacra Congregatio*, &c. *tom. 1. fol. 275. num. 14.*

8. Habens facultatem absoluendi à referuatis
spatio

spatio aliquorum dierum, potest absolvere pœnitentem, qui intra tale tempus incurrit casum reservatum, modò pœnitens intentionem habeat præstandi ea, quæ ad consecutionem Iubilei sunt necessaria. *ibid.num. 16.*

9. Si concedatur Iubileus obtinendus in vna ex duabus hebdomadis, qui illum in prima obtinuit, non potest adhuc in secunda absolui à casibus reservatis, si in eos inciderit. *ibid.num. 17.*

10. Pœnitentes habentes casus reservados, quos Confessarius absolvere non potest, remittendi sunt ad Superiorem; nisi fortè ipse Confessarius velit petere facultatem à Superiore, qua possit pœnitentem absolvere; quam facultatem pœnitenti petenti per se, vel per alium, tenetur Superior per se loquendo concedere, nisi aliter exigat bonum pœnitentis. *tom. 1. fol. 276. num. 18. & 19.*

11. Confessarius non debet absolutionem pœnitenti denegare, quoties certò novit incestum commississe. *ibid.num. 22.*

12. Confessarius non potest denegare absolutionem pœnitenti, quem non certè novit absolutionem indignè petere, neque ei quem aliàs vidit peccantem, sed credit alteri ritè confessum fuisse. *ibid.num. 23. & 24.*

13. Pœnitens habens peccata reservata, & non reservata, non potest præcisa necessitate, seu rationabili causa confiteri sola reservata Superiori, ut à reservatis sacramentalem absolutionem obtineat, consequenter neque Superior potest auditis solis peccatis reservatis absolutionem impendere, transmittendo pœnitentem ad inferiorem pro non reservatis. *tom. 1. fol. 277. num. 1.*

14. Superior dum absoluit à reservatis, non auditis non reservatis, dicitur sacramentaliter absolvere,

soluere. Hinc colligitur duplex sacramentum, & duplicem effectum recipere, qui à Superiore à reservatis, & ab inferiore à non reservatis, absoluitur. Neque obtinens à Superiore absolutionem reservatorum, tenetur inferiori peccata tam reservata quàm non reservata manifestare. *ibid. num. 1. & seqq.*

15. Sacerdos qui non habet facultatem absol- uendi à reservatis, non potest præcisa necessitate, vel rationabili causa absolvere poenitentem à non reservatis, ipsúmque mittere ad Superiorem pro reservatis. *tom. 1. fol. 278. num. 5.*

16. Sacerdos qui necessitatem habet celebran- di, sed caret copia Sacerdotis approbati pro re- servatis, debet inferiori Confessario confiteri, ut directè à non reservatis, indirectè verò & conse- cutivè à reservatis absolvatur cum onere adun- di postea Superiorem pro absolutione directæ reservatorum. *ibid. num. 6.*

17. Poenitens qui per obliuionem peccatum aliquod reservatum, aut censuram prætermisit, tenetur cognito peccato aut censura Superiorem adire: non tenetur tamen Superiori repetere omnia peccata. *tom. 1. fol. 279. num. 7.*

18. Obstrictus necessitate communicandi, vel celebrandi, potest ante communionem, vel cele- brationem confiteri peccata etiam reservata, si non habeat facultatem Confessarij, qui à reser- uatis & censuris absoluat, cum onere præsentan- di se postea Superiori pro absolutione reservato- rum, vel censurarum. *ibid. n. 8.*

19. Potest vna reservatio auferti, alia rema- nente; non solum si loquamur de reservatione cum censura, verum etiam de reservatione sine censura. *tom. 1. fol. 280. num. 10.*

C

20. Qui

20. Quilibet Sacerdos approbatus ad confessiones audiendas, potest in dubio facti cadentis sub reservationem absolvere, nisi aliter in iure decernatur in aliquo casu; aut nisi adsit sufficiens præsumptio in contrarium de reservatione pacti, quia in dubiis melior est conditio possidentis. *ibid. num. 1.*

21. Dubitans dubio propriè dicto se compluisse peccatum, quod constat esse reservatum, potest à quolibet Confessario approbato absolui. Secus dicendum de Sacerdote dubitante de iurisdictione, qui directè absolvere nequit à reservatis; alioqui enim exponit se periculo malè absoluendi. *ibid. num. 2. & seqq.*

22. Sequens opinionem probabilem circa facultatem absoluendi, validè absoluit, Ecclesiæ tunc supplente iurisdictionem. *rem. 1. fol. 281. num. 5.*

23. Absolutus tempore Iubilæi à Confessario approbato, remanet absolutus à reservatis, etiam habentibus annexas censuras: non remanet tamen absolutus à reservatis oblitis, si Confessarius non habuit intentionem absoluendi; cuius defectu reservatio non tollitur per quamcunque absolutionem etiam collatam à legitimo Superiore, facultatem reservatorum habente. At poenitens remanet absolutus à reservatis, etiam si illorum absolutionem expressè & explicitè non petat. Remanet præterea absolutus à reservatis poenitens, quem Confessarius intendit absolvere virtute Iubilæi, vel similis privilegij. Similiter qui petit à Superiore absolutionem reservatorum, si quibus detineatur, remanet absolutus à reservatis oblitis. *ibid. num. 1. & fol. 282. num. 2. ad 8.*

24. Qui

24. Qui virtute Iubilæi absolutionem ob-
tinet à Confessario approbato, sed inculpabiliter
oblitus est alicuius peccati referuati, potest dein-
de cuilibet simplici Confessario peccatum obli-
tum confiteri: nam referuatio censetur ablata per
confessionem, tempore & virtute Iubilæi factam.
tom. 1. fol. 283. num. 8.

25. Pœnitens qui virtute Iubilæi confessus est
sua peccata Confessario approbato, non remanet
absolutus à peccatis cum ipso Confessario com-
missis, siue illa aperuerit, siue oblitus sit. *ibid.*
num. 10.

26. Prohibitio audiendi, vel absoluendi com-
plicem in confessione, respicit quælibet peccata
mortalia. *tom. 1. fol. 284. num. 11.*

27. Confessarius non potest pœnitentem com-
plicem audire (præciso mortis articulo) in prima
confessione, quam pœnitens facit post peccatum
cum Confessario commissum, secus dicendum in
sequentibus confessionibus. *ibid. num. 13. &*
seqq.

28. Qui tempore Iubilæi fuit absolutus à cen-
suris, & à peccatis referuatis, remanet directè ab-
solutus, etiamsi postea non præstet cætera quæ
ad Iubilæi consecutionem præscribuntur, modò
confessus sit animo præstandi cætera ad Iubilæi
consecutionem necessaria. Imò verò absolutus à
referuatis, vel à censuris tempore Iubilæi, non
reincidit in casus referuatos, vel in censuras,
etiamsi postea voluntariè prætermittat ea quæ
ad lucrandum Iubilæum præscribuntur. *tom. 1.*
fol. 285. num. 16. & seq.

29. Confessarius qui à censuris malè absoluit
pœnitentem, quem absolvere non poterat defe-
ctu iurisdictionis, debet absentem absolvere ob-

tenta facultate absoluendi : nam absolutio censurarum ferri potest in absentem & ignorantem, & existentem in peccato mortali : secus dicendum de Confessario qui malè absoluit pœnitentem à peccatis, quem absentem non potest iterum absolvere ; quia absolutio sacramentalis non potest dari absenti, id est, ei qui iam recessit à conspectu Confessarij. *ibid. num. 1. & 2.*

30. Confessarius debet pœnitentem à se malè absolutum admonere, vel saltem curare ut iterum sibi confiteatur ea peccata quæ commisit ab ultima confessione sibi facta ; simul etiam curando, ut pœnitens se accuset de peccatis alijs confessis : pœnitens enim per huiusmodi accusationem censetur iterum eadem peccata confiteri ; modò Confessarius adhuc memor sit status pœnitentis : & sic debet Confessarius consulere saluti pœnitentis. *ibid. num. 3.*

31. Nulla caremonia accidentalis in pœnitente, aut Confessario necessaria est necessitate sacramenti, vel præcepti. Nomine *caremonia accidentalis* non veniunt actus pœnitentis, qui sunt partes & materia sacramenti ; hos enim constat necessarios esse ad pœnitentiæ sacramentum. *tem. 1. fol. 286. num. 1. & 2.*

*Censura.**Censura in communi.**Vide x. Excommunicatio.*

1. Censura est pœna spiritualis, inflicta ab Ecclesiastica potestate, privans hominem baptismum usu aliquorum spiritualium per ordinem ad salutem. Hinc patet peccatum mortale non esse censu

cenfuram, quia non est pœna Ecclesiastica, sed malum culpæ. *tom. I. fol. 483. num. 1. & seqq.*

2. Censura triplex est: excommunicatio, suspensio, & interdictum; differunt ab irregularitate, cessatione à diuinis, & degradatione, seu depositione, quæ non sunt censuræ. Censura excommunicationis, suspensionis & interdicti alia est à iure, vt quando fertur à legislatore cum intentione condendi legem, seu statutum generale perpetuum, iniuncta transgressoribus pœna censuræ. Alia est ab homine, quæ fertur à Superiore aliquid præcipiente, non intentione ferendi præceptum perpetuum, sed transitorium. Alia est lata sententia, quæ ipso facto incurritur absque alia iudicis sententia; alia est ferenda, quæ solummodo est comminatoria, & non incurritur ante sententiam iudicis. Cognoscitur censura esse latæ sententiæ, quando in lege ponuntur istæ particulæ, ipso facto, ipso iure, aut, lata sententia; aut quando cum censura ponuntur hæc aduerbia, *confestim, statim, illicò, continuo, extunc, omniuo, prorsus, incontinenti, mox, protinus*; aut quando ponitur censura per verbum præsentis, vel præteriti vel imperatiui temporis. Cognoscitur autem censuram esse tantum ferendæ sententiæ, quando dicitur: *Incurrat censuram comminatoriam*, vel, *præcipimus sub interminatione anathematis, sub pœna excommunicationis, suspensionis, &c.* quando censura fertur per verbum futuri temporis, *qui hoc fecerit, excommunicatur, &c.* & quando dubium aliquod suboritur, an censura sit latæ vel ferendæ sententiæ: tunc enim iudicandum est censuram esse ferendæ sententiæ, cum odia sint restringenda. *tom. I. fol. 484. num. 4. & sequent.*

Causa efficiens censuræ.

3. Potestas ferendi censuras est de iure diuino, vtpote collata à Deo, *Matth.* 18. *rom.* 1. *fol.* 485. *num.* 1.

4. Ferens censuras debet esse homo viator, baptizatus, habens vsum rationis, & non laicus. Præterea ferens censuram non debet habere iurisdictionis vsum impeditum, nec debet ferre in causa propria, in qua ipse actoris & iudicis personam sustineat; excipitur tamen casus defensionis, dum quis per modum defensionis censuram fert in eum, qui sibi violentiam infert. *ibid.* *num.* 3. & *fol.* 486. *num.* 4.

5. Potestas ferendi censuras iure ordinario residet in Summo Pontifice respectu omnium Christianorum, cuiuscumque gradus & conditionis existant. Præterea in Episcopis, in Archiepiscopis, & Patriarchis respectu sibi subditorum. *ibid.* *num.* 5.

6. Clericus tamen potest ex commissione sibi facta à legitimo Superiore, vel ex consuetudine legitime introducta ferre censuras, quia clericus est capax Ecclesiasticæ iurisdictionis. Similiter collegium Ecclesiasticum est capax iurisdictionis ad ferendas censuras; secus dic si sit laicum & seculare. *ibid.* *num.* 6. & *fol.* 487. *num.* 7.

Causa materialis censuræ.

7. Duplex est, proxima & remota: proxima est peccatum, propter quod incurritur censura; remota est persona ipsa, quæ ligatur censura. Ad incurrendam censuram prærequiritur aliquod pecca

peccatum, & quidem proprium ad excommunicationem incurrendam; licet censura suspensionis possit ferri ob peccatum alterius, v.g. in communitatem ob delictum alicuius ex illa communitate. *rom. 1. fol. 487. num. 1. & seqq.*

8. Ad incurrendam grauem censuram seu maiorem requiritur peccatum mortale, exterius, & non sufficit peccatum purè internum, quod ita in mente lateat, vt aliter cognosci non possit, nisi per reuelationem, de quo directe non iudicat Ecclesia, cum sit merè internum. Neque pro quolibet peccato mortali, quamuis externo ferenda est grauis censura, sed solum quando peccatum alia ratione corrigi, vel impediti non potest. *ibid. num. 4. & fol. 489. num. 8.*

9. Censura non incurritur à proferente verbum iocosum, vel gestante comam, etiam si Superior id prohibuerit sub censura, nisi materia prohibita quæ de se levis est, fiat grauis per ordinem ad finem à Superiore intentum in ferenda censura. *ibid. num. 9. & 10.*

10. Fur qui acum sartori abstulit, qui ob id damnum notabile passus est, non afficitur censura lata contra eos, qui res sartori surriperunt. *ibid. num. 11.*

11. Ad incurrendam censuram requiritur effectus completus, quem legislator intendit sub censura prohibere: nam materia odiosa strictè explicanda est. Quare ille non incurrit censuram Canonis, qui proicit sagittam contra clericum, sed illum non attingit, quia non adest effectus, vel actio quæ principaliter prohibetur sub censura. Præterea non incurritur censura quando actus exterior non habet eam malitiam, quæ sub censura prohibetur. Item mandantes, vel consules

lentes non incurrunt censuram nondum secuto effectu, quando scilicet effectus fuit principaliter prohibitus; secus dicendum quando mandatum, vel consilium principaliter prohibetur. Non incurritur quoque censura ab eo qui actionem aliquam exercet de se insufficientem ad effectum prohibitum sub censura. Quando excommunicatio, vel alia censura lata est sub conditione, non incurritur ante conditionis euentum. Denique non semper incurritur censura ob quodlibet voluntarium, sed ob voluntariam requisitum ad eam incurrendam. *tom. 1. fol. 490. num. 12.*

& seq.

12. Non potest pro peccato commisso ferri censura, sed ad eam incurrendam requiritur contumacia: unde qui Missam die præterita non audiuit, non potest excommunicari propter omissionem Missæ, si non erat impositum præceptum Missæ audiendæ sub excommunicatione: potest tamen pro peccato præterito imponi aliqua pœna, ex. gr. priuatio officij, dignitatis, vel accedendi ad Eucharistiam pro tanto tempore, &c. *tom. 1. fol. 491. num. 19. & 20.*

13. Vt quis possit ligari aliqua censura requiritur, vt sit homo viator, baptizatus, adultus, seu doli capax, vt sit homo determinatus (non enim tota aliqua vniuersitas, vel collegium potest excommunicari,) & vt sit inferior & subditus ferenti censuram; defectu harum conditionum non ligantur censura hi: Mortuus; (qui conuulserat in vita delictum, propter quod lata erat comminatoria censura) dæmon, cum non sit homo viator, animalia irrationalia, locus, amentes, infani, aut furiosi. Similiter non potest suspendi, aut excommunicari Summus Pontifex, quia nullum habet

Sup.

Superiorē. Episcopi, Archiepiscopi & Cardinales ligantur censura generaliter lata à Summo Pontifice, nisi illorum fiat exceptio. *tom. 1. fol. 491. num. 1. & seq. ad 17.*

14. Nemo potest propria potestate seipsum excommunicare, suspendere, vel interdicere: nullus enim est inferior seipso. Item ob eandem rationem aequalis non potest ab alio excommunicari, cum par in parem non habeat imperium. *tom. 1. fol. 494. num. 17. & 18.*

15. Exempti ab Ordinarij potestate (quales sunt Rex & Imperator,) non ligantur illius censuris. Similiter religiosi exempti à iurisdictione Episcopi, non possunt ab ipso excommunicari, vel suspendi in iis casibus in quibus exempti sunt. *ibid. num. 19. & 20.*

16. Qui recipiuntur in proprios & peculiare Ecclesiæ Romanæ filios, ligari non possunt censuris ab ordinario loci. *ibid. num. 21.*

17. Qui semel ligatus est vna censura, est adhuc subiectum capax alterius, non tantum diversæ rationis, sed etiam eiusdem: nam tot sunt censurae, quot sunt moraliter & formaliter actus contra præceptum, seu quot sunt transgressiones formaliter & moraliter. Vnde qui clericum sæpius successivè percutit, incurrit vnam tantummodo excommunicationem; secus si percutiat sæpius cum interruptione morali. Idem dic si sunt plures clerici qui successivè percutiuntur. An autem percussus vel occidens simul vno actu plures clericos, incurrat plures excommunicationes, iuxta numerum clericorum qui percutiuntur, vel occiduntur, dissentiunt Doctores, quamvis probabilior in praxi videatur affirmativa sententia. *tom. 1. f. 491. num. 1. & seq. ad 8.*

18. Plures censuræ incurruntur ab eo, qui facit vnum actum habentem plures circumstantias, pro quibus singulis lata est censura. Vnde percutiens Sacerdotem, qui simul est Diaconus, & Subdiaconus, aut Monachus initiatus prima tonsura, plures non incurrit censuras, quia hæ circumstantiæ non mutant speciem in præsentī casu. *tom. 1. fol. 497. num. 8. & 9.*

19. Faciens contra Clementinam primam *de sepulchris*, potest vnica actiōne incurrere plures censuras, cum in ea prohibeantur quatuor formaliter diuersa sub excommunicatione lata *sententia. ibid. num. 10.*

20. Faciens aliquem actum prohibitum à pluribus sub censura, non incurrit tot censuras, quot sunt Superiores prohibentes illum actum sub censura, quando Superiores prohibentes habent eandem potestatem: sicut quando habent diuersam. hinc fit vt deferens arma Saracenis, plures non contrahat censuras; quamuis à multis Pontificibus id prohibitum sit sub excommunicatione. Ille tamen ligaretur duplici excommunicatione, qui faceret aliquid sub excommunicatione prohibitum à iure communi, & à iure particulari, aut à Papa, & ab Episcopo intendente nouum ius ferre *ibid. num. 11. & seqq.*

21. Censura lata contra facientes aliquid, non ligat mandantes, vel consulentes, nisi in sententia censura exprimantur mandantes, vel consulentes. Vnde in dubio an mandans, vel consulens comprehendatur in censura lata contra facientes, iudicandum est non comprehendi. *tom. 1. fol. 498. num. 1.*

22. Mandans, vel consulens, qui aliquo modo exprimitur in sententia censura, non ligatur censura,

sura, nisi vere influat in effectum prohibitum sub censura. *ibid. num. 2.*

23. Consulens ligatur excommunicatione, quando per suum consilium auxit voluntatem delinquentis; secus dicendum, quando ipse dedit bonum consilium, ut quando parato occidere clericum, suaserit tantummodo percutere. Similiter non incurrit censuram, nec tenetur ad restitutionem qui reuocauit mandatum quod dederat, eiusque reuocatio innotuit mandatario; secus dicendum de consulente, etiamsi reuocauerit consilium. *ibid. num. 3. & seq.*

Censura quomodo feratur.

24. Ad incurrendam censuram necesse est, ut censura lata sit à iudice per signa exteriora, & non per solam voluntatem internam ipsius volentis aliquem ligare censura. *tom. 1. fol. 499. num. 1.*

25. Ad ferendam censuram non requiruntur certa & determinata verba, sed sufficiunt quaecunque verba, aut etiam scriptura, qua intentio iudicis sufficienter exprimat. Verba in quibus censura continetur, determinata esse debent ad aliquam particularem censuram, tamen censura lata sub forma disiunctiua, valida est: est enim confuse saltem determinata ad vnam. Quod si delinquens non vult vnam partem eligere, censetur subiacere vtrique poenae, aut dicendum si vnam censuram non obseruet delinquens, censeri alteram elegisse. *ibid. num. 2. & seq. ad 6.*

26. Verba quibus exprimitur censura, debent esse determinata ad aliquam personam; eam nominando si cognoscitur, vel describendo aliquo modo

modo, vel illam designando per ordinem ad delictum. *tom. 1. fol. 500. num. 6.*

27. Mortaliter peccat, & incurrit suspensionem ab ingressu Ecclesiæ per mensem, & à divinis qui fert censuram sine scriptura, aut sine expressione causæ, aut qui parti petenti non concedit exemplar scripturæ intra mensem si petatur. Ab hac suspensionis pœna eximuntur Episcopi ferentes censuram solo verbo, & etiam ferentes sine scriptura ob urgentem causam, aut bona fide. Item eximuntur & Prælati religiosorum ferentes censuras contra suos religiosos. *ibid. num. 1. & 2.*

28. Censura lata sine scriptura, vel sine expressione causæ, non est irrita & inualida: nam omissio scripturæ censetur tantum omissio formæ accidentalis. *tom. 1. fol. 501. num. 3.*

29. Ad incurrendam censuram ita prærequiritur admonitio, ut inualida sit sine ea. Præceptum Superioris latum sub censura incurrenda, nisi blasphemum deferantur, vicem gerit admonitionis, nec opus est nova admonitione. *ibid. num. 1. & seqq.*

30. In censuris comminatoriè latis pro futuris culpis, non videtur requiri admonitio distincta à publicatione legis seu edicti; quidquid multi DD. in contrarium sentiant. Ratio est, quia adest sufficiens admonitio ex parte iudicis, & sufficiens contumacia ex parte delinquentis. *tom. 1. fol. 502. num. 3. & 4.*

31. Admonitio facienda est auctoritate illius qui laturus est censuram, & dum declarandum est aliquem incidisse in censuram, necessaria est citatio, quia sententia lata parte inaudita, irrita est. *ibid. num. 4.*

32. Valida quidem est censura, quando præmittitur

tur

titur vna tantum admonitio absque necessitate urgente, quia nullo iure cauetur esse inualidam; peccat tamen iudex illam ferens sine triplici admonitione. Constituendi sunt duo saltem dies pro singulis monitionibus; & quando censura fertur contra personam aliquam particularem & determinatam, admonitio facienda est coram illa persona: nullus enim potest esse contumax, quod requiritur ad incurrendam censuram, nisi sit admonitus. Nec sufficit admonitionem fieri ad domum illius contra quem fertur censura, nisi reus per dolum se abscondat, vel impediat per vim, aut iam semel facta fuerit personalis admonitio, aut citatio facta ad domum innotuerit delinquenti. Quidam volunt in duobus casibus non videri opus esse præmittere admonitionem ad ligandum aliquem censura: si aliquis à iudice sedente pro tribunali admonetur num parere velit, & dicat se nolle parere: & si aliqua censura lata est à iure propter aliquod delictum, iudex inferior potest propter idem delictum ferre excommunicationem absque alia admonitione. *ibid. num. 5. & seq. ad 11.*

33. Quando suspensio vel interdictum fertur contra communitatem, admonitio facienda est delinquenti, ob cuius delictum fertur interdictum, vel suspensio. Quando fit admonitio alicui personæ, seu citatio, debent interesse aliqua personæ idoneæ, quæ testentur, si opus fuerit, monitionem factam fuisse. *tom. 1. fol. 503. num. 11. & 12.*

34. Censura iniusta ex eo quod non proueniat ex amore iustitiæ, sed potius ex odio, valida est; quia nihil essentiale deficit: secus dicendum de censura iniusta, in qua prætermittitur iuris ordo:

do: nam sententia lata non seruato iuris ordine necessario, non est sententia, nec conformis iuri. Similiter inualida est censura materialiter iniusta, quando scilicet causa, propter quam fertur, non subsistit. Ex quibus patet innocentem iniuste excommunicatum non priuari suffragiis Ecclesiæ, nec indigere absolutione in foro conscientie. Pater vltius innocentem, contra quem lata est sententia censuræ materialiter iniustæ, posse priuatim secluso scandalo, celebrare, & celebrando non incurrere irregularitatem: & cum non priuari iurisdictione in foro conscientie, nec inhabilem fieri ad beneficia. *tom. 1. fol. 504. num. 2. & seqq. ad 8.*

35. Sententia errorem intolabilem continet (consequenter inualida est) quando iudex eam fert, non habens, neque indicans se habere rationem, & iustam causam ad censuram ferendam. Quare lex præcipiens aliquid turpe, aut inutile, aut contra commune bonum, non obligat in conscientia, neque ligat. Aduerte tamen in dubio causæ iustæ, censuram obligare. *tom. 1. fol. 505. num. 8. & seqq.*

56. In ferenda censura seruanda est circumstantia loci seu proprii territorij, quando ad illam ferendam opus est iurisdictione contentiosa, seu quando fit cum causæ cognitione strepitu iudiciali; & sic non potest Episcopus extra propriam diocesim valide ferre censuram, sedendo pro tribunali, & cum causæ cognitione. *tom. 1. fol. 506. num. 3. & 4.*

37. Fori non potest censura per modum statuti contra subditos in alieno territorio existentes, quia extra territorium ius dicenti non paretur impune: clericus tamen existens in alieno territorio,

torio;

torio, potest ligari censura, si non resideat, aut ad Synodū non accedat, quia nō residendo censetur peccare in diœcesi. *tom. 1. fol. 506. num. 6. & 7.*

38. Faciens contra censuram in loco exempto, non ligatur censura: censetur enim abesse à diœcesi formaliter. *ibid. num. 8.*

39. Stuprator puellæ non ligatur censura (si quæ lata est per statutum in aliquo territorio) consummando copulā cum ea extra tale territorium: neque existens in Ecclesia ligatur censura, occidendo hominem existentem extra Ecclesiam: secus dicendum si è contra, nam tunc homicidium completur in Ecclesia. Adde vulnerantem in Ecclesia, aut in territorio; in quo lata est censura, ligari censura, si vulneratus moriatur extra Ecclesiam, aut extra territorium, in quo lata est censura. *tom. 1. fol. 507. num. 10. & seq.*

40. Qui furatur extra propriam diœcesim, non ligatur censura lata per modum statuti contra furantes in propria diœcesi. *ibid. num. 13.*

41. Superior potest censuris per sententiam ligare suos subditos existentes in alieno territorio; propterea fur committens factum extra territorium sui Superioris, ligatur censuris ab eo Superiore latis per modum sententiæ contra furantes: sententia enim respicit personam, ut illius contumacia coerceatur. *ibid. n. 14.*

42. Censura lata ab Archiepiscopo non extenditur ad Suffraganeos, & ad subditos suorum Suffraganeorum, nisi censura lata sit in Concilio Prouinciali, aut nisi delinquant in territorio ipsius Archiepiscopi. *tom. 1. fol. 508. num. 19.*

43. Extraneus non ligatur censuris latis à Superiore loci in quo breui tempore reperitur, nisi fortè decreuerit ibi permanere. Intellige huius-

modi

modi extraneum non solum non ligari censuris latis per sententiam, sed neque latis per statutum, nec refert quod fuerit præsens, quando lata fuit censura, si non habuerit intentionem ibi manendi. *ibid. num. 20. & seqq.*

44. Censura quæ non omnino liberè ac voluntariè fertur, sed potius per metum incussum iudici ad censuram extorquendam, valida est. *ibid. num. 1.*

45. In ferenda censura seruandus est ordo, ut videlicet prius feratur censura leuior, deinde grauior, aut omittatur grauior sufficiente leuiore. Seruanda etiam circumstantia temporis, ne scilicet feratur die feriato: si tamen feratur tali die, valida est. *tom. 1. fol. 509. num. 2. & seqq.*

46. Qui censuram contraxit, denunciari debet de auctoritate legitimi Superioris, in Ecclesiis publicè, & postea denunciatio in scriptis affigi debet ad portas Ecclesiarum, cum expressione causæ, iuxta receptum loci morem. Aduerte tamen denunciationem fieri solere dumtaxat in censura lata contra determinatam personam, & non in edita contra indeterminatas personas. *ibid.*

47. Iudex non semper tenetur ad huiusmodi declarationem, & consequenter ad denunciationem, nisi aliud ratio boni priuati, vel communis suadeat. *ibid.*

48. Qui censuram à iure, vel ab homine latam ipso iure contraxit, non est denunciandus statim post delictum ante sententiam criminis declaratoriam, etiamsi delictum notorium sit & publicum, sed prætermittenda est citatio & sententia criminis declaratoria. *ibid.*

Censura.

Censura finis & effectus.

49. Finis censuræ est ille, quem Superior in ferenda censura intendit, sibi que proponit, qui est salus vel emendatio ac resipiscentia illius contra quem censura fertur: unde Prælati moraliter certus, vel dubitans excommunicationem non profuturam delinquenti, eam ferre non debet, nisi eam ferat ad terrorem aliorum. *tom. 1.*

fol. 10. num. 1. & 2.

50. Effectus censuræ est priuatio aliquorum bonorum spiritualium: hunc effectum suspendere potest Summus Pontifex, potestque valide conferre beneficium excommunicato, secus dicendum de Episcopo. *ibid. num. 3. & seq.*

Causæ excusantes ab incurrenda Censura.

51. Ignorantia probabilis tam iuris communis quam particularis, excusat ab incurrendis censuris, quia delictum non debet puniri eadem pœna quando lex ignoratur, ac quando scitur. Unde ille qui scit aliquod delictum esse prohibitum iure naturæ & diuino, sed nescit esse prohibitum ab Ecclesia, non ligatur censuris impositis ab Ecclesia contra patrones huiusmodi delictum. *tom. 1. fol. 511. num. 6. & 7.*

52. Ignorantia probabilis facti aut qualitatis facti, excusat à censuris incurrendis, propterea Titius occidens clericum quem credebat esse feram, excusatur à censura ratione ignorantie facti, aut potius qualitatis facti, si credebat esse laicum. Ignorantia vincibilis & culpabilis facti vel iuris, quæ crassa est, & non excusat à culpa mortali, non excusat ab incurrendis censuris, vel

vel irregularitate proueniente ex delicto. Ignorantia affectata excusat à censuris latis contra scientes, præsumentes, vel temerè facientes, &c. Hinc à fortiori ignorantia crassa vel sapina non sufficiet ad incurrendam censuram latam contra præsumentes, vel temerè facientes, &c. *rom. 1. fol. 512. num. 8. & seqq.*

53. Ignorantia pœnæ, id est censuræ, excusat ab incurrenda pœna censuræ: vnde qui scit aliquod delictum prohibitum fuisse ab Ecclesia, sed nescit prohibitum fuisse sub censura, non incurrit censuram committendo illud delictum veritum sub censura. *ibid. num. 13.*

54. Ignorantia comitans excusat ab incurrendis censuris & irregularitate proueniente ex delicto: vnde iaciens sagittam in suum inimicum, quem credebat esse feram, sed in mente sua ita erat affectus actualiter, vt illum occidisset, si sciisset ipsum esse suum inimicum, non contrahit irregularitatem, vel excommunicationem, si lata esset excommunicatio contra homicidas; quia censuræ incurruntur ob peccatum externum: opus autem externum factum cum ignorantia comitante, non est peccatum. *rom. 1. fol. 513. num. 14.*

55. Ex dictis infer non incurri excommunicationem ab eo, qui percutit clericum, nesciens prohibitum esse ab Ecclesia percutere clericum. Idem dicendum de eo, qui licet sciuerit prohibitam esse ab Ecclesia clerici percussione, nihilominus nunquam sciuit prohibitam esse sub censura, vel nihil vnquam dubitauit, vel si dubitauit, adhibuit sufficientem, vel saltem mediocrem diligentiam ad cognoscendum an lata esset censura contra percussores clericorum, & non potuit ante

ante percussione[m], vel ante actum sub censura prohibitum rei veritatem inuenire: hic enim dicitur ignorantia probabili laborare. Infer præterea virum indoctum non incurrere censuram, quando consuluit viros doctos professionis & artis moralis, num lata esset censura, ipsique responsum est nullam extare. Idem dicendum de viro docto, qui suborto dubio alicuius censura, mediocri saltem labore & diligentia reuoluit libros, sed nullam censuram potuit inuenire. *ibid. num. 15. & 16.*

56. Naturalis obliuio & inconsideratio excusat ab incurrenda censura: nam obliuio & inconsideratio comparatur ignorantia. *ibid. num. 17.*

57. Nullam incurrit excommunicationem, qui proicit saxum contra Caium clericum, sed fortè inculpabiliter percussit alium clericum transeuntem: secus dicendum de percutiente clericum, quem putabat esse laicum, sed si est clericus, adhuc inquit volo percutere. *ibid. num. 20. & 21.*

58. Percutiens laicum, credens ex percussione laici incurri excommunicationem, non afficitur excommunicatione, cum non sit in iure expressa. *tom. 1. f. 514. num. 22.*

59. Legitima appellatio excusat ab incurrenda censura lata sub conditione, modò appellatio fiat ante conditionis adimpletionem; at censura lata purè & absolutè, non suspenditur per appellationem. Dari non potest appellatio ab absolutione excommunicationis, quæ suspendat effectum absolutionis. *ibid. num. 2. & 3.*

60. Appellatio à sententia sub conditione lata excusat ab incurrenda pœna, etiamsi postea appellatio ipsa fuerit derelicta. *tom. 1. fol. 515. n. 4.*

61. Citatus

61. Citatus à iudice ad comparendū intra mensem sub pœna alicuius censuræ, non peccat non comparendo post factam appellationem. *ibid. n. 5.*

62. Licitum est appellare à sententia declaratoria, vt si iudex declaret aliquem clericum excommunicatum propter delationem sclopi, potest clericus ab hac declaratione appellare, & probare sclopum à se non fuisse delatum. Appellatio fieri debet cum probabili & sufficienti causa, vel saltem appellans debet bona fide appellare, debito tempore. *ibid. num. 7. & 9.*

63. Superior excommunicans inferiorem hoc modo, *Excommunico te si appellaueris*, non ligat inferiorem facta appellatione ab ipso inferiore; nam huiusmodi excommunicatio continet errorem intolerabilem. *ibid. num. 10.*

64. Impotentia faciendū quod præcipitur sub censura, excusat ab incurrenda censura, quia ad impossibile nemo tenetur. Similiter metus grauis, seu cadens in constantem virum, excusat ab incurrendis censuris. Quare clericus deferens arma metu mortis, non peccat mortaliter, nec afficitur excommunicatione, si quæ lata sit contra ferentes. Item Christiani capti à Turcis possunt sine censura remis impellere naues contra Christianos, nam metu mortis hoc faciunt. Item excusantur metu mortis adulterium committentes. *tom. 1. fol. 516. num. 1. & seq.*

65. Voluntas seu consensus illius, in cuius fauorem concessa fuit censura, sufficit ad suspendendā censuram, ne incuratur. *tom. 1. fol. 517. n. 1.*

66. Debitor elapso termino prorogato sibi à creditore, in cuius fauorem lata fuerat censura, ligatur censura. *tom. 1. fol. 518. num. 2.*

67. Denique hæ causæ excusant adhuc ab in-

curren

currendis censuris: Voluntarium imperfectum, actio non sufficiens ad effectum prohibitum sub censura, innocentia subditi, iniustitia materialis censuræ, nullitas censuræ, &c. *ibid. num. 3.*

Censurarum absolutio.

68. Censura reservata lata ab homine per sententiam generalem vel particularem, iure communi potest auferri per eum qui eam tulit, vel per eius Superiorem, vel per successorem, aut per eum, cui specialis facultas fuerit delegata. Censura non cessat per obitum ipsius Prælati, à quo censura lata fuerat. *tom. 1. fol. 518. n. 1. & seq. ad 6.*

69. Censura non reservata lata per sententiam generalem, iure communi tolli & auferri potest à quocumque potestatem habente absoluendi à mortalibus. Quare qui contraxit censuram in vno loco, potest absolui à Superiore illius loci ad quem se transfert, nisi censura lata esset per sententiam particularem, quæ auferenda est ab eo qui tulit. *tom. 1. fol. 519. num. 5. & seq.*

70. Superior potest absolvere à censura, quam tulit contra eum, qui à se appellavit, cum per appellationem iudex non amittat suam iurisdictionem. *ibid. num. 10.*

71. Qui à Papa obtinuit facultatem absoluendi à casibus, & censuris, non potest absolvere à casibus Episcopo reservatis, nisi id expressum sit; quia Pontifex non intendit derogare statutis particularibus locorum. *tom. 1. fol. 520. num. 11.*

72. Habens facultatem absoluendi ab omnibus censuris, potest etiam absolvere à reservatis: sicut & obtinens facultatem absoluendi à casibus Summo Pontifici reservatis, potest etiam absolvere à censuris illi reservatis: non tamen à

censu

censuris in Bulla Cœnæ reservatis: nam hæ specialiter reservantur, consequenter indigent speciali expressione. *ibid.num.12.& seq.*

73. Episcopi non solum possunt absolvere à censuris latis à se, vel à suis prædecessoribus, sed etiam ab omnibus censuris & casibus reservatis Summo Pontifici per seipsos, aut Vicarium ad hoc specialiter deputatum, aut per Pœnitentiarium. Ita *Concil.Trident.sess.24.c.6.* quod Tridentini decretum ulterius extenditur, modò delictum sit occultum. *tom.1.fol.521.num.1.*

74. Episcopus absolvere potest à casibus Papæ reservatis, etiam quando delictum fuit deductum ad forum contentiosum, sed reus purgavit se, & non fuit in eo convictus. *ibid.num.2.*

75. Episcopus non potest absolvere eum, qui in vno loco commisit delictum publicum, sed postea se transtulit ad alium locum, vbi est occultum, quia huiusmodi delicta sunt verè publica. Quod si excommunicatio sit publica, & delinquens ob legitimum impedimentum non potest Romam adire, tunc Episcopus potest absolvere; videtur tamen habendus recursus ad Sedem Apostolicam per Procuratorem, & per Epistolam. *tom.1.fol.522.num.3.& 4.*

76. Archiepiscopus non potest à censuris latis à Suffraganeis, vel à Sede Apostolica absolvere subditos Suffraganeorum, quia non habet in ipsos iurisdictionem, nisi apud eum facta fuerit appellatio, aut ab Episcopo Suffraganeo malitiose, aut negligenter differatur absolutio, aut nisi visiter: tunc enim ratione officij ordinariam habet facultatem ad absoluendum. *tom.1.fol.523.num.7.*

77. Laicus vel etiam clericus qui non est Sacerdos,

cerdos, nō potest à censuris absolvere in articulo mortis, neque Diaconus qui non excommunicauit, vel qui non habet specialem aliquam facultatem absoluedi, quamuis multi contrarium sentiant. Potest tamen simplex Sacerdos, quamuis degradatus, vel excommunicatus, vel irregularis, vel etiam hæreticus, quando non patet aditus ad Superiorem, vel ad Confessarium approbatum. Dicitur autem mortis articulus non solum periculum mortis proueniens ex infirmitate, sed quodlibet probabile periculum mortis. Quod si pœnitens potest adire Superiorem per litteras, aut per Confessarium, quilibet Sacerdos non potest absolvere à censuris, etiam in articulo mortis; secus dicendum si dubitatur, an pœnitens qui est in articulo mortis proximo, possit superuiuere, & expectare. *tom. 1. fol. 524. num. 1. & seqq. ad 7.*

78. Quando adsunt plures Sacerdotes, quorum vnus est approbatus, non verò alius, vnus excommunicatus, non verò alius, &c. approbatus, & non excommunicatus debent absolvere. *tom. 1. fol. 525. num. 7.*

79. Infirmitas qui non potuit petere absolutio- nem peccatorum, potest absolutio censurarum impendi à quolibet Sacerdote, vt recipiat reliqua Sacramenta, & non priuetur Ecclesiastica sepultura: non autem potest impendi absolutio ab irregularitate, aut à suspensione ab ordine, officio, vel beneficio, quæ non retardant à consecutione gloriæ. *tom. 1. fol. 526. num. 8. & seqq.*

80. A pœnitente non puero, qui in mortis articulo absoluitur à Sacerdote aliàs non habente facultatem absoluedi à censuris extra mortis articulum, extorquendum est, si fieri potest, iuramentum,

mentum; se sublato impedimento non perpetuo præsentandi quàm primum commodè poterit coram Superiore, qui de iure potest extra illum articulum absolueret, alioquin pœnitens reincidit in nouam censuram. Nec refert quod sublato morbo satisfecerit parti læsæ; debet enim se obedientem exhibere. Remanet tamen absolutus, si Confessarius ex obliuione, vel negligentia hoc onus se præsentandi non iniunxerit. Quod si in articulo mortis absolutus fuerit vi alicuius priuilegij aut Iubilæi, non tenebitur se præsentare superiori. *ibid. num. 11. & seq. ad 16.*

81. Absolutio ad reincidentiam dicitur ea, qua posita iterum inciditur in censuram, nisi præstentur ea quæ præscribuntur; & absolutus ad reincidentiam vitandus est, postquam neglexit se præsentare. *tom. 1. fol. 527. num. 17. & 18.*

82. In absolutione casuum reservatorum tradita in mortis articulo, exigenda non est cautio præsentandi se Superiori. *ibid. num. 19.*

83. Inuitus positiuè, aut ignarus, sublata contumacia propter quam ligabatur censura, potest à censura absolui, si spectemus naturam censuræ, quia sicut censura ferri potest in inuitum, ita potest ab inuito auferri. Similiter absens localiter validè potest absolui. *tom. 1. fol. 528. num. 3. & 4.*

Absolutionis Censura forma.

84. Ad absolutionem censuræ non est necessaria certa & determinata forma verborum, sed sufficiunt quæcumque verba ore prolata, vel inscriptis expressa & exarata, quibus sufficienter exprimatæ absolutio; quare sufficerent hæc verba, *te absoluo*, aut, *ego te absoluo*, ut dicitur in absolutione peccatorum. A solo Pontifice dari potest
absolu.

absolutio censuræ per nutus & signa. Non est necesse in absolutione censuræ causam exprimere, nisi sint plures, & Superior intendit vnam tantum per absolutionem auferre: potest enim vna censura auferri alia remanente. Neque petens absolutionem ab vna censura, remanet ab omnibus absolutus, quando Superior generalem impendit absolutionem: nam cum petitio sit limitata, limitata est etiam absolutio: remanet tamen pœnitens absolutus à censuris oblitis in confessione generali, si confessus sit Sacerdoti habenti facultatem absoluedi à censuris, ex officio, vel ex privilegio. *tom. 1. fol. 528. num. 1. & seq.*

85. Habens iurisdictionem ordinariam, potest extra confessionem absolutionem censurarum conferre: quia sicut extra confessionem potest ligare, ita etiam absolvere. Item habens facultatem absoluedi à censuris in foro conscientiæ, potest ab iis absolueri extra confessionem. *tom. 1. fol. 530. num. 7. & 8.*

86. Pœnitens qui tempore Iubilæi confessus est censuras & peccata reservata cum intentione consequendi Iubilæum, & præstandi cætera præscripta in Iubilæo, remanet absolutus, si obtenta absolutione aliquid omisit, v.g. ieiunium, ratione cuius omissionis non consequitur indulgentiam, neque grauitèr peccat non præstando cætera requisita, etiam si id voluntariè faciat. *tom. 1. fol. 531. num. 13. & 14.*

87. Absolutio censurarum in rigore loquendo, potest validè ferri, non solum sub conditione de præsentì & præterito, sed etiam sub conditione de futuro, & etiam sub conditione impertinente, quamquam censura illicitè feratur eo modo. *ibid. num. 1.*

D

88. Abso

88. Absolutio censurarum dari potest *ad cautelam*, id est, dubitando sub hac conditione si pœnitens indiget, vel si contraxerit; abundans enim cautela non nocet. Petens absolutionem censuræ, non fatetur censuram, sed solum indicat se habere conscientiam læsam, & fortè petere absolutionem *ad cautelam*. tom. 1. fol. 532. num. 2. & 3.

89. Sicut censura impendi & extorqueri debet sine dolo vel errore, ita etiam eius absolutio: neque remanet absolutus is qui absolutionem extorsit per dolum versantem circa causam finalem. Idem dicendum de absolutione data per vim vel metum iniuriosum cadentem in constantem virum; hæc enim inualida est, à quocumque metus incutiatur, modò incussus sit per ordinem ad extorquendam absolutionem. Præterea ille adhuc subiacet censuræ sub conditione latæ, qui ante conditionis euentum per vim curavit reuocari censuram: hæc enim reuocatio inualida est. tom. 1. fol. 533. num. 1. & seq.

90. Habens facultatem ordinariam vel delegatam, seu priuilegium absoluendi absque limitatione satisfactæ partis, validè absoluit pœnitentem, qui nondum satisfecit parti læsæ. Ut autem sciatur quando satisfactio imponatur tanquam conditio necessaria, attendenda sunt verba quibus conceditur priuilegium cum limitatione. tom. 1. fol. 534. num. 1. & seqq.

91. Habens priuilegium absoluendi, satisfacta parte, potest absolvere eum qui parti non potest satisfacere, modò creditor non sentiat æquale damnum, & petita cautione à pœnitente, eum data occasione satisfacturum; & qui totam satisfactionem exhibere non potest, tenetur ad partem. *ibid.* num. 4. & seqq.

92. Qui

92. Qui potestatem habet absoluendi sub hac conditione, *satisfacta parte*, potest statim absolute excommunicatum qui dedit pecuniam Confessario, vel alteri viro probo, ut commodius restituatur parti læsæ: nam poenitens hoc modo videtur satisfecisse. Idem dic quando per poenitentem non stat, ne satisfaciat. *tom. 1. fol. 535. num. 7. & 8.*

93. Qui ligatur censura, donec satisfaciat, facta satisfactione, requiritur adhuc absolutio, neque aliter haberetur apud Ecclesiam pro absoluto. *ibid. num. 10.*

94. Ille dicitur absolui in foro interiori, seu conscientiae, qui absoluitur ab eo, cui Superior concessit facultatem absoluendi, salvo iure cognoscendi de illo delicto in foro exteriori, & de eo poenam & satisfactionem imponendi. *ibid. num. 1.*

95. Absolutus in foro conscientiae, non est de novo absoluendus, quando eius crimen defertur ad iudicem; & excommunicatus occultus absolutus in foro conscientiae potest se gerere tanquam si non esset excommunicatus. *tom. 1. fol. 536. num. 3. & 4.*

96. Antequam absolutio censuræ impendatur, regulariter loquendo, præcedere debet petitio ipsius absoluendi, non quidem ex necessitate & essentia absolutionis, sed ex congruitate. Reo qui absoluitur aliquando imponi potest poena pecuniaria, soluenda si non paruerit: per se tamen loquendo non est imponenda, quia redolet suspicionem avaritiæ. *ibid. num. 4. & 5.*

97. In absolutione, quæ in foro externo impenditur, seruandæ sunt cæremoniæ præscriptæ in cap. à nobis, de sentent. excommun. videlicet le-

uis percussio virga aut flagello super nudatos humeros viri, & non fœminæ ob honestatē, quandiu recitatur Psalmus *Miserere*, aut alius pœnitētiālis, postmodum dicto *Gloria Patri*, &c. *Kyrie eleyson*, &c. *Pater noster*, &c. versiculis *Saluum fac*, &c. absoluens hanc orationem recitat: *Oremus*, *Deus cui proprium est misereri semper & parcere*, suscipe deprecationem nostram, & hunc famulum tuum quem excommunicationis sententia ligatum tenet, miseratio tua pietatis absoluat, *Per Christum Dominum nostrum, Amen.*

Deinde absolutionis verba subiungit: *Auctoritate qua fungor absoluo te à vinculo excommunicationis, quod incurristi ob hanc vel illam causam, restituo te sacramentis Ecclesiæ, & communioni fidelium; In nomine Patris, &c. Amen.* Istæ tamen cæremoniæ non sunt de essentia absolutionis. *ibid.*

Census.

Vide v. *Vsura*.

1. Nomine *census* intellige ius percipiendi certam pensionem ex re alterius frugifera, siue ea pensio sit fructuaria, siue pecuniaria. Duplex est census, consignatiuus, & reservatiuus, qui est contractus quo quis transfert rem suam in alterum quoad dominium directum vel utile, reservata sibi annua pensione. Census verò consignatiuus est contractus, quo quis alteri vendit ius percipiendi annuam pensionem, super rebus suis, aut super persona. Et hic census triplex est, realis, personalis, & mixtus. Realis fundatur in re ipsa, ut in agro, vinea, &c. Personalis in persona, quatenus talis persona potest aliquid acquirere pro
prio

prio labore industriæque : census verò mixtus fundatur super re & persona. Præterea census alius est perpetuus seu irredimibilis , alius temporalis , qui redimi potest à censuario. *tom.2. fol.776.num.1. & seqq.*

2. Ad contractum census ex natura contractus requiruntur diuersæ conditiones ; videlicet ut adsit intentio emendi & vendendi , ut adsit iustum pretium (quamquam non requiritur ut pretium census æquet pensiones soluendas , habendaque est ratio oneris impositi censualistæ) ut constituens censum super re aliena liberam habeat illius rei disponendæ facultatem ; qualem non habet maritus respectu fundi dotalis vxoris suæ absque illius consensu , aut clericus super beneficium , aut feudatarius & emphyteuta super re accepta in feudum vel emphyteusim : præterea ut census fundetur in re frugifera , ut si res censita pereat absque culpa censuarij , cesset census ad ratam ; denique ut si aliquod onus imponatur venditori , ad quod venditor ex natura contractus non tenebatur , debita mercede compensetur. *tom.2.fol.777.num.5. & seq. ad 14.* Hoc posito,

3. Census realis licitus est concurrentibus sequentibus conditionibus : videlicet , ut census non instituatur , nisi super re immobili sua natura frugifera , (quamvis fortè aliquoties non ferat) & certis finibus designata : deinde ut contractus census non celebretur , nisi numerata pecunia in actu celebrationis instrumenti coram Notario & testibus ; id est , videntibus Notario & testibus pretium integrum solui : nec sufficit ut computentur debita in pretium , vel ut censuarius fateatur sibi solum pretium , aut res aliqua æqui-

ualens, v.g. gemma solvatur; præterea ne pensiones anticipatæ deducantur in pactum, hoc est, ne is qui emit censum, cogat censuarium, ut sibi censum anticipatè solvat; sed tantummodò exigat pro rata temporis lapsi, quamquam potest censuarius anticipatè solvere, si propria sponte anticipatè solvere voluerit. Item ne venditor census obligetur ad casus fortuitos, vel ad alia onera, ad quæ ex natura contractus non tenetur, & ne fiat pactum restringens libertatem censuarij, ne alienet rem ut sui subiectâ, aut ne fiat pactum soluendi censitori laudimium, vel aliam partem rei alienatæ. Item ut dominus rei censitæ volens rem censitam vendere, admoneat censualistam, num ipse velit eam emere eodem pretio, eumque aliis præferat; alioqui licitum est censualistæ repetere rem censitam venditam ipso irrequisito. Item cauetur fieri pactum quo censuarius existens in mora, seu non solvens censum tempore constituto, teneatur ad interesse lucri cessantis, aut ad aliquam pœnam, aut ad amittendam rem censui subiectam, aut ad expensas; quamquam seclusa lege positiua videtur teneri ad resarcienda damna, quæ passus est censualista ob ipsius moram. Item ne census antea constitutus augeatur ex pensionibus debitis & nondum solutis, quamvis non sit illicitum iure naturæ censum augeri ex pensionibus nondum solutis, & traditis censuario loco pretij. Item ut semper liberum sit censuario redimere censum quoties voluerit, reddito eodem pretio quo vendiderat, non obstante quavis præscriptione, aut pacto. Item ut pretium census semel constitutum non possit augeri vel minui ex aliqua circumstantia superueniente, sed æquale pretium reddendum sit

fit quo census ab initio fuit emptus. Denique ut censuarius non cogatur ad redimendum censum, secluso hoc casu; quando videlicet censuarius admonuit censitorem duos menses antequam redimeret, se velle redimere, qua denuntiatione facta, censitor potest intra annum reperere pretium census à censuario, licet inuito. Elapso verò anno, non potest pretium exigere. Circa has conditiones aduerte multos Doctores affirmare non improbabiliter, eas solùm requiri in foro conscientiæ, quas iure naturæ seu ex natura contractus requiri paulò ante ostensum est. *tom. 2. fol. 778. num. 14. & seqq.*

4. Census vitalitius ad ementis, aut vendentis vitam, vel ad aliorum annorum numerum incertum, licitus est & validus interueniente iusto pretio; nam concurrente iusto pretio tam censuarius, quam censualista subit æquale periculum lucrandi & perdendi. Redimique potest à censuario census vitalitius, ita ut censuarius liberetur, & non teneatur amplius ad pensionem persolvendam, modò adsit mutuus contrahentium consensus, & seruata proportione iustum intercedat pretium. Minus tamen valet, quo plures pensiones solutæ sunt, & quo plus vitæ transactum est. *tom. 2. fol. 779. num. 18. & 20.*

5. Aduerte in constituendo pretio census, haberi posse rationem oneris impositi censualistæ, qui rem emit redimibilem gratia censuarij, ut dictum est de venditione cum pacto retrouendendi; neque pretium census debere pensiones solvendas æquare. *tom. 2. fol. 581. num. 24.*

6. Emptor census potestne pactum apponere, ut quando censuarius voluerit redimere censum, non redimat nisi eadem moneta? Potest, modò

qui tradit pecuniam, probabiliter credat valorem monetæ non esse augendum. *tom.2.fol.783.n.36.*

Cessatio à diuinis.

1. Cessatio est ommissio & desistentia à diuinis officiis, ab administratione sacramentorum, & sepultura laicorum: duplex est, vna generalis, qua prohibentur diuina in loco vniuersali, vt in regno, ciuitate, castro, &c. altera particularis, qua prohibentur in loco particulari, vt in vna vel pluribus Ecclesiis. Cessatio non est censura, sed fertur per modum simplicis prohibitionis, & comminatoriè tantum. *tom.1.fol.655.num.2. & seqq.*

2. Causa efficiens quæ potest imponere cessationem est Papa, Episcopus, & Capitulum Sede vacante: nam cessatio pertinet ad forum contentiosum, cui præest Papa, & Episcopus. Concilium item Prouinciale & diocesenum potest cessationem imponere. *tom.1.fol.656.num.1.*

3. Forma ferendi cessationem hæc potest esse: *Nos ob talem causam ciuitatem vel Ecclesiam abstinere precipimus à diuinis officijs.* In ferenda cessatione hæc conditiones seruientur: vt delictum sit manifestum & notorium, vt admoneatur is ob cuius culpam ferenda est cessatio, vt pariat & satisfaciat, nisi ferens cessationem, & ille contra quem fertur, intra mensem se componant, & adeant Summum Pontificem per se vel per Procuratorem. Qui cessationem tulit, potest transacto mense postquam iter ad Summum Pontificem suscepit, tollere cessationem. *ibid.num.2. & seqq.*

4. Causa

4. Causa materialis proxima ob quam cessatio imponitur, est delictum & culpa manifesta, quæ valde gravis esse debet, & grauior quàm sit ea, ob quam ponitur interdictum. *ibid.num.5.*

5. Finis remotus cessationis est resipiscentia & emendatio illius cuius causa lata est cessatio. *tom.1.fol.657.num.6.*

Cessationis effectus.

6. Effectus cessationis est, vt tempore cessationis tam generalis, quàm particularis abstineatur à diuinis officiis publicè recitandis, vt ab horis Canonicis publicè persoluendis, à celebratione Missæ, &c. etiamsi seruetur moderatio: deinde tempore cessationis sacramentum ordinis, aut extremæ vnctionis non confertur laicis, aut clericis; secus dicendum de aliis sacramentis ob illorum necessitatem, maximè de sacramento Baptismi. Non videtur licitum tempore cessationis contrahere matrimonium. Præterea cessatio priuat laicos sepultura sacra, saltem quoad diuina officia, etiam quoad eos qui habent priuilegium sepulturæ pro tempore interdicti. Violans cessationem, grauiter peccat, & incurrit irregularitatem, vel excommunicationem. *tom.1.fol.657.num.1.ad 11.*

7. Ille cuius causa lata est iusta cessatio, tenetur ad reficienda omnia damna clericis, qui coacti fuerunt seruare cessationem, & distributiones amiserunt, vel alia damna passi sunt. *tom.1.fol.659.num.12.*

Charitas.

I. Charitas est virtus supernaturalis, omnium

D 5.

virtutis

virtutum excellentissima, qua Deus super omnia diligitur. Tenemur Deum diligere super omnia appetitiuè, non verò intensuè; propterea diligendus est tanquam finis vltimus omnium rerum, alioquin Deus non diceretur diligi super omnia, si dilectio illius referretur ad aliquid aliud, tanquam ad vltimum finem. *tom. 2. fol. 234. num. 1. & seqq.*

2. Præceptum charitatis negatiuum semper obligat; affirmatiuum autem obligat dum insurgunt tentationes odij Dei, & periculum adest illis consentiendi, & quando actus contritionis ex imperio charitatis eliciendus est. *ibid. num. 1. & 2.*

3. Tenemur ex charitate proximum diligere, inò & inimicum; per se tamen loquendo non tenemur inimicum nobis obuium salutare; peccaret tamen mortaliter, qui inimicum salutantem non resalutaret, si inde sequatur scandalum, aut existimeretur notabilis contemptus spectata circumstantia temporis, loci, personarum, & consuetudine patriæ. *tom. 2. fol. 235. n. 1. & seqq.*

4. Charitas obligat ad subueniendum extreme necessitati spiritali proximi cum vitæ aut facultatum periculo; secus dicendum, si non adsit necessitas extrema spiritalis. Item tenemur ei eleemosynam facere dum extrema necessitate laborat; sed non tenemur pauperes inquirere. *tom. 2. fol. 237. num. 2. & 4. fol. 239. num. 3. fol. 240. num. 10.*

5. Possumus, sed non tenemur vitam nostram periculo exponere pro vita temporali amicorum, modò Reipubl. vel aliis damnum inde non sequatur. *tom. 2. fol. 237. num. 6.*

6. Vnus proximus magis diligendus est quàm
alius,

alius, pater & mater magis quàm frater, aut creditor; vxor quàm soror. *tom. 2. fol. 238. n. 1. & seq.*

7. Facienda est eleemosyna pauperi, etiam extra necessitatem ipsius, extremam vel quasi extremam de superfluis vitæ & statui, id est in graui necessitate; quare peccant Aduocatus, v.g. & Medicus, non subueniendo indigenti ipsorum opera. Aduerte tamen habentem superflua vitæ, sed non statui, non teneri in graui vel communi necessitate eleemosynam facere; secus in extrema, vel quasi extrema, modò non sit probabile periculum, vt nos etiam in eandem incidamus. *tom. 2. fol. 240. num. 9. & 11.*

8. Si multi diuites norunt alicuius indigentiam, singuli tenentur subuenire, quamquam vno faciente eleemosynam cæteri manent exempti. *tom. 2. fol. 241. num. 12.*

9. Debitor extremam patiens necessitatem, non tenetur per se loquendo restituere rem acceptam, seu soluere debitum creditori simili necessitate laboranti, siue rem acceperit medio contractu, siue sine præuio contractu, quia extrema necessitas omnia reddit communia; licet multi arbitrentur debitorem teneri tunc restituere domino. *ibid. num. 14.*

10. Qui tradit aliquid contractu mutui, aut commodati, non satisfacit præcepto eleemosynæ, quo tenetur eleemosynam facere simpliciter indigenti. *tom. 2. fol. 242. num. 15.*

11. Qui aliquid accepit, seu iustè, seu iniustè ante necessitatem extremam, illudque consumpsit in necessitate extrema, tenetur transacta necessitate illud restituere, secus si aliquid accepit in ipsa extrema necessitate, illudque totum in eadem necessitate consumpsit; ita vt transacta

necessitate nihil amplius supersit. *ibid.num.16.*

12. Possumus, sed non tenemur, cibum illi præbere qui damnatus est, ut fame pereat. *ibid.num.17.*

13. Eleemosyna facienda est extremè indigentibus, siue iusti sint, siue iniusti, siue infideles, siue fideles, siue sint amici, siue inimici priuati, dummodo nobis non proueniat grane damnum illis subueniendo. *tom.2.fol.243.num.18.*

14. Possuntne excludi peregrini à ciuitatibus? Possunt, si hoc fiat iusta & rationabili de causa, ne uidelicet morbos, aut corruptiones, proditionesque inferant. *ibid.num.19.*

15. Eleemosyna extra necessitatem extremam fieri non potest de iniuste acquisitis, ex.gr. de acquisitis per usuram, si iniuste acquisita eadem numero restituenda sunt dominis. *tom.2.fol.243.num.22.*

16. Habens bona fisco addicta ob aliquod crimen, potest ante sententiam pauperibus eleemosynam facere, modò id non fiat in fraudem fisci. Item tutores & curatores eleemosynas moderatas facere possunt ex bonis eorum, quorum curam habent, iuxta rationabilem eorum voluntatem. Item qui eleemosynam accepit in pauperes distribuendam, potest eam sibi applicare, modò indigeat, nec aliter constet de mente domini. *ibid.fol.244.num.23.& seqq.*

17. Qui denegauit eleemosynam pauperi indigenti, cui tenebatur subuenire, non tenetur transacta necessitate aliquid illi restituere, nec obligatur ad extinguendum debitum quod pauper contraxit cum aliis dum existeret in extrema necessitate: hic enim non peccauit contra iustitiam, sed contra charitatem. *ibid.num.29.*

18. Tene.

18. Tenemur ex præcepto naturali & diuino corrigere proximum indigentem correctione, quoties adest cognitio certa peccati, spesque emendationis, nec adest aliquis magis idoneus qui hoc munus obeat. Correctio differri potest ad tempus quo speratur fructus, imò correctio leuioris peccati prætermitti potest, vt delinquens resipiscat à maiori. *tom. 2. fol. 245. num. 1. & fol. 246. num. 7. & fol. 247. num. 9. & 10.*

19. Peccantem ignorantia vincibili, tenemur admonere, si subsit spes emendationis; secus dicendum de peccante ignorantia inuincibili, quoties non tenemur ex officio admonere, intellige etiam tunc, si adsit spes emendationis. *ibid. n. 11.*

Vitia charitati opposita, odium, inuidia, accidia, &c.

20. Odium Dei, seu desiderium mali in Deum, est peccatum omnium grauissimum, cum prius perfectione actus charitatis qui est omnium præstantissimus, paruitasque materiæ non excusat à mortali in peccato odij. *tom. 2. fol. 249. num. 1. & 3.*

21. Similiter odium proximi est peccatum contra charitatem ex suo genere mortale, quamquam fieri potest veniale ob imperfectum animi consensum, vel ob materiæ paruitatem. Differt specie ab odio Dei; idcirco in confessione aperiendum est, an odium fuerit in Deum, an in proximum. *tom. 2. fol. 250. num. 6. & 10.*

22. Peccatne peccato odij qui rebus alienis malum exoptat? Peccat si exoptet huiusmodi malum ex displicentia personæ, & per ordinem ad personam. *tom. 2. fol. 251. num. 2.*

23. Ex.

23. Ex bono motiuo honestoque fine licitum est sibi malum optare, non verò inferre. *ibid. num. 11.*

24. Inuidia est inordinata tristitia, qua quis dolet de bono alicuius, non quatenus est bonum illius, sed quatenus videtur diminuerē propriam excellentiam. Est peccatum ex genere suo mortale, & contrarium charitati, quia charitas gaudet de bono proximi; inuidia verò tristatur de bono proximi, debetque connumerari inter peccata capitalia, quia ex ipsa tanquam ex capite multa alia peccata, vt odium proximi, susurratio, detractio, &c. originem ducunt. *ibid. num. 1. & seq.*

25. Acedia est tristitia, seu tædium rerum spiritualium; vt si quem tædeat pœnitentiam agere ex quadam pœnitentiæ nausea, aut si nollet concionem haberi, aut ieiunium esse ob difficultatem ieiunij. Est peccatum ex suo genere mortale, charitati oppositum; appellaturque capitale (ex ea enim oriuntur, odium spiritualium, rancor, pusillanimitas, desperatio, torpor:) potest tamen reddi veniale ex leuitate materiæ. *tom. 2. fol. 252. num. 1. & seq.*

26. Discordia est inordinata dissensio voluntatis à voluntate alterius, cui consentire deberet; vt si proximus velit aliquod bonum, tu verò sine rationabili causa cupias ipsum eius boni consecutionem non obtinere. Differt à contentione veluti effectus à causa, cum contentio originem trahat à discordia seu dissensione voluntatis. Est autem contentio altercatio verborum cum aliquo contra veritatem ad ipsam veritatem oppugnandam, & sicut discordia est peccatum mortale ex suo genere, ita etiam contentio, quam

quamquam per accidens reddi potest veniale.
tom. 2. fol. 253. num. 1. & seqq.

Circumcisio.

Vide v. *Baptismus.*

Clausstrum.

Vide v. *Moniales, Religiosi, Monasterium.*

Clausura.

Vide v. *Moniales, Religiosi, Monasterium.*

Clericus.

Vide v. *Censura, Excommunicatio, Officium di-
 uinum, Ordo, Suspendio, Degradatio.*

1. Clericus significat sortem seu hæreditatem,
 eo quòd Deus peculiariter sit illius fors siue pars:
 obligantur clerici gestare habitum & tonsuram:
 nec excusatur à peccato mortali, qui initiatus
 maioribus ordinibus, aut habens beneficium, non
 gestat tonsuram vel habitum ad longum tempus
 absque iusta causa. Peccant ergo à fortiori cleri-
 ci gestantes arma absque iusta & rationabili cau-
 sa. *tom. 1. fol. 334. num. 1. & seqq.*

2. Debent præterea clerici initiati sacris ordi-
 nibus recitare horas Canonicas, & seruare ca-
 stitatem. *ibid. num. 8.*

3. Clerici exempti sunt à laica potestate. *ibid.*
num. 9. & tom. 2. fol. 434. num. 2. & seqq.

4. Clericus qui primam tonsuram eo tantum
 fine recipit, ut fruatur priuilegio clericali, non
 peccat mortaliter. *tom. 1. fol. 334. num. 10.*

Coar

*Coadiutor, Coadiutus.*Vide v. *Distributiones.**Commodatum.*

1. Commodatum (quasi datum commodo alterius) est contractus, quo res alteri conceditur ad certum usum. Ad commodatum requiritur mutuus consensus, ut tradatur gratis commodatario ad aliquem certum usum, & ad certum aliquod tempus expresse, vel tacite; & præterea ut dominium commodati perseveret apud commodantem; consequenter si pereat absque culpa commodatarii, non pereat commodatario, sed commodanti. Tenetur autem commodatarius ad restitutionem ex leuissima culpa, cum commodatum celebretur in fauorem solius commodatarii accipientis; de casu autem fortuito non tenetur secuso pacto, culpa, & mora. *tom. 2. fol. 923. num. 1. & seq.*

2. Expensæ ordinariæ factæ à commodatario durante tempore contractus commodati, pertinent ad commodatarium: nam cuius est commodum, eius etiam est onus & incommodum. Extraordinariæ verò pertinent ad commodantem, modo non fuerint leues & exiguæ. *ibid. num. 4.*

*Concubinatus, Concubinarius.*Vide v. *Fornicatio simplex.**Conductio.*Vide v. *Locatio.**Confessio.*

Confessio, Confessarius.

Vide v. *Pœnitentia, Contritio, Satisfactio, Matrimonium, Sigillum, Censura, Satisfactio, Excommunicatio, Denunciatio.*

1. Confessio est legitima, & sacramentalis accusatio de propriis peccatis facta Sacerdoti, ad obtinendam remissionem peccatorum per absolutionem. *tom. I. fol. 101. num. 1.*

Sexdecim conditiones ad confessionem solent à Doctoribus enumerari sub his versibus:

*Sit simplex, humilis, confessio, pura, fidelis,
Atque frequens, nuda, & discreta, libens, verecunda,*

Integra, secreta, & lacrymabilis, accelerata.

Fortis, & accusans, & sit parère parata.

Hæ conditiones reuocantur ad tria capita. Primum est, vt confessio sit integra. Secundum, vt sit dolens. Tertium, vt sit vera, seu pura. *ibid. num. 1.*

& 2.

2. Pœnitens circa peccata mortalia tenetur tantam inquisitionem præmittere, quanta iudicio prudentis viri iudicatur, sufficiens ad omnia peccata in memoriâ reuocanda; non tamen idcirco tenetur maximam diligentiam adhibere ad huiusmodi inquisitionem, siue examen, sed sufficit mediocris. Neque similiter tenetur pœnitens peccata sua scribere, etiamsi habeat lubricam memoriâ; sicut neque tenetur statim confiteri, si præuideat fore, vt nisi statim confiteatur, peccatorum obliuiscatur. *ibid. num. 2. & seq.*

3. Qui confessus est, non præmissio examine conscientiae, tenetur ad nouam confessionem peccatorum, etiamsi suam negligentiam aperuerit

rit in confessione, & à Confessario absolutionem obtinuerit, dummodò tamen Confessarius non suppleuerit defectum examinis, per diligentem interrogationem; non tenetur tamen Confessarius pœnitentem interrogare, nisi aduertat, pœnitentem silere peccatum per inadauertentiam, vel per obliuionem inculpabilem. *rom. 1. fol. 192. num. 5. & seq.*

4. Quæres, an Confessarius debeat pœnitentem absoluerè, quem certò nouit mentiri, dicendo se conscientie examen præmisisse? Respond. negatiuè, nam impenderet absolutionem indigno. *ibid. num. 8.*

5. Confessio sit *simplex*, id est talis, vt superflua prætermittantur, & amputentur inutilia, curètque pœnitens, vt clarè & distinctè fateatur sua peccata, ita vt Confessarius non solum illa intelligat, quoad numerum, verùm etiam quoad species, circumstantias, & dubia. *rom. 1. fol. 193. num. 1.*

6. Sit *humilis*, ita vt pœnitens peccata sua cum humilitate fateatur, & cum debita corporis compositione, v.g. genibus flexis, & aperto capite; inuualida enim esset confessio illius qui peccata sua fateretur, se iactando, & gloriando in peccatis. *ibid. num. 2. & 3.*

7. Sit *pura*, quoad intentionem, ita vt non fiat ob prauum finem; sed potiùs spe remissionis obtinendæ, seu placandi Deum. *ibid. num. 4.*

8. Quæres, an peccet mortaliter, qui alteri confitetur peccata mortalia, & grauiora, vt retineat bonam famam apud priorem Confessarium, cui retigit solum leuiora peccata? Respond. non peccare mortaliter, nisi finis sit mortalis. *ibid. num. 5.*

9. Sit *fidelis*, id est vera, & sine fallacia, & deceptione: ita ut mendacium in confessione prolatum circa materiam necessariam sit peccatum mortale, irritamque reddat confessionem. Similiter inualidè confiteretur, qui maiorem numerum peccatorum mortalium in confessione exprimit, quàm reuera commiserit, nisi bona fides, aut simplicitas eum excuset. *ibid. num. 5. & seq.*

10. Sit *frequens*, non quia necesse sit necessitate medijs, vel præcepti confiteri sæpius in anno, & extra mortis periculum, aut extra tempus suscipiendæ Eucharistiæ; sed quia opus consilij est, sæpius confiteri ob magnas utilitates & vberes fructus, qui ex frequenti confessionis sacramento percipiuntur. *tom. 1. fol. 194. num. 14.*

11. Sit *nuda*, id est non palliata, aut verborum obscuritate & inuolucris velata. *ibid. num. 15.*

12. Sit *discreta*, scilicet ut pœnitens eligat Confessarium eruditum, & probum, qui sciat discernere inter lepram & lepram; deinde ut caute confiteatur sua peccata, præsertim impudica & carnalia, non descendendo ad singulos actus, qui tanquam media & principia ad peccata completa solent adhiberi, ut sunt tactus & oscula respectu copulæ; sufficit enim explicare copulam tacitis osculis & tactibus, qui copulam præcesserunt. *ibid. fol. 195. num. 17.*

13. Sit *libens*, ita ut adsit voluntas, & intentio confitendi, & ut confessio fiat cum omni voluntario excludente quodlibet inuoluntarium. *ibid. num. 18.*

14. Sit *verecunda*, id est, ut pœnitens erubescat apud seipsum de torpitudine, & fœditate animæ propriæ; non erubescat tamen confiteri peccata sua; & hac occasione obseruare debet Confessarius,

rius, ne pœnitentem deterreat verbis duris & asperis, ne illum retrahat à confessione. *ibid. num. 19.*

15. Sit *integra*, ita vt omnia peccata mortalia nunquam aliàs confessa, sigillatim exprimantur. *ibid. num. 20.*

16. Sit *secreta*, id est secretò fiat, & soli Sacerdoti: vnde nemo tenetur per se loquendo confessionem facere per interpretem, illicitumque est, saltem sub veniali confiteri peccata alio audiente; nam absque iusta causa prodigitur fama propria. *ibid. num. 21. & seq.*

17. Sit *lacrymabilis*, non quod ad ipsam requirantur exteriores lacrymæ, sed quia necessarius est internus animi dolor. *tom. 1. fol. 196. num. 26.*

18. Sit *accelerata*, ita vt peccator sua crimina quamprimum confiteatur, non est tamen necesse vt peccator statim post peccatum confiteatur. *ibid. num. 27.*

19. Sit *fortis*, ita vt pœnitens non se sinat tentationibus superare ad negligendam, & omittendam confessionem, vel ad aliquid præ pudore, vel timore in confessione prætermittendum. *ibid. num. 28.*

20. Sit *accusans*, ita vt pœnitens se accuset, sibi que imputet peccata, non verò ea laudet, aut excuset. *ibid. num. 29.*

21. Sit *parere parata*, ita vt pœnitens paratus sit obedire Confessario in his, in quibus tenetur obedientiam præstare, vt in vitandis occasionibus, in acceptanda pœnitentia, &c. *ibid. num. 30.*

22. In confessione necessariò explicanda sunt peccata quoad species morales, non autem quoad species physicas; non enim tenetur species animalium explicare, qui peccatum cum animalibus
comini

commisit specie diuersis, neque explicandi sunt actus non interrupti circa eundem finem, & qui peccauit diuinando, satisfacere videtur dicendo se toties peccasse diuinando, quamuis non exprimat id, per quod diuinauit. *tom. 1. fol. 197. num. 2. & seq.*

23. Aperienda est circumstantia in confessione, propter quam peccatum mortale fit veniale, & è contra. Similiter exponens se periculo alicuius peccati, tenetur illius circumstantiam fateri, v.g. concupiscens fœminam in communi, tenetur in confessione dicere se fœminam in communi concupiuisse, aut aliquam, cuius statum ignorabat. Et si huiusmodi circumstantiam mortalem pœnitens oblitus sit in prima confessione, tenetur illam in alia confessione iterum explicare; sũntque omnia peccata mortalia distinctè explicanda quoad numerum; sufficiet tamen vno verbo fateri numerum peccatorum vnus speciei, putà, toties peieraui, toties Missam non audiui in die festo, &c. Vnde qui fornicatus est, debet numerum fornicationum exprimere, & qui multoties furatus est, non satisfacit dicendo se tantum surripuisse, si id surripuerit diuersis vicibus interruptis. Similiter explicandi sunt actus odij sæpius repetiti, & moraliter interrupti. *ibid. num. 6.*

& seq. & fol. 198. num. 2. & seq.

24. Pœnitens tenetur numerum certum & notabilem peccatorum in alia confessione aperire, cuius non recordabatur in prima, & Confessarius tenetur numerum personarum quantum potest exprimere, quarum confessiones successiue audiuit in peccato mortali. *tom. 1. fol. 199. num. 6.*

& 7.

25. Audiens confessiones in peccato, non peccat

cat mortaliter, si propositum habeat pœnitendi, antequam pœnitentem absoluat. *ibid. num. 8.*

26. Pœnitens teneturne confiteri peccata nota Confessario extra confessionem, & actus externos necessario in confessione explicare? Resp. teneri, sufficit tamen explicare actum principalem, relictis minis principalibus, nisi essent principia & dispositiones alterius copulæ, & alterius peccati, quales sunt tactus & oscula post finitam priorem copulam. *ibid. num. 10. & seq.*

27. Faciens confessionem generalem non tenetur confiteri omnia mortalia, aliàs ritè explicata; neque satisfaceret qui carens mortalibus diceret in genere se venialiter peccasse, non explicata specie vel numero peccatorum. *tom. 1. fol. 200. num. 14. & 15.*

28. Potest absolui, qui scit se peccatum admisisse, sed dubitat an illud mortale sit, an veniale: exhibet enim certam & determinatam materiam, quamvis non sit determinata, quoad gravitatem peccati. *tom. 1. fol. 201. num. 16.*

29. Pœnitens qui propter consuetudinem peccandi, non potest peccata sua quoad certum & determinatum numerum explicare, satisfacit dicendo se talem peccandi consuetudinem tamdiu habuisse, v.g. peierandi, blasphemandi, vel furandi toties in die, sicut etiam satisfaceret concubiniarius, dicendo se tamdiu usum fuisse concubina loco vxoris; & meretrix explicando tempus, quod fuit omnibus exposita, si non recordetur numeri certi. *ibid. num. 18. & seq.*

30. Retinens rem alienam, quam potuit domino restituere, satisfacit, explicando tempus, quo rem detinuit, & domino non restituit. *ibid. num. 21.*

31. Deni

31. Denique numerus peccatorum exprimendus in confessione, facile cognosci poterit ex multiplicatione actuum voluntatis moraliter interruptorum; tunc autem moraliter interruptus actus voluntatis, quoties aliquis nec formaliter, nec virtualiter persistit in priori voluntate. *ibid. num. 22.*

32. Circumstantia peccati aperienda est in confessione, quando mutat speciem. Circumstantia autem peccati est quædam conditio non pertinet ad substantiam actus peccati, sed aliquo modo attingens ipsam actum. Circumstantiarum autem aliarum, aliæ sunt impertinentes, aliæ augentes, vel minuents notabiliter: aliæ mutant speciem, quales sunt quæ de peccato mortali efficiunt veniale, & è contra; aut quæ novam peccati speciem addunt, ut est circumstantia voti castitatis in peccato luxuriæ, aut circumstantia loci sacri in homicidio, &c. *tom. 1. fol. 202. num. 1.*

¶ 2.

33. Circumstantiæ ex quibus augeri vel minui potest peccatum, vel illi nova species addi, possunt ad has septem reuocari, quæ hoc versu exprimuntur:

Qui, quid, ubi, quibus auxilijs, cur, quomodo, quando.

34. Circumstantiæ notabiliter minuents non sunt necessario exprimendæ, nisi speciem mutant: neque similiter aggrauantes intra eandem speciem. *tom. 1. fol. 203. num. 4. ¶ 5.*

35. Vir carnaliter peccans, non tenetur in confessione dicere, se antea virginem fuisse, vel non fuisse: secus dicendum de eo, qui virginem concupiuit, aut deflorauit; tenetur enim circumstantiam virginis fateri, quamuis illam consen-

consentientem deflorauerit. *tom. 1. fol. 204. num. 7. & 8.*

36. Confessarius carnaliter cognoscens pœnitentem, non tenetur istam circumstantiam aperire; nam copula cum pœnitente non habet specialem malitiam necessario exprimendam, modò Confessarius non sollicitauerit illam in confessione: secus dicendum de circumstantia affinitatis, quæ est exprimenda, imò verò explicandi sunt gradus incestus. *ibid. num. 9. & 10.*

37. Coniugatus, qui peccauit cum soluta, aut alius cum moniali, debet has circumstantias aperire; similiter habens votum castitatis, si peccat cum fœmina eodem voto adstricta, tenetur vtramque circumstantiam exprimere. *tom. 1. fol. 204. num. 11. & seq.*

38. Qui fornicatus est cum tribus fœminis, non tenetur dicere se tres fœminas carnaliter cognouisse, sed satisfaciet dicendo, se ter fornicatum fuisse; explicanda tamen erit circumstantia iniuriæ illatæ patri, vel superiori; sicuti etiam tenetur numerum personarum explicare, qui plures vno actu percussit, vel diffamauit. Explicanda quoque est quantitas furti, & damni illati, nec satisfaceret, qui occiso homine diceret se hominem percussisse. *tom. 1. fol. 205. num. 14. & seq.*

39. Præterea qui fuit causa scandali, tenetur circumstantiam inductionis, & cooperationis ad peccatum explicare; quoties explicato actu principali, non est sufficienter explicata; & qui detrahunt coram pluribus, aut de rebus turpibus loquuntur, tenentur in confessione numerum exprimere personarum, quibus cum detractionis peccatum commiserunt. *tom. 1. fol. 206. num. 19. & seq.*

40. Consue

40. Consuetudo peccandi, aut circumstantia ingrati- tudinis, non est necessariò explicanda in confessione. *ibid. num. 22. & 23.*

41. Omittens Missæ sacrum in die festo duplicato, satisfacit dicendo se Missam in die festo prætermis- sisse, etiamsi id fecerit causa studij; se- cus dicendum de eo, qui furaretur ad morchan- dum: tenetur enim hanc circumstantiam expli- care, sicuti & qui furatus est calamum, ut incita- ret alterum ad blasphemandum, tenetur huius- modi finis circumstantiam manifestare. *ibid. num. 24. & seq.*

42. Circumstantiæ, temporis, modi, duratio- nis, &c. non sunt necessariò exprimendæ. Vnde qui peccauit in die festo, non tenetur hanc cir- cumstantiam exprimere, quia circumstantia diei festi non superaddit peccato distinctam specie malitiæ. *tom. 1. fol. 207. num. 28. & 29.*

43. Dubitans se peccatum mortale commis- sisse, aut se veneream delectationem habuisse, te- netur ad confessionem illius dubij; & à fortiori tenetur quis peccatum confiteri, quod dubitat an aliàs sit confessus. Quæ diximus, intellige de dubio propriè dicto, non verò de opinione. *ibid. num. 1. & seq.*

44. Qui confitetur peccatum certum, de quo dubitat an aliàs confessus sit, tenetur hoc du- bium in confessione explicare. *tom. 1. fol. 208. n. 5.*

Causæ excusantes ab integritate confessionis.

45. Tres sunt: ignorantia, vel obliuio: impoten- tia loquendi, & notabilis utilitas Sacerdotis, vel pœnitentis: hinc

E

Excu

Excusatur pœnitens qui in puerili ætate contigit aliquod peccatum, ignorans se teneri ad illius confessionem.

Similiter excusatur is qui ex obliuione non culpabili obliuiscitur alicuius peccati. Idem dicendum de pœnitente, cui subito Confessarius contulit absolutionem, antequam integrè pœnitens fassus fuisset sua peccata.

Excusatur Confessarius qui non potest confiteri peccatum in confessione commissum, nisi complicem manifestet. *10m. I. fol. 208. num. 1. & seq.*

46. Mutus qui sua peccata confitetur signis & nutibus, absolueudus est, saltem tempore præcepti vrgentis. Idem dic de extraneo loquente eo idiomate, quod à Confessario non satis bene percipitur, si desit alius Sacerdos, qui ipsius idioma melius percipiat.

Est etiam absolueudus is qui pœnitentiæ sacramentum petiit, sed adueniente Confessario obmutuit. *10m. I. fol. 209. num. 6. & 7.*

47. Confessarius tenetur sub conditione, absolvere pœnitentem, qui in absentia Confessarij exhibuit signa contritionis; sed adueniente Confessario ita sensibus est destitutus, vt nullum exhibere possit signum, quo indicet se peccasse, & velle sibi pœnitentiæ sacramentum administrari; astantes tamen fatentur ipsum dedisse signa contritionis, aut confessionem petiisse: si tamen pœnitens conualuerit, tenetur in casu proposito iterum integrè confiteri. Non poterit tamen infirmum Confessarius absolvere, si ipso adueniente nulli adsint qui fidem faciant petitiæ confessionis, & infirmus non possit vllos nutus aut signa doloris exhibere præsentem Confessario; sunt tamen

men qui contrarium sentiant. *tom.1.fol.210, num.8. & seq.*

48. Pœnitens potest aliquod peccatum mortale reticere ad evitandum graue incommodum proprium vel alienum, aut si probabiliter timeat sibi infamiae grauis periculum. *tom.1.fol.211. num.12.*

49. Infirmus qui laborat morbo contagioso, excusatur ab integra confessione, potestque valide absolui auditis aliquibus tantum peccatis. *ibid.num.13.*

50. Pœnitens potest imminente præcepto annuæ confessionis, aut in necessitate confiteri sua peccata, eo tacito, de quo graue periculum probabiliter timet. Quod si habeat vnum tantummodò peccatum de quo timet periculum, non potest præciso mortis articulo illud in genere confiteri. *ibid.num.14. & 15.*

51. Pœnitens non tenetur in prædictis casibus confiteri venialia, tacito eo, de quo graue periculum timet; cum non sit præcepta confessio peccatorum venialium, sed mortalium. *tom.1. fol.212.num.16.*

52. Confessarius potest existentes in naufragio, aut alio simili periculo, absolvere non auditis omnibus peccatis, dicendo, *vos absoluo. ibid. num.17.*

53. Similiter potest Confessarius absolvere infirmum, quem credit statim moriturum, audito vno tantum peccato. Idem dicendum quando infirmus nimis fatigatur in explicandis suis peccatis. *ibid.num.18. & 19.*

Caueat tamen pœnitens plura peccata reticere, quam postulet iusta causa, aut periculum imminens; quia confessio integrè facièda est, quan-

tum moraliter fieri potest. - *ibid.num.20.*

54. Quæres, an pœnitens teneatur statim oblata opportunitate peccatum iusta de causa prætermissum confessioni subiicere? Respondetur non teneri statim, nisi instet tempus mortis, aut præceptum annuæ confessionis. *ibid.num.21.*

Confessio quandònam iteranda.

55. Ex duplici capite oritur obligatio iterandæ confessionis: ex defectu pœnitentis, & ex defectu Confessarij.

Defectus pœnitentis sunt; quando mortale peccatum voluntariè omisit, quoties debitum dolorem non habuit; quando noluit deferere occasionem proximam peccandi; quoties voluntariè prius absolutus fuit à peccatis quàm ab excommunicatione: nam in his omnibus prædictis casibus pœnitens tenetur iterare confessionem.

Excusatur tamen ab iteranda confessione, qui aliquod peccatum mortale in confessione prætermisit, putans non esse mortale. Et qui bona fide confessus est maiorem numerum peccatorum, non tenetur cognito numero iterum confiteri. *ibid.num.1. & fol.213.num.2. & seq.*

56. Confessio iteranda est ob defectum Confessarij absolventis, quoties Confessarius defecit in essentialibus: quamobrem confessio iteranda est in sequentibus defectibus. *tòd.1.fol.214.num.8.*

57. Si Confessarius nondum initiatus Baptismo, vel sacerdotio, aut non habens iurisdictionem ordinariam, vel delegatam, absolutionem conferat; secus dicendum de eo, qui communi errore,

errore, aut titulo colorato idoneus iudicatur; nam is validè absoluit. *ibid.num.9. & seqq.*

58. Iteranda est præterea confessio, quoties Sacerdos non habuit sufficientem intentionem absolvendi: aut prætermisum est aliquod verbum necessarium in forma. *ibid.num.12. & 13.*

59. Qui bona fide confessus est Sacerdoti indocto, non tenetur confessionem iterare, neque repetens confessionem, tenetur sigillatim omnia peccata repetere, si Confessarius sit idem; secus verò si sit distinctus. *ibid.num.14. & 15.*

60. Ex dictis sequitur confessionem quæ non potuit vna vice perfici, sed iteratis vicibus perfecta est, validam esse. Similiter dicendum confidentem peccata Sacerdoti facultatem non habenti, satisfacere si eidem habenti postea facultatem eadem peccata in genere confiteatur: nam tali modo Confessarius venit in sufficientem cognitionem status pœnitentis. *tom.1.fol.215.num.16. & 17.*

Confessionis obligatio.

61. Omnes fideles baptizati habentes peccata mortalia commissa post Baptismum, aut in ipsa susceptione Baptismi, tenentur confiteri. *ibid.num.1.*

62. Pueri vsus rationis compotes, habentes conscientiam peccati mortalis; & non tamen confidentes ante duodecimum annum, non sunt puniendi ea pœna, qua puniuntur ceteri. *ibid.num.2. & 3.*

63. Summus Pontifex etiam tenetur confiteri, non solum iure diuino, verum etiam præcepto ecclesiastico: tenetur enim ex vi directiva, & ex

honestate ad obseruantiam legum propria auctoritate constitutarum. *tom. 1. f. 216. num. 4.*

64. Infideles aut Catechumeni non obligantur iure diuino, vel Ecclesiastico ad confessionem sacramentalem: cum Ecclesia non exercent iudicium, nisi in eos, qui prius per Baptismi ianuam ingressi sunt Ecclesiam. *ibid. num. 5.*

65. Fideles habentes peccata mortalia opere externo perpetrata, aut etiam habentes sola peccata interna commissa post Baptismum, tenentur ad illorum confessionem. Item probabiliter dubitans se mortaliter peccasse, tenetur fateri peccatum, de quo dubitat. *ibid. num. 6. & 7.*

66. Habens solum peccata venialia, non tenetur confiteri, debet tamen tempore Paschatis comparere coram proprio paroco ad euitandum scandalum, & excommunicationem. *ibid. num. 8.*

67. Fideles tenentur peccata mortalia, commissa post Baptismum, confiteri non solum ex iure diuino, verum etiam Ecclesiastico: nec potest Ecclesia cum aliquo dispensare, vt nunquam confiteatur, vel vt non confiteatur in articulo mortis. *tom. 1. fol. 217. num. 9. & 11.*

68. Omnes fideles postquam ad annos discretionis peruenerunt, tenentur confiteri semel in anno, deinde quoties volunt sacramentum Eucharistiæ sumere si sint in peccato mortali: tertio, quoties existunt in articulo mortis; etiam si eodem anno confessi fuerint. *ibid. num. 12.*

69. Hinc sequitur suscipientes periculosas nauigationes teneri ad confessionem; sicut etiam tenentur milites instante prælio: & femina quæ primò paritura est, aut quæ aliàs peperit magno cum vitæ periculo: & infirmus grauiter laborans,

us, qui post confessionem peccauit mortaliter: reus damnatus à iudice ad mortem; existit in probabili mortis periculo. *ibid. num. 13. seq.*

1. Si Ecclesia tempus confessionis non determinasset, facienda esset confessio ex præcepto domino, iuxta prudentis viri iudicium. *tom. 1. fol. 218. m. 17.*

2. Qui eodem anno, id est, ab vno Paschate ad quens Pascha prætermittit confessionem & communionem, committit plura peccata, quia inuerso tempore violat plura præcepta de re diversa. *ibid. num. 18.*

3. Qui confitetur in Natiuitate Domini, aut alio die, satisfacit præcepto annuæ confessionis. *ibid. num. 20.*

4. Qui dubitat se non habiturum copiam Confessarij in articulo mortis, aut tempore constituto, tenetur confessionem præmittere. *ibid. num. 21.*

5. Faciens confessionem informem, satisfacit præcepto confessionis: talis enim recipit sacramentum poenitentiae, quod licet sit informe, tamen validum est; secus dicendum de eo, qui non facit confessionem perfectam: talis enim non adimplet præceptum confessionis. Idem sentiendum de eo qui sua peccata confitetur, sed propria culpa non absoluitur. *ibid. num. 22. & seq.*

6. Qui voluntarie non facit confessionem perfectam, subiicitur censuris, si quæ forte late essent contra eos qui confessionem prætermittunt; censetur enim contumax contra Ecclesiam. *tom. 2. fol. 219. num. 25.*

7. Qui non est confessus anno præterito, tenetur hoc anno quamprimùm confiteri ex præcepto

cepto annuæ confessionis : annus enim non præfigitur ad finiendam, sed ad sollicitandam adimplerionem præcepti confessionis. *ibid.num.26. & 27.*

77. Qui non est confessus in periculo mortis, non tenetur quamprimum confiteri, nisi periculum mortis adhuc perseveret. *ibid.num.28.*

78. Omittens vno anno confessionem, toties peccat, quoties non confitetur oblata opportunitate. Neque differens confessionem anni præteriti vsque ad præsentem, vnica confessione vtrique obligationi satisfacit. *tom.1.f.l.220.num.30.& 31.*

79. Pœnitens non tenetur quamprimum eodem anno confiteri peccata in confessione oblata, quorum recordatur post communionem. *ibid.num.32.*

80. Committens intra eundem annum aliquod peccatum mortale post confessionem tantummodo venialium & communionem isto anno factam, tenetur illud statim confiteri. *ibid.num.33.*

81. Confessio facienda est Sacerdoti approbato ad excipiendas confessiones, neque potest parochus suis subditis prohibere, ne confiteantur huiusmodi Sacerdoti approbato, quia eo ipso quo talis Sacerdos, vel religiosus approbatus fuit ab Episcopo ad confessiones audiendas, cœtetur etiam data facultas parochianis, vt possint huiusmodi Sacerdoti sua peccata confiteri. Quare non potest parochus denegare Eucharistiam illi in Pâschate, qui testatum facit se confessum Sacerdoti approbato. *ibid.num.34. & seq.*

Causa

Causæ excusantes à confessione.

82. Excusantur, qui non habet nec habere potest copiam Confessarij, qui probabiliter timet reuelationem peccati, aut aliud graue detrimentum, licet debeat ea peccata confiteri, quæ probabiliter non timet manifestanda. Excusatur præterea is, qui non potest secretò confiteri, aut qui non potest nisi per interpretem, præciso mortis articulo. *tom. 1. fol. 221. num. 1. & seq.*

83. Qui non potest aliter quàm per scripturam confiteri, tenetur, quoties vrget præceptum, si commodè & sine periculo confiteri potest per scripturam; secus dicendum si non possit sine graui incommodo. Idem dicendum de eo qui habet lubricam memoriam; sic enim non tenetur cum graui suo incommodo & periculo peccata scribere. *tom. 1. fol. 222. num. 6. & 7.*

*Confirmatio.**Vide v. Sacramentum.*

1. Confirmatio est sacramentum, quo homo uiator baptizatus inungitur in fronte ab Episcopo cum chrismate, & præscripta verborum forma, ad fidei robur consequendum. Hoc sacramentum fuit institutum in die vltimæ Cœnæ, quoad materiam & formam; non verò quando Christus paruulis manum imponebat. Non est necessarium necessitate mediij, neque necessitate præcepti. Vnde non peccat mortaliter, scluso contemptu, vel alia circumstantia, qui Confirmationem sponte omittit. Minister Confirmationis, regulariter loquendo, est Episcopus ordi-

E. 5,

natus,

natus, nullusque præter Episcopum potest consecrare Chrisma. *tom. 1. fol. 64. num. 1. & seq.*

2. Summus Pontifex potest committere facultatem confirmandi simplici Sacerdoti. Potest Episcopus degradatus & excommunicatus valide confirmare, etiamsi ipse confirmatus non esset: non potest tamen Episcopus confirmare, & actus pontificales exercere extra suam diocesim: secus dicendum de prima tonsura, quam conferre potest in alterius diocesi. *tom. 1. fol. 65. num. 5. & seqq.*

3. Abbas qui non est Episcopus, non potest confirmare, sicut nec simplex Sacerdos de licentia Episcopi tantum. *ibid. num. 7. & 8.*

4. Susceptor hoc sacramentum habeat intentionem formalem, seu virtutalem, similiter & gratiam. Nec suscipiens, nec administrans debet esse necessario ieiunans, nec administrari necesse est in die festo. *tom. 1. fol. 66. num. 15.*

5. An sit necesse conferre Confirmationem in Ecclesia, alij affirmant, alij negant: seruanda in hac re consuetudo. *ibid. num. 14.*

6. Materia remota sacramenti Confirmationis est chrisma, quod conficitur ex oleo oliuarum admixto balsamo; cuiuscumque loci sit, benedicto ab Episcopo consecrato. *ibid. num. 1.*

7. Ex quo patet balsamum esse de necessitate sacramenti, & chrisma, quod est materia Confirmationis, necessario benedicendum esse ab Episcopo, non à simplici Sacerdote. *ibid. num. 2.*

& 3.

8. Materia proxima Confirmationis est unctio facta in formam crucis necessario in fronte. Modica quantitas ad unctionem Confirmationis sufficiens est. *ibid. num. 4. & seq.*

9. Forma

9. Forma Confirmationis est ista: *Consigno te signo crucis, & confirmo te chrismate sanctis, in nomine Patris, & Filij, & Spiritus sancti.* In hac forma non licet mutare verba quoad sensum substantialem, requiriturque expressio sanctissimæ Trinitatis. *tom. 1. fol. 67. num. 7. & seq.*

10. Confirmationis effectus sunt, conferre gratiam habitualem, & exprimere characterem. *ibid. num. 1. & seq.*

11. Subiectum seu susceptor Confirmationis est omnis homo baptizatus, siue sit adultus, siue infans, etiam nondum rationis usum habens, siue amentes. *tom. 1. fol. 68. num. 4. & seq.*

12. In suscipiente Confirmationem requiritur intentio & grãtia. Recipientem primam tonsuram, vel ordines ante Confirmationem peccare, sunt qui negent, sunt qui affirmant. Omissio colaphi non videtur peccatum mortale; impingitur tamen, tum vt confirmatus intelligat se debere pati iniurias pro fide Christiana, tum vt recorderetur se hoc sacramento semel initiatum esse. *ibid. num. 7. & seq.*

13. Dubitans an sit confirmatus, iterum est confirmandus sub conditione, *si non es confirmatus. ibid. num. 10.*

Contractus.

Vide v. *Restitutio, Emptio, Monopolia, Societas, Locatio.*

1. Contractus est actus externus inter duos, vel plures ex consensu ipsorum vltro citroque obligationem pariens, saltem in foro conscientie, modò non sit irritus iure naturæ, vel politico. *tom. 2. fol. 686. num. 1. & 2.*

E 6

1. Con

2. Contractus multiplex est: alius est onerosus; per quem onus imponitur; alius lucrativus, seu gratuitus, quo aliquid promittitur, vel traditur absque pretio, vel mercede: qualis contractus est commodatum, mutuum, precarium, depositum & testamentum. Alius fit in gratiam recipientis tantum, ut mutuum; alius in gratiam tradentis tantum, ut ordinariè contingit in deposito: alius denique fit in gratiam & bonum utriusque, ut emptio, permutatio, pignus, &c. Alius est simplex & absolutus, & alius condicionalis; alius licitus, & alius illicitus: alius perpetuus, alius temporalis; alius nominatus, & alius innominatus. Contractus nominatus est, qui proprium habet nomen, qualis est emptio, venditio, &c. Innominatus dicitur ille, qui proprio caret nomine; & huius contractus innominati quatuor sunt species; *do ut des*, ut si tu tradas Caio panem, ut tibi tradat vinum; *facio ut des*, ut si seruias Caio, ut te doceat; *do ut facias*, ut si labores pro Caio, ut det tibi panem; *facio ut facias*, ut si Caius laboret pro te, & tu pro illo. Alius contractus dicitur bonæ fidei, in quo iudex iudicat ex æquo & bono, non ex rigore legis & iuris scripti: alius dicitur stricti iuris, in quo iudex iudicat ex rigore legis & pactionis, adstrictus ad verba, qualis contractus videtur donatio, affecuratio, &c. *tem. 2. fol. 691. num. 21.*

3. Alij contractus perficiuntur re ipsa, alij perficiuntur verbis, & requirunt certam verborum formam, qualis est stipulatio; alij perficiuntur solo consensu exterius vtrique explicato, qualis est venditio: denique alius contractus dicitur pactum nudum, quod consistit in sola conventionem; & alius dicitur vestitus, videlicet qui
maior

aiorem habet firmitatem & robur quàm ha-
at nudum pactum. Vestitur autem *re ipsa*, vt si
altera parte sit adimpletus; *verbis* accedente
ima stipulationis; *scriptura*, vt si quis fateatur
i satisfactum esse; *iuramento* & *specifico nomi-*
contractus, vt sunt contractus nominati in suo
nere perfecti. *ibid.*

Petēs, quid nomine *quasi contractus* intelli-
tur? Respondi intelligi tutelam, curam, nego-
gesta, & alia quæ fiunt ex aliquo officio, sed
n consurgunt ex vero contractu. *ibid. num. 22.*

Error circa substantiam irritat contractum.
unc autem error contingit circa substantiam,
ando contrahens credit contractum de vna re
ire, sed postea comperit aliam esse, vt si quis
edens emere aurum, inueniat esse aurichal-
um. Idem dicendum de contractu celebrato
um errore comitante. Ille autem dicitur error
omitans, qui sic comitatur contractum, vt nullo
odo ad eum inducat, sed eo sublato adhuc con-
actus fieret. *ibid. num. 1. & seq.*

Error circa qualitatem non irritat contra-
um, modò non adsit dolus dans causam con-
actui, quia cum huiusmodi errore adest con-
nsus sufficiens ad contractum. *tom. 2. fol. 693.*
477. 4.

Contractus siue lucrativus, siue onerosus,
cepto matrimonio, celebratus per dolum pro-
nientem ab altero contrahente, inualidum est
re positivo, si dolus dedit causam contractui,
hoc idem dicendum est de contractu cele-
rato per dolum dantem causam contractui, ad-
ibitum ab utroque contrahente, quorum uter-
ue ignorabat alterius dolum. Et contrahens
ui inuincibiliter deceptus est à tercio, non tene-

311

tur cognito errore ac dolo contractum adimplere, si contractus nondum est utrimque, vel ex altera parte adimpletus; quia non est obligatio adimplendi contractum, quando superuenit notabilis mutatio. Quod si deceptus velit persistere in contractu, decipiens non tenetur ante iudicis sententiam stare contractui, & illum adimplere; quia contractus operosus censetur cum hac tacita conditione celebratus, *obligo me, si tu te obliges*; deceptus autem non se obligat: verum tamen est decipientem teneri ad restitutionem omnium damnorum, quæ passus est deceptus. *ibid. num. 3. & seq.*

8. Contractus celebratus per dolum incidentem in contractum, validus est in utroque foro; adest enim consensus sufficiens ad contrahendum, cum contrahens consentiat, & adhuc consensisset, & contraxisset remoto dolo.

Accepta per simulationem, vel hypocrisim, vel per dolum, vel per mendacia sunt restituenda, si dolus versetur circa causam finalem & mortuam; secus si tantum circa causam impulsivam; hinc fit, ut qui se finxit pauperem, & obtinuit eleemosynam, vel simulavit consanguinitatem, & ob id pecuniam recepit, teneatur restitutionem ipsimet tradenti facere; quamquam multi Doctores velint eam faciendam esse pauperibus. Idem militat in illis quoque, qui ob fictionem aliquam adhibitam admittuntur ad Hospitalem domum, vel ad aliquod collegium. *tom. 2. fol. 694. num. 6. & seq.*

9 Contractus celebratus per metum gravem, seu cadentem in constantem virum, aut per metum leuem, validus est iure naturæ; adest enim sufficiens consensus & sufficiens voluntarium, cum

um metus non tollat voluntarium simpliciter,
x *Aristot. 3. Ethicor. cap. 1.* & validus est quoque
iure positivo, exceptis quibusdam casibus: vide-
licet contractu matrimonij & sponsalium, dotis
remissæ, vel solutæ, renuntiationis beneficij fa-
ctæ per metum, & donationis, ac eorum quæ
im habent donationis. *tom. 2. fol. 696. num. 2.*
¶ 3.

10. Contractus celebratus per metum grauem,
aut leuem, iniuste incussum ab homine, ad ex-
torquendum contractum, irritandus est ad arbi-
trium eius qui passus est metum. Excipitur ab
 hac doctrina matrimonium metu leui celebra-
 tum, quod ubi semel valide celebratum fuerit,
 non potest irritari, quidquid dicat Sanchez *lib. 4.*
 de matrim. d. 17. n. 4. Idem dic de voto solemnî
 amisso cum metu leui. Nec refert ad rescissio-
 nem contractus, quod metus incussus fuerit à ter-
 tia persona absque participatione alterius con-
 trahentis. *tom. 2. fol. 697. num. 4. & 5.*

11. Contractus celebratus per metum iuste
 incussum ad extorquendum consensum, non
 est rescindendus; propterea acquisita in contra-
 ctu celebrato per metum grauem, aut leuem,
 iuste incussum, non sunt restituenda; secus dicen-
 dum de extortis per metum iniustum: nam co-
 gens fecit iniuriam tradenti. *ibid. num. 6. & seq.*

Aduerte autem hanc esse differentiam inter
 metum grauem, & leuem, quod pro metu graui
 datur actio in foro externo ad rescindendum
 contractum, non verò dari solet pro metu leui,
 ne multiplicentur lites. *tom. 2. fol. 698. num. 8.*

12. Contractus celebratus sine solemnitate
 substantiali requisita à iure, inualidus est non so-
 lum in foro externo, verum etiam in foro con-
 scientiæ,

scientiæ, excepto testamento causa pietatis factò. Hinc sequitur inuálidam esse alienationem, & inuálidos esse pupillorum contractus celebratos sine auctoritate curátorum, vel tutorum, de re immobili vel pretiosa, quæ seruando seruari potest. Item accepta per contractum gratuitum sine solemnitate substantiali celebratum, restituenda esse, etiam ante iudicis sententiam. Item hæredem institutum in testamento minùs solemnì, id est sine solemnitate requisita à iure, non esse tutum in conscientia, retinendo hæreditatem inuitis hæredibus venientibus ab intestato, quamuis multi Doctores oppositum magna cum probabilitate sentiant. Item cum, cuius aliqua legato relicta fuit in testamento minùs solemnì, non posse vti occulta compensatione, vel eam clam surripere, quando eam aliaratione consequi non potest. Item hæredem non teneri in conscientia adimplere voluntatem testatoris, quam ipse testator expressit in schedula scripta, vel subscripta propria manu: nam illa scriptura non habet vim testamenti; cum careat solemnitate requisita à iure. Habet tamen illa scriptura vim testamenti inter liberos. *tom. 2. fel. 599. num. 2. & seq.*

13. Dictum est paulò ante ad valorem testamenti causa pietatis facti non requiri solemnitatem iuris ciuìlis, sed sufficere solemnitatem iuris gentium; consequenter dicendum est, ergo sceminam posse adhiberi in testem in testamento ad causas pias, cum illa iure gentium possit esse testis. *tom. 2. fel. 700. num. 15.*

14. Petes, an testamentum principaliter causa pietatis factum sine solemnitate requisita à iure, validum sit etiam quoad legata profana in eo

conten-

contenta & relicta laicis ex nulla causa pietatis? Respond. inualidum esse quoad huiusmodi legata profana, cum hæc subsint dispositioni iuris ciuilis. At valida erunt legata pia contenta in testamento inualido ob defectum solemnitatis requisitæ à iure, quia non irritantur à iure Canonico, cum non constet vbinam irritentur; neque à iure ciuili, cum ius ciuile non habeat potestatem circa causas piâs. *ibid. num. 18. & seq.*

15. Contractus seu dispositio facta ob causam finalem, subsistente causa finali, valida est: ca-
verò non subsistente, inualida est, nisi aliter constet, vel rationabiliter præsumatur de voluntate disponentis. Et hoc verum est, etiamsi adsit error vel dolus circa causam impulsuam. Similiter validus est contractus & dispositio modalis, seu facta sub modo, quamuis modus non adimpleatur: dummodò tamen modus non sit contrarius substantiæ contractus, & dispositionis cui apponitur. *tom. 2. fol. 702. num. 2. & seq.*

16. Donatio facta sub modo, potestne reuocari, si donatarius non adimpleuit modum, sub quo facta fuit donatio, ex. gr. Caius qui dono dedit centum Titio vt nuberet, potestne reuocare rem donatam, si Titius non nupsit? Non potest, modò ille modus sub quo facta fuit donatio, non fuerit causa finalis, sed solùm impulsua; cum validæ sit dispositio non subsistente causa impulsua, modò finalis causa subsistat. *tom. 2. fol. 703. num. 5. & seq.*

17. Error in demonstratione per se non vitiatur dispositionem, seu contractum, modò demonstratio non apponatur per modum conditionis, vel causæ, & error demonstrationis non refundatur in errorem substantiæ, vel personæ, seu modò
constet.

constet de re & de persona; quia huiusmodi error est tantum error qualitatis: unde valent hæ dispositiones: *dono tibi meum pradium Sempronianum, quod est quinquaginta iugerum*, etiamsi pradium illud non constet tot iugeribus. Item, *dono tibi meum equum, quem emi in regno Neapolitano*, etiamsi equus verè non sit emptus in regno Neapolitano, &c. *tom. 2. fol. 704. num. 8. & 9.*

18. Contractus & dispositio facta sub conditione honesta & possibili de futuro euentu incerto adiecto in ipsomet contractu, non est valida ante conditionis euentum: posita verò conditionis euentu, valida est, ac si ab initio fuisset purè & absolutè celebrata; neque notus consensus requiritur: secus si conditio sit turpis, aut impossibilis. *tom. 2. fol. 705. num. 10.*

19. Quæres, an contractus celebratus sub conditione tacita, vel sub hac conditione, *si Deo placuerit, vel, si Deus voluerit*, suspendatur & reddatur conditionalis? Respond: negatiuè, si intelligatur de voluntate qua Deus omnia quæ fiunt, permittit: secus si dicatur, *si placuerit Ecclesia*, contractus enim censetur factus sub conditione approbationis faciendæ ab Ecclesia. *tom. 2. fol. 706. num. 11. & 12.*

20. Qui donauit, vel disposuit de re aliqua sub conditione, non potest, seclusa donatione causa mortis, ante conditionis euentum resilire à donatione, vel dispositione: verum quidem est, liberaliter promittentem posse resilire ante accèptionem. *tom. 2. fol. 707. num. 13.*

21. Quilibet vsu rationis præditus potest contrahere, modò habeat administrationem bonorum de quibus contracturus est, nec à iure impediatur:

diatur: hinc sequitur, amentes, furiosos, & infantes, qui nondum rationis usum attigerunt, non posse valide contrahere: neque prodigum, cui prohibita est à iure administratio suorum bonorum; neque pupillum, qui nondum peruenit ad decimum quartum annum, sine licentia tutoris; & minorem qui nondum peruenit ad vigesimum quintum annum, posse iure communi absque licentia curatoris contrahere: verum tamen est tam pupillum quam minorem posse sine licentia tutoris aut curatoris contrahere in sui commodum, sibi que alios obligare, modò minor contrahat cum maiore, non verò cum minore gaudente simili privilegio, *ibid. num. 1. & seq.*

22. Imò alienatio rei immobilis, vel etiam mobilis quæ seruando seruari potest, facta à pupillo, vel à minore, etiam de licentia tutoris & curatoris, inualida est non solum in foro externo, sed etiam in foro conscientie, nisi facta sit de licentia iudicis, & ex iusta causa, qualis causa censetur solutio debitorum. Neque curator potest contrahere cum minore, nisi palam & bona fide contrahat; prohibetur enim contrahere; sicut etiam prohibetur tutor cum pupillo, *l. pupillus, ff. de auctor. tutorum, ibid. num. 7. & fol. 708. num. 11.*

23. Petes, ex qua culpa contrahentes teneantur ad restitutionem in contractibus? Quando contractus est in utilitatem solius accipientis, accipiens tenetur ad restitutionem damni secuti, non solum ex dolo, seu calliditate, vel lata & leui, sed etiam ex leuissima culpa, excepto precario. Quare si quis ab alio commodatum sibi librum accepit, qui furto sublati est, tenetur ad restitutionem non solum si sublati est ex dolo, vel lata,
vel

vel leui culpa, sed etiam ex leuissima culpa ipsius accipientis. Quando verò contractus est in vtilitatem solius dantis, accipiens tenetur solum de dolo & lata culpa. Quod si contractus sit in vtilitatem vtriusque contrahentis, accipiens tenetur tantummodo de dolo, lata, leui, non verò de leuissima culpa. Ex dictis sequitur illum cui aliquid locatur, teneri de lata & leui culpa, quia contractus locationis celebratur in gratiam vtriusque contrahentis; & cum cui traditur depositum, teneri solum de lata, cum depositum fiat in gratiam solum deponentis, modo illi pro deposito non tradatur pretium; & famulos quibus ex officio & stipendio specialiter incumbit cura custodiendæ rei domesticæ, teneri ad restitutionem damni ex sua leui culpa secuti. Idem dic de artificibus, venditoribus, custodibus rei alienæ, conductis mercede. *tom. 2. fol. 710. num. 5. & seq.*

24. Quando res aliena perit casu fortuito, accipiens non tenetur ad restitutionem, siue rem acceperit in sui, siue in alterius contrahentis, siue in vtriusque vtilitatem (excepto tamen pacto, culpa, & mora,) quia res non perit ipsius culpa. *tom. 2. fol. 712. num. 21.*

25. Contrahentes tenentur ne ad restitutionem, quando in periculo amittendi res suas negligunt alienas, ut proprias conseruent? Tenentur, quando tenentur ex leuissima culpa, ut accidit in commodato; neque possunt negligere res alienas, ut conseruent proprias æqualis vel minoris pretij; secus si res propriæ sint magis pretiosæ, quam res alienæ, & alienæ magis quam propriæ. *tom. 2. fol. 713. num. 22. & seq.*

Quibus

Quibus competat restitutio in integrum.

26. Minoribus competit, iis videlicet qui nondum expleverunt vigesimum quintum ætatis annum (hi enim minores appellantur iuxta ius commune) conceditur beneficium restitutionis in integrum, quando se aliquo contractu non mediocriter lãsos deprehendunt, idque sufficienter probant; vt si vendiderunt rem minori pretio quam alioquin vendere oporteret; nisi fortè adhibuerint iuramentum, sine vi, dolo & metu factum in ipso contractu, vel ante, vel post contractum, quo iurauerint se non vsuros remedio restitutionis, aut modò non impetrauerint veniam ætatis à Principe, vel non ratificauerint contractum completis viginti quinque annis.
tom. 2. fol. 714. num. 2. & seq.

27. Hoc priuilegio restitutionis in integrum gaudere possunt minores spatio quatuor annorum post elapsum vigesimum quintum annum, quatuor videlicet annis postquam facti fuerunt maiores. Neque illi, quibus ex iure municipali, seu ex statuto diminuitur ætas, possunt petere restitutionem in integrum pro contractibus celebratis à 20. vsque ad 25. annum, quia alioqui frustra censeretur factus maior. *tom. 2. fol. 715. num. 11. & 12.*

28. Et non solum in contractibus per se ipsos celebratis hoc priuilegio restitutionis in integrum (etiam fructuum) vti possunt minores, & eorum hæredes, verum etiam in contractibus celebratis per tutorem, vel curatorem, etiam si contractus initus fuerit cum decreto iudicis, modò non fuerit obtenta ætatis venia: secus si minor celebra

celebrauerit contractum obtenta à Principe, vel Regiis senatoribus venia ætatis, nam ea obtenta reputatur maior. *ibid. num. 13. & 14.*

29. Priuilegio restitutionis in integrum non solum gaudent minores, Respublica, & loca pia, verum etiam homines rudes, & mulieres quæ ignorant iura. Præterea filij familias quoad contractus onerosos vel lucrosos de licentia patris celebratos ad fororum dotes, vel ad alias causas. Gaudent etiam milites pro eo tempore quò militiæ operam nauant. Præterea qui absunt ad negotia Reipublicæ gerenda, ne contra eos currat præscriptio. Denique gaudent etiam Principes quoad bona fisci, quæ reputantur bona Reipublicæ. *tom. 2 fol. 716. num. 25.*

Contritio, & Attritio.

Vide v. *Pœnitentia, Peccatum.*

1. Contritio est actus charitatis, quo quis detestatur omnia sua peccata, super omnia detestabilia; quatenus sunt malum aut offensa Dei, aut quatenus sunt contra amicitiam & voluntatem Dei, cum proposito non peccandi in futurum. Est actus elicitus ab habitu charitatis, non autem ab habitu pœnitentiæ, includitque actum dilectionis implicite. *tom. 1. fol. 177. num. 1. & 2.*

2. Contritio propriè sumpta necessaria est necessitate præcepti, non autem mediij, cum sine ea possit iustus repente moriens salutem obtinere. Obligat præceptum contritionis per se, & vi propria in periculo mortis corporalis, vero, vel putato, quando non adest copia Confessarij. Neque tenetur peccator statim post mortale peccatum, aut omnibus diebus festis actum contritionis elicere. Similiter non tenetur homo
contri

contritionem habere de peccatis omiſſis, quoties memoria occurrunt, cum præceptum contritionis & pœnitentiæ ſit affirmatiuum, quod obligat tantum pro certo tempore. *tom. I. f. 179. n. 4. & ſeq.*

3. Attritio eſt dolor quidam imperfectus, quo quis deteſtatur peccatum ob timorem gehennæ, aut aliarum pœnarum: differt à contritione, quod contritio ſit dolor perfectus; attritio verò imperfectus; deinde habent diuerſa motiua, videlicet attritio deteſtationem peccatorum ob metum gehennæ; contritio verò deteſtationem peccatorum, quatenus ſunt offenſa, ſeu malum Dei. Attritio efficax & vniuerſalis neceſſaria eſt ad ſuſcipiendum pœnitentiæ ſacramentum cum fructu, cum attritio ſit pars materiæ ſacramenti, requiraturque ad recipiendum pœnitentiæ ſacramentum cum fructu, propoſitum non peccandi de cætero. *tom. I. fol. 181. num. 1. & ſeq.*

4. Obiectum materiale contritionis eſt peccatum commiſſum, & nōdum dimiſſum, ſeu id quod facit inimicum Dei, ſeu quod eſt malum, & offenſa Dei. Poteſt homo contritionis actum elicere de his, quæ trahunt ad peccatum, ſiue de occaſionibus peccatorum; non poteſt tamen contritionem elicere de peccato dimiſſo vt ſic; nam ſecundum hanc rationem, peccatum non facit hominem Deo inimicum: peccatum item dimiſſum, quod ignoratur an ſit dimiſſum, poteſt eſſe obiectum materiale contritionis, ſicuti & peccata venialia, ſunt enim aliqua offenſa Dei. Peccatum alienum non poteſt eſſe obiectum contritionis, cum peccata aliena non efficiant nos inimicum Dei. Neque poſſumus per actum contritionis vnum peccatum mortale deteſtari, non deteſtando cætera. *tom. I. fol. 184. num. 1. & ſeq.*

5. Obie

5. Obiectum formale contritionis est peccatum, ut est offensa Dei, vel malum Dei, vel contra amicitiam Dei: per hoc enim distinguitur actus contritionis ab actibus aliarum virtutum. *ibid. num. 11.*

6. Ad delendum singula peccata, non requiruntur singula contritiones, sed unus actus sufficit ad delenda omnia: neque tenemur eodem actu detestari mortalia & venialia, quia non tenemur eodem actu detestari peccata, ut sunt gravis, & ut sunt levis offensa Dei; possumusque remissionem mortalium obtinere, non obtenta remissione venialium, pro quorum remissione perfectior actus requiritur, quam ad delenda mortalia. Neque per gratiam habitualement ut sic, delentur peccata venialia, alioqui homo iustus habens gratiam habitualement, semper careret peccatis venialibus, quod non est admittendum cum septies in die cadat iustus. *tom. 1. fol. 185. num. 1. & seq.*

7. Nullus potest iustificari per actum contritionis, nisi cognitionem aliquam, saltem confusam, peccatorum commissorum habeat, cum contritio sit actus voluntatis, quæ non fertur in incognitum. In his tamen casibus, quando post contritionem faciendâ est confessio, quando exstat obligatio restitutionis faciendæ, & quando remedium aliquod assumendum est ad cuitanda peccata, in his, inquam, casibus, poenitens tenetur peccata sua distinctè recitare: iustificatur tamen, qui contritionis actum elicit unius tantummodò peccati, cuius solum recordatur, facto diligenti peccatorum examine. *tom. 1. fol. 186. num. 1. & seq.*

8. Ad contritionem, & consequenter ad iustificationem

ationem non requiritur certa intentio, vt contritio sit magna intensiue, intentione physica, sed sufficit quælibet contritio, licet remissa, modò sit vera contritio. Quare sufficit vt pœnitens in genere detestetur peccata super omnia detestabilia in comuni. Nec requiritur ad contritionem, vt pœnitens credat se non amplius peccaturum mortaliter, sed sufficit, vt habeat propositum non amplius peccandi in futurum. *tom. 1. fol. 187. num. 3. & 4. & fol. 189. num. 3.*

9. Petes, an sicut homo de potentia Dei absoluta iustificari potest sine vlllo pœnitentiæ actu, ita etiam iustificari possit sine vlla reali mutatione, id est, sine infusione alicuius doni impossibilis peccato, sed sola Dei voluntate? Resp. peccatorem iustificari non posse, absque reali mutatione, seu infusione alicuius doni peccato impossibilis. *tom. 1. fol. 190. num. 2. & 3.*

Contumelia.

Vide v. *Detractio.*

1. Contumelia est iniuria, qua obiicitur alteri crimen, vel alius defectus in ipsius præsentia; & idcirco est peccatum mortale, grauius detractio: aliquando tamen est veniale, si per iocum vel per correctionem, &c. fiat, non cum intentione lædendi ipsorum honorem. Contumelia, illusio, derisio, & subfannatio contra parentes habet specialem malitiam. *tom. 2. fol. 640. num. 2. & seq.*

2. Derisio est actus quo honor alterius verbis, vel factis violatur cum intentione confundendi proximum, & inducendi erubesceniam. In derisione maior contèptus reperitur, quàm in contumelia; idè est grauius peccatum, & semper mor-

F tale,

rale, quoties adest intentio grauitè confundendi proximum, vel quando manifestatur graue vitium, vel quando derisus grauitè tristatur, *tom. 2. fol. 641. num. 9. & seq.*

3. Honor ablati non solum restituendus est apud ipsum dehonoriatum, verum etiam apud quos honor illius imminutus est, alioquin honor iniuste ablati, non restitueretur ad æqualitatem. *ibid. num. 2.*

4. Ex honoris omissione præcisa alia circumstantia vitante, v.g. contemptus, vel contumeliæ, vel scandali, non confurgit obligatio restituendi. Restituitur autem honos ablati, vel dando locum honorificum, vel adhibendo ad mensam, propinando, &c. vel petendo veniam; quanquam petitio veniæ non est necessaria, quando restitutio honoris aliter fieri potest. *ibid. num. 3. & 4.*

Correctio.

Vide v. *Charitas.*

D

Demon.

Vide v. *Maleficium, Superstitio, Divinatio, Observatio vana, Adiuratio.*

Debitor.

Vide v. *Restitutio.*

Debitum coniugale.

Vide v. *Matrimonium, Votum.*

Deca

Decalogus.

Vide v. *Fides, Spes, Superstitio, Charitas, Schisma, Idololatria.*

Primum præceptum: *Ego sum Dominus Deus tuus, &c.*

1. **A**doratio est exhibitio reuerentiæ propter excellentiam illius cui exhibetur. Adoratio alia est interna, alia externa. Item alia latræ, quæ debetur Deo, alia hyperdulæ, quæ debetur B. Virgini, & alia dulæ, quæ debetur Sanctis. Denique alia est absoluta, quæ conuenit rei intellectuali, quæ per se honorabilis & adorabilis est; & alia respectiua, quæ conuenit rebus ratione carentibus, quæ non propter se, sed propter alium honorantur. *tom. 2. fol. 206. num. 1. & 4.*

2. Vna persona sanctissimæ Trinitatis potest distinctè ab aliis personis adorari, modo aliæ personæ explicite non excludantur. *ibid. num. 3.*

3. Sancti in cœlis degentes adorandi sunt; imò etiam viri sancti, licet nondum relati sint in numerum Sanctorum, coli & adorari possunt cultu priuato, sed non publico. *tom. 2. fol. 207. num. 1. & 2.*

4. Christus homo, id est subsistens in natura humana & diuina, adorandus est adoratione latræ, qua adoratur sanctissima Trinitas, & singulæ personæ sanctissimæ Trinitatis: at humanitas illius per se & præcisa persona Verbi diuini, adoranda est adoratione hyperdulæ. Dum autem colimus Christum, adoramus naturam hu-

manam vt assumptam à Verbo diuino , eique ineffabili vnionis vinculo adnexam. *rom.2.fol.209.num.2.& seqq.*

5. Eucharistiæ sacramentum absolutè potest adorari; & si caro aut sanguis Christi miraculosè appareat in Eucharistia , adorandus est similiter cultu latriæ. *ibid.num.8.*

6. Vfus sacrarum imaginum licitus est & honestus ; permittendæque sunt imagines Dei & Angelorum, (licèt non sint corporei, sed puri spiritus,) eos per quandam metaphoram repræsentantes, quia Deus aliquando apparuit sub forma sensibili : imò adorari potest ipsamet imago, sed adoratione tantùm respectiua , id est propter excellentiam illius , cuius est imago. *ibid,num.1.& seq.*

7. Potéstne imago & exemplar adorari, vna & eadem adoratione qua prototypum, e.g. potéstne crux Christi adorari adoratione latriæ, qua Christus ipse adoratur? Potest, quia imago cum exemplari, & exemplar in imagine adoratur : nam volens Christum adorare osculando v.g. ipsius crucem, apprehendit Christum ac si existeret in cruce , consequenter apprehendit crucem & Christum per modum vnus ; & vno adorationis motu per se primò tendit in Christum, in imaginem verò & in crucem concomitanter , & propter Christum. *rom.2.fol.210.num.4.*

8. Lignum crucis Christi & alia instrumenta passionis quæ Christum tetigerunt , adorantur adoratione latriæ, sed respectiua : at instrumenta quæ modò conficiuntur ad repræsentanda illa instrumenta , quæ in Christi passione adhibita sunt , non possunt adorari præcisè quatenus repræsentant instrumenta antiqua , sed quatenus
conno

connotant Christi passionem, seu Christum passum. *ibid. num. 6. & seq.*

9. Adoranda sunt quoque nomina sacra IESVS, MARIA, &c. adoratione respectiva, propter eum quem repræsentant, & ad quem diriguntur. *tom. 2. fol. 211. num. 9. Item*

10. Reliquiæ adorandæ sunt, & deuotè custodiendæ, eadèmq; adoratio tribui potest illis, quæ tribuitur personæ cuius sunt reliquiæ. Per *reliquias* autem intellige corpora, ossa, cineres, vestes, pannos, &c. quæ Sanctorum corpora, vel reliquias attigerunt. Aduerte tamen reliquias, quæ publicè exponuntur, non esse adorandas absolute, nisi postquam fuerint approbatæ per Papam, vel Episcopum. Imò posita approbatione Papæ, vel Episcopi, corpora quæ in vno loco existunt, absolute adorari possunt, etiam aliis dicentibus esse in alio loco. *ibi l. num. 1. & seq.*

11. Præterea licitum est accendere cereos ad reliquias vel imagines Sanctorum, sicut & etiam reliquias ad collum appensas deferre, neque speciale peccatum committitur ab eo, qui delinquit dum reliquias ad collum defert; secus dicendum de eo qui eas surriperet; talis enim peccaret mortaliter peccato sacrilegij, & furti. *tom. 2. fol. 213. num. 7. & seq.*

12. Coli similiter & adorari possunt cum Deo ut ipsius imago, agni cerei; at vendi, aut minio, auro, aliòve colore pingi, sub excommunicatione prohibentur; sicut & etiam à laicis tangi: quamquam non peccant mortaliter, qui eos attingunt sine contemptu. *tom. 2. fol. 214. num. 11. & seq.*

Secundum præceptum: *Non assumes nomen Domini Dei tui in vanum.*

Vide v. *Iuramentum, Adiuratio, Votum.*

Tertium Decalogi præceptum: *Memento ut diem Sabbati sanctifices.*

13. Sabbatum significat requiem seu cessationem, eo quòd Deus die septimo requieverit: Ecclesia diem Dominicam illius loco bene constituit, in memoriam & signum illius diei qua Christus resurrexit; & ne videamur consentire cum Iudæis quoad eorum cæremonias: hinc patet obseruationem Dominicæ diei non esse de iure diuino, sed Canonico. *rom. 2. fol. 395. num. 2. & seq.*

14. Festum instituere in tota Ecclesia, & receptos abrogare, pertinet ad Summum Pontificem, & ad Concilium generale. Episcopi iure communi possunt etiam festos dies in sua tantum diocesi instituere, non tamen in honorem Sancti nondum canonizati; Respublica verò, vel ciuitas, vel Princeps sæcularis non potest dies festos tum etiam sacros constituere, potest tamen prætextu ciuilibus honoris, vel alio titulo. Neque sola laicorum consuetudine introduci possunt aliqui dies festi. *ibid. num. 1. & seq.*

15. Potest

15. Potest institui dies festus colendus tantum vsque ad meridiem, quia qui potest totum, potest etiam partem præcipere. *tom. 2. fol. 396. num. 8.*

16. Observantia diei festi duo præcepta continet; affirmatiuum, quod præcipit auditionem Missæ, non verò contritionis eliciendæ obligationem; & negatiuum quod prohibet opus seruile: seruile autem opus dicitur illud, quod ex se habet quendam famulatum, & ab illis solum communiter exercetur, qui aliis inserviunt; vnde opera animæ, cuiusmodi sunt legere, scribere, docere, concionari, consulere, & similia, permittuntur in die festo. Item licitum est concurrere ad consilia, & eligere ad officia. Appellatio quoque licita est in die festo, sed non citatio; & citatio facta pro die festo, non obligat ad comparandum die proximè sequenti; quamquam reus citari potest dum existit in loco, in quo dies festus non celebratur. *tom. 2. fol. 73. num. 1. & seq.*

17. Quælibet sententia tam ciuili quam criminalis requirens strepitum iudicalem, vetita est in die festo. Vetitum quoque est placitum, iudicium criminale, sacramentum publicum, & mercatus, id est contractus emptionum, venditionum, locationum, & permutationum, siue priuatim fiant, siue publicè. Intellige tamen extra necessitatis casum, vel quando iudex vel testis alio tempore commodè haberi non potest; aut si periculum sit, vt interposita dilatione iustitia impediatur; aut consuetudo legitima contrarium suadeat. *ibid. num. 10. & 12.*

18. Opera corporalia quæ propriè seruilis sunt, prohibentur in die festo, cuiusmodi sunt fodere terram, putare vites, &c. Non prohibentur tamen opera communia dominis & seruis; propterea

licitum est iter facere, parare necessaria ad illud, uti musicis instrumentis, scribere, etiam ex officio, aut transcribere lucri causa: non verò pingere, aut recamaturas facere. Denique quæ licitè fiunt in die festo, possunt etiam fieri cum lucro. *tom. 2. fol. 401. num. 23. & seq.*

19. Causæ excusantes à mortali, laborantes seruiliter in die festo, sunt paruitas operis, necessitas, absentia à loco in quo dies festus celebratur, & dispensatio. Propterea excusantur parantes necessaria ad victum in die festo; secus dic de molitoribus non molentibus ex necessitate, nisi modicum laborem insumant. Excusantur quoque medici, chirurgi, pharmacopola, decertantes in bello, struentes foueas, vel muros causa belli adificantes, cursores, ferratores equorum, & ij qui metunt imminenti tempestate, vel qui opus inchoatum prosequuntur, à quo nequeunt desistere absque graui damno. Quod si dubitetur an adsit sufficiens necessitas, recurrendum est ab Episcopum. Item excusantur qui seruiliter laborant metu grauis damni, ut serui, famuli, &c. Item excusantur à mortali qui opera seruilia præstant, quæ immediatè, vel præparatoriè cultui diuino inferuiunt: denique opera pietatis per se licitè fiunt in die festo. *tom. 2. fol. 403. num. 1. & seq.*

20. Recedens à loco, in quo dies festus colitur, non peccat mortaliter Missam non audiendo, si ante meridiem peruenturus sit ad locum, in quo festus dies non celebratur. *tom. 2. fol. 406. num. 18.*

21. Ille non peccat mortaliter, qui pluribus diebus festis aliqua parua opera seruilia præstat, quæ simul sumpta magnam materiam constituerent, & notabilem temporis partem occupare videntur.

dentur. Ratio est, quia illa modica opera seruil-
lia non continuantur, nec integrant vnam mate-
riam, & opus seruale vno die factum, non conti-
nuatur cum opere seruili alterius diei. *tom. 2.*
fol. 404. num. 3.

22. Qui leuiter delinquit in die festo contra
multas obligationes diuersæ rationis, non peccat
mortaliter, secus si obligationes sint eiusdem
rationis. *ibid. num. 5.*

Quartum Decalogi præce-
ptum: *Honora patrem tuum, &*
matrem tuam, ut sis longæuus su-
per terram.

23. Nomine *patris & matris* veniunt ipsi paren-
tes immediati vel mediati; Superiores, vt sunt
Episcopi, Curati, &c. Imperatores, Reges & Prin-
cipes: tutores, curatores & magistri, quorum
prudentia & doctrina erudimur; & his omnibus
exhibendum esse honorem, reuerentiam & amo-
rem docet nos hoc præceptum, & ipsius naturæ
dictamen. Vnde filij coniciunt contumelias
in parentes, aut ad grauem iram prouocantes,
peccant mortaliter. Sicut autem filij afficiuntur
obligatione huius præcepti in parentes, ita etiam
parentes in filios, illisque subuenire tenentur.
tom. 2. fol. 407. num. 2. & fol. 408. num. 3. & 4.

24. Hæc verba, *ut sis longæuus*, intelliguntur
non solum de longitudine & diuturnitate futuræ
vitæ, verum etiam de longitudine huius morta-
lis vitæ, iuxta illud 1 ad Timotheum 4. *Pietas*

ad omnia utilis est, promissionem habens vite, quæ nunc est, & futura. tom.2. fol.407.num.4.

25. Et non tantum filij debent honorare & amare parentes, illisque amoris signa exhibere, sed etiam obedire tenentur, quando aliquid præcipiunt circa bonos mores, & salutem animæ; ut ad vitandas prauas amicitias, deferendos ludos, vel meretrices, &c. & filius qui patri obedientiam in grauibus non præstat, mortaliter peccat. *tom.2. fol.409.num.1. & seq.*

26. Præterea filij tenentur parentibus subuenire in necessitate spirituali & corporali, idcirco filij qui non curant patrem in mortis articulo constitutum confiteri, vel suscipere alia sacramenta, grauiter peccant. Idem dicendum si parentes infirmos, aut in carcere detentos non visitent. *ibid.num.1. & fol.410.num.2.*

27. Filius non solum tenetur ab ingressu religionis abstinere dum parentes, id est pater & mater, sunt in extrema necessitate, vel quasi extrema, aut quando probabiliter futuri creduntur, sed etiam tenetur tempore nouitiatus, imò & post professionem egredi, etiam inuito Prælato, dum necessitas parentum est extrema, & iis subuenire potest remanendo in sæculo, & modò ipse filius nullum incurrat probabile periculum salutis spiritualis dum in sæculo remanet. Eadem obligatione tenetur à fortiori pater erga filios; debetque curare ut addiscant rudimenta fidei, eosque delinquentes corrigere & castigare; peccantque grauiter eos deprauando suo prauo consilio, vel exemplo.

Aduerte autè egressum è religione ad subueniendum necessitati, teneri seruare vota & præcepta religionis eo modo quo commodè potest,

&

& sublata necessitate redire ad religionem. *ibid.*
num.4. & seq.

28. Quando debita patris excedunt facultates hæreditatis, filius non tenetur in foro conscientie solvere debita patris, etiamsi non confecerit inuentarium, quia hæres non tenetur, nisi ex bonis hæreditatis. *tom.2. fol.411. num.10.*

29. Pater grauitè peccat denegans alimenta filio sine graui causa, etiamsi filius proscriptus sit vel emancipatus. Imò tenetur etiam vxori filij alimenta præbere, dum filius præbere non potest: mater verò non tenetur alimenta filio præbere, excepto lacte ex impotentia patris: neque peccat mortaliter non lactando filium per se ipsam, tenetur tamen bonam nutricem adhibere. *tom.2. fol.412. num.2. & seq.*

30. Parentes mortaliter peccant exponendo filium Hospitali, nisi iustam habeant exponendi causam, vt si pater existat in valde graui necessitate, vel periculo vitæ, aut infamie. *tom.2. fol.413. num.6.*

31. Obligatio alendi filios transit ad hæredes illius, qui filios alere tenebatur, sed non transit directè ad donatarium, neque ad eos qui bona parentum titulo emptionis, vel similis contractus acquisierunt: transmittitur tamen ad fiscum, cui bona parentis addicta fuerunt ob ipsius parentis delictum. *ibid. num.7. & seq.*

32. Pater qui filio alimenta non præstitit, non tenetur in foro conscientie ad restitutionem, nisi fortè filius debita ob id contraxerit. *tom.2. fol.414. num.12.*

33. Pater tenetur filie nubenti (etiam spurie) dotem competentem constituere, etiamsi filia diues sit, aut monasterium ingredi velit, aut nu-

bat inuito patre, aut etiam indigno (seu tali cum quo sine dedecore nubere non possit iuxta vsus illius regionis :) secus si filia nubens indigno, sit maior vigintiquinque annis, & diues sit, patrisque alimentis non indigeat. Neque pater eximitur ab onere dotis alio dotem tradente. *tom. 2. fol. 414. num. 1.*

34. Filius aut filia multis de causis priuari potest hæreditate & alimentis, v.g. ob percussionem parentum iniustam cum lethali culpa, ob grauem & inhonestam iniuriam, ob accusationem in iudicio, (excepto crimine hæresis & læsæ maiestatis :) ob attentationem in vitam patris ; si cum maleficis versetur, si copulam habeat cum nouerca seu patris vxore, si filius non succurrit patri, & impediat ne pater conficiat testamentum. In his casibus filium pater hæreditate priuare potest, non verò alimentis, si filius aliunde non habet. *tom. 2. fol. 416. num. 1.*

35. Filia inuitis parentibus nubens seruata Tridentini forma, attento iure Canonico, non potest exhæredari. Imò neque potest attento iure Cæsareo, nisi filia sit minor 25. annis, & parentibus volentibus ipsam in matrimonium coniungere, renuerit, & luxuriosam degere vitam elegerit. Filia quæ bis tantum copulam commisit, non potest ob id hæreditate priuari. Idem dicendum, si post 25. annos luxuriosam vitam elegerit ; imò etiam si ante 25. annos, si mater illius luxuriosam vitam degat, & nondum correctæ sit exhæredationis tempore ; secus dicendum si solum pater luxuriosè viuat. *tom. 2. fol. 417. num. 3. & seq.*

36. Filius inuito patre cōtrahens, aut indignam ducens, non potest hæreditate priuari, nam leges loquuntur solum de filiabus. *tom. 2. fol. 418. n. 9.*

37. Exhæ

37. Exhæredatio non tollitur per reconcilia-
tionem superuenientem, aut per pœnitentiam;
tollitur verò religionis professione. *tom.2.
fol.419.num.12.*

38. Maritus tenetur vxori non solum actibus
internis, verum etiam externis honorem & amo-
rem, imò etiam obedientiam in iis, in quibus est
vxori subiectus, exhibere; & consequenter mor-
taliter peccat verba infamatoria proferens con-
tra illam, aut grauitè verberans, aut præcepto-
rum adimpletionem impediens; aut eam non
alens, modò alere possit, aut vxor ipsa à mariti
consortio non recesserit, aut is qui dotem promi-
sit non existat in culpabili mora soluendæ dotis.
Quod si vxor quæ ob viri scæritiam recessit, re-
nuat oblata securitate ad virum redire, non est à
viro alenda. Si verò vxor vtriusque coniugis
culpa recessit, deinde ad maritum redire contem-
dat, maritus autem eam ad se redire non patia-
tur, alenda est à marito, quia vltima culpa mari-
to imputanda est. Alenda erit similiter, quoties
dos casu fortuito perit. *ibid.num.1. & seq.*

39. Quæ diximus de viro quoad amorem, re-
uerentiam & obedientiam quam vxori præstare
debet; vxor debet quoque præstare marito; vnde
grauitè peccat, dum notabiliter inobediens est
circa ea quæ ad bonos mores, & ad familiæ gu-
bernationem pertinent. Et si illa post discessum è
vita primi mariti ad secundas nuptias conuolèt,
debet ea quæ vt arrhas à primo marito accepit,
titulo lucratiuo, seu donatione filiis primi ma-
trimonij, reseruare; secus si accepit ab extraneo.
tom.2.fol.421.num.11. & seq. & fol.423.num.15.

40. Vxor aut filij non tenentur ad soluenda de-
bita, quæ vir seu pater contraxit pro alenda vxor-
e,

re, vel filiis, nisi pater illa acceperit nomine ipsorum, vel protestatus sit nolle gratis illa præstare, aut nisi acceperit in fraudem, id est, sine iusta causa, scientibus filiis vel vxore. *tom. 2. fol. 421. num. 13. & fol. 422. num. 14.*

41. Quæres, quæ cura & amor requiratur in superioribus & dominis erga seruos & subditos, & è contrâ? Respond. Domini aliique Superiores tenentur sibi subditorum & famulorum, etiam mancipiorum curam habere, curando vt hi præcepta adimpleant, impediendoque eorum peccata, & eos corrigendo quando delinquant: caueant tamen ne eos grauibus afficiant iniuriis, appellando diabolos, aut canes, &c. aut ne iis alimenta denegent, dignus est enim operarius cibo suo; possunt tamen eos cum moderatione verberare, sicut pater filium, aut fratres vel patruus habentes curam sororum, vel nepotum; hos enim possunt moderatè percutere. Idem valet in senioribus, aut etiam in aliis qui ab adolescentibus aliquam iniuriam passi sunt, & eorum superiores commodè adire nō possunt. *tom. 2. fol. 424. num. 1. & 2. item fol. 425. num. 6. & seq.*

42. Dominus tenetur domo sua expellere seruum vt resipiscat, & concubinæ consortio non vtatur, quoties adest spes fructus, & id fieri potest absque suo notabili damno. *ibid. num. 8.*

43. Frater tenetur alteri fratri vel sorori alimenta præbere, quando aliunde non habent; hoc enim postulat charitas & pietas in parentes & sanguine iunctos; & hoc valet, etiamsi frater & soror in egestatem sua culpa inciderint; imò tenetur dotem sorori indigenti constituere; cum dos veniat nomine alimentorum, *tom. 2. fol. 426. num. 12.*

44. Subdi:

44. Subditi suis Superioribus etiam improbis amorem, reuerentiam & obedientiam, præsertim in rebus magni momenti præstare debent, quia superiores parentum vices gerunt, quibus debetur honor & reuerentia. *ibid. num. 13. & 14.*

45. Famulus tenetur vitam domini defendere cum periculo vitæ propriæ, quando specialiter ad eam defendendam conductus est. *ibid. num. 15.*

Sextum & nonum Decalogi præceptum : *Non mæchaberis, & , Non concupisces uxorem proximi tui.*

46. Hoc sexto & nono Decalogi præcepto non solum prohibetur adulterium, verum etiam quælibet alia carnalis copula extra legitimum matrimonij usum : imò etiam omnes alij actus, qui ad impudicam libidinem allicere & permovere possunt : vt actus, amplexus, oscula, locutiones, ornatus lasciui, litteræ amatoriaræ, &c. Neque solum prohibentur actus exteriores, verum etiam voluntas & affectus interior inordinatus rei venereæ. Et peccata quæ his præceptis prohibentur, sunt mortalia ex suo genere ; neque ignorantia per se loquendo excusat in hac materia à peccato ; neque minæ, metus, vel timor infamiæ ; excusaret tamen vis absoluta, quando qui vim patitur, animo non consentit, nec alio modo cooperatur ad peccatum. *tom. 2. fol. 427. num. 1.*

Octa.

Octauum Decalogi præceptum : *Non falsum testimonium dices.*

Vide v. *Mendacium.*

Decima.

1. Nomine *Decima* intelligitur quota bonorum debita Ecclesiæ ministris in ipsorum subsidium & sustentationem; quatenus hæc pars est indefinita debetur iure naturæ & diuino, vt verò est definita & determinata, v.g. ad decimam partem fructuum, debetur iure Ecclesiastico. *tom. 2. fol. 501. num. 1. & 3.*

2. Triplex est decima, personalis, prædialis & mixta. Personalis, est decima pars fructuum prouenientium ex industria & opera personæ, vt ex mercatura, venatione, bello, ludo, &c. Prædialis, seu realis, est quota fructuum qui ex prædiis percipiuntur, vt est vinum, oleum, frumentum, olera, rapæ, poma, &c. Aduerte decimam quæ debetur ex vinea, non esse soluendam in vuis, sed in vino, quia fructus vineæ propriè consistunt in vino; & decimam prædialem deberi non solum ex agro qui aliàs coli consueuerat, verum etiam ex agro de recenti ad culturam redacto & ex noua-hibus. *tom. 2. fol. 502. num. 1. & seqq.*

3. Decima verò mixta est illa, quæ partim ex hominis industria, partim ex prædiis prouenit, vt sunt fœtus animalium, qui partim ex pascuis, partim ex animalibus proueniunt interueniente homi

hominum industria in illis alendis & custodiendis. *ibid.num.3.*

4. Decimæ personales soluendæ sunt ab iis, qui sacramenta suscipiunt, & illi quidem Ecclesiæ, in qua sacramenta suscipiuntur, nisi aliter consuetudine receptum sit. Soluenda autem est decima omnium bonorum, quæ per industriam licitè acquiruntur, quamquam multi velint soluendam etiam de illicitò acquisitis, præcisa tamen circumstantia actum vitiant. An verò denegari possint sacramenta non soluentibus decimas, respondendum affirmatiuè, dum nullam habent legitimam excusationis causam. *tom.2.fol.503.num.1. & seq.*

5. Dum quis habet duo domicilia in duabus parœciis posita, & partim in vno, partim in altero habitat, soluenda est decima personalis in illa parœcia, in qua domicilium principalius habet, & in qua habitat maiore anni parte, nisi æqualiter habiter in duobus; tunc enim diuidenda est. *tom.2.fol.504.num.4.*

6. Decimæ prædiales soluendæ sunt ab illis omnibus, qui prædia titulo non spiritali possident, illi Ecclesiæ cui subiecta sunt prædia, nisi consuetudine introductum sit ut alteri solvantur: hinc sequitur laicos etiam infideles, paganos habitantes in terris Ecclesiæ subiectis, teneri soluere decimas prædiales, quæ antea solui consueuerant, vel dum acquirunt bona alicui Ecclesiæ subiecta, cui præscribitur decimam solui. *ibid.num.5. & 6.*

Præterea sequitur loca pia & monasteria teneri soluere decimas, nisi priuilegio eximantur. Item clerici tenentur soluere decimas eorum ad quorum titulum promoti sunt, quia res transit
cum

cum suo onere. Parochus quoque tenetur soluere decimas illi Ecclesiæ parochiali, in cuius territorio habet prædia, præcisa in contrarium consuetudine. *tom. 2. fol. 505. num. 7. & 8. item fol. 507. num. 13.*

7. Dum plures colligunt fructus, decimæ solutio incumbit illi qui ius primariò & principaliter habet in fructus pro rata iuris, nisi hoc onus in alterum reiecerit. *tom. 2. fol. 506. num. 10.*

8. Dominus agri non tenetur soluere decimas fructuum, quas percepisset Ecclesia, si ille agrum coluisset, defendisset, &c. quia non violauit iustitiam non colendo agrum, neque refert quod dominus sua culpa non perceperit fructus. *tom. 2. fol. 507. num. 11.*

9. Ecclesia quæ ius habet exigendi decimas, non solum agere potest contra emptorem prædiorum decimæ subiectorum, (res enim transit cum onere,) verum etiam contra venditorem, qui Ecclesiã defraudauit. *tom. 2. fol. 508. num. 15.*

10. Episcopus non tenetur soluere decimas ex bonis mensæ Episcopalis; modò tamen hæc in alium non transferantur; tunc enim cessaret ratio exemptionis: teneretur tamen soluere Summo Pontifici; si eas exigeret, & non solum ille, verum etiam cæteri clerici. *tom. 2. fol. 507. num. 12.*

& 14.

11. Soluendæ sunt decimæ mixtæ iuxta locorum consuetudinem, clericis etiam diuitibus, aut improbis; non enim debentur decimæ clericis ob eorum inopiam, aut probitatem, sed ob laborem quem in populi vtilitatem impendunt. Et in soluendis decimis realibus non sunt detrahendæ expensæ, v.g. culturæ agri; secus in personalibus. *tom. 2. fol. 508. num. 16. & seqq.*

12. Qui

12. Qui decimas non solvunt, aut in soluendo deteriore & non mediocrem partem bona fide assignant, peccant contra iustitiam, consequenter tenentur ad restitutionem: & peccant adhuc peccato sacrilegij secundum multos auctores; quia non solvunt, inquit, rem Ecclesiæ debitam ob sacrum ministerium, & sacris vñibus deputatam; sed hoc D. Bonacinæ non probatur. *ibid. num. 18.*

13. Decima personalis soluenda est post lucrum acquisitum; prædialis verò statim ac fructus collecti sunt, siue ager pluries in anno fructus ferat, siue semel tantum, & decima ex fœribus animalium soluenda est, quando fœtus pervenit ad statum vñibilem. Soluenda autem est decima in loco, in quo ex recepta consuetudine solui consuevit. *tom. 2. fol. 59. num. 1. & seqq.*

14. Obligatio soluendi decimas quatenus decimæ dicunt quoràm fructuum, seu determinatam partem, potest validè priuilegio Papæ condonari & auferri, etiam sine causa, sed tunc illicitè conceditur. Item obligatio soluendi decimas in futurum, auferri posse videtur per compositionem interueniente Summi Pontificis auctoritate. Inò etiam Prælati Ecclesiæ, aut beneficiarius potest iusta de causa absque assensu Apostolico compositionem vel remissionem facere de præteritis decimis, cum iure suo cedere possint, & nulla interueniat simoniæ labe, aut prohibitio. *tom. 2. fol. 510. num. & seqq.*

15. Præterea obligatio soluendi decimas quatenus decimæ dicunt certam partem fructuum, potest per consuetudinem communitatis quadraginta annorum spatio auferri, sicut & potest etiam lex abrogari; possunt quoque particulares personæ liberari & immunes fieri per legitimam præscri-

præscriptionem; (vt quando quis consuevit non soluere decimas per tempus immemoriale, nullo interueniente titulo; aut quando consuevit non soluere spatio 40. annorum interueniente titulo, saltem rationabiliter præsumpto) ab obligatione decimarum. *ibid. num. 5. & seq.*

16. Quæres, an populus, seu communitas facta fuerit immunis ab obligatione decimarum, eo quod spatio 40. annorum non soluerit decimam suo parrocho? Respond. affirmatiuè, non propter præscriptionem, cum elapsum non sit tempus immemoriale, sed propter consuetudinem 40. annorum, etiamsi non adsit titulus, nec bona fides, imò neque consensus Papæ expressus, modò tamen aliunde sufficienter prouisum sit sustentationi parrochi. *ibid. num. 8.*

17. Decima vt dicit ius percipiendi fructus ob sacrum ministerium, petenda est coram iudice Ecclesiastico, & non ciuili; potest tamen beneficiarius, cui sublati sunt à laico fructus decimarum, qui iam soluti erant, coram iudice sæculari hanc causam agere; quia in causa temporali sequendum est forum rei. *tom. 2. fol. 512. num. 1. & 2.*

18. Concilium Tridentinum *sess. 25. de Reform. cap. 12. & cap. statumur, 16. §. 1.* præcipit subtrahentes decimas, aut earum solutionem impediētes non solum excommunicandos esse, verum etiam non esse absoluendos, nisi facta plena restitutione; intellige modò non adsit impotentia restituendi. Extant etiam peculiare pœnæ in *Clem. 1. de decim. cōtra religiosos*, qui iniquè vsurpant decimas ad se non pertinentes, vel alios retrahunt ab iis soluendis, vel pœnitentibus conscientiae scrupulum circa decimarum solutionem facere negligunt. Idem dic de Confessariis. *ib. n. 1.*

19. Fide

19. Fideles ad primitiarum solutionem nullo iure nunc in noua lege obligantur. Per *primitias* autem intellige primos fructus, qui ex agris aut arboribus percipiuntur, Deoque immediate offeruntur in recognitionem beneficiorum quæ à Deo accipiuntur. *Oblationis* verò nomine intelligitur quidquid Deo in recognitionem dominij & excellentiæ ipsius offertur, siue sint primi fructus, siue sit aliqua res mobilis, siue immobilis; differunt autem oblationes à decimis, quod hæ in cultum & honorem Dei, decimæ verò offerantur ad sustentationem ministrorum Ecclesiæ, tanquam ipsis debita. Iure communi pertinent oblationes ad rectorem, siue parochum illius Ecclesiæ, vel sacelli, vel imaginis, in qua fiunt, modò tamen non offerantur hac intentione, vt in honorem vel ornatum imaginis, vel sacelli insumantur, aut modò non tradantur Sacerdoti, tanquam stipendium sui laboris. *tom. 2. fol. 513. num. 1. & seq.*

Degradatio.

1. Degradatio verbalis, seu depositio totalis est sententia Ecclesiastica, qua persona Ecclesiastica priuatur omni officio & beneficio in perpetuum, sine spe illius consequendi, non amisso priuilegio clericali. Degradatio verò actualis præter hæc priuat etiam priuilegio clericali, & cum quadam solemnitate, videlicet astantibus Abbatibus mitratis, aut aliis in dignitate constitutis, &c. de quibus vide Põtificale. *tom. 1. fol. 628. n. 1. & seqq.*
2. Sacerdos degradatus realiter validè cõsecrat, quia per degradationem non amittit characterem ordinis. *tom. 1. fol. 629. num. 5.*

3. Cri

3. Crimina quæ merentur verbalem degradationem sunt adulterium, concubinatus perseuerans post monitionem, simonia notoria, stuprum, incestus, furtum, periurium, homicidium, etiamsi patratum sit, solo consilio, delictum quo quis permittit sua culpa suum Parochianum decedere sine Baptismo. *ibid.num.6.*

4. Clericus ob frequentem fornicationem, seu concubinatum non statim est deponendus, sed gradatim cum ipso agendum, habita ratione loci, personæ, &c. an sit alendus fructibus beneficij, diuisi sunt Doctores; pars negans D. Bonacinæ est probabilior. *ibid.num.7. & 8.*

5. Depositiō verbalis presbyteri spectat ad proprium Episcopum, vel eius Vicarium generalem: degradatio verò actualis ad solum Episcopum consecratum, aut ad Vicarium generalem delegatum, qui solus potest ad id delegari. *ibid.num.9. & seqq.*

6. In depositione reali ordinata ad degradationem Sacerdotis, debent alij Episcopi assistere, ut iudices, aut iis deficientibus Abbates, aut aliæ personæ in dignitate constitutæ, & consentire omnes nemine discrepante; ac coram eis facienda est degradatio actualis clerici sæculari Curia tradendi, in aliqua Ecclesia seu oratorio. Vsu receptum est ut Episcopus in facienda actuali degradatione utatur vestibus Pontificalibus; ex iuris tamen dispositione non tenetur illas adhibere. *tom.1. fol.630.num.12. & seq.*

7. Clericus minoribus tantum ordinibus insignitus, ratione delicti degradari potest: quod delictum nisi sit notorium, nullus degradari potest absque accusatore, seu per viam solius inquisitionis. *ibid.num.18. & fol.631.num.19.*

8. Is

8. Is contra quem sententia degradationis, seu depositionis realis lata fuit, non potest auctoritate Episcopi in pristinum statum restitui, quia depositus realiter caret omni privilegio clericali sine spe illius recuperandi; modo depositio, seu degradatio non sit iniusta; nam quando est iniusta, restitutio degradati fieri debet à Papa, vel ab Episcopo, & degradatus recipere debet ea quæ perceperat, cum ordinaretur: videturque attenda consuetudine posse Episcopus depositum restituere, dum restitutionem alicuius clerici depositi facit in casibus à iure expressis. *ibid.*

Delectatio morosa.

1. Delectatio morosa dicitur à mora rationis, quando homo posita aduertentia, adhuc in delectatione perseverat; & tunc dicitur morosam delectationem capere. *tom. 1. fol. 451. num. 1.*

2. Delectatio morosa de sola cogitatione rei illicitæ non est ex se peccatum, si motium non sit malum: nam delectatio de re turpi & mala, est mala iuxta motium ipsius delectationis, seu iuxta rationem formalem, ratione cuius delectatio fertur in obiectum. Vnde peccat mortaliter qui delectatur de malo proximi, ut est malum ipsius: nam hoc motium est malum. Item delectatio de aliquo actu carnali, ut de fornicatione, tactibus, vel osculis, est peccatum mortale, si ex affectu carnali capiatur ab eo qui non est coniugatus: secus dicendum de eo qui ob bonum finem delectatur de homicidio aliàs secuto licet iniusto. *tom. 1. fol. 452. num. 4. & seq.*

3. Qui se laudat, vel iactat de peccato aliquo veniali, peccat venialiter, habet enim motium veniale. *ibid. num. 10.*

4. Coniu

4. Coniuges qui in absentia alterius coniugis delectantur de actu coniugij præterito, vel etiam futuro, ac si actus esset præsens, non peccant mortaliter, nisi se prouocent ad libidinem. *ibid. num. 12.*

5. Vidua vel sponsa, quæ de actu coniugij delectatur, non peccat mortaliter, quando delectatur de actu coniugij non apprehenso sub ratione delectabili, seu ex affectu venerco. *tom. 1. fol. 453. num. 14.*

6. Quælibet distillatio seminis voluntaria cum carnis commotione, est peccatum mortale: neque potest dari paruitas copulæ excusans à mortali. *ibid. num. 17.*

7. Delectatio morosa est eiusdem speciei, cuius est motiuum, seu ratio formalis, ob quam sumitur delectatio; excepta tamen delectatione venerea, quæ est eiusdem speciei cum opere externo, id est habet eandem speciei malitiam, quam habet opus externum: non desunt tamen DD. qui contrarium asserant. *tom. 1. fol. 454. num. 19. & 20.*

8. Nullum est peccatum habere actum desiderij & velleitatis de re aliqua illicita ex motiuo honesto, vel sub conditione, qua per impossibile, vel possibile posita, actus ille non esset peccatum. Quare excusantur ij qui habent propositum & desiderium sumendi vindictam de inimico sub conditione, *si liceret*, vel, *nisi esset peccatum*, vel dicunt, die ieiunij *comederem carnes si liceret*. Similiter excusatur Sacerdos qui habet desiderium ducendi uxorem, si non esset adstrictus voto castitatis, modò cum desiderio non habeat adiunctam delectationem sensualem: non excusaretur tamen à peccato, qui diceret, *si Titius more-*
retur,

retur, ego magno perfunderer gaudio; aut nisi essem religiosus vel presbyter, vellem committere fornicationem: aut ego occiderem, vel adulterarer, &c. nisi esset infernus vel supplicium: aut nisi esset timor Dei, non ieiunarem, est enim timor seruilis: aut si cum affectu vindictæ sumendæ dicat, si Titius hoc mihi fecisset in adolescentia, vel ante præsentem statum, illum occidissem. *ibid. num. 21. & seq.*

Denunciatio, Denunciator.

Vide v. *Hæresis, Accusator.*

1. Tenentur denunciare ex vi monitorij ij tantum, quos iudex, seu Superior intendit obligare: nam præceptum & excommunicatio vim habet ab ipsius Superioris voluntate.

Adde monitorium non obligare, nisi quos pars intendit in monitorio includi; præsumitur enim non habere intentionem, vt filij, vxor, &c. ligentur excommunicatione. *tom. I. fol. 1102. num. 1. & 2.*

2. Obligatus sub pœna censuræ ad denunciandum, debet esse subditus ipsi ferenti censuram; consequenter qui non est subditus Superiori concedenti monitorium, edictum, vel legem sub excommunicatione, non ligatur excommunicatione lata contra non reuelantes. *tom. I. fol. 1103. num. 1.*

3. Tenemurne ad denunciandum in delictis in damnum nostrum ab aliis patratiss, aut dum ex denunciatione damnum nobis impendet? Resp. nos non teneri, nisi aliter exigat bonum publicum, aut alia circumstantia. *ibid. num. 1.*

4. Socius delicti non tenetur ex vi monitorij manifestare delictum proprium, nisi iuridicè in-

G

terroge

terrogetur neque vxor maritum, neque filius patrem, aut e contra. Excipe casus hæresis, læsæ maiestatis, blasphemix, & sollicitationis in confessione. *ibid. num. 3. & seq.*

5. Filius spiritualis tenetur ex vi monitorij denunciare patrem spiritualem, quia potest esse testis contra ipsum, ergo potest etiam denunciare. *tom. 1. fol. 1104. num. 7.*

6. Non est obligatio denunciandi ea quæ non verè & realiter scimus. Et qui audiuit delictum ab eo qui illud iam denunciavit, non tenetur illud denunciare, etiamsi audierit à viro fide digno, quia ipsius denunciatio esset inutilis, & nihil prodesset. Idem dicendum, quando probabiliter creditur ex denunciatione nullum remedium adhibendum à Prælato, *ibid. num. 1. & seqq.*

7. Ex decreto lato ad manifestanda delicta alicuius delinquentis, non oritur obligatio denunciandi ea quæ probari non possunt per testes, vel scripturas, vel iudicia sufficientia.

Excipiuntur tamen hi casus, in quibus extat obligatio denunciandi, etiamsi delictum probari non possit; videlicet quando in edicto non præcipitur denunciatio, sed testificatio; quando præcipitur denunciari delictum respiciens fidem & Christianam religionem, ut est hæresis, vel blasphemia hæreticalis; quando crimen vergit in graue detrimentum communis; & denique quando agitur de impedimento matrimonij denunciando. *ibid. num. 4. & fol. 1105. num. 5.*

8. Nemo tenetur denunciare quæ nouit sub secreto naturali; vel per consultationem, vel ad remedium adhibendum animæ aut corporis, aut honoris, aut pro defensione bonorum externorum. Imò reuelans in hoc casu, peccat mortaliter,

ter, & tenetur ad restitutionem, etiamsi reuelet id de quo præcessit infamia, vel semiplena probatio. *ibid. num. 1. & 2.*

9. Qui tenetur reuelare, non eximitur ab obligatione reuelandi, etiamsi promiserit cum iuramento non reuelare; nam iuramentum de re illicita non obligat, cum non sit vinculum iniquitatis. *ibid. num. 3.*

10. Ex vi edicti de manifestandis furibus, vel iniustis detentoribus, non tenemur manifestare iustum compensatorem, aut alium iustum detentorem, aut cum qui supra debitum accepit aliquid in compensationem, antequam ferretur excommunicatio, sed statim lata excommunicatione proposuit restituere quamprimum poterit, & oblata opportunitate restituit. *tom. I. fol. 1106. num. 1. & 2.*

11. Petes, an qui non denunciatur iustum compensatorem, ligetur excommunicatione, quoribus ipse compensans non ligatur? Respond. non ligari, etiamsi excommunicatio specialiter lata sit contra scientes & non manifestantes. Idem dic de eo qui non denunciatur eum quem nouit non posse restituere ob impotentiam. *ibid. num. 3. & 4.*

12. Consciens iustæ compensationis, aut alterius legitimæ causæ in iis casibus, in quibus non tenetur denunciare, potest iurare se nihil scire; intelligendo intra se, ut teneatur manifestare; secus dicendum quando dubitat de iustitia compensationis, vel de impotentia restituendi, nisi rationabiliter deponat dubium. *ibid. num. 5. & 6.*

13. Teneturne Caius denunciare Titium vendentem possessionem in confidentia, in præiudicium

cium creditorum, qui ad hoc impetrant excommunicationem contra retinentes talem possessionem? Tenetur, si Titius facta correctione, non vult satisfacere creditoribus. *ibid.num.7.*

14. Obligatio ex vi monitorij incipit à die & hora qua publicatur monitorium; non videtur tamen dies publicationis monitorij enumerandus intra dies termini ad denunciandum. *tom.1. fol.1107.num.1. & 2.*

15. Excusatus à culpa mortali non reuelando, excusatur etiam ab incurrenda excommunicatione lata in monitoriis. *ibid.num.3.*

16. Quando Prælatus præcipit manifestari delinquentem ad ipsius emendationem, vel satisfactionem partis, vel ad impediendum aliquod peccatum, præmittenda est iterum atque iterum fraterna correctio; modò speretur emendatio, & modò iudex intendat solam emendationem, vel satisfactionem; secus si etiam intendat punitionem, & modò non sit periculum in mora: non est tamen præmittenda correctio antequam denunciatur hæreticus ex malitia. *tom.1.fol.1108.n.1. & seq.*

17. Reuelationem faciendam virtute monitoriorum recipere debet Notarius approbatus, nec solum fieri debet ore, etiam si fortè fiat coram Episcopo, aut Vicario. Præterea reuelatio fieri debet expresso nomine & cognomine deferentis. *ibid.num.6.*

18. Obligatio denunciandi non finitur elapso termino præscripto ad denunciandum; ita ut qui non denunciauit intra terminum præfixum, toties incurrat excommunicationem non denunciando, quoties commodè potest denunciare. *tom.1. fol.1109.num.1. & 2.*

19. Ab

19. Ab excommunicatione contracta ob inobedientiam edicto, aut monitorio præter Episcopum virtute Tridentini potest absolvere solus habens facultatem ab eo, qui tulit edictum, aut monitorium. *ibid.*

20. Quilibet tenetur sub mortali iure communi hæreticum denunciare, etiamsi hæresis sit occulta, & hæreticus denunciandus, sit strictissimo consanguinitatis vinculo nobis coniunctus, vel etiamsi alterius hæresis nobis manifestata fuerit sub secreto (præciso tamen secreto confessionis,) vel etiamsi hæreticus iam credatur emendatus. Limitatur tamen hæc doctrina, modò quis non retrahatur à denunciatione ob metum grauis damni; aut si non certò sciat, sed solum suspicetur aliquem esse hæreticum; aut modò non sit socius criminis, aut modò non sit in iis locis, in quibus passim permixti sunt hæretici cum Catholicis, id scientibus Inquisitoribus & Episcopis.

Ex dictis sequitur denunciandos esse apostatas à fide (cum apostasia non differat specie ab hæresi) & etiam maleficos aut sortilegos, quoribus initum est pactum cum dæmone, aut prauia est apostasia à fide. *ibid. num. 1. item fol. 1119. num. 2. & seq.*

21. Qui intra duodecim dies à sacra Congregatione præscriptos non denunciauit hæreticos, vel suspectos de hæresi, tenetur adhuc illos denunciare: nam terminus duodecim dierum non apponitur ad finiendam, sed ad sollicitandam obligationem denunciandi. *rom. 1. fol. 1111. num. 12.*

22. Extat obligatio sub mortali denunciandi Confessarium ad inhonestos actus pœnitentem in confessione sollicitantem; id est allicientem,

.. seu precibus rogantem, seu alia ratione inuitantem ad turpia & inhonesta. Vrgétque obligatio denunciandi, etiam si Confessarius tacitis verbis sollicitet, vt laudando à pulchritudine, venustate, &c. vel etiam si alliciat pœnitentem ad peccandum cum tertia persona, vel etiam si sollicitauerit ad venerea, antequam istæ bullæ promulgarentur. Imò probabile est, contra nonnullos, vrgere adhuc præceptum denunciandi, etiam si Sacerdos sit emendatus, & pœniteat eum sollicitationis; secus dicendum de Confessario sollicitante ad alia peccata nō venerea. *tom. 1. fol. 1112. num. 3. & seq.*

23. Omnes ergo tam mares quàm fœminæ tenentur denunciare Confessarium, qui eos ad turpia sollicitare, vel prouocare tentauit, occasione vel prætextu confessionis; secus dicendum si pœnitens ipse Confessarium sollicitarit, & ad venerea induxerit; consequenter Confessarius non tenetur deferre fœminam se sollicitantem in confessione; sicut neque filia spiritualis patrem spiritualem, à quo sollicitata fuerit ad venerea extra sacramentum pœnitentiæ. *tom. 1. fol. 1115. num. 16. & seq.*

24. Quæres, ad quem pertineat inquirere, cognoscere, & pœnam imponere ob crimen sollicitationis? Respondeo pertinere ad Inquisitores, Episcopos, ac ordinarios locorum, sed non possunt hoc delictum punire, nisi plenè probetur; quod fieri potest per testes singulares, vt per plures fœminas, quæ singulæ seorsim affirmant se à Confessario in confessione sollicitatas fuisse, quia hoc crimen aliter probari non potest, debent tamen esse plures quàm duæ fœminæ, quia cum fœminæ leuēs sint, & mutabiles, etiam ipsarum

rum testimonium debile censetur & infirmum.
tom. 1. fol. 1116. num. 23. & seq.

Depositum.

1. *Depositum est contractus, quo sola rei custodia alteri committitur; & consequenter depositarius non potest uti deposito; imò potius committet furtum si eo utatur, nisi fortè credat hoc domino non displicere; aut nisi dominus concedat usum depositi, expresse vel tacite, aut res sit consumptibilis, ut pecunia; & similis haberi possit tempore quo repetetur, seu tempore solutionis. Duplex est depositum, iudiciale, & priuatum, quod contingit quando res aliqua deponitur apud confidentem hominem ut custodiatur: iudiciale verò, quando debitor deponit pecuniam, quam creditor recusat acceptare; aut quando lis pendet de re aliqua, & interim ea deponitur apud aliquem, donec liti finis imponatur.* *tom. 1. fol. 918. num. 1. & seq.*

2. Quilibet pollens usu rationis potest esse depositarius; etiam si sit pupillus, femina, clericus, aut religiosus, quamuis male faciat suscipiendo depositum absque consensu Abbatis. Ordinariè deponuntur tantummodò res mobiles, aut se mouentes, ex. gr. gemmæ, libri, animalia, pecunia, &c. quæ functionem recipiunt; horum enim custodia potest alteri committi. *tom. 2. fol. 920. num. 2. & 3.*

3. Ad depositum hæc requiruntur conditiones: consensus tradentis & acceptantis, ut res tradatur; ut quando depositum exigitur, restituatur eadem res (intellige tamen quando depositum retinet naturam depositi, & non induit naturam mu-

tuis)& vt si depositum pereat, pereat deponenti, seclufa culpa depositarij. *ibid.num.1.*

4. Qui pecuniam apud aliquem deponunt, v.g. apud montem pietatis, vel apud mercatorem, hoc pacto vt mercator, vel mons sibi soluat quatuor vel quinque in centum, exculari minime possunt a peccato, siue accipiant huiusmodi lucrum ex deposito precie, siue ratione vsus concessi depositario. *tom.2.fol.921.num.4.*

Detractio.

Vide *v. Contumelia, Sufurratio.*

1. Detractio est occulta & iniusta denigratio, seu læsio famæ, (id est bonæ opinionis communis.) propriæ vel alienæ. Detractio est minus peccatum, quàm contumelia, quæ est aperta & publica offensio. Duplex est detractio: formalis, videlicet quæ fit animo auferendi famam proximi, & materialis, quæ fit absque intentione auferendi famam proximi. Octo sunt modi detractio- nis: quatuor directi, videlicet,

Imponens, augens, manifestans, in mala vertens.
Et quatuor indirecti, videlicet,
Qui negat, aut minuit, reticet, laudatque re-
misit.

2. Detractio est peccatum mortale ex suo genere; nihilominus ratione indeliberationis, vel paruitatis materiæ potest esse peccatum veniale: materia autem sufficiens ad peccatum mortale detractio- nis est manifestatio peccati mortalis, quando huiusmodi manifestatio grauitè lædit famam proximi, quamuis defuncti: imò fieri potest vt manifestatio contumeliosa peccati venialis sit aliquando peccatum mortale, habita ratio-

ne personæ, v.g. Episcopi, vel alterius viri Ecclesiastici. *tom. 2. fol. 624. num. 7. & fol. 625. num. 1. & 7.*

3. Manifestatio defectuum naturalium animi, vel corporis, nisi aliquod notabile damnum afferat, non est materia sufficiens ad peccatum mortale detractiois, siue defectus contracti sint cum culpa, siue sine culpa; vt si quis dicat Titium esse ignarum, parui iudicij, &c. Secus si dicat infectum esse morbo Gallico. *ibid. num. 8. & fol. 626. num. 9.*

4. Dicens in tali collegio, vel in tali loco adesse multos prauos & improbos homines, vel vnum ex Canonicis talis Ecclesiæ commisisse simoniam, aut fornicationem, &c. non manifestata persona in particulari, peccatne mortaliter? Non peccat, quia nullus infamatur in particulari, & nullus grauiter læditur. Limita tamen, modò loquens non asserat omnes esse improbos; aut dicto suo multum detrahatur & diminuat de bona estimatione talis vel talis loci. *ibid. num. 10.*

5. Petes, vtrum reuelare crimen vni vel duobus prudentibus qui secretò retinebunt, vel ob honestam causam, sit peccatum mortale? Probabile est non esse peccatum mortale, maximè si adsit honestus finis, ex.gr. emendatio delinquentis, vel bonum publicum, causa capiendi consilij, &c. Quare damnandi sunt coniuges peccati mortalis, qui extra hos casus de grauibus delictis aliorum inter se loquuntur: nisi fortè sint personæ taciturnæ, vt nonnulli volunt. Excusantur tamen loquentes de criminibus occultis filiorum suorum, aut famulorum; maximè quando hoc dirigitur ad illorum correctionem. *ibid. num. 1. & seq.*

6. Pœnitens non peccat peccato detractiōis, manifestando complicem in confessione, quando non potest aliter peccati speciem explicare; nec habet copiam, seu commoditatem adeundi alium Confessarium, cui non sit notus complex; similiter non peccat is contra iustitiam, qui refert crimina audita ab hominibus non fide dignis, indicando personas à quibus audiuit; & hoc verum est, quamvis audientes credant ea crimina vera esse. *tom. 2. fol. 627. num. 2.*

7. Non est peccatum mortale, saltem contra iustitiam, crimen alterius alicubi publicum iure vel facto, vel famosum manifestare alibi, ubi nescitur: erit tamen peccatum mortale contra iustitiam, si reuelentur crimina alterius, quæ publica facta sunt per iniuriam; vt accidit quando quis vi tormentorum confessus est crimina occulta iudici non interroganti iuridicè. *tom. 2. fol. 629. num. 2. & 3.*

8. Non est peccatum contra iustitiam referre alicui delicta alterius, propter quæ aliàs fuit infamatus, quamvis nunc famam acquisierit honestis actionibus, modò referens non ostendat etiam nunc ipsum esse infamem & improbum; quia quamvis ille cuius delicta narrantur, bonam nunc retineat famam, nihilominus ratione delicti aliàs perpetrati fuit infamis, & nunquam acquisiuit ius vt dicatur probus pro eo tempore quo fuit improbus & infamis; peccant tamen historiographi referendo peccata mortuorum publica, non referendo eorum emendationem & resipiscentiam, si reuera resipuerint. *ibid. num. 4. & seq.*

9. Ad nullam tenetur restitutionem qui narrat delictum Titij occultum Mediolani, sed Romæ publi

publicum, ex quo Titius damnum patitur, cum hæc narratio non sit contra iustitiam. Idem dic de petente vel loquente de causa ob quam aliquis in carcere detinetur; secus de narrante crimen alterius, credens illud esse verum & publicum, cum reuera non esset; hic enim tenetur ad restitutionem famæ statim ac cognoscit se errasse. *ibid. num. 7. & seq.*

10. Non est peccatum mortale contra iustitiam, infamatum in vno genere peccati, infamare in alio habente connexionem necessariam, vel moralem cum priori peccato de quo fuit diffamatus; v. g. dicere adulterum scripsisse litteras amatorias, aut hæreticum fregisse imagines Crucifixi, &c. Similiter patet non esse peccatum mortale detractionis infamatum ob multa delicta, infamare in alio in quod labi solent committentes priora delicta; tunc enim non læditur grauitur fama proximi. *tom. 2. fol. 630. num. 1. & seq.*

11. Licitum est aperire crimen alterius ad consulendum bono illius cuius crimen detegitur, vel alterius; vel ad impediendum damnum spirituale vel temporale alicuius momenti, modo reuelatio criminis necessaria sit ad impediendum illud damnum, ad consulendum bono, &c. non poterit autem reuelari crimen occultum, si nulli noceat. *ibid.*

12. Non est ergo peccatum detractionis detegere crimen alterius ad instructionem audientium, aut ad maiorem cautelam audientium, ne peccatis aliorum pertrahantur ad peccata. *tom. 2. fol. 631. num. 10.*

13. Conficiens, vel concurrens ad libellos famosos, grauitur peccat, & tenetur ad restitutionem.

nem ; imò iure comuni excommunicandus est. *Libelli* autem *famisi* nomine intellige signum, vel scripturam quæ alicuius infamiam continet nondum antea publicam, vt publica fiat, & in notitiam aliorum veniat, statim, aut paulatim, siue postea publica fiat, siue non, eo quod ab aliquo comburatur, vel laceretur, vel alia ratione impediatur. Ille quoque censetur auctor libelli infamatorij, cuiusque pœnis subiacet, qui apponit aliquod signum, quo alter infamatur, vt si quis cornua ad ianuam depingat, vel exponat ad indicandum aliquem habere coniugem adulteram. *ibid. num. 1. & seq.*

14. Licitum est ex causa rationabili manifestare sua peccata, & famam suam prodigere; peccat tamen mortaliter, qui sine rationabili causa dicit se esse hæreticum, vel commississe crimen læsæ maiestatis: nam ista crimina redundant in opprobrium filiorum. Similiter peccat religiosus contra iustitiam se ipsum infamans, quando illius infamia redundat in religionem vel monasterium; quia fama illius non est tam illius, quàm religionis, cui cedere non potest. Peccat etiam, qui se ipsum infamat cum periculo propriæ vitæ: sed non is, qui ad vitanda grauia tormenta manifestat iudici verum crimen alterius, sed occultum, de quo promiserat secretum, quia secretum non obligat cum tanto incommodo, nisi sit secretum confessionis. *tom. 2. fol. 633. num. 2. & seq.*

15. Qui audit detractorem, & aliquo modo mouet ad detrahendum, peccat mortaliter contra iustitiam, est enim causa iniusta detractionis. Similiter peccat, & tenetur ad restitutionem, qui ostendit sibi gratam fore aliorum detractionem; aut qui absque iusta causa alterum interrogat de alio

aliorum defectibus; secus dicendum de eo qui non incitat alium ad detrahendum, sed solum delectatur de graui detractiōe, is enim peccat tantum contra charitatem. Audiens quoque detrahentem de re graui, & cum non corrigens, per se loquendo peccat mortaliter contra charitatem (facit enim contra præceptum correctionis in re graui, si subit spes fructus, & non timeat sibi aliquod graue damnum corrigendo) & etiam contra iustitiam, si teneatur ex officio curare salutem. *tom. 2. fol. 635. num. 1. & seq.*

16. Infamator ad nullam tenetur restitutionem, præcisè ratione infamiae, quando infamatus recuperauit famam suis bonis actibus; tunc enim infamatus nullum amplius patitur damnum. Idem dic, quando infamator iudicat prudenter, audientes oblitos fuisse criminis narrati, siue narratio vera fuerit, siue falsa; neque tenetur interrogare eos, quibus narrauit crimen alterius, an illius recordentur. *tom. 2. fol. 636. num. 1. & seq.*

17. Qui reuelauit crimen coram iis quos sciebat, vel dubitabat, idem crimen aliis reuelaturos, tenetur apud omnes famam restituere; quia sua detractiōe censetur causa efficax infamiae apud omnes; secus si reuelauit alicui, de cuius taciturnitate non dubitabat. *ibid. num. 1. & 2.*

18. Qui alterum infamauit verum crimen aperiendo, non tenetur, neque potest dicere se mentitum esse, aut falsum dixisse, sed debet sapius honorare & laudare infamatum apud eos, apud quos detraxit. Qui verò infamauit imponendo falsum crimen, tenetur retractare quod dixit, dicendo se falsum dixisse; & qui publicè famam abstulit, tenetur eam publicè restituere. *tom. 2. fol. 637. num. 2. & seq.*

19. Detra.

19. Detraçtor qui per suam infamiam iniuste fuit causa ne alter consequeretur aliquod bonum vt officium, vel beneficium, tenetur ad restitutionem boni impediti, id est quanti valebat spes illius. *ibid. num. 1. & 2.*

*Causæ excusantes à restitutione
fama.*

20. Sunt nouem, compensatio quæ fieri potest in restitutione famæ seruata æqualitate; condonatio iusta obligationis restituendi famam; quando infamia iam abiit in obliuionem; quando iam recuperata est bonis ac virtuosis actibus, vel proborum virorum testimonio; quando quis reuelauit crimen occultum, quod postea alia ratione iusta factum est publicum; quando restitutio famæ facta est impossibilis; quando detraçtio fuit inefficax, vt quando audientes non crediderunt; quando infamator non potest famam sine periculo vitæ restituere; & quando restitutio alienæ famæ fieri non potest absque notabili iactura propriæ famæ; vnde vir illustris non tenetur famam restituere homini plebeio; quando eam præstare non potest sine iactura suæ famæ. *rem. fol. 638. num. 1. & seq.*

Dispensatio.

Vide v. *Lex, Censura, Excommunicatio, Votum, Priuilegium, Irregularitas.*

Disputare.

Vide v. *Fides.*

Distribus

Distributiones.

Vide v. *Officium diuinum, Clericus.*

1. Distributiones quæ nomen suum à verbo *distribuo*, acceperunt, sunt ea portio prouentuum, qui tribui & diuidi debent per singulas Horas inter eos qui diuinis officiis inserviunt pro rata seruitij præstari. Distributiones alio nomine vocantur, *porciones quotidiane*, quod conferantur quotidie inservientibus; *vestuaria, aut victualia, sporula, & diaria, emolumentum beneficiorum, seu prabendarum, redditus beneficij, vel Ecclesie prouentus Ecclesiastici*, &c. Item vocantur aliquando *manuale beneficium*. Distributiones, regulariter loquendo, distinguuntur à fructibus ex Trident. sess. 24. cap. 12. Vnde qui priuatur distributionibus, non ob id censetur priuatus fructibus, modo beneficium simul reddat fructus & distributiones. Item habens facultatem lucrandi fructus, seu quantum lucraretur residendo, non potest distributiones percipere, cum nomine *fructuum* non veniant distributiones. *rom. 1. fol. 794. num. 1. & seq.*

2. Pensio in dubio alicui beneficio imposita, non censetur super distributionibus imposita, nisi Summus Pontifex aliud exprimat, vel nisi beneficium in solis consistat distributionibus. *rom. 1. fol. 795. num. 7. & 8.*

3. In impetratione beneficij non sunt necessario exprimendæ distributiones, nec in valore beneficij computantur: neque similiter in sequestratione fructuum, reddituum & prouentuum veniunt distributiones propriè acceptæ. Dixi *propriè acceptæ*, quia extant aliquæ distributiones, quibus.

quibus propria distributionum ratio non competit, ut sunt illæ quæ ex communi massa alicuius Ecclesiæ conferuntur clericis alicuius Ecclesiæ, etiamsi diuinis officiis non intersint, modò resideant in loco suarum Ecclesiarum, aut saltem non recedant sine iusta causa.

Anniuersaria non sunt propriè distributiones, sed ipsarum priuilegio gaudent, & interessentibus solum conferuntur: iure humano Ecclesiastico, non verò naturali vel diuino distributionum usus inductus est ad augendum & seruandum diuinum officium, ut beneficiarij, affectu distributionum acquirendarum, ad interessendum diuinis officiis alliciantur & inuitentur. *tom. 1. fol. 796. num. 2. & seqq. item fol. 797. num. 1. & 4.*

4. Qui ad distributiones admittendus est, titulum & possessionem beneficij habere debet. Item qui ad distributiones in Ecclesia Cathedrali, vel Collegiata admitti petit, eius esse debet ætatis, ut intra annum promoueri queat ad ordinem quem ipsius beneficium postulat; aduerte tamen id intelligi, præcisè priuilegio seu dispensatione Summi Pontificis. *tom. 1. fol. 798. num. 1. item fol. 799. num. 2. & 3.*

5. Qui Canonicatum ex priuilegio ante legitimam ætatem obtinuit, potest absque alia dispensatione distributiones interessentiæ respondentès recipere, nisi aliud ferat consuetudo, non verò quas lucraretur ratione functionis ordinis sui beneficij, quia par non est ut commodum sentiat, qui onus non sustinet. *ibid. num. 4.*

6. Canonicus qui ad distributiones admitti postulat, ad illas præcisè in contrarium consuetudine, admitti debet, etiamsi actu ordinem non habeat

habeat quæ tale beneficium exigit, quia ad lucrandas distributiones, per se loquendo, sufficit assistentia in choro, & debita Canoniarum precum recitatio. *ibid. num. 1.*

7. Illi qui intra annum debito ordine initiatus non est, præcisa etiam in contrarium consuetudine, subtrahitur dimidia pars distributionum. *tem. 1. fol. 800. num. 3.*

8. Promouendus ad distributiones, seu ad Canonicatum, eam callere debet scientiam, quæ ad vniuscuiusque beneficii ordinem requiritur, vel saltem ut habilis & idoneus censeatur, qui infra annum eam addiscat, qua ad debitum ordinem promoueri possit; in Canonicatibus verò nullum ordinem annexum habentibus, arbitror requiri saltem, ut promouendus fidei rudimenta edoctus fuerit, sciâtque legere & scribere; & præterea nonnullam Latinæ linguæ scientiam habeat, ita ut construere sciat, & etiam moderatè & sufficienter instructus sit in cantu. *ibid. num. 1. & seqq.*

9. Non statim ac quis admissus est ad Capitulum, censeatur etiam admissus ad distributiones, & è contra. *ibid. num. 4.*

10. Qui sacro ordine initiatus non est, non potest vocem in Capitulo ferre, etiamsi ipse non fuerit in mora, aut etiamsi suscepto Subdiaconatu, noluerit suscipere Diaconatum, vel sacerdotium beneficio adnexum. Limitantur tamen prædicta in Decano, seu Archidiacono, qui Capitulum conuocare potest, etiamsi sacro ordine nondum initiatus sit. *ibid. num. 5. & seqq.*

Cui ad Distributiones ius competat.

11. Ius percipiendi distributiones competit clericis Ecclesiæ Collegiatae, vel Cathedralis, vel similis, qui diuinis officiis ad distributiones admissi in suis Ecclesiis interfunt, & inseruiunt iuxta legitimam sui Capituli constitutionem, aut Superioris dispositionem, vel dispensationem. Unde qui vult lucrari distributiones, debet ad eas admitti, interesse, & canere quæ alternatim dicuntur; debet etiam inseruire iuxta munus sui beneficii. *tom. 1. fol. 801. num. 1. & 2. & fol. 802. num. 3.*

12. Ad Episcopum & Capitulum spectat distributionum quotam Horis Canonicis assignare, & ea decernere quæ ad spiritualem Ecclesiæ administrationem faciunt, habendo rationem non solum Horarum Canonicarum, verum etiam ipsius Missæ Capitularis, & aliorum officiorum, quæ ex legitima consuetudine, vel ex particulari illius Ecclesiæ statuto in Ecclesia persoluantur: hæc enim omnia veniunt nomine officii. Verum quidem est Canonicum illius Ecclesiæ, in qua aliquæ preces particulares recitantur, non teneri extra Chorum recitare. *ibid. num. 4. & seqq.*

13. In distributionibus assignandis alicubi habetur ratio Capitulorum & processionum. *ibid. num. 7.*

14. Ut prudenter assignetur distributionum taxa, inspicienda est solemnitas, quantitas officii & temporis in eo insumendi, aliæque huiusmodi circumstantiæ, quæ assistentem diuinis, maiori vel minori distributionum copia dignum efficiant: non est tamen in hac taxa constituenda
circa

circa Collegiatas Ecclesias necessario seruanda constitutio Pij V. *ibid. num. 8. & 9.*

15. Qui toti matutino non interfuit, sed maiori parti, per se loquendo, ex natura rei priuandus non est totis distributionibus, quia obligatio diuini officij diuidua est, quandoquidem diuinum officium constet partibus diuiduis. *tom. 1. fol. 803. num. 10.*

16. Ius percipiendi distributiones competit solis interessentibus diuinis officiis verè ac realiter, vel saltem fictione iuris: ob id Canonicus, qui choro non interest, etiam primis sex mensibus, aut tempore permissò in Concilio Tridentino non lucratur distributiones. *ibid. numero 11.*

17. Canonicus assistens lucratur distributiones, etiam si peccator sit occultus, vel publicus, vel fornicator: secus dicendum de non recitante notabilem diuini officij partem attentè, aut obdormiente voluntariè, aut confabulante aliis recitantibus, etiam si id fiat ad lectoralia. *ibid. num. 12. & 13.*

18. Canonicus non amittit de iure communi distributiones, dum non est in suo stallò, aut non induit habitum Canonicoꝝ, sed quia non recitat cum aliis. *tom. 1. fol. 804. num. 14.*

19. Resignans purè & absolutè, non potest facta beneficij resignatione, eaque à Summo Pontifice acceptata distributiones subsequentis temporis lucrari, quia ius ad distributiones habetur ratione tituli veri, vel saltem colorati, quo caret qui ita resignauit: resignans autem sub conditione, potest distributiones lucrari, donec alter possessionem beneficij acceperit, modò per ipsum non steterit, quominus possessionem capiat, alia-

ve

ve conditiones in resignatione appositæ impleantur. *ibid.num.3. & 4.*

20. Fructus percepti medio tempore, pertinent ad resignatarium, in cuius fauorem facta fuit resignatio. Secus dic de distributionibus medio tempore perceptis : istæ enim debentur resignanti, qui diuinis officiis assistit. *ibid.num.5.*

21. Habens duo beneficia, non potest in utroque residere; verum si ista beneficia sint dignitate inæqualia, in digniori residere tenetur. Quod si habeat ex dispensatione duo beneficia residendam requirentia, in eo residere tenetur, in quo est maior necessitas, seu causa residendi: si æqualis est necessitas, residere potest in quo maluerit. *tom.1.fol.805.num.1. & 2.*

22. Habens dignitatem & Canonicatum, vel duplicem Canonicatum in eadem Ecclesia, non potest præcisa dispensatione, vel consuetudine duplices distributiones utrique Canonicatui respondententes lucrari. Ad introducendum autem legitime huiusmodi consuetudinem, quadraginta anni requiruntur. *tom.1.fol.805.num.3. & seq.*

23. Quæres, cur habens plura beneficia, recipiat fructus omnium vnica recitatione, non verò recipiat distributiones omnium vnica assistentia? Respond. rationem differentiae esse, quia illud legitima consuetudine & moribus omnium plura beneficia habentium comprobatum est, scienter & permittente Summo Pontifice: circa distributiones verò non extat huiusmodi licentia, seu permissio. *tom.1.fol.806.num.7.*

24. Qui ex priuilegio, vel dispensatione inferuit Ecclesie per Coadiutorem, seu Vicarium, lucratur distributiones, nisi aliter Summus Pontifex disposuerit, vel nisi coadiutus consenserit

vt

ut coadiutori tribuantur: quia coadiutor regulariter conceditur in fauorem coadiuti, qui non debet illi damnum circa distributiones afferre. Distributiones ergo debentur coadiuto, etiam si coadiutor absit ex causa infirmitatis, vel alia: imò ex quacumque causa sua culpa absit, tenetur ad damnum. *tom. 1. fol. 807. num. 3. & fol. 808. num. 4.*

25. Canonici qui Choro quidem assistunt, sed ex consuetudine, saltem præscripta post Tridentinum, officium per se ipsos in Choro non recitant, sed per Mansionarios in Ecclesia existentes muneri suo satisfaciunt, distributiones lucrari possunt. Ut autem huiusmodi consuetudo legitime introducta censeatur, requiruntur quadraginta anni, non verò tempus immemorabile, ut multi sentiunt. *tom. 1. fol. 809. num. 4. & 5.*

*Absens quibus ex causis lucrari possit
Distributiones, & an ligatus
censura eas quoque
lucretur.*

26. Absens causa grauis infirmitatis potest etiam præcisa consuetudine, distributiones lucrari, etiam si propria culpa infirmitatem contraxerit, nec in loco beneficii tempore infirmitatis existat; secus dicendum si absit ex ignauia, vel si morbus leuis sit: existimo tamen leuiorem morbum potius excusare ab interessentia in Choro, quam à recitatione diuini officij. *tom. 1. fol. 810. num. 1. & seq.*

27. Infirmus qui aliàs interesse non consuevit, non lucratur distributiones; quamquam nonnulli sentiant

sentiant infirmum posse distributiones lucrari, etiamsi aliàs consuetudinem haberet non interessendi. Infirmitas autem qui aliàs interesse solebat, conferendæ sunt distributiones pro rata temporis quo interesse consueuerat. *ibid. num. 10.*

& seq.

28. Laborans graui podagra, aut simili morbo accessum ad Ecclesiam impediente, excusatur ab assistentia in Choro, necnon lucrari potest distributiones. Idem valet in sene, qui sine graui valetudinis detrimento Choro interesse nequit. *tom. 1. fol. 812. num. 12.*

29. Absens ex iusta & rationabili corporis necessitate lucrari potest distributiones quandiu necessitas durat, præcisa tamen positiua consuetudine in contrarium. *ibid. num. 1.*

30. Distributiones conceduntur ei qui de consilio Medici domi se continet, aut pharmacum sumit, aut sanguinem misit, aut qui oppido egreditur, vt salubriori aura vtatur. Idem procedit in eo, qui ob cantum defatigatus aliquantisper egreditur Choro. *ibid. num. 4. & fol. 813. num. 5.*

31. Absens causa pestis in illo oppido grassantis, lucratur distributiones, modò curam non habeat animarum. Item absens ob grauem metum iniuste incussum ob bellum, ob iniustum Principis præceptum, ob inimicitias similisque causas lucratur distributiones. Idem valet in eo qui vi detineretur, aut iniuste pulsus est in exilium. *ibid. num. 7. & seq.*

32. Detentus iniusto carcere lucratur distributiones, etiamsi iudex illum capi iuste præceperit, & etiamsi prima sententia condemnatoria contra ipsum lata fuerit; modò tamen antea interesse consue

consueuerit, nec propria culpa in carcerem coniectus sit. *tom. 1. fol. 814. num. 1. & seqq.*

33. Canonico iniuste detento in carcere, non debentur anniuersaria, seu funerales portiones, quamquam actionem habeat contra iniustum accusatorem. *ibid. num. 5.*

34. Qui ob iniustam accusationem Romam se contulit ibique probata innocentia vitæ per sententiam absolutus fuit, distributionibus gaudere potest. *tom. 1. fol. 815. num. 6.*

35. Iuste excommunicatus excommunicatione maiori, & vitandus, seu denunciatus priuatur distributionibus, etiamsi petat absolutionem, & iuste denegetur; secus si iniuste denegetur. *ibid. num. 1. & 2.*

36. Excommunicatus absens à Choro aliquibus diebus, potest tempus absentiae computare intra bimestre, quo impune à Choro abesse potest. *ibid. num. 3.*

37. Inualidè excommunicatus qui antea diuinis officiis interesse consueuerat, non amittit distributiones, imò subtractas recuperat, postquam de nullitate seu iniustitia excommunicationis constiterit, quia talis dicitur abesse ob rationabilem necessitatem. Et distributiones quæ ob iniustam excommunicationem amissæ fuerunt, repeti debent ab ipsis Canonicis, quibus applicatæ fuerunt, & in ipsorum defectum à iudice: quamuis aliter sentiendum est in foro conscientiae, si iudex bona fide excommunicauit, aut si Canonici bona fide consumpserunt, nec in vlla re locupletiores effecti sunt. *tom. 1. fol. 816. num. 4. & seqq.*

38. Iniuste suspensus distributiones percipere potest, siue sit suspensus ab officio, siue à beneficio, siue etiam à fructibus, si fortè ob huiusmodi suspen

suspensionem à Choro abesse cogatur. Imò iustè suspensus ab officio non priuatur distributionibus, nisi fortè aliquæ functiones debeantur ratione alicuius functionis ex officio debitæ, quam ob suspensionem exercere nequeat. *ibid. num. 1. & fol. 817. num. 2.*

39. Iustè suspensus à beneficio, vel à diuinis, priuatur distributionibus, nisi fortè sit toleratus, & assistat. *ibid. num. 3. & 4.*

40. Iniustè interdictus à diuinis officiis non priuatur distributionibus; iustè verò interdictus priuatur, quatenus hæ conferuntur iis qui diuinis interfunt. Hoc valet non solum in interdicto simpliciter, seu à diuinis; verum etiam in interdicto ab ingressu Ecclesiæ. Limitatur in interdicto vitando, & in eo qui diuina audit in Ecclesia consecrata, vel benedicta, & Episcopi auctoritate erecta. *ibid. num. 1. & seq.*

41. Canonici non priuantur distributionibus, dum non celebrant officia, eo quod interdicta sit Ecclesia interdicto speciali, secus si interdicta sit interdicto generali. *ibid. num. 5.*

42. Canonici qui tempore cessationis à diuinis officiis celebrare nequeunt, non percipiunt distributiones; habent tamen præfati Canonici actionem contra eum, cuius culpa post admonitionem latum est interdictum, quando ex legitima causa cessauerunt. *tom. 1. fol. 818. num. 1. & 3.*

43. Canonici percipiunt distributiones dum Ecclesia in qua celebrare consueuerant, polluta est & violata, quia per ipsos non stat, ne diuina officia in Choro persoluantur. Non censetur autem Ecclesia polluta, nisi postquam delictum publicum effectum est. *ibid. num. 1. & 3.*

44. Canonicus irregularis ob irregularitatem præcisè

præcisè contractam post beneficij consecutionem non priuatur distributionibus ; priuatur autem per accidens distributionibus , quoties functioni ordinis debentur distributiones , aut quoties irregularitas adnexa est alicui delicto inducenti ipso facto beneficij priuationem, quam beneficiarius tenetur ante iudicis sententiam subire. Imò etiam priuatur distributionibus ob irregularitatem , dum irregularitas ante beneficij consecutionem contracta fuit. *tom. 1. fol. 819. num. 1. & seq.*

45. Canonicus realiter degradatus præcisa dispensatione obtenta à Summo Pontifice , non percipit distributiones ; neque huiusmodi degradatus alendus est fructibus beneficij , aut distributionibus. Idem valet in verbaliter degradato , nisi fortè legitimam appellationem interposuerit : imò verbaliter degradatus non videtur alendus distributionibus , etiamsi alioquin ostiatim mendicare cogatur ; & hoc in terrorem pœnæ & spem emendationis aliorum. *ibid. §. 8. num. 1. & seq.*

46. Canonicus qui beneficio priuatus est, non habet ius ad distributiones, quia sublato principali, videlicet beneficio, corrui accessorium , seu distributiones ex beneficio consurgentes. *tom. 1. fol. 820. num. 1.*

47. Canonicus , seu clericus Ecclesiæ Cathedralis, vel Collegiatae, qui aliàs interesse consueuerat, potest iure sibi permittente, distributiones capere , dum abest in euidentem & certam suæ propriæ Ecclesiæ utilitatem. Idem valet in habentibus dignitatem, mansionariis , aliisque clericis eiusdem Ecclesiæ, modò tamen non adscripta consuetudo in contrarium, & modò uti-

litas ob quam abest, sit alicuius momenti, & non sit dubium au negotium, de quo agitur, vtile futurum sit Ecclesiæ; vtilitas enim debet esse certa & euidens. *ibid. num. 1. & seq.* Hinc

48. Absens causa confessionis suorum peccatorum, aut causa voti adimplendi, non lucratur distributiones: secus dicendum de absente ad necessitatem propriæ Ecclesiæ subleuandam, huic enim debentur distributiones; sicut & illi, qui tempore diuinorum ex mandato Capituli detinetur in iis quæ ad Capitulum faciunt. *tom. 1. fol. 821. num. 8. & seq.*

49. Exercens iurisdictionem suæ Ecclesiæ, vel missus ad Summum Pontificem, aliūve Principem titulo legationis nomine Capituli, lucratur distributiones. Item Canonicus missus ad Concilium generale tanquam Theologus, vel Canonista sui Capituli, vel tanquam Procurator. Item Canonici missi ad limina Apostolorum ad referendum Ecclesiæ suæ statum; lucrantur quoque distributiones. *tom. 1. fol. 822. num. 12. & seqq.*

50. Qui prouinciam ad negotium in euidenter Ecclesiæ vtilitatem peragendum sibi demandari curauit, lucrari potest distributiones. *ibid. num. 15.*

51. Canonicus à Capitulo constitutus ad negotia Ecclesiæ peragenda, lucrari potest distributiones, si ea tempore diuinorum peragat; quamuis alio tempore expedire potuisset, modo ei liberum esset quouis tempore expedire; quidquid dicant alij in contrarium. *tom. 1. fol. 823. num. 16. & 17.*

52. Qui ad peragenda Ecclesiæ negotia citius discessit, aut diutius distulit quàm par sit, non lucratur distributiones illi tempori respondentes, quo

quo diutius regressum distulit, vel citius discessit, modò scienter hoc fecerit. *ibid.num.18.*

53. Canonicus legitimè absens lucratur pro tempore absentiae distributiones, etiam si absens aliquot horas, vel dies sine detrimento iustae causae ob quam abest, in ludos & recreationem infumat. *ibid.num.20.*

54. Qui mandatum à Capitulo accepit ad peragendum matutino tempore negotium Ecclesiae, lucratur distributiones, etiam si matutino tempore propriis negotiis vacet, dilato post prandium Ecclesiae negotio expediendo. *tom.1.fol.804.num.21.*

55. Ad lucrandas distributiones non est absenti in eundem Ecclesiae utilitatem necessaria Episcopi licentia. *ibid.num.22.*

56. Absenti in seruitio Papae non sunt quidem denegandi fructus, distributiones tamen praeciso privilegio non debentur. Vnde à fortiori pater inferuenti Cardinali, vel Principi saeculari non solum distributiones denegari, verum etiam fructus subtrahi posse. Probabilius est etiam inferuenti Legato Summi Pontificis subtrahi posse distributiones. *tom.1.f.825.num.1. & seq.*

57. Canonicus cum Episcopo absens in utilitatem propriae Ecclesiae, lucratur distributiones: secus si absit cum Episcopo ad visitandam diocesim, &c. quia non dicitur tunc abesse in eundem Ecclesiae utilitatem. Verum quidem est Canonicum cum Episcopo extra propriam Ecclesiam existentem percipere distributiones, iuxta probabilem nonnullorum opinionem, si Canonicatus nullos redditus habeat praeter distributiones. *ibid. §.2.num.1. & seq.*

58. Episcopus potest aliquos Canonicos non

solum vrbis, verum etiam ruris in sui seruitiam adhibere, qui interim fruuntur fructibus, etiam si in ea Ecclesia extet statutum iuratum, quo fructus non residentibus denegantur; modo præfati Canonici non sint alterius diœcesis. Mansionarij, aut alij qui non sunt propriè Canonici, priuari possunt distributionibus, dum absunt in seruitium Episcopi; cum iura loquantur solum de Canonicis. *ibid. num. 4. & seq.*

59. Absens ad tuenda Capituli sui iura, non priuatur distributionibus, etiam si in locum valde distantem se transferat, aut etiam si stipendium à Capitulo accipiat. *tom. 1. fol. 826. num. 1.*

60. Canonicus absens vt tueatur iura beneficij, lucratur distributiones, etiam si procuratorem in sui locum mittere potuerit ad prosequendam litem; secus si absit vt tueatur ius suum contra alterum idem prætendentem, aut ad prætendendos fructus beneficij, quod habet in alia Ecclesia. *ibid. num. 2. & 3.*

61. Canonicus qui tempore diuinorum officiorum Missam in sua Cathedrali aut Collegiata Ecclesia celebrat, non lucratur distributiones. Hoc valet etiam si celebret ex deuotione, vel tanquam mercenarius, vel tanquam Capellanus titularis. Idem valet, etiam si celebret de consensu Superioris, inferioris Summo Pontifice; secus dicendum si hoc faciat ex priuilegio Summi Pontificis. *tom. 1. fol. 827. num. 1. & seq.*

62. Pœnitentiarius iure nouo percipit distributiones, si tempore diuinorum, aut etiam Litaniarum, vel Processionum, quæ extra Ecclesiam peraguntur, in Ecclesia propria detineatur ad excipiendas confessiones; secus si confabuletur, vel priuatim recitet officium, vel confessiones
domi

domi audiat. Canonici quoque confessionem audientes in defectum pœnitentiarij, percipere possunt distributiones: secus si hoc faciant præsente Pœnitentiario; nisi aliud ferat priuilegium, vel statutum à Sede Apostolica confirmatum. *tom. 1. fol. 828. num. 1. & seq.*

63. Theologus seu obtinens præbendam Theologalem, non potest præciso priuilegio tempore absentiae lucrari distributiones, etiamsi à Choro ab sit prætextu parandæ concionis, vel lectionis, vel defatigationis quæ ex studio consurgere potest, nisi fortè ipsius præbenda fructus non habeat distinctos à distributionibus. Excipiuntur tamen à præfata propositione illi dies, quibus Theologi in suis Ecclesiis legunt, illis enim diebus tanquam præsentes in Choro habendos declarauit Gregorius XIII. *tom. 1. fol. 829. num. 1. & 2.*

64. Theologus absens causa sui muneris percipit distributiones, dum Canonicatus in solis consistit distributionibus iuxta communem opinionem, de qua videtur ambigendum, & saltem dicendum detrahendam esse tertiam partem pro inferuentibus. *ibid. num. 4.*

65. Habens dignitatem, vel Canonicatum cum animarum cura, non lucratur distributiones tempore absentiae; intellige tamen, modò beneficium habeat distributiones & fructus, aut, nisi adsit priuilegium, aut consuetudo in contrarium; quæ consuetudo introducta est, ne parochi timore amittendarum distributionum muneris suo Parockiali deessent. Imò ex Tridentino *sess. 22. c. 3. de reform.* qui dignitatem habet cum cura animarum extra diocesim, lucratur distributiones extraordinarias; quæ autem sint distri-

butiones extraordinariæ, vide in Trident. *2. 22. cap. 3. ibid. §. 7. num. 1. & seq.*

66. Canonici quibus locorum piorum cura, vel administratio aliqua demandata est, vt sunt deputati Seminarij, Hospitalium & similium locorum, non possunt pro tempore quo in commodum & vtilitatem horum locorum absunt distributionibus frui; modò tamen non adsit legitima consuetudo, vel priuilegium in contrarium, quale concessum fuit D. Carolo. *tom. 1. fol. 830. num. 1. & seq.*

67. Absens causa studendi, vel docendi, non lucratur distributiones, sed tantummodò fructus; lucratur tamen etiam distributiones, dum hoc illi permittitur per consuetudinem, vel quando abest ex speciali priuilegio, quo datur facultas vt abesse possit cum iure ad fructus, & beneficium non habet fructus separatos à distributionibus: tunc enim absens lucratur etiam distributiones, detracta tamen ea parte quæ deseruientibus debetur, iuxta locorum consuetudinem. Et hoc valet non solum in absente causa studij Theologici, verum etiam ciuilis. Imò multi Doctores putant licitum esse causa studij abesse vsque ad quinquennium sine alia licentia. Non potest tamen quis causa studij abesse, dum Ecclesia ex illius absentia graue damnum, vel magnam diuini cultus diminutionem pateretur. *tom. 1. fol. 831. num. 1. & seq.*

68. Absens causa studij debet operam studiis dare in gymnasio publico, in vniuersitate, seu studio generali. Et si Sacerdos aut habens dignitatem causa studij abesse velit, peculiarem habere debet facultatem; secus dicendum de Canonico absente causa studiorum; is enim non
tene

tenetur alium in sui locum substituere, nisi beneficium adnexam habeat animarum curam, iurisdictionem, vel aliud, quod per alium adimpleri possit: si verò haber solum simplex beneficium solum habens Chori obligationem, non tenetur Vicarium in sui locum substituere. *tom. 1. fol. 832. num. 7. & seq.*

69. Absens potest ex priuilegio solius Summi Pontificis, non autem vllius alterius ipso inferioris lucrari distributiones: & huiusmodi priuilegium concessum strictè explicandum est, seruata verborum proprietate. *tom. 1. fol. 832. num. 1. & fol. 833. num. 2. & 4.*

70. Licitæ & valida est compositio, qua absens priuilegium obtinet, retinendi sibi distributiones soluta certa pecuniæ summa Cameræ Apostolicæ, & qui tale priuilegium obtinuit, tutus est in conscientia. *ibid. num. 3.*

71. Habens priuilegium percipiendi distributiones, non lucratur mortuaria & anniuersaria. Item habens priuilegium percipiendi fructus omnes, non potest percipere distributiones, nisi fortè beneficium nullos alios habeat redditus præter distributiones. *ibid. num. 5. & 6.*

72. Habens priuilegium non residendi certo anni tempore cum iure ad distributiones, non potest huiusmodi priuilegio uti, dum vsu priuilegij diuinus cultus notabiliter læderetur: quamobrem huic incommodo per Episcopos in aliquibus Ecclesiis consultum est, vt certo tempore non nisi tertia pars Canonikorū abesse possit, assignatis cuilibet suis hebdomadis, vt sufficiens Canonikorū numerus ad diuina celebranda semper remaneat. *ibid. num. 7. & 8.*

73. Priuilegium, quo Canonici sine iactura

distributionum duobus mensibus in anno causa recreationis, vel negotiorum suorum abesse possunt, computandum est intra totum annum, pro rata temporis quo ad distributiones admissi fuerunt. Item habens priuilegium quo duorum mensium spatio, id est sexaginta diebus naturalibus, abesse possit sine distributionum amissione, hoc priuilegio integrè gaudere potest, nisi aliud exigat consuetudo: quare habens hoc priuilegium non interessendi duobus mensibus in anno, potest quouis anni tempore ex vi illius priuilegij abesse, nisi aliud obstat. *tom. 1. fol. 834. num. 9. & seq.*

74. Habens priuilegium percipiendi fructus, vel distributiones, non potest cogere Capitulum ad restitutionem fructuum, seu distributionum, postquam bona fide facta fuit illarum diuisio inter Canonicos. *tom. 1. fol. 835. num. 16.*

75. Statuto vel constitutione Capitulorum, vel Episcoporum, aut alterius Summo Pontifice inferioris caueri non potest, regulariter loquendo, ut distributiones absentibus conferantur. Dicitur *regulariter loquendo*, quia multi casus per episcopiam excipiuntur. *ibid. num. 1. & fol. 836. num. 3.*

76. Non potest sola consuetudine induci, ut distributiones absentibus licitè conferantur, nisi consuetudo ex rationabili causa inducatur; aut nisi Summus Pontifex consentiat, non sufficit autem regulariter loquendo tacitus Summi Pontificis consensus. *tom. 1. fol. 837. num. 2. & fol. 838. num. 6.*

77. Non est admittenda consuetudo, ut absentes eleemosynam capiant, dum anniuersaria celebrantur. Non valet quoque consuetudo, ut
Cano

Canonicus de recenti admissus percipiat distributiones tempori absentiae respondentes. Item non potest induci consuetudo, ut assistens una hora, vel recitans submissa voce lucretur omnes totius anni distributiones; sicut nec consuetudine induci potest ut distributiones primi anni conferantur hæredibus quasi iure proprio ipsorum hæredum; secus dicendum de fructibus, qui ex consuetudine dari possunt hæredibus Canonici mortui. *ibid. num. 8. & seq.*

78. Non videtur admittenda consuetudo, qua Canonici alternis hebdomadis inseruiant, & omnes distributiones lucrentur; non videtur tamen reprobanda ea consuetudo qua intereuntes Matutinis precibus, tantum lucrentur, quantum percipiunt alij, qui reliquis horis interfunt. *tom. I. fol. 839. num. 13. & 14.*

79. Non videtur admittenda consuetudo concedens iubilationem, id est, ut qui quadraginta annis diuinis interfuerunt, distributiones capiant æquè ac si essent præsentēs, etiamsi Choro non interfint, maximè quando adhuc sunt vegeti & robusti: secus dicendum de senibus, quia senectus comparatur morbo, imò & ipsa morbus est. *ibid. num. 15. & 16.*

80. Consuetudine saltem immemorabili induci potest, ut quis per alium eiusdem Ecclesiæ Canonicum assistens & seruiens Ecclesiæ, fruatur distributionibus. *tom. I. fol. 840. num. 17.*

81. Habens duos Canonicatus non potest ex consuetudine acquirere ius percipiendi distributiones, dum abest, nisi fortè beneficia in solis distributionibus consistant, tunc enim probabile est posse aliquid accipere ob alia onera. *ibid. num. 18.*

82. Canonicus qui iustam ob causam absuit, lucrari potest distributiones, si postquam rediit, aliquandiu domi iusta de causa, v.g. ad quiescendum commoretur, nec ad chorum accedat. *ibid. num. 10.*

83. Quæres, vtrum Canonicus, qui diuinis officiis non interfuit, possit distributiones percipere, si alij, quibus ob assistentiam accreuerunt, eas remittant, largiantur, vel ex pacto condonent. Respondetur primò, non solum illicitam, verum etiam inualidam esse distributionum remissionem, etiamsi absentia contigerit ex iusta causa; nec est tutus in conscientia, qui distributiones accipit ob remissionem sibi factam. Et remissio distributionum non solum irrita est si fiat de futuro, verum etiam si fiat de præterito. Secundò non est licita, aut valida distributionum collusio inter absentes; neque licita videtur etiam amicabilis compositio, qua certa distributionum portio condonatur; secus dicendum de transactione circa præteritas & futuras distributiones, quæ seruatis seruandis non videtur illicita: sicuti nec donatio iure communi verita videtur, facta ab eo qui iam acceperat distributiones, quas alter ob absentiam amiserat. Vnde sequitur Canonicum donare posse distributiones absentibus quas accepit per se, vel Procuratorem, seu Thesaurarium, qui eas ad partem ex mandato Canonici retinet: Canonicus tamen qui distributiones amissas tradit interessentibus, hac conditione, vt sibi restituantur, non est tutus in conscientia, si eas recipiat.

Iure particulari in aliquibus locis, vt in provincia Mediolanensi, non solum illicita est remissio distributionum, verum etiam donatio propriè

propriè accepta. *tom. i. fol. 841. num. 1. & 2. item fol. 842. num. 3. & seq.*

84. Quæres, vtrum Canonici qui Choro non assistunt, non solum iacturam distributionum faciant, verum etiam ad alia onera, v. g. annatam, decimam, pensionem, &c. distributionibus annexa teneantur, quamvis illis per absentiam à Choro priuentur? Respondetur annatam non solum ex quotidianis distributionibus in ingressu beneficii; & hoc valet etiam si beneficium in solis consistat distributionibus; soluendum est tamen quindennium & quidem anticipatè singulis quindecim annis, non solum à Canonicis, verum etiam ab iis qui pensionem ex beneficiis percipiunt. Nec refert quod Canonicus à quo soluitur quindennium Choro postea non assistat, quia soluitur anticipatè. *tom. i. fol. 844. num. 1. & seq.*

85. Quindennium seu annata nullam simoniæ labem continet, quia annata non imponitur tanquam in pretium beneficii, sed in subsidium & sustentationem ministrorum, qui Summo Pontifici inseruiunt. *ibid. num. 6.*

86. In permutationibus beneficiorum æqualis valoris non soluitur annata: si verò sint inæqualis valoris, soluitur non solum quoad excessum valoris, verum etiam integrè. *ibid. num. 8.*

87. Ex distributionibus soluendum non est Episcopo subsidium charitativum, quod ei persolui præscribitur *cap. conquerenti*, quia huiusmodi subsidium soluitur de fructibus & redditibus beneficiorum, distributiones autem regulariter loquendo non veniunt nomine fructuum, vel reddituum, nisi aliud ex verbis, vel circumstantiis colligatur. *tom. i. fol. 845. num. 9.*

88. Decima spiritualis soluitur parochis de distributionibus, non autem Papæ, nisi hoc exprimatur in impositione decimæ. *ibid.num.1.*

¶ 2.

89. Pensio, regulariter loquendo, non soluitur ex distributionibus; & in dubio pensio non censeatur super distributionibus imposita, nisi beneficium in solis distributionibus consistat, aut nisi Summus Pontifex aliud exprimat. Adde pensionem non censi in impositionem in illis distributionibus quæ conflatae sunt ex fructibus, & prouentibus beneficiorum, iuxta Tridentini decretum *sess.21.cap.3. tom.1.fol.846.num.1. & seqq. & fol.847.num.6.*

90. Si pensio super distributionibus imposita sit, soluenda est ab illo, qui distributiones percipit; quia obligatio soluendæ pensionis est onus reale, onus autem reale soluendum est ab eo qui rem habet; hinc onus soluendæ pensionis transit ad Capitulum, dum distributiones accrescunt ob absentiam Canonici, super cuius Canoniatu imposita fuerat pensio: & singuli Canonici quibus accreuerunt distributiones Canonici absentis habentis Canoniatum onere pensionis super distributionibus grauatum, tenentur ad pensionem pro rata distributionum perceptarum, modo Canonicus non perceperit tot distributiones, quæ sufficiant ad pensionem soluendam. Idem dicendum est dum beneficium onere pensionis grauatum vnitum est Capitulo. *tom.1. fol.848.num.8 & seq.*

91. Quando consuetudine vel statuto introductum est, ut omnes fructus, aut aliqua pars Capitulo soluatur primo anno, Capitulum non potest fructus exigere, nisi detracta pensione, quia

quia fructus beneficij remanent hypothecæ subiecti pro solutione pensionis. *tem.1.fol.849.num.12.*

92. Canonicus non tenetur ad priorem pensionem, postquam aliud beneficium per nouam prouisionem obtinuit: sed si retento primo titulo obtineat alia bona, vel priora bona in alia commutet. *ibid.num.14.*

93. Successor in beneficio tenetur ad pensionem, siue imposita esset super fructibus, siue super distributionibus: succedit enim in onera realia, ad quæ prior beneficiarius ratione beneficij tenebatur. *ibid.num.15.*

94. Distributiones quotidianæ propriè sumptæ, quæ conferuntur iis qui absunt, si diuinis officiis interessent, præcisa consuetudine in contrarium debentur aliis Canonicis qui diuinis officiis interfunt, modò re ipsa aliqui interfunt, & non omnes sua culpa absint: distributiones verò impropriè acceptæ, seu extraordinariæ, non debentur aliis assistentibus, sed Ecclesiæ, vel pio loco arbitrio ordinarij. *tem.1.fol.850.num.1. & 2.*

95. Distributiones quibus Canonicus in pœnam delicti à iudice priuatur, tradendæ sunt fisco, iuxta iudicis voluntatem. *ibid.num.3.*

Consuetudine induci potest vt distributiones absentium quæ interessentibus accrescerent, Ecclesiæ tribuantur. *ibid.num.4.*

96. Distributiones absentium non accrescunt iis qui ex legitima causa absunt, ob quam iura proprias distributiones concedunt, vt si absint ob infirmitatem, aut quia Ecclesia diruta est. *tem.1.fol.851 num.6.*

97. Beneficiarius diuinis officiis in Choro mancipatus, si diuinis officiis non intersit, non potest

potest distributiones percipere, & perceptas teneretur restituere, etiam ante ullam iudicis sententiam. Præterea Canonici Choro interessentes acquirunt distributiones absentium ab eo tempore quo isti absunt ex causa ob quam iura distributiones non concedunt. Ratio est, quia respectu absentium tunc temporis deficit causa ob quam conferuntur distributiones, & reliqui Canonici ab eo tempore maiorem præstant operam. *ibid. num. 2. & fol. 852. num. 5.*

98. Episcopus ferre potest legem, ob cuius transgressionem Canonicus priuetur distributionibus ante iudicis sententiam. *ibi l. num. 4.*

Diuinitio.

Vide v. Decalogus.

1. Est prædictio seu prænuntiatio rerum occultarum quæ humano modo cognosci non possunt, facta ope dæmonis. Diuinitio fit tam per expressam, quàm per tacitam dæmonis inuocationem. Expressa contingit per apparitionem fictam in figuris, vel assumptis corporibus, per signa apparentia in corporibus terrestribus, ut in ligno, ferro, lapide, per negromantiam, per exta animalium, per aëra, ignem, aquam, & per somnia, quatenus homo per somnia à dæmone immissa diuinare intendit, quibus non licet fidem adhibere, licet verò adhibere aliquam fidem iis quæ à Deo proficiuntur, aut à causa naturali quoad ea quæ per ipsa cognosci possunt. *tom. 2. fol. 279. num. 1. & eiq. fol. 860. num. 8.*

2. Contingit autem diuinitio cum tacita dæmonis inuocatione, quoties ad diuinandum ea adhibentur, quæ talem virtutem non habent, ut fit.

fit quando quis vult diuinare per taxillos, per chartas, per numeros, aut per obseruationem vocis vel cantus; secus dicendum si fiat per id, quotalis cognitio naturaliter haberi potest; & hac de causa excusatur astrologia naturalis, per quam ex intuitu & contemplatione astrorum conicimus effectus naturales, in quos cælum influit; & etiam inclinationes hominis, quamquam hæc astrologia est valde incerta. Quod attinet ad astrologiam iudiciariam, superstitiosa est quories certius prædicit tales effectus, quam ex astris cognosci possint; vnde faciens iudicia vel natiuitates hominum circa futuros effectus contingentes ab humana voluntate pendentes, reus est astrologiæ iudiciariæ & superstitiosæ; vetitæ non solum iure Ecclesiastico, verum etiam naturali diuino, si de his effectibus absolutum iudicium ferat. *ibid. num. 9. & seqq. & fol. 261. num. 12.*

3. Diuinitio per sortes, alia est diuisoria, qua emittuntur sortes ad cognoscendum quid cuique tribuendum sit in electionibus, controuerhis, &c. alia consultoria, qua emittuntur sortes ad indagandam diuinam voluntatem, vt sciatur quid præstandum, quidve cauendum sit, alia diuinatoria, qua aliqui vtuntur ad cognoscendas res occultas. *tom. 2. fol. 262. num. 13.* Hoc posito aduerte,

4. Electionem ad officia Ecclesiastica factam per sortes, non esse ipso facto irritam (excepta saltem electione per sortes ad pastorale officium ac dignitatem,) cum id nullo iure probetur. *tom. 2. fol. 263. num. 14.*

5. Sors consultoria est tantummodo licita, quando fit ex necessitate, circa debitam materiam,

riam, cum debita reuerentia & modo debito; fors verò diuinatoria est omnino illicita. *ibid.* num. 15.

6. Diuinatio siue fiat cum tacita, siue cum expressa dæmonis inuocatione, est mortale peccatum ex suo genere; at excusatur à mortali qui ioci causa ostendit velle futura diuinare. *ibid.* num. 17. & 18.

7. Diuinatio per somnia, per sortes, &c. est peccatum mortale, nisi ex simplicitate fidem quis illis præstet, vel nisi putet ea esse à Deo, vt paulò ante diximus. *tom. 2. fol. 264. num. 19.*

8. Diuinatio cum tacita dæmonis inuocatione habet malitiam eiusdem speciei, quam habet facta cum expressa inuocatione. Et siue fiat per aërem, siue per aquam, siue ignem, &c. est eiusdem speciei in genere moris, sed diuersæ in genere naturæ: quare non est necesse in confessione exprimere rem, per quam facta est diuinatio. *ibid.* num. 20. & seqq.

Diuortium.

Vide v. *Matrimonium.*

1. Quamuis adulterium non sit causa sufficiens faciendi diuortium quoad vinculum, nihilominus est causa sufficiens diuortij perpetui quoad torum & habitationem, tam in fœmina quàm in viro. *tom. 1. fol. 442. num. 2.*

2. Per solum animum fornicandi, aut alios actus impudicos non datur causa sufficiens diuortij, cum per eos non diuidatur caro: secus dicendum de sodomia tam actiua quàm passiuâ, & bestialitate in fœmina vel viro, quæ est causa sufficiens diuortij, modò hoc peccatum committatur.

tatur cum alio, quam cum proprio coniuge: caro enim coniugum non diuiditur; nisi per copulam cum alia habitam. *ibid.num.3. & 4.*

3. Pollutio extraordinaria cum alia, vel secum tantum, non est causa sufficiens diuortij, quia caro propriè non diuiditur. *tom. 1. fol. 443. num. 5.*

4. Vir & vxor sunt pares in causa diuortij. *ibid.num.6.*

5. Ad faciendum in foro conscientia diuortium, non requiritur vt adulterium probeatur; nam probatio videtur spectare ad forum externum pro faciendo diuortio. Imò potest coniux innocens propria auctoritate, secluso scandalo, diuortium facere. *ibid.num.7. & seqq.*

6. Innocens qui cum adultero fecit diuortium, ex natura rei non tenetur cum eo habitare, si per censuras ad id compellatur, quia præceptum Superioris non obligat in conscientia, quando procedit ex falsa præsumptione. *ibid.num. 11.*

7. Coniux innocens tenetur facere diuortium sub mortali, si per diuortium sperat emendationem & fructum, & si immineat scandalum, ita vt existimeretur fautor delicti, cui aliter quàm per diuortium mederi non possit. *ibid. numero 13.*

8. Casus in quibus non licet facere diuortium sunt hi; quando vterque coniux commisit adulterium; quando vir dedit vxori causam proximam adulterandi; quando vxor commisit adulterium tantum materialiter, aut cognita est per violentiam; & quando coniux innocens condonauit alteri adulterium expressè per verba, aut tacitè per signa. *ibid.num. 14.*

9. Quando vterque coniux commisit adulterium, sed vnus emendatus est, potest emendatus petere

petere diuortium, si alter perseveret in crimine.
tom. 1. fol. 444. num. 15.

10. Coniux innocens, post factum diuortium cogere potest adulterum ut ad se redeat, cum sententia diuortij facta sit in pœnam adulteri: potestque consequenter eum reuocare in amicitiam. *ibid. num. 16. & 17.*

11. Adulter facto diuortio non habet propriam actionem repetendi innocentem. *ibid. num. 19.*

12. Coniux adulter occultus potest petere debitum ab altero coniuge ignorante suum adulterium, nec tenetur suum delictum manifestare. Imò & publicus amicabiliter petere potest ut recuperet ius amissum. *ibid. num. 20. & 21.*

13. Habens occultum vitium, quo cognito alter recederet à sponsalibus, potest cogere sponsum ignarum vitij, ut stet sponsalibus validis. *ibid. num. 22.*

14. Coniux facto diuortio potest recipere sacros ordines, aut religionem ingredi altero manente in sæculo: caueat tamen innocens id facere quando delictum alterius est occultum, fieri enim potest, ut non probato delicto restituatur uxori adulteræ. *tom. 1. fol. 445. num. 23.*

15. Multæ sunt causæ sufficientes ad faciendum diuortium non perpetuum, quoad torum & habitationem, quandiu ipsæ causæ durant, videlicet, sæuitia mariti, furor alterius coniugis, quando vnus coniugum tentauit alterum occidere, vel instigat ad peccatum, vel si sit veneficus, aut labatur in infidelitatem, vel hæresim, qui lapsus, est quædam fornicatio spiritualis, & denique votum communi consensu emissum, in quo casu possunt coniuges separari quoad torum. *ibid. num. 25.*

16. Filij

16. Filij factō diuortio sequuntur iure ciuili partem innocentem. *tom.1.fol.446.num.26.*

Donatio.

1. Donatio nihil est aliud quàm liberalis datio alicuius rei. Donatio remuneratoria non est propriè donatio ; item neque remissio debiti facta liberaliter à creditore. *tom.2.fol.902.num.1.*

& seqq.

2. Ille potest donare, qui habet liberam administrationem & dominium bonorum, & à iure non impeditur : ex quo patet prodigum, impubere sine licentia curatoris, filium familias non habentem bona castrensia vel quasi, religiosum Superiori subditum absque licentia sui Superioris, vxorem non habentem alia bona præter dotem, furiosum, amentem, vel alium qui non est sui compos, eum cuius bona fisco addicta sunt, & minorem non posse donare absque consensu curatoris tacito vel expresse ; quamquam minor donare potest ea quæ alij suæ conditionis donant. Item beneficiarius non potest ad suum libitum fructus beneficij qui supersunt congruæ suæ sustentationi, donare vel impendere in vsus profanos & vanos, quamuis si donet, valida sit donatio. *tom.2.fol.903.num.1.& seq.*

3. Donatio patris in filium legitimum non emancipatum, regulariter non est firma iure communi, sed reuocari potest ad arbitrium patris, nisi facta sit cum iuramento. Dicitur, *regulariter*; nam dantur aliqui casus, in quibus valida est donatio patris in filium, si fiat sine damno legitimæ aliorum filiorum ; hi casus sunt donatio causa dotis & nuptiarum titulo remunerationis

ob

ob accepta obsequia, quando pater remittit filio
 vsumfructum quem habet in bonis filij aduenti-
 riis, quando donat filio eunti ad castra bona mo-
 bilia. Item quando valet donatio inter coniuges,
 valet etiam inter liberos: valida autem est do-
 natio inter coniuges, si coniux donet causa mor-
 tis, aut remunerationis ob merita & obsequia
 alias non debita, vt si senex duxit puellam; si
 maritus constante matrimonio condonet & re-
 mittat dorem, aut scienter fateatur se dotem ac-
 cepisse, cum non acceperit; si fiat contrados, quæ
 si fuerat constituta, constante matrimonio, pote-
 rit mortuo viro exigi ab vxore; quando donator
 non efficitur pauperior ob talem donationem, aut
 donatarius non fit locupletior. *tom. 2. fol. 904.
 num. 2. & fol. 911. num. 2. & fol. 912. num. 29.*

4. Petes, an annuli, vestes, & similia quæ vxori-
 bus fieri & tradi consueuerunt à maritis, cen-
 seantur donata, vel tantum concessa ad vsum?
 Respond. si hæc ornamenta sint vilia, & ad quo-
 tidianum vsum, censentur donata, sicque fiunt
 propria vxoris; secus si sint pretiosa, vel festiua.
ibid. num. 30.

5. Donatio omnium bonorum præsentium &
 futurorum inter viuos, inualida est, nisi fiat Ec-
 clesiæ, vel causæ piæ, aut confirmetur iuramento;
 quia per huiusmodi donationem adimitur pote-
 stas testandi, quam iura adimi nolunt. *tom. 2.
 fol. 913. num. 1.*

6. Insinuatio (quæ est quædam manifestatio,
 qua donans declarat iudici in scriptis, se libere
 tantam summam alteri donare, & iudex suo con-
 sensu illam approbat;) requiritur ad donatio-
 nem excedentem quingentos solidos, id est,
 quingentos nummos aureos, alioquin donatio
 inualida

inualida est quoad excessum ; etiamsi donatio sit tantummodo tacita & præsumpta , nisi firmerur iuramento, vel fiat causæ piæ, vel nisi fiat Principi absoluto. Idem valet, etiamsi donatio facta sit pluribus simul absque insinuatione. *tom. 2. fol. 914. num. 1. & 2. item fol. 915. num. 3. & 4.*

7. Ille cui facta est donatio excedens dictam summam, tenetur ad restitutionem, si exigatur à donatore, vel eius hæredibus : si verò non exigatur, non tenetur. *ibid. num. 6.*

8. Non est liberum donanti rescindere, quoties voluerit, donationem factam inter viuos ; præterquam in his casibus : ob ingratitudinem donatarij, modò donatio non sit facta ob causam, vel cum expresso iuramento non reuocandi ob ingratitudinem ; aut ob susceptionem prolis legitimæ non præcogitatum ; aut ob inofficiosam donationem, quæ contingit, quoties pater tantum donat, vt non retineat quantum postulat legitima portio filiorum ; appellaturque inofficiosa, quia est contra officium pietatis. Hæc autem inofficiosa donatio reuocari potest, quatenus opus est ad supplendas legitimas filiorum portiones, modò donatio non sit facta extraneo : hæc enim reuocatur in totum. *tom. 2. fol. 916. num. 2. & seqq. item fol. 917. num. 13. & 14.*

9. Petes, vtrum si filij nascantur post donationem, sed adhuc viuente patre moriantur, reuiuiscat donatio ? Respondetur negatiuè, nisi ex coniecturis appareat, patrem iterum in donationem consentire. Similiter non reuocabitur donatio, si facta donatione, filius naturalis, aut spurius nascatur, qui priuilegio Principis legitimeretur, quia in leg. fit tantum mentio legitimorum. *tom. 2. fol. 918. num. 17. & 18.*

10. Hæc

10. Hæredes donatoris non possunt reuocare donationem ob ingratitudinem donatarij commissam contra donatorem, si ingratitudo cognita fuit donatori; illique superfuit tempus ad reuocandam donationem; nam eo ipso quod cognouit, & non reuocauit, censetur condonasse. *tom. I. fol. 916. num. 5.*

11. Donatio facta causa mortis, potest à donatore vsque ad mortem reuocari, sicut reuocari potest legatum & testamentum. Non censetur autem donatio facta causa mortis, nisi sit facta mentio mortis. *tom. I. fol. 918. num. 20. & 21.*

Dubium.

Vide v. *Peccatum.*

Duellum.

Vide v. *Excommunicatio.*

1. Duellum est pugna singularis, deliberata ab utraque parte, sponte & ex condicto suscepta, statuto loco & tempore, cum periculo occisionis, mutilationis aut vulneris. Hinc collige bellum non esse duellum, neque conflictus qui fiunt in bello inter hostes, dum vnus dux mittit decem milites in arenam contra alios decem, neque conflictus qui fiunt subito iræ feruore, vel ex altercatione nascuntur, neque secundum nonnullos illi videntur incidere in pœnas pugnantium in duello, qui sese obuiam habentes, diffidant se in tali loco, quo statim tendunt, & ibi pugnant: quamquam contrarium probabilius sit. *tom. I. fol. 597. num. 1. & seq.*

2. Pugnam inchoans in Ecclesia, non videtur incidere in pœnas duellum committentibus propositas

positas si Ecclesia egrediantur ob ipsius reuerentiam, & pugnam extra Ecclesiam committant. *tom. 1. fol. 598. n. 8.*

3. Duellum offerens alteri, illúmque eodem tempore aggrediens, duellum non committit. Item nec digladiantes causa ioci, vel exercitij, committunt duellum; nec mulieres capillos adinuicem euellentes, aut pugnis, aut alio instrumento non periculoso se petentes, non incurrunt pœnas ob duellum impositas. *ibid. num. 9. & seqq.*

4. Decertantes saxis, cultellis, baculis & fustibus committere possunt duellum, modo hæc pugna fiat ex recondito: secus dicendum de eo qui domum accedit ad capienda arma, & nulla facta ad duellum prouocatione rediens inimicum diffidat, & statim aggreditur. *ibid. num. 12. & 13.*

5. Diffidans alterum non animo pugnandi, sed causa honoris propriij defendendi, non afficitur excommunicatione; quamuis aliunde peccet, inuitando scilicet alterum ad peccatum. Idem dicendum de prouocantibus se ad pugnam nullo statuto loco & tempore. *ibid. num. 14. & 15.*

6. Deambulans ante inimicum, aut torua facie intuens, aut ensẽm distringens, & similia faciens, non afficitur excommunicatione. *ibid. num. 16.*

7. Inuitans alterum ad duellum, aut pugnans in duello, regulariter loquendo, grauiter peccat; & præter excommunicationem grauib; subiicitur pœnis. Duellum per se loquendo semper est illicitum: nisi ad sedandos duos exercitus contrarios, aut quando aliquis compellitur sub vitæ periculo acceptare duellum: numquam tamen duello dirimi potest lis inter duos, etiam si aliter dirimi nequeat. *tom. 2. fol. 599. num. 17. & seqq.*

8. Delin

8. Delinquentes contra constitutiones Pontificias in detestationem duelli editas, præter confiscationem bonorum, & alias pœnas pro qualitate personarum in Bulla expressas, afficiuntur excommunicatione : & loca, in quibus duellum commissum fuit scientibus & permittentibus dictorum locorum dominis, Ecclesiastico interdicto subiiciuntur ; decertantes verò, si in ipso conflictu obierint, priuandi sunt Ecclesiastica sepultura ; si fuerint clerici, suspenduntur & priuantur beneficiis. *ibid. num. 20. & seqq.*

9. Ex dictis collige non solum pugnantes in duello, aut diffidantes, excommunicationi subiici, verum etiam dominos locorum, magistratus, locumtenentes, duces militum, qui non prohibent quominus hæc fiant, (nisi habeant iustam causam permittendi,) aut qui post commissum crimen, veniam & impunitatem concedunt. Princeps tamen Christianus concedens locum in suo territorio duobus infidelibus ad duellum, non videtur incidere in excommunicationem. *tom. I. fol. 600. num. 25. & fol. 601. num. 26.*

10. His etiam pœnis subiiciuntur mandantes, suadentes, consulentes quolibet modo, licet consilium, vel mandatum non influxerit in effectum ; quamuis multi oppositum sentiant, quando consilium vel mandatum nihil omnino influunt, aut influxus re adhuc integra reuocatus & retractus est. *ibid. num. 27. & 28.*

11. Eadem pœnæ incurruntur ab acceptante statim ac acceptauit, à comitantibus, nisi fortè velint impedire, à sociis, patrinis & spectatoribus ex industria ; à commodantibus aut vendentibus scienter arma pugnaturo in duello, nisi iustam vendendi aut commodandi causam habeant.

Item

Item incurruntur à facientibus, & intimantibus, seu affigentibus scripta & narrationes prouocatorias ad duellum : secus dicendum de raturis habentibus duellum. *ibid.num.29. & 30. item fol.602.num.31. & seq.*

12. Ab excommunicatione contracta ob aliquod delictum in causa duelli, absolueri possunt post Summum Pontificem, Episcopi, quando delictum est occultum, aut reus non potest adire Papam; & religiosi iuxta sua priuilegia, modò reuocata non fuerint (sicut de facto respectu existentium in Italia extra urbem Romanam reuocata fuerunt in decreto sacræ Congregationis;) & non inciderint in excommunicationem Gregorij XIII. *tom.1.fol.603.num.38. & seq.*

E

Ecclesia.

Vide v. *Sacrilegium, Immunitas.*

Eiecti à religione.

Vide v. *Apostata.*

Eleemosyna.

Vide v. *Charitas.*

Emphyteusis.

Vide v. *Feudum.*

Emptio.

Vide v. *Contractus, Monopolia, Venditio.*

1 **E**Mptio est contractus vtrò citròque emptorem & venditorem obligans, eo quòd
I emptor

emptor obligetur ad tradendum pretium pro merce, & venditor obligetur ad tradendas merces pro pretio. Venditio verò est etiam contractus vtrò citròque emptorem & venditorem obligans, ita ut venditor obligetur ad tradendam mercem pro pretio, & emptor obligetur ad tradendum pretium pro merce. Emptio & venditio possunt perfici solo consensu exteriorius expresso, neque traditio est de essentia venditionis, contra nonnullos: *tom. 1. fol. 717. num. 1. & seq.*

2. Hinc sequitur gabellas quæ soluendæ sunt ex emptione aut venditione antea celebrata, persolendas esse priori gabellario; non verò successor, si ante conditionis euentum mutati sunt gabellarij. *tom. 2. fol. 718. num. 6.*

3. Omnia quæ pecunia æstimantur (qualia non sunt spiritualia per se, ut calices, res sacræ, &c. quæ vendi non possunt, nisi ratione materiæ,) vendi possunt, nisi adsit aliqua specialis prohibitio, seu circumstantia; quæ venditionem reddat inuvalidam, aut illicitam & peccaminosam; ut est venditio rei alienæ, & eorum quæ tantum inferuiunt ad malum usum; aut venditio Templi absque Principis auctoritate; aut venditio hominis liberi, quamquam excusatur pater vendens filium ob nimiam egestatem, aut pro soluendis debitis, pro vita propria redimenda, aut etiam pro alio redimendo, ut patet exemplo S. Paulini Episcopi Nolensis, qui se ipsum vendidit pro filio viduæ redimendo. Reliqua verò vendi possunt, ut iactus rétis, partus pecorum, fructus agrorum, actiones, iura, hæreditates, & res omnes ex se indifferetes pretio æstimabiles. *t. 2. f. 719. n. 1. & seq.*

4. Venditio cum pacto retrouendendi in fauorem solius venditoris licita est, interueniente iu-

sto

sto pretio, intentione emendi & vendendi; & modò nulla adsit læsio, & fructus rei emptæ pertineant ad emptorem, quia res domino fructificat; limita tamen, præciso contractu locationis fructuum cum pacto retrouendendi celebrato; celebrari enim licitè potest, modò non celebretur ad palliandam vsuram. *tem. 2. fol. 722. num. 3. & fol. 723. num. 8. & seqq.*

5. Petes, quanti res vendi possit? Respond. rem tanti vendi posse, quanti valet iuxta taxam Principis, vel communem prudentum hominum æstimationem: propterea vendentes aliquid supra iustum pretium rigorosum, aut ementes intra infinitum, tenentur ad restitutionem illius, quod acceperunt non seruata iusti pretij latitudine; & res pretiosas parui emi posse in iis locis in quibus passim parui æstimantur: nam tanti emuntur, quanti valent in iis locis. Non erit tamen tutus in conscientia, qui emit nummo aureo gemmam à rustico ignaro valoris gemmæ, protestans se nolle plus dare, seque velle excessum retinere titulo donationis. Ratio est, quia rusticus censetur inuoluntariè donare, cum ignoret gemmæ valorem; ad validam autem donationem requiritur perfectum voluntarium. *tem. 2. fol. 726. num. 3. & seq.*

6. Sed quid faciendum, & quòdnam pretium seruandum est, quando extant duo pretia, quorum vnum taxatum fuit à Principe, alterum à communi hominum æstimatione? Seruandum est pretium iustum taxatum à Principe, secus si non sit iustum, sed iniquum. Non extat obligatio seruandi pretium taxatum à Principe, quando res notabiliter variata est quoad valorem: neque quando omnes, vel maior pars taxam Principis

impunè violat, sciente Principe. *tom.2.fol.727. num.7. & seqq.*

7. Licet aliquando rem pluris vendere, quàm alioquin venderetur, & minoris emere, quàm alioquin emeretur, concurrentibus his circumstantiis: multitudine emptorum & copïa pecuniæ, affectu ad rem quæ venditur, vt si venditor agrè se priuet ea re; lucro cessante venditori in gratiam emptoris rem vendenti, aut damno emergente, quod patitur creditor vendendo credita pecunia. Alia conditio seu causa augendi pretium est, periculum amittendi totum, vel partem pretij, vel periculum recuperandi pretium cum expensis & molestiis: videtur tamen admonendus emptor de hac re, ne inuitus emat maiori pretio, quam fortè aliunde emisset. Sed petes, an venditor, qui pretium auxit ob periculum prædictum, possit excessum pretij sibi retinere, si postea damnum re ipsa non patiatur? Potest retinere, modo pretium non fuerit immoderatum, & reuera subesset periculum amittendi totum vel partem pretij, vel recuperandi pretium cum expensis, &c. *tom.2.fol.728.num.13. & seq.*

8. Sicut autem propter lucrum cessans, & damnum emergens, aut propter periculum amittendi pretium res potest pluris vendi credito quàm alioquin venderetur, ita etiam emptor potest minoris emere anticipata solutione, si anticipata solutio sit illi causa damni emergentis, aut lucri cessantis, aut adsit periculum recuperandi rem emptam. *tom.2.fol.729.num.20.*

9. Alia conditio seu causa augendi, vel diminuendi pretium est modus vendendi: nam aliquando vna res carius venditur vno modo, quàm alio, vt si merx minutatim vendatur, carius venditur

ditur quàm si venderetur in magna quantitate; aut si merx vltro offeratur, vilius venditur quàm si venderetur in magna quantitate; nam merx oblata, vilescit: aut si quid sub hasta vendatur, aliquando carius venditur, & aliquando vilius, iuxta paucitatem, aut multitudinem, feruoremque contralicitantium: sic enim res exponitur periculo vtriusque fortunæ, lucrandi scilicet & perdendi. Reliquæ verò conditiones, propter quas licet aliquando rem minoris emere, quàm alioquin emeretur, sunt multitudo mercium, & raritas emptorum, inopia pecuniæ, & modus vendendi, modò res non habeat pretium à lege constitutum. *tom. 2. fol. 730. num. 21. & 22.*

10. Estne illicitum rem carius vendere extraneis & peregrinis quàm indigenis, & naturalibus? Est illicitum, si excédantur limites iusti pretij, cum illud excedere non liceat, etiam in venditione eorum, quorum pretium taxatum non est à Principe, vel à communi hominum æstimatione. Imò seruandum est adhuc iustum pretium in ludis sortium, seu chirographorum vulgo *al lotto*, habita ratione debiti laboris & rei. Neque venditor potest rem carius vendere, eò quòd ea sit valde utilis, vel commoda emptori. Intellige præcisa tamen semper ratione damni, vel lucri cessantis, vel affectus ad rem. Neque indigentia particularis alicuius emptoris est causa sufficiens ad augendum pretium rei, alioqui sequeretur eam posse carius vendi pauperi, quàm diuiti. *tom. 2. fol. 731. num. 24. & seq.*

11. Tenenturne ad restitutionem venditores, qui mendaciis affirmant rem sibi tanti stetisse, vel tanti aliis vendidisse, vt emptor augeat pretium? Peccant vt plurimum venialiter peccato menda-

cij, & regulariter non tenentur ad restitutionem: nam hæc sunt communia mendacia, & homines ferè communiter norunt hæc esse stratagemata vendentium, quibus emptores fidem non præstant; secus si emptores huiusmodi mendaciis pertrahantur ad emendum maiori pretio quàm alioquin emissent, ignorantes hæc esse stratagemata venditorum. *tom.2. fol.732. num.31.*

Episcopus.

Vide v. *Suspensio, Lex, Suffragium.*

Eucharistia.

Vide v. *Sacramentum.*

1. Eucharistia est sacramentum consistens sub speciebus panis & vini consecratis, significans Christum, & refectiorem spirituales: species consecratæ spectant ad hoc sacramentum. *tom.1. fol.69. num.3. & 4.*
2. Sacramentum Eucharistiæ consistit in consecratione materiæ, seu in materia consecrata, seu in speciebus consecratis: consequenter consistit in re permanente, & non in susceptione. *tom.1. fol.70. num.6.*
3. Fuit institutum à Christo prima die azymorum in vltima cœna, vt patet *Luc.22. Marc.14.* Potuit Eucharistia continere Christum ante Incarnationem, cùm id non implicet. *ibid. num.2. & fol.71. num.4.*
4. Eucharistia adultis, saltem baptizatis, necessaria est, & ex præcepto Ecclesiastico, & diuino affirmatiuo; secus dicendum de infantibus, quibus Eucharistia non est necessaria, neque necessitate

cate medij, neque necessitate præcepti. *tom. 1. fol. 72. num. 2. & seqq.*

5. Plures hostiæ consecratæ & consideratæ, quatenus vno actu sumuntur, sînt vnum sacramentum: hinc recipiens plures hostias, aut vnâ grandiore, non recipit maiorem gratiam ex opere operato, neque communicans sub vtraque specie (sacerdote excepto) plus gratiæ recipit, quàm qui sub vna tantùm specie communicat. *tom. 1. fol. 74. num. 3. & seqq.*

6. Materia remota sacramenti corporis Christi est panis triticeus. Nomine *tritici* exclude panicum, milium, auenam, hordeum, quæ specie differunt à tritico; secus dicendum iuxta aliquos de felica, seu secala; peccaret tamen grauiter conficiens sacramentum in secala; nam vteretur materia dubia. *tom. 1. fol. 75. num. 1. & 2.*

7. Non quilibet panis triticeus est materia sufficiens huius sacramenti, nisi his conditionibus concurrentibus, videlicet vt denominetur panis, vt sit confectus aqua naturali, vt sit coctus in furno, aut sub cinere, aut ferro calido, aut alia simili ratione; denique vt sit præsens moraliter, & possit designari per particulam *hic, & hoc*. Vnde panes dulciarij, confecti scilicet ex melle, vel lacte, vel aqua rosacea, vel alio simili liquore in magna quantitate, non sunt materia sufficiens huius sacramenti; similiter nec pasta, lagâna, pul-tes, aut similia; neque amydon, nisi de nouo redactum in farinam, & compactam aqua coquatur igne, quia tunc denominabitur panis triticeus, cum amydon ex tritico conficiatur. *ibid. num. 3. & fol. 76. num. 4. & seqq.*

8. Potest etiam confici tam in azymo, quàm in fermentato pane, vnusquisque tamen debet se ac-

commodare suæ Ecclesiæ, id est, Sacerdos Latinus debet consecrare in azymis, Græcus in fermentato, cum hic sit usus Ecclesiæ Græcæ. Græcus in Ecclesia Latina conficere posset in azymis, & Latinus in Ecclesia Græca in fermentato non, posset tamen Latinus in Ecclesia Latina conficere in fermentato. *ibid. num. 8. & seq.*

9. Materia remota sacramenti sanguinis, est vinum ex vite: siue vinum sit nigrum, siue album, siue sit vinum miraculosè factum, quale fuit in nuptiis Cana Galilææ, siue sit mustum, dummodo non sit fœculentum, aut impurum, alioqui committeretur peccatum ex suo genere mortale. *tom. 1. fol. 77. num. 1. & seqq.*

10. Vinum satis decoctum non videtur apta materia, quia nec acetum, cum non sit propriè vinum, nec agresta, quia nondum est vinum; similiter aqua è vitibus affluens non est materia apta, neque vinum ex malogranatis expressum, aut ceruisia, quia non est simpliciter vinum. Denique vva non potest consecrari, quia non est res potabilis, seu vinum; secus dicendum est de vino congelato, quod validè potest consecrari; quia si species vini iam consecratæ congelentur, remanet sub illis sanguis Christi; ergo potest etiam in vino congelato sacramentaliter constitui. *ibid. num. 3. & seq.*

11. Non est necessarium necessitate sacramenti sub vtraque specie consecrare; vnde valida foret consecratio calicis facta ante panis consecrationem: esset tamen sacrilegium graue conficere tantum sub vna specie; est enim necessarium necessitate præcepti diuini affirmatiui conficere sub vtraque specie. Vnde colligitur Sacerdotem non solum teneri consecrare sub vtraque specie,

specie, sed etiam sub vtraque specie communi-
care, quandoquidem sacrificium perficiatur non
solum consecratione, & oblatione, verum etiam
consumptione. *rom. 1. fol. 78. num. 3. & 4. item
fol. 79. num. 5. & seqq.*

12. Sacerdos, qui metu mortis cogitur ad con-
secrandum, potestne sub vna tantum specie con-
secrare? Non potest, neque tenetur iterum con-
secrare, quando sub vna specie apparet caro vel
sanguis Christi. *ibid. num. 10. & fol. 80. num. 11.*

13. Potestne Summus Pontifex dispensare vt
sacramentum Eucharistiæ sub vna tantum specie
conficiatur? Multi affirmant, multi negant, opi-
nio negatiua probabilior videtur. Hinc fit vt Sa-
cerdos non possit tempore suæ mortis conficere
sub vna tantum specie, vt seipsum, vel alium in-
firmum communicet. *ibid. num. 13. & 14.*

14. Vino admiscenda est aqua naturalis ex ne-
cessitate præcepti, non autem ex necessitate sa-
cramenti, cum valida sit consecratio facta sine
admixtione aquæ, peccat tamen grauiter, qui vi-
no aquam non admiscet, aut qui miscet aquam
artificiosam, loco naturalis. Et ne Sacerdos ex-
ponat se periculo conficiendi in materia indebi-
ta, modica quantitas aquæ adhibenda est in con-
secratione calicis; cauereque debet, ne ad sum-
mum quantitas aquæ tertiam vini partem exce-
dat, propterea sufficit quælibet guttula sensibilis.
Quod si Sacerdos ex obliuione aquam non in-
fuderit, si aduertat ante consecrationem, debet il-
lam statim apponere: non verò peracta conse-
cratione; quia non est admiscenda aqua sangui-
ni Christi, sed vino. *ibid. num. 1. & fol. 81. num. 2.
& seqq.*

15. Aqua nondum in vinum conuersa non con-

ueritur in sanguinem Christi post consecrationem; hinc patet non adorari, sicut neque calix adoratur nisi ratione contenti. *rom. 1. fol. 82. num. 8. & 9.*

16. Quæres, an aqua, quæ in vinum conuertitur consecrationis forma inchoata, conuertatur in sanguinem Christi? Respond. non conuerti in sanguinem, si aqua inchoata consecrationis forma, nondum erat in vinum conuersa. *ibid. num. 10.*

17. Quælibet parua quantitas sensibilis potest esse materia huius sacramenti, sicuti potest quælibet magna quantitas præsens constituta, valide, sed non licite consecrari; debetque materia consecranda esse aliquo modo determinata, & definita in mente Sacerdotis consecrantis. Hinc sequitur nullam hostiæ partem remanere consecratam, quando Sacerdos intendit solum quartam hostiæ partem, vel medietatem consecrare, non distinguens quam partem consecrare velit: præterea nullam hostiam remanere consecratam, si Sacerdos præsentem habeat decem hostias, & intendat quatuor tantum consecrare, non determinans quas velit consecrare; præterea sequitur validam esse consecrationem, quoad omnes hostias, quando quis plures consecrandas detulit ad altare, etiam si in actu consecrationis recordetur illius solum hostiæ, quam præ manibus habet: nam dicitur habere intentionem determinatam ad omnes hostias virtualiter; secus dicendum de illis hostiis, quas quis inscio Sacerdote consecrandas apposuit, non enim remanent consecratæ, sicuti nec vini guttæ, quæ sunt extra calicem, quia Sacerdos non habet determinatam intentionem circa illas, quamuis illas habeat præsentem
mora

moraliter; secus dicendum de guttis existentibus in calice separatis à vino, quod etiam in calice continetur. *rom. i. fol. 83. num. 1. & seq.*

18. Denique non est valida consecratio, quando quis habens decem hostias, intendit tantum quinque consecrare, quas Titius designauerit, aut quas Deus intenderit, cum Sacerdos non habeat intentionem determinatam, nec scire valeat hanc potius quam aliam esse consecratam. *rom. i. fol. 84. num. 9. & 10.*

19. Materia consecranda debet ita præsens esse Sacerdoti consecranti, ut secundum communem loquendi modum possit verè & propriè designari & monstrari per particulam *hoc*, vel *hic*. Hinc colligitur sonum verborum non debere necessario pertingere materiam consecrandam, & posse validè consecrari vinum in calice cooperto contentum, aut hostias in pyxide contentas; & posse similiter Sacerdotem circum validè consecrare materiam præsentem; hostiamque existentem à reigò etiam validè consecrari posse, si Sacerdos eam manibus teneat; nam propriè demonstrari potest per particulam *hoc*; neque esse necessarium ad validam consecrationem materiæ existentis coram Sacerdote, ut eam actu tangat dum consecratur. *rom. i. fol. 85. num. 1. & seq.*

20. Hostia post parietem, aut intra tabernaculum existens consecrari non potest, neque si distet triginta passibus, aut si tantum viginti, neque si sit tantum præsens in intellectu; neque similiter si inchoata consecrationis forma, materia non erat præsens. *rom. i. fol. 86. num. 9. & seq.*

21. His adde non posse Sacerdotem consecrare materiam præsentem & absentem vno & eodem actu, videtur tamen consecratio valida re-

spectu præsentis, quia de materia præsentē verificatur forma. *ibid. num. 8.*

21. Forma sacramenti corporis sunt hæc verba; *Hoc est corpus meum*: ita enim Christus ipse consecrauit. *ibid. num. 1.*

23. Totus Canon non est necessarius necessitate sacramenti ad consecrationem, est tamen necessarius necessitate præcepti. *tom. 1. fol. 87. num. 4. & 5.*

24. Valide conficitur sacramentum variata forma, si sensus formæ non varietur. Hinc valet consecratio, si dicatur, *Hic cibus est corpus meum*; vel *hæc res est corpus meum*; vel *hic est corpus meum*, modo particula *hic*, non accipiatur adverbialiter, sed loco pronominis: validum est etiam sacramentum, si quis dicat, *Hoc est caro mea*, aut si omittat particulam *enim*. Inualida tamen esset consecratio, si diceret, *Hoc est corpus Christi*, quia Christus non est usus hac forma, nec verba proferuntur in persona Christi, sicut proferenda sunt: neque valeret hæc forma: *Hic panis est corpus meum*, aut, *hoc sit corpus meum*, aut si diceret, *hoc corpus Christi est corpus Christi*. Denique non valide conficitur sacramentum ab eo, qui prætermittit verbum, *est*, aut dicit, *ecce corpus meum*, omisso verbo *est*. *ibid. num. 6. & seq.*

25. Forma sacramenti sanguinis sunt hæc verba: *hic est Calix sanguinis mei*, peccat tamen grauitur, qui omittit alia quæ in Canone continentur, cum aliqui Doctores velint illa esse de essentia consecrationis. *tom. 1. fol. 88. num. 1. & 2.*

26. Quod attinet ad variationem in verbis formæ, dico inualidam esse, quoties sensus verborum substantialiter variatur, secus si accidentaliter tantum. *ibid. num. 5.*

27. Sacer

27. Sacerdos profert verba consecrationis non solum recitatiue, verum etiam formaliter, & in persona Christi, suntque vera non minus quam forma aliorum sacramentorum; nam efficaciter operantur, quod significant, & ita est in re, sicut per illa verba significatur. *tom. 1. fol. 89. num. 2.*

¶ 3.

28. Per verba consecrationis constituitur Christus verus Deus, & homo sub speciebus panis, & vini; existitque quoad substantiam & accidentia sub qualibet specie, imò verò sub qualibet parte specierum, cum succedat in locum panis, qui erat sub tota hostia, & sub qualibet parte hostiæ. Idem dicendum est de sanguine sub specie vini, poniturque sub speciebus panis ex vi verborum corpus Christi verum, informatum anima cum sanguine, & humoribus ac cæteris partibus, & sub speciebus vini ex vi verborum est tantummodo sanguis Christi, quamuis per concomitantiam adsit etiam sub speciebus panis, & ratione huius concomitantia tres personæ diuinæ sunt etiam concomitanter in hoc almo sacramento. *tom. 1. fol. 90. num. 1. & fol. 91. num. 5. item fol. 92. num. 11. & seq.*

Christus constituitur sub speciebus per transubstantiationem panis in corpus, & vini in sanguinem; definit enim substantia panis & vini adueniente corpore & sanguine Christi. Nec audiendi sunt, qui asserunt substantiam panis eodem modo assumptam fuisse à Deo; quo humanitas assumpta est. *tom. 1. fol. 94. num. 1. & 2.*

29. Petes, an actio conuersionis, seu transubstantiationis dicatur adductiua, & productiua simul? Respond. affirmatiue. *tom. 1. fol. 95. num. 4.*

30. In eo instanti, in quo completur significatio

tio verborum consecrationis, corpus Christi incipit esse sub speciebus, & sub illis tamdiu conseruatur, quamdiu conseruaretur panis, si sub illis speciebus existeret, nec desinit statim atque in os recipitur, asit in ventrem traicitur, quia non ita statim desineret substantia panis, nec desinit esse sub speciebus per quamlibet alterationem specierum: imò verò quando fiunt apparitiones miraculosæ, Christi corpus remanet sub speciebus, si positis illis adhuc remaneret substantia panis; desinit tamen corpus Christi esse sub speciebus, quando ex iis vermes generantur, similiter & sanguis, quando vini species miscentur cum vino alterius speciei, nouaque substantia sub illis generatur. *ibid. num. 1. & seq.*

31. Petes, quando aliquid generatur ex speciebus corruptis, an producat de nouo materia panis? Probabile est nouam produci. *tom. 1. fol. 96. num. 11.*

32. Difficultas est, an adsit mutatio in Christo ad defitionem specierum? Alij negant, alij affirmant. *ibid. num. 10.*

33. Eucharistia per se, & ex propria institutione, instituta fuit ad augmentum gratiæ conferendum, etiam si recipiatur cum actuali peccato veniali. Neque solum præseruat à peccatis mortalibus, verum etiam per eam remittuntur peccata venialia ex opere operato, & datur auxilium ad rectè operandum. Præterea effectus Eucharistiæ, est unio spiritualis cum Christo & fidelibus, & per eam tollitur, saltem secundario, pœna temporalis, prosuntque species consecratæ ad nutriendum corpus sumentis. *tom. 1. fol. 97. num. 1. & seq.*

34. Eucharistia non producit effectum antequam

quam deglutitur; & consequenter, qui diu continet hostiam in ore, ita ut species corrumpantur antequam deglutiantur, non recipit fructum Eucharistiæ, quia non potest dici Eucharistiam manducare.

Suscipiens plures hostias successivè, recipit totum effectum in susceptione primæ hostiæ, neque confertur maior gratia ex opere operato, quamdiu manent species in stomacho, quia gratia ex opere operato confertur manducanti in primo instanti, in quo est verum dicere, manducatum est: & Sacerdos, qui deglutita parte tantum hostiæ moreretur, reciperet totum effectum sacramenti. Recipiens partem hostiæ cum peccato, non recipit gratiam, si statim per contritionem in gratia constitutus sumat reliquas hostiæ partes. *tom. 1. fol. 98. num. 1. & seq.*

35. Minister consecrationis est solus Sacerdos, etiam excommunicatus, vel degradatus; is enim validè consecrat, cum retineat ordinem sacerdotalem, possuntque plures Sacerdotes eandem hostiam simul consecrare, modò eodem tempore perficiant formam. *tom. 1. fol. 100. num. 1. & seqq.*

36. Minister ordinarius ad administrandam Eucharistiam est solus Sacerdos: extraordinarius verò potest aliquando esse Diaconus, ut in articulo mortis, sicut etiam aliàs sanguinem administrabat; imò verò Subdiaconus vel laicus, quamvis multi probabiliter dubitent de Subdiacono & laico.

Religiosis ministrantibus Eucharistiam sine licentia imposita est pœna excommunicationis ipso facto reservata Pape, nisi bona fides ex ignorantia excommunicationis illos excuset, aut nisi administrent infirmis in articulo mortis, quia tunc

tunc præsumitur adesse ratihabitio Summi Pontificis, aut nisi habeant speciale priuilegium, excepto die Paschatis, seu Resurrectionis, quo die non possunt Eucharistiam ministrare absque licentia parochi, nisi fortè ille cui administrant, iam præcepto Ecclesiastico satisfecisset in propria parochia. *ibid. num. 4. & seq.*

37. Potest Sacerdos ex deuotione seipsum communicare, præciso Missæ sacrificio, si tamen non adest alius Sacerdos qui ei administret; potestque Sacerdos etiam partem suæ hostiæ dare infirmo, vel etiam sano, si adsit rationabilis causa. *tom. 1. fol. 101. num. 13. & 14.*

38. Caueat Sacerdos, ne Eucharistiam administret, non seruato ritu, & decentia tanto sacramento debita, nec parochus deferat ad infirmum, quando eam ferre nequit cum habitu decenti, id est cum stola & superpelliceo, præcedente lumine, nec tenetur deferre ad moribundum valde festinanter currendo; secus dicendum de sacramentis Baptismi, & Pœnitentiæ, neque potest Sacerdos Eucharistiam aliis digitis conferre, si ob infirmitatem, vel chiragram nequeat eam pollice & indice administrare. Nulla alia dispositio præter gratiam requiritur in administrante Eucharistiam. *tom. 1. fol. 102. num. 6. & seq.*

39. Amenti, qui ante amentiam bene & christianè vixit, danda est Eucharistia, modò non sit periculum alicuius irreuerentiæ. Item & obsecro, si adhuc vtatur vsu rationis, & semi-fatuis, præciso semper irreuerentiæ periculo, & frequenti administratione. *tom. 1. fol. 104. num. 4. & seq.*

40. Suscipiens Eucharistiam debet esse baptizatus; & præterea requiritur in eo fides & gratia; dubitansque probabiliter se mortaliter peccasse,

casse, tenetur confiteri ante sumptionem Eucharistiæ, si adsit copia Confessarij, & nullum sit periculum scandali: si enim scandali periculum adsit, non tenetur Sacerdos Missam iam inchoatam relinquere, etiamsi aduertat se excommunicatum, vel non ieiunum. Neque similiter laicus, qui iam ad linteum accessit cum aliis, communionis gratia, tenetur statim recedere, & accedere ad Confessarium, si recordetur alicuius peccati. Neque expedit ut Sacerdos ad altare audiat reconciliationem alicuius communicaturi: & parochus non habens copiam Confessarij, potest præmissa contritione celebrare in die festo, ne parochiani careant Missa. *tom. 1. fol. 104. num. 2. & fol. 105. num. 8. & seqq.*

41. Aduerte tamen eum, qui sibi conscius est culpæ lethalis, non posse Eucharistiam sumere, prætermittente confessione, quando prædictæ rationes cessant, sed solum vult communicare ex deuotione; similiter eum non posse ad Eucharistiam accedere, sine præmissa confessione, qui non habet copiam proprij Confessarij, sed alterius, cui non consuevit propria peccata confiteri; secus dicendum, si non habeat copiam Confessarij approbati. *tom. 1. fol. 107. num. 26. & seqq.*

42. Aduerte præterea Sacerdotem celebraturum carentem Confessario, cui peccata reseruata manifestet, teneri confiteri peccata non reseruata. *ibid. num. 31.*

43. Aduerte denique Sacerdotem, qui sine confessione celebrauit, præciso Tridentini præcepto, non teneri statim iure diuino confiteri, siue celebrauerit in peccato mortali ex malitia, siue ex inaduertentia, & obliuione peccati, cum præceptum confessionis faciendæ ante communionem sit affir-

affirmatiuum, quod non obligat pro semper.
tom. 1. fol. 109. num. 41.

44. Quæres, an danda sit Eucharistia infirmo, dum ignoratur ipsius dispositio? Respond. ministrandam esse, nullus enim præsumitur malus, nisi probetur. *ibid. num. 42.*

45. Suscipiens Eucharistiam, per se loquendo, debet à media nocte esse ieiunus, ieiunio non solum Ecclesiastico; verum etiam naturali, id est ieiunio, quod importet abstinentiam à qualibet re. Hinc sequitur eum frangere ieiunium, qui post mediam noctem aliquid deglutit, quod vespertino tempore ore sumpsit, aut qui medicinam ore sumpsit; secus dicendum de eo, qui aromata ori imponderet, eaque dentibus tereret ante sumptionem Eucharistiæ causa vitandi noxij aëris, modò nihil deglutiatur; nam si deglutiatur, aut traiciatur papyrus, frangit ieiunium, etiamsi postea euomat. *tom. 1. fol. 110. num. 5. & seq.*

46. Non peccat communionem recipiens post pollutionem sine culpa secutam. *ibid. num. 4.*

47. Suscepturus Eucharistiam non est necesse ut digesserit cibum, aut dormierit post coenam, potestque Sacerdos habens palato affixas reliquias hostiæ secundam ablutionem sumere, ut illas traiciat; similiter etiam repertas in patena post ablutionem, aut postquam diu se detinuit in communicandis aliis post purificata vasa si reliquias istæ fuerint consecratæ in eo sacrificio; nam censetur vna actio moralis.

Idem dicendum quando Sacerdos reperit aliquas particulas hostiæ, quas dubitat esse consecratas. Imò verò licitum est aliquando sumere Eucharistiam fractò ieiunio, si Sacerdos prævideat fore, ut Eucharistia ad manus infidelium, perue

perueniat, aut ita ferat alia grauior necessitas. Similiter qui aquam loco vini consecrauit & sumpsit, debet de nouo vinum consecrare, & sacrificium perficere; nam integritas sacrificij præponderat præcepto Ecclesiastico de sumenda Eucharistia cum ieiunio: vnde sequitur posse dari Eucharistiam infirmo non ieiuno per modum viatici. Quod etiam intellige in casu mortis violentæ, si communio commodè nequeat anticipari, vel differri. *ibid. num. 11. & seq.*

48. Post Eucharistiæ sumptionem expedit aliquantulum abstinere à communi cibo & potu, ob maiorem reuerentiam sacramenti. *tom. 1. fol. 113. num. 25.*

49. Præceptum diuinum sumendæ communionis, per se loquendo, obligat sub mortali in articulo mortis naturalis, aut violentæ, teneturque iudex reo concedere tempus communicandi, præciso periculo damni communis, aut alterius iustæ causæ. Qui paulò ante mortem communicauit, non tenetur Eucharistiam sumere in periculo mortis, neque tenetur iterum communicare, qui post sumptum viaticum mortaliter peccauit. *tom. 1. fol. 114. num. 1. & seq.*

50. Fideles tenentur ex præcepto diuino communicare, non solum in articulo mortis, verum etiam aliquoties in vita, cui præcepto satisfaciunt, qui semel in anno secundum determinationem Ecclesiæ, Eucharistiam recipiunt. *tom. 1. fol. 115. num. 8. & 10.*

51. Non potest aliquis, præsertim laicus, sæpius in die communicare; priuilegium enim rer communicandi in die Natalis Domini, extenditur solum ad celebrantes. *ibid. num. 11. & fol. 116. num. 13.*

52. Quæ

52. Quæres, qua hora diei possit aliquis communicare? Respond. ieiunum posse communicare qualibet hora diei, secluso scandalo, quamvis Sacerdos non possit post meridiem celebrare. *ibid.num.14.*

53. Præceptum Ecclesiasticum sumendæ communionis à proprio Sacerdote semel saltem in anno in Paschate, obligat omnes fideles utriusque sexus, postquam ad annos discretionis pervenerunt. *ibid.num.1. & fol.117.num.5.*

54. Adultus dubitans de tempore, quo tenetur communicare, stare debet iudicio prudentis Confessarij, vel parentum. *ibid.num.2.*

55. Sed modò dubium est, quid nomine *Paschatis* hic intelligatur? Respond. nomine *Paschatis* non intelligi solùm diem ipsum sollemnitatis Resurrectionis, sed etiam tempus, quod incipit à die cœnæ Domini, vel etiam à Dominica Quadragesimæ, usque ad Octavam Paschæ, quando ita legitima consuetudine receptum est. Omittens communionem in Paschate, interdicendus est ingressu Ecclesiæ, & priuandus Ecclesiastica sepultura. Huic præcepto non satisfir, nisi Eucharistia sumatur in propria parochia, de manibus proprij pastoris, aut alterius Sacerdotis de illius licentia. Excipe tamen viatores, aut eos, qui ad certum tempus ab illa absunt, aut communicant in Ecclesia Cathedrali suæ diœcesis. *tom.1.fol.117.num.6. & sequent. item fol.120.num.19.*

56. Laici inferuientes religiosi, debent tempore Paschatis communionem sumere in propria parochia, nisi ea monasteria exempta sint à cura parochorum. *tom.1.fol.118.num.10.*

Qui non communicavit in Paschate, non tenetur

netur quamprimum communicare, nec peccat mortaliter, si quamprimum data opportunitate non communicet; sicuti non tenetur anticipare communionem, qui præuidet se eam tempore debito non posse recipere, cum ante tale tempus præceptum communionis non obliget. *ibid. num. 13.*

Excommunicatio.

Vide v. *Censura, Clericus, Hæresis, Duellum, Distributiones.*

1. Excommunicatio est censura Ecclesiastica, qua homo baptizatus priuatur aliquibus bonis communibus, videlicet consortio fidelium, participatione sacramentorum, & communibus Ecclesiæ suffragiis. Minor excommunicatio non priuat tot bonis quot maior. *tom. 1. fol. 597. num. 2. & 3.*

2. Quando fertur aliqua excommunicatio absque restrictione *maioris*, vel *minoris*, sermo est de maiori excommunicatione, quæ absolutè & simpliciter dicitur excommunicatio. *tom. 1. fol. 538. num. 2.*

3. Censuræ latæ à visitatoribus censentur latæ quodammodo per modum statuti, si latæ sunt intentione, ut perpetuò durent, seu *donec reuocentur.* *ibid. num. 3.*

Excommunicationis maioris effectus.

4. Excommunicatus maiori excommunicatione priuatur communibus Ecclesiæ suffragiis, peccatque mortaliter applicans excommunicato communia suffragia, ut horas canonicas, vel orationes

tiones Missæ, &c. Imò orans pro excommunicato vitando incurrit minorem excommunicationem, excepto die Parasceves, quo die specialiter Ecclesia orare solet publicè pro hæreticis excommunicatis, ad imitationem Christi, qui pro inimicis oravit. Nec refert quod excommunicatus sit contritus. *ibid. num. 3. & fol. 539. num. 4. & seq.*

5. Quilibet excommunicatus, quamvis toleratus & non vitandus, priuatur communibus Ecclesiæ suffragiis. *ibid. num. 1.*

6. Ut clerici percussor sit vitandus, requiritur notorium facti, id est, ut percussio nequeat vlla tergiuersatione celari. Ad notorium facti plures requiruntur testes, quàm decem respectu magnæ communitatis, & sex respectu parvæ viciniae. Neque teneor vitare eum, qui coram me percussit clericum, eo tempore quo non aderant sufficientes testes ad notorium facti. *tom. 1. fol. 540. num. 3. & seq.*

7. Suspendus, vel interdictus, vel irregularis vitandus, dicitur ille, qui denunciatus est suspendus, vel interdictus, vel irregularis: qui verò nondum est denunciatus, dicitur toleratus, & non vitandus. *ibid. num. 8.*

8. Valida est confessio eius qui confitetur peccata Sacerdoti excommunicato, vel suspendo, vel irregulari nondum denunciato, quem nesciebat esse excommunicatum, &c. *tom. 1. fol. 541. num. 9.*

9. Excommunicatus, qui nondum obtinuit absolutionem excommunicationis, priuatur communibus Ecclesiæ suffragiis, quamvis sit contritus, & iam resipuerit à delicto, quia excommunicatio suum semper habet effectum donec auferatur. *ibid. num. 1.*

10. Sacrificium Missæ oblatum à Sacerdote in persona Christi, & vt ministro ab ipso deputato, prodest excommunicato, si ei applicetur à Sacerdote, tum quoad impetrationem, tum quoad satisfactionem : tamen non ei prodest quoad fructum & valorem prouenientem ex parte Ecclesiæ. *tom. 1. fol. 542. num. 3. & seqq.*

11. Sacerdos potest in Missa, tanquam persona priuata & particularis orare pro quolibet excommunicato. Præterea licitum est recitare priuatas orationes, vel alia pia opera facere pro excommunicatis, modò non fiant tanquam ab Ecclesiæ ministris. *ibid. num. 6. & f. 1. 543. num. 8.*

12. Excommunicatus validè recipit sacramenta, quoad substantiam, nisi fortè quis excipere velit pœnitentiæ sacramentum; quod tamen validè similiter recipit, non solùm quoad substantiam, verùm etiam quoad effectum, quoties inculpabiliter ignorat se esse excommunicatum, & ita confiteretur peccata sua. Vnde poterit quis absolui aliquando à peccatis, quamuis nondum fuerit absolutus à censura; secus dicendum de accedente ad sacramentum pœnitentiæ, sciente se esse excommunicatum : nam illius confessio inualida est; quia ponit obicem ad gratiam actualiter peccando. *ibid. num. 1. & fol. 544. num. 2. & 3.*

13. Excommunicatus etiam toleratus, regulariter loquendo, peccat mortaliter, suscipiendo aliquod sacramentũ, nullam tamen incurrit pœnam, excepta susceptione sacramenti ordinis, quæ inducit irregularitatem. *ibid. num. 5.*

14. Sacerdos administrans sacramenta excommunicato tolerato, seu nō vitando, non peccat ex vi censure, peccat tamē grauiter si respiciamus ius naturale ac diuinum, nisi fortè is cui administrat,
sit

fit peccator occultus, & publicè petat sibi administrari; aut dicat se absolutum: nam potest Sacerdos huic excommunicato occulto credere si sit fide dignus. Denique non peccat Sacerdos ministrando sacramenta excommunicato, quando ipse excommunicatus non peccat petendo. *tom. 1. fol. 545. num. 1. & seq.*

15. Ministrans sacramenta excommunicato vitando, propter mortale peccatum, incurrit primò minorem excommunicationem (hanc enim fideles incurrunt participando cum excommunicatis vitandis:) secundò incurrit ipso iure interdictum ab ingressu Ecclesiæ.

Clerici participantes in diuinis officiis cum excommunicatis à Papa, incurrunt excommunicationem Papæ reservatam, si participant scienter, sponte, & si sit nominatim declaratus; & si participant recipiendo illum in diuinis officiis. *ibid. num. 7.*

16. Sacramenta administrata ab excommunicato tolerato valida sunt, consequenter validum est matrimonium, cui astitit parochus excommunicatus toleratus. *tom. 1. fol. 546. num. 1. & 2.*

17. Petens sacramenta ab excommunicato tolerato, non peccat mortaliter, non solum quando ignorat illum esse excommunicatum (tunc enim certum est excusari à peccato ratione ignorantia;) sed etiam quando scit illum esse excommunicatum; siue excommunicatus sit proprius parochus, siue alius Sacerdos, siue adsit necessitas petendi, siue non, siue ille Sacerdos excommunicatus sit paratus administrare sacramenta, siue non; quia petens utitur iure suo, nec dicitur cooperari peccato excommunicati. *ibid. num. 4. & seq.*

18. Con-

18. Confessio facta excommunicato vitando iteranda est, & præterea exprimendum est peccatum, quod pœnitens commisit communicando in sacris cum excommunicato vitando, nisi fortè excusetur à peccato ratione ignorantiae. Ratio est, quia excommunicatus vitandus caret iurisdictione; cætera quæ non respiciunt iurisdictionem, valida sunt, facta ab excommunicato vitando: excommunicatus tamen incurrit irregularitatem administrando sacramenta, vel celebrando, seu exercendo actum proprium ordinis, petensque aut recipiens sacramenta ab excommunicato vitando extra necessitatem, grauitur peccat: recipiens autem sacramentum ab excommunicato tolerato non delinquit, cum non teneatur illum vitare, sicut tenetur excommunicatum denunciare, seu vitandum, *tom. i. fol. 547. num. 1. & seq.*

19. Audiens Missam tempore excommunicationis grauitur peccat; facit enim contra obligationem censuræ in re graui; secus dicendum de inferuiente Missæ quando nullus alius adest. Excommunicatus non audiendo Missam in die festo, non peccat mortaliter ratione omissionis sacri præcisè, etiamsi per eum stet ne absoluator, quia præceptum Ecclesiæ de Missa audienda, cadit solum super eos qui non sunt impediti. *tom. i. fol. 548. num. 1. & seq.*

20. Excommunicatus qui Missam audit, præter mortale peccatum, nullam pœnam incurrit: verum tamen est Sacerdotem excommunicatum, qui sua auctoritate est causa, vt Missa vel alia diuina officia coram se celebrentur, incurrere irregularitatem; & admonitum à celebrante, vt exeat, incurrere nouam excommunicationem

Papæ reservatam, si nolit exire. *tom. 1. fol. 549. num. 6. & seq.*

21. Audientes Missam cum excommunicato vitando, peccant mortaliter. Item celebrans coram excommunicato vitando, non solum peccat mortaliter, &c. sed etiam incurrit interdictum ab ingressu Ecclesiæ, si celebret scienter coram illo. *ibid. num. 9. & 10.*

22. Qui interest Missæ, aut celebrat, dum ibidem adest excommunicatus toleratus, non peccat proseguendo Missam. Si verò adest excommunicatus vitandus, admonendus est ut exeat, vel expellendus vi. Quod si non velit exire, & non possit expelli sine periculo, omittenda sunt diuina officia; & Missa ipsa, modò nondum inchoata sit consecratio: si tamen post Missam inchoatam Sacerdos aduertat adesse cadauer publici excommunicati, non tenetur Missam inchoatam relinquere; prohibetur tamen aliquod opus circa illud cadauer exercere. *tom. 1. fol. 550. num. 11. & seq.*

23. Quando excommunicatus est in vna capella audiens vnâ Missam, & ego Missam facio in alia capella, non teneor desistere à Missa faciendâ: cum non dicar communicare cum excommunicato existente in alia capella, ibique Missam alterius Sacerdotis audiente. *ibid. n. 16.*

24. Excommunicatus siue sit religiosus professus, siue clericus habens beneficium, vel ordines sacros, potest & tenetur priuatim, (non enim potest socium adhibere,) persolvere horas Canonicas, sicut tenebatur ante excommunicationem: quia par non est, ut delinquens commodum reportet ex suo delicto: non poterit tamen dicere, *Domine vobiscum.* Excusatur Capellanus,

nus, aut famulus inferuiens ratione officij sui suo domino excommunicato. *tom. I. fol. 551. n. 3.*

¶ seq.

25. Orationes publicæ quæ offeruntur ab excommunicato tolerato, profunt quoad valorem quem habent ex parte Ecclesiæ, *ibid. num. 7.*

26. Præterea excommunicatus potest more laicorum benedicere mensæ, munire se signo crucis, adorare Eucharistiam, aut illam comitari, &c. vti imaginibus, &c. Item potest & interesse concioni, nam cum tendat ad illius salutem, & emendationem, ei non prohibetur. *ibid. num. 9.*

¶ fol. 552. num. 10.

27. Præceptor legens lectionem coram discipulis, quorum vnus est excommunicatus, seclusa alia necessitate, tenetur relinquere opus inceptum, si vnus ex discipulis sit excommunicatus vitandus. *ibid. num. 12.*

28. Excommunicatus qui nondum fuit absolutus in vita, aut post mortem, priuatur Ecclesiastica sepultura, donec absoluator: & sepeliens excommunicatum vitandum in loco sacro, grauius peccat, etiamsi excommunicatus dederit signa contritionis. Imò si ossa alicuius excommunicati vitandi, sepulta fuerint in loco sacro cum aliis fidelibus, proiicienda sunt è loco sacro, qui postea remanet pollutus. Adde illos peccare, qui Psalmos concinunt, dum cadauer excommunicati vitandi defertur ad sepulturam; hæc enim est quædam communicatio cum excommunicato. Qui scienter sepelit excommunicatum vitandum in loco sacro, incurrit maiorem excommunicationem, à qua nequit absolui, donec satisfactionem dederit ad arbitrium Episcopi. *ibid. num. 1. ¶ seq.*

K 2

29. Colla

29. Collatio & præsentatio beneficij facta excommunicato, quamvis tolerato, inualida est: neque excommunicatus etiam inuincibiliter ignorans se esse excommunicatum, validè recipit, quia error non tollit excommunicationem. Item collatio pensionis facta excommunicato titulo clericali, est inualida. Validè tamen conferri potest beneficium illi, qui tempore collationis falsò creditur excommunicatus. Similiter validè acceptatur beneficium ab eo, qui tempore collationis & electionis non erat excommunicatus, licèt sit excommunicatus tempore acceptationis beneficij. Difficultas est, an beneficium retineri possit ab eo, cui facta fuit collatio tempore excommunicationis, sed eam acceptauit post obtentam absolutionem? Respondendum retineri non posse, quia in hoc casu nullus est titulus electionis, præsentationis, &c. Quare excommunicatus qui obtinuit beneficium, vel pensionem eo tempore, quo detinebatur vinculo excommunicationis, petere debet absolutionem excommunicationis, eaque obtenta curare debet, ut beneficium sibi de nouo conferatur ab eo, ad quem pertinet illius beneficij collatio: quod si excommunicatus sit occultus, non tenetur se manifestare, nisi fortè cesset scandalum, aut periculum infamiae, & nullo alio iusto & honesto titulo possit se excusare ab acceptando beneficio. *tom. 1. fol. 554. num. 1. & seq.*

30. Beneficiarius, qui lapsus est in excommunicationem post beneficij consecutionem, non est priuatus fructibus, vel redditibus, vel distributionibus beneficij; consequenter neque tenetur eos à se sponte abdicare, modò exequatur onera & officia beneficij, siue excommunicatus, sit cura-

tor animarum, siue sit Canonicus, siue habeat beneficium simplex; & consequenter potest capellanus, aut curatus excommunicatus toleratus recipere fructus beneficij in excommunicatione, præstando munera sua: secus dicendum de excommunicato vitando; cum Ecclesia nolit per ipsum orare. *tom. 1. fol. 557. num. 2. & seq.*

31. Iniuste excommunicatus, qui ob iniustam excommunicationem cogitur abesse à choro, nec potest præstare suum officium, videtur posse percipere fructus & distributiones, cum priuatio distributionum sit pœna, pœna autem non videtur subeunda ab eo qui non deliquit. *tom. 1. fol. 558. num. 5.*

32. Excommunicatus qui non assistit diuinis officiis, non potest recipere distributiones, quæ dantur assistentibus choro, etiamsi per ipsum non stet, ne absoluator, & ne intersit choro; alioqui sequeretur excommunicatum commodum reportare ex sua excommunicatione. *ibid. num. 7.*

33. Gesta per excommunicatum vitandum, seu non toleratum, sunt inualida, quoties fiunt ex officio tanquam iurisdictionis propriæ, (excepta tamen electione Summi Pontificis à Cardinalibus excommunicatis facta;) secus dicendum de gestis excommunicati tolerati, & non vitandi, quæ valida sunt, etiamsi pertineant ad iurisdictionem propriam, peccat tamen grauiter sponte se in actionibus iurisdictionis ingerendo, nisi aliunde adsit excusatio. *tom. 1. fol. 559. num. 1.*

& 3.

34. Ex dictis infer sententiam latam à iudice excommunicato, validam esse. Item electionem, collationem, & resignationem beneficij, factam ab excommunicato, validam quoque esse. Præ-

terea valida esse instrumenta, testamentum, codicillum, & scripturas factas ab excommunicato, etiam tabellione. Similiter posse Episcopum excommunicatum toleratum, validè concedere facultatem administrandi sacramentum poenitentiae. *ibid. num. 4. & seq.*

35. Qui committit delictum eo tempore, quo Superior est excommunicatus, denunciatus non ligatur excommunicatione lata à tali Superiore, quia caret iurisdictione; secus dicendum si lata sit à iure: & etiam postquam iudex seu Superior fuit absolutus. *tom. 1. fol. 560. num. 9.*

36. Suspensa iurisdictione Episcopi per excommunicationem, aut ea sublata per eius mortem, remanet etiam suspensa, vel sublata auctoritas Vicarij Generalis; non autem Vicarij foranei seu particularis delegati ab Episcopo, cum ab eo detur appellatio ad Episcopum, nec sit vnum & idem tribunal. *tom. 1. fol. 561. num. 12.*

37. Cuilibet excommunicato, etiam tolerato, vetitum est, per se loquendo, sub veniali communicare cum aliis fidelibus, nisi in casibus infra dicendis: & è contra vetitum est fidelibus communicare cum excommunicato vitando, non verò cum tolerato, etiam sub veniali in actionibus civilibus, & secluso contemptu & scandalo, & non cum intentione semper aut perseveranter alloquendi: peccaret tamen mortaliter aliquis fidelis, si communicaret in crimine criminoso, id est, si cooperaretur scienter crimini vel contumaciae, propter quam lata est excommunicatio. *ibid. num. 1. & seq.*

38. Prohibitum est communicare cum excommunicatis vitandis in casibus hoc carmine expressis,

Os,

Os, orare, vale, communio, mensa negatur.

39. Per *os*, intellige confabulationem, aut allocutionem, siue per litteras, siue per nutus, nuncios, &c.

Orare, intellige orationem factam cum excommunicatis vitandis.

Vale, intellige prohiberi omnem honorificam salutationem, nisi tendat ad emendationem excommunicati, & non ad ipsius honorem. Potest enim ei dici: *Dominus te conuertat*, &c.

Communio, vetat societatem cum excommunicatis, seu in habitatione, exercitio, vel contractu, quamuis contractus si ineatur, sit validus ex parte non excommunicati.

Mensa, vetat communicationem cibi & potus in eadem mensa formaliter, ut accidit quando communis & socialis vita agitur.

Sequentibus verò casibus licitum est communicare cum excommunicato vitando,

Utile, lex, humile, res ignorata, necesse.

40. Per particulam *utile*, intellige utilitatem tam spiritualem, quam temporalem ipsius participantis cum excommunicato, aut ipsius excommunicati participantis cum alio, dummodo utilitas sit vera & non ficta, ex.gr. spes resipiscentiæ & emendationis, persuasio, aut consilium, ut satisfaciatur parti læsæ vel reipublicæ, aut petitio crediti sui ab excommunicato, seu medicinæ à Medico excommunicato vitando. Item potest etiam excommunicatus vitandus petere suum creditum priuatim à debitore, cui, licet excommunicato, tenetur soluere debitor. Imò videtur posse recipi legatum relictum ab excommunicato vitando ut oretur oratione priuata pro anima ipsius. *tem. 1. fol. 565. num. 8. & seq.*

41. Per particulam *lex* intellige legem & ius matrimonij: nam excommunicatis vitandis licet petere & reddere debitum coniugale, & vxori participare cum marito excommunicato in colloquiis, mensa, &c. denique vterque coniux potest simul communicare; modò non communicet in crimine criminoso, & in diuinis, aut vxor non petierit diuortium à marito quoad habitationem. *tom. 1. fol. 566. num. 17. & seq.*

42. Per particulam *humile*, intellige officium seruorum & subditorum, quibus licitum est obedire suis superioribus excommunicatis vitandis, & communicare cum eis vsuali & ordinaria communicatione. Hinc religiosi possunt communicare, & obedire suis superioribus excommunicatis vitandis; milites suo duci, filij adoptiui, vel carnales, etiam illegitimi, suo patri: imò etiam alij affines, qui veniunt nomine filiorum, quales sunt gener, nurus priuignus, vel priuigna gaudent priuilegio participandi cum Superiore. Per patrem intellige non solum patrem verum, & immediatum, sed etiam auum, abauum, &c. auiam, matrem nouercam, socrum, &c. Quare poterit gener communicare cum socero excommunicato vitando, & è contra. Item famuli & serui etiam agricolæ seu rustici cum suis dominis; pupillus cum suo tutore, & clerici cum suo Episcopo, dum sunt in illius famulatu: secus dicendum de filio spirituali cum patre suo spirituali excommunicato, & de seruo communicante per se & directè cum alio seruo excommunicato vitando. Difficultas est, an prædictæ personæ communicate possint in diuinis cum dominis, patribus, vel superioribus excommunicatis? Respond. posse, præstando ea, quæ con-

nunt

nunt subiectionem & ministerium seu famulatum. *ibid. num. 25. & seq.*

43. Sicut autem ipsi famuli & subditi communicare possunt cum suis dominis & patribus excommunicatis, ita & ipsi domini, Prælati, & patres possunt communicare cum suis famulis & subditis excommunicatis vitandis: quia in correlatiuis dispositum in vno, locum etiam habet in altero; secus dicendum de vasallis respectu suorum Principum temporalium; excipe tamen solutionem tributorum quæ illi debetur. *tom. I. fol. 567. num. 37. & seq.*

44. Per particulam *res ignorata*, intellige ignorantiam inculpabilem & inaduertentiam excusare à peccatis, & à censuris. *tom. I. fol. 568. num. 41.*

45. Dubitans aliquem esse excommunicatum, & simul etiam esse denunciatum, non potest nec debet illum euitare: nam euitando exponeret se periculo faciendi illi iniuriam, & priuandi illum iure suo: tenebitur tamen vitare eum, qui ei dixit se esse excommunicatum vitandum, aut nouit talem esse per famam publicam; aut parochus dicit eum esse vitandum; aut denique si fuit aliàs denunciatus excommunicatus, sed modo dubitatur an fuerit absolutus; nec adest probabilis certitudo. *ibid. num. 42. & seqq.*

46. Confessarius non tenetur vitare excommunicatum quem nouit solum in confessione esse excommunicatum vitandum. Similiter non tenetur aliquis eum euitare, quem fama publica constat percussisse clericum, sed non constat an percusserit notoriè notorietate facti. *ibid. n. 45. & fol. 569. num. 47.*

47. In dubio iuris nemo tenetur se tanquam

excommunicatum gerere, si adhibuit sufficientem diligentiam ad veritatem assequendam, eaque adhibita adhuc in dubio persistit: quoad dubium verò facti variant sententiæ. Vnde qui dubitat an clericum percusserit, non videtur esse vitandus: possidet enim ius participandi cum fidelibus, nec debet suo iure priuari: secus dicendum est, si per famam, vel testes fide dignos constet clericum percussisse notoriè. *ibid. num. 49.*

& seq.

48. Ille non censetur excommunicatus, contra quem lata est excommunicatio sub conditione, sed dubitatur an conditio sit adimpleta. *ibid. num. 53.*

49. Per particulam *neceſſe* intellige necessitatem, tam spiritualementem quam temporalem, excusantem à peccato participando cum excommunicato vitando, & excusantem ipsum excommunicatum cum aliis participantem: quare potest licitè elemosyna tradi excommunicato vitando qui ea indiget ad vitam, iuxta sui status conditionem commodè traducendam: potest quoque ei tradi equus ad iter peragendum; aut ab eo peti consilium vel medicina si sit Aduocatus vel Medicus, & sit necessitas gravis. Item potest & cum eo communicari ad pacem aliorum conciliandam, vel ad scandalum euitandum. *tom. 1. fol. 570. num. 57. & seq.*

50. Qui per metum grauem communicare cogitur cum excommunicato, excusatur à peccato, cum censeatur esse in graui necessitate. Similiter non tenetur quis dissoluere contractum societatis initum cum excommunicato ante excommunicationem, sed potest societatem continuare, & prosequi ad præcauendum & euitandum

tandum damnum. *ibid.num.62. & 63.*

51. Inualida sunt gesta per iudicem excommunicatum vitandum : nam acta sine facultate & iurisdictione inualida sunt , peccatque iudex mortaliter ferendo sententiam in excommunicatione ; excusari tamen potest à mortali excommunicatus , toleratus ferendo sententiam iuxta nonnullos. *tom.1.fol.571.num.2. & 3.*

52. Excommunicatus quamuis toleratus non potest esse actor in iudicio in causis civilibus aut Ecclesiasticis, siue per se , siue per alium. Hinc sequitur excommunicatum non posse accusare, nisi hoc faciat ex necessitate , nec posse alium conuenire, vel reconuenire in iudicio ; potest tamen se defendere, & appellare à sententia contra se lata ; & quamuis non possit agere in iudicio, potest tamen dum rationabiliter dubitat de fuga debitoris eum coram iudice conuenire, ne detrimentum patiatur ; quia in hoc casu videtur se tantum defendere. *tom.1.fol.572.num.5. & seq.*

53. Valida sunt gesta in iudicio per actorem excommunicatum vitandum , quando à iudice, aut aduersario non fuit reiectus , & ei opposita excommunicatio ; quia ius non irritat ipsius gesta , quamuis prohibeat agere. Imò non videtur mortaliter peccare , ratione paruitatis materiæ. *ibid.num.10. & fol.573.num.11.*

54. Excommunicatus toleratus licitè potest ferre testimonium, cum actus testandi ex natura sua vergat in fauorem illius pro quo præstatur. Imò validum quoque est testimonium excommunicati vitandi , non solum in iudicio , sed etiam in testamentis, contractibus & instrumentis : ei tamen non licet officium Aduocati, vel Procuratoris exercere , quamquam illius acta

sunt valida, nec tenetur ad restitutionem pretij accepti, cum à nullo iure irritentur; hinc matrimonium celebratum à Procuratore excommunicato nomine alterius, validum est. Idem dic de tutoribus, & alijs assumentibus administrationem temporalem. *ibid. num. 12. & seq.*

§5. Excommunicatio irritat, & annullat litteras & rescripta Apostolica & processus virtute illorum habitos, excepto casu seu articulo excommunicationis & appellationis. *ibid. num. 1.*

§6. Excommunicatus perseverans in excommunicatione per annum, suspectus euadit de hæresi; consequenter contra ipsum tanquam de hæresi suspectum procedi potest ex Trident. *sess. 25. cap. 3.* præsumitur enim malè sentire, tam de potestate Ecclesiæ, cum non curet de censuris ab ipsa latis, quàm de sacramentis, cum illa non suscipiat singulis annis, iuxta præceptum Ecclesiæ. *tom. 1. fol. 574. num. 2.*

Excommunicatio minor.

§7. Excommunicatio minor incurritur participando in rebus prohibitis cum excommunicato vitando, non solum viuento, sed etiam mortuo, ut si quis lauet cadauer, affecti maiori excommunicatione. *tom. 1. fol. 575. num. 2.*

§8. Excommunicatio minor priuat non solum directè passiva sacramentorum participatione, sed etiam electione, præsentatione, & collatione beneficij & Ecclesiastica dignitatis; ita ut excommunicatus minori excommunicatione non possit licitè eligi, vel præsentari ad beneficia, quamvis electio & præsentatio valida sit. Vnde colligitur ligatum minori excommunicatione posse

posse cum aliis fidelibus communicare absque peccato, vel excommunicatione. Item posse diuinis officiis interesse, frui suffragiis, &c. & posse absoluerè alios à censuris, & à peccatis, & actus iurisdictionis exercere. *ibid.num.3. & fol.576. num.6. & seq.*

59. Ab excommunicatione minori lata à iure potest tantummodò proprius Sacerdos, (seu is qui habet iurisdictionem ordinariam supra excommunicatum) absoluerè, non autem simplex Sacerdos aut Parochus alterius parochiæ. *ibid. num.11. & 12.*

60. Solus ergo proprius Parochus potest absoluerè à minori excommunicatione, etiam si non sit Sacerdos. Idem dic de Confessario, habente delegatam iurisdictionem. Imò dicunt aliqui posse quemlibet Sacerdotem simplicem à minori excommunicatione absoluerè pœnitentem non habentem peccatum mortale, sed contrarium probabilius est. *tom.1.fol.577.num.14. & 15.*

61. Absolutio minoris excommunicationis dari potest per verba sufficienter exprimentia absolutionem, nec necessariæ sunt cæremoniæ in absolutione aliarum censurarum adhiberi solitæ. Quod si pœnitens dubitet se in minorem excommunicationem incidisse, potest absolui sub conditione ac forma quæ communiter adhiberi solet: *Absoluo te ab omni vinculo excommunicationis quantum possum, & tu indiges, &c. ibid. num.16.*

*Excommunicatio ob violentam manuum
injectionem in clericos.*

62. Nomine violentæ injectionis manuum intelligi-

telligitur actio externa iniuriosa, violenta, consistens in facto seu opere, & contingens personam Ecclesiasticam. *tom. 1. fol. 578. num. 1.*

63. Non est necesse ut persona clerici immediate attingatur, sed sufficit mediate, ut si actio violenta & iniuriosa fiat circa rem adhaerentem clerico, seu deferentem vel continentem clericum, ut si frano violenter detineatur equus cui clericus insidet, aut frangatur frænum, aut laceantur vestes clerico adhaerentes, aut equus percutiatur dum clericus eo utitur: aut aliquis ita insequatur clericum, ut cogatur se præcipitem dare in fluuium ad sese eripiendum è manibus insequentis. Idem dicendum si occidatur clericus per cibum, vel potum veneno infectum, aut si quis conspuat in eum, aut virga percutiat, aut includat in carcere, vel in alio loco à quo non possit exire sine dedecore & pudore: hæc enim actio censetur grauiter violenta clerico: secus dicendum si percussio sit levis & non sufficiens ad mortalem culpam, aut si surripiatur clam crumena clerico, aut dormiens vestibulis spoliatur, aut iniuriis afficiatur sine percussione. *ibid. n. 3. & seq.*

64. Ille non est excommunicatus, qui per metum absque vlla vi, vel tactu cogit clericum exire è fundo; aut obsidet castrum aut domum, non ut faciat iniuriam clerico ibi esistenti, sed ut iuste obtineat illud castrum; secus dicendum de explodente sclopum in clericum, aut de iudice sæculari detinente, vel detineri curante clericum in domo vel custodia, aut ponente custodes ad domum qui clericum exeuntem capiant; ita ut clericus non possit liberè exire. *tom. 1. fol. 578. num. 11. & seq.*

65. Inpu

65. Impuberes & pueri sæpe possunt ab excommunicatione excusari, eo quod illorum percussio regulariter non reputetur grauitè iniuriosa inter huiusmodi personas. *tom. 1. fol. 579. num. 13.*

66. Consilium & mandatum, quo quis consulit, aut tacitè vel expressè mandat clerici, vel Monachi percussione, subiicitur eidem excommunicationi, modò secuta sit percussio, & consilium, vel mandatum influxerit in percussione. *ibid. num. 1. & seqq.*

67. Clerici percussione mandans, incurrit excommunicationem, etiamsi conatus fuerit mandatum postea reuocare, sed re ipsa non reuocauerit: aut si reuocauerit, reuocatio non fuit manifestata mandatario, & adhuc secutus est mandati effectus. Nec refert quod mandans in gratia existat, dum mandatarius mandatum exequitur; sufficit enim peccatum mortale prohibitum sub censura commissum antea fuisse. *ibid. num. 4. & 5.*

68. Percussione clerici mandans, vel consulens, aliquando ligatur excommunicatione, etiamsi ea non ligetur executor, & è contra; ut accidit quando executor ignorat inuincibiliter illum quem percutit esse clericum, aut inuincibiliter ignorat latam esse excommunicationem. *tom. 1. fol. 580. num. 6.*

69. Omissio, qua quis non obstat percussioni clerici, non subiicitur excommunicationi, dum is qui non obstat, ex sola charitate ob stare tenebatur, etiamsi re ipsa possit ob stare, & peccet non obstando; secus dicendum de iis qui tenentur ob stare ex officio, ut sunt Principes, & alij Superiores, iudices, patres, tutores, heri, pædagogi, parochi, & alij similes respectu filiorum & subdito

ditorum : his enim commissa est cura suorum subditorum. *ibid.num.7. & seqq.*

70. Ratihabitio, qua quis approbat per aliquod signum externum, percussionem clerici suo nomine & contemplatione sui factam, est materia huius excommunicationis, etiamsi approbatus non dederit mandatum : quare si de illa solum gaudeat nesciens factam esse suo nomine, non contrahit excommunicationem, nisi forte velit illam factam esse suo nomine. *ibid. num.10. & 11.*

71. Quod dictum est de omnibus & singulis masculis, qui clericum, vel monachum percutiunt, &c. intellige etiam de foeminis percutientibus, aut alia ratione concurrentibus ad clerici, vel monachi percussionem. Idem dicendum est de collegio vel vniuersitate, quæ clerici percussionem mandaret. *tom.1.fol.581.num.3. & 4.*

72. Percutiens clericum volentem & consentientem, incurrit excommunicationem, quoties percussio est iniuriosa, quia facit iniuriam toti ordini & statui clericali, ipsiusque percussio vergit in damnum aliorum : & talis clericus consentiens in sui percussionem est excommunicandus : imò si se ipsum percutiat ex ira, maiorem incurrit excommunicationem, cum percussio huiusmodi sit iniuriosa toti statui clericali. *ibid. num.5. & seqq.*

73. Nomine clerici gaudentis priuilegio Canonis intelligitur initiatus prima tonsura, aut aliquo ordine, etiamsi coniugatus sit, modò gerat habitum clericalem & tonsuram, & non sit bigamus : propterea percutiens clericum coniugatum in virgine, & habitum gerentem, excommunicatur. Item percutiens clericum degrada-

tum

rum verbaliter tantum, aut irregularem, aut excommunicatum toleratum, aut vitandum, aut affectum alia censura. Denique ille similiter est excommunicatus, qui percutit clericum, qui post susceptionem sacrorum ordinum contraxit matrimonium, adhuc enim gaudet priuilegio Canonis. *rem. 1. fol. 582. num. 1. & seq.*

74. Nomine monachi gaudentis priuilegio Canonis, intelliguntur non solum religiosi professi, licet conuersi, verum etiam nouitij. Intelliguntur etiam moniales professe, vel conuersae, ac nouitiae, modò non uiuant domi propriae more laicorum. Hoc nomine venit etiam religiosus bigamus, & milites Commendatarij vota emittentes, aut ij quibus communicata sunt priuilegia clericalia, quales videntur Equites S. Iacobi. His adde Equites Calatrae, Alcantarae, Equites ordinis Christi in Lusitania, S. Lazari in Sabaudia, & S. Stephani Florentiae, &c. quae videntur personae Ecclesiasticae. Hoc priuilegio gaudent etiam Tertiarij S. Francisci, vel S. Dominici assumpto habitu viuentes in communi sub obedientia Superioris illius religionis: Eremitae qui viuunt in communi sub aliquo Praelato ex tacita vel expressa Summi Pontificis auctoritate, aut qui habitum religiosum deferunt peculiarem viuendi modum sub obedientia Episcopi tenentes. *ibid. num. 7. & seq.*

75. Clericum percutiens incontinenti, vim repellendo cum moderamine inculpatae tutelae, excusatur ab excommunicatione; item percutiens ex ignorantia probabili, aut per iocum, nisi postea percussorem ex odio vel ira prosequatur; aut causa correctionis & disciplinae, modò facultatem percutiendi habeat, & modò in percutien-

da

do modum non excedat. Similiter percutiens clericum turpiter inuentum cum matre, filia, vxore, vel sorore, excusatur ab excommunicatione, modò percutiat incontinenti, & non ex intervallo. Idem dicendum etiam si non inuenit in actu carnalis copulæ, sed in alio turpi actu. Item percutiens clericum non deferentem habitum, & ter à legitimo Superiore admonitum, vt habitum deferat, aut implicantem se in negotiis secularibus, & ab iis post trinam admonitionem non desistentem, non ligatur excommunicatione. *tom. 1. fol. 583. n. 1. & fol. 584. num. 2. & seq.*

76. Similiter percutiens clericum effectum militem, aut immiscentem se enormitatibus, aut clericum coniugatum exercentem officium cauponis, vel macellarij, excusatur ab excommunicatione, quoties ille post trinam admonitionem à præfato officio non destitit. Denique percutiens bigamum minoribus tantum ordinibus initiatum, aut clericum non desistentem post trinam admonitionem à delatione armorum, vel ab arte mimica publicè exercenda, non incurrit excommunicationem. Adde Ostiarium seu officialem Principis non incurrere similiter excommunicationem, quoties turbam arcendo, simul arcet clericum. Idem dic de capiente clericum de mandato sui Prælati, quando adest legitima causa eum incarcerandi. *tom. 1. fol. 586. num. 11. & seq.*

77. Clericus quando percuti meretur de rigore iuris communis, percutiendus est ab ipsismet Superioribus, dum sunt inferiores Episcopo, *tom. 1. fol. 585. num. 5.*

Abso

*Absolutio ab excommunicatione ob clerici
percussionem cui competat.*

78. Ab ea absoluunt Summus Pontifex, Legatus à latere, & Legati missi, in prouincia ad quam mittuntur: Episcopi per se, vel per alium, quando percussio est leuis. Vicarius Generalis potest per se ipsum absoluere, & dare aliis facultatem absoluendi, quia ipse est iudex ordinarius, & facit vnum tribunal cum Episcopo. Item possunt etiam absoluere supremi monasteriorum ex priuilegio ipsis concessio per se, vel per alios, quando percussio est leuis, illa autem percussio regulariter loquendo, dicitur leuis, quæ sit pugno, palma, manu, pede, digito, baculo, vel lapide, quæ nullam maculam, vel sugillationem carnum relinquit, vel quæ sit absque abscissione membri sine effractione dentis, sine euulsione multorum capillorum, sine effusione multi sanguinis, &c. fieri tamen potest vt ex circumstantiis personæ, & qualitatis huiusmodi percussio sit grauis. *tom. 1. fol. 586. num. 1. & fol. 587. num. 2. & seq.*

79. Potest tamen Episcopus absoluere ab excommunicatione contracta ob clerici percussione, etiam si percussio mediocris sit vel enormis; sequentibus casibus. Si adsit legitimum impedimentum in absoluendo, v. g. si sit impotens, si mors ei immineat, si sit mulier, cuiuscumque sit ætatis & conditionis; si sit sub potestate alterius, vt seruus & filiusfamilias; si sit clericus collegialiter, seu communiter viuens, aut religiosus; si sit ianitor aut officialis Principis, qui causa sui officij leui aut mediocri percussione clericum percussit; si sint filij impuberes,

236 Excommunicatio.

res, &c. tom. I. fol. 587. num. 9. & fol. 588. num. 10.
& seq.

80. Qui absoluti sunt ab Episcopo propter impedimentum temporale, tenentur, sublato impedimento præsentrare se Summo Pontifici, idque pœnitenti iniungendum est: excipe tamen clericos collegialiter viuentes, filios impuberes, religiosos & officiales Principum. *ibid.* num. 17.

81. Impedimentum legitimũ habens non accedendi ad Papam, non potest ab Episcopo absolui, quoties potest adire legatum, vel alium facultatem Papalem habentem circa excommunicationem. *ibid.* num. 18.

82. Episcopus potest absoluerẽ sibi subditos ab excommunicatione contracta ob quamlibet percussione, modò delictum sit occultum: & non solum per se, verum etiam per alium absoluerẽ potest ab huiusmodi excommunicatione. *ibid.* num. 19. & fol. 589. num. 20.

83. Vicarius generalis non potest in impedimenti matrimonij dispensandi potestatem aliis delegare, imò neque potest per se ipsum, nisi speciale priuilegium habeat. *ibid.* num. 21.

84. Clericus qui se ipsum percussit, dum absolutionem obtinere intendit, debet eam satisfactionem exhibere, quam Superior exhibendam iudicauerit, cum iuramento non amplius relabendi. *ibid.* num. 23.

85. Quando percussus, vel occisus fuit religiosus, satisfactio præstanda est Superiori illius religionis, in qua vitam degit, vel degebat religiosus. *ibid.* num. 24.

Excom

Excommunicatio ob hæresim.

Vide v. *Hæresis.*

*Excommunicatio contra cogentes fœminam
ad religionem, aut eas retrahentes
à religione.*

86. Cogere, idem est ac per vim vel metum grauem iniuste inducere. Quare metu leui cogens fœminam ad religionem, non incurrit excommunicationem, neque qui metum iuste incutit, aut precibus importunis siue minis vtitur, aut suadet fœminæ ingredi religionem incusso metu priuationis alicuius boni, ad quod fœmina aliàs non habebat ius. *tom. 1. fol. 605. num. 2.*
¶ *seq.*

87. Non solum cogens ad ingrediendum monasterium, verum etiam cogens ad suscipiendum habitum, vel ad emittendam professionem, laqueo excommunicationis suspenditur: secus dicendum de cogente fœminam ad emittendum votum ingrediendi religionem; hic enim non subiaceret excommunicationi. *tom. 1. fol. 606. num. 6.*
¶ 7.

88. Cogens fœminam ad ingrediendum religionem, non incurrit excommunicationem statim præstita actione coactiua: sed requiritur actualis ingressus, vel susceptio habitus, aut professio. *ibid. num. 8.*

Dans auxilium, consilium & fauorem in ingressu monasterij, vel susceptionis habitus, vel professionis alicuius fœminæ ad hoc coactæ, excommunicationem incurrit. Item & consensum,
vel

238 *Feudum & emphyteusis.*

vel auctoritatem præbens in præfatis actionibus: non tamen aspiciens obiter fœminam inuoluntariè ingredientem. *ibid.num.9. & seqq.*

90. Consiliũ, auxilium, vel fauorem præbens dum fœmina inuoluntariè monasterium ingreditur, non ligatur excommunicatione, nondum secuto effectu. *ibid.num.12.*

91. Reges, vel Imperator non ligantur excommunicatione cogendo fœminam ad ingressum in monasteria, aut aliam actionem hîc veritam faciendo, iuxta probabilem nonnullorum sententiam, quia Summus Pontifex dum intendit hos ligare, solet exprimere. *ibid.num.14.*

92. Cogens virum ad religionem, non incurrit excommunicationem, quia Tridentinum loquitur solum de cogentibus fœminas. *tom.1.fol.607.num.15.*

93. Retrahens fœminam solis precibus à religione, non incurrit excommunicationem; secus dicendum si dolo retrahat, aut alia astutia. *ibid.num.5. & 6.*

94. Omnes & singuli iniuste impediētes fœminam, ne religionem assumat, seu professionem emittat, excommunicationem huius decreti contrahunt. *ibid.num.8.*

F

Festum.

Vide v. *Decalogus.*

Feudum & emphyteusis.

Vide v. *Alienatic.*

i **E**Mphyteusis est contractus quo quis tradit rem suam immobilem alteri quoad dominium

nium utile, sub certa pensione reali soluenda in recognitionem dominij directi. Emphyteusis alia est perpetua, alia temporalis, alia Ecclesiastica, alia communis siue profana, alia noua, utpote quæ primò instituitur; alia est vetus & antiqua; alia denique est hæreditaria, quæ concedi solet pro omnibus hæredibus, quamuis extraneis; alia verò familiaris, quæ conceditur solum pro iis qui sunt de familia. *tom. 2. fol. 824. num. 1.*

¶ 7.

2. Feudum (à fide seu fidelitate sic dictum) est contractus quo quis tradit feudatario, siue vassallo rem suam immobilem quoad dominium utile cum onere obsequij & seruitij personalis: & in hoc scilicet ratione pensionis differt feudum ab emphyteusi: nam quatenus pensio est personalis, id est, consistens in obsequio personali, dicitur feudum; quatenus verò pensio est realis, id est consistens in pecunia, vel frumento, vel alia re simili, dicitur emphyteusis. *ibid. num. 2.*

¶ 3.

3. Ius commune hæc præscribit conditiones ad contractum emphyteuticum; nimirum ut contractus emphyteuticus celebretur per scripturam, nisi aliter receptum sit alicubi per contrariam consuetudinem: ut contractus fiat de rebus immobilibus & frugiferis, & solo adhærentibus, v.g. agris, domibus, pratis, &c. ut bona quæ subiiciuntur emphyteusi, non sint bona Ecclesiæ: ut dominium directum perseueret apud priorem dominum, dominium verò utile transferatur in emphyteutam, ut quotannis ab emphyteuta solvatur certa pensio, seu Canon consistens in pecunia, vel in fructibus; alioqui cadit ab emphyteusi, seu à tota re, nisi excusetur, eo quod purgauerit moram

moram celeritate solutionis, aut nisi legitime impeditus fuerit: nam legitime impedito non currit tempus. Si verò nesciuit rem esse emphyteuticam, restituendus est in integrum, etiamsi maior sit; quia par non est ut culpam subeat, qui culpam non admisit. Excusabitur similiter emphyteuta à solutione pensionis, si res emphyteutica pereat sine culpa emphyteutæ. Imò expensæ resarciendæ sunt emphyteutæ, modò sint expensæ magni valoris, & emphyteuta non cadat propter suam culpam; modò melioramenta non sint superflua, & modò non fuerint facta à casu, seu à causis naturalibus absque expensis emphyteutæ. *tom. 2. fol. 825. num. 1. & seq.*

4. Alia conditio ad contractum emphyteuticum requisita est, ut emphyteuta priuari possit re accepta in emphyteusim, quoties res efficitur notabiliter deterior ex culpa lata, vel leui emphyteutæ. Denique requiritur, ut quamvis emphyteuta possit rem emphyteuticam (modò non sit res Ecclesiæ) oppignorare, vel permutare, vel hypothecare, vel donare, vel legare, vel tradere in solutionem quoad ius quod ipse habet; non tamen possit rem emphyteuticam, & eius melioramenta per venditionem alteri tradere secundum ius utile quod ipse habet, aut locare ad decennium, seu tradere alteri in emphyteusim, seu libellum absque consensu domini directi, saltem implicito & præsumpto, vel non admonito domino directo, num ipse velit eodem pretio emere. *tom. 2. fol. 828. num. 23. & 24.*

5. Quando res emphyteutica transit ad aliam emphyteutam per venditionem, vel donationem, vel permutationem, vel locationem decennalem, soluendum est à secundo emphyteuta laudimium,

242 *Feudum & emphyteusis.*

quamvis postea comperiat non fuisse legitimam.
tom. 2. fol. 1054. num. 5.

9. Ad validam autem alienationem bonorum mensæ Episcopalis, aut Ecclesiæ Cathedralis, vel Collegiatae immobilium requiritur vnus tractatus, id est, discussio, quæ fit allatis rationibus pro & contra, vtrum expediat huiusmodi bona alienare, & post tractatum requiritur consensus expressus maioris partis Capituli, eorum scilicet qui sunt præsentés. Præterea requiritur subscriptio in casibus, in quibus ius subscriptionem præscribit; & consensus Superioris, Episcopi videlicet respectu clericorum & monasteriorum non exemptorum; respectu verò exemptorum sufficit consensus maioris partis Capituli, & illius qui pleno iure est superior. Denique vt huiusmodi alienatio sit licita iure antiquo, requiritur facultas seu consensus Sedis Apostolicæ, qui censetur & præsumitur intercessisse ex lapsu triginta vel quadraginta annorum. Et sine præscripta solemnitate contractus alienationis bonorum Ecclesiæ celebratus, est inualidus, & res accepta sine prædicta solemnitate restituenda est, etiam cum fructibus loco pio, ad quem ante alienationem pertinebat, vt constat ex *Extravag. Ambitiosa Pauli II.* teneturque emptor si mala fide emit, ad damnorum restitutionem, cum censeatur iniusta causa illorum. *tom. 1. fol. 1054. num. 1. & fol. 1055. num. 3. & seqq. item fol. 1056. num. 14. & fol. 1057. num. 15. & 16.*

Alienantes verò bona Ecclesiæ, vel locorum piorum sine prædicta solemnitate, si fuerint Episcopi, vel Abbates, incurrunt interdictum ab ingressu Ecclesiæ; & si per sex menses permanserint in interdicto, iis elapsis remanent suspensi à regi

regimine & administratione Ecclesiæ, vel monasterij cui præsumunt in temporalibus & spiritualibus. Quod si fuerint inferiores Episcopis, vel Abbatibus, priuantur ipso facto absque alia declaratione beneficio, vel officio, cuius bona præsumpserint alienare. *tom. I. fol. 1046. num. I. & fol. 1057. num. I.*

Præterea incurrunt excommunicationem non solum ipsi alienantes, verum etiam recipientes, modò secuta sit actualis traditio, seu alienatio, ut patet ex præfata *Extrauag. Ambitiosa Pauli II. tom. I. fol. 1058. num. 3.*

Ex his colligitur non posse sine prædicta solemnitate incidi arbores solo adhærentes, siue fructiferæ sint, siue etiam infructiferæ, cum hæc pretiosa bona reputentur, secus de vino, oleo, frumento, &c. cum hæc non censeantur pretiosa, quæ seruando seruari possint. Hæc doctrina militat quoque pro permutatione bonorum Ecclesiæ facta absque prædicta solemnitate, etiam si facta sit inter Ecclesias. Item militat adhuc pro bonis Confraternitatis, vel Collegij, vel Congregationis, vel Hospitalis, aut Oratorij erecti & fundati auctoritate Episcopi; & pro bonis Commendarum, aut Iurispatronatus Ecclesiastici. Nomine autem *bonorum* intellige etiam bona incorporalia, id est, iura, actiones, & seruitutes, &c. *tom. I. fol. 1048. num. 4. & 7. item fol. 1049. num. 9. & 10. item fol. 1050. num. 13. & seqq.*

10. Sicut autem bona Ecclesiæ immobilia & pretiosa alienari non possunt absque prædicta solemnitate, ita neque tradi possunt in pignus, vel hypothecam; nam actus quo res traditur in pignus, vel hypothecam, venit etiam nomine *alienationis.* *tom. I. f. 1051. num. 23.*

11. Sed petes, an beneficiarius, aut Prælati possit repudiare legatum, vel hæreditatem Ecclesiæ relictam, non seruata hac solemnitate? Potest, quia per hanc repudiationem, seu renuntiationem hæreditatis nondum acceptatæ, non dicitur præcisè alienare bona Ecclesiæ; peccat tamen contra iustitiam repudiando, cum ex officio teneatur consulere bono Ecclesiæ. *tom. 1. fol. 1053. num. 33.*

*Fideiussio.**Vide v. Affecuratio.*

1. Fideiussio, quæ significat fidem suam alteri iabere ac dare, est contractus, quo quis in se suscipit obligationem alterius, promittens sub fide sua illius adimpletionem, seque in illius defectum obligans. hinc fit vt fideiussor non teneatur ad plura, vel ad maiora, quàm teneatur principalis debitor pro quo iubet, & cuius personam gerit, & tenetur in illius defectum, etiam ante iudicis sententiam. *tom. 2. fol. 851. num. 1. & fol. 852. num. 2.*

2. Fideiussor qui se tantum obligauerat ad aliquod tempus, ex. gr. ad annum, remanet liber ab obligatione fideiussionis, postquam creditor prorogauit terminum debitori pro quo fideiusserat. Idem dicendum si ille ad quem exhibendum & constituendum se obligauerat, condemnatus fuit de aliquo crimine, aut fugit. *ibid. num. 8. & 9.*

3. Fideiussor qui pro reo morte digno fideiussit, plectendus non est capite, reo fugiente; quia non præsumitur cum voluisse se ad hanc poenam obligare, imò nec potuit, cum non sit dominus vitæ suæ. *tom. 2. fol. 853. num. 10.*

4. Fide

4. Fideiussor potest agere contra debitorem, ut se ipsum liberet à fideiussione, in his casibus, quando debitor vergit ad inopiam, aut quando multo tempore fuit in mora soluendi post elapsum tempus constitutum ad soluendū; & quando fideiussor condemnatus fuit ad persoluendam fideiussionem. Item debitor tenetur rescindere damna quæ patitur fideiussor ob culpam debitoris non soluentis debito termino. *ibid. num. 11.*

§. 14.

5. Duplex est fideiussio, iudicialis & priuata: iudicialis fit in iudicio, ut quando quis fideiubet ad constituendum reum sub pœna pecuniaria; quod si non præstet, tenetur pœnam soluere: priuata verò fideiussio est, quando quis se obligat in defectum principalis ad soluendum. *ibid. num. 17.*

6. Ille potest fideiubere, qui habet bona ad satisfaciendum in defectum principalis, modò habeat liberam illorum bonorum administrationem, qualem non habent pupilli, religiosi, & pauperes. Mulier nisi in aliquibus casibus fideiubere non potest. *tom. 2. fol. 854. num. 1. §. 2.*

Fides.

1. Fides est virtus supernaturalis inclinans intellectum ad credendas res à Deo reuelatas propter ipsius auctoritatem. Fides est in intellectu tanquam in subiecto; illius obiectum materiale sunt res à Deo reuelatæ, formale verò est auctoritas diuina: Ecclesia autem dicitur regula infallibiliter proponens res fidei credendas. Hinc collige magnam esse nostræ fidei certitudinem, cum fides infallibiliter Dei testimonio nitatur.

qui non potest falsum reuelare. *tom.2.fol.214. num.1. & seq.*

2. In beatis non est fides, neque spes. Item neque in dæmonibus, vel damnatis, neque similiter in hæreticis; nam spes non potest esse sine fide, qua ipsi carent. *tom.2.fol.215.num.7. & seq.*

3. Non solum fides habitualis necessaria est ad salutem, verum etiam fides actualis non solum necessitate medijs, sed etiam præcepti, teneturque homo postquam ad rationis usum peruenit, actum fidei elicere. Item tenetur elicere per accidens, quando debet se ad Deum conuertere, quamquam non tenetur omissionem huius actus in confessione aperire. Item tenetur actus fidei elicere, dum fidem exterius confiteri debet. Item per accidens tenetur, dum extat periculum incidendi in aliquod peccatum, si actus fidei non eliciatur, & in articulo mortis. *tom.2.fol.216. num.4. & seq.*

4. Petes, quosnam articulos teneamur explicitè credere? Respond. singulos homines postquam ad rationis usum peruenerunt, teneri ex præcepto explicitè credere ea quæ continentur in symbolo Apostolorum; & præcepta Decalogi. Item tenentur scire saltem quoad substantiam præcepta Ecclesiæ: orationem Deo faciendam esse pro necessitate corporis & animæ, extare obligationem subueniendi proximo, & similia. Eos autem quibus alios docendi, eosque ab errore auertendi cura incumbit, teneri explicitè nosse & credere non solum articulos fidei, verum etiam alios iuxta suum gradum, seu statum & officium. Teneturque Confessarius aliquando penitentem circa fidei articulos interrogare, quoties præsumit eos articulos ab illo ignorari, & si
minus

minus peritum circa huiusmodi articulos reperit, debet illum reiicere, vel docere necessaria, antequam beneficium absolutionis impendat.

tom. 2. fol. 218. num. 13. & seq.

5. Homo tenetur aliquando ex præcepto affirmatio fidei exterius confiteri, videlicet quando alioquin magnus Dei honos subtraheretur, vel magna proximi utilitas impediretur, aut illi graue scandalum præberetur circa fidem; sed non quando inique, aut priuata auctoritate interrogatur an sit Catholicus, aut Christianus; non potest tamen respondere se non esse Christianum; at tenebitur confiteri se esse Christianum, quoties fides alioquin putaretur falsa, vel quando publica auctoritate interrogatur. *tom. 2. fol. 219. num. 2. & seq.*

6. Non peccat qui dicit se non esse Christianum, dum Christiani nomen non accipitur pro religione, sed pro ipsa natione, aut vitio nationis.

tom. 2. fol. 220. num. 5.

7. Similiter non peccat contra præceptum fidei, qui habitum à Tyranno præceptum non gestat metu mortis; peccant tamen pastores fugiendo tempore persecutionis, alio idoneo non substituto. *ibid. num. 8. & 9.*

8. Non est obligatio confitendi fidem, dum ex ipsius confessione sola perturbatio nascitur; secus dicendum dum per fidei confessionem infidelis inducitur ad fidem. Item tenemur confiteri, dum fidei confessione vitatur contemptus imaginum sacrarum, vel fidei. *tom. 2. fol. 221. num. 11. & seqq.*

9. Qui promouentur ad officium aliquod literarium, seu artem litterariam, tenentur fidei professionem emittere; sicut & qui promouentur

52. Quares
municare? Re
care qualibet
nis Sacerdos n
ibid.num.14.

53. Præceptu
munionis à p
anno in Pascha
que sexus, pol
venerunt. *ibid.*

54. Adultus
communicare,
fessarij, vel pa

55. Sed mod
schatis hic inte
schatis non inte
nitatis Resurre
incipit à die co
nica Quadrage
quando ita leg
Omittens com
cendus est ingre
fiastica sepultu
Eucharistia sum
nibus proprij pa
illius licentia.

qui ad certum
municant in Ec
tom.1.fol.17.num.
num.19.

56. Laici infer
pore Paschatis ce
parochia, nisi ea
parochorum. *tom.*

Qui non com

fideliū, dum ibi commoratur occultata
ridatur, & vt possit Principibus Chri-
erre quæ ibi aguntur? Respondendum
illis signis vti, quæ sunt falsæ fidei,
etæ ex se protestatiua, etiamsi hæc si-
hibeantur animo negandi fidem, sed
signis ex se indifferentibus tantum, id
tendum esse huiusmodi exploratori
vsum vestium, iuxta regionis morem,
am, & alia signa indifferentia, non au-
nem, vel adorationem Māhometi, aut
ali, non solū internam, verū neque
quamquam externam in casu rarissi-
ei posse, nonnulli Doctores autumant.
6. & fol. 223. num. 27. & 28.

tenetur professionem fidei facere, qui
fecit occasione Doctoratus, aut alia
nta bimestre quo beneficium obti-
nicus quoque, qui fidei professionem
præsente Episcopo, aut Vicario fe-
betur illam iterum coram Episcopo,
facere. *tom. 2. fol. 224. num. 6. & seq.*

utor Parochi sine titulo beneficijs,
& Canonici collegiatam, non te-
bimestre professionem facere, licet
antur in prima Synodo diocesana,
leptum beneficium intersunt. *ibi.*

dei professionem intra bimestre non
ur fructibus; non tamen priuatur di-
us, modò beneficium reddat fructus.
ones: imò neque priuatur fructibus
iam. Adde priuari posse, etiamsi
ctus bona fide possederit. *tom. 2.*
1. & seq.

L 5

16. Qui:

ad beneficia curata, vel ad Canonicatus, aut dignitates in Ecclesia Cathedrali, nisi per ignorantiam, aut aliam iustam causam excusentur. Nec refert quod hi sint exempti; nam adhuc tenentur per se, vel per procuratorem facere. *ibid. num. 14. & 15.*

10. Semper tenemur ex præcepto negativo abstinere à dictis vel factis, quibus fides negatur; quia præceptum negativum, quale est de non neganda fide, obligat semper & ad semper: idcirco peccat contra præceptum negativum fidei, qui se negat Christianum, dum hoc nomen pro religione accipitur; item qui dicit se Turcam, vel hæreticum, vel utitur signis protestatiuis falsæ religionis ex sua natura, etiamsi hoc faciat absque animo negandæ fidei; secus si utatur signis indifferentibus ex sua natura, ut si deferat vestes quibus Hebræi utuntur, aut in bello utatur insignis infidelium citra scandalum, aut animum protestandæ falsæ religionis. *ibid. num. 16. & seq.*

11. Non peccat contra præceptum fidei negativum, qui concionibus hæreticorum, vel cæremoniis interest animo confutandi, aut observandi solum ipsorum cæremonias: non licet tamen illis interesse de mandato Principis hoc præcipientis in contemptum fidei, vel ad profitendam hæreticorum sectam. *tom. 2. fol. 222. num. 21. & 22.*

Item non peccat contra præceptum fidei negativum, qui feria sexta, vel sabbato metu grauis mali vescitur carnibus; aut qui ioco in comædiis fingit se infidelem, aut qui se negat Sacerdotem, vel clericum. *ibid. num. 23. & seqq.*

12. Quæres, quid facere possit vir Catholicus in

in locis infideliū, dum ibi commoratur occultata fide, ne occidatur, & ut possit Principibus Christianis referre quæ ibi aguntur? Respondendum non licere illis signis uti, quæ sunt falsæ fidei, seu falsæ sectæ ex se protestatiua, etiam si hæc signa non adhibeantur animo negandi fidem, sed licere uti signis ex se indifferentibus tantum, id est, permittendum esse huiusmodi exploratori Catholico usum vestium, iuxta regionis morem, esum carniū, & alia signa indifferentia, non autem orationem, vel adorationem Māhometi, aut alterius idoli, non solum internam, verum neque externam; quamquam externam in casu rarissimo permitti posse, nonnulli Doctores autumant. *ibid. num. 26. & fol. 223. num. 27. & 28.*

13. Non tenetur professionem fidei facere, qui semel eam fecit occasione Doctoratus, aut alia occasione intra bimestre quo beneficium obtinuit. Canonicus quoque, qui fidei professionem in Capitulo præsentē Episcopo, aut Vicario fecit, non tenetur illam iterum coram Episcopo, aut Vicario facere. *tom. 2. fol. 224. num. 6. & seq.*

14. Coadiutor Parochi sine titulo beneficii, Capellanus, & Canonici collegiatarum, non tenentur intra bimestre professionem facere, licet postea teneantur in prima Synodo diocesana, cui post adeptum beneficium interfuerint. *ibid. num. 9.*

15. Qui fidei professionem intra bimestre non fecit, priuatur fructibus; non tamen priuatur distributionibus, modò beneficium reddat fructus, & distributiones: imò neque priuatur fructibus ante sententiam. Adde priuari posse, etiam si triennio fructus bona fide possederit. *tom. 2. fol. 225. num. 1. & seq.*

L. 5.

16. Qui

ad beneficia curata, vel ad Canonicatus, aut dignitates in Ecclesia Cathedrali, nisi per ignorantiam, aut aliam iustam causam excusentur. Nec refert quod hi sint exempti; nam adhuc tenentur per se, vel per procuratorem facere. *ibid. num. 14. & 15.*

10. Semper tenemur ex præcepto negativo abstinere à dictis vel factis, quibus fides negatur; quia præceptum negativum, quale est de non neganda fide, obligat semper & ad semper: ideo peccat contra præceptum negativum fidei, qui se negat Christianum, dum hoc nomen pro religione accipitur; item qui dicit se Turcam, vel hæreticum, vel utitur signis protestatiuis falsæ religionis ex sua natura, etiamsi hoc faciat absque animo negandæ fidei; secus si utatur signis indifferentibus ex sua natura, ut si deferat vestes quibus Hebræi utuntur, aut in bello utatur insignis infidelium citra scandalum, aut animum protestandæ falsæ religionis. *ibid. num. 16. & seq.*

11. Non peccat contra præceptum fidei negativum, qui concionibus hæreticorum, vel cæremoniis interest animo confutandi, aut observandi solum ipsorum cæremonias: non licet tamen illis interesse de mandato Principis hoc præcipientis in contemptum fidei, vel ad profitendam hæreticorum sectam. *tom. 2. fol. 222. num. 21. & 22.*

Item non peccat contra præceptum fidei negativum, qui feria sexta, vel sabbato metu grauis mali vescitur carnibus; aut qui fœco in comedendis fingit se infidelem, aut qui se negat Sacerdotem, vel clericum. *ibid. num. 23. & seq.*

12. Quæres, quid facere possit vir Catholicus in

in locis infidelium, dum ibi commoratur occultata fide, ne occidatur, & ut possit Principibus Christianis referre quæ ibi aguntur? Respondendum non licere illis signis uti, quæ sunt falsæ fidei, seu falsæ sectæ ex se protestatiua, etiamsi hæc signa non adhibeantur animo negandi fidem, sed licere uti signis ex se indifferentibus tantum, id est, permittendum esse huiusmodi exploratori Catholico usum vestium, iuxta regionis morem, esum carniū, & alia signa indifferentia, non autem orationem, vel adorationem Māhometi, aut alterius idoli, non solum internam, verum neque externam; quamquam externam in casu rarissimo permitti posse, nonnulli Doctores autumant. *ibid. num. 26. & fol. 223. num. 27. & 28.*

13. Non tenetur professionem fidei facere, qui semel eam fecit occasione Doctoratus, aut alia occasione intra bimestre quo beneficium obtinuit. Canonicus quoque, qui fidei professionem in Capitulo præsentē Episcopo, aut Vicario fecit, non tenetur illam iterum coram Episcopo, aut Vicario facere. *tom. 2. fol. 224. num. 6. & seq.*

14. Coadiutor Parochi sine titulo beneficii, Capellanus, & Canonici collegiatarum, non tenentur intra bimestre professionem facere, licet postea teneantur in prima Synodo diocesana, cui post adeptum beneficium interfunt. *ibid. num. 9.*

15. Qui fidei professionem intra bimestre non fecit, priuatur fructibus; non tamen priuatur distributionibus, modò beneficium reddat fructus, & distributiones: imò neque priuatur fructibus ante sententiam. Adde priuari posse, etiamsi triennio fructus bona fide possederit. *tom. 2. fol. 225. num. 1. & seq.*

L. 5

16. Qui

ad beneficia curata, vel ad Canonicatus, aut dignitates in Ecclesia Cathedrali, nisi per ignorantiam, aut aliam iustam causam excusentur. Nec refert quod hi sint exempti; nam adhuc tenentur per se, vel per procuratorem facere. *ibid. num. 14. & 15.*

10. Semper tenemur ex præcepto negativo abstinere à dictis vel factis, quibus fides negatur; quia præceptum negativum, quale est de non neganda fide, obligat semper & ad semper: ideo peccat contra præceptum negativum fidei, qui se negat Christianum, dum hoc nomen pro religione accipitur; item qui dicit se Turcam, vel hæreticum, vel utitur signis protestantiis falsæ religionis ex sua natura, etiamsi hoc faciat absque animo negandæ fidei; secus si utatur signis indifferentibus ex sua natura, ut si deferat vestes quibus Hebræi utuntur, aut in bello utatur insignis infidelium citra scandalum, aut animum protestandæ falsæ religionis. *ibid. num. 16. & seq.*

11. Non peccat contra præceptum fidei negativum, qui concionibus hæreticorum, vel cæremoniis interest animo confutandi, aut observandi solum ipsorum cæremonias: non licet tamen illis interesse de mandato Principis hoc præcipientis in contemptum fidei, vel ad profitendam hæreticorum sectam. *tom. 2. fol. 222. num. 21. & 22.*

Item non peccat contra præceptum fidei negativum, qui feria sexta, vel sabbato metu grauis mali vescitur carnibus; aut qui ioco in comœdiis fingit se infidelem, aut qui se negat Sacerdotem, vel clericum. *ibid. num. 23. & seqq.*

12. Quæres, quid facere possit vir Catholicus in

in locis infideliū, dum ibi commoratur occultata fide, ne occidatur, & ut possit Principibus Christianis referre quæ ibi aguntur? Respondendum non licere illis signis uti, quæ sunt falsæ fidei, seu falsæ sectæ ex se protestatiua, etiamsi hæc signa non adhibeantur animo negandi fidem, sed licere uti signis ex se indifferentibus tantum, id est, permittendum esse huiusmodi exploratori Catholico vsum vestium, iuxta regionis morem, esum carniū, & alia signa indifferentia, non autem orationem, vel adorationem Māhometi, aut alterius idoli, non solū internam, verū neque externam; quamquam externam in casu rarissimo permitti posse, nonnulli Doctores autumant. *ibid. num. 26. & fol. 223. num. 27. & 28.*

13. Non tenetur professionem fidei facere, qui semel eam fecit occasione Doctoratus, aut alia occasione intra bimestre quo beneficium obtinuit. Canonicus quoque, qui fidei professionem in Capitulo præsentē Episcopo, aut Vicario fecit, non tenetur illam iterum coram Episcopo, aut Vicario facere. *tom. 2. fol. 224. num. 6. & seq.*

14. Coadiutor Parochi sine titulo beneficii, Capellanus, & Canonici collegiatarum, non tenentur intra bimestre professionem facere, licet postea teneantur in prima Synodo diocesana, cui post adeptum beneficium interfunt. *ibid. num. 9.*

15. Qui fidei professionem intra bimestre non fecit, priuatur fructibus; non tamen priuatur distributionibus, modò beneficium reddat fructus, & distributiones: imò neque priuatur fructibus ante sententiam. Adde priuari posse, etiamsi triennio fructus bona fide possederit. *tom. 2. fol. 225, num. 1. & seq.*

L 5

16. Qui

qui non potest falsum reuelare. *tom.2.fol.214.
num.1.& seq.*

2. In beatis non est fides, neque spes. Item neque in dæmonibus, vel damnatis, neque similiter in hæreticis; nam spes non potest esse sine fide, qua ipsi carent. *tom.2.fol.215.num.7.& seq.*

3. Non solum fides habitualis necessaria est ad salutem, verum etiam fides actualis non solum necessitate medijs, sed etiam præcepti, teneturque homo postquam ad rationis usum peruenit, actum fidei elicere. Item tenetur elicere per accidens, quando debet se ad Deum conuertere, quamquam non tenetur omissionem huius actus in confessione aperire. Item tenetur actus fidei elicere, dum fidem exterius confiteri debet. Item per accidens tenetur, dum extat periculum incidendi in aliquod peccatum, si actus fidei non elicatur, & in articulo mortis. *tom.2.fol.216.
num.4.& seq.*

4. Petes, quosnam articulos teneamur explicitè credere? Respond. singulos homines postquam ad rationis usum peruenerunt, teneri ex præcepto explicitè credere ea quæ continentur in symbolo Apostolorum; & præcepta Decalogi. Item tenentur scire saltem quoad substantiam præcepta Ecclesiæ: orationem Deo faciendam esse pro necessitate corporis & animæ, extare obligationem subueniendi proximo, & similia. Eos autem quibus alios docendi, eosque ab errore auertendi cura incumbit, teneri explicitè nosse & credere non solum articulos fidei, verum etiam alios iuxta suum gradum, seu statum & officium. Teneturque Confessarius aliquando penitentem circa fidei articulos interrogare, quoties præsumit eos articulos ab illo ignorari, & si minus

minus peritum circa huiusmodi articulos reperit, debet illum reiicere, vel docere necessaria, antequam beneficium absolutionis impendat.

tom. 2. fol. 218. num. 13. & seq.

5. Homo tenetur aliquando ex præcepto affirmatiuo fidem exterius confiteri, videlicet quando alioquin magnus Dei honos subtraheretur, vel magna proximi vtilitas impediretur, aut illi graue scandalum præberetur circa fidem; sed non quando inique, aut priuata auctoritate interrogatur an sit Catholicus, aut Christianus; non potest tamen respondere se non esse Christianum; at tenebitur confiteri se esse Christianum, quoties fides alioquin putaretur falsa, vel quando publica auctoritate interrogatur. *tom. 2. fol. 219. num. 2. & seq.*

6. Non peccat qui dicit se non esse Christianum, dum Christiani nomen non accipitur pro religione, sed pro ipsa natione, aut vitio nationis.

tom. 2. fol. 220. num. 5.

7. Similiter non peccat contra præceptum fidei, qui habitum à Tyranno præceptum non gestat metu mortis; peccant tamen pastores fugiendo tempore persecutionis, alio idoneo non substituto. *ibid. num. 8. & 9.*

8. Non est obligatio confitendi fidem, dum ex ipsius confessione sola perturbatio nascitur; secus dicendum dum per fidei confessionem infidelis inducitur ad fidem. Item tenemur confiteri, dum fidei confessione vitatur contemptus imaginum sacrarum, vel fidei. *tom. 2. fol. 221. num. 11. & seqq.*

9. Qui promouentur ad officium aliquod litterarium, seu artem litterariam, tenentur fidei professionem emittere; sicut & qui promouentur

ad beneficia curata, vel ad Canonicatus, aut dignitates in Ecclesia Cathedrali, nisi per ignorantiam, aut aliam iustam causam excusentur. Nec refert quod hi sint exempti; nam adhuc tenentur per se, vel per procuratorem facere. *ibid. num. 14. & 15.*

10. Semper tenemur ex præcepto negatiuo abstinere à dictis vel factis, quibus fides negatur; quia præceptum negatiuum, quale est de non neganda fide, obligat semper & ad semper: idcirco peccat contra præceptum negatiuum fidei, qui se negat Christianum, dum hoc nomen pro religione accipitur; item qui dicit se Turcam, vel hæreticum, vel vitur signis protestatiuis falsæ religionis ex sua natura, etiamsi hoc faciat absque animo negandæ fidei; secus si vitur signis indifferentibus ex sua natura, ut si deferat vestes quibus Hebræi vtuntur, aut in bello vitur insigniis infidelium citra scandalum, aut animum protestandæ falsæ religionis. *ibid. num. 16.*

& seq.

11. Non peccat contra præceptum fidei negatiuum, qui concionibus hæreticorum, vel cæremoniis interest animo confutandi, aut obseruandi solum ipsorum cæremonias: non licet tamen illis interesse de mandato Principis hoc præcipientis in contemptum fidei, vel ad profitendam hæreticorum sectam. *tom. 2. fol. 222. num. 21.*

& 22.

Item non peccat contra præceptum fidei negatiuum, qui feria sexta, vel sabbato metu grauis mali vescitur carnibus; aut qui ioco in comædiis fingit se infidelem, aut qui se negat Sacerdotem, vel clericum. *ibid. num. 23. & seqq.*

12. Quæres, quid facere possit vir Catholicus in

in locis infidelium, dum ibi commoratur occultata fide, ne occidatur, & ut possit Principibus Christianis referre quæ ibi aguntur? Respondendum non licere illis signis uti, quæ sunt falsæ fidei, seu falsæ sectæ ex se protestatiua, etiamsi hæc signa non adhibeantur animo negandi fidem, sed licere uti signis ex se indifferentibus tantum, id est, permittendum esse huiusmodi exploratori Catholico usum vestium, iuxta regionis morem, esum carniū, & alia signa indifferentia, non autem orationem, vel adorationem Mâhometi, aut alterius idoli, non solum internam, verum neque externam; quamquam externam in casu rarissimo permitti posse, nonnulli Doctores autumant. *ibid. num. 26. & fol. 223. num. 27. & 28.*

13. Non tenetur professionem fidei facere, qui semel eam fecit occasione Doctoratus, aut alia occasione intra bimestre quo beneficium obtinuit. Canonicus quoque, qui fidei professionem in Capitulo præsentæ Episcopo, aut Vicario fecit, non tenetur illam iterum coram Episcopo, aut Vicario facere. *tom. 2. fol. 224. num. 6. & seq.*

14. Coadiutor Parochi sine titulo beneficii, Capellanus, & Canonici collegiatarum, non tenentur intra bimestre professionem facere, licet postea teneantur in prima Synodo diocesana, cui post adeptum beneficium interfunt. *ibid. num. 9.*

15. Qui fidei professionem intra bimestre non fecit, priuatur fructibus; non tamen priuatur distributionibus, modò beneficium reddat fructus, & distributiones: imò neque priuatur fructibus ante sententiam. Adde priuari posse, etiamsi triennio fructus bona fide possederit. *tom. 2. fol. 225. num. 1. & seq.*

L 5

16. Qui

16. Qui fidei professionem intra bimestre non fecit, priuandus solum videtur fructibus respondentibus tempori post bimestre: neque subiicitur his pœnis qui beneficij possessionem nondum adeptus est. *tom. 2. fol. 226. num. 5. & 6.*

17. Licitum est clericis & religiosis de rebus fidei disputare, modò docti sint, sed non laicis, etiam doctis: his enim disputare prohibitum est sub pœna excommunicationis. Limita tamen hanc prohibitionem, modò non extet consuetudo in contrarium; intellige eandem prohibitionem de disputatione formali, non verò de illa, quæ causa exercitij suscipitur, vt contingit in circulis & scholis. *tom. 2. fol. 227. num. 1. & seq.*

18. Non licet communicare cum infidelibus, quoties ex eorum communicatione periculum imminet peruersionis. Specialiter autem vetitum est fidelibus participare cum Iudæis cohabitando, comedendo azyma, aduocando ipsos ad medendum, & recipiendo medicinas ab ipsis, ingrediendo idem balneum, ineundo conuiuium cum ipsis, nutriendo eorum filios, accedendo ad ipsorum nuptias, aut choreas. cum ipsis ducendo; denique admittendo illos ad publica officia, vel ad Missæ sacrificium, vel contrahendo cum ipsis matrimonium. *ibid. num. 1. & 2.*

19. Tres sunt species infidelitatis, videlicet paganismus, Iudaismus, & hæresis; & hæ differunt inter se specie, propterea exprimendum est genus seu species infidelitatis in confessione. *tom. 2. fol. 228. num. 1. & seq.*

20. Infideles baptizati, nempe hæretici cogi possunt pœna mortis, vel excommunicationis ad fidem suscipiendam & retinendam, quia sunt subditi Ecclesiæ. Secus dicendum de infideli
non

non baptizato; non enim potest cogi per metum ad fidem suscipiendam; quamquam infideles subditi cogi possunt ad deferendam idololatriam, & ad audiendum Euangelium; secus dicendum est de infidelibus non subditis, licet etiam isti compelli possunt ad vitam mitiorem, si more belluarum viuant. *tom.2.fol.229.num.1.& seqq.*

21. Ritus infidelium licite permittuntur iusta subsistente causa; sicut etiam & eorum libri, qui nostræ fidei non aduersantur. *ibid.num.4.& 5.*

22. Religionis libertas nulla ratione permitti, aut de ea permittenda conueniri potest, nisi aliud postulet commune Catholicæ religionis bonum; & Princeps non tenetur stare promissioni & pacto de permittenda libertate religionis, dum eam sine grauiori damno religionis impedire potest; aut dum conatum ad eam impediendam utilem fore sperat; quia promissio de re illicita & turpi non obligat; quamquam non desunt Doctores contrarium sentientes. *tom.2.fol.230.5.1.*

23. Fœdus, promissio, seu contractus valide celebratus cum hæreticis, per se loquendo, seruandus est, quia sicut non licet mentiri illi qui cum hæretico loquitur, ita neque licet recedere à promissione hæretico facta; consequenter seruanda est hæreticis fides in saluo conductu. Item in bello quoque in causa ciuili contra hæreticos per se loquendo seruanda est fides, quia huiusmodi promissio est de re licita. *tom.2.fol.231.5.2.*

*Filiusfamilias.*Vide v. *Furtum, Restitutio.**Fiscus.*

1. Ea bona pertinent ad fiscum, quæ pertinent ad delinquentem tunc temporis quo bona ipsius publicantur, modò non sint bona affixa personæ: fiscus enim secuta publicatione succedit in iura, (& ususfructus, quando id non vetatur,) delinquentis. Vnde sequitur publicatis bonis alicuius, censerì publicata omnia bona mobilia & immobilia, item actiones, iura, & res censui subiectas; imò ea quæ reo debentur ex contractu celebrato sub conditione, pertinent ad fiscum, secuta conditione, siue ipse fiscus adimpleuerit conditionem, siue reus; secus dicendum de bonis futuris, aut quæ post condemnationem reo obueniunt ex vltima voluntate; vt ex legato, testamento, vel fideicommisso. Item hæreditas quæ relicta fuit criminoso ante patratum crimen, non deuoluitur ad fiscum, si criminosus non adierat hæreditatem ante publicationem bonorum; imò criminosus potest in tali casu eam in fraudem fisci repudiare, si non sit debitor fisci, aut si eam tacitè non acceptauerit; sed non potest illam cedere in fauorem alterius. *tom. 2. fol. 842. num. 1. & seq.*

2. Publicatis bonis patris criminosi, videtur aliquid reseruandum pro alimentis & legitima filiorum, quia par non est vt filij tantum damni patiantur ob parentis delictum; excipe tamen delictum hæresis & læsæ maiestatis, in quo propter

pter criminis atrocitatem, filiis delinquentis parentis nihil referuatur, ita exigente bono communi, ut homines ab huiusmodi criminibus arceantur. *tom. 2. fol. 845. num. 15.*

3. Quæres, quænam bona censeantur publicata, quando publicantur bona vxoris criminosa? Mortuo viro censentur publicata omnia bona dotalia, paraphernalia, & alia quæ ad ipsam vxorem pertinent. Dicitur *mortuo viro*: nam viuente viro, dos non confiscatur, exceptis his casibus, videlicet crimine læsæ maiestatis, violentiæ, paricidij, & homicidij. *ibid. num. 17.*

4. Bona maioratuam, seu bona primogeneratorum, quæ alicui relicta sunt, non publicantur ob ipsius delictum, non solum quoad dominium, sed neque quoad vsumfructum, si illorum bonorum alienatio expresse prohibita est. Excipitur tamen crimen hæresis & læsæ maiestatis diuinæ vel humanæ; nam ob huiusmodi crimen bona primogeneratorum vendicantur à fisco. *tom. 2. fol. 846. num. 20.*

5. Quælibet alienatio facta à delincente, cui ob delictum non est interdicta bonorum administratio, & cuius bona non publicantur ipso iure, valida est, modò non sit facta in fraudem fisci, aut post sententiam. Quod si alienatio facta sit in fraudem fisci, potest fiscus eam reuocare post sententiam, non solum quoad rem ipsam, verum etiam quoad fructus pendentes, qui censentur pars fundi, seu rei quæ confiscatur. *ibid. num. 1. & seq.*

6. Delinquens qui commisit aliquod delictum, propter quod bona ipso facto publicantur, & bonorum administratio interdicitur, grauiter peccat, non solum si alienet bona post sententiam: declar.

declaratoriam, cum dicatur alienare bona aliena, verum etiam quoties alienat ante sententiam cum periculo grauis damni alterius; vt accidit quando alienat contractu oneroso absque necessitate, non admonito accipiente de periculo. *tom.2. fol.849.num.4.*

7. Ille cuius bona sunt ipso facto addicta fisco, non tenetur ante iudicis sententiam restituere bona fisco; non enim leges humane obligant cum tanto incommodo ad pœnam propria actione subeundam. *tom.2. fol.850.num.5.*

8. Publicatis bonis criminosi, fiscus debet satisfacere debitis contractis ante delictum à criminoso: quod si non omnia bona publicentur, sed tantummodo in partem, fiscus tenetur satisfacere creditoribus ad ratam illius partis quæ publicatur. *ibid.num.1.*

9. Is cuius omnia bona confiscantur, non tenetur restituere creditoribus, si fiscus non satisfaciatur, etiamsi criminofus aliunde acquirat bona, & ad pinguiores redeat fortunam; modò bona quæ confiscantur, sint sufficientia ad persolunda debita, & modò delinquens ex priuilegio Principis rursus non obtineat eadem bona, aut partem. Ratio est, quia criminofus per confiscationem liberatur ab obligatione erga debitores, & tota obligatio transmittitur ad fiscum. Dicitur, *aut partem*, quia si aliquota pars bonorum restituitur, tenetur pro rata partis redditæ creditoribus satisfacere. *tom.2. fol.851.num.3.*

Fornicatio simplex.

1. Fornicatio simplex est concubitus soluti (id est liberi à coniugio, à voto, ab ordine sacro, à religione,

ligione, à cognitione,) cum soluta, éstque peccatum mortale, & consequenter nunquam licita. *tom.1.fol.464.num.2.& 3.*

2. Licitum est Principibus permittere meretrices in aliquo loco ciuitatis, vt vitentur maiora mala: excusantúrque à mortali locantes domos meretricibus ad habitandum, non tamen ad meretricandum; vitandum tamen est proximi scandalum & damnum. Similiter excusantur famuli comitantes herum euntem ad meretricem, aut comitantes concubinam, aut deferentes litteras, si ab huiusmodi comitatu desistere nequeant absque graui damno. Idem dicendum de auriga indifferenter meretricem deferente, quamuis sciat ipsam malè suo corpore vsuram. *ibid.num.4. & seq.*

3. Concubinatus est frequens & consueta fornicatio cum eadem persona. Concubinæ quæ leguntur in sacris litteris, fuerunt veræ vxores, ideò concubinæ dictæ, quod sine publica solemnitate & ritu consueto ducébantur; permíssumque fuit Hebræis duas vxores simul ducere; vnā solemnī, alterā absque solemnī ritu. *tom.1.fol.465.num.8. & seqq.*

4. Qui domi retinet concubinam, seu ancillam, cum qua peccare solet, non est absoluendus nisi eam dimittat: existit enim in occasione proxima peccandi. Excipe tamen eum, qui rarò cum ea peccat, & sperat fore vt non amplius relabatur, & etiam filium familias, qui de domo patris non expellit concubinam, vel aliam, modò habeat firmum propositum non peccandi amplius in futurum. Adde præterea non cogi Confessarium ad denegandam absolutionem adolescenti qui sæpius in mollitiem incidit ex carnis fragi

fragilitate, & quantum in se est, non remanet in occasione proxima peccandi. *ibid. num. 11.*

¶ *seq.*

5. Artifex qui fraudibus utitur in arte sua, quam rationabili de causa non potest deserere: & fornicator qui modò cum vna, modò cum alia congregitur, potest absolui, si eliciat dolorem de peccatis præteritis, & promittat cum Dei auxilio emendationem in futurum. *tom. 1. fol. 466. n. 15.*

¶ 16.

6. Concubinarij sæculares possunt ab ordinariis locorum puniri & excommunicari post trinam admonitionem. ita Trident. *sess. 24. cap. 8.* & mulieres concubinarie eiici extra oppidum, vel diocesim; presbyteri verò notorij concubinarij suspendendi sunt ab Episcopis. *ibid. num. 18.*

¶ 19.

Furtum.

Vide v. *Restitutio, Sacrilegium.*

1. Furtum est occulta ablatio rei alienæ, domino rationabiliter inuito; rapina verò est propriè ablatio rei alienæ per violentiam. Tam furtum quàm rapina sunt peccata mortalia ex suo genere: fieri tamen potest furtum veniale ratione inconsiderationis, paruitatis materię, & quando dominus non est inuitus quoad substantiam rei acceptæ, sed solum quoad modum, ut accidit quando dominus, v.g. pater ægrè fert rem quæ auferatur à filio, non peti vel accipi ad ludum. Illa autem quantitas est sufficiens ad peccatum mortale furti, quæ omnibus consideratis infert domino graue damnum, vel notabili priuat utilitate, habita ratione personarum, in ordine ad quas metienda:

tienda est grauitas & leuitas furti ; nam respectu personarum illustrium nummus aureus vt minimum est materia notabilis & sufficiens ad peccatum mortale ; respectu communium diuitum, quatuor regales ; circiter sunt materia notabilis sufficiens ad peccatum mortale ; respectu sustentantium se suo artificio & opera duo regales circiter sunt materia sufficiens ad peccatum mortale furti ; respectu denique mendicantium vnus regalis vel dimidius est materia sufficiens ad peccatum mortale : nam vnus regalis potest illis inferuire pro victu vnus aut duorum dierum. *tom.2.fol.648.num.1. & seq.* Circa prædicta

2. Aduerte non eandem quantitatem sufficere, sed maiorem requiri, quando à pluribus aliquid aufertur quàm quando ab eodem, vel quando paulatim ab eodem subtrahitur, quàm quando simul, vel quando longo tempore, quàm quando eodem vel breuiori tempore ; & paruitatem materiæ variari pro varietate conditionis, & eandem rem vno tempore non sufficere ad mortale, alio verò tempore aut alio loco sufficere ; quia vna & eadem res magis æstimatur vno modo quàm alio. *tom.2.fol.649.num.9. & 10.*

3. Qui furatur minima animo furandi successiue maiora, peccat mortaliter, eiusdem enim malitiæ est velle surripere, cuius est surripere, imò qui sapius minima furatur etiam absque animo surripiendi maiora, peccat adhuc mortaliter, quando peruenit ad tantam quantitatem, quæ continuata moraliter cum præcedente est notabilis. *tom.2.fol.650.num.1. & seq.*

4. Estne peccatum mortale quando plures scienter auferunt ab eodem rem leuem respectu
singula

singulorum, quæ simul sumpta est notabilis, si collectiuè sumatur respectu omnium? Est peccatum mortale obligans ad restitutionem. *tom. 2. fol. 651. num. 6.*

5. Non licet in graui necessitate aliquid surripere, quia in huiusmodi necessitate res est aliena, cum sola necessitas extrema, faciat rem communem; unde laborans graui necessitate, peccat mortaliter aliquid surripiendo in notabili quantitate, & tenetur ad restitutionem. *tom. 2. fol. 652. num. 5. & 6.*

*Restitutio ob defraudata vectigalia,
ob furtum filijfamilias,
uxoris, &c.*

6. Fraudantes vectigalia iusta, id est legitima auctoritate & causa cum debita proportionem, pro mercibus imposita, peccant contra iustitiam, etiam exteri, & tenentur ad restitutionem; secus dicendum de fraudantibus vectigalia pro vsualibus imposita. Imò quando vectigal iustè imponitur, subditus tenetur sponte aperire & manifestare quæ aduehit. Et si dubitatur negatiuè de iustitia illius, adhuc præsumendum est in fauorem Superioris, seu Principis. *tom. 2. fol. 653. num. 3. & fol. 654. num. 4. & seq.*

7. Cessante causa ob quam fuerunt imposita vectigalia, cessat obligatio ea soluendi, si nihil amplius aliunde vrgeat. *ibid. num. 8.*

8. Creditor Principis qui ab eo solutionem obtinere non potest, potest fraudare vectigalia in compensationem. Hæc doctrina valet etiam in censibus, decimis, & aliis iuribus elocatis alteri. *tom. 2. fol. 655. num. 12.*

9. Non

9. Non solum clerici maioribus ordinibus insigniti, verum etiam initiati minoribus, aut prima tonsura, saltem si incedant cum habitu & tonsura clericali, & inseruiant diuinis, aut habeant beneficium Ecclesiasticum immunes sunt ab obligatione vectigalium, tributorum, & aliorum onerum, modo tamen non negotientur, & non assumpserint habitum clericalem in fraudem vectigalium: neque cogi possunt clerici ad hospitandos milites, vel ad soluendum vectigal illius rei quam propria industria effecerunt meliorem. *tom. 2. fol. 555. num. 1. & 2. item fol. 656. num. 5. & 6.*

10. Aduerte bona patrimonialia, ad quorum titulum clericus promotus est ad ordines, gaudere quoque immunitate; consequenter ex ipsis exigi non posse tributa, seclusis particularibus priuilegiis à Sede Apostolica indultis. *tom. 2. fol. 657. num. 12.*

11. Filius qui notabilem summam accepit ex bonis, quorum pater habet dominium, vel vsumfructum, tenetur restitutionem facere ex re ablata, si extat: si verò non extat, tenetur ex alijs bonis castrensibus, vel quasi castrensibus si habet: si non habet, tenebitur in partitione hæreditatis cum fratribus computare quod surripuit, in suam partem, nisi fortè constet alios fratres tantundem expendisse, vel patrem condonasse, aut verosimiliter credatur patrem condonaturum: tunc enim pater non videtur inuitus circa substantiam acceptionis, sed solum circa modum; cum displiceat illi modus accipiendi occultè. *tom. 2. fol. 658. num. 4.*

12. Similiter vxor accipiens notabilem quantitatem ex bonis mariti, vel ex bonis quorum mari

maritus habet administrationem & vsumfructum, peccat mortaliter peccato furti, & tenetur ad restitutionem, si hoc faciat absque expresse, vel præsumpto mariti consensu, aut condonatione. Potest tamen vxor inuito marito capere, aut donare bona paraphernalia, illaque pro suo libito distrahere; cum sint ipsius propria quoad dominium. Potest etiam ludere & pecuniam accipere ad ludendum, dandum pauperibus intra limites, & decentiam sui status; neque peccat accipiendo aliquid, quod maritus rogatus facile concederet. *tom. 2. fol. 660. num. 2. & seqq.*

13. Item potest vxor accipere etiam inuito marito pro necessariis sibi & familiæ, vt pro veste, victu, medicamentis, & vt subueniat patri, matri, vel filiis suis ex priori matrimonio susceptis, si sint in egestate, & aliunde non habeat vnde illis subuenire queat. *ibid. num. 9. & 10.*

14. Religiosus peccat mortaliter peccato furti, si post votum paupertatis factum in approbata religione vsurpet sibi in notabili quantitate, seu ea quæ sufficit ad peccatum mortale furti contra septimum præceptum res non necessarias; nisi fortè Superior sit rationabiliter inuitus, & necessaria non suppeditet; nam tunc religiosus habet ius sibi succurrendi ita dictante iure naturæ. *tom. 2. fol. 661. num. 2. & 3.*

15. Seruus quoque peccat mortaliter peccato furti, auferendo aliquid in notabili quantitate à suo domino, & si ex contractu seruire debeat vsque ad certum tempus, peccat adhuc mortaliter contra iustitiam fugiendo absque causa rationabili; causa autem rationabilis est, quando dominus est nimis austerus, vel non docet ea quæ docere debet, & non obseruat pacta; quia frangenti

genti fidem, fides frangenda est ei. *tom. 2. fol. 662. num. 1. & 2.*

Restitutio propter homicidium.

Vide v. *Homicidium.*

H

Hæres.

Vide v. *Testamentum, Substitutio.*

1 **H**Æres postquam hæreditatem adiuit, tenetur ad persoluenda testatoris debita realia, & legata ab ipso relicta. Hæredi deliberanti an velit hæreditatem adire, conceduntur tres menses à die qua nouit se institutum hæredem; intra quod tempus si hæreditatem non adierit, ad nihil tenetur, etiamsi inuentarium non confecerit: quod si inuentarium confecerit, in foro conscientie non tenetur ultra vires hæreditatis. *tom. 2. fol. 250. num. 1. & seqq.*

2. Quando dubitatur quid testator mandauerit & voluerit, faciendum est quod verosimiliter creditur testatorem voluisse; cum in obscuris præsumatur id quod verisimilius est. *ibid. num. 6.*

3. Legatum pium in dubio explicandum est secundum minus, seu strictè, ut si legatus sit calix, hæres non tenetur soluere calicem aureum, sed satisfacit tradendo argenteum; nisi aliud ex circumstantiis colligatur de mente testatoris. *tom. 2. fol. 951. num. 7.*

4. Legatum relictum pauperibus, tradendum est pauperibus illius loci in quo testator habebat domi

domicilium, modò testator non reliquerit hæredi facultatem eligendi pauperes; & consequenter relictum monasterio intelligitur relictum monasterio patriæ testatoris. Item legatum relictum Canonicis, non censetur relictum Ecclesiæ, sed toti Collegio, seu Capitulo; aliud est enim Ecclesia, aliud Capitulum Canonicorum. *tom. 2. fol. 957. num. 2. & fol. 958. num. 3.*

5. Quando testator legavit Titio triticum, quod habet domi, vel in horreo, & postea testator consumpsit illud triticum; hæres nihil tenetur solvere: nam legatum cessat, extincta re legata, conscio testatore qui nihil substituit, vel subrogavit in locum prioris rei legata. *tom. 2. fol. 694. num. 1.*

6. Legato principali censentur etiam, per se loquendo, legata accessoria, quia principale trahit ad se accessorium; & consequenter legato viridario, censentur etiam legata arbores in eo contentæ, & legatis omnibus bonis, intelliguntur quoque legata iura & actiones. Sed eritne soluendum legatum relictum cum accessoriis, quando res illa non habet accessoria, ut si legato relictus sit equus cum suis ornamentis, sed equus non habeat ornamenta? Erit soluendum, si huiusmodi ornamenta non ponantur taxatiuè & limitatiuè, sed accessoriè & argumentatiuè. *tom. 2. fol. 955. num. 2. & 3.*

7. Hæres mortuo patre vel destructo loco, cui res aliqua legato fuerat relictæ, tenetur adhuc alteri solvere legatum, si legatum erat pium; ut si rem aliquam reliquit tanquam pium opus, sed talem pauperem elegit, eo quod esset sibi notus, vel alia de causa: secus si tantummodo reliquit in bonum ipsius pauperis; nam extincto legatario, cessat legatum. *tom. 2. fol. 965. num. 3.*

8. Petes,

8. Petes, an legatum relictum alicui fœminæ maritandæ possit tradi fœminæ quæ tempore testamenti, vel post conditum testamentum, dum adhuc viueret testator, collocata fuit in matrimonium? Non potest, si legatum factum fuit personis incertis & indeterminatis. Sed legatum relictum fœminis in matrimonium collocandis, potestne tradi viduis aduolantibus ad secundas nuptias? Non potest, quia nomine fœminæ in matrimonium collocandæ, intelligitur in hac materia ea quæ nulli nupsit. *tom. 2. fol. 958. num. 7. & 8.*

9. Vidua cui relictum est legatum sub hac conditione, *donec castè & honestè vixerit*, non amittit legatum transeundo ad secundas nuptias; quia secundæ nuptiæ castæ sunt & honestæ: secus dicendum si frequenter fornicetur. Item legatum relictum fœminæ, *quandiu vidualem vitam seruauerit*, debetur, ea religionem ingrediente; cum verè & propriè dicatur vitam vidualem seruare, & testatoris mentem adimplere. *ibid. num. 10. & fol. 959. num. 13.*

10. Quando legatum relictum est vxori, *donec castè vixerit*, & ipsa primo anno castè vixit; secundo verò anno turpiter, sed deinde tertio anno se ad meliorem frugem recipit, probabilius est legatum non esse ei soluendum; quia testator presumitur voluisse obligare vxorem ad seruandum thorū prioris viri inuiolatum. *tom. 2. fol. 959. n. 12.*

11. Quando hæreditas non est sufficiens ad satisfaciendum omnibus legatis à defuncto relictis, hæredes necessarij, quibus hæreditas debetur ab intestato, possunt aliquid sibi retinere, nimirum suam legitimam, cum ea priuari nequeant. *tom. 2. fol. 961. num. 1.*

12. Petes,

264 *Hæresis, Hæreticus.*

12. Petes, quis possit derogare testamentis & legatis? Respondetur Principem supremum posse derogare testamento & legato facto ad causam profanam, conuertendo illud ad aliam causam profanam, vel piam iusta interueniente causa vel publica necessitate: & hinc collige posse quoque Summum Pontificem testamentum vel legatum ad vsum pium conuertere in alium vsum pium. Imò si legatum nequeat commodè adimpleri, potest auctoritate Episcopi in alium commutari, cum adsit iusta causa commutationis; & hæreses tuti sunt in conscientia, quoties legatum ex iusta causa fuit auctoritate Episcopi in aliquod æquale, aut melius commutatum. *tom. 2. fol. 966. num. 2. & seqq.*

Hæresis.

Vide v. *Excommunicatio, Censura, Irregularitas, Denunciatio.*

1. Hæresis est voluntarius error intellectus cum pertinacia contra aliquam fidei veritatem. *tom. 1. fol. 590. num. 1.* Hinc infer,
2. Catechumenum negantem aliquem fidei articulum, aut eum qui positiuè dubitat in rebus fidei, esse hæreticum. Item eum qui non credit aliquem articulum sibi specialiter reuelatum; quia negat veritatem fidei cum pertinacia: aut negat propositionem quæ deducitur euidenter ex vna propositione de fide & altera naturali: secus dicendum de eo qui ex ignorantia crassa errat circa fidem, sed est paratus corrigi cognita veritate: esset tamen hæreticus, si is qui errat ex ignorantia crassa, adhuc erraret, si sciret errorem illum esse contra fidem. *ibid. num. 2. & seq.*

3. Apo

3. Apostata à fide subiaceret pœnis hæreticorum, est enim verus hæreticus deferendo veram fidem. *tom. 1. fol. 591. num. 8.*

4. Summus Pontifex non potest in controuersis fidei & morum errare, aut in hæresim labi; quia est successor D. Petri, cui collata fuit infallibilitas rerum fidei, & nullus Romanorum Pontificum fuit hæreticus. *ibid. num. 9.*

5. Præter alias multas pœnas quibus afficiuntur hæretici, vt amissione bonorum, &c. hæreticus qui suam mentem exterius sufficienter manifestat verbis aut signis, incurrit excommunicationem latam ab Ecclesia, & Papæ reseruatam, quamuis suam mentem occultè manifestet. Dictum est *exterius*, &c. quia hæreticus purè mentalis potest à quolibet Confessario approbato absolui, cum is non incurrat excommunicationem. Dicendum igitur eum non incurrere excommunicationem, qui mente reuoluens suam hæresim, non aperit caput imaginibus, vel augustiss. Eucharistiæ sacramento, aut non genuflectit eò quod non credat adesse corpus Christi, aut imagines non esse adorandas. Idem dicendum si proferat verba imperfecta, vt si dicat, *ita est*, vel *peream nisi ita sit*; aut edat signa indifferentia, & non manifestatiua hæreseos. *tom. 1. fol. 591. num. 1.*

& seq.

6. Excommunicatio ergo contra hæreticos lata, incurritur ob hæresim manifestatam per aliquod signum externum, cui communicetur malitia hæresis ab actu interno, vt excludantur qui causa consilij capiendi, aut disputandi hæresim exterius pronuntiant. *tom. 1. fol. 592. num. 7.*

7. Hæretici qui suam hæresim sufficienter exterius protulerunt, vitandi non sunt, nisi sint no-

M

mina

minatim denunciati excommunicati : non potest tamen huiusmodi adhiberi ad suscipiendum filium de sacro fonte, quia ad patrinum pertinet filium susceptum instruere in rebus fidei, quod non præstabit hæreticus. *tom. 1. fol. 593. num. 9. & 10.*

8. Pœna excommunicationis Papæ reservatæ, quæ lata est contra hæreticos, extenditur ad credentes, receptatores, fautores & defensores hæreticorum formaliter secuto effectu. *Formaliter*, vt excludantur ij, qui beneficium faciunt hæretico ratione amicitiae, vel consanguinitatis, vel metus, & non ex motivo hæresis. Dicitur *secuto effectu*, quia sola intentio fauendi hæresi, fauore non secuto non sufficit ad hanc excommunicationem incurrendam. *tom. 1. fol. 593. num. 1. & seqq. item fol. 594. num. 3.*

9. Qui legit, aut retinet libros hæreticorum, vel etiam libros alterius cuiusvis auctoris damnatos, atque prohibitos ob suspicionem hæresis, aut falsi dogmatis, incurrit excommunicationem, quæ nulli reservata est, sed iure communi potest à quolibet Confessario per absolutionem auferri : si tamen contineant hæresim, incurritur etiam excommunicatio Papæ reservata, legendo aut retinendo eiusmodi libros. Idem dic de legente librum hæresiarchæ, aut libros & scripta continentia diuinationes & sortilegia : non autem de legente libros vetitos ob excitationem ad turpem libidinem veneream ; aut additiones hæreticorum, aut scholia contenta in libris Catholicorum. *tom. 1. fol. 594. num. 2. & seq.*

10. Qui scienter & non ex ignorantia crassa, & absque Pontificis licentia publicè vel occultè legit per se ipsum, aut retinet etiam vnum folium
ad

ad inuoluenda aromata , aut imprimit , aut alio quouis modo defendit libros hæreticorum , tractantes de religione, aut hæresim continentes, incurrit excommunicationem Papæ reseruatam, quamuis legat , vel retineat ad eos confutandos, vel imprimat curiositatis gratia, & absque prauo animo. *tom. 1. fol. 595. num. 7. & seq.*

11. Per *imprimit* , intellige eum de cuius mandato imprimitur, auctorem libri , vel alium tradentem librum ad imprimendum ; illos omnes qui concurrunt ad componendos simul characteres , & qui chartam humectant , vel typis excudunt. *tom. 1. fol. 596. num. 17.*

12. Aduerte ad incurrendam dictam excommunicationem, non esse necessarium , vt quis legat eam partem in qua est hæresis expressa , sed sufficit, si legat aliquam partem libri in quo hæresis contineatur : nam adhuc dicitur legere librum hæretici. *ibid. num. 20.*

Histrion.

Vide v. *Ludus.*

Homicidium.

Vide v. *Restitutio , Furtum , Bellum , Irregularitas.*

1. Licitum est publica auctoritate occidere malefactores ; ita enim postulat bonum commune, vt homines metu mortis retrahantur à criminibus. Imò proscripti contra quos lata est sententia mortis , possunt à priuato interfici , quia hoc censetur fieri publica auctoritate iustitiæ. *tom. 2. fol. 663. num. 1. & 2.*

M 2

2. Non

2. Non est licitum clerico aliquem occidere, non solum priuata auctoritate, sed neque publica; quia non decet clericos immiscere se in causis sanguinis. Potest tamen Papa dispensare, vt absque peccato & irregularitate ferrent sententiam sanguinis. *rom.2.fol.664.num.1.& 2.*
3. Clerici vel Prælati Ecclesiastici habentes iurisdictionem temporalem, ratione dignitatis, vel ratione bonorum patrimonialium, possunt absque alio priuilegio constituere iudices sæculares in causa sanguinis, & indicere bellum hæreticis, hostibus fidei, si non habeant Superiorem sæcularem. *ibid.num.4.& fol.665.num.5.*
4. Non potest aliquis se ipsum directè occidere, etiam vt effugiat aliquod peccatum; neque priuata auctoritate, alium etiam volentem & consentientem; cum nullus sit dominus vitæ suæ & membrorum suorum, & nullus possit hanc facultatem concedere. *ibid.num.1.& 2.*
5. Potest tamen quis cooperari ad mortem propriam, indirectè per accidens, & mediatè exponendo vitam periculo ob rationabilem causam, aut omitendo actiones ad vitam necessarias; imò immediatè & directè, sed ex præcepto Dei, sub cuius dominio vita nostra continetur, vt fecit Samson: denique potest aliquis publica auctoritate ad suam mortem cooperari iis actibus, qui non habent crudelem modum pœnæ, vt est sumptio veneni. Propterea nemo tenetur redimere vitam pretio immenso, aut illam conseruare exquisitissimis cibis & medicamentis, aut relicta patria se transferre ad locum, in quo aër est salubrior; quia hoc non est se ipsum occidere. *ibid.num.3.& seq.*
6. Similiter detentus in carcere potest non fugere,

gere, etiamſi morte plectendus ſit; imò poteſt malefactor offerre ſe iudici plectendum; nam ob rationabilem cauſam periculo vitam exponit. Milites quoque poſſunt ſe dare præcipites in mare, etiam cum aperto vitæ periculo, ne nauis veniat cum ipliſ in manus infidelium. Excufari etiam poſſunt qui ſua agilitate corporis ambulant ſuper funem, aut ſumunt venenum adhibito ſtatim remedio; quamvis enim hæc ſint periculofa, nihilominus purgatur periculum per applicationem ſufficientis remedij, aut probatæ experientiæ. *ibid. num. 7. & 8.*

7. Nemo tenetur membrum vel membri partem amputare cum magnis doloribus, neque cum magno cruciatu vitam propriam defendere, niſi vrgeat bonum publicum, aut iudex præcipiens id fieri. *tom. 2. fol. 666. num. 2.*

8. Qui catena ferrea detinetur in carcere occidendus, vel flammis comburendus, poteſt ſibi membrum amputare, vt ſe liberet à vinculis, & vitam totam conſeruet. *tom. 2. fol. 667. num. 5.*

9. Non licet ſibi membrum vel membri partem mutilare ad ſanitatem ſpiritualem, vt ad vitandas carnis tentationes, & ad peccatum fugiendum, quia membri amputatio non eſt medium neceſſarium ad ſalutem animæ. *ibid. num. 6.*

10. Non eſt licitum occidere directè innocentem, bene tamen indirectè aliquando licitum eſt ad mortem innocentis cooperari; nam licet Rei publicæ ad ſe liberandam tradere innocentem tyranno qui cum petit ad necem, & non vult deſiſtere ab obſidione, niſi ei tradatur aliquis innocens: deinde licet in bello iuſto ſubuertere mœnia vel turrim, in qua multi innocentes oppri-

mentur, quando hoc est necessarium ad victoriam. *ibid. num. 1.*

11. Petes, an liceat dare pharmacum matri gravidæ cum periculo ut fœtus moriatur? Respond. nunquam licitum esse ante vel post animationem fœtus dare matri gravidæ pharmacum mortiferum fœtui, seu ex sua vi ordinatum ad abortum vel mortem fœtus. Quod si mater periculosè laboret, & non super sit aliud remedium præter pharmacum ex sua natura curativum illius morbi; potest huiusmodi pharmacum adhiberi cum intentione expellendi morbum, licet mors fœtus nondum animati secutura sit; quia mater utitur iure suo: nulla tamen fœmina potest adhibere remedium impediens conceptionem fœtus avertendam infamiam, aut mortem, etiamsi fœmina sit nobilis aut Monialis; quia non sunt facienda mala ut eveniant bona, & fœmina debet sibi impudicitiaque suæ periculum infamiae, vel mortis imputare. Est autem constituta poena mortis contra procurantes abortum fœtus animati, & lata excommunicatio à Gregorio XII *tom. 2. fol. 668. num. 3. & seq.*

12. Quæres, an possimus vel teneamur occidere alium ad nostram defensionem? Respond. licet possimus occidere iniustum aggressorem (etiam amentem, aut ebrium) ad defensionem vitæ & membrorum nostrorum, servato tamen moderamine inculpatae tutelæ, alioquin non esset defensio, sed ultio. Dictum est *nos posse*, sed non tenemur regulariter loquendo, occidere inuasorem iniustum ob defensionem vitæ nostræ, nisi aliunde urgeat bonum commune Reipublicæ aut salus animæ, ut si inuasus putet se esse in peccato mortali, & timet damnationem. *tom. 2. fol. 668. num. 4.*

fol. 669. num. 2. & fol. 670. num. 3. & seqq.

13. Non est licitum præuenire aggressorem propriæ vitæ, antequam inceperit moraliter aggressionis actum; quod si iam moraliter incepit actum, nec est alia spes euadendi, licitè potest occidi, quia vim inferre censetur: hinc sequitur licitum esse uxori occidere maritum qui parauit pugionem sub cervicali, aut venenum ad eam occidendam; modò non adsit alia spes euadendi ex eius manibus: at non licet præuenire occidendo illum, qui falsis testibus vitam alterius oppugnat in iudicio, aut falsum testimonium apud iudicem deponit, propter quod occidetur, vel infamabitur; quia sic aperiretur via infinitis homicidiis, & homines faciliè sibi persuaderent se per calumniam accusari. *tom. 2. fol. 671. num. 1. & seq.*

14. Omnibus tam laicis quàm clericis licitum est occidere inuasorem suarum facultatum, & pudicitia, quoties aliter saluari vel recuperari non possunt, modò facultates sint magni valoris; unde non peccat contra iustitiam, qui occidit furem dum fugit: ex. gr. si equum mihi surripuit, & fugit, possum illum insequi, telo confodere & ferire, quando fur præmonitus de morte recusat rem acceptam dimittere. Similiter non est peccatum contra iustitiam neque contra charitatem, occidere furem surripientem res meas quas non possum in iudicio recuperare, nisi cum magnis molestiis; secus dicendum si fur se intutum recepit, & rem incepit quietè possidere; nam tunc recurrendum est ad auctoritatem publicam. *tom. 2. fol. 672. num. 1. & seq.*

15. Licitum est à fortiori viro honorato occidere inuasorem inferentem ignominiam, vel con-

umelias atroces, quando aliter ignominia euitari non potest, cum maius bonum sit fama, quam sint facultates temporales; secus dicendum de clericis, religiosis vel infimæ conditionis hominibus; peccant enim contra iustitiam si occidant, quando absque vitæ periculo fugere possunt. *tom. 2. fol. 673. num. 5. & 11.*

16. In iis casibus in quibus possumus defendere vitam nostram & bona nostra, possumus etiam defendere vitam & bona proximi, etiam cum morte inuasoris, quando mors inuasoris necessaria est ad defensionem proximi; & consequenter possum tueri pudicitiam alicuius cum morte inuasoris, sicut possum meam tueri & conseruare. Imò non solum possumus, sed etiam tenemur sub mortali proximum defendere, quando possumus illius vitam vel bona defendere absque nostro notabili incommodo. hinc sequitur aliquem teneri, licet sit clericus, denunciare coniurationem factam in persona alterius, si alia ratione non potest illius mortem impedire. *tom. 2. fol. 674. num. 1.*

& seq.

17. Nemo tenetur tueri vitam & bona personæ priuatæ cum morte inuasoris, aut cum iactura vitæ propriæ aut bonorum, nisi ratio boni publici aliter suadeat. *tom. 2. fol. 675. num. 8.*

18. Homicida aut vulnerator qui alium iniuste aggressus est, non solum tenetur restituere damnum emergens & integras expensas, factas in curatione morbi, sed etiam lucrum cessans causa vulneris; illud scilicet quod vulneratus consecutus fuisset, si vulneratus non fuisset. Vno verbo, homicida aut vulnerator tenetur ad omnia damna, (seu potius quantum valebat spes lucri detracta redemptione laboris,) quæ passus est occisus

occisus aut vulneratus, propter mortem aut vulnus. Hinc discite quid dicendum de iudice, qui per iniustam sententiam alium condemnauit ad mortem; aut de teste, qui per falsum testimonium causa fuit iniustæ condemnationis. *tom. 2. fol. 681. num. 6. & 7.*

19. Estne faciendâ restitutio pro vita hominis, vel membro iniuste ablato? Nulla formaliter & ex iustitia debetur restitutio pro vita & membris hominis, cum nullam recipiant æstimationem; videtur tamen ex quadam charitate aliquid restituendum esse arbitrio prudentis, viri aut Confessarij. *ibid. num. 10.*

20. Qui occidit eum qui paulò post morte naturali aut iuste erat occidendus, non tenetur ad restitutionem; quia anticipando tam breui tempore non censetur vllum damnum pecuniarium intulisse: contrarium dicendum si is paulò post iniuste occidendus erat à latrone, vel ab alio. *tom. 2. fol. 682. num. 13.*

21. Homicida qui pœnam talionis soluit, tenetur adhuc, (seu potius illius hæres) refarcire omnia damna per homicidium secuta hæredibus necessariis occisi, si ij exigant; modò tamen occisus antequam decederet ex hac vita, non fecerit expressè remissionem, seu condonationem restitutionis. *ibid. num. 14.*

22. Occidens alium casu, seu committens homicidium casuale, non est propriè homicida, nec tenetur ad restitutionem: hinc fit vt qui inflixit alteri vulnus leue & non lethale, sed vulneratus ex negligentia Medicorum perit, aut perit quia noluit remedia opportuna adhibere, non teneatur ad restitutionem damnorum prouenientium ex morte; quia occisio respectu vulnerantis est

M s

casua

casualis, nec reputatur ac si esset intenta. Similiter ille non est reus homicidij, qui dans operam rei illicitæ, aut etiam licitæ debitam intelligentiam adhibuit, ne aliquod damnum inde sequeretur; & nihilominus inde subsecuta est mors, vel aliud incommodum: hæc enim mors est casualis, cum non sit volita in se, nec in causa: secus si actio illa fuisset periculosa homicidij, nec fuisset adhibita debita diligentia ad illud præcauendum. *ibid. num. 3. & seq.*

23. Occidens alium in ebrietate, non peccat mortaliter, neque tenetur ad restitutionem, si ebrietas non est voluntaria & culpabilis: secus dic de occidente Caium quem putabat esse Titium, quia hæc actio est iniusta contra Caium, seu contra hunc hominem, licet falsò putetur Titius. *tom. 2. fol. 684. num. 7. & 8.*

Honorare.

Vide v. *Decalogus.*

Hora Canonica.

Vide v. *Officium diuinum, Distributiones.*

I

Idololatria.

Vide v. *Decalogus, Superstitio.*

I **I**dololatria (sic dicta ab idolo) est peccatum quo honos seu cultus Dei tribuitur creaturæ, estque peccatum grauissimum ex suo genere, ita vt ab hoc peccato non excuset metus mortis, imò

imò neque ignorantia, quia recta ratio euidenter dictat non esse colendam creaturam loco Dei.

tom. 2. fol. 258. num. 1. & seqq.

2. Ficto animo colens idolum metu mortis, peccat, & committit idololatriam externam, quæ intrinsecè mala est. *ibid. num. 5.*

Ieiunium.

Vide v. *Peccatum.*

1. Ieiunium Ecclesiasticum est voluntaria abstinencia à cibo iuxta præscriptum Ecclesiæ, vel receptam consuetudinem. Dicitur ieiunium abstinencia à cibo, qui principaliter institutus est contra famem, siue cibus sit densus, vt panis, caro, &c. siue liquidus, vt lac, iusculum, amidum, amygdalatum, &c. & non sumitur per modum medicinæ, vel ad conseruandam vocem, vel pellendum oris foetorem. *tom. 2. fol. 488. num. 6. & fol. 489. num. 7.*

2. Qui sapius bibit in die ieiunij ad expellendam famem, non peccat mortaliter contra præceptum ieiunij; fieri tamen potest, vt delictum committat contra temperantiæ virtutem, detque causam ebrietati, quæ, per se loquendo, intrinsecè mala est. Tunc autem cognoscitur quis esse ebrius, quando ratio intercepta est, & prudentia ita confopita, vt vino temulentus non aduertat quid agat, & bonum à malo non discernat. *ibid. num. 8.*

3. Tempore ieiunij abstinendum est à carnibus. Per carnes autem intellige illas quæ à piscibus contradistinguuntur, iuxta communem Christianorum usum aut Medicorum iudicium. An verò tempore ieiunij abstinendum sit à lactici-

niis, standum est legitimę locorum consuetudini.
ibid. num. 1. & fol. 490. num. 2.

4. Obtinens priuilegium comedendi carnes in die ieiunij, per se loquendo, tenetur abstinere à multiplici refectione, modò aliunde non excusetur. Neque adueniente necessitate comedendi cibos vetitos in die ieiunij petenda est licentia, modò necessitas euidentis sit & certa: quod si dubitetur de sufficientia necessitatis, petenda est licentia ab Episcopo, vel parrocho, si Episcopus commodè adiri nequeat. *ibid. num. 3. & 5.*

5. Qui vouit ieiunium, aut cui ieiunium à Confessario iniunctum est, vel à Papa in Iubilæo, potest extra Quadragesimam vesci lacticiiniis, aut aliis cibis, qui iuxta locorum consuetudinem permittuntur in quatuor temporibus anni, & per uigiliis Sanctorum. *tom. 2. fol. 491. n. 6.*

6. Qui ventrem valde replet, satisfacitne præcepto ieiunij? Satisfacit, modò abstineat à cibis vetitis, & à multiplici refectione. *ibid. num. 7.*

7. Vnica refectio præcipitur in die ieiunij, consequenter vnica refectio sumenda est, & abstinendum est à multiplici refectione. Dicitur, *refectione*, quia licita est refectioniuncula in uesperis, modò non adsit excessus in cibi quantitate, habito respectu ad personam & regionum constitutionem; & hæc refectioniuncula non potest sine ueniali, præcisa tamen causa legitima, transferri in tempus matutinum. Quod attinet ad cibi qualitatem sumendam in hac refectioniuncula, præter uvas, nuces, poma vel alia ex saccharo aut melle confecta, licitè etiam sumi potest iusculum (modò non sit ex coctis cibis qui tempore ieiunij interdicuntur,) & comedi pisculus, aut exigua pars piscis.

piscis maioris ; imò multæ res in eadem refectiuncula degustari possunt, modò cibi quantitas non excedatur , & refectiuncula non efficiatur cœna, nec aliud præceptum obstat. Et non solum à mortali, verùm etiam à veniali excusari potest, qui ob urbanitatem, vel preces amici, vel ne potus noceat , exiguum quid sumit in die ieiunij: ex.gr. duas castaneas, duos ficos, vel quid simile, vt fieri potest, dum amicus amicum visitat in die ieiunij. *ibid. num. 1. & seqq.*

8. Qui sapius comedit in die ieiunij , peccat solum mortaliter in secunda refectiuncula, modò non vescatur cibis vetitis. Item qui sapius comedit in die ieiunij, non aduertens esse diem ieiunij, tenetur posita aduertentia ieiunij adhuc ieiunare. *tom. 2. fol. 493. num. 7. & 8.*

9. Inuitans alium ad cœnandum secum in die ieiunij , peccat , etiamsi conuitans non teneatur ieiunare. *tom. 1. fol. 494. num. 9.*

10. Pœnitens in exprimendis peccatis violatione ieiunij perpetratis, tenetur aperire an ieiunij præceptum violauerit anticipatione horæ, an multiplici refectiuncula, & an esu ciborum vetitorum , cum hæc sint diuersa. *tom. 2. fol. 495. num. 11.*

11. Circumstantia & conditio temporis in refectiuncula sumenda in die ieiunij , non tanti æstimatur ab Ecclesia quin aliquando commutari possit , cum ea antiquitus vesperi sumeretur , & nunc sumi soleat circa meridiem ; quamuis iusta de causa, vt causa itineris suscipiendi, licitum est refectiunculam anticipatè sumere; cum circumstantia temporis non videatur de substantia ieiunij. *ibid. num. 1. & seqq.*

12. Qui priuilegium prandendi ante horam consue-

consuetam obtinuit, aut horam prandendi anteverit, tenetur servare ieiunium quoad reliqua. *ibid.num.5.*

13. Obligatio ieiunij potest per consuetudinem legitimam induci & auferri. Quilibet Christianus compos rationis, completo vigesimo primo anno tenetur servare ieiunia ab Ecclesia præscripta & præcepta; neque potest quis per alium ieiunare, quia obligatio ieiunij est personalis; quamquam potest aliquis pro alio ita ieiunare, ut satisfactio ieiunij prosit illi pro quo ieiunavit. *tom.2. fol.496.num.2. & fol.497. num.1. & 2.*

14. Qui aliquo die ieiunare non potest, non tenetur aliquid loco ieiunij facere, vel alio die ieiunare, nisi fortè virtute alicuius privilegij transtulerit ieiunium in aliam diem, quo privilegio gaudere fratres Minores asserit Rodriquez *in summ.1.part.cap.23.num.1.sub finem.* In ieiunio debito ex voto standum est intentioni voventis, qui legem sibi & obligationem imponit. *ibid.num.3. & 4.*

15. Religiosi non tenentur ad ieiunia ab Episcopis indicta, vel per consuetudinem particularem introducta: secus ad recepta per consuetudinem generalem, quia consuetudo generalis omnes generaliter obligat, ergo etiam religiosos. *ibid.num.5.*

16. Viatores & advenæ, per se loquendo, non tenentur ieiuniis locorum per quæ transeunt, nisi decreuerint eo loci maiore anni parte commorari. *tom.2.fol.498.num.6.*

Causa

Causæ excusantes à ieiunio.

17. Impotentia tam physica quàm moralis excusat à ieiunio. Excusantur similiter infirmi & conualescentes, fœminæ gravidæ, (hæ tamen non excusantur à carnibus, nisi forte sit vehemens appetitus) senes septuagenarij, imò & sexagenarij quando valde debiles sunt; pauperes quoque non habentes alimentum sufficiens ad unicam refectionem excusantur: item & pueri, adolescentisque qui vigesimum primum annum nondum compleverunt, modò non sint religiosi professi, tenentur tamen à cibis vetitis abstinere, Item grauis labor excusat à ieiunio, consequenter fabri ferrarij, vel lignarij, agricolæ, cœmentarij, textores, pistores, sutores excusantur à ieiunio, dum seruiliter laborant, etiam si necessitatem non habeant seruiliter laborandi. Excusantur præterea longum iter pedestre, v. g. quindecim aut viginti miliarium suscipientes; secus dicendum de barbitonforibus, sartoribus, pictoribus & scholaribus, qui q̄b laborem præcisè non excusantur. *rom. 2. fol. 498. num. 1. & seq.*

18. Denique non tenetur ad ieiunium, qui officio suo fungi non potest tum ieiunio, & opera pietatis quæ cum ieiunio præstari non possunt, excusant à ieiunio. *rom. 2. fol. 500. num. 13.*

19. Præterea à ieiunio excusatur similiter vxor, quæ ob timorem prauæ valetudinis, aut deformitatis, vel metu viri non permittitur ieiunare: secus si non permittatur ieiunare in contemptum Ecclesiæ, aut religionis; quia Ecclesia sicut non præsumitur velle impedire opera necessaria, ita neque opera debita. *ibid. num. 14.*

20. Non

20. Non excusatur à ieiunio qui magis vexatur tentationibus carnis ieiunando, quàm non ieiunando, quia huiusmodi tentationes per accidens sequuntur, nec est malum vexari à tentationibus, sed vinci; vinci autem possunt aliis mediis quàm omissione ieiunij. *ibid. num. 15.*

21. Petes, an qui die ieiunij complet vigesimum primum annum, teneatur eo die ieiunare? Non tenetur, nondum completa hora quæ complet vigesimum primum annum. Qui verò rationabiliter dubitat an expleuerit vigesimum primum annum, non tenetur ad ieiunium Ecclesiasticum; secus dicendum de eo qui dubiam habet non ieiunandi causam, is enim tenetur ieiunare, nisi dispensationem obtineat; vel nisi dubium deponat consilio parochi, vel Confessarij, vel alterius viri boni. *ibid. num. 16. & 17.*

22. Denique qui ieiunium bona fide non seruat, putans se iustam non ieiunandi causam habere, non peccat; vt dictum est. *tom. 2. fol. 501. num. 20.* Vide v. *Peccatum.*

Immunitas locorum sacrorum.

Vide v. *Sacrilegium.*

1. Immunitas Ecclesiastica quoad locum, est exemptio seu priuilegium Ecclesiæ, seu Templo concessum, vt ibi existentes, tuti sint à laica potestate; quamquam possunt extra locum sacrum ab illa obsideri, vt capiantur dum se recipient extra illum; impediri tamen non possunt ne ad illos deferantur ea quæ ad victum necessaria sunt. Imò immunitas existenti in Ecclesia adeò suffragatur, vt à laica potestate custodiri nequeat, donec declaretur an Ecclesiastica immunitate gaudeat.

deat. Aduerte tamen immunitatem non sic prodesse confugienti ad Ecclesiam, ita ut bonis quæ extra Ecclesiam possidet, spoliari non possit, quoties citatus à iudice ad comparandum, negligit comparere. *tom.2.fol.276.num.1. & fol.277.num.1. & seqq. item fol.278.num.9.*

2. Prælati Ecclesiarum aliquando possunt laicorum auxilium implorare, vel etiam clericorum opera uti ad tuendam Ecclesiam. *tom.2.fol.277.num.3.*

3. Existens in Ecclesia ligari non potest auctoritate iudicis sæcularis, neque damnari ad poenam, vel ad mortem corporalem; & si extrahatur, restituendus est Ecclesiæ eidem, vel alteri in qua æquè tutus esse possit, vel Episcopo. Et hoc valet, etiamsi extractus ipse iuri suo sponte cedere velit. Neque iudex satisfacit dando cautionem de impuritate extracti ab Ecclesiâ, sed tenetur reum Ecclesiæ restituere, licet post extractionem patrauerit delictum pertinens ad forum sæculare. Denique actus, quo delinquens per vim extrahitur à loco sacro per iudicem sæcularem iuridicè nullus est, nec potest iuridicè interrogari. *tom.2.fol.278.num.7. & seqq. item fol.279.num.13. & seqq.*

4. Dum satellites fatentur se aliquem cœpisse in loco profano, reus verò asserit se captum in loco sacro, standum est iudicio prudentis iudicis qui rem diiudicare debet ex coniecturis, ut si omnes satellites id affirmant, præsertim eorum dux, si non cœperint accepto stipendio, si alij affirmant ipsum captum fuisse in loco profano; & hoc decidere pertinet ad iudicem Ecclesiasticum. *tom.2.fol.279.num.15. & 16.*

5. Immunitas Ecclesiastica competit oratorio,
aut

aut Ecclesiæ auctoritate Episcopi fundatæ & consecratæ , præsertim si in ea diuina officia celebrentur. Et hoc valet , etiamsi nondum sit benedicta , aut in ea nondum celebrata sint diuina officia, aut etiamsi polluta aut interdicta sit , aut diruta. Ecclesiæ autem nomine venit tota Ecclesiæ fabrica, fines seu confinia illius vsque ad quadraginta passus , & consequenter Parochorum, Canoniorum, aliorumque Ecclesiasticorum domus existentes intra triginta passus prope ; qui passus desumendi sunt à muro Ecclesiæ, & quilibet passus complectitur mensuram quinque pedum, pes autem mensuram quindecim , vel sexdecim ad summum digitorum transversorum.
tom. 2. fol. 280. n. 1. & seq.

6. Monasteria , domus religiosorum, palatium Episcopi , & domus Cardinalium saltem intra oratorij ambitum (quamquam id non seruari nunc in vrbe Roma multi asserunt) gaudent immunitate Ecclesiastica. *tom. 2. fol. 281. num. 10. & 11. item fol. 282. num. 12.*

Immunitas illi suffragatur , quem satellites insequiebantur ad capiendum, sed reus fugiens in Ecclesiam se recepit, vel clausas Ecclesiæ ianuas, vel serram , vel quid simile apprehendit , neque extrahi potest per eam pallij partem quæ extra locum sacrum existit. At immunitas non suffragatur illi , qui iam captus ducitur per locum sacrum , neque illi qui se ipsum voluntarie offert iudici, & à loco sacro recedit. Item non violatur immunitas , dum capitur is qui semel aufugit à carceribus Ecclesiasticis , vel etiam secularibus, in quibus nomine Episcopi detinebatur , neque dum capitur extra locum sacrum is quem iudex blanditiis aut promissionibus à loco sacro extrahit;

xit ; violaretur tamen capiendo eum, quem priuatus extraxit è loco sacro, absque iudicis vel satellitum opera. *tom. 2. fol. 282. num. 17. & fol. 283. num. 19. & seq.*

7. Sacerdos deferens Eucharistiam, in rigore loquendo, non gaudet immunitate locorum sacrorum, quamquam licitè capi non potest ob reuerentiam iure diuino debitam corpori Christi, cui nulla res præferri debet. *ibid. num. 27.*

8. Omnes fideles cuiuscunque conditionis & ordinis, exceptis casibus in iure expressis, immunitatis priuilegio gaudent. Et hoc valet, etiamsi fidelis sit interdictus, aut excommunicatus, aut clericus; is enim priuilegio immunitatis gaudet in iis casibus, in quibus aliàs à laica potestate capi potest; potest tamen à ministris Ecclesiasticis extrahi à loco sacro in iis casibus in quibus laici à laica potestate extrahi non possunt, quamquam multi Doctores oppositum sentiant. *tom. 2. fol. 284. num. 1. & seq.*

9. Debitorum quoque in loco sacro existentes gaudent immunitate, sicut & fures etiam famosi, item & raptores virginum, homicidæ, modò non occidant proditoriè, vel in Ecclesia; sacrilegi aut periuri, simoniaci, blasphemæ, sodomitæ, exules seu banniti, modò non commiserint delictum immunitate priuans, item & adulteri gaudent immunitate; secus dicendum de latronibus publicis, seu iis qui violenter in itineribus publicis aggrediuntur & deprædantur, de grassatoribus viarum, & depopulatoribus agrorum, seu iis qui diripiunt alienos agros, id est qui segetes, seu fructus surripiunt, & agros aut vineas vastant. *tom. 2. fol. 285. num. 6. & seq.*

10. Monetarum tonsores, & fures sine armis,
aut

aut violentia surripientes, non videntur priuari priuilegio immunitatis, iuxta constitutionem Gregorij XIV. quia non sunt publici latrones. *tom.2. fol.287. num.4.*

11. Homicidæ aut mutilatores in Ecclesiis, vel earum cœmeteriis, priuantur immunitate. Amplia etiam si qui occidit, aut mutilat, sit extra Ecclesiam, & occidat pila plumbea, vel saxo: nam dicitur in Ecclesia delictum mutilationis, vel occisionis committere; secus dicendum de eo qui dum est in Ecclesia occidit aliquem extra Ecclesiam existentem. *tom.2. fol.288. num.1. & seqq.*

12. Vulnerans lethaliter aliquem in Ecclesia, priuatur immunitate, si vulneratus ob id moritur in Ecclesia, aut extra Ecclesiam, quia delictum homicidij censetur commissum in Ecclesia. Aduerte tamen mutilantem, aut occidentem in Ecclesia non posse ob alia delicta in ea capi, nisi simul etiam capiatur ob delictum mutilationis, vel homicidij, nondum punitum; quia ob alia delicta non datur facultas extrahendi. *tom.2. fol.289. num.8. & 9.*

13. Mandans homicidium vel mutilationem in Ecclesia, non priuatur immunitate, quidquid dicant alij in contrarium, quia nulla fit mentio mandantium, aut consulentium. *ibid. n. 10.*

14. Proditorie occidentes proximum suum, priuilegio immunitatis carent, siue occiderint fustibus, siue ferro, siue veneno, siue alia ratione. Ille autem dicitur proditorie aliquem occidere, qui aliquem occidit id non prœuidentem, seu qui aliquem occidit cum quo amicitiam simulabat, seu qui dolose aliquem seducit ut occidat: propterea immunitate caret is qui occidit eum cui
se

se tanquam socium & amicum coniunxerat; secus dicendum de occidente inimicum iam sibi reconciliatum, si occidat ob nouam causam: & de procurante abortum fœtus animati, is enim iuxta probabiliorem sententiam non caret immunitate etiam secuto abortu; sicut nec Medicus præbendo pharmacum infirmo, ex quo mors sequatur præter intentionem. *tom. 2. fol. 290. num. 1. & seqq. item fol. 291. num. 5. & seqq.*

15. Occidens proditoriè infidelem, non priuatur immunitate, iuxta nonnullorum sententiam, cum infidelis, strictè loquendo, non videatur noster proximus, quia nobiscum non communicat in fide, in sacramentis, & in Ecclesia. *ibid. num. 6.*

16. Assassini, seu ij qui pecunia aut alio pretio accepto vel promisso, conducti præmio mandato, occidunt homines incautos, & nihil tale ab eis præcogitantes, priuantur immunitate, sicut & qui iis cooperantur. Hinc collige assassinum eum non vocari, qui, sine pretio, vel eius promissione aliquem occidit, neque qui eum aduersarium occidit sociis pecunia conductis; nam hic non occidit incautum. *tom. 2. fol. 291. num. 1. & seqq. item fol. 292. num. 5. & 6.*

17. Iudex aut testis priuatur immunitate, si pecunia accepta in causa sint ut innocens ad mortem damnetur, quamuis multi non improbabili-ter contrarium adstruant. *ibid. num. 8.*

18. Hæreticus ob hæresim caret immunitate, sed non ob alia crimina distincta ab hæresi. Infideles quoque gaudent immunitate, saltem dum ex animo Baptismum petiuerunt. *tom. 2. fol. 293. num. 1. & seqq.*

19. Rei criminis læsæ maiestatis in personam Principis, seu illius qui Superiorem in sua iurisdictione

ditione non agnoscit, priuilegio immunitatis non gaudent. Tunc autem committitur crimen læsæ maiestatis, quando exercetur actio in damnum & offensam personæ Principis, vt occidendo, vulnerando, percutiendo, coniuuando, machinando, hostiliter insequendo personam Principis, reuelando hostibus secretum Principis, vt ab ipsis capiatur. Idem dic de consulentibus, auxiliantibus, fauorem præstantibus; etiam effectu non secuto. *tom. 2. fol. 294. num. 1. & seqq. & fol. 295. num. 11.*

20. Prælati locorum tenentur delinquentes ad locos sacros confugientes tradere curiæ sæculari eos requirenti, modò constet de delicto priuante immunitate. *tom. 2. fol. 296. num. 1.*

21. Antequam delinquens qui ad locum sacrum confugerat, curiæ sæculari tradatur, debet obtineri ab Episcopo, vel ab eius officiali, seu Vicario generali, facultas expressa capiendi & extrahendi delinquentem: debetque præterea Episcopo constare de delicto antequam concedat facultatem extrahendi. Neque tenetur Episcopus stare processui factò à laica potestate, dum quaeritur vtrum delinquens gaudeat immunitate Ecclesiastica; tenetur tamen seruare solemnitates iuris, sed non exigere cautionem de vita delinquentis, quem foro sæculari tradit ob delictum priuans immunitate. *ibid. num. 4. & fol. 297. n. 8. & seqq. item fol. 298. num. 12.*

22. Violator immunitatis Ecclesiasticæ per extractionem delinquentis à loco sacro, peccat peccato sacrilegij, & peccato iniustitiæ; consequenter qui per vim extrahit delinquentem, tenetur ad restitutionem omnium damnorum, quæ inde passus est delinquens. *ibid. num. 1.*

23. Immu

23. Immunitatem violans attentando aliquem capere, vel extrahere è loco sacro, incurrit excommunicationem, etiam effectu non secuto. Idem dic de mandante, & de iudice nolente extractum ab Ecclesia restituere. Imò iudex in carcerem coniiciens aliquem per vim extractum à personis priuatis, excommunicationem incurrit, etiamsi ipse particeps non fuerit extractionis. *tom. 2. fol. 300. num. 4. & seqq. item fol. 301. n. 10.*

24. Episcopus aliique Prælati extrahentes, vel extrahi mandantes aliquem non seruata forma Bullæ Gregorij XIV. excommunicationem incurrunt, quoties auctoritate laica faciunt, seu quatenus sunt domini temporales. Quod si renuant laico iudici concedere facultatem extrahendi aliquem in loco sacro existentem, nullam quidem excommunicationem incurrunt, debent tamen extrahendi facultatem concedere. *ibid. num. 11. & 12.*

25. Immunitatis violatores non seruantes constitutionem Gregorij non excusantur etiam in iis locis, in quibus delinquentes extrahebantur absque debita licentia ante Gregorij constitutionem; imò hæc constitutio seruanda est, etiam vbi non est acceptata, neque consuetudo contraria potest auferre priuilegium immunitatis; sed sola ignorantia excusat ab hac censura. *ibid. num. 1. & seq.*

26. Nullus Confessarius potest absolutionem à censura contracta ob violatam Ecclesiæ immunitatem, virtute alicuius priuilegij conferre, nisi facultatem ad hunc effectum obtinuerit post decretum Clementis VIII. Probabile tamè est posse Episcopum absoluerè, modò facta sit restitutio, & satisfactio à delinquente. *tom. 2. fol. 303. n. 1. & 2.*

Impe

*Impotentia.*Vide v. *Matrimonium.**Incestus.*Vide v. *Matrimonium.*

1. Incestus est congressus cum persona cognata intra gradus, in quibus non potest celebrari matrimonium, de quibus vide v. *Matrimonium*. Eò grauius est hoc peccatum, quò persona cum qua copula habetur est magis coniuncta. *tom. I. fol. 469. num. 5.*
2. Omnes gradus & omnes incestus sunt eiusdem speciei, quidquid sentiant multi DD. in contrarium. Gradus incestus exprimendus est in confessione. *ibid. num. 6. & fol. 470. num. 7.*
3. Confessarius cognoscens carnaliter peccantem, non committit incestum, modò Confessarius non sit proprius parochus à quo receptus sit Baptismus: committit tamen speciale peccatum parochus habens copulam cum sua parochiana: nam peccat contra proprium officium, vi cuius tenetur procurare salutem suorum parochianorum. *ibid. num. 10.*
4. Incestus commissus cum consanguinea uxoris duos saltem parit effectus; quippe ut ille qui commisit incestum, non possit petere debitum à suo coniuge; utque post mortem uxoris non possit aliam ducere absque dispensatione. *tom. I. fol. 471. num. 11.*

*Indulgentia & suffragia.*Vide v. *Suffragium, Episcopus.*

1. Indul

1. Indulgentia est relaxatio pœnæ temporalis debitæ pro peccatis actualibus iam dimissis, concessa homini existenti in gratia à Prælato per applicationem thesauri Ecclesiastici. Indulgentia extendi potest ad remissionem peccatorum, non solum commissorum ante, verum etiam post ipsius concessionem. *tom.1.fol.287.num.1.*

¶ 2.

2. In operibus hominis iusti meritum non communicatur aliis, satisfactio verò potest communicari, quando plus satisfecerunt quam ipsi indigeant: vocanturque satisfactiones superabundantes. Tanta autem est copia harum satisfactionum superabundantium & thesauri Ecclesiæ, ut superet & superabundet pœnas hominibus debitas: cum vna gutta sanguinis Christi sufficiat ad delenda omnia peccata, & nunquam per indulgentias absumeretur satisfactio Christi. *tom.1.fol.288.num.3. & 4.*

3. Thesaurus satisfactionum extitit etiam in veteri lege ante passionem, vel aduentum Christi; (nam aliqui ante Christi aduentum magnas & exuberantes satisfactiones præstiterunt, sicut aliqui testantur de Abel,) vsus tamen huius thesauri non fuit in veteri lege, quia nondum aperta erat ianua cœli, & Christus nondum contulerat facultatem distribuendi thesaurum, quam postea communicavit Petro. *ibid.num.6.*

4. Indulgentia diuiditur in plenariam & temporalem, seu in eam, qua remittitur tota pœna simpliciter, vel in aliquo certo genere, & in eam, qua non remittitur tota pœna, sed tanta quanta in Bullis exprimitur. *ibid.num.1.*

5. Quando in Bullis conceditur indulgentia septem annorum, sensus est hominem qui con-

N

sequi

sequitur talem indulgentiam, obtinere tantam pœnæ remissionem, quantam obtinuisset, si tanto tempore pœnitentias iuxta Canones egisset. Hac occasione obserua non omnes eodem tempore in purgatorio commorari, sed aliquos diutius cum leui pœna ibi commorari, aliquos breuius, sed cum maiori cruciatu & afflictione, habita ratione grauitatis delictorum. *ibid. n. 2. & 3.*

6. Ex dictis sequitur, quando alicui conceditur indulgentia de pœnitentiis iniunctis, tantam concedi pœnæ remissionem, quanta respondet pœnitentiis taxatis à Confessario, & à sacris Canonibus pro talibus peccatis. *tom. 1. fol. 289. num. 4.*

7. Iubilæus non differt ab indulgentia plenaria & plenissima. *ibid. num. 5.*

8. Solus Summus Pontifex potest primariò concedere indulgentias: alij verò quatenus ipsis conceditur à Summo Pontifice, vtpote Christi & Petri successore. Quare non potest Episcopus primariò & vltra limites ipsi præscriptos indulgentias concedere: prædictæ tamen indulgentiæ non erunt irritæ in totum, sed quoad excessum tantum. *ibid. num. 1. & fol. 290. num. 2. & seqq.*

9. Episcopi non possunt indulgentiam concedere pro mortuis, quia ipsorum facultas videtur à Sede Apostolica restricta ad subditos Episcoporum degentes in hac vita. *ibid. num. 5.*

10. Episcopus tantum electus, & nondum consecratus, potest indulgentias concedere: quia concessio indulgentiarum est actus iurisdictionis, qui potest exerceri ab Episcopo non consecrato. Idem dic à pari de Summo Pontifice, & Abbate electo, si nondum sit consecratus. *ibid. num. 6. & 7.*

11. Episco

11. Episcopus excommunicatus denunciatus non potest indulgentias concedere; nam caret usu iurisdictionis: secus dicendum si tantum in peccato mortali existat. *ibid.num.8. & 9.*

12. Facultatem indulgentias concedendi potest Episcopus non solum suo Vicario, verum etiam clerico demandare: hæc tamen potestas non potest ab Episcopo concedi laico, qui iure humano remouetur à muneribus Ecclesiasticis: posset tamen Summus Pontifex de plenitudine suæ potestatis delegare laico hanc facultatem concedendi indulgentias. *ibid.num.10. & 11. item fol.291.num.12. & 13.*

13. Episcopus potest religiosis indulgentias concedere, iuxta suam facultatem: nam religiosis licitum est in hac parte subiicere se Episcopis. *ibid.n.15.*

14. Episcopus potest gaudere & frui indulgentiis quas aliis concessit; cum non sit deterioris conditionis aliis: potestque sibi indulgentias immediatè concedere. *ibid.num.16.*

15. Abbas seu Superior religiosorum potest alios efficere participes satisfactionum, & orationum quæ fiunt in religione; quia Prælati possunt præcepto & intentione reservare partem satisfactionis subditorum, conferendam iis quos ipsi designant: secus dicendum si satisfactio subdito necessaria sit; nam tunc Prælatus nequit eam in præiudicium spirituale sui subditi alteri applicare. *ibid.num.19. & 21.*

16. Laici, clerici, aut etiam Cardinales non Episcopi, & Capitulum Ecclesiæ Cathedralis Sede vacante nequeunt indulgentias concedere, ut patet ex supradictis. *ibid.num.12. & 23.*

17. Parochus aut Abbas Episcopo inferior non
N 2 possunt

possunt indulgentias concedere. *tom. 1. fol. 291. num. 25. & 26.*

18. Ad concedendas indulgentias necessaria est causa rationabilis, quæ contineri potest in quolibet actu pio externo, vel interno; ex quo aliqua Ecclesiæ utilitas & gloria diuina redundet. Potest tamen Summus Pontifex aliquando indulgentias absolutè concedere, nullum opus requirendo: ut si defuncto optimè de Ecclesia merito indulgentiam concedat, ut alios hoc pacto trahat ad consimilia merita. *ibid. num. 1.*

& seq.

19. Quando dubitatur an Summus Pontifex iustam habuerit causam concedendi indulgentias, censendus est iustam habuisse causam. *tom. 1. fol. 293. num. 7.*

20. Necessè est ut susceptor indulgentiarum sit homo fidelis, viator, in gratia existens. Hinc exclude infideles nondum baptizatos, & etiam baptizatos, hæreticos, & apostatas. *ibid. num. 1.*

& 2.

21. Susceptor indulgentiarum non debet necessariò esse in gratia per confessionem, sed sufficit ut existat per contritionem, modò in Bulla non exprimaturs confessio: nam tunc necessaria est confessio, saltem quando susceptor commisit aliquod peccatum mortale post confessionem: secus dicendum si habeat tantum peccata venialia, existatque in gratia. Non est ita statuendum de communione, nam communio requiritur tanquam conditio ad consequendam indulgentiam. *tom. 1. fol. 294. num. 5. & seq.*

22. Non tenetur iterum confiteri ut consequatur indulgentiam, qui tempore Iubilæi confessus est, sed postea committit peccatum antequam

quam cætera in Iubilæo præscripta adimpleat: sed sufficit ut de illo peccato commissio contritionis actum eliciat. *tom. 1. fol. 295. num. 9.*

23. Non est necesse ut præstans opera præscripta ad consequendam indulgentiam, sit in gratia toto tempore quo singula opera præstat, sed sufficit ut sit in gratia, dum facit ultimum opus, quo posito conceditur indulgentia: hinc ieiunans in peccato, obtinet indulgentiam, si in fine diei peccati remissionem obtineat. *ibid. num. 10. & 11.*

24. Qui præstitit omnia opera, vel saltem ultimum opus in peccato mortali, non consequitur indulgentiam remoto peccato per pœnitentiam, quia in concessione indulgentiæ non dicitur quod recedente fictione seu peccato ea obtineatur. *ibid. num. 13.*

25. Necesse est, ut qui suscepturus est indulgentiam, præstet ea quæ præscripta sunt à Superiore in concessione indulgentiæ, quia Superior concedit indulgentiam sub conditione talis operis, quo non adimpleto, non obtinetur indulgentia: ita ut qui faceret eleemosynam solum ob vanam gloriam, non consequeretur indulgentiam concessam facienti eleemosynam, cuius dationis finis debet esse honestus. *tom. 1. fol. 296. num. 14. & 15.*

26. Adolescens qui nondum peruenit ad vigesimum primum annum, nondumque ex præcepto Ecclesiæ tenetur ad ieiunium, non consequitur Iubilæum, nisi ieiunet, quoties in Iubilæo præscribitur ieiunium: licitum tamen erit extra Quadragesimam vesci ovium & lacticiis, iuxta locorum consuetudinem. *ibid. num. 16.*

27. Prætermittentes confessionem, vel aliud

opus etiam ob iustam causam, tempore Iubilæi, non consequuntur Iubilæum. *ibid. num. 17.*

28. Si eleemosyna danda præcipiatur in Iubilæo, pro qualibet parua eleemosyna obtinetur indulgentia, nisi exprimatur in Bulla, pro cuiuslibet facultate. *ibid. num. 18.*

29. Tam consequitur indulgentiam paruum iter faciens pro ea lucranda, quàm qui magnum peragit, quia facit id quod est iniunctum.

30. Qui partem iniuncti operis præstitit aliis omisissis, non consequitur indulgentiam, nec in totum nec in partem, nisi aliter exprimatur in Bulla; secus dicendum de eo qui leuem tantummodò partem operis iniuncti prætermittit: nam parum pro nihilo reputatur. *ibid. num. 20. & fol. 197. num. 21.*

41. Præcipiens famulo ut daret eleemosynam, non consequitur indulgentiam, famulo eleemosynam non impendente: similiter non obtinetur indulgentia inchoato, sed non completo opere præscripto. *ibid. num. 22. & 23.*

32. Qui cupit indulgentiam consequi, debet opus præscriptum per se ipsum adimplere: talis enim est mens & intentio concedentis *ibid. num. 24.*

33. Cupiens præterea indulgentiam obtinere concessam visitantibus quinque altaria, non tenetur singula accedere, sed sufficit ut ex eodem loco oret versus quinque altaria. Sicuti & qui orat ante fores Ecclesiæ, obtinet indulgentiam, si Ecclesiam ingredi nequeat. *ibid. num. 25. & 26.*

34. Prætermittens aliquem actum quem credebatur probabiliter non esse necessarium, non
consequitur

consequitur indulgentiam, si talis actus re ipsa necessarius est ad lucrandam indulgentiam. *ibid. num. 27.*

35. Indulgentia obtineri potest per opus internum, si concedens velit fieri opus aliquod internum. *ibid. num. 28.*

36. Quæres an vno & eodem actu, seu eadem oratione consequi possimus indulgentias diuersis viis concessas? Respond. standum esse intentioni concedentis indulgentias, à quo pendet concessio indulgentiæ. *ibid. num. 29.*

37. Qui plura habet grana benedicta cum privilegio eiusdem indulgentiæ, lucratur indulgentiam, ad quam consequendam suam determinauit intentionem. *tom. 1. fol. 298. num. 30.*

38. Potest quis vno & eodem tempore diuersis actibus consequi plures indulgentias, quoties vnus actus non impedit alium, sed vterque simul subsistere potest: similiter potest aliquis sæpius eodem die consequi indulgentiam concessam visitantibus Ecclesiam tali die, modò indulgentia concessa sit absque temporis determinatione & absolutè. Ratio est, quia qui præstat opus præscriptum ad consequendam indulgentiam, illam consequitur. *ibid. num. 31. & 32.*

39. Qui non est consecutus indulgentiam propter aliquem actum, potest iterum actum præscriptum facere ad eam consequendam, modò tempus nondum sit elapsum. *tom. 1. fol. 299. num. 33.*

40. An volens Iubilæum obtinere, debeat omnia pia opera præscripta vna & eadem hebdomada præstare, controuertitur inter Doctores. Non opus esse maior pars asserit. *ibid. num. 34.*

41. Qui legitimè fuit impeditus primis duabus hebdomadis , potest Iubilæum consequi transactis duabus hebdomadis , seruata tamen formula à Summo Pontifice in Iubilæo præscripta. *ibid. num. 36.*

Indulgentia pro defunctis.

42. Datur purgatorium in quo animæ detinentur, donec persoluerint pœnas peccatis debitas , pro quibus in hac vita non præstitere satisfactionem. ita enim postulat ratio diuinæ iustitiæ , quæ vult vt aliquis non euolet ad cœlum cum obligatione ad pœnam. *tom. 1. fol. 300. num. 1.*

43. Animæ duplicem pœnam patiuntur , scilicet pœnam damni quæ consistit in priuatione visionis Dei , & est præcipua ; & pœnam sensus , tum quatenus tristantur animæ ob carentiam diuinæ visionis , tum quatenus vero igne torquentur. quod qua ratione fiat, an quatenus animæ inuoluntariè alligatæ sunt ad ignem , an per qualitatem ipsis disconuenientem , & doloris causatiuam productam in illis per ignem, non est huius loci examinare. *ibid. num. 2. & 3.*

44. Indulgentiæ quamuis plenariæ concessæ à Summo Pontifice pro defunctis , prosunt defunctis per modum suffragij , non per modum iudicij & auctoritatis, modò applicentur defunctis in gratia existentibus. Inferiores Summo Pontifice non possunt indulgentias plenarias pro defunctis concedere, vt paulò ante ostendi. *ibid. num. 4. & 5.*

45. Indulgentiæ prosunt defunctis , concessæ non per modum iudicij & auctoritatis , sed per modum

modum suffragij, id est per modum auxilij & adiutorij Ecclesiastici illis applicati, iuxta intentionem ipsius applicantis. Obserua tamen, quando Papa concedit indulgentiam pro omnibus fidelibus, non comprehendendi defunctos. hinc collige animabus in purgatorio existentibus non applicari indulgentiam directè, sicut applicantur viatoribus, sed per modum suffragij; damnatis verò nullo modo prodesse, quia in inferno nulla est redemptio: sicuti nec etiam beatis; beati enim nullam habent obligationem ad pœnam, pro qua satisfaciendum sit per indulgentias. *ibid. num. 6. & fol. 301. num. 7. & seq.*

46. Ut defunctus fruatur indulgentiis, debet esse in gratia; cum non possit remitti pœna, nondum remissa culpa; qui verò facit opus ad consequendam indulgentiam pro defuncto, non est necesse ut sit in gratia: facit enim opus, quo posito Summus Pontifex applicat defuncto indulgentiam, id est satisfactionem Christi & Sanctorum. *ibid. num. 11.*

47. Homo in hac vita degens, potest alteri homini adhuc viuenti, indulgentiam lucrari: si hoc in Bulla exprimatur. *ibid. num. 12.*

48. Quando in concessione indulgentiæ habentur hæc verba: *Qui hoc fecerit, tantam indulgentiam consequatur*, non potest aliis applicari nam valet tantum, quantum sonat: & ob eandem rationem indulgentia pro defuncto accepta, tantum illi prodest, quantum prodesset accipienti, si eam pro se ipso accepisset. *ibid. num. 13. & 14.*

49. Indulgentiæ etiam plenariæ pro vno & eodem defuncto multoties accipi consueverunt, quia fieri potest ut defectus intercesserit, vel ex

parte concessionis indulgentiæ, vel ex parte accipientis indulgentiam: præterea vt Deus non acceptarit indulgentiam. *ibid. num. 15.*

50. Animæ in purgatorio existentes, certiores fiunt, & cognoscunt per angelos custodes indulgentias, & suffragia sibi applicari, memorésque existunt beneficij accepti orando Deum pro applicantibus. *tom. 1. fol. 302. num. 16.*

51. Moriens accepta indulgentia plenaria statim in cælum euolat absque dilatione & mora. *ibid. num. 2.*

52. Concessio indulgentiæ quando constat de potestate concedentis, latè explicanda est, quantum verborum sensus patitur: est enim fauor & privilegiùm Principis Ecclesiæ, quod latam interpretationem admittit. *ibid. num. 4.*

53. Indulgentiæ tamdiu durant, quamdiu concedens eas voluerit durare, & non ultra. Vnde collige indulgentiam absolutè & simpliciter concessam, per se loquendo, perpetuò durare: cum enim Superior non limitet, non est cur limitemus; consequenter non expirat morte concedentis. *tom. 1. fol. 303. num. 1. & 2.*

54. Indulgentiæ concessæ alicui loco absque limitatione temporis, tamdiu durant, quamdiu durat locus. *tom. 1. fol. 304. num. 4.*

55. Similiter indulgentia quæ alicui templo directè fuit concessa, & non ipsi situi seu solo, adhuc perseverat, si templum debita auctoritate aliò transferatur. *ibid. num. 5.*

56. Non solum concedens, verum etiam ipsius successor in dignitate, potest indulgentias ab antecessore concessas reuocare: nam successor reputatur moraliter vna persona cum cōcedente, cum succedat cum eadem auctoritate. *ibid. num. 7.*

57. Si

57. Si Summus Pontifex indulgentiam reuocet, indulgentia non statim extinguatur, antequam reuocatio perueniat ad aures eorum, quibus concessa fuerat. *ibid.num.8.*

58. Cessante causa propter quam concessa fuit indulgentia, non cessat indulgentia, quia indulgentia perpetua concedi potest ob causam temporalem; ergo indulgentia non cessat cessante causa. *tom.1.fol.305.num.9.*

59. Indulgentia pro mortis articulo concessa, non cessat, si semel obtineatur, valétque pro quolibet mortis articulo. *ibid.num.11.*

60. Indulgentia concessa vna tantum vice pro mortis articulo, percipi solum potest in vero mortis articulo: si tamen in concessione indulgentiæ præscribatur ministerium Confessarij, huiusmodi indulgentia accipi potest non solum in vero, verum etiam in præsumpto & probabili mortis articulo. *ibid.num.12.*

61. Habens facultatem eligendi Confessarium, qui vigore indulgentiæ potest illum absolueré, capax est indulgentiæ & absolutionis, etiamsi sensibus destituatur. *ibid.num.13.*

62. Non est præscripta certa & determinata, verborum forma ad concedendam indulgentiam in articulo mortis, aut alia occasione. *ibid.num.14.*

Suffragium.

63. Fideles, dum in hac vita degunt, non solum possunt se inuicem iuuare suffragiis, verum etiam adiuuare possunt defunctos satisfaciendo pro pœna ipsis debita. *tom.1.fol.306.num.1.*

64. Suffragia quæ à fidelibus in hac vita fiunt
N 6 pro

pro defunctis, non profunt ea offerentibus, quatenus sunt satisfactoria (cum ea alteri applicentur,) sed profunt quatenus meritoria. *ibid. num. 2.*

65. Satisfactio non habet effectum infallibilem in eo, cui applicatur, quia non satis nobis constat Deum infallibiliter acceptare satisfactiones pro aliis. *ibid. num. 3.*

66. Ut suffragium prosit alteri, debet offerens habere intentionem offerendi pro eo cui prodest. Debet præterea opus fieri ab homine viatore in hac vita existente, & quidem voluntariè: ob id enim satisfactio differt à satisfactione. *ibid. n. 2. & seqq.*

67. His adde, ut opus satisfactorium ex opere operantis factum ab aliquo in persona propria prosit alteri ad satisfactionem, requiri ut operans sit in gratia, prodest tamen etiam ex opere operato. Denique opus debet esse bonum, saltem ratione intentionis, siue sit opus internum, siue externum. *tom. 1. fol. 307. num. 5. & 6.*

68. Nomine *Ecclesia* censetur quis orare, quando preces & orationes institutas ab Ecclesia recitat ut minister deputatus ad hoc ex præcepto, vel ordinatione. *ibid. num. 7.*

69. Opus quod ab vno mandatur, & ab altero adimpletur, non est satisfactorium, dum vterque existit in peccato mortali: valet tamen, si præcipiens sit in gratia, & exequens in peccato mortali, modò exequens non sit causa proxima illius operis. *ibid. num. 8. & 9.*

70. Quando opera fiunt per alium tanquam per instrumentum, sunt satisfactoria, quamvis ille qui ea facit, sit in peccato mortali. *ibid. num. 10.*

71. Qui

71. Qui ex iniuncta poenitentia, seu alio titulo tenetur suffragium applicare defuncto, debet iterum opus præstare, si semel cum peccato præstitit; & illud non offert nomine Ecclesiæ, sed applicat in persona propria. *ibid. num. 11.*

72. Is ex cuius parte suffragium offertur, debet indigere suffragio, esse in gratia, & habuisse remissionem culpæ, pro qua exhibetur satisfactio. Defectu harum conditionum, vel vnius illarum tantum, suffragia applicata non indigenti, non prosunt: neque beatis, neque damnatis aut, pueris mortuis cum solo originali: neque esistenti in peccato mortali, etiam peccato postea remisso. *tom. 1. fol. 408. num. 2. & seqq.*

73. Satisfactiones applicatæ existenti in peccato mortali conuertuntur in utilitatem offerentis, si iis indigeat. *ibid. num. 6.*

74. Non est necesse, ut ille pro quo satisfactio exhibetur, acceptet satisfactionem, & cognoscat eam pro se exhiberi: offeruntur enim ex praxi Ecclesiæ suffragia pro amicis absentibus & ignorantibus sibi suffragia offerri. *ibid. num. 11.*

75. Peccata pro quibus exhibetur satisfactio, debent esse deleta quoad culpam; neque prodest huiusmodi satisfactio pro futuro tempore, quia non constat eam acceptari à Deo pro futuro tempore. *ibid. num. 10.*

Interdictum.

1. Interdictum est Ecclesiastica censura, qua homo separatur à perceptione quorundam sacramentorum, à diuinis officiis, & à sepultura Ecclesiastica. Triplex est interdictum: locale, quo directè interdicatur locus: personale, quo prohibetur

betur populus vel aliqua persona particularis audire diuina officia : mixtum, quo interdicitur locus & persona. *tom. 1. fol. 632. num. 1. & 2.*

2. Hæc tria interdicta sic inter se sunt diuersa, vt interdicta Ecclesia, sacerdotes possint in alia Ecclesia persolvere diuina officia. *ibid. n. 2. & fol. 633. num. 3.*

3. Interdictum quo interdicitur aliqua parochia alicuius oppidi, vel ciuitatis, in qua sunt aliæ parochiæ, non est generale, sed speciale; quia generale interdictum est, quando interdicitur regnum, prouincia, diocesis, ciuitas. Similiter non est interdictum generale quando interdiciuntur Ecclesiæ cuiuscumque loci, cum non remaneant interdicta omnia loca. *ibid. num. 7. & 8.*

4. Interdictum prouinciæ, vel ciuitatis est interdictum locale generale; consequenter sub huiusmodi interdicto comprehenduntur omnes Ecclesiæ etiam Cathedrales & Metropolitanæ. *ibid. num. 9.*

5. Interdicta diocesi, non censetur interdicta ciuitas, nisi clariùs exprimatur. *ibid. num. 11.*

6. Interdictum personale generale illud est, quo interdicitur generaliter populus totius regni, vel prouinciæ, vel ciuitatis, &c. speciale verò quo interdicitur pars populi, & communitatis, v.g. academia aliqua, vel Collegium, vel pars oppidi. *ibid. num. 12. & 13.*

7. Interdicto clero non censentur interdicti religiosi, quia religiosi in odiosis non veniunt nomine cleri. Item interdicto populo non est interdictus clerus, & è contra, contra multos: verum interdicta familia, interdicti censentur clerici & alij eiusdem familiæ; & interdictis Doctoribus,

ctoribus, censentur etiam interdicti clerici Doctores. *tom. 1. fol. 634. num. 14. & seqq.*

8. Interdicto populo ciuitatis non sunt interdicti qui habitant in suburbiis, si illi non sint de populo istius ciuitatis. *ibid. num. 18.*

9. Homines communis interdictæ, qui absunt, ligantur interdicto, cum sint pars communis interdictæ: at interdicto populo, non intelliguntur interdicti exteri alterius ciuitatis, quamuis ad longum tempus ibi habitent, ut sunt scholares, &c. *ibid. num. 19. & 20.*

10. Interdicta communitate non censentur interdicti amentes, vel pueri carentes usu rationis, cum non sint doli & culpæ capaces. *tom. 1. fol. 635. num. 21.*

11. Interdictum personale generale intelligitur de singularibus personis, quia non interdictitur communitas abstractè sumpta, frustra que ferretur interdictum, si singulæ personæ adhuc possent diuinis interesse. *ibid. num. 22.*

12. Interdicta ciuitate, sunt etiam interdicta suburbia, id est, ædificia quæ sunt extra muros illius ciuitatis, vel illis contigua, vel vicina, ad quæ possit populus confluere ad audienda diuina; & hoc valet etiam si illa loca sint alterius domini, aut diœcesis; quia alioqui paruipenderetur interdictum; propterea etiam, interdicta aliqua ciuitate per interdictum locale generale, censentur etiam interdictæ religionum Ecclesiæ, quæ aliàs sunt exemptæ, tenenturque religiosi huiusmodi interdictum seruare, nec possunt uti priuilegiis sibi concessis ante Concil. Trident. *ibid. num. 23. & seqq.*

13. Interdicta Ecclesia, intelliguntur etiam interdictæ capellæ & cœmeterium, quia sunt
vnum

vnum corpus cum Ecclesia. *ibid.num.26.*

14. Interdictum latum generaliter contra terras alicuius Principis, cadit in omnes terras eiusdem Principis quas possidet tēpore lati interdicti, quia verba generalia sunt generaliter intelligenda. *10m. 1. fol. 636. num. 27.*

15. Iudex qui aliquem locum interdixit, tenetur abstinere ab officiis persoluendis in eo loco quem interdixit; quod si interdictum sit personale, non includitur ipse in tali interdicto, non enim potest seipsum interdicere. *ibid.num. 28.*

Causa interdicti.

16. Causa efficiens interdicti, à qua scilicet interdictum ferri potest, est illa eadem quæ potest alias censuras ferre: par enim est omnium ratio. *ibid.num. 1.*

17. Papa potest interdictum ferre; Episcopus, etiam nunc sine consensu Capituli: Prælati religionum (si loquamur de interdicto personali,) & Capitulum Sede vacante. *ibid.num. 2.*

18. Subiectum interdicti personalis sunt homines, in quos iurisdictionem externam spirituales exercere potest is qui fert interdictum. *ibid.num. 3.*

19. Causa materialis interdicti est culpa, quia interdictum est pœna spiritualis, pœna autem supponit culpam. *ibid.num. 5.*

20. Causa finalis interdicti est resipiscentia & emendatio delinquentis. *ibid.num. 6.*

Effectus interdicti.

21. Tres nunc sunt effectus interdicti: privatio aliquo

aliquorum sacramentorum , priuatio diuinorum officiorum , & priuatio sepulturæ Ecclesiasticæ; iure antiquo plures erant effectus. *tom. I. f. 637. num. 1. & 2.*

22. Tempore interdicti localis siue generalis, siue particularis , administrari possunt quibuscumque paruulis & adultis, infirmis, aut sanis sacramenta Baptismi, & Confirmationis cum solita solemnitate. *ibid. num. 1.*

23. Interdicta aliqua Ecclesia parochiali, non tenetur parochus aliam Ecclesiam , vel parochiam vicinam non interdictam adire, vt ibi baptizet , quia illius parochia quoad hoc non est interdicta; & interdictæ personæ interdicto personali generali licitum est ministrare Baptismum etiam solemniter. *ibid. num. 3. & fol. 638. num. 5.*

24. Interdictus personaliter interdicto personali generali potest recipere sacramentum Confirmationis , & etiam ministrare si causam non dedit interdicto : secus dicendum si specialiter sit interdictus. *tom. I. fol. 637. num. 4. & fol. 638. num. 6.*

25. Licitum est tempore interdicti localis cum solita solemnitate , & coram interdicto ministrare Eucharistiam, solum per modum viatici solis morientibus, id est, existentibus in probabili periculo mortis proueniente ex infirmitate , vel ex causa extrinseca ; quo periculo, vel priuilegio secluso, non est licitum recipere Eucharistiam in loco interdicto. *ibid. num. 1. & sequent.*

26. Quilibet Sacerdos , qui sublato interdicto habet ius administrandi sacramentum Eucharistiæ, potest illud administrare tempore interdicti in articulo mortis , modò ipse non dederit causam

sam interdicto, vel sit ligatus speciali interdicto: *tom. 1. fol. 639. num. 10.*

27. Nullus potest, neque tenetur in Paschate ad implendum præceptum annuæ communionis, recipere sacramentum Eucharistiæ tempore interdicti localis generalis. *ibid. num. 12.*

28. Iure nouo *in cap. Alma mater*, licitum est ministrare sacramentum pœnitentiæ tempore interdicti, cuicumque interdicto, tam sano, quàm infirmo, modò recipiens non sit excommunicatus, & non fuerit aliquo modo in causa culpabili, ob quam latum est interdictum: & quilibet Confessarius, qui similiter non dedit causam culpabilem interdicto locali, potest hoc pœnitentiæ sacramentum administrare: secus dicendum de sacramento ordinis, quod non potest administrari personaliter interdicto, aut tempore interdicti localis. *tom. 1. fol. 640. num. 1. & seqq.*

29. Nulli personaliter interdicto, aut tempore interdicti localis generalis, vel particularis ministrandum est sacramentum extremæ vnctionis; nisi aliquibus permissum sit ex speciali priuilegio. *tom. 1. fol. 641. num. 4.*

30. Non est licitum personis interdictis, aut tempore interdicti localis, contrahere matrimonium, nisi fortè contrarium receptum sit per consuetudinem; quamuis etiam probabile sit contrarium, & iure nouo licitæ sunt benedictiones quæ fiunt super coniugatos, modò fiant ianuus clausis, sine solemnitate, &c. *ibid. num. 8. & 9.*

*Secundus effectus interdicti, id est, priuatio
diuinorum officiorum.*

31. Nomine *diuini officij*, quod prohibetur tempore

pore interdicti, intelligitur id quod fit in Ecclesia à ministro Ecclesiastico, seu à persona consecrata, vel deputata ad illud officium; propterea horæ Canonicae & sacramentalia, seu caeremoniae sacrae, sunt officium diuinum: non autem officia, quæ non requirunt personam Ecclesiasticam ad ea deputatam. *tom. 1. fol. 642. num. 1. & seqq.*

32. Clericus tempore interdicti non eximitur ab obligatione officij diuini priuatim recitandi. *ibid. num. 5.*

33. Tempore interdicti localis generalis prohibitum est celebrare Missas, & diuina officia publicè (non autem secretò) in loco interdicto, vti sono organorum & campanarum pro officio, licitum est tamen vti sono campanarum pro AVE MARIA, concione, &c. aut etiam aliis de causis. *ibid. num. 6.*

34. Dum tempore interdicti celebratur in capella aliqua ipsius Ecclesiæ, claudendæ sunt etiam ianux Ecclesiæ, saltem dum capella ita occludi non potest, vt officia non audiantur. *ibid. num. 7.*

35. Quando tempore interdicti campanæ adhiberi non possunt, adhibenda est tabula cum matraca, vel tuba. *tom. 1. fol. 643. num. 9.*

36. Tempore interdicti generalis licitum non est extra Ecclesiam & monasteriū celebrare diuina officia secretò & seruata moderatione; sed solum permittitur peragere diuina officia in Ecclesiis & monasteriis, non verò alibi, nisi fortè etiam in hospitalibus erectis auctoritate Episcoporum: nam hæc in fauorabilibus veniunt nomine Ecclesiæ. *ibid. num. 10. & seqq.*

37. Dantur aliquæ festiuitates, v. g. Natalis Domini

Domini, Paschæ, Pentecostes, Assumptionis & Conceptionis beatissimæ Virginis Mariæ, & Corporis Christi cum Octaua, in quibus licitum est tempore interdicti localis generalis, non verò specialis, celebrare Missas, & diuina officia publicè & solemniter cum sono campanarum ianuis apertis, alta voce, admissis interdictis, etiam illis quorum causa latum est interdictum, modò isti longè absint ab altari, id est non admittantur ad oblationes, vel ad communionem. Hæ festiuitates incipiunt à primis vesperis vigiliæ, vsque ad completorium ipsius solemnitatis; durântque non tantùm primo die, sed & aliis: neque prohibetur etiam Ecclesiastica sepultura his festiuitatibus. *ibid.n.14. & 15. item fol.644. num.16. & fol.646.num.7.*

38. Aliquæ personæ, vt amentes, &c. possunt admitti ad diuina officia tempore interdicti localis generalis, & aliquæ non. *tom.1.fol.644. num.20.*

39. Habens priuilegium persoluendi, vel audiendi diuina officia, potest simul cum sua familia diuinis interesse, modò inter eos non adsit aliquis qui dederit causam culpabilem interdicto. Vnde infertur Sacerdotem posse secum adducere suum famulum tempore interdicti localis generalis, eoque vti in sacrificio Missæ. Idem dic de cæteris famulis assistantibus diuinis officiis tempore interdicti, quatenus sunt in famulatu suorum dominorum. *tom.1.fol.645.num.23. & seqq.*

40. Aliquis non interdictus potest Missam Sacerdotis interdicti audire, modò non inducat eum ad celebrandum. *ibid.num.26.*

Tertius

Tertius effectus, id est priuatio Ecclesiastica sepultura.

41. Interdictum tam locale, quàm personate, generale, aut speciale, simpliciter latum absque vlla restrictione, priuat Ecclesiastica sepultura personas interdictas, & locum ipsum interdictum. *ibid.num.1.*

42. Qui non est personaliter interdictus, potest sepeliri in loco sacro non interdicto, aut alio transferri, modò non dederit causam culpabilem interdicto. *ibid.num.4. & fol.646.num.5.*

43. Laici tempore interdicti sepeliri possunt in campo, vel in cœmeterio ab Episcopo deputato, non tamen benedicto: hæc enim non dicitur Ecclesiastica sepultura; poterunt tamen sepeliri in loco sacro, qui habent priuilegium assistendi diuinis officiis. *ibid.num.5. & 6.*

44. Sepultus tempore interdicti in loco non sacro, sublato interdicto exhumandus est & sepeliendus in loco sacro. *ibid.num.8.*

45. Interdictus ab ingressu Ecclesiæ non potest in Ecclesia, vel cœmeterio sepeliri, nisi fortè dederit signa contritionis. *ibid.num.11.*

46. Interdictus ab ingressu Ecclesiæ potest recipere sacramenta in Ecclesia, quando non celebrantur diuina officia; quia non est priuatus vsu sacramentorum, sed vsu diuinorum officiorum, & sepulturæ. *tom.1.fol.647.num.12.*

47. Interdictus non priuatur exercitio iurisdictionis exterioris; consequenter interdictus, etiam nominatim denunciatus, potest excommunicare, absolvere, &c. & à fortiori is qui non est interdictus, potest tempore interdicti excommunicare.

municare & absoluerè ab excommunicatione, etiam cum solemnitate, & indulgentias quoque concedere, imò & lucrari, si sit in gratia, & præstet requisita ad eas consequendas. *ibid. n. 1. & seq.*

Pœna violentium interdictum.

48. Laici violentes interdictum locale generale, vel speciale, mortaliter peccant ex suo genere. *tom. 1. fol. 648. num. 1.* Item

49. Clerici tam sæculares, quàm regulares, violentes interdictum tam locale, quàm personale, & tam generale quàm speciale, peccant mortaliter ex suo genere; faciunt enim contra prohibitionem Ecclesiæ in re graui, nisi eos metus grauis excuset. Et clerici scienter violentes interdictum per exercitium alicuius ordinis sacri, incurrunt irregularitatem; imò possunt per sententiam priuari beneficiis, aliisque pœnis affici. Dicitur *per exercitium ordinis sacri*, quia clericus violans interdictum per aliquam actionem non spectantem ad ordinem, vel ad suum officium, non incurrit irregularitatem; dum illam actionem facit vt laicus. *ibid. num. 3. & fol. 649. num. 4. & fol. 650. num. 8.*

50. Celebrans coram interdicto, non incurrit irregularitatem, cum huiusmodi irregularitas non extet in iure. *ibid. num. 18.*

51. Communicans cum interdicto in rebus humanis, non peccat: nam interdictum prohibet tantum officia diuina, sacramenta & sepulturam. *tom. 1. fol. 651. num. 20.*

Similiter non peccat, qui communicat cum interdicto non denunciato nominatiuè. Is autem dicitur nominatim denunciatus, qui exprimitur
nomi

nomine proprio, vel nomine officij, vel alio signo manifestante talem personam in particulari. *ibid. num. 21. & 22.*

Interdictum quibus casibus incurratur.

§ 2. Interdictū locale incurritur quando dominus regni, vel alterius loci impedit ne Legatus, vel Nuncius Summi Pontificis suo fungatur officio; aut quando dominus alicuius territorij percutit iniuriosè Episcopum, aut capit, vel bannit, aut mandat hæc fieri; tunc enim illius territorium subiaceret interdicto vsque ad condignam satisfactionem: ciuitas verò illa remanet priuata Pontificali, & dignitate: quod idem procedit in ciuitate, quæ aliquem Episcopum inuitum detinet, vel Cardinales insequitur, aut hæc fieri mandat, &c. Item quæ exigit ab Ecclesiis, vel Ecclesiasticis personis guidagia, pedagia, &c. de rebus quas asportant non causa negotiationis. *tom. 1. fol. 652. num. 1. & 2.*

§ 3. Præfatum interdictum quoque incurritur dum dominus vel rector ciuitatis in qua moritur Papa, non præstat præscripta in cap. *ubi periculum.* Item dum Episcopus & alij inferiores Ecclesiastici remanent per mensem in excommunicatione, ob culpam quam admiserunt in concedenda domo manifestis vsurariis ad fœnus exercendum. Item quando clerici regulares, vel sæculares inducunt aliquem ad vouendum, vel promittendum, vt in eorum Ecclesia eligat sepulturam, vel semel electam non immutet; modo bona fides non excuset. *ibid. num. 3. & seq.*

§ 4. Interdictum personale generale incurritur quando vniuersitas concedit repræsalias, vel pignora

gnoraciones, aut imponit decimas, vel tales contra personas Ecclesiasticas, aut eorum bona; aut quando aliorum concessionem non reuocat intra mensem. Idem interdictum incurritur dum vniuersitas, vel Capitula, &c. appellant à sententiis Summi Pontificis ad futurum generale Concilium, aut ad hoc, consilium fauoremve præbent. Imò in hoc casu lata est etiam excommunicatio. Similiter quando Capitulum Sede vacante litteras dimissorias infra annum à die vacationis absque necessitate concedit. *ibid. num. 7. & fol. 653. num. 8. & seqq.*

55. Dantes causam culpabilem interdicto locali generali, personaliter interdicuntur. Item Capitulum & vniuersitas non seruans constitutionem Ioannis XXII. circa beneficiorum vacantium fructus. Item vniuersitas permittens vsurarios alienigenas. *ibid. num. 11. & 12.*

56. Interdictum speciale personale ab ingressu Ecclesiæ, incurrit qui recipit Abbatiam, vel aliam dignitatem Ecclesiasticam de manu laici. Item Prælati qui sibi aliquid vsurpant ex redditibus dignitatis vacantis, aut Ecclesiarum sibi subditarum. Similiter Sacerdos admittens publicè interdictum ad diuina officia. Inferior Episcopo ferens censuram sine scriptura, aut sine competente monitione, vel expressione causæ præfatum etiam interdictum contrahit. *ibid. num. 14. & seqq.*

57. Episcopus in visitatione aliquid quod sibi non debetur accipiens eodem interdicto ligatur. Item violans interdictum locale, saltem generale. *ibid. num. 18. & 19.*

58. Iudices Ecclesiastici, qui officiales Romanæ Curix, aut alios Romanam Curiam pro suis negotiis

negotiis sectantes, suis beneficiis priuauit, & ea conferunt aliis, præter interdictum, suspensionem & excommunicationem incurrunt. Episcopi verò hoc idem facientes incurrunt solum excommunicationem. *ibid.num.20.*

59. Edentes commentaria in Tridentinum, remanent interdicti ab ingressu Ecclesiæ. *ibid.num.21.*

60. Metropolitanus non deferens intra tres menses per litteras vel nuncium Summo Pontifici suffraganeum ultra annum non residentem, præfato interdicto ligatur, & è contra. *ibid.num.22.*

61. An autem clerici in crimine fornicationis perseverantes huic interdicto subiaceant, diximus v. *suspensio. ibid.num.23.*

62. Denique Cardinales, vel Prælati recipientes beneficia, vel pensiones cum simoniâ confidentiali, huic etiam interdicto subiacent. *ibid.num.25.*

Relaxatio ab interdicto.

63. Interdictum latum ad tempus, aut sub conditione elapso tempore, vel adimpleta conditione cessat; interdictum verò latum absolute, auferendum est per absolutionem ab eo qui tulit, aut ab eius superiore. Interdictum locale non cessat destructione, aut refectione ædificiorum loci interdicti, cum solum ipsum censeatur etiam interdictum. *rom.1.fol.654.num.1.62.*

64. Interdictum potest auferri vel suspendi ab eo qui tulit interdictum in totum, aut quoad aliquos effectus immediatos, quia censura ligat ad nutum & voluntatem conditoris. *ibid.num.4.*

O

65. Episco

65. Episcopus potest absolvere ab interdicto locali posito à iure ; non autem si interdictum sit personale publicum , aut latum à Papa tanquam ab homine. *ibid.num.5.*

66. Parochus vel alius Confessarius potest iure communi absolvere ab interdicto personali, particulari non reservato. Ita *cap.nuper , de sent. excom.tom.1.fol.655.num.6.*

67. Interdictum adnexum excommunicationi reservatæ, non idcirco est reservatum ; quia materia odiosa non est amplianda. *ibid.num.7.*

68. Interdictum non censetur sublatum ex eo quod non servetur ab eo qui illud tulit. *ibid.num.8.*

69. Absolutio interdicti dari potest *ad cautelam* , excepto interdicto locali generali. *ibid.num.9.*

70. Papa potest auferre interdictum per solam voluntatem interiorem , quia censura non ligat ultra voluntatem legislatoris : Episcopus verò non potest auferre censuram per solam voluntatem, argumento *cap.1. de regul. iur.* nam ipse est subiectus iuri communi. *ibid.num.10.*

Invidia.

Vide v.*Charitas.*

Irregularitas, Irregularis.

Vide v.*Censura.*

1. Fœmina non potest dici irregularis , cum ipsa non sit capax ordinum : similiter neque infidelis, qui nondum recepit Baptismum, cum non baptizatus sit incapax ordinum , & consequenter irregularitatis. *tom.1.fol.659.num.3. & 4.*

2. Irre

cum *Irregularitas* est canonicum impedimen-
tū, quod impedit susceptū proueniens, quod dire-
ctorum, aut eorum vsum, ob rēdinum Ecclesiasti-
rum. *ibid.num. 1.*

3. *Irregularitas* est duplex. Vna dicitur ex de-
fectu, vel indecentia quæ prouenit absque culpa:
altera dicitur ex facto, seu delicto, vt ex homi-
cidio. *Irregularitatis ex defectu, & ex delicto*
species.

Irregularitas
ex defectu
dicitur

{ ex defectu animi.
ex defectu corporis.
ex defectu natalium.
ex defectu ætatis & libertatis.
ex defectu sacramenti, id est, bi-
gamia.
ex defectu lenitatis, id est, ex ho-
micidio licitè patrato. *tom. 1.*
fol. 661. num. 6. & 7.

Irregularitas
ex delicto
dicitur

{ ex iteratione Baptismi.
ex indebita susceptione, vel vfu
ordinis.
ex actu infidelitatis, aut hæ-
resis.
ex infamia.
ex homicidio illicitè patrato.
ibid.

Irregularitatis causa.

4. Causa efficiens sunt sacri canones, seu po-
tius Summus Pontifex, qui irregularitatem in-
duxit, eamque per sacros canones expressit; pro-
pterea Episcopus aut alij Summo Pontifice infe-
riores non possunt irregularitates ferre, cum ad

iplos non pertineat ius commune ferre; negandum tamen non est, quin Papa possit ferre. *ibid.* tatem per sententiam. *fol.*

num. 1. & 2. nulla est admittenda irregularitas ob solam auctoritatem Doctorum de consuetudine testantium: neque incurritur ob æquale, simile, vel maius delictum; quia nulla datur irregularitas quæ non sit in iure expressa. *ibid. num. 3. & 4.*

6. Causa materialis; seu potius subiectiva in quam cadit irregularitas, est omnis homo, capax ordinis, subditus iuri communi; hinc exclude infidelem aut fœminam, cum non habeant capacitatem ad ordines. *ibid. num. 6. & 7.*

7. Causa formalis irregularitatis sunt verba irregularitatem exprimentia. v.g. *nunquam ordinetur, ad clericatum non promoveatur, ad sacros ordines aspirare non audeat, &c.* hinc patet differentia irregularitatis à suspensione, quod irregularitas directè priuat susceptione clericatus & ordinum, suspensio verò priuat usu & exercitio ipsorum ordinum. *tom. 1. fol. 662. num. 10. & seqq.*

8. Ad irregularitatem ex delicto incurrendam requiritur culpa mortalis, nec videtur probabile eam posse ferri pro peccato veniali; præterea requiritur actus externus consummatus; neque sufficit desiderium, vel attentatio, &c. quamvis Ecclesia possit ob solam attentionem delicti irregularitatem inducere. *ibid. n. 1. & 2. & fol. 663. num. 5. & 6.*

9. Irregularitas ex delicto non incurritur interueniente ignorantia probabili; sicut enim huiusmodi ignorantia excusat à culpa, ita etiam à pœna. *tom. 1. fol. 662. num. 4.*

10. Actus

10. Actus internus non sufficit ad incurrendam irregularitatem, actus enim internus non subiacet potestati Ecclesiæ. *tom.1. fol.663. num.7.*

Irregularitatis effectus.

11. Irregularitas impedit non solum susceptionem ordinum & primæ tonsuræ, sed etiam exercitium & functiones omnium susceptorum, quando irregularitas est totalis, ut inquit Doctores. *ibid. num.1. & 2.*

12. Irregularis, suscipiendo vel exercendo ordines, nouam irregularitatem, vel aliam pœnam non incurrit, peccat tamen mortaliter; quamuis non prohibetur eos actus exercere, qui per laicum præstari possunt. *tom.1. fol.664. num.4. & 5.*

13. Irregularitas licet occulta, facit hominem incapacem beneficii; consequenter irregularis inualidè recipit beneficii collationem; nec illud potest retinere, nisi obtenta dispensatione irregularitatis curauerit beneficium sibi de nouo conferri ab eo, qui potest illud conferre; neque recipiens beneficium in irregularitate, habet ius ad fructus percipiendos, vel ad alios actus beneficii exercendos. *ibid. num.6. & 7.*

14. Irregularitas non priuat beneficio ante irregularitatem obtento; consequenter beneficiarius qui incidit in irregularitatem post beneficii consecutionem, potest resignare beneficium in fauorem alterius; adhuc enim habet titulum & ius: nec tenetur restituere fructus beneficii, si muneri suo satisfecit per se, vel saltem per alium *ibid. num.8. & fol.665. num.9. & 10.*

15. Irregularis ob homicidium, priuandus est

beneficio, non autem pensione, cum pensio non veniat in iure nomine beneficij. Similiter irregularis videtur incapax iurisdictionis ordinariæ, non verò delegatæ, cum ea non fundetur in beneficio, nec conferatur ratione beneficij. *ibid. num. 11. & seqq.*

16. In dubio iuris nullus iudicandus est irregularis; propterea qui dubitat vtrum lata sit irregularitas, ex.gr. contra surripientes, &c. si adhibita sufficienti diligentia ad rei veritatem inuestigandam, adhuc persistit in dubio, potest practicè dubium deponere, iudicando non esse latam irregularitatem, consequenter non tenetur se tanquam irregularem gerere: censetur enim laborare ignorantia inuincibili. *tom. 1. fol. 566. num. 2.*

17. Qui habet dubium facti homicidij, iudicandus est irregularis, iuxta *cap. significasti*. propterea qui consulit homicidium, tenetur se tanquam irregularem gerere, quando dubitat, vtrum suo consilio operatus sit aliquid circa homicidium patratum ab eo, cui dedit consilium, quia possessio non stat pro ipso dubitante, sed contra ipsum; quamquam dubius facti homicidij non videatur priuandus beneficio, aut aliis pœnis afficiendus in foro externo. *ibid. num. 3. & seq.*

*Irregularitas ex defectu animæ,
& corporis.*

18. Defectus vsus rationis, literaturæ, & fidei inducit irregularitatem, quia qui non potest ordines exercere, inhabilis est ad ordines suscipiendos, & consequenter est irregularis, sed
caten

carentes usu rationis, &c. non possunt ordines exercere; ergo, &c. *tom.1.fol.667.num.1. &c. 2.*

19. Qualis autem scientia requiratur ad ordines suscipiendos, patet ex Trident. *sess.23.cap.4.* videlicet ad primam tonsuram requiritur ut initiandus sit confirmatus, & calleat rudimenta fidei, sciátque legere ac scribere: ad minores ordines, ut teneat linguam Latinam, ad Diaconatum & Subdiaconatum, ut habeat instructionem eorum quæ pertinent ad eos ordines exercendos: ad presbyteratum, ut habeat eam scientiam, qua possit docere populum, & administrare sacramenta ad Episcopatum, ut sit Doctor, aut licentius in sacra Theologia, vel in iure Canonico, &c. *ibid.num.3.*

20. Neophyti, seu ij qui ex lege Iudaica, Mahumerica, vel Ethnica nuper conuersi sunt ad fidem Christianam in adulta ætate, sunt irregulares. Dispensatio cum neophyto ad ordines, vel beneficia, pertinet ad Summum Pontificem. *tom.1.fol.668.num.4. & seqq.*

21. Ille defectus seu vitium corporis inducit irregularitatem, quod vel impedit usum, & exercitium ordinis, vel notabiliter gignit deformitatem, aut horrorem; quale vitium est nasi amputatio, aut priuatio vnius oculi, aut insignis macula in oculo, quæ notabilem pariat deformitatem; secus dicendum de eo qui caret lumine & visu oculi dextri, modò habeat vtrumque oculum integrum, nec sit notabilis horror vel deformitas. *tom.1.fol.669.num.1. & seqq.*

22. Ille est irregularis qui habet vnum oculum grandiolem, seu grossiorem altero, vel vtrumque ita prominentem, ut magnam inducat deformi-

mitatem. Idem dic de habente labia penitus corrosa, vel abscissa, vel nasum tam magnum, aut ita distortum, ut notabilem pariat deformitatem iudicio Episcopi: de surdo utraque aure, & de carente auriculis, id est, externa illa cartilagine quæ organo auditus adhæret, si huiusmodi deformitas capillorum velamine celari non possit: de gibbo, qui ita deformis est & debilis, ut se erigere aut stare recto capite nequeat. Præterea monstruosus quoque, id est habens duo capita, quatuor manus, &c. est irregularis; hermaphroditus, quando scilicet particeps est masculini & fœminini sexus. *ibid. num. 4. & seq.*

23. Habens sex digitos, non videtur irregularis, quoties digitus superfluous non impedit usum aliorum digitorum. Item nec Æthiops eo quod non soleat horrorem parere; neque habens crura distorta; secus dicendum de carente aliquo pede: hic enim dicitur carere membro patente, & hoc verum est, etiamsi is habeat pedem ligneum, vel baculum quo accedat ad altare; est enim magna indecentia ita accedere. *ibid. n. 11. & fol. 670. num. 14. & 15.*

24. Laborantes febre continua, aut infirmitate quæ reddit ineptum ad exercitium ordinum, sunt irregulares; secus si febris sit quartana, aut levis quæ non impediat celebrationem Missæ: laborantes quoque graui dolore capitis, quamdiu periculum subeunt celebrando, sunt irregulares. Item laborantes morbo Gallico qui foris appareat cum horrore, aut lepra, vel multa scabie manuum usum impediens; aut peste, vel tussi quæ coniunctum habeat periculum in suscipienda Eucharistia; aut laborantes morbo caduco; amentes & furiosi habitualiter, (secus dicendum de

de patientibus leuem mentis alienationem, aut vertiginē.) Item dæmoniacy, vel qui se dæmoniacos simularunt, sunt etiam irregulares. *ibid. n. 16.*

& seq.

25. Defectus corporis non idem operatur quando aduenit ante suscepcionem ordinum, ac quando subsequitur ordines susceptos: nam abstemius v.g. potest vti sacerdotio, excepta celebratione, si suscepto sacerdotio fiat abstemius; secus dicendum, si ante susceptum sacerdotium erat abstemius; tunc enim non potest ad sacerdotium admitti, dubitatúrque an possit Summus Pontifex cum abstemio dispensare, vt promoueatur ad sacerdotium. *tom. 1. fol. 671. num. 25.*

& seqq.

26. Habens corporis defectum impediētem vsum sacerdotalem, non potest ad reliquos ordines promoueri, cum alij ordines ad sacerdotium dirigantur. *ibid. n. 28.*

27. Carentia alicuius membri, vel partis membri etiam occulti, si propria culpa contingat, inducit irregularitatem, quamuis ea membri priuatio non impediat vsum ordinis, neque notabilem afferat deformitatem: vnde qui sibi virilia amputauit, vel permisit amputari absque iusta causa, v.g. causa cantus, irregularis est; secus dicendum de eo qui per infirmitatem eam amisit, aut aliud membrum, modò non amiserit in poenam delicti. *ibid. num. 29. & seq.*

28. Qui sponte sibi membrum vel membri partem, ex.gr. digitum, vel partem digiti ex indignatione vel impatientia abscidit, irregularis est; est enim sœuitia in seipsum. *tom. 1. fol. 672. num. 35.*

29. Ad Summum Pontificem pertinet dispensare

fare in irregularitate proueniente ex defectu, vel ex deformitate, vel ex infirmitate, nisi fortè coniuncta sit cum impedimento iuris naturalis. *ibid. num. 36.*

Irregularitas ex defectu natalium.

30. Illegitimus, seu is qui non est ortus ex legitimo matrimonio, est irregularis, quamuis sit occultus. Quando matrimonium est inualidum ob impedimentum occultum, filij censentur legitimi. Idem dicendum de filiis infidelium, & postea conuersorum; nisi eorum matrimonium esset inualidum propter impedimentum iuris naturæ. Filius non tenetur credere matri asserenti ipsum esse illegitimum, nisi rationibus conuincatur. *tom. 1. fol. 673. num. 2. & seq.*

31. Illegitimus fit legitimus per subsequens matrimonium, & consequenter liberatur ab irregularitate, & fit idoneus ad ordines, excepto Cardinalatu. Nec refert quod matrimonium contrahatur post aliud cum alia celebratum, si parentes erant habiles ad contrahendum tempore conceptionis filij. *ibid. num. 6. & 7.*

32. Proles suscepta ex propria vxore post factam professionem, non est legitima, quia matrimonium fuit dissolutum per professionem. *tom. 1. fol. 674. num. 9.*

33. Filius expositus, probabiliter præsumendus est illegitimus, quia in obscuris inspicitur quod verosimilius est. *ibid. num. 10.*

34. Quando pater factus est Sacerdos de consensu, vel absque consensu suæ vxoris, sed postea vxorem carnaliter cognouit, ex eaque prolem suscepit, tunc proles inde suscepta censetur canonice

nonicè illegitima & irregularis. *ibid. numero 11.*

35. Illegitimus peccat mortaliter recipiendo ordines absque dispensatione, non tamen incurrit nouam pœnam. *ibid. n. 12. & 13.*

36. Irregularitas proueniens ex illegitimitate, tribus modis auferri potest; per legitimationem, siue hæc fiat beneficio iuris Canonici, siue ab homine: per professionem, & per dispensationem, quæ non videtur posse concedi ab Episcopo, nisi ad minores ordines. *ibid. n. 14.*

Irregularitas ex defectu ætatis.

37. Defectus legitimæ ætatis requisitæ ad ordines, inducit irregularitatem, quamdiu defectus durat, vel donec Papa dispenset. *rom. 1. fol. 675. num. 12.*

38. Defectus libertatis inducit irregularitatem in personis sequentibus, ita vt non admittantur ad ordines: in coniugatis, iuxta dicta v. *matrimonium*: in mancipiis omnino destitutis libertate: in obligatis ad ratiocinia, seu in iis qui obligati sunt ad reddendam rationem administrationis publicæ vel priuatæ; secus dicendum de iis qui præstiterint securitatem soluendi debitum; aut curam pauperum susceperunt: in tabellionibus, Aduocatis, & iudicibus qui causas ciuiles aut causas criminales agunt, si iudicium sanguinis exercuerunt. *ibid. n. 2. & seq.*

Irregularitas ex defectu sacramenti.

Vide v. *Bigamia.*

Irregularitas ex infamia.

39. Infamia est publica opinio praua de vita & moribus alicuius. Infamia alia est iuris, alia facti. *tom. I. fol. 680. num. 1. & 2.*

Infamia iuris contingit, quando delinquens crimen suum confessus est in iudicio, aut per definitiuam sententiam iudicis, aut quando committitur delictum, cui imposita est à iure Canonico vel ciuili pœna infamiæ; quale delictum est apostasia à fide, raptus mulierum, sodomia, &c. Ad incurrendam hanc infamiam requiritur sententia iudicis declaratoria. *ibid. n. 2.*

40. Infamia facti ex delicto contingit, quando committitur delictum quod infame censetur apud graues & honestos viros, quod delictum debet esse publicum, seu notum maiori parti viciniæ. *ibid. n. 3.*

41. Infamia iuris facit hominem irregularem, & inhabilem ad ordines suscipiendos, & exercendos susceptos. *tom. I. fol. 681. num. 4.*

42. Infamia facti proueniens ex delicto, facit hominem irregularem & inhabilem ad recipiendos ordines, quandiu delinquens non fuerit emendatus. *ibid. n. 5.*

43. Infamia quatuor modis auferri potest: per emendationem, per dispensationem, per Baptismum, & per Summum Pontificem. *ibid. n. 6.*

44. Infamis in vno loco remanet infamis in omni loco, & sic non potest in villo loco ordines aut beneficia recipere, antequam deleta fuerit infamia. *ibid. n. 10.*

45. Non solum per infamiam iuris inducitur irregularitas, verum etiam per ignominiosam profes

professionem alicuius artis, quæ reddit hominem vilem & indignum, qualis est ars histrionis, mihi, &c. *ibid. n. 12.*

46. Filius proditoris Principis, vel eius qui manus violentas in Cardinalem iniecit, infamis est, consequenter irregularis. Item & filius hæretici. *ibid. n. 13.*

Irregularitas ex pœnitentia publica.

47. Pœnitentia sacramentalis vel publica, non solemnis, olim non inducebat, nec modò inducit irregularitatem, cum non sit in iure expressa: pœnitentia verò publica & solemnis inducebat irregularitatem, & impendebat susceptionem ordinum & usum susceptorum: sed dicendum nunc nullam pœnitentiam publicam vel solemnem, hoc tempore inducere irregularitatem, nisi sit talis pœnitentia, quæ adiunctam habeat infamiam. *tom. 1. fol. 682. num. 2. & seqq.*

Irregularitas ex culpabili iteratione sacramentorum.

48. Ex culpabili iteratione Baptismi publica, vel etiam occulta contrahitur irregularitas; consequenter tam rebaptizans cum peccato mortali, quàm rebaptizatus sit irregularis; imò toties incurrit irregularitatem, quoties reiterat Baptismum. quare rebaptizans & rebaptizatus ex ignorantia iuris vel facti, non est irregularis; neque ille tenetur se gerere ut irregularem, qui postquam inquisiuit an alter esset baptizatus, illum rebaptizavit absolutè & sine conditione, sed adhuc postea dubitat an esset baptizatus. *ibid. n. 1. & seq.*

49. Ex

49. Ex iteratione Confirmationis & ordinis non contrahitur irregularitas. *tom.1.fol.683.num.8.*

50. In irregularitate quæ contrahitur ex iteratione Baptismi publica vel occulta, Summus Pontifex dispensare potest: nam ipse dispensare potest in iure communi: Episcopus verò non potest dispensare in rebaptizatione publica absque facultate sibi à Superiore concessa. *ibid.num.9.*

51. Incurritur irregularitas ab eo qui differt Baptismum vsque ad ægritudinem vel senectutem, quia non videtur fidem voluntariè suscipere, sed coactè; neque tollitur hæc irregularitas per Baptismum, cum incurratur ob ipsam Baptismi susceptionem dilatam. *ibid.num.11.& fol.684.num.12.*

52. Adultus baptizatus ab hæretico, est irregularis, non autem infans, etiam si postea grandior approbauerit Baptismum collatum ab hæretico. *ibid.num.13.*

*Irregularitas ex susceptione & exercitio
ordinum illicito.*

53. Ligatus maiori excommunicatione recipiendo scienter, vel cum ignorantia crassa, vel affectata ordines sacros, incurrit irregularitatem, quamvis multi contrarium sentiant. *tom.1.fol.684.num.1.*

54. Qui vno & eodem die infcio, & non aduertente Episcopo, recepit minores ordines cum Subdiaconatu, vel vltimum minorum cum Subdiaconatu, vel duos ordines sacros, incurrit irregularitatem, vel potius suspensionem; & in hac
iuregm

irregularitate dispensat Episcopus solum quando delictum est occultum. *tom. 1. fol. 685. num. 3. & 4.*

55. Recipiens ordines per saltum, non est irregularis, sed est suspensus, cum hæc irregularitas non sit in iure expressa: ille tamen est irregularis, qui furtivè, id est nesciente Episcopo, nec approbante, nec examinante ordinem recepit; dispensatio competit Episcopo, quamdiu delictum est occultum. *ibid. n. 5. & seqq.*

56. Recipiens ordines sine confirmatione, non est irregularis. *ibid. num. 8.*

57. Vir coniugatus illicitè recipiens ordinem sacrum, non solum est suspensus, sed etiam irregularis. Similiter recipiens ordines sacros ab Episcopo qui renunciavit dignitati, seu iurisdictioni, incurrit irregularitatem, vel saltem suspensionem, etiamsi recipiens fortè ob ignorantiam non peccaverit. *tom. 1. fol. 686. num. 9. & 10.*

58. Ligatus maiori excommunicatione, suspensione, vel interdicto, etiam si sit occultus & toleratus, incurrit irregularitatem exercendo solemniter vel ex officio actus maioris ordinis, v.g. celebrando, canendo Epistolam solemniter, vel canendo in choro, ut hebdomadarius, baptizando solemniter, &c. nisi excusetur ratione necessitatis, vel scandali vitandi, vel ignorantia, vel inadvertentia, vel obliuionis. *ibid. num. 1. 3. & seqq.*

59. Ligatus duplici censura duplicem incurrit irregularitatem, exercendo ordines sacros; nam violat duplicem censuram specie diuersam. *tom. 1. fol. 687. num. 10.*

60. In irregularitate contracta ob violationem excommunicationis, suspensionis, vel interdicti

dicti per exercitium ordinum solus Papa dispensat, quando delictum est publicum ; & Episcopus quoque, quando est occultum ex priuilegio Trident. *sess. 24. cap. 7. ibid. num. 11.*

61. Clericus qui ministrat in ordine sacro, quem non habet, incurrit irregularitatem, modò scienter, & seriò, & ex officio ministret ; vnde clericus nondum initiatus sacerdotio qui aliquem seriò & sacramentaliter absoluit, est irregularis. Idem dic de clerico per saltum promotò exercente functiones ordinis prætermissi. *ibid. num. 1. & fol. 688. num. 2. & 8.*

62. Tunc aliquis dicitur actum aliquem ordinis exercere solemniter & ex officio, quando actus talis est, vt ab alio non possit exerceri quàm ab eo, qui talem ordinem habet ; quando verò potest eodem modo ab alio exerceri, non dicitur exerceri solemniter & ex officio. *ibid. num. 9.*

63. In irregularitate quam quis contraxit exercendo ordines quos non habebat, solus Summus Pontifex dispensat, vt accedat ad vltiores ordines, nam ad ipsum pertinet dispensare in iure communi, & ad Episcopum, modò delictum sit occultum. *tom. 1. fol. 689. num. 10.*

Irregularitas ex delicto hæresis.

64. Hæretici, apostatæ à fide vel religione, eorum fautores & defensores, sunt irregulares, etiamsi sint occulti ; secus dicendum de eo qui exterius hæresim profert, si interius bene sentiat. *ibid. num. 1. & 2.*

65. Qui pactum ineūt cum dæmone, aut ipsi sunt colunt

colunt absque hæresi, non sunt reuera irregulares ex hoc capite, sed aliunde, scilicet ex infamia consurgente ex suspitione hæresis. *ibid. num.4.*

66. Ille est irrégularis, qui cogitur abiurare hæresim probatam in iudicio, vel qui lapsus est in hæresim; secus dicendum de schismatico, cum hæc irregularitas non habeatur in iure. *ibid. n.5. & seqq.*

67. Filij hæreticorum mortuorum in delicto hæresis, sunt irregulares vsque ad secundam generationem per lineam virilem, paternam: per lineam verò maternam, sunt irregulares vsque ad primam, *cap. statutum, 2. de hæret.* non videtur tamen filius hæretici esse irregularis, si natus sit ante lapsum parentis in hæresim; sicut nec filij neophytorum, aut descendendum ex Iudæis, vel paganis qui Christiani noui nuncupantur. *ibid. num.9. & seqq.*

68. In irregularitate ob hæresim contracta solus Summus Pontifex dispensat, etiamsi hæresis sit occulta; nam absolutio hæresis hoc tempore est reseruata Summo Pontifici: non est tamen improbabilis sententia asserentium clericum conuersum ab hæresi posse circa vsum ordinum susceptorum dispensari ab Episcopo, vsque ad Diaconatum inclusiue: imò & Episcopum ius habere dispensandi non solum circa vsum ordinum susceptorum, verum etiam circa susceptionem ipsorum ordinum etiam per Vicarium, quamdiu delictum est occultum, vt innuit Trident. *sess.24. cap.6. de reformat. ibid. num.12. & seq.*

69. Religiosi egredientes claustrum ad audiendas leges vel medicinam, nisi redierint intra

tra

tra duos menses irregularitatem videntur contrahere, *cap. super specula. tom. 1. fol. 691. num. 17.*

Sunt qui multas alias admittant irregularitates, sed gratis eas confingunt, cum aliæ in iure sufficienter non exprimantur. *ibidem, §. unico, per totum.*

Irregularitas ex homicidio.

70. Intentio occidendi vel mutilandi, non inducit irregularitatem, sed requiritur actualis occisio vel mutilatio hominis, & ut occidens, vel mutilans sit baptizatus & doli capax, quandoquidem actus inducens irregularitatem sit actus humanus. *tom. 1. fol. 692. n. 1. §. 2.*

71. Clericus, aut alius iuste mutilans, vel occidens, vel cooperans ad mutilationem, vel homicidium secuto effectu, sit irregularis defectu lenitatis, quæ impedit ordines suscipere, & susceptos exercere. Et non solum qui occidit, vel mutilat, est irregularis ex defectu lenitatis, sed etiam mortem accelerans, aut causam propinquam mortis dans dicto vel facto. Item iudex inferior Summo Pontifice ferens sententiam mortis vel mutilationis, eiusque assessores, cooperatores, satellites, &c. Notarius scribens vel legens sententiam, consultores in casu aliquo particulari in causa sanguinis, comitantes reum ad supplicium causa securitatis; item qui dicit reo, *ascende scalam, vel suppone caput ad excipiendum ictum*, si ob ipsius dictum reus citius mutilatur. Similiter est irregularis, qui actu pugnantibus præbet gladium ad aliquem particularem occidendum; aut qui tradit ligna, quibus hæreticus vivus comburatur: secus dicendum de deferente

ferente crimen ad iudicem, aut campanis simpliciter signum dante, aut de fabris ferrariis, vel aliis armorum fabricatoribus, conflantibus aut vendentibus gladios ad vsus humanos in genere; aut de clericis assistentibus executioni sententiæ; non enim dicuntur ad illum cooperari. Similiter excusatur ab irregularitate, qui ignoranter defert litteras quibus mandatur aliquem occidi, vel mutilari. *tom. 1. fol. 693. num. 3. & seq.*

72. Ille qui clamauit adesse latrones, fit irregularis quando suo clamore præuidit fore ut alij accederent, illósque occiderent; censetur enim causa mortis. Item qui satellitibus directè, vel indirectè indicando reum, fuit causa cur reus caperetur, incurrit notam irregularitatis secuta mutilatione vel morte; secus dicendum de eo qui aliquem ostendit nesciens ipsum quæri ad mortem. *tom. 1. fol. 694. num. 18. & 19. & fol. 695. num. 20.*

73. Clericus qui rogat Principem ut iustitiam faciat, vel ut iudicet secundum iura, &c. videtur excusandus ab irregularitate; cum hic modus loquendi videatur indifferens. *ibid. num. 21.*

74. Bannitum hostémve Reipubl. publica auctoritate occidens, fit irregularis: exercens quoque officium in criminalibus, ut v.g. condemnans reum ad mortem, vel mutilationem, irregularitatem incurrit; & vnâ tantummodò, licet plures ad mortem condemnet. *ibid. num. 22. & seqq.*

75. Iudex Ecclesiasticus qui aliquem degradat, & tradit brachio sæculari, non fit irregularis; cum degradando non cooperetur ad mortem. *ibid. num. 27.*

76. Non

76. Non est irregularis ille qui habens iurisdictionem temporalem, constituit prætores ad causas sanguinis, aut qui mandat alicui ut inquirat de delicto, & iustitiam faciat. *ibid.num.28. & 29.*

77. Prælati quando interrogatur quid sit faciendum in aliqua causa sanguinis, respondere potest hoc modo : facite quod leges statuunt, consulite peritos, &c. imò licitum est Sacerdoti dare consilium Principi, ut legem ferat qua fures plectantur capite; & Confessarius in simili casu potest absque periculo irregularitatis dicere pœnitenti, non te absolvam, nisi facias quod leges præcipiunt, vel nisi punias reum secundum iura : propterea excusandus est Confessarius ab irregularitate, qui pœnitentem iuridicè interrogatum hortatur ad confitendam veritatem in iudicio, etiamsi reus ob confessionem veritatis puniendus sit pœna mortis : hortatur enim ad id ad quod tenetur, & præstat munus suum. *ibid. num.30. & fol.696.num.31. & seqq.*

*Irregularitas quæ incurritur accusando,
vel testando.*

78. Accusans alium in causa criminalis, incurrit irregularitatem secuta morte, vel mutilatione propter suam accusationem, nisi hoc faciat iuste petendo satisfactionem pro iniuria sibi vel suis rebus illata, & non petendo vindictam, aut accusando alterum de iniuria illata personis extraneis; nam permittitur clericis conqueri solum de malefactoribus suis, non verò de iis qui aliis damna intulerunt, modò ij qui damnum passi sunt, non sint propinqui clericorum. Vnde
sic

fit vt clericus accusans alterum ad sui defensionem vel suorum, non incurrat irregularitatem, etiamsi mors sequatur præmissa protestatione. Excusatur aliquando clericus accusando alium de crimine, quando crimen adeo leue est, vt non videatur dignum mutilatione; vel quando non petit vindictam, sed satisfactionem sibi debitam. *tom. 1. fol. 697. num. 1. & seq.*

79. Tam laicus quàm clericus omittens protestationem ex obliuione in causa criminis, incurrit irregularitatem: facienda est autem protestatio coram iudice his vel similibus verbis: Domine peto cures mihi satisfactionem, vel restitutionem exhiberi à Titio, qui mihi damnum intulit, protestorque me nulla ratione intendere pœnam sanguinis, mutilationem, vel mortem. Protestatio solo animo facta non prodest; nam ius requirit protestationem expressam: tamen protestatio ficta, sufficit ad euitandam irregularitatem. *tom. 1. fol. 698. num. 8. & seq.*

80. Testis ex cuius dicto mors secuta fuit, est irregularis, siue examinatus fuerit iuridicè, siue non.

Clericus cogi non potest ad ferendum testimonium in causa sanguinis contra reum; potest tamen testari in fauorem rei, nec fiet irregularis, etiamsi ob id sequatur mors accusatoris. *tom. 1. fol. 699. num. 2. & seqq.*

81. Aduocatus, vel Procurator qui causam rei suscipit, non incurrit notam irregularitatis, quando sequitur mors, vel mutilatio accusatoris, qui compertus fuit calumniator: secus dicendum, si reus ex imperitia, vel negligentia Aduocati aut Procuratoris adiudicetur morti. *ibid. num. 5. & 6.*

82. Aduo

82. Aduocatus, vel Procurator accusatoris fit irregularis secuta morte, vel mutilatione rei, contra quem pro accusatore agebat. *ibid.num.7.*

83. Item Procurator & Aduocatus accusatoris, aut delatores criminum, aut syndici Fiscales, aut testes concurrentes in causa criminali, non excusantur ab irregularitate præmittendo protestationem; non nego tamen quin testis ex metu graui possit excusari ab irregularitate. *ibid.num.8.*

Irregularitas contracta ob bellum.

84. Occidens alium in bello tam iusto quàm iniusto, incurrit irregularitatem, cùm sit causa mortis, non item procedens ad bellum, sine animo pugnandi, si occidat inimicum ad sui defensionem cum moderamine inculpatæ tutelæ. *rom.1.fol.700.num.1.& 2.*

85. Quando diuiso exercitu in duas partes, vna pars occidit, altera verò non occidit, milites illius tantummodo partis quæ occidit, sunt irregulares. *ibid.num.3.*

86. Consulens alicui Principi bellum iustum contra alium non est irregularis, sicut nec ille qui hortatur alterum ad vitam effundendam pro fide Christi, vel pro tuenda Republica. *ibid.n.4.& 5.*

87. Tam clerici quàm laici possunt interesse bello iusto absque irregularitate, etiamsi hortentur milites, vt suo fungantur munere, vel illos hortentur in genere ad pugnandum, ad fortiter se gerendum, ad vincendum, ad fidem tuendam, ad patriam defendendam. *ibid.num.7.*

88. Præbens seu vendens arma in bello iusto, non

nō est irregularis, etiamsi arma sint offensiva. *cap. petitio tua.* modò non præbeat arma ad occidendum hunc vel illum in particulari. *ibid. num. 8.*

89. Clericus propriis manibus pugnans de licentia Summi Pontificis, non videtur subiacere irregularitati. *tom. 1. fol. 701. num. 12.*

90. Solus Summus Pontifex potest de iure communi dispensare in irregularitate contracta causa belli. *ibid. num. 13.*

Irregularitas contracta medendo, aut chirurgiam exercendo.

91. Laicus exercens chirurgiam vel medicinam secundum regulam artis, non fit irregularis, etiamsi membrum aliquod abscindat causa sanitatis; secus dicendum si eius culpa ægrotus interiiit. *ibid. num. 1.*

92. Clericus etiam beneficiarius exercens officium medici vel chirurgi secundum regulam artis, seclusa adustione vel incisione, nō est irregularis, etiamsi mors sequatur. Adde clericum maioribus ordinibus initiatum non peccare, nec affici irregularitate, incidendo vel adurendo urgente necessitate, e.g. tempore pestis, quando non adest alius qui id præstet. Item adiuuans chirurgum ad iuste abscindendum membrum alicuius ægroti infectum, non incurrit irregularitatem. *tom. 1. fol. 702. num. 4. & fol. 703. num. 6.*

Irregularitas ex homicidio facto ad sui defensionem.

93. Occidens alium ad vitæ suæ defensionem non excedendo notabiliter moderamen inculpa-

ta

tæ tutelæ, non incurrit irregularitatem; quia huiusmodi actio non censetur iniusta, etiam si dederit causam inuasionis. Sicut autem licitum est tueri vitam cum morte inuasoris, ita etiam licitum est tueri membrum, seu partem vitæ; præsertim quando ex huiusmodi percussione, vel mutilatione membri sequi potest amissio vitæ. *tom. 1. fol. 704. num. 3. & 4.*

94. Qui occidit iudicem iniuste sibi parantem mortem, non est irregularis. Idem dic de capto ab hostibus volentibus ipsum interficere; is enim occidendo custodem vel alium, quando aliter euadere non potest, non fit irregularis: sicut nec qui fure domi inuento clamauit ad vitam, vel ad res suas defendendas, *cape, cape*; secus dicendum si clamauit, *occide, occide*, &c. *ibid. num. 5. & seq.*

95. Qui alium occidit ut se defendat à graui deformitate vultus, aut qui tradit alteri arma, ut se defendat, sed alter occidit inuasorem, non est irregularis. *tom. 1. fol. 705. num. 8. & 9.*

96. Occidens alium ad defensionem sui honoris rerumque suarum, non fit irregularis, seruatō moderamine inculpatæ tutelæ. Idem dicendum de occidente inuasorem proximi cum moderamine; & hoc potiori ratione sequitur si occidat alium defendendo proximum quem tenetur defendere, ut defendendo Principem, vel aliam personam publicam, vel patrem, &c. Adde illum non esse irregularem, qui tradit arma alicui inuasō ad se defendendum, & inuasor occiditur ab inuasō cum moderamine inculpatæ tutelæ. *ibid. num. 10. & seq.*

Irregularitas ex homicidio casuali.

97. Homicidium omnino casuale quod non est volitum in se, nec in causa, non inducit irregularitatem, cum non sit peccaminosum, aut voluntarium.

Hinc fit ut homicidium commissum ab amente, vel furioso, non habente tunc temporis lucida intervalla, vel ab ebrio, vel dormiente, qui non prævidit illud secuturum, non inducat irregularitatem; sicut nec si commissum sit ab infante rationis usu carente. *tom. 1. fol. 706. num. 2. & fol. 707. num. 3. & seqq.*

98. Homicidium quod non est omnino casuale, sed volitum in causa, seu implicite voluntarium, inducit irregularitatem: unde à fortiori homicidium inducit irregularitatem, quando est voluntarium in se & directe, id est cum aduerrentia & deliberatione, ex industria, & ex proposito. *ibid. num. 6. & 7.*

99. Dans operam rei licitæ vel illicitæ, non est reus homicidij, aut irregularitatis, si debitam diligentiam adhibuit, ne sequeretur homicidium: & hoc verum est, etiam si res erat periculosa homicidij, modò diligentiam adhibuerit, & modò ex illa re cui opera datur, non soleat mors ut plurimum sequi; tunc enim incurritur irregularitas secuta morte, vel mutilatione. *ibid. num. 8. & 9.*

100. Conficiens gladios quibus aliqui postea occiduntur, non fit irregularis: nam censetur causa tantummodo remota mortis; secus dicendum de aromatatis conficientibus medicinas ex rebus corruptis, si hac de causa sequitur mors in-

P

firmi.

firmi. Similiter qui præbet aut consulit, aut tradi mandat aliquid infirmo contra Medici præceptum, fit irregularis, quoties infirmus ex illius rei traditione perit, aut notabiliter ipsius mors acceleratur: non esset tamen irregularis qui cautè & secundùm regulas artis extraheret sagittam è vulnerato, ex cuius extractione vulneratus moreretur. *tom. 1. fol. 708. num. 10. & sequent.*

101. Magister verberans discipulum excedendo modum percussionis, & non adhibendo debitam diligentiam ne sequatur mors vel mutilatio, fit irregularis: secus dicendum de iudice qui præcepit reum verberari iuxta leges, sed minister adeò excessit, ut ratione illius excessus, reus mortuus sit. *ibid. num. 14. & 15.*

102. Ille excusari potest ab irregularitate, qui leue vulnus alteri inflixit, ex quo tamen vulneratus periit ex sua intemperantia, aut ex iniuria vel incuria medici. *ibid. num. 16.*

103. Ille est irregularis in foro conscientiae, qui consuluit Titio occidere Caium, sed accidit ut Titius ipse occisus fuerit à Caio.

Idem dicendum de eo qui inter dormiendum interemit infantem in lecto, eo quòd non adhibuerit debitam & sufficientem cautionem præscriptam in tenerdo infantulo in lecto. Proiciens lapidem in Titium fit etiam irregularis, si lapis, Titio illum declinante, concidit in Caium, illumque occidit, quia censetur actionem periculosam homicidij exercuisse absque sufficienti diligentia. Similiter ille est irregularis, qui reficiens testum, tegula occidit transeuntem, si non monuerit, aut signum de more non exposuerit. Item sunt irregulares, qui hyeme se petunt pilis niueis

niveis si mors sequatur, aut oculus eruatur; secus dicendum de saltante cum muliere gravida saltatione consueta & moderata, si abortus sequatur fœtus animati. *tom.1.fol.709.num.17. & seq.*

104. Insidens equo, non est habendus pro irregulari, quando equus fractis habenis puerum in via existentem conculcavit & interfecit, mors enim censetur omnino casualis. *ibid. num.23.*

105. Ille non est quoque irregularis, qui domi diligenter custodit feram, quæ absque ipsius culpa soluta, aliquem occidit; secus dicendum de eo qui feram vinculis constrictam in platea detinet, quæ incautè accedentes occidit. *ibid. num.24.*

106. Detegens bona fide in conuentu hominum adulterium mulieris, non est irregularis, si vnus adstantium deferat ad virum adulteræ, & mors inde mulieri sequatur. *tom.1.fol.710. num.25.*

107. Ille est irregularis, qui ioco (excipe pueros) terrorem incurrit alteri, estque causa, ut alter eo terrore commotus & perterritus, se det præcipitem. *ibid. num.26.*

108. Ad incurrendam irregularitatem ex homicidio iniusto, non omnino casuali, requiritur culpa mortalis. *ibid. num.27.*

*Irregularitas ex homicidio iniusto
voluntario.*

109. Voluntarium simpliciter dicitur illud, quod intenditur ab agente; voluntarium autem indirectè non intenditur in se directè; explicitè

reputatur tamen intentum in actu exercito, eo quod aliquid actum fiat per se & immediatè ordinatum ad illum effectum. Idem dicendum respectu consulentis, vel mandantis. *ibid.num.1. & fol.711.n.2.*

110. Membrum propriè dicitur pars illa corporis, quæ proprium habet officium distinctum ab aliis partibus. *ibid.num.3.* his positis

111. Homo baptizatus occidens vel abscindens alterius membrum voluntariè simpliciter, vel secundum quid, vel censualiter cum mortali culpa, est irregularis secuta morte, aut mutilatione. Propterea mutilans membrum alterius, vel maiorem partem membri, e. g. totam ferè manum, est irregularis, etiamsi membrum debilitatum esset, vel aridum, (contra nonnullos) modò mutilans non sit chirurgus, vel medicus, qui hoc faciat ex præscripto artis; secus dicendum de debilitante, vel reddente inutile membrum; hic enim non dicitur mutilare, vel occidere; aut de eo qui reddit aliquem cæcum non erüendo illi oculum; aut alteri digitum abscindit, cum digitus non sit propriè membrum; aut mutilat cadauer, quia hæc non dicitur hominis mutilatio. *ibid.num.4. & seq.*

112. Mandans expressè vel tacitè homicidium vel mutilationem, reus est homicidij vel mutilationis, consequenter est irrègularis, & tenetur ad restitutionem, nisi expressè aut tacitè reuocauerit mandatum, & illius reuocatio innotuerit mandatario. *tom.1.fol.712.num.13.*

113. Qui mandauit verberare, percutere, vel capere, &c. imponendo expressè ne occideret, & curaret ne occideretur: & nihilominus mandatus inimicum re ipsa occidit, reus est homicidij,

dij, quia mandavit actiones quæ sunt periculosa mortis. *ibid. num. 18.*

114. Consulens homicidium illi qui paratus non erat ad homicidium patrandum, reus est homicidij & irregularitatis secuta morte, vel mutilatione, dummodò tamen consulens non retraxerit influxum suum. Idem dicendum de consulente homicidium quod alter consulisset, aut de occidente Caium, quem alter occisurus erat, qui aliter moriturus erat: nam ipse efficaciter influit in homicidium vel mutilationem, secutam ob suum consilium; secus dicendum de suadente Caio homicidium, quod adhuc commisisset absque consilio & suasionem; nam in hoc casu consulens, non censetur causa efficax homicidij. *ibid. num. 19. & fol. 713. n. 20. & seq.*

115. Qui suo dicto influit in homicidium, aut consilium dat alteri in casu illicito capiendi arcem per prodicionem, & inde mors alicuius sequitur, est irregularis; sicut & qui dat consilium faciendi abortum foetus animati anima rationali, secuto tamen effectu. *ibid. num. 24. & sequent.*

116. Auxiliantes, aut cooperantes ad homicidium, rei sunt homicidij, & consequenter irregulares secuta morte, vel mutilatione. Propterea quando plures de communi consensu aggressi sunt Titium, qui Titius ex vno tantum vulnere periit, omnes rei sunt homicidij, & consequenter irregulares, etiam si non omnes percusserint: nam omnes cooperati sunt ad homicidium concitando se & consulendo homicidium; secus dicendum si subita quadam rixa vulnera inflixerint, & vnus tantum lethale vulnus inflixit; nam ille tantum videtur reus homicidij. Quod si non

confiter quis vulnus lethale intulerit, debent omnes se tanquam irregulares gerere.

117. Ille non est censendus irregularis, qui rixam habens cum Titio, admonet accurrentes in sui auxilium ne quid mali Titio inferant, etiam si accurrentes occidant Titium intuitu illius. *ibid. num. 28. & 29.*

118. Qui voluntariè non impedit homicidium quod tenetur ex iustitia impedire, incurrit irregularitatem homicidij voluntarij, ut accidit quando quis tenetur ex officio, vel ex stipendio, vel ex promissione alterum defendere, & non defendit: peccat enim contra iustitiam non impediendo; & censetur causa moralis homicidij. hinc sequitur Principem non impediendo necesse, iudicem non impediendo iniustam sententiam contra vitam innocentis, Medicum non curando eos à quibus pretio conductus est; dominum non adhibendo debitam diligentiam, ne animalia quæ sub suo dominio vel custodia existunt nocumentum aut vulnera inferant, ligari irregularitate secuta morte. *10m. 1. fol. 715. num. 37. & seq.*

119. Ratum habens homicidium suo nomine factum ipso insciente, non est reus homicidij, consequenter neque irregularitatis cum nihil influat; quamvis grauius peccet propter effectum ad homicidium. *ibid. num. 42.*

120. Summus Pontifex dispensare potest in qualibet irregularitate proueniente ex homicidio iusto, vel iniusto, voluntario vel casuali; & Episcopus similiter in homicidio occulto casuali, aut patrato causa defensionis, non seruato moderamine inculpatæ tutelæ: non potest tamen Episcopus dispensare cum eo qui alium occidit
in

in rixâ inopinatò suborta, etiamsi homicidium sit occultum. Item non potest Episcopus dispensare cum eo qui contraxit irregularitatem occidendo in bello iusto, etiamsi occisio sit occulta, quia est voluntarium homicidium. *tom. 1. fol. 716.*

num. 1. item fol. 717. num. 9. & 10.

121. Prælati habentes iurisdictionem quasi Episcopalem dispensare non possunt in irregularitate ex casuali homicidio, vel ex mutilatione proveniente, quia illa facultas Episcopis concessa, est specialis & extraordinaria, consequenter non est extendenda ad eos, qui verè & propriè non sunt Episcopi. *ibid. num. 12.*

122. An verò aliqui religiosi dispensare possint, standum est eorum priuilegiis. *tom. 1. fol. 716. num. 1.*

Dispensatio irregularitatis.

123. Summus Pontifex dispensare potest in omni irregularitate iure humano introducta; sicut enim potest legem condere, ita etiam potest eam per dispensationem abrogare. *tom. 1. fol. 718. num. 1.*

124. Probabiliter sustineri potest, ablata lege irregularitatem inducente, censeri etiam ablatam irregularitatem antea contractam, modò abrogatio legis simpliciter & absolutè fiat. *ibid. num. 2.*

125. Episcopus dum in sua diœcesi existit, dispensare potest cum suis subditis in irregularitatibus provenientibus ex delictis occultis, excepta irregularitate proveniente ex homicidio voluntario, aut ex delicto deducto ad forum contentiosum. Dispensare potest etiam cum religio-

sis se ipsos illi subiicientibus in iis casibus, in quibus potest cum suis subditis dispensare. Hæc facultas dispensandi quam habent Episcopi ex privilegio Tridentini non est extendenda ad alios Prælatos habentes iurisdictionem quasi Episcopalem. *ibid.num.3. & fol.719.num.4. item fol.720.num.7.*

126. Episcopus dare potest facultatem alteri, qui secum dispenset in iis casibus in quibus dispensare potest cum suis subditis in irregularitate & in censuris, quia fauores sunt ampliandi; & eo ipso quo Episcopus aliquem irregularem admittit ad ordines, aut concedit litteras dimissorias, censetur cum eo dispensare in irregularitate, aut concedere facultatem ut dispensetur ab alio Episcopo; modò sciat ordinandum esse irregularem, & intentionem habeat dispensandi. *ibid.num.8. & 9.*

127. Omnis irregularitas saltem consurgens ex proprio delicto tollitur per Baptismum; seu potius, homo non afficitur irregularitate ob defectum existentem ante Baptismum, nisi defectus adhuc perseveret post Baptismum. *ibid.num.1.*

128. Per professionem in approbata religione tolluntur irregularitates in iure expressæ, v.g. ea quæ provenit ex defectu natalium: hæc tamen irregularitas aufertur per professionem solum quoad ordines, non verò quoad prælaturas. *ibid.num.2. & fol.721.num.3.*

129. Irregularitas aufertur ablata causa, ob quam fuerat inducta, quoties irregularitas fertur pro tali tempore quo durat talis causa: propterea irregularitas ex defectu ætatis tollitur sublato ætatis defectu per aduentum legitimæ ætatis. *ibid.num.5.*

130. Irre

130. Irregularitas tolli potest per facultatem à Summo Pontifice concessam, aut etiam collatam ab Episcopo in iis casibus in quibus Episcopus iure ordinario dispensare potest. *ibid. num. 6.*

131. Facultas dispensandi concessa à Papa sub hac conditione, *si res ita est*, expirat morte Papæ re adhuc integra; quia huiusmodi facultas est veluti mandatum, mandatum autem expirat morte mandantis. *ibid. num. 7.*

132. Habenti facultatem absoluendi ab omnibus censuris & sententiis, non censetur concessa facultas absoluendi ab irregularitatibus contractis ex delicto, nisi facta sit illius expressa mentio. *ibid. num. 8.*

133. In concedenda & obtinenda dispensatione, requiritur ut dispensatio signo aliquo externo sufficienter manifestante voluntatem Superioris, exprimatur: requiritur præterea iusta causa, & ut exprimatur species irregularitatis, seu delicti; alioquin obstrictus pluribus irregularitatibus, nullius validè obtinet dispensationem, cum non constet in quam fuerit dispensatus. *ibid. n. 1.*

134. Qui obtinuit facultatem dispensandi in irregularitate, potest cum eo dispensari, si obtenta facultate denuò incidat in irregularitatem: nec est necesse in concedenda dispensatione dicere, *dispensò te toties, quoties incurristi*, sed sufficit dicere, *dispensò te super irregularitate. tom. 1. fol. 722. num. 2. & 3.*

135. Obtinens dispensationem ob vnam causam, non censetur dispensatus in irregularitatibus contractis ob aliam causam, nisi reuera Superior intendat generaliter dispensare. *ibid. n. 5.*

136. Non extat certa & determinata verborum forma in concedenda dispensatione irregularitatis ; nullo enim iure probatur eam requiri : hæc tamen communiter adhiberi solet : *Dispenso tecum in irregularitate , vel irregularitatibus , quas ob talem vel talem causam contraxisti , teque habilem efficio ad susceptionem & executionem ordinum , & officiorum tuorum . quantum possum , In nomine Patris , &c.* Valida tamen est dispensatio obtenta sub hac forma : *Absoluo te ab irregularitate , quam contraxisti , &c. ibid. num. 7.*

Index, Indiciū publicum.

Vide v. *Accusator, Reus.*

1. Potestas & iurisdictio siue ordinaria , siue delegata , siue arbitraria , siue accessoria requiritur , & adeo necessaria est iudici ; vt sententia lata sine potestate & iurisdictione inualida sit , quia nihil fieri potest sine potestate. *tom. 2. fol. 432. num. 1. & 3.*
2. Clerici exempti sunt à laica potestate , fruunturque priuilegio fori , etiamsi grauius delicta commiserint. hinc qui habitum clericalem commisso delicto suscepit , non potest à laica potestate iudicari , nisi fortè habitum clericalem suscepit in fraudem. *tom. 2. fol. 435. num. 5. & fol. 438. num. 15.*
3. Nomine autem clericorum veniunt non solum Cardinales & Episcopi , verum etiam initiati sacris aut minoribus ordinibus , aut sola prima tonsura , & religiosi cuiuscunque ordinis aut sexus ; imò etiam coniugati , modò habitum & tonsuram deferant , abstineant ab armis deferendis , & modò non sint bigami bigamia vera vel interpretata

pretatiua. Secus dicendum de familiaribus Cardinalium, Referendariorum, aut Episcoporum, qui non sunt propriè personæ Ecclesiasticæ. *tom.2.fol.441.num.1. & fol.442.num.3. & 4.*

4. Laici non possunt per consuetudinem acquire iurisdictionem in clericos, etiamsi consuetudo sit immemorabilis, & clerici vel Episcopi consentiant; quia particulares cedere non possunt priuilegio toti communitati clericorum concessio. Possunt tamen laici ex priuilegio Summi Pontificis iurisdictionem in clericos acquirere, donec huiusmodi priuilegium reuocetur. *tom.2.fol.443.num.1. & 2. item fol.444.num.4.*

5. Casus in quibus clerici foro seculari & laico subiiciuntur, sunt degradatio, bigamia, vel vera vel interpretatiua, susceptio habitus clericalis in fraudem, causa feudi (hinc infer clericum teneri stare iuramento fidelitatis præstito domino directo feudi,) causa reconuentionis in ciuilibus tantum, & modò reconuentio fiat incontinenti; præterea dum (iuxta nonnullos) clericus enormitatibus se immiscet, vel effectus est incorrigibilis, quamquam sola incorrigibilitas, per se loquendo, non sufficit: sed adhuc requiritur ut clericus incorrigibilis brachio seculari tradatur. *ibid.num.1. & fol.445.num.2. & seq.*

6. Clericus cui reservata est pensio tanquam clerico, non gaudet priuilegio fori dum habitum & tonsuram non desert: secus si habet præstimonium, vel aliud quod in titulum dari soleat, vel aliquam beneficij collationem, etiamsi nondum obtinuerit possessionem, licet aliqui oppositum sentiant. *tom.2.fol.447.num.12. & 13.*

7. Qui consuetudinem habet dimittendi habitum, ita ut publicè laicus existimeretur, amittit

priuilegium fori; secus si aliquoties dimittat, & clericus adhuc existimetur. Similiter si clericus minoribus initiatus habitum & tonsuram non deferat, amittit priuilegium absque alia monitione: si verò beneficium habeat, aut sacris ordinibus initiatus sit, non amittit priuilegium, nisi ter specialiter admoneatur, vt habitum clericalem deferat. *tom. 2. fol. 448. num. 15. & 16.*

8. Clericus qui ob impotentiam, vel ob aliam iustam causam clericalem habitum iuxta sui loci consuetudinem non desert, non amittit priuilegium fori. Quod si controuertatur an habitus sit clericalis, vel an aliquis sit clericus, cognitio pertinet ad Prælatum Ecclesiasticum, & interim laicus iudex supersedere debet ab actibus iudicialibus. *ibid. num. 17. & seqq.*

9. Clericus qui in re aliqua in Tridentino præscripta deficit, ob idque foro laicali subiicitur, non solum à iudice laico, verum etiam ab Ecclesiastico iudicari potest, quia Ecclesia non abdicauit à se ius cognoscendi de criminibus clericorum. *tom. 2. fol. 494. num. 20.*

10. Clericus initiatus minoribus, si Ecclesiæ seruiat, cui inservire Episcopus non præcipit, non gaudet priuilegio fori. *ibid. num. 21.*

11. Qui priuilegium fori amittit, non propterea amittit priuilegium Canonis, nisi sit bigamus, vel nisi sit coniugatus, simulque habitum & tonsuram non deferat, aut nisi habitum omnino dimiserit. *ibid. num. 22.*

12. Clericus conueniens alium clericum coram laico iudice incompetente, committit culpam sacrilegij, & pœnam excommunicationis incurrit. Idem dicendum de iudice incompetente personas Ecclesiasticas puniente, vel iudican

dicante. *tom. 2. fol. 450. num. 1. & 2.*

13. In iudice, præter potestatem & iurisdictionem, requiritur adhuc veritas : ita ut non possit iudex ferre sententiam mortis contra innocentem, quem priuatim certò cognoscit innocentem, sed in iudicio probatur nocens. Idem dic de ministro iustitiæ, qui non potest sententiam exequi occidendo innocentem, quamuis inde sibi timeat priuationem officij; non enim sunt facienda mala ut eueniant bona; ferre autem sententiam contra innocentem, intrinsecè malum est. In causis tamen ciuilibus, aut etiam in criminalibus mitioribus iudicandum est secundum allegata & probata. *ibid. n. 1. & seq. item*

14. Iudex non potest condemnare eum, quem secretò nouit nocentem, sed innocens in iudicio publico probatur; & hoc valet non solum in iudice inferiore, verum etiam in supremo, non solum in causa criminali, verum etiam in ciuili, secus si crimen sit publicum, aut plenè probari possit, sed non expediat illud in iudicium afferre. *tom. 2. fol. 451. num. 5.*

15. Iudex in conferendis officiis & beneficiis, non tenetur publicam scientiam sequi; quia potius censetur tunc distributor quàm iudex; debetque pro meritis ex re ipsa, non autem ex testibus desumptis officia distribuere. *tom. 2. fol. 452. num. 7.*

16. Præterea in iudice necessaria est scientia qua rectè sciat suo munere fungi, & puritas in recta intentione; non peccat tamen iudex, per se loquendo, iudicium ferens dum lethalis culpæ conscientiam habet. Item tenetur adhuc iudex causas celeriter expedire. *ibid. n. 1. & seq.*

17. Sententia iniusta lata ex odio vel praua
intentione

intentione, vel fauore partis valida est, quia in ea nihil deest essentiali; secus dicendum de sententia lata non seruato iuris ordine, aut lata contra veritatem facti, aut fundata in falsa præsumptione; hæc enim non valet neque obligat in conscientia. *tom. 2. fol. 453. num. 4. & seqq.*

18. Quæres, quæ sit forma iuris quam iudex in modo procedendi seruare debet? Respondeo triplicem esse modum procedendi, nimirum vel per denunciationem, vel per accusationem, vel per inquisitionem. Ad modum procedendi per inquisitionem generalem non requiritur infamia præuia, vel accusatio, vel denunciatio: ad modum autem procedendi per inquisitionem specialem, necessaria est infamia, vel clamorosa insinuatio: neque ad eam præcisa consuetudine in contrarium sufficiunt sola indicia manifesta. *tom. 2. fol. 455. num. 1. & 7. item fol. 456. num. 10. & 12.*

19. Modus verò procedendi per inquisitionem mixtam, qua inquiritur specialiter de persona, & generatim de crimine, requirit præuiam infamiam, vel semiplenam probationem & accusationem, aut saltem manifesta indicia iuxta receptam loci consuetudinem: hinc sequitur quando commissum fuit homicidium, de quo publicè constat, posse in genere inquiri, quis illud commiserit; non posse verò inquiri in specie, nisi præcesserit infamia vel semiplena probatio. Excipiuntur tamen aliqui casus, videlicet quando inquisitio vel manifestatio necessaria est ad impediendum malum futurum publicum aut priuatum, præsertim animarum; ex. gr. ad impediendum crimen læsæ maiestatis, aut hæresis, vel apostasiæ, quia hæc crimina nimis perniciofa sunt

Reipu

Reipublicæ ; & quando iudex in generali inquisitione comperit aliquem deliquisse ; tunc enim procedere potest ad specialem inquisitionem. Idem dicendum quando proceditur non ad punitionem , sed ad conferendum beneficium , ad dispensandum in voto , ad celebrandum matrimonium , ad eligendum , &c. *ibid. n. 13. & seq.*

20. Iudex via accusationis iuridicè procedit ; quoties delata accusatione interrogat testes , & postea habita saltem semiplena probatione procedit ad interrogandum reum ; quamquam aliquando procedit per querelam , aliquando per inquisitionem cognito delicto. *tom. 2. fol. 458. num. 1. & 3.*

21. Iudex via denunciationis iuridicè procedit , quoties crimine de aliquo ad ipsum delato ex officio procedit ad capiendas informationes , & examinandos testes nominatos à denunciatore , vel alios quos ipse iudex inquirendo ex officio comperit informatos , quibus positis legitime accedit ad examinandum delinquentem : excusari tamen potest praxis iudicum sæcularium , qui ex denunciatione publici officialis , vel alterius priuati ad id muneris deputati , vel ex querela partis accedunt ad accipiendas informationes , & iis habitis specialem inquisitionem formant. *ibid. num. 4. & 5.*

22. Iudex tenetur ad restitutionem , si non seruauit ordinem iuris in iudicando ; nam censetur causa iniusta damni. *tom. 2. fol. 459. num. 6.*

23. Petes , an iudex poenam à lege taxatam remittere possit ? Respond. iudex inferior præciso communi bono , non potest poenam à lege taxatam remittere ; arbitriam verò potest augere vel minuere ; secus dicendum de supremo : is enim

enim potest iusta de causa pœnam in iure taxatam relaxare, etiam recusante parte. Non debet tamen iudex se facilem exhibere in liberando reo, aut in commutanda pœna corporali in pecuniariam: nam sub spe istius commutationis, diuites occasionem arriperent liberius peccandi. Præterea iudex non potest, per se loquendo, eum ad mortem condemnare, à quo delicti confessio nem extorsit promissione impunitatis, aut minis, vel deceptionibus; nisi alioquin magnum imminet Reipublicæ damnum. *ibid.num.1. & 3. item fol.460.num.6. & 8.*

24. Potestne iudici aliquid tradi, & ab eo accipi? Respond. iudices tam sæculares quàm Ecclesiastici aliquid loco stipendij à litigantibus pro exercendo iustitiæ officio accipere possunt, modò aliunde non sit illis assignatum; beneficiarius tamen non potest quicquam accipere, si beneficio est adnexum onus iudicandi; quia beneficium datur propter officium, consequenter datur ad supplenda onera beneficio adnexa. *tom.2.fol.460.num.2. & fol.461.num.3.*

25. Iudex Ecclesiasticus ordinarius non potest quidquam pro assessore accipere. Secus de iudice sæculari, aut etiam de iudice Ecclesiastico delegato, modò nihil in fraudem accipiat, ut si assessor inutilis sit. *ibid.num.4.*

26. Iudex Ecclesiasticus tam ordinarius, quàm delegatus, præcisa legitima consuetudine in contrarium, non potest munera vel sportulas accipere, potest verò xenia, id est, esculenta, vel poculenta: & iudex sæcularis non solum potest xenia, verum etiam aliquas sportulas, id est, etiam munera pecuniaria. *ibid.num.5. & 6.*

27. In Extrauaganti Bonifacij VIII. *in rubrica de*

de sententia excommunicationis, qua incipit, Excommunicamus, &c. lata est excommunicationis pœna contra dantes aliquid notabile, vel recipientes, promittentes, vel promissionem acceptantes pro gratia vel iustitia obtinenda in Curia Romana, item contra præbentes consilium, auxilium, vel fauorem, contra scientes & non reuelantes eos qui ex pacto tacito vel expresso dant vel recipiunt aliquid pro gratia vel iustitia, beneficio, aut pensione obtinenda in Curia Romana; & contra eos qui iustitia & gratia sic obtenta scienter utuntur. Aduerte tamen promittentem aliquid pro gratia vel iustitia non subiaccere pœnis huius constitutionis altero promissionem non acceptante. Idem dicendum de eo qui fictè promittit, quia promissio ficta non est promissio. *tom.2.fol.462.num.1. & fol.465.num.8. & 9.*

28. Pœnæ huius constitutionis non incurruntur quoties aliquid datur alio titulo quàm pro gratia vel iustitia, ut si tradatur pro salario (quamuis adsit excessus, modò excessus non datur pro gratia,) aut si tradatur pro labore, vel diligentia ad quam alter non tenebatur. Et qui tradit vel recipit post gratiam, non ligatur his pœnis, modò det vel recipiat solum titulo gratitudinis. *tom.2.fol.467.num.14. & fol.468.num.15.*

29. Sciens aliquod delictum contra hanc constitutionem, excommunicationem incurrit non denunciando: tenetur tamen delinquentem admonere antequam denuntiet, si fructum ex huiusmodi correctione speret. *tom.2.fol.469.n.18. & fol.470.num.19.*

30. Denique ad incurrendas has pœnas non est necessaria

354 *Iudicium temerarium.*

necessaria consecutio gratiæ, vel iustitiæ, sed sufficit aliqua actio ex iis quæ principaliter vetitæ sunt. *ibid. num. 21.*

Iudicium temerarium.

31. Committitur iudicium temerarium, & consequenter mortale peccatum contra iustitiam, iudicando firmiter & deliberatè de aliquo graui malo proximi, absque sufficienti fundamento, & iudicijs seu coniecturis probabilibus, modò iudicium sit de re graui, & fiat sine aliqua rationabili causa. *rom. 2. fol. 644. num. 4.*

32. Suspicio potest aliquando esse peccatum mortale, quando scilicet grauiter læditur bona proximi existimatio per suspensionem, vt accidit quando quis absque sufficienti fundamento suspicatur de viro sanctissimo hæresim, adulterium, &c. *ibid.*

33. Non peccat mortaliter, qui temerè iudicat de aliquo indeterminato, aut etiam de aliquo determinato, quem non agnoscit, nec agniturus est; quia in hoc casu nulli grauis irrogatur iniuria. *tom. 2. fol. 645. num. 7.*

34. Qui de alio malè suspicatur, vel dubitat, non potest suam opinionem vel iudicium alij manifestare, nisi id fiat ad honestum finem. *ibid. num. 9.*

35. Petes, quomodo in hac materia, dubia explicanda sint? Regulariter loquendo tenemur dubia explicare negatiuè in meliorem partem; non positiuè, seu affirmatiuè, nisi fortè quis velit actum positium iudicij elicere. *tom. 2. fol. 646. num. 2.*

Iura

Iuramentum.

Vide v. *Adiuratio, Votum, Mendacium.*

1. Iuramentum est innocatio diuini nominis in testimonium. Iuramentum aliud verbis enunciatur, aliud nutu, aut signo, aut manu sublata, aut tactu Euangeliorum, vel reliquiarum: aliud fit per simplicem contestationem, qua Deus in testem adducitur, vt dicendo, *testor Deum, iuro per Deum, &c.* Quouis modo fiat, semper est eiusdem speciei. *tom. 2. fol. 309. num. 1. & fol. 311. num. 1. & 2.*

2. Ad iuramentum sufficit tacita Dei innocatio, censeturque semper iuramentum, dum adducitur creatura in testem, expresse etiam nomine Dei in obliquo; & quoties in creatura specialiter Deus relucet. *tom. 2. fol. 310. num. 3. & 4.*

3. Adhibens verba, quæ quis falsò putat importare iuramentum, tenetur vi iuramenti, quamquam is non tenebitur vi iuramenti, si absque intentione verè iurandi, adhibeat verba non importantia verum iuramentum. Et hoc valet etiamsi adhibuerit verbum *iuro*, aut aliquid aliud addiderit, quod distrahat verbum à propria significatione. *tom. 2. fol. 311. num. 6. & 7.*

4. Vt licitum sit iuramentum tria requiruntur, videlicet, veritas, iustitia & iudicium. Veritas ad iuramentum requisita consistit in hoc, vt iurans non leui, sed probabili coniectura, & prudenter, putet verum esse quod iurat. Iudicium in hoc, vt fiat cum necessitate & reuerentia: & iustitia in hoc, vt iuramentum fiat de re licita. *tom. 2. fol. 312. n. 4. & fol. 313. num. 5. & seqq.*

5. Materia iuramenti debet esse res licita,

&

& non peccaminosa, neque indifferens aut impossibilis, aut impeditiua maioris boni, seu diuinis consiliis contraria, modò materia illa maneat sèmp̄ indifferens, vel iuramentum non sit factum in fauorem alterius. *tom. 2. fol. 314. num. 1. & 2.*

6. Iuramentum factum de re prohibita per legem ciuilem quæ primariò & immediatè dirigitur ad bonum publicum, non obligat; obligat tamen iuramentum factum contra legem respicientem bonum particulare, modò non vergat in præiudiciu tertij. Lex autem primariò respicit bonum commune, quando ex eius transgressione læditur bonum commune; priuatum verò respicit, quando commune primariò non læditur. *tom. 2. fol. 315. num. 1. & seqq.*

7. Promissio, aut iuramentum factum contra prius iuramentum, aut contra votum; aut contra priorem promissionem validam non obligat; quia secundum iuramentum vel secunda promissio est de re quæ sine peccato seruari non potest: gesta verò contra obligationem iuramenti, valida sunt, nisi aliunde irrita sint; (nam irritari possunt à iure,) ideò reuocatio testamenti facta contra iuramentum de non reuocando testamento, valida est; sicut & venditio quoque facta contra promissionem iuramenti de non vendendo. *tom. 2. fol. 316. num. 1. & 2.*

8. Alienatio fundi dotalis facta à muliere cum iuramento contra prius iuramentum factum, illud non alienandi, inualida est; nam iurans non alienare, tacitè censetur reprobare alienationem futuram, & censetur nolle contrauenire suo iuramento. *ibid. num. 3.*

9. Ex iuramento facto cum animo non adimplendi,

plendi, nascitur obligatio ex vi iuramenti; quia ex contractu celebrato animo non soluendi nascitur obligatio; ergo etiam nascitur ex iuramento facto cum animo non adimplendi. *tom.2. fol.317.num.5.*

10. Qui iurat fictè, seu qui iurat exterius absque animo iurandi, vel cum animo non se obligandi, vel cum animo non adimplendi, peccat mortaliter quouis modo ex prædictis iuret, quoties iuramentum rationabiliter exigitur. *ibid. num.6.*

11. Iuramentum non obligat, quoties error & dolus sunt circa substantiam rei promissæ, aut versantur circa causam finalem, seu quoties iurans secundum prudentem æstimationem, non censetur voluisse iurare, si dolum cognouisset. *tom.2.fol.318.num.3.& 4.*

12. Iuramentum metu graui extortum, quamuis iniuste, obligat sub mortali, modò sit de re licita: iuransque, & postea dubitans, an habuerit animum adimplendi iuramentum metu graui extortum, tenetur illud adimplere. *ibid.num.1.& fol.319.num.3.& 4.*

13. Non omnibus permissum est iurare iudicialiter; nam masculis ante decimum quartum annum, & puellis ante duodecimum, interdicitur iuramentum solenne in iudicio in causis ciuilibus. *ibid.num.1.*

14. Iuramentum potest per nuncium vel Procuratorem præstari, quando actus est talis qui possit per Procuratorem præstari, vel quando lex proprium iuramentum non requirit, & quando nuncius seu Procurator habet ad hoc speciale mandatum; & tunc ille cuius nomine præstatur iuramentum, obligatur, non verò Procurator seu nuncius,

nuncius, vt patet à simili in matrimonio. *tom. 2. fol. 320. num. 2. & seqq.*

15. Iuramentum ex iusta causa licitè exigitur ab eo qui creditur peieraturus ; peccat tamen ille qui sine iusta causa petit iuramentum ab eo quem credit peieraturum, etiamsi ille sit peierare paratus. *ibid. num. 1. & fol. 321. num. 3.*

16. Magis peccat ille qui curat adduci falsum Deum in testem veri , quàm qui curat adduci verum Deum in testem falsi. *ibid. num. 4.*

17. Non committitur mendacium proferendo verba iuxta alium sensum quàm audientes intelligant , quando verba duplicem sensum habent, licètque vti verbis amphibologicis , quando pateretur quis damnum iis non vtendo : nec dicendus periurus, qui absque iusta causa vtitur æquiocatione cum iuramento : non licet tamen absque iusta causa vti æquiocatione, iuransque alio sensu quàm alter intelligat sine iusta causa, renetur ex vi iuramenti ad seruandum id quod iurans iuxta mentem suam intellexit. Quare peccat mortaliter qui crimen suum in iudicio verbis amphibologicis occultat absque iusta causa, modò iuridicè interrogetur, & tenetur illud fateri. Venditores tamen qui in vendendis mercibus æquiuocando iurant rem suam sibi tanti stetisse, non videntur peccare mortaliter præciso notabili damno quod eumentibus afferunt. Et qui addit orationi ambiguae iuramentum , ad nihil tenetur ratione iuramenti præcisè, videturque excusandus à mortali. *ibid. num. 1. & seq.*

18. Qui habet consuetudinem iurandi , sed non mentiendi, non est in statu peccati mortalis , neque peccat mortaliter , licèt non conetur talem consuetudinem euellere : at coniungens

ex

ex consuetudine mendacium cum iuramento, peccat mortaliter, si non curet talem consuetudinem extirpare. *tom. 2. fol. 324. num. 3. & 4.*

19. Habens consuetudinem iurandi & mentiri, sed non coniungendi mendacium cum iuramento, tenetur illam consuetudinem sub mortali extirpare, quia censetur esse in morali periculo peierandi. Pótest quis se ab huiusmodi statu peccati liberare, dolendo de peccatis & mala consuetudine, & proponendo se amplius non iuraturum, atque adeo non habiturum talem consuetudinem. *ibid. num. 5. & 6.*

20. Violans iuramentum promissorium deliberatè factum in re magni momenti, peccat mortaliter; imò etiam violans iuramentum in re parvi momenti seriò promissa. *ibid. num. 1. & 2.*

21. Emittens iuramentum comminatorium de infligenda alicui pœna, quam iustè potest infligere, tenetur iuramentum adimplere, modò eius adimpletio non sit impeditiva maioris boni, aut non sit sublata causa, propter quam adimpleri debeat. Tunc autem comminatio pœnæ censetur fieri in ira, & non ad correctionem, dum quis iratus alicui minatur, cui in eundem errorem labenti non minaretur deposita ira. *tom. 2. fol. 325. num. 3. & 4.*

22. Obligatio iuramenti non transmittitur præcisè ad successores iurantis, quia iuramentum est vinculum personæ, quod iurans voluntariè assumit: dicendum tamen obligationem contractus supra quem cadit iuramentum, transmitti ad hæredes, modò contractus sit validus, vel iuramento firmetur. *ibid. num. 1. & 2.*

23. Laicus ratione iuramenti conveniri potest, tam

tam coram iudice Ecclesiastico , quàm sæculari.
tom. 2. fol. 325. num. 4.

24. Iuramentum cadens supra propositum , vel promissionem habentem tacitam conditionem ex intentione iurantis , vel ex dispositione iuris , vel ex consuetudine iam recepta , eo modo explicandum est , quo explicatur & obligat ipsa promissio. hinc sequitur eum qui cum iuramento promisit nuptias Bertæ diuiti , sanæ , virgini , bonæ famæ , &c. quæ post promissionem incidit in infirmitatem , vel in paupertatem , vel in fornicationem , non teneri stare iuramento , nec teneri eam vi iuramento ducere. *ibid. num. 1. & 2.*

25. Iuramentum in dubio ita explicandum est , ut quantum fieri possit minus obliget seruata verborum proprietate : propterea iuramentum vel vorum non ludendi explicandum est , & intelligendum de ludo illicito , nisi aliter colligatur de mente iurantis , vel vouentis : hinc collige eum qui iurauit absolutè non ludere , non solum non posse nomine proprio ludere , verum neque alieno , nisi aliter quoque colligatur de mente iurantis. Item filius à quo pater extorsit iuramentum non ludendi , donec Roma redeat , ex. gr. non potest ludere , si pater Romæ moriatur. Item qui promisit soluere debitum intra mensem , non tenetur illud intra mensem , sed eo transacto soluere. Item Medici non admonentes ægrum graui morbo laborantem , ut confiteatur , illumque visitantes nondum facta post tertium diem confessione , peccant peccato periurij , vbi decretum Pij V. super hoc est receptum ; nisi Confessarius asserat confessionem posse differri. Hoc decretum non obligat , quando infirmitas non est grauis , nec est periculum , vel dubium ut fiat grauis.

Item

Item Medicus non incurrit prædictum casum re-
servatum, si infirmus nolit confiteri, & periculum
est mortis, si à Medico deferatur. *tom. 2. fol. 328.*
num. 3. & seq.

26. Obligatio iuramenti impediri potest ne
inducatur, vel per legem destruentem omnino
contractum humanum, supra quem cadit, vel
prohibendo eius adimpletionem, ut sine peccato
nequeat adimpleri. *tom. 2. fol. 330. num. 1.*

27. Obligatio iuramenti iam inducæ, quatuor
modis tollitur; aut mutatione materiæ, ut si ma-
teria iuramenti fiat illicita; aut remissione, seu
relaxatione eius in cuius fauorem factum est iu-
ramentum; aut tollitur per irritationem factam
per Superiores, quibus subiecta est materia iura-
menti; aut per commutationem, vel dispensatio-
nem. *ibid. num. 2. & 3. item fol. 331. num. 4.*
& 7.

28. Qui consentit in iuramenta subditorum,
non potest licitè absque noua causa ea iuramen-
ta irritare: & hoc valet etiam in patre respectu
filij. *ibid. n. 5.*

29. Facultatè habens dispensandi in iuramentis,
non potest dispensare in iuramento, in fauorem
tertij factò, & ab eo acceptato, nisi aliqua iniuria
præcesserit, vel nisi ita postulet commune bo-
num. *ibid. n. 8.*

30. Iuramenta irritata non reuiuiscunt post
mortem irritantium. *ibid. n. 6.*

31. Præstans iuramentum alicui ratione digni-
tatis, non verò personæ, tenetur illud idem suc-
cessoribus præstare. Quod si ille, cui factum est
iuramentum, priuetur dignitate, vel moueatur ab
officio, non tenebuntur iurantes seruare iura-
mentum obedientiæ præstitum illi ratione digni-
tatis,

Q

tatis, quia cessat causa ob quam præstitum fuit iuramentum. *tom. 2. fol. 332. num. 14. & 15.*

32. Non facit contra votum, nec dicitur periu-
rus, qui non facit id in quo iuramentum auctori-
tate Superioris fuit commutatum. *ibid. n. 13.*

L

Legatum.

Vide v. *Testamentum, Hæres, Substitutio.*

Lex, Legislator.

Vide v. *Privilegium.*

1. **L**ex est regula quædam, seu ordinatio ra-
tionis promulgata, (per scripturam aut
vocem,) ad bonum commune ab eo qui curam
habet communitatis, seu ab eo qui potestatem
habet obligandi. Lex principaliter respicit bo-
num commune, secundariò verò priuatum, dif-
fertque à præcepto quod præceptum imponi pos-
sit personæ particulari, lex verò communitati
imponi solet. *tom. 2. fol. 2. num. 1. & 2. item fol. 3. num. 3.*

2. Ad concedendam legem humanam necessa-
riæ sunt hæ conditiones; vt sit iusta; vt promul-
getur; vt feratur à legitimo Superiore, habente
publicam potestatem, & ob commune bonum
immediatè, vel mediatè; vt non sit inutilis com-
munitati, alioqui non obligat, nisi postea fiat vti-
lis. *ibid. n. 3. & seq.*

3. Subditus cui certò constat legem esse magis
noxiam quàm vtilem, præciso scandalo, non te-
netur eam seruare. *ibid. num. 11.*

4. Lex

4. Lex diuidi potest in quatuor membra, videlicet in legem æternam, diuinam, humanam & naturalem.

Lex æterna est ipsa mens diuina quæ ab æterno omnia ordinauit. *tom. 2. fol. 2. num. 1. & 2.*

5. Lex diuina est illa quæ vim habet, quatenus à Deo proficiscitur, vt est lex Mosaica & Evangelica. Rursus lex diuina subdiuiditur in diuinam naturalem, & diuinam positiuam. Diuina naturalis est illa, qua præcipitur idem quod præcipitur à lege naturali, vt sunt ea quæ in præceptis Decalogi continentur. Diuina positua est illa, qua præcipitur aliquid quod lege naturali non est sancitum, vt est præceptum confessionis ante sumptionem Eucharistiæ. *ibid. num. 3. & 4.*

6. Lex humana est illa quæ fertur auctoritate humana, dependenter tamen à Deo, siue feratur potestate sæcularium, vt à Rege, vel Imperatore, siue Ecclesiastica potestate, vt à Papa, Concilio, &c. *ibid. num. 5. & 6.*

7. Lex naturalis est ipsamet conuenientia, seu disconuenientia rei cum recta ratione. Alia est per se nota & indemonstrabilis; alia quæ non est ita clara & per se nota, potestque aliquis excusari ab illius transgressione ob inuincibilem ignorantiam. Lex naturalis non potest mutari, nisi mutantur circumstantiæ & materia. *ibid. n. 7. & seqq.*

8. Lex naturalis rursus diuiditur in naturalem gentium, quam omnes homines naturali ratione ducti constituunt; & ciuilem, quæ simpliciter auctoritate hominum decernitur. *tom. 2. fol. 5. n. 13. & seqq.*

*A quo lex possit ferri, & quæ conditiones
requirantur.*

9. Lex ferri potest & debet ab habente publicam potestatem, iurisdictionem, & vim cogendi. *tom. 2. fol. 6. num. 1.*

10. Pater potest quidem præcepta filiis imponere per potestatem dominatium, seu æconomicam; non verò per potestatem iurisdictionis. Item iudices ordinarij possunt quidem præcepta iuxta metas & terminos suæ iurisdictionis ferre in materia sibi subiecta, non tamen possunt leges propriè acceptas condere, nisi sint primates in tali ordine, & primaria fulgeant potestate. *ibid. num. 2. & seqq.*

11. Leges Ecclesiasticæ, potestate à Christo accepta immediatè, ferri possunt à Summo Pontifice intoto orbe; & ciuiles in territorio sibi subdito. *ibid. num. 5.*

12. Populus reuocare nequit potestatem condendi leges Imperatoribus concessam, alioqui sequeretur perturbatio in Republica. *tom. 2. fol. 8. num. 6.*

13. Reges possunt pro suo regno leges ferre, aliisque Principes, Duces, &c. Supremi, qui Superiorem in iurisdictione temporali non agnoscunt. Præterea Regina, quæ est regni domina, etiam contracto matrimonio, nisi vices suas marito committat. Communitates quoque perfectæ, seu Reipublicæ quæ per se ipsas gubernantur, qualis est Veneta, Genuensis, Leodiensis, &c. ciuitates quæ in se retinent potestatem aliquam supremæ Reipublicæ, possunt leges ferre pro territorio ipsis subiecto. Item Legati Summi Pontifi

Pontificis, seu Nuncij Apostolici in sua prouincia: Legati Principū quoque possunt facultatem ferendi leges alteri delegare: & Concilia generalia, si fiant auctoritate Summi Pontificis; Generalēsque religionum à Summo Pontifice approbatarum possunt leges & statuta facere. Reliqui verò Prælati possunt tantum ea præcipere, quæ ad obseruantiam regulæ sunt accommodata: hinc fit vt subditi non teneantur obedientiam præstare Prælato dispensanti in regula sine causa, aut præcipienti transitum ad arctiorem regulam, aut viris religiosis clausuram perpetuam. *ibid. n. 7. & seq.*

14. Similiter possunt Episcopi, Patriarchæ & Archiepiscopi in suis dioccesibus leges Ecclesiasticas condere; modò tamen non ferant in rebus grauioribus, aut contra ius commune. Cardinales quoque possunt in loco, seu Ecclesia sui tituli ferre leges obligantes suum territorium. Idem dic de Abbatibus exemptis, aliisque similibus Prælati respectu suorum territoriorum, nisi aliunde constet hoc ipsis vetitum esse, & modò non sint contra ius commune. *tom. 2. fol. 11. num. 21. & seq.*

15. Capitulum quoque Ecclesiæ Cathedralis potest mortuo Episcopo, leges & statuta facere, duratura, donec reuocentur ab Episcopo successore; secus dicendum de Capitulis aliarum Ecclesiarum, Collegiorum, & similium: his enim non competit ius ferendi leges propriè acceptas, nisi id à legitimo Superiore obtinuerint. *tom. 2. fol. 13. num. 29. & fol. 14. num. 31.*

16. Omnes quibus potestas condendi leges comperit per iurisdictionem delegatam, possunt leges condere; vnde infer Senatū Mediola-

nensem posse leges & statuta facere. *ibid.v.32.*

¶ 33

17. Non est probabile Summum Pontificem delegare posse alicui facultatem ferendi leges in totam Ecclesiam independentem ab approbatione speciali ipsius Summi Pontificis. *ibid.n.34.*

18. Nulla apparet ratio implicantiae, cur potestas ferendi leges fœminis à Summo Pontifice delegari non possit. *ibid. num.35.*

19. Non constat sanctis Patribus datam fuisse facultatem ferendarum legum, neque illorum sententiæ vim legis habent per se; sicut neque decreta particularium Episcoporum vel Conciliorum, nisi à Summo Pontifice approbentur, vel iam fuerint approbata. *tom.2. fol.15. num.36.*

¶ *seqq.*

20. Promulgatio, seu publicatio est conditio necessaria ad legis obligationem inducendam, ut diximus paulo ante, cum egimus de conditionibus requisitis ad legem condendam. Nomine autem *publicationis*, non solum intelligitur ea quæ fit voce præconis, sed etiâ ea, quæ fit affigendo legem in loco publico: quamquam Deus efficere potest, ut leges obligent per solam voluntatem Superioris exterius sufficienter expressam. Ad legis obligationem non requiritur ut singulis intimetur, sed sufficit ut publicè promulgetur: & qui interfuerunt dum lex à Rege vel Principe condebatur, non tenentur eam seruare ante ipsius publicationem. Similiter interpretatio legis facta auctoritatiuè, non habet vim legis ante promulgationem. Epistolæ quoque Pontificiæ non habent vim legis ante publicationem; sicut neque lex reuocatoria alterius legis antiquæ. Item regulæ Cancellariæ publicationem

nem requirentes ante publicationem, non sunt propriè leges. *tom. 2. fol. 16. num. 6. & seq.*

21. Petes, ubi, & quotuplex promulgatio legis facienda sit ut lex obligare incipiat? Respondetur legem sufficienter promulgatam in loco competente & consueto, & acceptatam statim obligare omnes subditos, nisi aliter in lege exprimat: peccaretque subditus Summo Pontifici non obediendo legi quam sciret promulgatam reuelatione tantum diuina, vel miraculose in loco debito. *tom. 2. fol. 17. num. 15. & 17. item fol. 18. num. 18. & 19.*

22. Non valet contractus celebratus ab eo qui ignorat promulgatam esse legem rescissoriam illius contractus: hinc inualida est donatio, facta à nouitio ante duos menses professionis; excedensque taxam à lege constitutam in vendendo merces, tenetur excessum restituere, quamuis talis taxæ promulgationem ignorauerit. *ibid. n. 20. & seqq.*

23. Ad legem humanam condendam requiritur præterea lapsus termini à legislatore præscripti; debetque lex usu esse recepta & acceptata: tunc autem lex non censetur usu recepta, quando populus vel maior pars prosequitur facere quod ante legis promulgationem præstare consueuerat: quod si lex acceptetur tantum quoad vnā partem, & non quoad totum, obligat solum quoad eam partem quæ acceptatur, non quoad aliam; sicut & lex acceptata in vna prouincia, & non in alia, obligat ubi est acceptata. *ibid. num. 25. & fol. 19. num. 27. & fol. 20. n. 30. & 32.*

24. Petes, vtrum quando lex acceptata est à maiori parte communitatis, minor pars peccet legem non obseruando? Respond. peccare, & poenam

nam legis incurrere, nisi fortè per inuincibilem ignorantiam excusetur. Vnde excusatur à peccato, qui scit legem Pontificiam latam esse, & non obseruat eam, si sciat suam communitatem ob ignorantiam eam non obseruare: validumque est matrimonium celebratum sine Parrocho & testibus, vbi non est acceptatum Tridentinum, quamuis sciant ipsius decreta. Quando dubitatur an lex promulgata acceptata fuerit, præsumitur acceptata. *tom.2.fol.20.num.34. & seqq. item fol.21.num.44.*

25. Lex quæ non fuit acceptata ab aliqua communitate, potest in posterum acceptari; & consequenter obligationem parere: lex verò quæ semel fuit reuocata, non obligat nisi iterum feratur à legislatore, quia per reuocationem fuit extincta. *tom.2.fol.20.num.37. & fol.21.num.38.*

26. Possunt subditi iusta de causa supplicationem legislatori porrigere, & interim legem non seruare; præsumiturque legislator regulariter legem reuocare, si taceat & supplicationi non respondeat. Et vt lex vsu non recepta non obliget, sufficit tacitus Principis consensus: lex tamen non censetur sublata ex eo quod casus legis per multos annos non accidit. *tom.2.fol.21.n.41. & seqq. item fol.22.num.48.*

27. Ad substantiam & rationem legis non requiritur scriptura tanquam conditio necessaria; quando tamen hoc alicubi vsu receptum est, scriptura est de substantia legis. *ibid.num.49. & 50.*

De materia & subiecto legum.

28. Materia legis est illa, circa quam versatur lex, seu quæ præcipitur, vel prohibetur à lege; vt
sunt

sunt actiones humanae, actus quarumcumque virtutum; (non omnes simpliciter & collectivè) actiones ex se indifferentes; & actus interni qui aliqua ratione, videlicet quatenus spectant ad complementum actus externi, possunt esse materia legum humanarum; ut patet in Ecclesia, quæ præcipiendo recitationem divini officij, simul etiam præcipit attentionem, quæ est actus internus: & dum præcipit confessionem annuam, simul etiam præcipit confessionem peccatorum mortalium internorum. Superior quoque potest aliquando in voto purè interno dispensare, modò illi manifestetur; imò multi volunt posse, etiam si non manifestetur. Similiter potest interna voluntas efficax furandi prohiberi sub censuris, licèt huiusmodi voluntas sit coniuncta cum actu externo. *tom. 2. fol. 23. num. 1. & seq. item fol. 24. num. 9. & seq.*

29. Petes, quàm legum obligatione afficiantur, seu quod sit subiectum legum? Respond. subiectum legis esse hominem subditum, capacem rationis iuxta tenorem legis. Vnde collige infideles Catechumenos non affici legibus Ecclesiasticis, neque pueros rationis usu carentes, nisi ad rationis usum pervenerint. quod si dubitetur in illis de sufficienti usu rationis, non possunt vesci lacticiiniis & carnibus in die ieiunij. *tom. 2. fol. 26. num. 1. & seqq. item fol. 27. num. 8. & 9.*

30. Amentes, dormientes, invincibiliter ignorantes & absentes tempore promulgationis, teneantur legibus, licèt excusentur qui tempore amentie carnes amentibus porrigunt; vel qui porrigunt etiam infidelibus in die ieiunij, cum ij non teneantur legibus Ecclesiasticis. *tom. 2. fol. 26. num. 3. & seqq.*

31. Augusta seu Regina ex natura rei, nisi eximatur, obligatur legibus : Princeps quoque supremus ex vi diuinæ legis vel naturalis, tenetur lege declaratoria, vel confirmatoria iuris diuini vel naturalis, non tenetur tamen præciso scandalo suorum prædecessorum leges seruare. *tom. 2. fol. 27. num. 10. & seqq.*

32. Generales transgredientes proprias vel aliorum Generalium leges, puniri possunt pœna debiti iudicis arbitraria, cum ad eas indirectè teneantur. *ibid. num. 13.*

33. Legislator non obligatur propriè ex vi coactiua ad seruandam propriam legem ; neque subiaceret pœnis contra transgressores latis, si legem ipse non seruet : propterea Episcopus ludens aleis contra constitutionem à se latam, non subiaceret excommunicationi ; secus dicendum de ludente cum illo, nisi Episcopus suspendat vim sui edicti : aduerte tamen Episcopum ludentem cum eo qui contraxit excommunicationem à se latam, incurrere excommunicationem à iure communi latam, quia participat in crimine criminoso. *ibid. num. 14. & fol. 28. n. 15. & seqq.*

34. Princeps ex vi directiua tenetur ad seruandas proprias leges ; quando habent materiam vniuersalem, & ipsi Principi accommodatam ; potest tamen secum iusta ex causa dispensare Princeps, qui sua auctoritate fert legem ; secus si simul cum populo legem condat. *ibid. num. 19. & 20. item fol. 29. n. 21. & 22.*

35. Princeps non obseruans proprias leges, peccat contra virtutem contra quam peccant reliqui. Non tenetur tamen Imperator, aut alius Princeps seruare statuta ; seu leges municipales oppidorum, seu prouinciæ sibi subditarum ; quia

quia hæ non sunt latæ à Superiore. *ibid.num.24.*
 & 26.

36. Successores eorum qui potestatem conden-
 di legem contulerunt Principi, ligantur legibus
 ab ipso Principe latis, cum ij sint subditi. *rom.2.*
fol.30.num.27.

37. Obtinens à Papa facultatem excommuni-
 candi surripientes, si ipse surripiat, non excom-
 municatur. *ibid.num.28.*

38. Clerici aliique Ecclesiastici tenentur legi-
 bus ciuilibus ex vi directiua, quando leges illæ
 non repugnant libertati Ecclesiæ. Non possunt
 ex vi directiua expendere pecuniâ vltra taxam,
 peccântque contra iustitiam si id faciant. Exem-
 pti quoque absque iusta causa ab obligatione
 seruandi taxam, mortaliter peccant, valorem à
 Principe præscriptum excedendo. *ibid.num.29.*
 & seqq.

39. Cardinales, præciso priuilegio, tenentur
 seruare leges generales iuris communis à Papa
 latas. Similiter peregrini ligantur legibus gene-
 ralibus à Papa latis, & acceptatis vbi peregrini
 reperiuntur: at non ligantur legibus particulari-
 bus locorum quæ non seruantur in loco sui do-
 micilij, quando nolunt ibi manere maiore anni
 parte. Item religiosus qui à proprio monasterio
 discedit, non tenetur præciso scandalo, peculiari-
 bus obseruantis monasterij, in quo tanquam pe-
 regrinus reperitur. *rom.2.fol.31.num.34.* & se-
 quenti.

40. Non potest regulariter ferri alicubi lex
 obligans solos peregrinos. Vt extraneus alicubi
 contrahat domicilium, debet illuc accedere ani-
 mo ibi semper manendi; propterea scholares
 aliquò pergentes, vt ibi per aliquod tempus stu-

deant, non dicuntur illic contrahere domicilium.
ibid. num. 38. & fol. 32. n. 39. & 41.

41. Ad contrahendam obligationem legum loci in quo quis reperitur, sufficit actualis habitatio inchoata animo ibi perpetuò manendi. Item habitans alicubi intentione ibi manendi maiore anni parte, fit parochianus illius loci, quoad sacramenta, excepto ordine & prima tonsura. Præterea diuertens ad aliquem locum prædicto animo, ligatur legibus illius loci; debentque scholares sepeliri, & sacramenta recipere in loco ubi studiorum causa morantur. *ibid. num. 43. & seq.*

42. Aduena tenetur leges particulares locorum seruare quando adest scandalum, teneturque celebrare contractus, iuxta conditiones locorum ubi reperitur, excepto contractu dotis. Tenetur adhuc aduena seruare leges loci in quo reperitur, quando legis violatio vergeret in damnum loci in quo reperitur, vel quando easdem in proprio territorio seruare tenetur. *tom. 2. fol. 33. num. 50. & seq.*

43. Vagi qui nullibi certum habent domicilium, tenentur legibus loci in quo reperiuntur: propterea ciuis Mediolanensis tenebitur ieiunare, & à carnibus abstinere, si se Bergomum transferat illis quatuor diebus ante primam Dominicam Quadragesimæ, quia privilegium Mediolanensium nō est personale, sed locale. *tom. 2. fol. 34. num. 54. & 55.*

44. Qui in proprio territorio tenetur diebus Sabbati abstinere à lacticiis; tenetur ab illis abstinere, si illis diebus se aliò conferat, ubi aliter usu receptum est. Qui verò præceptum adimpleuit in proprio domicilio, non tenetur
 postea

postea illud adimplere si se transferat, etiam animo ibi permanendi, illuc, vbi tale præceptum adhuc cogit. Et qui domi suæ iam sacrum audiuit, non tenetur illud iterum audire, si ad locum diuertat, vbi festus dies celebratur: commorantésque breui tempore in alieno territorio, non tenentur seruare leges proprij territorij, si illæ non seruentur in loco, vbi commorantur. *ibi. num. 56. & fol. 35. n. 57. & seqq.*

45. Existens extra proprium territorium, non tenetur seruare leges iuris communis, quæ non seruantur in loco, ad quem se transtulit. Hinc sequitur peregrinum non teneri seruare festa proprij domicilij quæ non seruantur vbi reperitur. Item Sacerdos Latinus transiens per Graciam, potest conficere tam in azymis, quam in fermentato, modò non celebret in Ecclesia Latinorum. Rharti quoque accedentes Mediolanum, quo tempore domi suæ nondum est completum ieiunium Quadragesimale ratione Calendarij diuersi, possunt ibi vesci carnibus, contra nonnullos. Similiter degentes in monasterijs Mediolani exemptis non tenentur seruare ieiunia que ritu Ambrosiano seruantur. Adde existentem in alieno territorio non teneri legibus sui territorij, quando ipse & simul res circa quam operatur, & operatio ipsa sunt extra territorium. Vnde infer beneficiarium qui in aliena diocesi existit, & non residet, incurere censuras ab Episcopo proprio latis contra non residentes. Item existentem extra proprium territorium, si iactu sagittæ occidat hominem existentem in proprio territorio affligi excommunicatione, si lata esset excommunicatio in proprio territorio contra homicidas. *ibi. n. 61. & 62. item fol. 36. n. 63. & seqq.*

Effectus

Effectus legis.

46. Lex humana tam civilis quàm Ecclesiastica, obligare potest in conscientia, ita ut ipsius transgressio ad gravem culpam imputetur in materia graui, non omnes tamen leges humanæ obligant in conscientia, præsertim sub mortali, quia leges vetantes venationem aut piscationem sine præiudicio proximi, & præcis aliis circumstantiis, non videntur sub mortali obligare. *ibid. num. 1. & fol. 37. n. 2.*

47. Non solum lex præceptiua, verum etiam pœnalis, qua videlicet aliquid præcipitur adiecta transgressoribus pœna, obligat sub mortali, aut veniali, iuxta materiæ grauitatem, aut leuitatem, aut scandalum, nisi aliunde constet legislatorem nolle ad culpam obligare. *tom. 2. fol. 38. num. 3.*

48. Leges institutæ animo non obligandi, neque ad culpam, neque ad pœnam, non appellantur proprie leges, sed dicuntur potius regulæ, seu ordinatio quædam. *ibid. num. 5.*

49. Delinquens non tenetur ante sententiam declaratoriam pœnam soluere, quæ non potest executioni mandari absque actione hominis, nisi aliter exprimat legislator. *tom. 2. fol. 39. num. 6.*

50. Pœna alia dicitur lata ipso iure, seu quæ posito delicto statim irrogatur: alia ferenda, seu quam iudex comminatur delinquenti. Vide v. *Censura. ibid. num. 7.*

51. Pœnæ priuationis, aliæ executioni mandantur absque hominis actione, aliæ verò non. Qui incurrit pœnas priuationis officij actiue & passiuæ vocis, quæ ipso facto incurruntur non expectata.

pectata sententia, non tenetur se officio priuare aut voce actiua vel passiua, &c. quoties hoc nequit facere sine infamia, etiamsi in lege habeatur delinquentem debere se officio abdicare non expectata vlla sententia. Item beneficiarius potest beneficium retinere, donec declaretur delictum propter quod ipso facto est priuatus beneficio, nisi lex statuatur poenam statim in conscientia subeundam; & acta predicti beneficiarij criminosi facta ante criminis declarationem, valent. *tom. 2. fol. 40. num. 9. & seqq.*

52. Reus non tenetur ante sententiam subire poenam, quæ non est ipso iure lata, sed ferenda: potestque huiusmodi reus qui est condemnandus, ante condemnationem bona sua distrahere, vendere, donare, &c. sicut poterat antequam patreret delictum. *ibid. n. 13. & fol. 41. n. 14.*

53. Non est expectanda sententia iudicis, quando in lege dicitur, *beneficium ipso facto, vacet in conscientia, vel, fructus non faciat suos in conscientia, &c.* *ibid. n. 15.*

54. Rector Ecclesiæ alienans bona Ecclesiæ sine solemnitate requisita in iure, est priuatus ipso facto beneficio, quamuis praxis & vsus requirant sententiam criminis declaratoriam. Item qui obtinuit parochiale beneficium, & non est ordinatus Sacerdos intra annum sua culpa, tenetur in conscientia beneficium deferere. Item electus in Episcopum, ipso facto priuatur Episcopatu ante sententiam, nisi intra sex menses fuerit consecratus. ita Trident. *sess. 23. de reform. cap. 2.* Similiter non recitans diuinum officium, tenetur ad restitutionem fructuum ante sententiam iudicis, quia beneficium datur propter officium. *ibid. num. 16. & seq.*

55. Com

55. Committens delictum hæresis aut alterius speciei, ob quod bona ipso facto publicantur, non tenetur ante sententiam criminis declaratoriam bona fisco restituere. Et qui ad pœnam non condemnatur ob denegatam in iudicio veritatem, non tenetur ad solutionem pœnæ, quam soluisset, si veritatem detexisset: secus dicendum de pœna conuentionali, quæ soluenda est ante sententiam, nisi aliter conftet de mente contrahentium. Pœna quoque conditionalis obligat ante iudicis sententiam. *tom. 2. fol. 42. num. 20. & seqq.*

56. Fœmina cui relictum est legatum, modò castè viuât, non potest legatum recipere, sed tenetur statim illud restituere; si turpiter viuât. Qui verò ad Collegium admissus est hoc onere, ut si tale delictum admiserit, ipso facto priuilegiis loci priuetur, non remanet priuatus, nec restituere tenetur ante sententiam, nisi aliud conftet per consuetudinem. *ibid. num. 25. & 26.*

57. Vouens, vel iurans se certam eleemosynam datûrum pauperibus, si amplius luserit, vel peierarit, &c. statim post voti vel iuramenti violationem tenetur eleemosynam soluere; quia talis censetur fuisse intentio vouentis, vel iurantis. *ibid. num. 28.*

58. Quæres, quas pœnas reus teneatur post sententiam subire, seu sibi infligere? Respond. reum non teneri sibi ipsi eam pœnam infligere, quam licitè non potest infligere; consequenter non tenetur ad mortem sibi ipsi inferendam: at tenetur ad soluendam pecuniam, ob quam fuit condemnatus, modò petatur. *tom. 2. fol. 43. n. 29. & 30.*

59. Reus post sententiam declaratoriam criminis,

minis, non tenetur ipse bona fisco deferre, seu sententiam confiscationis per se ipsum exequi; at tenetur secuta sententia in exilium proficisci, persistere in carcere, scalas patibuli ascendere, ieiunare, &c. Item potest reus obligari ad verbera, & ad alias pœnas corporales distinctas ab illatione mortis, abscissione membri, &c. *ibid.* n. 31. & seq.

60. Quæres, an hæres teneatur ad onera realia, quæ tenebatur soluere defunctus ob delictum prohibitum sub pœna ipso facto lata, secus si sententia erat ferenda, seu comminatoria, vel si obligatio erat personalis? Respondetur affirmatiuè, quia hæres succedit in onera defuncti realia, & vicem vnius personæ gerit cum defuncto in obligationibus realibus. *tom. 2. fol. 44. num. 35.*

61. Lex dicitur iniusta, quando repugnat legi & præcepto diuino, vnde vitium à Principe præcipi nequit; quando aduersatur bono communi, quando transcendit & excedit facultatem & potestatem legislatoris; quando subditis imponitur onus improporcionatum causæ; & quando fundatur in falsa præsumptione contra rei veritatem, notam illi contra quam fertur lex. Lex his modis iniusta non obligat in conscientia, nec peccat qui eam, præciso scandalo & perturbatione Reipublicæ, non obseruat: propterea iniuste excommunicatus non afficitur effectibus excommunicationis; & qui falsò iudicatur reus obligationis restituendi, non tenetur restituere; & si cogatur, poterit vti occulta compensatione: hæres quoque qui non confecit inuentarium, non tenetur in conscientia ad soluendum creditoribus testatoris ultra vires hæreditatis. Item non valent

valent testamenta vel legata facta sine debita solemnitate ab eo qui poterat disponere. *tom. 2. fol. 44. num. 1. & fol. 45. num. 2. & seqq.*

62. Obediendum est legi, quando dubitatur de ipsius iustitia & obligatione. *tom. 2. fol. 46. num. 11.*

63. Vnde autem colligere poterimus legem humanam sub mortali obligare? Respondetur posse colligi ex his capitibus: ex intentione legislatoris; qui si non explicuit se velle in conscientia obligare, censetur obligare in conscientia pro ratione materiæ grauis vel leuis: deinde ex verbis præceptiuis quibus lex humana fertur, quamuis hoc non valeat in omni lege: ex grauitate materiæ, cognoscitur autem materia esse grauis, vel leuis ex fine quo legislator adductus legem condit; ex vna lege alteram explicante, vel quia passim homines ita putant: ex acceptione legis; & denique ex graui pœna corporali aut temporali, ex graui aliqua censura vel pœna Ecclesiastica imposita. Quando inspectis huiusmodi regulis adhuc dubitatur an lex obliget sub mortali, vel sub veniali, probabile est obligare tantum sub veniali. *tom. 2. fol. 48. num. 1. 2. & 3. item fol. 49. n. 13. & 14. item fol. 50. n. 24. & 25. item fol. 51. n. 26. 30. & 31.* Ex his

64. Collige verba præceptiua in lege diuina obligare sub mortali; & etiam legem tam ciuilem, quam Ecclesiasticam in materia graui, si verbis præceptiuis feratur, v.g. quando adhibentur hæc verba, *iniungimus, præcipio ex vi voti, vel iuramenti, oportet, &c.* Idem dic de lege verbo imperatiuo condita, quæ vt plurimum obligat sub mortali in materia graui, nisi aliud ex coniecturis appareat: & de lege verbis decretatiuis
&

& stabilitius condita, secus si verba solum sint hortatoria, vel monitoria. *tom. 2. fol. 48. num. 5.*

¶ *seq.*

65. Ad discernendam materiæ gravitatem inspiciendus est finis & circumstantiæ ob quas lata est lex; nam potest aliquando Prælati sub mortali præcipere silentium, quando hoc necessarium iudicaverit. *tom. 2. fol. 50. num. 21. & 22.*

66. Pœna capitis, mutilationis, amissionis multorum bonorum, &c. obligat sub mortali; hæc enim, gravis pœna censetur. *tom. 2. fol. 51. num. 27.*

67. Lex continens leuem pœnam, non inducit obligationem sub mortali, neque etiam continens gravem pœnam, quoties pœna in re levi imponitur ad terrorem. *ibid. num. 28. & 29.*

68. Non observans legem humanam præceptivam, vel pœnalem in materia gravi, peccat contra illam virtutem ad quam pertinet præceptum. *ibid. num. 32.*

69. Acta quæ fiunt contra legem irritantem ipso facto invalida sunt, non solum in foro externo, verum etiam in foro conscientiæ. hinc fit ut celebrans matrimonium irritum, non possit reddere vel petere debitum. Ad cognoscendum autem an lex ipso facto irritet aliquem actum, inspiciendus est verborum sensus, & est facienda stricta interpretatio. *tom. 2. fol. 52. n. 2. & fol. 53. num. 3. & 4.*

70. Irritatio ipso facto statim incurritur ante sententiam, nisi adsit falsa præsumptio, & modò fuerit servata forma substantialis. Neque ad incurrendam irritationem, præsertim illius actus qui defectu formæ substantialis irritatur, requiritur scientia legis irritantis.

Actus

Actus humana lege irritus obligatne in conscientia? Respondetur non obligare. *ibid.num.5. & seqq.*

71. Acta quæ fiunt contra legem prohibentem non sunt inualida per se, & ex natura sua, ex eo solum capite quod prohibentur à lege; multa enim illicitè fiunt, quæ tamen facta tenent; & aliud est irritare, & aliud prohibere. Vnde actus factus contra legem prohibentem tales actus, non est simpliciter irritus ante sententiam. Imò actus, per se loquendo, est validus, & quando prohibetur circumstantia ipsius actus, & quando prohibetur ipsemet actus, sed non irritatur forma substantialis. *ibid.num.8. & fol.54.num.10. & 12.*

72. Quoties deest potestas moralis, aut deest incapacitas materiæ, actus irritus est iure naturæ. Item actus est quoque irritus non solum quando legislator utitur verbis prohibentibus & irritantibus ipso iure, sed etiam impredientibus translationem dominij; & quando actus celebratus est sine forma substantiali, seu sine solemnitate requisita à iure, etiam inualidus est in utroque foro, consequenter matrimonium clandestinum, alienatio honorum Ecclesiæ, & electio facta sine solemnitate, est inualida in utroque foro, imò & omnes contractus sine solemnitate & forma substantiali inualidi sunt in utroque foro, exceptis actibus factis ad causas pias. Censetur autem forma substantialis, quando præscribitur aliqua forma seu solemnitas, apposita clausula irritante factum sine tali forma celebratum, & quando præscribitur aliqua solemnitas dum committitur seu communicatur alicui potestas ad faciendum aliquid seruata tali forma seu solemnitate;
censc

cenſetur verò forma tantum accidentalis ſi dum præſcribitur aliqua forma, pòteſtas ad faciendum actum non communicatur, ſed iam ſupponitur; conſequenter actus ſine tali forma celebratus, non eſt irritus, niſi apponatur aliqua particula irritans. Hinc ſequitur validum eſſe matrimonium ſine denunciationibus celebratum, quia denunciationes non præſcribuntur tanquam forma ſubſtantialis: ſequitur quoque Episcopum validè excommunicare ſine ſolemnitate requiſita à iure: & inuolidam eſſe alienationem bonorum Eccleſiæ factam ſine forma præſcripta cum particula *non poteſt*. Aduerte tamen leuem quandam formæ ſubſtantialis omiſſionem, non efficere actum irritum, cum parum pro nihilo reputetur. *tom. 2. fol. 53. num. 9. & fol. 54. n. 13. & ſeq.*

73. Quæres, an actus ex vrgentiſſima cauſa factus ſine ſolemnitate præſcripta inuolidus ſit? Reſpond. inuolidum eſſe, quia poſita iuſta cauſa, adhuc verum eſt dicere actum celebratum fuiſſe ſine ſua forma ſubſtantiali, actus autem ſine forma ſubſtantiali celebratus non eſt validus. *tom. 2. fol. 55. num. 22. & fol. 56. n. 23.*

74. Licitum eſt leges interpretari non ſolum exponendo, verum etiam ampliando, aut coarctando. *tom. 2. fol. 56. num. 2.*

75. Declarationes Cardinalium circa Tridentinum non videntur vim legis habere antequam ſufficienter promulgentur; ſuntque amplectendæ tam pro ſingulari caſu, quàm reſpectu aliorum. Ex his declarationibus colligitur obligatio & quoad futura, & præterita facta poſt legem circa quam fertur declaratio; debentque iudices ſententias ferre iuxta declarationes Cardinalium. *ibid. n. 4. & fol. 58. n. 5. & ſeq.*

76. Lex.

76. Lex humana odiosa explicanda, & extendenda est, quatenus important verba iuxta proprietatem naturalem: in materia verò fauorabili explicanda & extendenda est quantum verba patiuntur, non solum iuxta proprietatem naturalem, verum etiam iuxta ciuilem; propterea lex fauorabilis loquens de filiis, extendenda est ad filios adoptiuos, & lex loquens de legitimis extendenda est etiam ad legitimatos. *ibid.num.8.*

Et seqq.

77. Potest dari lex ex vno capite odiosa, & ex alio ita fauorabilis, vt potius vt fauorabilis, quàm vt odiosa explicanda sit, & è contra. Dicitur autem lex fauorabilis, quæ primariò prodest aliquibus; & odiosa quæ primariò poenam continet, quamuis secundariò alteri profit. *ibid.num.12. Et 13.*

78. Lex tam fauorabilis quàm odiosa non est explicanda vltra proprietatem verborum naturalem & ciuilem, nisi necessitas cogat. Et in dubiis in materia legis poenalis benignior pars amplectenda est, seruata verborum proprietate; standumque est verbis legis secundum propriam significationem acceptis, etiam si legislator extra legem dicat se aliter intellexisse. *ibid.num.14. Et fol.59.num.15. Et 16.*

79. Seruanda est mens legislatoris intrinseca, non verò extrinseca. Quòd si verba legis plures habent sensus proprios, & dubitatur quinam intendatur à legislatore, verba accipienda sunt iuxta sensum rei magis proportionatum. Si verò lex duplicem habet sensum, vnum iuxta verborum proprietatem, & alterum iuxta communem loquendi modum, explicanda est iuxta modum, quo accipiebatur, quando condita lex fuit.

Quando

Quando autem verba legis duplicem habent sensum communem, sed vnum proprium, alterum improprium, explicanda sunt iuxta sensum, qui probabilius conicitur intentus à legislatore. *ibid. num. 17. & 18. item fol. 60. n. 19. & 20.*

80. Sed quæres, unde dignosci poterit mens legislatoris in dubiis? Dignoscetur ex incommodis quæ ex verbis alio sensu acceptis sequerentur, si ex verbis vno sensu acceptis sequitur contrarietas ad leges, deinde ex ratione legis, & iis quæ continentur in præmio. Quod si particulariter aliquid statuatur quod habetur in iure communi, talis constitutio explicanda est iuxta formam iuris communis, nisi aliter intendat legislator. *ibid. num. 21. & 22.*

81. Lex pœnalis ob paritatem rationis non debet extendi ab vno casu ad alium, modò hic casus non ponatur in lege exemplariter, seu gratia exempli; nam quando hoc fit, pœna per legem imposita contra surripientes centum aureos, extenditur ad surripientes rem æqualis valoris; & quod dicitur de vno correlatiuo, dicitur etiam de alio, quando vnum ponitur exemplariter. *ibid. num. 23. & seqq.*

82. In lege fauorabili non est facienda extensio, nisi verba legis hanc extensionem patiantur, & nisi necessitas cogat, & ita suadeat iustitia legis. *tom. 2. fol. 61. num. 26.*

83. Præceptum adimpleri potest per actum ex aliqua circumstantia malum, vt si quis ieiunet ob vanam gloriam: aliquando tamen non potest adimpleri non adimpleto modo, & aliquando è contra, vt si quis recitet officium sine attentione. *tom. 2. fol. 62. num. 1. & 2.*

84. Possumus vnico actu pluribus præceptis
satis

satisfacere, quoties Superior concedit, ut eodem actu pluribus præceptis satisfiat; quamobrem vouens ieiunium in Vigilia omnium Sanctorum, eo die ieiunando, satisfacit utrique obligationi voti & ieiunij: & qui tenetur diuinum officium recitare ratione plurium beneficiorum, vel ordinis & beneficij, satisfacit vnica recitatione utrique obligationi: denique quoties vnus actus non impedit alium, possumus eodem tempore per diuersos actus satisfacere pluribus præceptis. *tom. 2. fol. 63. num. 4. & seqq.*

85. Ut autem præceptum, seu leges adimpleantur, requiritur intentio faciendi opus quod præcipitur; propterea ebrius assistens Missæ, vel recitans orationem ex voto, &c. non satisfacit præcepto: accedens quoque ad Ecclesiam, ut meditationi vacet, non satisfacit præcepto audiendi Missam, si eo tempore Sacerdos adeat altare ad celebrandum; secus dicendum de puero audiente attentè sacrum, quamuis illud nollit audire, nisi mater hoc ei præcepisset: audit enim humano modo, id est, cum debita attentione, quod non præstat, qui per vim absolutam cogitur interesse sacro, si illud audire non intendat. *tom. 2. fol. 64. num. 2. & seq.*

86. Audiens sacrum intentione illius audiendi, satisfacit, quamuis non intendat adimplere præceptum. Item qui vouit inuisere sepulchrum D. Caroli, satisfacit voto visitando sepulchrum sine intentione adimplendi votum; amplius etiam si dum sepulchrum visitat, oblitus sit voti, adhuc enim humano modo præstat opus præscriptum. *ibid. num. 10. & 11.*

87. Qui aliquid multis titulis præstare debet, dum illud præstat satisfacit ei obligationi cui ipse

ipse satisfacere decreuit. Et qui ex præcepto Ecclesiæ, ex voto, & pœnitentia tenetur Missam audire, satisfacit præcepto Ecclesiæ vnicam audiendo, nisi decreuerit, seu elegerit cuius obligationi vellet satisfacere. Item faciens opus quod pluribus titulis præstare tenebatur, censetur velle satisfacere vrgentiori debito, si prius decreuerat omnibus debitis per diuersa opera satisfacere. Similiter audiens Missam in die festo intendens aliam audire, vt præcepto satisfaciat, etiam si aliam non audiat, satisfacit. Imò qui Missam audiuit animo non adimplendi præceptum auditione istius Missæ, si aliam non audiat, non tenetur intra tempus obligationis mutare animum, & alium voluntatis actum elicere, quo velit satisfacere seu satisfecisse; quia scit iam se præcepto satisfecisse cum adimpleuerit opus præscriptum. *rom. 2. fol. 65. num. 12. & fol. 66. n. 16. & seqq. item fol. 67. n. 22.*

Quando cesset obligatio legis.

88. Causæ propter quas cessat obligatio legis sunt hæ: vis absoluta, impossibilitas, inaduertentia, & ignorantia inculpabilis, metus seu periculum grauis incommodi, lex contraria, seu reuocatio, restrictio, dispensatio, cessatio causæ finalis & motiux, epiikeia quatenus per epiikeiam, seu æquitatem aliqui casus censentur excepti; & consuetudo contraria. *rom. 2. fol. 67. punct. ult.*

89. Quando multa per legem præcipiuntur, & causa totalis cessat respectu vnus tantum, obligatio cessat respectu illius, cuius causa totalis cessat; & quando multe sunt causæ legis, & vna tantum cessat, legis obligatio non cessat, quia

R

non

non cessat tota causa. *tom. 2. fol. 68. num. 5. & 6.*

90. Lex cessat quando non est amplius com-
moda & utilis, & in casibus qui per epiikeiam
non censentur comprehensi in lege. Cessat quo-
que per contrariam consuetudinem legitimè in-
troducendam. Per *consuetudinem* intellige ius
quoddam moribus constitutum; quod pro lege
suscipitur. Proprietates consuetudinis sunt in-
terpretari legem, inducere legem, & legem intro-
ductam mutare, & abrogare, aliquando in totum,
aliquando in partem, aliquando quoad legis ob-
ligationem, & pœnam, & aliquando quoad pœ-
nam tantum. *ibid. num. 7. & fol. 69. n. 8. & fol. 70.
n. 2. & 4. & fol. 71. n. 5.*

91. Non potest legitimè introduci consuetudo
contra ius naturale vel diuinum, nec contra
commune bonum, nec ut plurimum contra ius
gentium, nec circa materiam inutilem. Præterea
non est legitima consuetudo illa, qua non inter-
essentes anniuersariis defunctorum stipendium
percipiunt. Consuetudo debet introduci per
actus voluntarios, & illa quæ legem abrogat, in-
troducenda est ab iis qui legem seruare tenen-
tur; propterea puer, amens, furiosus, extraneus,
&c. non potest leges per consuetudinem abro-
gare; secus dicendum de communitate fœmina-
rum: hæc enim potest sua consuetudine ius in-
ducere: non possunt tamen fœminæ consuetudi-
ne abrogare legem obligantem solos masculos,
& laici non possunt abrogare legem obligantem
solos clericos. *ibid. num. 8. & seqq. item fol. 72.
n. 11. & seqq.*

92. Inducentes consuetudinem non tanquam
præceptum, non sunt culpæ rei, si illam transgre-
diantur.

diantur. Si dubitetur an consuetudo introducta sit animo deuotionis, vel potius intentione se obligandi, præsumendum est eam esse introductam animo non se obligandi, nisi adsint coniecturæ quæ contrarium demonstrent. *ibid.n.18.*

¶ 21.

93. Consuetudo debet esse yniuersalis, neque indiget promulgatione, estque legitima, quando à duabus communitatis partibus fuit introducta, licet tertia pars non consenserit. Rursus consuetudo induci debet per actus manifestos, & non per occultos; & ad inducendam consuetudinem iure communi non requiritur actus iudicialis, sed sufficit extraiudicialis. *ibid.num.22.¶ 23.*

item fol.73.n.24.¶ seqq.

94. Consuetudo inducenda est per vsum & ab habentibus potestatem condendi legem, vel saltem habentibus capacitatem actiuam vel passiuam illius condendæ, accedente Superioris consensu. *ibid.num.27.¶ 28.*

95. Populus potest consuetudinem obligantem introducere, & etiam communitas mercatorum, talem, quæ non solum habeat vim statuti conuentionalis, sed etiam legis municipalis, accedente consensu Principis, saltem iuridico & tacito consuetudo debet esse longæua, saltem decem annorum ad abrogandas leges ciuiles, & ad abrogandas leges Canonicas, quadraginta annorum. *ibid.num.29.¶ seqq.*

96. Consuetudo si completa est legitimo tempore non abrogatur, nec interrumpitur per vnum actum contrarium, secus si nondum erat perfecta. *tom.2.fol.74.n.33.*

97. Consuetudo potest legem abrogare, etiam si in lege quæ abrogatur, damnetur, vel reprobetur

consuetudo futura contra ipsam legem, modò consuetudo non versetur circa materiam iniquam; hinc infer legem de non trahendis clericis ad laicam potestatem, nullo modo posse per contrariam consuetudinem abrogari. *tom. 2. fol. 75. num. 36. & 37.*

98. Lex potest abrogare consuetudinem antea introductam, modò lex omnino contraria sit consuetudini, & legislator conscius sit consuetudinis. Quare collige per legem contrariam vniuersalem abrogari consuetudinem antecedentem vniuersalem, quamuis lex condita sit sine clausula derogatoria; per legem tamen vniuersalem non abrogari consuetudines speciales, aut statuta specialia locorum; nisi eorum fiat mentio in lege; secus dicendum de lege particulari, quia per eam abrogatur consuetudo particularis, quamuis non fiat illius mentio. *ibid. num. 38. & 39. item fol. 78. n. 40. & seqq.*

99. Sicut lex posterior abrogat priorem legem, ita & posterior consuetudo priorem seu antiquam consuetudinem. *ibid. num. 44.*

100. Introducens consuetudinem contra legem, peccat, donec elapsum sit tempus requisitum ad legitimam consuetudinem introducendam, nisi Princeps eam toleret, vel bona fides excuset. *ibid. num. 45.*

101. Petes, an idem sit præscriptio & consuetudo? Respond. negatiuè, quia consuetudo est quid iuris, inducit enim ius & legem; præscriptio verò dicitur quid facti, quo alicui adiicitur dominium rei alienæ. *ibid. num. 46.*

Dispensatio legis.

102. Nomen *dispensationis*, significat actum iurisdictionis, quo quis eximitur ab obligatione legis, aut quo legis obligatio suspenditur. Ad valorem dispensationis requiritur consensus internus legitimi Superioris seu legislatoris, vel ipsius Superioris, vel successoris, vel æqualis in iurisdictione; qui potest cum suis subditis dispensare, illósque ab obligatione legis eximere perseverante adhuc obligatione respectu aliorum. Idem etiam potest quilibet conditor in sua lege, & Summus Pontifex in legibus latis ab Apostolis tanquam Episcopis. Potest item legislator secum in suis legibus dispensare; quamvis actus quo quis secum in propria lege dispensat, non dicatur propriè & strictè dispensatio. Inferior verò non potest dispensare in lege Superioris, quoties Superior dispensationem sibi reservauit, aut inferiori prohibuit dispensandi facultatem: propterea Magistratus inferior non potest dispensare in lege communi, sicut neque Episcopus in legibus Papæ, & regulariter loquendo, neque in legibus & statutis Concilij Prouincialis. *tom. 2. fol. 77. num. 1. & seq. & fol. 78. n. 6. & seq.*

103. Inferior non potest dispensare in lege Superioris toties quoties legislator expressè non ademit dispensandi facultatē, vel quando dubitatur an res egeat dispensatione, vel quando urgente necessitate potest Papam per litteras certiorē facere, vel inopiæ partium, quibuscum est dispensandum, suis retribus occurrere. *tom. 2. fol. 79. num. 17. & fol. 80. n. 18. & 19.*

104. Quæres, quid requiratur, quidve seruandum sit, dum aliqua dispensatio de mandato Summi Pontificis expeditur? Requiritur vt qui rescriptum Apostolicum expedire debet, ad confessiones approbatus sit ab ordinario, vt sit Doctoratus laurea insignitus, vt habeat iustam causam dispensandi, vt rei veritatem, nisi notoria sit, vel aliunde constet, ab ipso pœnitente diligenter inquirat, vt Confessarius cui rescriptum Apostolicum exhibetur ad dispensandum in matrimonio, non dispense, nisi impedimentum sit occultum, id est, nisi ignoretur à maiori parte vicinæ, vel parœciæ, vel oppidi, vel Collegij, vel monasterij: vt præcedat dispensationem confessio, quoties rescriptum hoc iubet: vt denique Confessarius imponat talia pia opera, qualia prudenter imponenda iudicauerit: v. g. in dispensationibus ad contrahendum matrimonium obtentis ratione delicti, imponenda est delinquenti pœnitentia, seu menstrua confessio, quæ fieri poterit quacumque die mensis. *tom. 2. fol. 81. num. 2. & seqq. & fol. 82. num. 5. & seq.*

105. Confessarius cui datur facultas dispensandi circa matrimonium, curare debet ante dispensationis executionem, vt coniuges separentur, si id sine scandalo præstari possit: curarêque debet insuper, vt contrahentes certiores sint de nullitate consensus; & litteras dilacerare debet quoties in priuilegio præscribitur litteras dilacerari: & pro dispensatione expedienda nihil omnino exigat. *tom. 2. fol. 83. num. 14. & seq.*

106. Dispensatio concessa sine iusta causa à legislatore, vel ab habente facultatem legislatoris, valida est, sed non licita, & consequenter valet dispensatio ab Episcopo facta sine causa in propria

pria lege, & constitutione, quamvis in Synodo facta. Neque solum peccat Superior si dispenset sine causa, verum etiam si dispenset ex causa, quam dubitat esse sufficientem: at ille cum quo dispensatum est, potest dispensatione uti, licet dubitetur an Superior habuerit sufficientem causam dispensandi; quia in dubio standum est iudicio Principis seu legislatoris. Non valet quoque dispensatio concessa ab eo qui bona fide credebat subesse iustam causam ad dispensandum; quamquam is cum quo dispensatum est bona fide sine causa, tutus est in conscientia, donec sibi de insufficientia causæ certò constet. *tom. 2. fol. 84. n. 1. & fol. 85. n. 2. & fol. 86. n. 7. & seq.*

107. Dispensatio in lege Superioris concessa ab inferiore sine iusta causa, non solum non est licita, verum neque valida; consequenter is cum quo inferior dispensavit in lege Superioris absque iusta causa, non potest uti dispensatione; & à fortiori dispensatio concessa etiam à Papa sine iusta causa in iis quæ sunt de iure diuino & naturali inualida est, peccatque grauiter dispensans sine causa in lege Superioris, vel in iis quæ sunt de iure naturæ. *tom. 2. fol. 87. num. 12. & seq.*

108. Inducens ad dispensandum sine causa, vel allegata falsa causa, peccat eodem pacto, quo dispensator peccat. *ibid. num. 16.*

109. Non est necesse ut Superior dispensaturus cognoscat iudicialiter adesse iustam causam ad dispensandum; imò dispensatio tacitè concessa sine cognitione causæ, valida est; nam voluntas tacita tantum valet, quantum expressa in iis in quibus nec forma certa, nec verba necessaria sunt. Et obtinens dispensationem in lege Superioris ab inferiore non cognita causa subsistente,

potest licitè ea dispensatione uti. *ibid.num.17.*
cap.18. fol.88.num.19.

110. Iustæ & sufficientes causæ ad dispensandum sunt utilitas aut necessitas communis vel priuata, pietas, & alij casus, vel rationes, quæ sufficientes & legitimæ arbitrio prudentis viri visæ fuerint pro qualitate loci, temporis, & personæ. *ibid.num.20.*

111. Superior posita iusta causa tenetur aliquando, v.g. quando extant urgentes rationes, & aliquando non tenetur dispensare, quando non extant huiusmodi rationes. *ibid.num.22.*

112. Qui non est supremus Princeps, non potest in lege dispensare, imposita mulcta pecuniaria fabricæ Ecclesiæ, vel piis operibus ex præcepto tradenda, nisi fortè imponatur in pœnam delicti, quia in Trident. *sess.25. cap.18.* præcipitur dispensatio gratis fieri. *tom.2. fol.89.num.23.*

113. Quoties aliquid habens connexionem cum materia dispensationis tacetur, vel falsò narratur, quo cognito Superior non dispensasset, inualida est dispensatio; secus si taceatur tantum res vel circumstantia impertinens ad causam: unde valida est dispensatio voti obtenta ab eo qui se finxit virum doctum, vel studiosum, &c. nam huiusmodi fictio nihil refert ad causam dispensationis. Similiter valida est dispensatio obtenta tacito nomine personæ, quam si dispensans cognouisset, propter odium dispensationem non concessisset. Valida item est dispensatio, quando erratur in nomine personæ; secus dicendum quoties impedimentum certum narratur sub dubio, aut quoties narratur vna tantum causa, & ea est falsa. Item inualida est dispensatio voti non nubendi, facti in fauorem alterius, si in supplicatio-
 ne

ne non fuit hoc expressum. Item inualida est absolutio quoad censuram, ab hæretico obtenta fingente se esse conuersum. *tom.2.fol.90.num.3. & seq.*

114. Valida est dispositio, quoties aliquid falsi narratur, quo expresso facilius dispositio obtineretur, modò qualitas in qua erratur, non apponatur taxatiuè, sed demonstratiuè, seu causa demonstrationis; propterea sequitur legatum esse soluendum, si dicatur, *Lego Ecclesia decem modios soluendos ex redditibus talis fundi*: nam hoc legatum sub diuersis verborum conceptionibus, videtur expressum, consequenter qualitas videtur apposta demonstratiuè. *tom.2.fol.92.n.12. & 13.*

115. Si subreptio tacendo verum, vel exprimendo falsum contingat in vna rescripti parte, vitiatur, & irritum reddit rescriptum quoad eam partem, in qua est subreptio, non verò quoad reliquas. Quod si non possit separari pars in qua contingit subreptio, rescriptum irritum est totum. Valet autem rescriptum quoad partem in qua non contingit subreptio, etiam subreptione in ea parte à ciuili scienter commissâ, in scio eo in cuius fauorem rescriptum obtinetur. *ibid.n.14. & 15. item fol.93.n.17.*

116. Obtinens dispensationem in duobus votis in eodem rescripto, potest vti dispensatione quoad votum, in quo non contingit subreptio. *ibid.num.16.*

117. Qui in petendo rescripto ad beneficium siue curatum, siue non curatum bona fide tacuit legitimam ætatem ad curatum, potest virtute illius rescripti beneficium simplex obtinere, si ætatem legitimam ad beneficium simplex habeat. *ibid.num.18.*

118. Vitium subreptionis & inualiditatis suppletur per clausulam, *motu proprio*, positam in rescripto; quando priuilegium motu proprio conceditur sine vlla præuia informatione, sed ex mera concedentis liberalitate, & hoc operatur clausula, *motu proprio*, in rescriptis posita, videlicet quod priuilegium censeatur magis voluntarium, & nunquam retorqueatur contra eum cui conceditur: *ibid. num. 21. & fol. 94. num. 22. & 23.*

119. Dispensatio redditur inualida, tacita qualitate quam iura specialiter exprimi volunt, quamuis ea qualitate expressa Superior concessisset dispensationem: vnde inualida est dispensatio obtenta non expresso gradu affinitatis, vel consanguinitatis, vel publicæ honestatis, aut non facta expressione diuersorum titulorum, ratione quorum duo sunt affines. *tom. 2. fol. 95. num. 1. & seqq.*

120. Committens incestum cum consanguinea potest vti dispensatione, si antequam dispensatio obtineatur, iterum cum eadem peccet. *ibid. num. 4.*

121. Inualida est dispensatio obtenta non expressa linea in consanguinitate, affinitate & publica honestate. In cognatione spirituali exprimendum est an sit filiatio vel spiritualis compaternitas. Imò exprimendum est impedimentum publicæ honestatis esse in primo gradu, & consurgere ex matrimonio rato, si de hoc dispensatio quaeratur. *tom. 2. fol. 96. num. 5. & seqq.*

122. Inualida est dispensatio quando erratur circa speciem impedimenti, aut quando obtinetur ad contrahendum cum affine, vel consanguineo tacito incestu iam commisso & completo; quamquam quando incestus est occultus, non est

est necessariò faciēda ipsius expressio in dispensatione obtinenda à Papa pro foro externo, *ibid. n. 8.*

¶ *seqq. item fol. 97. num. 13.*

123. Copula incestuosa commissa spe facilius obtinendi quod petitur, est explicanda, quamvis alter eorum tantum talem habuerit animum.

tom. 2. fol. 96. num. 10.

124. Valēne in foro externo dispensatio concessa, si copula non intercessit, ea occulta interueniente, & an contrahentes de hoc à iudice interrogati teneantur respondere? Respond. contrahentes inrrogatos de copula licet occulta, teneri confiteri iudici interroganti. *tom. 1. fol. 97. num. 14.*

125. Inualida est dispensatio, quando committitur error in gradu viciniori, ut si dicatur esse in quarto, cum sit in tertio. Quod si duo non æqualiter distent à stipite, necessariò non est facienda mentio gradus propinquioris stipiti, modò tamen alter contrahentium non distet vno tantum gradu à stipite. Ordinarius non expresso propinquiori gradu, non debet in foro externo dispensationem admittere, donec litteræ declaratoriæ afferantur. *ibid. num. 15. ¶ 16. item fol. 98. num. 17.*

126. Valida est dispensatio à Titio obtenta expresso solum secundo affinitatis gradu, dum ducturus esset in matrimonium Bertam vxoremque sui patruī. Ordinarius potest prædictam dispensationem admittere, absque aliis litteris declaratoriis. *ibid. n. 18. ¶ 19.*

127. Dispensatio irregularitatis homicidij contracta occidendo Sacerdotem, valet, etiam tacita circumstantia Sacerdotij. *ibid. num. 20.*

128. Dispensationem voti perseuerandi in religione

ligione obtinens, eam inualidè obtinet, non expressa circumstantia perseuerantiæ. *ibid.num.21. 129.* Dispensatio per metum, etiam ad hoc incussum, valida est, sed non item dispensatio extorta per dolum & mendacia, si dolus & mendacia versentur circa causam finalem seu motiuam dispensationis, id est quando dispensans non concessisset dispensationem, vel eius partem, si dolum cognouisset. *tom.2.fol.99.num.1. & seqq.*

130. Valida est dispensatio ab aliquo obtenta, non exprimendo se aliàs eam petiisse, sed non obtinuisse, & consequenter dispensatio obtenta ab Episcopo successore ab anteriori denegata, valida est, quamuis taceatur circumstantia denegationis. Item valida est dispensatio ab inferiore, habente tamen potestatem dispensandi obtenta, quamuis non exprimatur eam à Superiore fuisse prius denegatam. Adde obtinentem rescriptum Apostolicum, quo possit à Confessario dispensandi, posse nulla mentione rescripti facta dispensationem ab Episcopo, vel alio Prælato, qui dispensari facultatem habet, obtinere. *tom.2.fol.99.num.1. & fol.100.n.2. & seqq.*

131. Quando de vna & eadem re duplex dispensatio petitur, & prima fuit limitata, in secunda quæ magis ampla petitur, per se loquendo, facienda est mentio prioris limitatæ, alioquin secunda inualida videtur, nisi secunda ex noua & sufficiente causa petatur, aut nisi prima concessa fuerit cum limitatione, quæ iuxta stylum apponi soleat. *tom.2.fol.100.num.1.*

132. Qui ob scrupulum vel dubium circa primam, dispensationem secundam obtinet, validè obtinet etiam non facta mentione prioris; secus dicendum de illegitimo dispensato prius, qui si
aliam

aliam ampliorem dispensationem desideret, debet prioris dispensationis mentionem facere. Item qui obtinuit exemptionem à soluenda parte decimarum, debet mentionem prioris facere, si ampliorem desideret. Et obtinens dispensationem vescendi carnibus in vna Quadragesima, si in alia similem dispensationem quærat, non tenetur prioris mentionem facere. Similiter dispensatus ad contrahendum cum consanguinea vel affine, si ea dispensatione non sit usus, non tenetur in secunda petenda mentionem prioris facere. *tom. 2. fol. 101. num. 2. & seq.*

133. Petes, vtrum habens plura impedimenta, seu vincula, validè obtineat dispensationem vnus, non explicatis aliis, quibus obstrictus tenetur? Respond. affirmatiuè, (nisi fortè matrimonij impedimenta excipiantur,) vt patet à simili de obstricto pluribus excommunicationibus, qui potest ab vna absolui, non ablata alia. *tom. 2. fol. 102. num. 1. & 2.*

*Dispensatio quibus modis vim suam
amittat.*

134. Dispensatio vim suam amittere potest cessatione causæ, morte concedentis, nondum effectu adimpleto, reuocatione, reuocatione, & primo seu vnico actu, modò dispensatio absolute sine limitatione concessa non sit. *tom. 2. fol. 105. num. 2. & fol. 106. n. 1.*

135. Dicitur, *cessatione causa*, quia cessante causa finali, seu motiua dispensationis post obtentam dispensationem, & nondum executioni mandatam, probabile est etiam ipsam dispensationem cessare; delegatusque ad dispensandum
non

non potest validè dispensare, si post indultum sibi concessum, cessavit causa iusta dispensandi. *tom. 2. fol. 103. num. 3. & fol. 104. n. 5.*

136. Obtinens dispensationem comedendi carnes tempore ieiunij ob infirmitatem, ea cessante tenetur à carnibus abstinere. Item obtinens dispensationem in aliqua lege humana, vel diuina, &c. peccat, tali dispensatione vtendo transacta causa dispensationis. *ibid. num. 6. & 8.*

137. Quando autem dubitatur an causa dispensationis cessarit, præsumitur non cessasse, consequenter dispensatio valida est. *tom. 2. fol. 105. num. 10.*

138. Dispensatio semel obtenta, & iam executioni mandata non cessat, nec reuocari potest, cessante causa, ob quam fuerat concessa; vt si iusta de causa concessa sit dispensatio ad contrahendum matrimonium, & vitalis dispensationis contractum sit matrimonium, non cessat dispensatio, si contracto iam matrimonio cessat causa dispensationis. *ibid. num. 11.*

139. Petes, quid efficiat renunciatio dispensationis? Efficit vt dispensatio quæ nondum executioni demandata fuerat, vim suam amittat, si renunciatio acceptetur à dispensante. Exempli gratia: Titius obtinuit dispensationem ducendi consanguineam in matrimonium: sed ante contractum matrimonium cedit dispensationi, dispensatio cessat, si cessio seu renunciatio dispensationis acceptetur à dispensante. hinc patet dispensatum posse dispensationi renunciare antequam sortiatur effectum. Et qui proposuit non vt i dispensatione, aut illi renunciare, potest ea vt i, vel renunciationem reuocare, si eam Superior nondum acceptauit. *tom. 2. fol. 106. n. 3. & seq.*

140. Dispen

140. Dispensatio impetranda est illius expensis, qui onus illius impetrandæ suis sumptibus in se suscepit. Quando tamen præcessit consensus tacitus vel expressus impetrandæ dispensationis, & alter onus illius impetrandæ suis sumptibus liberaliter in se non suscepit, dispensatio communibus expensis impetranda est. Et qui obtenta de communi consensu dispensatione iniuste renuit matrimonium contrahere, tenetur ad integras dispensationis expensas: qui verò iuste renuit absque alterius culpa, tenetur solum ad partem expensarum; quod si renuat ob alterius culpam, videlicet ob iniustam & iniuriosam alterius actionem ad nullas tenetur; sed alter qui causam resiliendi dedit, ad integras expensas tenetur: unde sequitur cum qui resilit à promissione matrimonij ob superuenientem in altero contrahente notabilem deformitatem, non teneri integras dispensationis expensas soluere, sed tantummodo partem. *tom. 2. fol. 107. num. 2. & seq. item fol. 108. n. 6. & 7.* Item

141. Vir qui est fornicatus ante promissionem matrimonij, non tenetur ad integras expensas, si sponsa obtenta dispensatione, nolit cum eo contrahere cognita ipsius fornicatione; nam fornicatio sponsi antecedens promissionem matrimonij non est iniuriosa sponsæ. *ibid. num. 10.*

142. Ille cuius culpa post matrimonij promissionem, contrahitur impedimentum dirimens, tenetur si possit propriis expensis dispensationem obtinere, ut sponsalia perficiantur. *tom. 2. fol. 190. num. 11.*

Libellus famosus.

Vide v. *Detractio.*

Ligamen.

Vide v. *Matrimonium.*

Locatio & Conductio.

Vide v. *Contractus.*

1. Locatio est contractus, quo mercede conceditur persona, vel res ad vsum vel fructum; conductio verò est contractus, quo mercede accipitur persona vel res ad vsum vel fructum. *tom. 2. fol. 812. num. 1.*

2. Omnes res quæ vendi possunt, possunt etiam locari, nisi specialis extet aliqua prohibitio, vñ extat in viis & subiectionibus prædiorum, quæ non possunt locari, quamvis vendi possint. Ex opposito dantur res aliquæ, quæ locari possunt, sed vendi prohibentur, quales sunt res pupilli & minoris. *tom. 2. fol. 813. num. 3.*

3. Quando duo vel plures habent domum, vel fundum communem, & vnus vult vni locare, alter verò non vult; aut vnus vult locare ad vnum vsum, alter ad alterum, aut vnus locare vult personæ honestæ, alter inhonestæ, præualet contractus illius qui habet maius ius in re, seu maiorem partem, vel qui vult locare personæ honestæ, etiamsi fortè persona inhonesta plus mercedis offerat. *ibid. n. 6.*

4. Locator teneturne aperire conductori vitia rei locatæ? Tenerur, sicut & venditor tenetur aperire vitium rei venditæ emptori; propterea qui

qui locauit alteri vasa vitiosa, tenetur ad restitutionem damni quod passus est conductor non admonitus de rei vitio. Item tenetur ad restitutionem damni secuti, qui equum assuetum se in aquam demittere, alteri locauit ad merces transferendas, non admonendo conductorem de vitio equi. *tom. 2. fol. 814. num. 1. 3. & 4.*

5. Locator tenetur non solum ad resarciendas expensas necessarias factas à conductore in resarcienda re conducta, verum etiam ad resarciendas expensas utiles quæ duraturæ sunt ultra conductionis tempus. Item tenetur ad onera & tributa imposita pro re locata, nisi aliter conuenierit cum conductore, vel nisi aliter postulet locorum consuetudo. *ibid. num. 6. & fol. 815. num. 7.*

6. Locator non potest rem locatam repetere, nondum finito locationis tempore, exceptis his casibus, vt quando conductor cui res ad quinquennium vel ad plures annos fuit locata, per biennium continuum ultra terminum præfixum distulit solutionem pensionis, debitæ pro re conducta; aut quando conductor abutitur re conducta, vt quando traducit meretricem in domum conductam, aut alio pacto malè vritur re conducta; aut quando locatori superuenit inopinatus euentus, quo ipsi necesse est domum suam habitare; aut denique quando domus indiget reparatione, qua non indigebat tempore locationis, & reparatio fieri non potest, nisi conductor expellatur domo. *ibid. num. 8. & seqq. & fol. 816. num. 13.*

7. Conductor non potest vti re conducta, nisi ad eum vsum, ad quem conduxit, nisi aliter conueniat de mente locatoris; neque potest absque iusta causa rem conductam dimittere, nondum expleto

expleto locationis tempore, quo expleto tenetur pensionem soluere, nisi fortè absque sua culpa non fuerit vsus re conducta, aut fructus ex ea non perceperit ob aliquod impedimentum superueniens, vt propter bellum, pestem, &c. *ibid. num. 1. & 2.*

8. Qui famulos in necessitate constitutos, séque vltro offerentes conducunt ad inseruiendum minori pretio ratione vltroneæ oblationis quam alioquin conduxissent, videntur aliqua ex parte excusandi; quamuis enim necessitas non diminueat rei valorem, nihilominus vltroneæ merces vilescunt, etiamsi tradantur ob necessitatem vendentis. *tom. 2. fol. 819. num. 6.*

9. Dominus expellens domo famulum nondum elapso termino constituto, tenetur ad integram mercedis solutionem, nisi fortè ex grauissima causa adducatur ad ipsum expellendum. Sed, tenebitur ne dominus famulo habenti infirmitatem soluere mercedem pro tempore quo detinetur infirmitate? Non videtur teneri, & in hoc casu standum est consuetudini & conuentioni. Famulus verò qui lapsus est in morbum, tenebitur ne transacto morbo, simulque elapso termino ad inseruiendum, tamdiu inseruire, quamdiu praua vsus est valetudine? Non tenebitur, quia lapso termino constituto cessat obligatio, cum terminus censeatur appositus ad finiendam, non ad sollicitandam obligationem, vt in simili patet de obligatione ieiunij. *tom. 2. fol. 820. num. 11. 13. & 14.*

10. Locatio finitur vel lapso termino, vel mutuo contrahentium consensu; transitque ad successorem vniuersalem, qui gerit vicem prædecessoris: at successor singularis, qui scilicet succedit

cedit in re particulari, non tenetur stare contra-
ctui locationis celebrato ab eo, cui succedit in re
particulari; unde maritus qui accepit in dotem
aliquam rem locatam quam ignorabat locatam
esse, non tenetur stare locationi, censetur enim
successor singularis: at conductor qui agrum
seminauit, non potest ante collectos fructus, ex-
pelli ab emptore cui locator rem vendidit: in-
tempestiuè enim expelleretur. *tom. 2. fol. 82. n. 1.*
et 2. fol. 823. n. 3. et seqq.

11. Minor vel pupillus, tenetur finita tutela
vel cura stare locationi factæ à suo tutore, vel
curatore; quia quæ tutor vel curator agit, non
agit suo nomine, sed nomine pupilli vel minoris:
conceditur tamen minori restitutio in inte-
grum, si notabiliter compererit se læsum; &
idem dicendum de Ecclesia, si læsa inueniatur.
ibid. num. 7.

Locus sacer.

Vide v. *Immunitas.*

Ludere, Ludus.

Vide v. *Restitutio.*

1. Ludus est contractus, quo ludentes res suas
periculo exponunt propter spem acquirendi rem
alterius expositam ludo. Ludus generaliter sum-
ptus non est illicitus ex natura sua; fieri tamen
potest illicitus, mortaliter supposita rei grauita-
te, ex his circumstantiis; videlicet ex affectu ad
malum, si admisceantur facta aut dicta praua, vt
conuicia, blasphemix, &c. Item quando interce-
dunt fraudes contra leges ludi; quando alter do-
lo, aut vi, aut metu pertrahitur ad ludum, quando
inter

intervenit irreuerentia contra Deum; quando ludus exercetur cum eo qui non potest pecuniam ludo exponere, vel donare, vel alienare; & ratione periculi alicuius notabilis nocuenti. At ludus non fit illicitus mortaliter (præciso scandalo) ratione intentionis lucrandi, personæ, loci, sacri, temporis, &c. *tom. 2. fol. 616. num. 1. 3. & seq.*

2. Ludi histrionum suntne liciti? Sunt liciti, si honestè fiant; secus si turpiter & inhonestè, aut cum repræsentatione turpium exercentur. *tom. 2. fol. 617. num. 16.*

3. Clerici possuntne ludos laruales facere? Non possunt, dedecet enim personam Ecclesiasticam fictam personam hoc modo repræsentare, neque excusandi videntur à mortali, nisi fortè hoc rarò facerent, breui tempore, & absque scandalo. *ibid. n. 17.*

4. Petes, an sicut licitus est ludus ex sua natura, ita etiam licita sit sponsio? Licita est ex natura rei, debet tamen æqualis esse spondentium conditio, id est, qui certò scit rem pro qua spondet certò euenisse vel euenturam esse, peccat, & tenetur ad restitutionem rei per sponsonem acquisitæ, nisi suam scientiam alteri spondenti manifestauerit; qui si post manifestationem velit adhuc spondere & contendere, nulla ei fit iniuria; quia volenti & scienti non fit iniuria. *ibid. num. 18.*

5. Qui inter ludendum fraudes vel astutias adhibent, quæ iuxta consuetudinem adhiberi solent, (vt si quis videat socium errantem in numerandis signis, vel si inter ludendum agnoscens se lucraturum; inuitet socium ad augendam sponsonem, vel obiciat pactionem restantis pecuniæ,

cuniar, quamvis fingulet timorem ex oris & vultus mutatione,) excusari possunt à restitutione. Idem dicendum est, quando fraudes adhibentur ex consensu tacito, vel expresso ipsorum ludentium. At non excusantur ij, qui se fingunt minùs peritos, vt alios ignaros pertrahant ad ludendum, aut qui moraliter certi sunt se lucraturus ob suam peritiam, aut dexteritatem, longè maiorem, aut qui aliquid lucrati sunt in ludo, eo quòd chartas suffurati sunt, vel illas notauerunt, &c. aut qui auctiorem factam ab altero collusore acceptarunt, eo quòd ab alio tertio admoniti fuerint, vt eam acceptarent, aut qui alterum in ludo longè inæqualem minis & conuiciis traxerunt ad ludendum, & ita attracti perdidit. *tom. 2. fol. 619. num. 2. & seq.*

6. Quæ filiusfamilias acquirit ludendo, acquirit sibi, non patri, potestque ludo acquisita iterum ludo exponere. Si verò filiusfamilias, aut alius non habeat facultatem disponendi de re quam ludo exponit, non potest retinere sibi lucrum quod ludo acquirit, quia censetur adesse dolus dans causam contractui. Similiter lucrum acquisitum restituendum est collusori perdenti, si alter non habebat aliud quod traderet perdenti si perdidisset, quia nihil potest perdere, nihil potest lucrari; nam alioqui non esset aqualis vtriusque ludentis conditio. *tom. 2. fol. 675. n. 11. & seq.*

7. Qui ludo lege humana vetito perdidit, non tenetur in conscientia soluere quod perdidit credita pecunia, stando in iure communi Cæsareo, (nisi fortè iurauerit se soluturum quod perderet;) imò potest solutum repetere, quoties datur actio ad repetendum, & non cessit, seu non renun

renunciavit beneficio legis concedentis repetitionem. *tom. 2. fol. 622. num. 2. 4. & 5.*

8. Qui aliquid ludo verito acquisiuit, non tenetur ad illius restitutionem ante iudicis sententiam, modò non impederit iudicem per vim vel fraudem, ne condemnaretur ad restitutionem acquisite, & modò contractus non sit iniustus. *ibid. num. 8.*

Luxuria.

Vide v. *Sacrilegium, Decalogus.*

M

Maleficium.

Vide v. *Superstitio, Diuinitio, Observatio vana.*

1 **M**aleficium est ars nocendi aliis ope & potestate dæmonis, qui per peccatum non amisit sciētiā naturalem, sed adhuc maxima pollet scientia & cognitione, quam comitatur potentia. Magia naturalis, seu mathematica non est superstitiosa, nec malefica; bene tamen diabolica, & idcirco est illicita; propterea non est licitum maleficos, etiam aliàs paratos, adhibere ad maleficium faciendum pro re graui & bono publico, aut causa curiositatis, &c. neque licitum est quoque petere, vt maleficus, aut alius vno maleficio dissoluat aliud; quamquam si maleficus sciat modum licitum tollendi maleficium, licet eum rogare vt illud tollat. Solent hæc remedia adhiberi contra maleficia, magna fides in diuina profectione, susceptio Baptismi, & Eucharisti

charistiæ, confessio peccatorum, exorcismi Ecclesiæ, aqua benedicta, reliquiæ Sanctorum, signum crucis, inuocatio nominis IESV, B. Virginis Mariæ, oratio, & ieiunium. *tom. 2. fol. 168. num. 1.*

¶ fol. 692. n. 4. 5. 7. ¶ 8. item fol. 270. num. 10.

2. Confessarius inquirere debet à malefico, an pactum inierit cum dæmone, & an promiserit se derelicturum Christum, & ab eius fide discessurum; an exhibuerit honorem satanæ; an in pacto intercesserit hæresis, v.g. an crediderit sacramenta nihil prodesse, &c. an confecerit maleficium ex rebus sacris, & an damnum intulerit; nam si intulit, peccauit contra iustitiam, consequenter debet restituere. *ibid. num. 11.*

3. Maleficus cognosci potest ex confessione ipsius propria, ex attestazione eorum qui delicti participes fuerunt, ex scriptura qua se dæmoni volens dedicauit, ex signo aut stigmate maleficis imprimi solito, ex inuentis apud eum hostiis, vel imaginibus ceræ acubus infixis, ex vnctione animalium, aut aliorum qui postea interierunt. *ibid. num. 12.*

Martyrium.

Vide v. *Baptismus.*

Matrimonium.

Vide v. *Sacramentum, Sponsalia, Diuortium, Lex, Votum, Delectatio, Pollutio.*

1. Matrimonium est legitimus & indissolubilis contractus inter virum & foeminam, quo traditur & acceptatur mutua corporum potestas, & confertur gratia sanctificans. *tom. 1. fol. 360. num. 2.*

2. Ad

2. Ad contrahendum matrimonium non sufficit consensus internus, nisi exprimatur verbis & signis; & regulariter taciturnitas non sufficit. hinc inualidum est matrimonium, quando fœmina tacet, licet interius consentiat. Inualidum est præterea, quando extraneus respondet & re-promittit pro fœmina tacente: nullum tamen extat præceptum sub mortali celebrandi matrimonium verbis. *tom. 1. fol. 361. num. 3. & seqq.*

3. Inter beatam Virginem & S. Ioseph intercessit verum matrimonium ratum, sed non consummatum, quandoquidem beatissima Virgo semper fuerit Virgo. Neque peccauit contra votum castitatis contrahendo matrimonium: factum enim erat sub hac conditione, nisi Deus aliter sibi placere reuelauerit. *ibid. num. 9. & 10.*

4. Matrimonium infidelium est quidam contractus, quem infideles celebrando non peccant; non tamen est sacramentum, loquendo de sacramento propriè accepto; carent enim Baptismo qui est ianua sacramentorum. Eorum tamen matrimonium fit sacramentum post Baptismum, interueniente nouo consensu, aut ratificatione præcedentis.

Matrimonium contractum à fidei cum catechumena ex dispensatione Summi Pontificis, est sacramentum. *tom. 1. fol. 362. num. 2. & seqq.*

5. Obligatio contrahendi matrimonium potest contingere extra necessitatem conseruandæ speciei humanæ, quando est vnicus hæres, quo non nubente, exorirentur seditiones & bella in Republica. *tom. 1. fol. 363. num. 2.*

6. Religiosi & habentes votum castitatis, possent, & tenerentur matrimonium contrahere, casu

casu quo cæteri homines essent bello vel peste extincti, & non inuenirentur alij præter religiosos, aut alios votum castitatis habentes: *ibid. num. 3.*

7. Mutua corporum traditio est materia proxima sacramenti matrimonij: acceptatio verò vtriusque coniugis est forma sacramenti matrimonij, & per eam perficitur matrimonium. *tom. 1. fol. 364. num. 1.*

8. Minister essentialis huius sacramenti non est Sacerdos, sed sunt ipsi contrahentes, cum efficienter celebrent contractum matrimonij: Sacerdos verò est tantum accidentarius minister, quatenus ex officio iungit & benedicit contrahentibus, quod est accidentarium matrimonio. *ibid. num. 5.*

9. Valide contrahi potest matrimonium, etiam quatenus sacramentum, inter absentes per litteras vel Procuratorem, siue Procurator sit masculus, siue fœmina: id enim postulat natura contractus, & consequenter matrimonij, quod est contractus eleuatus in sacramentum. Et in hoc differt à reliquis sacramentis quæ celebrari nequeunt inter absentes. *tom. 1. fol. 365. num. 1. § 2.*

10. Nullus fidelis potest contractum matrimonij celebrare quin sit sacramentum: quamquam ratio sacramenti & contractus videatur separabilis. *ibid. num. 4.*

11. Vt matrimonium celebratum per litteras vel procuratorem sit validum, requiritur præsentia Parochi & testium, vt litteræ non sint fictæ, id est, vt non sint factæ sine animo contrahendi; & vt procurator non sit fictè constitutus, & vt consensus non sit reuocatus. Denique re-

S

quiritur

quiritur ut procurator agat per se ipsum, ut habeat speciale mandatum ad contrahendum cum certa persona, & non excedat fines mandati. *ibid. num. 5. & fol. 366. num. 6. & 8.*

12. Valide celebratur matrimonium nomine alterius sine præmissis denunciationibus, quando procurator electus fuit ad ineundum matrimonium servata forma Tridentini. *ibid. num. 9.*

13. Procurator contrahens matrimonium nomine alterius, adhibet hæc verba: *Recipio te in uxorem nomine Titij, vel, Titius accipit te in uxorem me mediante*: & formina respondet: *Ego te mediante duco Titium.* *ibid. num. 11.*

14. Qui matrimonium per procuratorem celebrat, debet aduigilare ut sit in gratia quando celebratur matrimonium; tunc enim ipse suscipit sacramentum siue vigilet, siue dormiat, siue factus sit amens. *ibid. num. 13.*

15. Matrimonium clandestinum, quod videlicet contrahitur sine Parocho & duobus vel tribus testibus est inualidum; alijs tamen validum fuit. Matrimonium quod domi celebratur, non dicitur clandestinum & inualidum, modò celebretur coram Parocho & testibus. Parochus iubetur habere librum, in quo referat nomina testium & contrahentium, locumque & tempus contractus matrimonij. *tom. 1. fol. 367. num. 2. 4. & 5.*

16. Contrahere matrimonium clandestinum absque denunciationibus, sine licentia est peccatum mortale, sicut & illud consummare; sed tamen matrimonium ita contractum, validum est. *ibid. n. 6. & 7.*

17. Quando contrahentes habent plura domicilia, seu parochias, denunciations faciendæ sunt
à Pa

à Parocho tribus diebus festis continuis in ea parochia, in qua diutius habitant, & principaliorem aut antiquiorem habent larem. *tom. I. fol. 369. num. 11.*

18. Parochus propria auctoritate & sine causa legitima omittens denunciationes, suspendendus est ab officio per triennium, aliquando tamen de licentia ordinarij vna tantum denunciatio præmittitur: qua facta non statim contrahendum matrimonium, sed danda mora ad deferendum impedimenta, si quæ extent. *ibid. num. 13. 15. & 16.*

19. Inter Missarum solemnias, vel alia celebri occasione fieri solent denunciationes in die festo, etiam alicuius particularis Ecclesiæ. Imò verò adhuc alio die quam festo, si adsit magnus populi concursus. Talis enim est mens Concilij Tridentini, ut multi sciant & detegantur impedimenta; ad id enim obligantur qui sunt confesij, secluso graui suo incommodo, & aliorum scandalo. Imò habens impedimentum, tenetur desistere à matrimonio contrahendo; illudque iudici interroganti iuridicè manifestare. *ibid. n. 17. & fol. 369. n. 18. & seq.*

20. Transferens se ad locum, vbi Tridentinum non est acceptatum, potest ibi matrimonium sine Parocho & testibus, validè celebrare. Ita captiui apud Turcas validè contrahunt, etiamsi non habeant animum ibi perpetuò manendi. Aduerte tamen incolam illius loci, in quo Tridentinum non est acceptatum, non posse celebrare matrimonium sine Parocho & testibus, si diuertat ad eum locum in quo est acceptum. *tom. I. fol. 370. num. 1. & seq.*

21. Fœmina quæ inualidè contraxit coram

proprio Parocho non satisfacit coram eodem contrahendo postquam mutauit proprium domicilium. *tom. 1. fol. 372. num. 3.*

22. Non validè potest contrahi matrimonium coram illo Parocho, ad cuius parœciam aliquoties in anno quis diuertit relaxâtionis gratia. *ibid.*

23. Validum est matrimonium eorum qui aliò se conferunt, ibique habitant, vt euitent proprios parochos : vtuntur enim iure suo. *ibid. num. 4.*

24. Qui habent duplicem parœciam, possunt validè contrahere coram quolibet Parocho. Antequam ignoti & vagi recipiantur ad matrimonium celebrandum, fiat debita inquisitio impedimentorum. *ibid. num. 5. & 6.*

25. Ad validitatem matrimonij sufficit, si matrimonium contrahatur coram Parocho, siue viri siue fœminæ, quando vir est vnus parœciæ, & fœmina alterius. *ibid.*

26. Matrimonium urgente necessitate, aut in periculo mortis, non potest validè celebrari sine Parocho & testibus, irritaturque à Concilio tanquam clandestinum. *tom. 1. fol. 373. num. 8.*

27. Sacerdos sæcularis aut regularis, qui audet coniungere non sibi subditos, aut ipsis benedicere, sine Parochi vel ordinarij facultate expressa, incurrit ipso iure suspensionem. *tom. 1. fol. 374. num. 12.*

28. Potest Parochus dare facultatem validè assistendi matrimonio suorum subditorum, etiam extrâ diœcesim : validumque est matrimonium contractum coram Parocho, qui nondum est Sacerdos. *ibid. num. 13. & 16.*

29. Archiepiscopus non potest coniungere in
matri

matrimonium subditos suorum suffraganeorum, nec dare licentiam illos coniungendi: cum non sit eorum Superior, nisi in gradu appellationis. *ibid.*

30. Inualidum est matrimonium contractum coram eo Sacerdote, qui licentiam extorsit per dolum & mendacia versantia circa causam finalem: secus dicendum quando versantur tantummodo circa causam impulsuam. *ibid. num. 17.*

31. Parochus interdictus, irregularis, aut prohibitus, validè assistit matrimonio; adhuc enim posito interdicto retinet iurisdictionem seu potestatem. Similiter is, cui vetitum est ministrare sacramenta ob inscitiam. Item & degradatus, aut Parochus habens beneficium titulo colorato, & errore communi vulgi; modò non adsit impedimentum iuris diuini vel naturalis. Similiter & laicus, si communi errore habetur Sacerdos aut Parochus, seu ab eo facultatem obtinuit. *tem. 1. fol. 375. num. 18. 19. & 24. item fol. 376. num. 30.*

32. Valida est absolutio data ab eo Sacerdote qui communiter habetur pro Parocho: remanetque absolutus, qui Sacerdoti excommunicato vitando confitetur in eo loco ubi ignoratur, & ipse similiter ignorat: in hoc enim casu Ecclesia supplet iurisdictionem. Adde validè adhuc absolueret Sacerdotem, cui fictè data est facultas. *ibid. n. 28. & 31. item fol. 377. n. 33.*

33. Denique gesta cum errore communi valida sunt respectu ignorantis, modò non adsit impedimentum iuris diuini, vt contingit in eo qui creditur Sacerdos cum verè non sit Sacerdos: talis enim inualidè administrat. Idem dic de defectu naturali, qui non potest ab Ecclesia suppleri,

& ob hanc rationem gesta iudicis mente capti inualida sunt, etiam si communi errore sanæ mentis credatur. *ibid. n. 35. & seqq.*

34. Parochus non peccat mortaliter omittendo verba: *Ego vos coniungo*, &c. neque similiter omittendo interrogationem de mutuo consensu contrahentium, quando ei aliunde constat. *ibid. num. 39. & 40.*

35. Quæcumque personæ doli capaces, cuiuscumque conditionis & status, sunt legitimi testes in matrimonio. Excipe dormientes, amentes, ebrios, furiosos quamdiu carent lucido intervallo: quia non possunt esse præsentés humano modo; sicuti nec Parochus & testes transeuntés, ob eandem rationem. *ibid. num. 42. & 43. & fol. 378. num. 46.*

36. Contrahens matrimonium sine Parocho & testibus, non redditur inhabilis ad contrahendum aliud matrimonium. *ibid. num. 47.*

37. Matrimonium clandestinum nullam inducit obligationem cum sit irritum, nisi fortè contrahentes habuerint animum obligandi se eo modo, quo possent. *ibid. num. 48.*

38. Ad faciendum validum matrimonium quod reuera est inualidum defectu consensus interni, vel ratione grauis metus, sufficit si solum consensus internus de nouo præstetur ab eo qui consenserat fictè, aut per metum grauem, modò alter sponsus, qui antea verè consenserat, non reuocauerit suum consensum, quem signo aliquo externo exprimere, non est necessarium. *tom. 1. fol. 379. num. 1. & 3.*

39. Ad validandum matrimonium quod fuit inualidum ob impedimentum dirimens, necessarius est cessante tali impedimento nouus vtriusque

que consensus signo externo expressus, nec sufficit consensus eius tantum qui nouit impedimentum. *tom. 1. fol. 380. num. 6.*

40. Validum est matrimonium cum falso errore impedimenti celebratum, si contrahentes intendant contrahere, quantum in ipsis est: sicut etiam validum est matrimonium eorum qui credunt adhuc viuere priorem coniugem, cum mortuus sit, si ambo contrahant cum intentione quatenus possunt. *ibid. num. 8. § 9.*

41. Ad validandum matrimonium inualidum ob impedimentum dirimens, non requiritur præsentia Parochi & testium, si impedimentum illis ignotum fuit: nec tenentur de nouo benedictionem recipere. *tom. 1. fol. 381. num. 10. § 11.*

Matrimonium conditionatum.

42. Conditionum quæ in contractu matrimonij apponi possunt, alia est necessaria, cuius euentus non est expectandus, cum habeatur pro impleta: alia turpis, & hæc irritat matrimonium quando est de futuro præstanda, & contra substantiam matrimonij: id est contra bonum prolis fidei, seu fidelitatis: aliæ impertinentes, aliæ impossibiles, aliæ honestæ, aliæ de præterito, aliæ de præsentibus, & aliæ de futuro. Vnde patet matrimonium his conditionibus celebratum: *Duco te in uxorem, si cras sol oriatur, &c.* aut, *contraham tecum si pater meus è vita migrauerit*: aut, *contraho tecum si Antichristus nascetur: si es virgo, &c.* statim validum esse. Has tamen reiicere debet Parochus in celebratione matrimonij. Inualidum verò est matrimonium his conditionibus: *Contraho tecum si filios occidas, aut abijcias ut moriantur,*

rur. &c. ob rationem iam dictam, aut contractum cum pacto numquam cohabitandi simul. *tom. 1. fol. 382. num. 5. & seq.*

43. Condicio impossibilis tam de præterito, quam de futuro, non irritat matrimonium: ut si dicatur, *contraho tecum si montem istum in mare transtuleris*, & adsit consensus contrahentium absolutus. *tom. 1. fol. 383. num. 16.*

44. Matrimonium celebratum sub conditione honesta de præsentī, vel de præterito, validum est, si res ita est: ut *contraho tecum si dives es*. Si verò conditio sit de futuro, matrimonium non est validum ante conditionis euentum. Hinc fit ut is qui per verba de præsentī contraxit matrimonium cum duabus sub conditione de futuro, fiat maritus illius, cuius conditio prius adimpletur. *tom. 1. fol. 384. num. 20. & 21.*

45. Matrimonium contractum sub conditione impertinenti de futuro, non est validum, antequam verificetur conditio: validum verò est ea verificata & adimpleta. *tom. 1. fol. 385. num. 24.*

46. Validum est matrimonium inter habentes impedimentum celebratum sub conditione, si *Papa dispensauerit*. *tom. 1. fol. 384. num. 23.*

47. Ex his patet quid dicendum de sponsalibus sub conditione celebratis. *tom. 1. fol. 385. num. 26.*

48. Matrimonium etiam non consummatum, est indissolubile iure naturali & diuino: quod *Deus coniunxit, homo non separet*, nec dissolui potest propter adulterium: potest tamen Summus Pontifex dispensare in matrimonio rato, ad tollendas graues discordias, vel vitandum peruerſionis periculum. *tom. 1. fol. 386. num. 2. & seqq.*

Matr

Matrimonij impedimenta dirimentia.

49. Impedimenta iure naturæ dirimentia matrimonium, sunt defectus usus rationis, error circa personam, impotentia perpetua ad coeundum, &c. *tom. 1. fol. 387. num. 1.*

50. Ecclesia potest irritare contractus mediaturè, reddendo personas inhabiles ad contrahendum; & immediaturè, irritando contractum matrimonij, v.g. infidelium. *ibid. num. 2.*

51. Per consuetudinem legitimè præscriptam possunt noua impedimenta induci, & inducta auferri: consuetudo enim vim habet inducendi legem, & inductam abrogandi. *ibid. num. 7.*

52. Impedimenta non solum impediencia, sed etiam dirimentia secundum ius antiquum sunt duodecim: secundum verò ius nouum, sunt quatuordecim: nam Concil. Trident. addidit *raptum, & defectum presentia Parochi & testium.* Omnia sequentibus versibus continentur.

Error, conditio, votum, cognatio, crimen,

Cultus disparitas, vis, ordo, ligamen, honestas,

Si sis affinis, si fortè coire nequibis,

Si parochi, & duplicis desit presentia testis,

Raptæve sit mulier, nec parti reddita tuta,

Hæc facienda vetant connubia, facta retractant.

Præter hæc, extant alia tantummodò impediencia, quæ paulò post occurrent. *tom. 1. fol. 388. num. 10.*

Impedimentum erroris.

53. Matrimonium contractum cum errore circa substantiam, est inualidum iure nature, tam in-

rer fideles quàm infideles : errantis enim nullus est consensus ; nec refert quod error sit comitans , nisi fortè errans intendat de præfenti contrahere cum tali persona , qualiscumque illa sit. *tom. 1. fol. 388. num. 2. & seqq.*

54. Matrimonium contractum cum errore qualitatis, non est inualidum : neque celebratum per dolum dantem ipsi causam ; adest enim voluntarium simpliciter & consensus positivus. Intellige tamen hanc doctrinam cum duplici limitatione , scilicet vt qualitas circa quam erratur, non fuerit appositæ per modum conditionis, ex.gr. si quis dicat, *Duco te in uxorem, si es nobilis*: deinde vt error qualitatis non transeat in errorem personæ : tunc enim cum erretur circa personam, inualidum est matrimonium. *tom. 1. fol. 389. num. 5. & 6.*

55. Tunc autem error qualitatis transit in errorem personæ , quando qualitas in qua erratur, respicit aliquam certam & determinatam personam , distinctam ab ea quæ præfens est. *ibid. num. 7.*

56. Valide contrahitur matrimonium cum eo qui se fingit filium Regis , non explicans cuius Regis filius sit. Similiter validum est matrimonium, quando non interuenit error personæ , sed qualitatis. *ibid. num. 8. & 9.*

Impedimentum conditionis, seu seruitutis.

57. Matrimonium contractum cum errore conditionis, non est inualidum, quando persona cum qua contrahitur est æqualis , aut melioris conditionis ; vnde seruus contrahens cum serua, quam credebat liberam esse, valide contrahit.

Simili

Similiter & liber contrahens cum serua, quæ contrahendo fit libera. *tom.1.fol.390.num.1.*

& seqq.

58. Error conditionis irritat matrimonium, quando conditio errantis fit deterior, vt quando liber contrahit cum serua, quam credebat liberam. Irritum etiam est, quando liber contrahit cum serua, cum qua adhuc contraheret, cognita seruitute. *ibid.num.4. & 5.*

59. Matrimonium inter liberum, & seruam celebratum, fit validum, si liber cognito errore copulam habeat cum serua. *ibid.num.6.*

60. Seruus potest inuito domino matrimonium celebrare cum serua, vel cum libera: non tenentur tamen domini consentire; dubitaturque an possint vendere seruos in locis distantibus, in quibus serui non possint reddere debitum, maxime quando serui sine eorum licentia matrimonium contraxerunt: non posse sine peccato mortali, asserunt Theologi; facerent enim contra ius illorum. *ibid.num.7. & fol.391.num.8.*

& 9.

61. Filij sequuntur conditionem matris, id est, seruitutem quando est serua, & è contra; nisi mater fuerit libera tempore conceptionis, vel partus, & postea non fiat serua iure belli. Quando femina grauida se vendit, filius est liber, & non seruus. *ibid.num.10. & seqq.*

62. Vxor constante matrimonio non potest se vendere absque viri consensu; secus dicendum de viro, qui non est subiectus vxori, nisi ratione debiti coniugalis. *ibid.n.13.*

Impedimentum voti.

63. Votum solemne est illud quod emittitur in susceptione sacrorum ordinum, vel in professione religionis: votum simplex est illud quod fit ad libitum cuiuscumque. *tom. 1. fol. 391. num. 1.*

64. Votum castitatis, emissum in professione valida religionis approbata, dirimit matrimonium, etiam consummatum, factum post ipsam professionem; consequenter religiosus professus inualidè contrahit matrimonium. Idem dicendum de voto simplici, quod emittunt Patres Societatis Iesu, peracto biennio. *tom. 1. fol. 392. num. 2. & 3.*

65. Professio facta in approbata religione, dirimit matrimonium celebratum ante ipsam professionem, modò matrimonium sit tantummodò ratum, & non consummatum. Idem dic de professione Equitum militarium. *ibid. num. 4. & 5.*

66. Facta professione ab altero ante consummatum matrimonium, coniux manens in seculo potest cum alio contrahere matrimonium. *ibid. num. 5.*

67. Matrimonium consummatum celebratum ante professionem, non dirimitur per sequentem professionem: etiamsi fuerit consummatum intra bimestre. Sunt qui addant & per vim, sed malè. *ibid. num. 7. & 8.*

68. Alter coniugum post matrimonium consummatum, validè professionem non emittit altero inscio, vel consentiente per metum, dolum, &c. seclufa tamen causa perperui diuortij.

Item

Item inualida est professio quam vterque coniux emisit credens alterum periisse. Adde coniuges de communi consensu posse ingredi religionem post consummatum matrimonium: imò etiam vnum, altero manente in sæculo, si prouectæ sit ætatis, si emittat votum continentia, & Episcopus consentiat. *tom. 1. fol. 393. num. 9. & seq.*

69. Ingressus religionem post consummatum matrimonium, committit adulterium, si cum alio copulam habeat. *ibid. num. 13.*

Impedimentum cognationis naturalis.

70. Consanguinitas est vinculum personarum ab eodem proximo stipite descendendum carnali propagatione contractum. *tom. 1. fol. 394. num. 3.*

71. Consanguinitas distinguitur per lineas & gradus. Nomine *linea*, intellige seriem seu collectionem personarum, tam descendendum, quàm ascendendum. Nomine *gradus*, intellige distantiam maiorem vel minorem vnius personæ ab alia. Linea duplex est, recta, & collateralis, siue transuersa. *ibid. num. 4. & 5.*

72. Inualidum est saltem iure Ecclesiastico, matrimonium celebratum inter personas consanguineas intra quartum gradum inclusiue, tam in linea recta, quàm in linea transuersali. Item matrimonium celebratum in linea recta consanguinitatis, inualidum est iure naturæ, in primo tantum gradu. *tom. 1. fol. 295. num. 7. & 8.*

73. Validum est matrimonium contractum ab infidelibus in secundo, tertio, & quarto gradu consanguinitatis; cum infideles non afficiantur impedimentis iure Ecclesiastico inductis, & ma-

rimo

rimonium in illis gradibus non sit irritum iure naturæ. *ibid.num.9.*

74. Matrimonium contractum à fidelibus consanguineis in linea recta, extra quartum gradum, validum est. *ibid.num.10.*

75. In primo gradu lineæ transversæ, nempe inter fratrem & sororem, inualidum est matrimonium iure naturæ; & sicuti Papa dispensare potest, ut matrimonium celebretur cum filia fratris aut sororis qui sunt in secundo gradu, ita potest dispensare in tertio & quarto: nam in his gradibus matrimonium non est irritum iure naturæ. *ibid.num.12. & fol.396.num.13.*

Impedimentum cognationis spiritualis.

76. Cognatio spiritualis est propinquitas, seu attinentia quarundam personarum ex statuto Ecclesiæ consurgens propter collationem Baptismi, aut Confirmationis, & propter susceptionem recipientis hæc sacramenta. Cognatio spiritualis in Baptismo contrahitur inter baptizantem & baptizatum, inter susceptorem & baptizatum, inter baptizantem & patrem ac matrem naturalem baptizandi, & inter susceptores & patrem ac matrem baptizati, dirimitque matrimonium iure Ecclesiastico, non verò inter ipsos susceptores. *tom.1.fol.396.num.1. & fol.397.n.2. & 4.*

77. Ad contrahendam cognationem in Baptismo, vel in Confirmatione requiritur ut teneatur infans in Baptismo solenni, ut puer suscipiatur quando primò baptizatur: ut adsit intentio tacita, vel expressa præstandi munus patrini, ut non adsit error personæ, ut baptizans aut suscipiens sit

fit baptizatus, quare infidelis nullam contrahit cognationem: deinde ut compater & commater suscipiant puerum de manibus baptizantis statim ac baptizatus est, & si commater suscipiat tantummodò infantem de manibus compatris, non contrahit cognationem, eo quòd non dicatur suscipere de Baptismo, seu de sacro fonte. Denique requiritur contractus, ita ut suscipiens, seu tenens, verè dicatur suscipere, seu tenere. *ibid.num.8. & seq.*

78. Puer cuiuscumque ætatis potest esse legitimus susceptor, modò usu rationis gaudeat. Similiter hæreticus & religiosus possunt suscipere alios in Baptismo, est tamen prohibitum religiosi. *tom.1.fol.398.num.17. & fol.399.num.22. & 23.*

79. Dubitatur, quinam contrahant cognationem, quando plures tangunt puerum in Baptismo? Respond. si omnes, etiam non designati, tangunt simul, omnes contrahunt cognationem; si successivè, tantum primus, vel prima mulier tangens contrahit. Quando plures designati sunt à parentibus, sed Parochus admittit unum tantum & unam, cognatio contrahitur tantummodo ab admissis à Parocho: secus dicendum quando parentes designarunt tantum duos, sed Parochus admittit plures ad suscipiendum, non enim ad illum pertinet designare, quando parentes designarunt; quando verò non designarunt, tunc designati à Parocho contrahunt cognationem. Ille ergo qui tangit baptizatum non designatus à parentibus, vel saltem à Parocho, non contrahit cognationem, si adsint alij designati. *tom.1.fol.399.n.24. & seq.*

80. In Baptismo adhiberi possunt duo patrini, masculi

maſculus & fœmina, in Confirmatione verò vnus tantum, eſtque peccatum mortale admittere plures: neque Epifcopus diſpensare poteſt, vt duo viri, aut duæ fœminæ ſimul ſuſcipiant infantem in Baptiſmo. *tom. 1. fol. 400. num. 31. & ſeqq.*

81. Quando aliquis mittit procuratorem ad ſuſcipiendum infantem, mittens contrahit cognationem, non autem procurator. *ibid. num. 34.*

Impedimentum cognationis legalis.

82. Cognatio legalis eſt propinquitas quarundam perſonarum, conſurgens ex adoptione: adoptio verò eſt legitima aſſumptio extraneæ perſonæ in filium vel nepotem, &c. vel in filiam, &c. Adoptans debet eſſe ſui iuris, & maior 25. annis, nec debet eſſe fœmina, (quæ adoptare non poteſt abſque priuilegio,) vt non ſit impotens, ex defectu naturali, vt tam prouectæ ſit ætatis, vt excedat adoptatum 18. annis, & poſſit eſſe pater carnalis adoptati. *tom. 1. fol. 400. num. 1. & 2. item fol. 401. num. 3.*

83. Cognatio legalis contrahitur inter adoptantem & adoptatum, & adoptati descendentes uſque ad quartum gradum: inter uxorem adoptantis & adoptatum, & è conuerſo: inter filios adoptantis & adoptatum; inter has perſonas cognatio legalis impedit & dirimit matrimonium quamdiu durat. *ibid. num. 4. & 5.*

84. Quando plures adoptati ſunt ab vno & eodem, poſſunt adoptati inter ſe matrimonium iniire. Poteſt ſimiliter adoptatus celebrare matrimonium cum filia illegitima adoptantis. Denique validum eſt matrimonium ab infidelibus celebratum in cognatione legali; nam infideles

non

non sunt subiecti iurisdictioni Ecclesiæ. *ibid.*
num.7. & seqq.

Impedimentum criminis.

85. Crimen impediens & dirimens matrimonium in iure Ecclesiastico, est homicidium & adulterium. Vt crimen solius homicidij inducat impedimentum dirimens, requiritur occisio coniugis, siue per se, siue per alium: neque sufficit ratihabitio absque cooperatione: vt vir & fœmina qui matrimonium contrahunt, conspirauerint in mortem coniugis occisi, eo fine vt possent inter se matrimonium contrahere: deinde vt mors sequatur. Vnde qui mandauit occidi, & postea reuocauit mandatum, innotuitque reuocatio mandatario ante mortem coniugis non est reus huius impedimenti, sicuti nec ille qui tantum consuluit. *tom.1. fol.402. num.1. & seq.*

86. Vt crimen adulterij inducat impedimentum dirimens matrimonium, requiritur adulterium cum homicidio, cum matrimonio, & cum promissione matrimonij. *ibid. num.8.*

87. Promittens matrimonium celebrandum post mortem coniugis, & acceptans, peccat mortaliter; nam sic datur ansa captandæ mortis alterius coniugis: estque illicita & inualida huiusmodi promissio. *ibid. num.10. & 11.*

88. Nullum inducitur impedimentum criminis, quando Titius copulam habet cum Berta, viuente eius viro, post cuius mortem promittit matrimonium eidem Bertæ. Similiter non inducitur crimen, quando duo coniugati promittunt sibi matrimonium, sed postea pœnitentia ducti resiliunt à promissione, & postea sequitur inter eos

eos copula. Præterea non inducitur crimen dirimens quando quis occidit vxorem, vt contrahat cum alia, quæ non fuit particeps homicidij, aut ob aliquem alium finem, aut animo ducendi aliam indeterminatam, aut quando quis occidit vxorem in flagranti crimine adulterij deprehensam. Denique occidens vxorem suam vt aliam ducat, potest matrimonium inire cum alia cum qua non peccauit. Hoc impedimentum criminis contrahitur solum à fidelibus. *tom. 1. fol. 404. num. 12. & seq.*

Impedimentum disparitatis cultus.

89. Disparitas cultus reperitur inter fidelem & infidelem; vnde matrimonium baptizati, seu fidelis contractum cum infideli, seu non baptizato, inualidum est iure Ecclesiastico, sed non iure diuino, vel naturali. Quando infideles coniugati conuertuntur ad fidem, non sunt separandi, nisi infidelis nolit habitare cum fidele, aut vult habitare quidem, sed non absque iniuria creatoris, id est, quando compellit fidelem ad peccatum. *tom. 1. fol. 405. n. 1. & seqq.*

90. Matrimonium non solum ratum, sed etiam consummatum dissoluitur per professionem infidelis conuersi factam in religione. *tom. 1. fol. 406. num. 9.*

91. Filij, quando vnus parentum conuertitur ad fidem altero persistente in infidelitate, sequuntur conditionem parentis fidelis; quando filij nondum sunt capaces doli, alioqui relinquendi sunt in propria libertate. *ibid. num. 11.*

Impe

Impedimenti vis.

92. Metus intrinsecus seu à causa intrinseca distinguitur à metu extrinseco, qui fit à causa extrinseca libera. Vis & metus adhuc est duplex; vnus qui aufert omnino consensum & voluntarium; alter est qui non tollit omnino consensum, sed solum tollit secundum quid. Præterea est adhuc metus cadens in virum constantem, & cadens in inconstantem. Ad metum grauem & cadentem in constantem virum reuocatur metus mortis, mutilationis, cruciatus atrocis, vel longi carceris, vel exilij diuturni, vel seruitutis, vel stupri, vel amissionis status honorifici, omnium bonorum, vel saltem magnæ partis. Similiter metus infamiæ, iuris vel facti. *com. i. fol. 407. num. i. & seq.*

93. Vt metus grauis dirimat matrimonium requiritur, vt malum quod timetur probabiliter immineat. *ibid. n. 7.*

94. Matrimonium celebratum per metum grauem, seu cadentem in constantem virum, est inuvalidum iure Ecclesiastico, modò metus sit iniuste incussus à causa libera ad extorquendum consensum. *com. i. fol. 408. num. 8.*

95. Stuprator validè contrahit matrimonium cum ea quam violauit, etiamsi contrahat ob metum excommunicationis, aut mortis à iudice infligendæ, quia metus non incutitur iniuste: similiter validè celebratur matrimonium ab eo qui à iudice cogitur sub graui pœna stare sponsalibus, cum iuste ad ea implenda cogatur.

Validum quoque est matrimonium quando quis cogitur illud celebrare per sententiam materia

terialiter iniustam; talis enim coactio est iuridica & iusta formaliter. *tom. 1. fol. 409. num. 12. & seqq.*

96. Validum adhuc est matrimonium celebratum ob metum iustæ accusationis, aut carceris, aut mortis iuridicè infligendæ: aut ob metum incussum à causa libera, non ad hunc finem, ut matrimonium ineatur, sed ob aliam causam: nec refert quod sit aliquo modo inuoluntarium; nam illud inuoluntarium non censetur causa consensus.

Hinc infertur validum esse matrimonium, quod quis contraxit cum concubina metu inferni, vel infamiæ, vel ob periculum animæ, aut corporis ex sententia Medici nisi ducat uxorem. Similiter validum est matrimonium quod contraxit damnatus ad mortem, cui iudex promisit liberationem, si propriam filiam aut aliam duceret: aut quod obsessus contraxit cum filia obsessantis, ut obsessionem euaderet: aut deflorator cum ea quam deflorauerat, ut mortem euaderet: aut ægrotus cum filia Medici, à quo aliter curari non potuisset: nam in his casibus metus mortis non fuit incussum ad extorquendum matrimonium. *ibid. num. 16. & seq.*

97. Matrimonium est inualidum, quando contrahens metu mortis cogitur, non solum contrahere matrimonium, sed etiam per copulam illud consummare: deest enim consensus liber. *tom. 1. fol. 410. num. 24.*

98. Si metus cadens in constantem virum incutiatur ad contrahendum, siue ab altero contrahente, siue ab alio, matrimonium est inualidum, etiam adiuncto iuramento non contrahendi; neque opus est relaxatione talis iuramenti, quia
non

non obligat, nec peccat qui sic contrahit per metum. *ibid. num. 25. & seqq.*

99. Matrimonium celebratum per metum non resolvitur in sponsalia, talis enim contractus est irritus iure positivo; & sponsalia cum graui metu celebrata sunt similiter irrita: neque inducunt impedimentum publicæ honestatis. *ibid. num. 28. & 31. & fol. 411. num. 32.*

100. An sponsus qui alteri metum incussit, possit resilire à matrimonio, antequam alter, qui per metum consensit, ratificet consensum, sunt qui affirmant, sunt qui negent; & vtraque sententia est probabilis. *ibid. num. 33.*

101. Compellens alios ad matrimonium contrahendum, incurrit excommunicationem latam in Concil. Trident. *sess. 24. cap. 9.* Excipe tamen dominos cogentes sua mancipia, & parentes suos filios. *ibid. num. 34.*

Impedimentum ordinis.

102. Ordines minores nullo iure dirimunt matrimonium: neque qui accedit ad illos credens illis adnexum esse votum solemne castitatis, tenetur seruare castitatem ex voto solemni aut simplici: neque peccat clericus qui susceptis ordinibus contrahit matrimonium; & ne quidem venialiter si iusta de causa id fiat. *tom. 1. fol. 412. num. 1. & seqq.*

103. Recipiens aut conferens primam tonsuram, vel minores ordines animo non ascendendi ad maiores, aut cum intentione euitandi forum sæculare, non peccat. *ibid. num. 5.*

104. Ordines maiores validè & sine graui metu suscepti, dirimunt iure Ecclesiastico matrimonium subsequens. *ibid. num. 8.*

105. Vali

105. Validum est votum, & consequenter matrimonium inualidum, quando quis recipit sacros ordines, nesciens illis adnexum esse votum; quia qui vult statum aliquem, vult etiam ea quæ sunt adnexa illi statui. *ibid.n. 10.*

106. Suscipiens sacros ordines cum intentione non vouendi, non tenetur voto castitatis ratione voti præcisè, sed ratione præcepti Ecclesiastici. *ibid.num. 11.*

107. Votum continentiae est adnexum ordini sponte suscepto, sicut etiam est adnexum onus recitandi officium. *10m. 1. fol. 413. numero 12.*

108. Græcis Sacerdotibus nunquam licitum fuit contrahere matrimonium, permissum tamen est Græcis iam coniugatis suscipere sacros ordines, & vti matrimonio ante sacros ordines celebrato. *ibid.num. 13.*

109. Ordinatus ante rationis usum non tenetur voto castitatis, nisi ordines susceptos postea ratificauerit. *ibid.num. 14.*

110. Initiatus ordine sacro, incurrit excommunicationem & irregularitatem, si matrimonium contrahat. *ibid.n. 17.*

111. Vir coniugatus potest licitè sacros ordines suscipere, si possit facere diuortium quoad thorum & habitationem; etsi suscipiat cum libero & legitimo vxoris consensu: qui verò suscepit sacros ordines absque legitimo vxoris consensu potest reddere debitum petenti mulieri, sed non petere. Imò potest vir coniugatus ad Episcopatum promoueri, si vxor consentiat, & ipsa religionem ingrediatur, & in ea professionem emittat, si iuuenis sit. *ibid.n. 18. & fol. 414. num. 19. & 21.*

112. Vxor

112. Vxor quæ voto castitatis emisso, licentiam coniugi dedit suscipiendi sacros ordines, &c. non potest mortuo coniuge nouum inire matrimonium, quia detinetur vinculo castitatis. *ibid.num.22.*

Impedimentum ligaminis.

113. Polygamia dicitur, quando simul plures habentur vxores: bigamia verò quando successiue, id est, quando mortua prima ducitur secunda. *tom.1.fol.414.num.1.*

114. Ligamen est vinculum prioris matrimonij, quo durante posterius matrimonium est inualidum. *ibid.num.2.*

115. Ligamen dirimit matrimonium posterius, non solum iure Ecclesiastico, sed etiam iure naturali & diuino. Quare Summus Pontifex nequit dispensare in pluralitate vxorum, aut virorum simul, cum non dispenses in iure naturæ, vel diuino; dispensauit tamen Deus in lege veteri. Similiter primum matrimonium dirimitur per secundum consummatum. Item infideles nequeunt valide contrahere matrimonium cum pluribus simul, & si infidelis conuertatur ad fidem postquam plures duxit vxores, debet permanere cum prima, si ipsa voluerit cum eo permanere absque Saluatoris iniuria. *ibid. num. 3. & fol. 415. num. 4. & seqq.*

116. Certitudo moralis de morte coniugis requiritur vt superstes possit cum alio matrimonium inire, nec sufficit abfuisse per multos annos, aut talem esse famam, nisi fortè tanta sint indicia, vt nullus sit amplius dubitandi locus de eius

eius morte, vt si ingressus est prælum, nec postea amplius comparuit, & fama est periisse: neque sufficienter probatur mors coniugis per vnum testem, nisi vrgeant aliæ coniecturæ. *ibid. num. 12. & seqq.*

117. Vxor quæ celebrauit matrimonium cum secundo, credens priorem virum esse mortuum, tenetur recedere à secundo, si cognoscat priorem virum superstitem esse. *tom. 1. fol. 416. n. 17.*

118. Validum est matrimonium contractum ab eo qui credebat superstitem esse priorem coniugem, sed reuera mortua erat, si habuit intentionem contrahendi quantum poterat. *ibid. n. 18.*

Impedimentum publicæ honestatis.

119. Impedimentum publicæ honestatis ita appellatur, eò quod æquum sit propter publicam honestatem & decentiam, vt matrimonium impediatur inter aliquas personas, quæ factæ sunt sibi propinquæ ob sponsalia, vel ob matrimonium. *tom. 1. fol. 416. num. 1.*

120. Ex sponsalibus validis & certis oritur iure Ecclesiastico impedimentum publicæ honestatis, dirimens matrimonium cum consanguineis alterius sponsi in primo gradu. Oritur etiam ex matrimonio rato, extenditurque vsque ad quartum gradum. *ibid. n. 2.* Hinc

121. Infertur primò impedimentum publicæ honestatis non induci, quando aliquis fictè consensit, aut sponsalia inualida sunt. Secundò publicam honestatem non extendi ad infideles: nec cessare per dissolutionem sponsaliorum mutuo consensu factam; cum impedimenta dependant ab Ecclesia. *tom. 1. fol. 417. num. 3. 6. & 7.*

122. Con

122. Concurrit aliquando publica honestas cum impedimento affinitatis, ex.gr. qui celebrauit sponsalia cum Berta, & postea copulam habet cum sore Bertæ, neutram potest ducere. *ibid.num.8.*

123. Ex matrimonio rato inualido consurgit impedimentum publicæ honestatis, modò non sit inualidum defectu debiti consensus; vt est matrimonium amentium & puerorum; & matrimonium contractum per metum grauem, vel per errorem personæ, aut cum persona incerta & indeterminata, aut sub conditione de futuro, antequam adimpleatur conditio: aut inter impuberes, nisi malitia suppleat ætatem; secus dicendum de matrimonio contracto sine Parocho & testibus; non enim videtur deesse consensus. *tom.1.fol.418.n.11. & seq.* Ob eandem rationem

124. Matrimonium celebratum cum impedimento dirimente, inducit impedimentum publicæ honestatis. *ibid.num.19.*

125. Impedimentum publicæ honestatis differt à cæteris impedimentis, quod cætera superuenientia sponsalibus dirimant sponsalia, publica verò honestas superueniens non dissoluat illa. *ibid.num.21.*

126. Ad Summum Pontificem pertinet dispensare in impedimento publicæ honestatis: ad illum enim pertinet dispensare in iure communi. *tom.1.fol.419.n.22.*

Impedimentum affinitatis.

127. Affinitas est vinculum seu propinquitas, vel attinentia quarundam personarum proueniens ex carnali copula licita, vel illicita. *tom.1.fol.419.num.1.*

T

128. Con

128. Consanguinei Caij qui copulam habuit cum Berta, non fiunt affines cum consanguineis Bertæ. *ibid. n. 2.*

129. Affinitas non generat affinitatem, ita ut Titius maritus Bertæ possit ea mortua ducere illam quæ fuit vxor fratris Bertæ. *ibid. num. 3.*

130. Duplex est affinitas; alia dicitur in linea recta & æquali, alia in linea transuersali. Vide dicta de consanguinitate. *ibid. num. 4.*

131. Stipes affinitatis sunt duæ illæ personæ quæ se carnaliter cognoscunt, suntque principium affinitatis. Affinitas dirimit matrimonium saltē iure Ecclesiastico, (difficultas enim est de iure naturæ,) siue consurgat ex copula licita, siue ex illicita. *ibid. num. 5. & fol. 420. num. 6.*

132. Validum est matrimonium iure naturæ contractum cum concubina patris, cum vxore fratris mortui, & contractum in primo gradu lineæ rectæ. *ibid. num. 8. & seqq.*

133. Ad contrahendam affinitatem requiritur feminis receptio intra vas debitum fœminæ, quomocumque recipiatur, siue copula habeatur cum fœmina inuita, siue cum ignorante vel dormiente, vel insana, vel ebria; inde enim sequi potest generatio. Nulla oritur affinitas, quando sola fœmina semen emittit; secus dicendum quando solus vir. Nulla item oritur ex congressu spadonum, aut ex actu præpostero extra vas debitum: aut ex matrimonio tantummodo rato, sed non consummato. *ibid. n. 12. & seqq.*

134. Contrahentibus scienter matrimonium cum affinibus, vel consanguineis, constituta est pœna excommunicationis ipso facto incurrenda. *ibid. n. 19.*

135. Vterque coniux priuatur iure petendi debitum,

bitum, quando vterque copulam habuit cum consanguineis alterius coniugis, aut vnus tantum, sed de consensu alterius. *ibid. num. 21.*

136. Maritus contrahens affinitatem cum propria vxore innocente, tenetur reddere debitum: nam innocens non priuatur iure suo ob crimen alterius. Item maritus qui factus est affinis cum vxore ante matrimonium consummatum, non tenetur ingredi religionem, quia nullo iure probatur ad hoc teneri. *tom. 1. fol. 422. n. 22. & 23.*

Impedimentum impotentia.

137. Illa dicitur impotentia perpetua coeundi, quæ non potest remoueri arte humana, vel absque probabili vitæ periculo. *ibid. num. 1.*

138. Illa est impotentia perpetua, quæ non potest auferri absque arte magica, vel peccato, vel miraculo; vel si aliter tolli possit, non potest tamen sine corporali periculo. Vnde fit vt matrimonium contractum cum impotente, qui post matrimonium miraculosè liberatus est ab impotentia, non sit validum. *ibid. num. 2. & seqq. & fol. 423. n. 5.*

139. Ex triplici capite oriri potest impotentia perpetua. Primò ex improportione naturali, vt quando fœmina ita est arcta, vt non possit à viro carnaliter cognosci: quod si fœmina arcta, fieri possit apta proprio viro per incisionem, tenetur eam pati etiam cum graui dolore. Secundò oriri potest ex nimia caliditate, vel frigiditate, quando nimirum copula propter frigiditatem consummari, & semen emitti non potest. Tertiò ex maleficio perpetuo, facto ad impediendum congressum, & copulam maritalem. Perpetuum di-

citur post experientiam triennalem, quando præmissis precibus & aliis remediis pro maleficio amouendo, amouere nequiverunt. *tom. 1. fol. 423. num. 6. & seq.*

140. Coniux non tenetur redire ad priorem coniugem, quando non constat an sublatum sit maleficio, secus dicendum si constet. *ibid. num. 10.*

141. Quando dubitatur an maleficio præcesserit matrimonium, præsumendum est maleficio fuisse factum ante matrimonium, & consequenter esse impedimentum dirimens matrimonium. *ibid. num. 11.*

142. Impotentia perpetua coeundi antecedens matrimonium, dirimit matrimonium, non solum iure Ecclesiastico, verum etiam iure naturæ ex quacunque causa proveniat. *tom. 1. fol. 424. num. 12. Quare,*

143. Validum est matrimonium cum fœmina quæ potest semen recipere, quamvis ipsa non seminet, vel non retineat semen susceptum, cum semen fœmineum non sit necessarium ad generationem. Validum adhuc est quando fœmina potest reddere debitum, sed non nisi cum gravissimo sanitatis periculo, vel vitæ periculo in partu, &c. non enim est affecta impotentia perpetua. Similiter validum est etiam inter steriles; intercedit enim vera copula apta ex sua natura ad generationem. Idem dicendum de contracto matrimonio à sene decrepito, non omnino impotente ad habendam copulam. Secus asserendum de eunucho perfecto, vel spadone, qui scilicet caret semine apto ad generationem. *ibid. num. 14. & seq.*

144. Coniugibus quibus constat adesse impotentiam

tentiam perpetuam, illicitum est petere debitum vel reddere, nec possunt delectari tangendo, osculando, &c. *tom. 1. fol. 425. num. 20.*

145. Triennium quo permittitur coniuges simul habitare ad probandum impotentiam, incipit à die attentatæ copulæ; incipit tamen pro articulatione, quando incipiunt remedia adhiberi. *ibid. n. 21.*

146. Quando vnus coniugum ingreditur religionem ex præsumptione impotentia, sed postea cognoscitur error, non debet redire ad vxorem, si professus est ante consummatum matrimonium. Idem dicendum quando vterque coniux ingreditur religionem ob errorem impotentia præsumptæ ante consummatum matrimonium. *ibid. n. 22. & 23.*

147. Suscipiens sacros ordines ob præsumptionem impotentia, restituendus est vxori petenti, si cognoscatur error; tenebiturq; reddere debitum vxori, sed non petere. *ibi. n. 24.*

148. Inualidæ sunt secundæ nuptiæ, quando vnus illas celebrauit, & alter religionem ingressus est, credens adesse impotentiam perpetuam, quæ tamen non aderat, si matrimonium consummatum fuerat: si non, validæ sunt secundæ nuptiæ, si eas post professionem alterius celebrauit. *ibid. num. 25.*

149. Hermaphroditus potest validè matrimonium inire iuxta sexum qui in ipso præualet: si verò sexus sit æqualis, potest secundum eum quem maluerit, contrahere matrimonium. quod si semel contraxerit matrimonium iuxta vnum sexum, peccat, si mortuo coniuge iuxta alium sexum matrimonium contrahat: si tamen contrahat, tenet matrimonium. Parochus non debet

assistere matrimonio hermaphroditi, in quo vtes-
que sexus est æqualis, donec hermaphroditus
protestatus sit coram iudice Ecclesiastico cum
iuramento quem sexum sequi velit. *tom. 1. fol. 416.*
num. 26. & seq.

Impedimentum non dirimentia.

Sunt hæc verbis sequentibus contenta :

Ecclesia vetitum, necnon tempus feriatum,

Atque catechismus, sponsalia, iungito votum.

Impediunt fieri, permittunt facta teneri.

150. Per *Ecclesia vetitum*, intellige interdi-
ctum, quod est prohibitio, qua certo anni tempore
interdicitur matrimonium ab Ecclesia, & con-
trahens cum huiusmodi interdicto, peccat mor-
taliter. *ibid. num. 2. & 3.*

151. Vetitum est per Trident. *sess. 24. cap. 10.*
celebrare matrimonium à primo die Aduentus
Domini vsque ad diem Epiphaniæ, & à quarta
feria Cinerum vsque ad Octauam Paschæ inclu-
sive; tamen de licentia ordinarij possunt dictis
temporibus celebrari sponsalia & matrimonium
sine solemnitate. *tom. 1. fol. 427. num. 4.*

152. Aliud impedimentum impediens matri-
monium contrahendum sunt sponsalia prius ce-
lebrata cum alia persona. hinc qui vni promisit
matrimonium, non potest alteri nubere, nisi dis-
soluta fuerint priora sponsalia. *ibid. num. 5.*

153. Tertium impedimentum impediens est
catechismus, qui est instructio fidei quæ fit so-
lemniter ante ianuam Ecclesiæ super baptizando,
vel iam baptizato, ex qua tenens puerum contra-
hit cognationem spirituales imperfectam quæ
impedit matrimonium; multi tamen volunt hoc
impe

impedimentum sublatum fuisse; nec videtur opus esse dispensatione petenda à Sede Apostolica, sed ab Episcopo. *ibid. num. 6.*

154. Quartum impedimentum est votum simplex castitatis, vel ingrediendæ religionis, vel suscipiendi sacros ordines, vel non nubendi. Vota simplicia Societatis Iesv ex motu proprio Gregorij XIII. irritant matrimonium. *tom. I. fol. 428. num. 7.*

155. Vxor quæ vouit castitatem, non videtur posse adulterium condonare viro, vt liberetur vinculo voti, sed potius debet quærere media vt exequatur votum. *ibid. num. 8.*

156. Quintum impedimentum impediens matrimonium, est crimen complectens plura delicta, quæ his versibus comprehenduntur.

*Incestus, raptus sponsata, mors mulieris,
Susceptus propria soboles, aut Presbyteralis,
Vel si pœniteat solemniter, aut Mentalem
Accipiat: prohibent hæc coniugium sociandū.*

157. Vir, qui scienter commisit incestum cum affine seu consanguinea vxoris vsque ad quartum gradum, non potest mortua vxore sine dispensatione contrahere matrimonium, quamuis incestus sit occultus. Idem dic de vxore. *ibid. num. 10.*

158. Impedimentum incestus extenditur ad copulam habitam cum consanguinea sponsæ de futuro ob publicam honestatem. Contrahitur similiter impedimentum incestus ab eo, qui mortua propria vxore copulam habet cum consanguinea illius. *ibid. num. 11. & 12.*

159. Quando vxor occiditur in flagranti delicto adulterij, non inducitur per leges impedimentum impediens, licet sit peccatum. *ibid. n. 16.*

160. Baptizans vel suscipiens proprium filium, contrahit impedimentum impediens: ita ut mortuo coniuge non possit matrimonium inire. *ibid.* num. 17.

161. Consuetudine receptum est, ut in impedimentis non dirimentibus possit Episcopus dispensare, excepto voto castitatis & religionis absoluto & perfecto. Imò etiam in impedimentis dirimentibus in urgentissima necessitate, & quando impedimentum est occultum, & matrimonium publicum, imminetque periculum scandalum. Adde posse adhuc Episcopum dispensare in impedimentis quæ superueniunt matrimonio, & impediunt petitionem debiti. *tom. 1. fol. 430. num. 3. & seq.*

Confessarij munus circa impedimenta.

162. Quid faciendum sit à Confessariis quibus aliquando conceditur facultas dispensandi in impedimentis matrimonij, vide tractat. *de matrim. q. 3. p. 15. n. 7.*

163. Confessarius tenetur admonere pœnitentem, qui ex ignorantia vincibili, & culpabili matrimonium inualidè contraxit. Duplex est ignorantia: una iuris, quando ignoratur lex prohibens; altera facti, quando noscitur tale factum sub lege comprehendi. *tom. 1. fol. 431. num. 1. & fol. 432. num. 2.*

164. Confessarius non tenetur admonere pœnitentem qui inualidè contraxit matrimonium ex ignorantia inuincibili iuris vel facti, quando nullum sperat fructum ex admonitione; aut quando videt remedium difficillimum esse, & imminere periculum scandalum vel notabilis infamiae,

miæ, vel damni, modò tamen non sit periculum damni communis. *ibid.num.4.*

165. Confessarius non potest absolvere pœnitentem ignorantem matrimonium esse inualidum, quando alia de causa non vult reddere debitum: nam huiusmodi pœnitens est in statu peccati, cum credat se iniuste denegare debitum: neque potest Confessarius in hoc proposito ei præcipere ut reddat. Ex quibus patet Confessarium non habentem spem emendationis, non teneri admonere pœnitentem, qui ex ignorantia inuincibili iniuste possidet primogenituram, aut exercet contractum illicitum, aut ignorat ea quæ sunt de iure diuino, aut naturali. *ibid.num.5.*

¶ *seqq.* Item

166. Confessarius qui nouit in confessione aliquos contracturos inualidè matrimonium cum ignorantia inuincibili impedimenti, non debet illos admonere, quando non sperat admonitionem profuturam. *ibid.num.9.*

167. Confessarius potest cognoscere aliquem laborare ignorantia inuincibili, curando intelligere prudenter an pœnitens credat se esse in bono statu, vel an habeat dubiam conscientiam: caueat tamen ingerere pœnitenti dubium aliquod malæ fidei. *ibid.num.10.*

168. Confessarius vel alius, tenetur aperire veritatem, quando pœnitens dubius interrogat ipsum de aliquo impedimento, quamuis credat se nihil profuturum, alioqui censeretur approbare errorem. *ibid.num.11.*

169. Parochus, vel alius Sacerdos potest & tenetur negare matrimonium illi, quem scit extra confessionem irretitum esse aliquo impedimento etiam occulto, quamuis ille publicè petat

matrimonium, aut neget impedimentum. *tom. 1. fol. 433. num. 13.*

170. Confessarius non tenetur petere licentiam à pœnitente, vt illum admoneat extra confessionem de impedimento dirimente, saltẽm si commodẽ nequeat petere, vel admonere. *ibid. num. 14.*

171. Parochus potest dissimulare & coniungere illos in matrimonium, quos nouit obtinuisse dispensationem in foro conscientie, quando nullus est qui impedimentum apud ipsum denuntiet. *ibid. num. 15.*

Matrimonij vsus licitus & illicitus.

172. Coniuges, regulariter, peccant mortaliter non reddendo debitum alteri coniugi petenti expresse aut tacite, nisi habeant iustam causam denegandi debitum. Vnde peccat ille coniux mortaliter, qui se mediis illicitis, aut immoderata vitæ asperitate & notabili ieiunio reddit impotentem ad reddendum coniugale debitum; non potest etiam diu abesse sine alterius coniugis consensu, aut sine aliqua necessitate. *tom. 1. fol. 434. n. 1. & 2. & fol. 435. n. 3.*

173. Obligatio ad reddendum debitum intelligitur, salua incolumitate personæ, seu salua subiecti consistentia; quare coniux laborans febre, non tenetur reddere debitum; sicut nec statim post prandium, aut si vnus sit sanus, & alter leprosus, estque periculum infectionis. Item nec fœmina quæ moreretur in partu, si conciperet, aut experta est se non posse filios viuos parere, & ipsa consequenter grauiter periclitatur. *ibid. n. 4. & seq. item fol. 436. n. 14.*

174. Con

174. Coniux per se loquendo non peccat non reddendo debitum alteri coniugi petenti tempore furoris vel ebrietatis: non enim censetur petere humano modo. *ibid.num.10.*

175. Vir non peccat, petendo debitum ab vxore lactante sobolem, si tamen vxor aduertat inde lac futurum perniciosum proli, excusatur si neget, maxime si sit pauper: non excusaretur tamen si id faceret ne multiplicentur filij; secus dicendum si præ paupertate non possit filios alere, & nullum sit periculum incontinentiæ in altero coniuge. *ibid.n.11. & seqq.*

Coniux nocens tenetur transacto bimestri reddere debitum innocenti petenti, cum quo affinitatem contraxit; & etiam ante si matrimonium fuit consummatum. *tom.1.fol.436.num.1.*

176. Baptizans vel suscipiens proprium filium ex Baptismo extra necessitatem, priuatur iure petendi aut reddendi debitum. *ibid.num.2.*

177. Vxor committens incestum cum consanguineo viri in primo vel secundo gradu, sed à viro coacta, non priuatur iure petendi debitum. *ibid.num.5.*

178. Is qui factus est affinis, vel cognatus spiritualis alteri ex ignorantia pœnæ, non priuatur iure petendi debitum, quamuis fortè haberet scientiam iuris vel facti. *tom.1.fol.437.num.6.*

179. Duobus modis petitur illicitè debitum coniugale, vel propter defectum tenentem se ex parte ipsius personæ petentis, v.g. si obstrictus sit voto castitatis, vel ob circumstantiam tenentem se ex parte actus, vt quando quis petit debitum in Ecclesia, &c. *ibid.num.1.*

180. Coniux potest & tenetur reddere debitum alteri coniugi petenti illicitè ob solam cir-

cumstantiam personæ, modò petens habeat ius petendi; non potest tamen reddere ob circumstantiam actus reddentem ipsum actum illicitum, & consequenter non potest reddere iure petenti in loco sacro, extra magnam necessitatem. *ibid. num. 3. & fol. 438. n. 4. & 6.*

181. Vir potest petere & reddere debitum uxori, quam scit obstrictam esse voto castitatis, etiamsi ipse voto consenserit; imò petitus adhuc reddere tenetur, etiamsi uterque habeat votum castitatis; modò uterque non intenderit renunciare iuri suo petendi, aut reddendi debitum. *ibid. num. 7. & 8.*

182. Probabile videtur debitum reddendum esse petenti cum solo peccato veniali; secus si petatur illicite modo indebito, aut tempore menstrui. Imò adhuc videtur probabile reddendum esse debitum petenti illicite quoad situm, intra vas tamen naturale, si adsit causa rationabilis, & iusta. *tom. 1. fol. 43. num. 9. & seqq.*

183. Uterque coniux potest petere & reddere, quando post matrimonium bona fide ab utroque contractum suboritur scrupulus ex leuibus indiciis de validitate matrimonij: quia scrupulus non est sufficiens ratio ad priuandum hominem iure suo. *ibid. num. 1. Vide v. Divortium.*

184. Coniux qui bona fide contraxit matrimonium, & postea dubitat de valore matrimonij, non potest petere debitum antequam adhibuerit debitam diligentiam ad assequendam veritatem: adde dubitantem de invaliditate matrimonij, teneri reddere debitum non dubitanti. *ibid. num. 3. & 4.*

185. Dubitans de valore matrimonij potest petere & reddere debitum, etiamsi post diligentiam adhibitam

adhibitam veritas non sit comperta: non potest tamen vxor ante adhibitam diligentiam reddere debitum viro petenti, quando vterque dubitat de valore matrimonij. *tom. i. fol. 440. num. 5. & 7.*

186. Coniux qui mala fide contraxit, dubius de aliquo impedimento dirimente, non potest petere debitum, nisi postea cognoscat, vel probabiliter opinetur, nullum subesse impedimentum. *ibid. num. 10.*

187. Non potest peti vel reddi debitum, quando vterque coniux mala fide contraxit matrimonium, dubius de matrimonij validitate. *ibid. num. 11.*

188. Coniux qui bona fide contraxit matrimonium, & postea incipit opinari matrimonium inualidum esse, non potest petere debitum, nisi fortè habeat opinionem probabilem pro vtraque parte, scilicet validitate & nullitate: tenetur tamen coniux qui opinatur matrimonium esse inualidum, reddere alteri coniugi bonæ fidei, quia non potest eum priuare iure suo. *tom. i. fol. 440. num. 13. & 15.*

189. Coniux qui certò moraliter nouit adesse impedimentum dirimens, non potest petere, vel reddere debitum.

Similiter si sciat matrimonium esse inualidum, non potest reddere debitum coniugi ignorantì inualiditatem matrimonij. *ibid. num. 16. & 17.*

190. Quando constat matrimonium esse inualidum, sed hoc non potest manifestari absque periculo; coniux conscius petat dispensationem impedimenti, si sic dispensabile, aut fugiat in locum ubi cesset scandalum, aut petat diuortium, si adsit iusta causa petendi, aut habiter cum coniuge,

ac si esset foror, modò tamen non adfit periculum incontinentiæ. Coniux, regulariter loquendo, non tenetur credere alteri dicenti matrimonium esse inualidum, etiamsi id asserat cum iuramento, modò aliunde id sufficienter non constet. *ibid. num. 18. & 19.*

191. Coniux non tenetur abstinere à matrimonio contracto, quando impedimentum adesse cognouit ab amico, vel à Parocho, si vnus tantum attestetur, tenetur tamen dubitare: consequenter non petere debitum. *tom. I. fol. 442. num. 20.*

192. Non peccant mortaliter coniuges post contractum matrimonium omittendo benedictiones sine contemptu. Fieri debent à Parocho sponsi vel sponsæ, aut ab alio de illius licentia. In secundis nuptiis non videntur recipiendæ, absolute tamen recipi possunt. *tom. I. fol. 446. num. 2. & fol. 447. n. 3. & 5.*

193. Coniunctio naturalis facta modo indebito, est peccatum mortale, quoties interuenit tanta inordinatio vt sequi non possit generatio, quæ est finis copulæ. *tom. I. fol. 463. num. 2.*

194. Vt actus matrimonialis licitus sit ac meritorius, hæc seruanda:

Sit modus, & finis, sine damno, solue, cohare,

Sit locus, & tempus, tactus, nec spernito vort.

Pro horum explicatione repete superius dicta, & consule quæ dicuntur. *tom. I. fol. 447. num. 5.*

195. Vxor non tenetur reddere debitum viro petenti tempore menstrui; habet enim tunc actus quandam turpitudinem. *ibid. num. 10.*

196. Secluso abortus periculo non videtur illicitum accedere ad vxorem grauidam. Est autem
pericu

periculum abortus, maximè tempore coagulationis & formationis fœtus, & proximè ante partum. Quod si vir accedendo ad vxorem sit causa abortus fœtus animati anima rationali, incurrit irregularitatem. *tom. 1. fol. 448. num. 11. & seqq.*

197. Peccat mortaliter vir, qui copula incepta desistit à seminando quando vxor iam seminavit; non tamen vxor, quæ potest se tactibus excitare donec seminet, quando vir postquam seminavit se retrahit ante illius seminationem. *ibid. num. 15. & 16.*

198. Senex quando habet probabilem spem seminandi intra vas fœmineum, potest coire, conando seminare; vtitur enim iure suo, quamvis semen fortasse inuoluntariè fundatur extra vas debitum. *ibid. num. 18.*

199. Pollutio inter coniuges extra vas debitum habet speciem adulterij, quia non seruant fidem mutuò datam de corpore sibi castè custodiendo. *ibid. num. 19.*

200. Vxor tenetur sequi virum, quando nullum extat pactum in contrarium, nisi causa alia legitima subfit. Non potest tamen vir, qui cum vxore fecit conuentionem non transferendi aliò suam habitationem, eam aliò transferre. Quod si pelleretur in exilium, vxor tali casu teneretur eum sequi; est enim infortunium & onus adæquum matrimonio. Tepebitur adhuc vxor eum sequi, si vir tempore matrimonij solebat vagari. *tom. 1. fol. 449. num. 21. & seqq.*

201. Maritus non videtur posse abstinere à cohabitatione vxoris, propter dotem sibi promissam, sed non solutam; nam obligatio cohabitandi non oritur ex dote soluta. *ibid. num. 26.*

202. Die

202. Die festo, vel tempore Quadragesimæ licitus est usus matrimonij. *ibid. num. 28.*

An autem licitus sit eo die quo sumenda est Eucharistia, vide v. *Eucharistia.*

203. Motus sensualitatis primò primi, id est repentè consurgentes, & omnem rationis considerationem præuenientes non sunt peccata, cum in se ipsis non sint voliti, nec in causa: motus verò sensualitatis secundò primi, id est qui succedunt primò primis, & prævideri ac caueri potuerunt, sunt peccata, si proueniant ex causa non habente vllam honestatem vel vtilitatem: repugnant enim rationi, & incitant ad vltiorem libidinem. quod si causa sit tantummodò venialiter mala, motus erunt etiam tantummodò veniales; & vt huiusmodi motus sint peccata, requiritur aduertentia, aut expressa aliqua dubitatio secundum rationem malitiæ, & consensus directus & expressus, vt sint mortalia; & indirectus, vt venialia. *tom. 1. fol. 450. num. 3. & seq.*

204. Maior quantitas motuum requiritur ad peccatum mortale, quando consensus est virtualis, & interpretatiuus, quàm quando est directus & expressus. *tom. 1. fol. 451. num. 8.*

Mendacium.

Vide v. *Iuramentum.*

1. Mendacium est falsa significatio vocis cum intentione fallendi, seu dicendi falsum. Contingere potest quatuor modis: quando, quis affirmat aliquid esse quod verè non est, & ipse cognoscit esse, vel negat aliquid esse quod verè est, & ipse cognoscit esse; aut quando scienter dubium pro certo affirmat; quando affirmat certum pro dubio.

dubio. Si mendacium consideretur ex parte finis ob quem committi solet, triplex est; iocosum, quod committitur causa delectationis; officiosum, quod committitur dum intenditur bonum utile alterius, vel fuga alicuius damni; & perniciosum, quod committitur intentione nocumendi alterius; & illud est pessimum, & peccatum mortale ex suo genere, nisi excuset paruitas materiæ, vel indeliberatio. *tom. 2. fol. 429. num. 1.*

¶ *seqq.*

2. Omne mendacium est peccatum intrinsecè malum; quamvis non semper mortale, ut patet de mendacio iocoso & officioso, licet multiplicetur & proferatur à viro gravissimo, secluso tamen gravi scandalo, & iuramento. *ibid. num. 1.*

¶ *fol. 430. n. 3.*

3. Fœmina non est rea mendacij, dum bonis artibus & mediis aliàs licitis defectum virginitatis tegit, & tanquam virgo matrimonium contrahit, tueretur enim illa ius suum; secus dicendum de hypocrita, qui vitæ sanctitatem fingit, peccatque mortaliter dum proximo ex tali fictione notabile damnum sequitur. *tom. 2. fol. 431. num. 8.*

¶ 9.

4. Qui habitu & vestibus mentitur sexum, præciso scandalo, aut malo fine, aut aliis circumstantiis, non peccat mortaliter, quia hoc non est mendacium perniciosum. *ibid. num. 10.*

Missæ.

Vide v. *Eucharistia.*

1. Missa, seu Missæ sacrificium est caremonia sacra; qua res aliqua sacratur, aliquo modo consumitur, & soli Deo offertur in ipsius cultum.

&

& recognitionem supremæ Maiestatis & excellentiæ. *tom. 1. fol. 120. num. 3.*

2. Missa quoad substantiam instituta fuit à Christo in vltima cœna ; Quoad cæremonias vero instituta fuit ab Ecclesia , ex Trident. *sess. 22. ibid. num. 4.*

3. Partes essentielles sacrificij Missæ sunt , consecratio, oblatio, & consumptio ; vnde non fit sacrificium , quando Sacerdos populo ostendit hostiam pridie consecratam ; neque fit propriè sacrificium in feria sexta Parasceues , cum non adsit noua hostiæ consecratio. Secus dicendum quando vnus Sacerdos perficit Missam ab altero inchoatam , aut quando Sacerdos reposuit hostiam consecratam in sacrario , & ipse sumit hostiam ab altero consecratam. *tom. 2. fol. 121. num. 1. & seq.*

4. Ad essentiam sacrificij non videtur requiri sumptio & consecratio vtriusque speciei , cum sacrificium Christi cruentum repræsentari possit per alteram tantum speciem. *ibid. num. 7.*

5. Effectus sacrificij Missæ sunt , conferre gratiam, & remittere peccata certo modo ; impetrare nobis bona , quæ perimus , & satisfacere pro peccatis ; ex quibus constat sacrificium esse propitiatorium , impetratorium , & satisfactorium. *ibid. num. 2. & fol. 122. n. 6. & seq.*

6. Valor sacrificij quatenus offertur à Sacerdote, non est infinitus intensiue, alioqui sequeretur vno sacrificio posse totum purgatorium exhauriri ; valor tamen generalis Missæ est infinitus extensiue, id est , non tot prodest , quin possit prodesse pluribus. *tom. 1. fol. 123. num. 3. & 5.*

7. Missa vt sacrificium est , valorem accipit ex opere operato , prodestque omnibus ex opere operato :

operato : prodest enim ultra meritum & dispositionem fidelium ; non tamen omnes æqualiter participant fructus sacrificij, sed inæqualiter iuxta maiorem vel minorem cooperationem ad sacrificium, & vniuscuiusque deuotionem. *tom. 1. fol. 125. num. 7. & 8.*

8. Missæ sacrificium potest & applicari debet fidelibus in hac vita degentibus, siue iusti sint, siue peccatores : potest similiter offerri pro infidelibus & paganis vt conuertantur : prodest etiam defunctis existentibus in purgatorio : ita habetur in Trident. *sess. 22. cap. 2.* Beatis verò non prodest, nisi quatenus per ipsum coluntur, & honorantur : idcirco dicitur Missa de aliquo Sancto. *tom. 1. fol. 126. num. 1. & seq.*

9. Damnatis in inferno existentibus non prodest Missæ sacrificium, quia in inferno nulla est redemptio. Vnde patet sacrificium non esse offerendum pro eo, quem constat mortuum esse in notorio peccato mortali : neque similiter pro paruulis cum solo originali ex hac vita decedentibus. *tom. 1. fol. 127. num. 9. & seqq.*

10. Quæres cuiam prosit fructus sacrificij, qui fuit applicatus incapaci ? Alij volunt huiusmodi fructum reponi in thesauro Ecclesiæ ; & alij putant prodesse ipsimet oranti. *ibid. num. 12.*

11. Missæ sacrificium celebrandum est à Sacerdote habente intentionem celebrandi, valétque sacrificium celebrantis in peccato mortali, quatenus nomine Christi & Ecclesiæ offertur ; & sub hoc respectu Missa mali Sacerdotis tam prodest aliis, quàm si à bono celebraretur, satisfacitque Sacerdos, qui pro celebratione stipendium accepit, celebrans in peccato ; applicat enim fructum quem tenetur applicare ; tanquam
minister

minister publicus : imò verò sacrificium factum ab excommunicato non vitando prodest aliis fidelibus ex opere operato ; excusaturque interdum excommunicatus , vel irregularis , si celebret , quando alioquin incurreret grauem infamiam , vel mortis periculum , vel aliud graue detrimentum non celebrando. *ibid. num. 2. & 3. & fol. 128. n. 4. & seq.*

12. Probabile est simplicem Sacerdotem legitimè non impeditum mortaliter peccare , si nunquam celebret toto anno , contra Caietanum , asserentem Sacerdotem nunquam celebrantem peccare solum venialiter. *tom. 1. fol. 128. num. 1.*

13. Sacerdotes curam animarum habentes , tenentur per se , vel per alios celebrare , singulis saltem diebus , quibus populus tenetur Missam audire ; non tenentur tamen illi sacrificij fructum semper applicare : secus dicendum de Capellano , qui tenetur iuxta institutionem Capellaniæ , & intentionem fundatoris Missas celebrare ; ita ut si Capellania instituta sit ad celebrandum quotidie , tenetur quotidie sub mortali celebrare , salua tamen honestate , decentia , & nisi adsit legitimum impedimentum. Huic obligationi celebrandi potest per alium suppleri ; nisi mens fundatoris fuisset obligare ipsummet Capellanium. *tom. 1. fol. 129. num. 4. & 5. & fol. 130. n. 6. & 7. & §. 1. n. 1.*

14. Quæres , an Capellanus , qui per alium satisfecit , cum ipse nondum esset Sacerdos , teneatur ad restitutionem ? Respond. non teneri , quia tantum exhibuit per aliam celebrando , quantum per se ipsum exhibuisset : & potest is , qui per se ipsum tenetur aliquibus diebus in hebdomada cele

celebrare, ob impedimentum Missas differre in aliud tempus, possuntque Missæ à Titio celebrandæ, ab alio celebrari, Titio ignorante. *ibid. num. 2. & fol. 131. n. 3. & 4.*

15. Accipientes plura stipendia pro celebratione, non posse vnico sacrificio omnibus satisfacere probabile est; quamuis plurimi dissentiant, quando stipendia simul sumpta non excedunt quantitatem necessariam ad strictam ipsius Sacerdotis sustentationem pro vnico die; nec videntur tuti in conscientia, qui plures à pluribus colligunt stipes, illisque vnico Missæ sacrificio satisfacere arbitrantur. Neque à fortiori excusantur ij, qui accepta stipe cum promissione sæpius celebrandi, vnica Missa intendunt satisfacere; aut qui loco Missæ integræ applicant solum collectam. Similiter non satisfaciunt Capellani, qui detinentur onere Missæ quotidianæ, si aliò se conferant ad celebrandum causa exequiarum, aut anniuersariorum, tenenturque ad restitutionem Missarum quas non celebrarunt, cum tenerentur: neque potest quis satisfacere oneri Capellanix, cantando Missam conuentualem. *tom. 1. fol. 131. num. 1. & fol. 132. num. 2. & seq.*

16. An verò Sacerdos teneatur totam Missam illi applicare, à quo tenuem accipit stipem, v.g. quinque assium, grauis est dissensio inter Doctores. *tom. 1. fol. 133. num. 8.*

17. Missas reducere, & ad minorem numerum reuocare, pertinet ad Episcopos in Synodo diocesana, quando stipendium est exiguum, & adest iusta causa. *tom. 1. fol. 134. num. 9. & 12.*

18. Capellanus tenetur quotidie Missam applicare fundatori, si constet de quotidiana obligatione, quamuis non constet de fundatione
Capel

Capellaniæ; secus dicendum si clarè non constet.
ibid. n. 13. & 14.

19. Quod si Sacerdos duplici obligatione incompossibili teneatur, nec potest vtrique satisfacere per se, vel per alium, priori satisfacere debet, quia qui prior est tempore, potior est iure.
tom. 1. fol. 136. num. 18.

20. Infideliter ageret is, qui celebraret diuersas Missas, si ex promissione, vel fundatione teneatur certas, & peculiare celebrare, v. g. *de B. Virgine*, vel, *de Requiem*. *tom. 1. fol. 136. num. 4.*

21. Missa conuentualis vel solemnisi videtur grauiori cum onere celebranda, iuxta ritum in Missali præscriptum, quàm priuata; cum celebrans ex deuotione possit quam velit Missam conficere. *ibid. num. 3.*

22. Qui suscepit onus celebrandi triginta Missas S. Gregorij, *pro defunctis*, non tenetur singulas *de Requiem* celebrare, iis præsertim diebus, quibus officium solemniter celebratur; neque similiter tenetur eas sine interruptione celebrare. In quolibet loco benedicto licitum est Missæ sacrum facere, etiam in oratoriis Confratrum; peccaret tamen alibi celebrando, qui ex conuentione, vel ex aliquo titulo tenetur in aliqua Ecclesia, vel altari celebrare, etiam si id faceret cum consensu hæredum, qui non possunt voluntati testatoris derogare; quod si secus faciat, non idcirco tenebitur ad restitutionem. *tom. 1. f. l. 137. num. 6. & 7. & §. 4. n. 1. & seqq.*

23. Potestne Episcopus facultatem concedere, vt alibi celebretur, quam in loco constituto, quando iusta causa id postulat? Respond. posse.
ibid. n. 4.

Quæres, an peccent Sacerdotes, qui accepta
 stipe

stipe notabiliter differunt celebrationem Missarum? Peccant, si dilatio vergat in damnum illorum, quibus applicandum est Missæ sacrificium, ut contingit in patientibus graues pœnas in purgatorio, &c. Hinc fieri potest, ut Sacerdos teneatur ad restitutionem, si accepit eleemosynam pro impetranda infirmi valetudine, & ipse celebrationem Missæ distulit in tempus, quo infirmus obiërat. Caueant igitur Sacerdotes mercenarii, ne multa stipendia congerant pro multis Missis ad longum tempus duraturis. *tom. 1. fol. 138. num. 1. & 2.*

24. Sacerdos qui anticipatè celebrat Missas, & non suspendit effectum sacrificij, sed ex tunc applicat sacrificij valorem pro eo, qui dabit eleemosynam, satisfacit, & potest accipere eleemosynam pro Missa iam celebrata. Idem dicendum de Capellano, qui per se loquendo satisfacit anticipatè celebrando Missas. *ibid. n. 3. & fol. 139. num. 4.*

25. Potest Sacerdos rationabili de causa bis in die celebrare iuxta casus à iure permisos. *tom. 1. fol. 140. num. 9. & 10.*

26. Sacerdos pro celebratione Missarum potest absq; labe simoniæ exigere mercedem per viam iuris, aut illam in pactum deducere, etiamsi habeat pingue pàtrimonium, vel beneficium, quia Sacerdos non recipit eleemosynam tanquam pretium rei spiritualis, sed pro sua sustentatione, aut pro labore extrinseco, aut pro obligatione celebrandi hîc & nunc. *tom. 1. fol. 141. num. 1. & seq.*

27. Quæres, an Sacerdos possit suum valorem specialem, qui sibi debetur, alteri applicare, sicque duplicem stipem accipere? Resp. non posse. *tom. 1. fol. 143. num. 16.*

28. Sacer

28. Sacerdos qui modico temporis spatio, v.g. quindecim dierum infirmitate laborauit, non tenetur oneri quotidianæ celebrationis per alium satisfacere. *ibid. num. 17.*

29. Qui plura colligit stipendia pro celebratione Missarum, potestne per alios Sacerdotes satisfacere, retenta sibi parte eleemosynarum, in scio dante, & ipsiis Sacerdotibus, per quos pensum Missarum persoluitur? Respond. satisfacere, modò Sacerdotibus celebrantibus tantam tradat eleemosynam, quantam fert communis taxa; hoc tamen non est consulendum, cum redoleat nescio quid negotiationis, & nimix tenacitatis. *ibid. n. 18.*

Hora celebrandæ Missæ incipit ab aurora, seu quando aër incipit illustrari per primam Solis irradicationem, vel paulò ante, quamquam in necessitate licitum est ante auroram, aut post meridiem celebrare. Nec reus est lethalis culpæ, qui vna hora cum dimidia Missæ sacrum facit ante Solis ortum, etiamsi nondum recitarit officium diuinum. *tom. 1. fol. 145. num. 1. & seq.*

30. Episcopus concedere potest facultatem, vt Missa celebretur in Capella domus priuatæ, sed non in mari, vel flumine, vbi periculum imminet effusionis sanguinis; neque sine altari tam firmo, quàm portatili consecrato. Quod altare si notabiliter, seu enormiter frangatur, desinit esse sacrum: similiter si frangatur repositorium reliquiarum, nam tunc etiam amittit consecrationem: sicut etiam calix & patena, si ita frangantur, vt non possint inferuire ad vsum præfixum, aut si amisso auro per vsum iterum postea deaurantur, quoad superficiem, quæ tangit immediatè corpus & sanguinem Christi: secus dicendum

de

de calice, si cupa separaretur à pede absque fractione notabili, vt accidit in calice tornatili, qui non amittit consecrationem. Quare non potest tangi à laicis absque peccato, sicut nec patena & alia ornamenta, quæ immediatè attingunt corpus Christi, vt est palla, & corporalia, quæ quoad primam lotionem lauari debent à Diacono, & post lotionem non sunt iterum benedicenda. *tom. I. fol. 146. num. II. & seq.*

31. Præterea requiruntur ad celebrationem duæ mappæ, vel scilicet in vna duplicata. Item vestes sacræ, alba, cingulum, amictus, manipulus, stola, & planeta, quarum omissio præcisa inaduertentia, inducit peccatum mortale, etiam si tantum vna omittatur. Idem dicendum de lumine, quod etiam est necessarium, confectum ex cera; quamuis in necessitate satisfaciatur candela sebacea, aut etiam lucerna ex oleo. Adhibendus est etiam masculus, qui ministret, cuius loco adhiberi non potest femina ad inferuendum proximè, etiam in necessitate celebrandi, potiùsque celebrandum est sine ministro. *tom. I. fol. 148. n. 25. & seq.*

32. Quæres, an Missa celebrari queat materna, & vulgari lingua? Respond. quòd non. *tom. I. fol. 130. num. 37.*

33. Defectus, seu error contingens in Missa circa substantialia, id est, circa materiam, formam, & intentionem, aut circa dispositiones Sacerdotis supplendus est; siue aduertatur ante consecrationem, siue post; alioqui sacrificium non perficeretur. Hinc Sacerdos quando sumpta hostia aduertit materiam in calice positam, non esse veram materiam, nec adest vinum præsens, curare debet vt vinum deferatur si fieri potest

V

absque

absque scandalo; si verò periculum sit grauis scandalij, perficere poterit sacrificium in vna tantum specie. Quod si post sumptam hostiam receperit nihil esse in calice, vel esse solam aquam, vel alium liquorem distinctum à vino, debet accedere ad cornu altaris, simulando se velle purificationem accipere, deinde posito vino in calice, accedere ad medium altaris, ibique consecrare, incipiendo ab illis verbis: *Simili modo*, & absque eleuatione subiungere: *Vnde nos memores Domine offerimus*; sicqueumat species vini consecratas; neque opus est, vt reliqua non necessaria suppleat, aut nouam hostiæ consecrationem faciat, sed tantummodo vini. Quod si Sacerdos noluit malitiosè hostiam consecrare ante sumptionem calicis, debet post sumptionem consecrare, ob integritatem sacrificij, poteritque materiam non sufficientem, aut non veram deglutire, & postea etiam non ieiunus iterum consecrare. *ibid. num. 2. & 3. & fol. 151. n. 4. & seq.*

34. Quid verò faciendum quando animal, vel quid aliud in calicem decedit? Si decedit ante consecrationem, alia materia sumenda est; si post consecrationem, & Sacerdos non potest sine incommodo aut horrore sumere, extrahat, sumetque species consecratas, si non sint veneno infectæ, animalisque postea combusti cineres mittantur in locum sacrum. Imo verò potest Sacerdos vinum veneno infectum, & ex inaduerentia sumptum euomere in vas mundum. *rom. 1. fol. 151. num. 8. 9. & 11.*

35. Sacerdos non tenetur barbam abradere, quoties super illam sanguis Christi cadit, sed sufficit, vt repetita lotionem barbam sedulo lauet. *ibid. num. 10.*

36. Eucha

36. Eucharistia quam quis euomit, seruanda est, donec corrumpatur; similiter si animal eam comedit, extrahenda erit, si fieri potest, & conseruanda donec corrumpatur, & post corruptionem comburenda; sicut etiam ipsum animal comburendum est, & ipsius cineres mittendi sunt in piscinam. *ibid. num. 9.*

Quando Sacerdos aduertit se aliquid spectans ad integritatem formæ, omisisse, debet defectum supplere, vt validum efficiat sacramentum, nec satisfacit repetendo solum verbum, quod omisit, sed debet totam formam repetere, si alia verba interiecta fuerunt. Item debet similiter repetere verba consecrationis, quando dubitat de intentione sufficienti; si tamen prætermissum est aliquid, quod non est de substantia sacrificij, non est ex necessitate postea supplendum cum perturbatione ordinis ab Ecclesia præscripti: ex quibus collige posse Missam perfici absque alia iteratione, si hostia cadat in calicem dum frangitur, aut si species vini consecratæ congelentur, quæ tantum calefaciendæ erunt admotis ad calicem linteis calidis, vt sumi possint per modum potus. Quod si Sacerdos moriatur ante consecrationem, non est obligatio perficiendi sacrificium; secus dicendum si moriatur, aut infirmetur, aut alio casu impediatur post consecrationem; tunc enim sacrificium perficiendum est ab alio Sacerdote, ieiuno si adsit, vel à non ieiuno, si nullus alius adsit præter non ieiunum, qui incipiet ab eo loco, vbi alter reliquit, excepta forma consecrationis, quæ tota ab vno & eodem proferenda est. *tom. 1. fol. 152. num. 12. & seq.*

37. Quæres, quid faciendum sit, quando dubi-

tatur utrùm Sacerdos, qui inter celebrandum defecit, consecrarit hostiam? Respond. Sacerdotem suppletem debere etiam hostiam sumere, eamque consecrare, simul consecrando sub conditione eam, de qua dubium est, an sit consecrata, vel posse nouam hostiam consecrare, eam verò de qua dubitatur an sit consecrata, sumere post sumptionem vtriusque speciei, antequamumat purificationem. *tom. I. fol. 153. num. 24.*

38. Fideles omnes, adulti, baptizati diebus festis tenentur ex præcepto Ecclesiastico Missam audire, nisi legitimo detineantur impedimento. Per auditionem Missæ, intellige eam actionem, per quam quis interest Missæ humano modo, corpore scilicet & mente. Ex quo sequitur amentes & ebrios existentes in Ecclesia, dum Missa celebratur, non audire Missam, quia nequeunt humano modo interesse. Similiter non dicitur Missam audire, qui sciens in Ecclesia tali tempore Missam celebrari, mentem suam circa mysteria Missæ applicat, quia non interest Missæ corporaliter, sicut nec is interest mentaliter, qui voluntariè vagatur, aduertens se mente vagari. Hæc doctrina extendi debet etiam ad pueros fideles, qui completis septem annis obligantur hoc præcepto audiendi Missam; secus dicendum de infidelibus, cum ij non subsint Ecclesiæ. *tom. I. fol. 153. num. 1. & seq.*

39. Quæres, an fideles teneantur tres Missas in die Natalis Domini audire? Respond. non teneri, sed satisfacere præcepto, si Missam audiant; siue de Sancto, siue de mortuis, siue priuatam, siue solemnem: peccarent tamen mortaliter, si partem Missæ notabilem diebus festis non audirent, aut si non interessent tribus partibus substantialibus

libus sacrificij, scilicet consecrationi, oblationi, & sumptioni. Per, partem notabilem intellige, à principio vsque ad epistolam exclusiue, quamuis nonnulli Doctores extendant etiam non improbabiler vsque ad Euangelium. Inscruietes tamen Missæ satisfaciunt præcepto, licet aliquando recedant à sacrificio, vt deferant necessaria ad sacrificium, modò non recedant ab Ecclesia longo temporis spatio. Idem dicendum de cæco, surdo, & illo, qui Ecclesiam adit per metum sibi incussum ab alio, aut animo inspiciendi forminas, qui etiam audiunt Missam, modò assistant cum deuotione. Neque tenetur is nouam Missam audire, qui eam audiuit, ignorans esse diem festum, aut qui vnā Missam attentè audiuit, animo aliam audiendi. Satisfacit item præcepto Missæ audiendæ, qui tempore Missæ recitat horas Canonicas, aut peccata sua confitetur, modò tamen qui confitetur, habeat intentionem audiendi Missam, qua intentione qui carent, non satisfaciunt præcepto; sicut nec ij, qui notabiliter confabulantur, nugantur, vel dormitant tempore Missæ, aut tempore partis illius notabilis. *tom. 1. fol. 154. num. 10. & seq.*

40. Missa cuiusuis Sacerdotis licitè & validè audiri potest, quocumque in loco, siue in propria parochia, siue in Ecclesia Religiosorum, siue in oratoriis priuatis, siue extra Ecclesiam, modò non adsit aliqua prohibitio in contrarium. *tom. 1. fol. 157. num. 1. & seq.*

41. Quæres, utrū extraneus, qui peruenit ad aliquem locum, in quo celebratur dies festus, qui non celebratur in proprio territorio, teneatur Missam audire in eo loco, ad quem peruenit? Respond. non teneri, nisi habeat intentionem ibi

manendi maiori anni parte; aut nisi dies ille festus celebretur etiam in proprio territorio. *ibid. num. 5.*

42. Excusantur fideles ab audienda Missa ob impotentiam audiendi, siue physicam, siue moralem; ob graue detrimentum spirituale, aut temporale damnum, proprium vel alienum; ob graue aliquod negotium. Hinc excusantur cursores, nautæ, muliones, iter facientes, si aliter commodè facere non possint, pastores gregis, custodientes domum, vel præparantes cibo in oppidis, ubi vnica Missa celebratur, fœminæ honestæ, quæ carent veste conueniente suæ personæ, aut socia, aut pedissequa. Similiter excusantur nutrices, quæ secum puerum ad Ecclesiam deferre nequeunt, & ij qui propter inimicos domo securi exire nequeunt. Famuli item aut vxores timentes rixas & verbera, si ad Missam accedant. Excusantur præterea ij, qui ad Ecclesiam peruenerunt inchoata iam Missa, si non habeant copiam alterius Sacerdotis, aut non præuiderint fore, ut non peruenirent opportunè ad Ecclesiam. Excusantur item, qui longius ab Ecclesia distant, si commodè nequeant Missam audire. Item qui vinculis detinentur, aut quibus domus loco carceris constituta est, aut qui domi per vim detinentur, licet in ea habeant oratorium approbatum. Excusantur etiam viduæ ob consuetudinem certo tempore domi se continens, & puellæ nobiles, quæ domo non consueuerunt exire; secus dicendum si soleant exire ad ludos, aut choreas, aut spectacula. *tom. 1. fol. 158. num. 1. & seq.*

43. Petes, an puella Missam audire teneatur, etiam si credat se ab adolescente lasciuo concupiscendam, dum ad Missæ sacrificium accedit?

Respond.

Respond. non teneri, sed potest audire, & vti iure suo. *rom. 1. fol. 159. num. 15.*

44. Qui Missam audire non potest, non tenetur alias orationes recitare, aut alio die Missam audire, sicut nec tenetur partem audire quam potest, qui integram Missam audire non potest, est enim præceptum de audienda Missa, & consequenter de re indiuidua. *ibid. num. 16. & fol. 160. num. 17.*

45. Inculpabilis ignorantia & censura excusat fideles ab audienda Missa, & aliquando consuetudo regionis, ut patet in viduis. *ibid. n. 18. 19. 25. & 26.*

46. Quæres denique, an excusentur fœminæ ob menstrua temporalia? Respond. non excusari, præcisa debilitate. *rom. 1. fol. 161. num. 27.*

Monasterium.

Vide v. *Monialis, Religiosus.*

1. Nomine *monasterij*, cuius accessus interdictur hîc, non intelligitur monasterium materialiter sumptum, sed ipsæ moniales; accipitur enim contentum pro continente: accessus verò ad monasterium est ille actus, quo quis se transfert aut transferri sinit ad monasterium: vnde ille qui domum monasterio contiguam habet, & è fenestra suæ domus monialem alloquitur, non dicitur ad monasterium accedere, cum ibi existat; & accessus indicet motum ad aliquem locum. *rom. 1. fol. 927. num. 1. & seqq.* Hoc posito dicendum

2. Omnibus tam laicis, quàm clericis & regularibus, (excipe eos qui in dignitate sunt constituti,) interdictum esse iure communi ad monia-

lium monasteria accedere, & à fortiori illa frequentare, id est sæpius in mense accedere; non est tamen interdictum vniuersaliter iure communi litteras monialibus scribere: & illi, quibus iure speciali interdictum est sub censuris litteras monialibus scribere, non incurrunt censuras, nisi ipsæmet litteræ ad moniales perueniant actu.
tem. 1. fol. 928. num. 1. & seq.

3. Accessus ad monasteria monialium sine licentia & causa, videtur sufficiens ad lethalem culpam, nisi ratione paruitatis materiæ, vel alterius circumstantiæ, v.g. necessitatis vel parentelæ excusetur. Contra laicos sine manifesta & notabili causa frequentantes monasteria monialium fertur excommunicatio comminatoria, quam solo accessu non incurrunt, nisi ab Episcopo moniti vt desistant, nolint ab huiusmodi accessu desistere, id est, si post monitionem accedant. Item contra clericum frequentantem monasteria monialium, si ab Episcopo monitus corrigi noluerit, ferenda est statim pœna suspensionis, imò & excommunicationis, & depositionis si corrigi nolit. Item contra religiosos accedentes ad monasteria monialium imposita est pœna priuationis officiorum, vocis actiuæ & passiuæ ipso facto incurrenda, vt patet ex decreto sacre Congregationis iussu Sixti V. edito anno 1590. quod decretum obligat sub mortali, modò id non faciant de licentia Summi Pontificis, vel sacre Congregationis, vel Episcopi. Religiosi (etiam S. Ioannis Hierosolymitani) tenentur præfatas pœnas subire ante iudicis sententiam. Aduerte tamen religiosos exemptos non subiici censuris latis ab Episcopo contra accedentes ad monasteria monialium absque sua licentia, cum non sint subditi;

diti ; quamuis hoc tempore religiosi alloquentes monialem absque licentia puniri possunt ab Episcopo ex constitutione Gregorij XV. in Bulla de exemptorum priuilegijs. *tom. I. punct. I. num. I. & punct. 4. n. I. & seq.*

4. Laici & clerici à culpa & pœnis iure communi impositis contra frequentantes monasteria monialium, triplici saltem de causa excusari possunt ; paruitate materiæ, vt si quis vna vel altera vice accedat legitima consuetudine in contrarium, & licentia Superioris etiam verbalis, cum causa rationabili & manifesta, quæ licentia ad accedendum vel ingrediendum absolutè concessa non finitur primo actu. *tom. I. fol. 931. num. I. & seq.*

5. Sola consanguinitas, per se loquendo, non est iusta causa frequentandi monasteria monialium. Leuior causa sufficit ad accedendum, quàm ad ingrediendum ; cùm minus sit accedere, quàm ingredi. *ibid. num. 10. & 11.*

Ingressus monasterij monialium, quibus personis permissus, & quibus de causis.

6. Nomine monasterij intelligitur illud spatium quod intra monasterij ianuam semper clausam continetur, seu est locus in quo sistere debent moniales, & extra quem nequeunt ne breui quidem spatio egredi, modò tamen ille locus clausuræ deputatus sit. *tom. I. fol. 932. num. I.*

7. Omnibus personis cuiuscumque generis aut conditionis vel sexus fuerint, postquam ad eam ætatem peruenerunt quæ ad rationis vsum requiritur, interdictus est in monialium monaste-

ria ingressus. Adde neque fœminam posse ingredi absque licentia, etiamsi monialis sit, aut ingrediatur ut fiat religiosa: secus si monialis sit eiusdem habitus & ordinis, licet non sit eiusdem monasterij. Imo probabile est Reges, Reginae & ipsorum filios & filias non posse sine licentia monasteria monialium ingredi, & multò minus ipsorum familias: quamvis contrariam opinionem multi non improbabiler etiam defendant. *ibid.num.2. & seq.*

8. Infantibus, qui rationis usum nondum adepti sunt, non videtur interdictus in monasteria monialium ingressus. Quando autem dubitatur an infantes rationis usum adepti sint, præsumendi sunt rationis usum adepti, si ad septennium peruenerunt. *ibid.num.5. & 6.*

9. Amens puber in monasterium sine gravi peccato, introduci non potest. *tom.1.fol.933.num.7.*

10. Facultatem ingrediendi monasteria monialium concedere potest Superior, qui monasterio præest, & cuius est clausuram monialibus indicere; exceptis tamen monasteriis S. Claræ, & Conceptionis. Vnde sequitur Episcopum, Vicarium generalem, & Capitulum Sede vacante, aliosque iurisdictionem Episcopalem habentes, concedere posse licentiam ingrediendi monasteria sibi, & Sedi Apostolicæ subdita. *ibid.num.1. & 2.*

11. Superiores quoque religiosi possunt licentiam ingrediendi concedere in monasteriis sibi subditis. Item religiosus, aut alius, cui ex privilegio Papæ monasterium aliquod subderetur, posset facultatem ingrediendi concedere, quamquam Superiores præfati religiosi possunt contra

tra

tra ipsum requirere, an facultatem ultra casus licitos concesserit. Abbatissa non potest hanc licentiam concedere, nisi ei delegata sit facultas à legitimo Superiore. *ibid. num. 3. & seqq.*

12. In monasteria S. Claræ, aut Conceptionis, nullus ingredi potest sine licentia Papæ, neque etiam Fratres Minores, nisi rogati sint à Prælati monialium, ut sibi opem ferant. *tom. 1. fol. 934. num. 6. & 7.*

13. Superior qui aliis licentiam ingrediendi concedere potest, non indiget licentia alterius in casibus necessariis, modo cum paucis ingrediatur, iisque senioribus & religiosis. *ibid. num. 9.*

14. Licentia ad ingrediendum claustra monialium debet esse specialis, id est in specie continere debet facultatem ingrediendi claustra monialium: deinde debet dari in scriptis, etiam in casibus ordinariis, etiam pro foro interno, consequenter taciturnitas, aut licentia oretenus non sufficit; & qui cum licentia verbis solum concessa ingreditur, graviter peccat, & pœnas prædictas incurrit. *tom. 1. fol. 935. num. 1. & seq.*

15. Priuilegium quod alicui conceditur ad dandam alteri licentiam ingrediendi septa monasterij monialium, non indiget scriptura, quia iura non requirunt scripturam in huiusmodi priuilegio, sed solum in ipsamet licentia ingrediendi, & aliud est formaliter loquendo licentia ingrediendi, aliud facultas concedendæ huiusmodi licentiæ. *tom. 1. fol. 936. num. 4.*

16. Facultas ingrediendi monasteria monialium concedi non debet, nisi ob manifestam, id est, sufficientem & iustam monasterij, seu monialium utilitatem, aut necessitatem, (quæ accipien-

da est moraliter, non autem physicè,) cui aliter commodè occurri non possit. *ibid.num.1. & 2.*
Hinc

17. Sacerdos causa confessionis, & aliorum sacramentorum, aut causa commendationis animæ aut sepulturæ, aut Missæ celebrandæ in valedutinario ingredi potest monasterium etiam cum socio, dum eo indiget ad præstandum ministerium, cuius causa monasterium ingreditur, etiamsi in licentia nulla fiat mentio socij. Idem aliqui putant de religioso quavis de causa ingrediente, sed hoc D. Bonacinæ non probatur. *tom.1. fol.937.num.4.*

18. Similiter ingredi possunt Chirurgus, Barbitonsor, Medicus, Superior causa visitationis, vel ad electionem Abbatissæ, baiulus aliquid deferens in vtilitatem monasterij, hortulanus ad irrigandum hortum, & iudex ad expellendum malefactorem, etiamsi fortè malefactor licitè ingressus sit. Item fœminæ admitti possunt in obsequium monialium, dum in eo monasterio conuersæ non existunt; & hoc verum est etiam dum id exigit necessitas alicuius monialis particularis. *ibid.num.5. & seq.*

19. Sutor & sartor, regulariter loquendo, ingredi non possunt, sicut nec mater, aut consanguinei causa visitationis, aut ad assistendum morti monialis; puellæ tamen admitti possunt causa educationis, modò monasterium consueuerit huiusmodi puellas recipere; non autem fœminæ coniugatæ, aut viduæ. *tom.1. fol.938.num.11. & seq.*

20. Qui ingreditur prætextu vilis ministerij, quod re ipsa præstare non intendit, non exculatur: secus si id præstare intendat, etiamsi ingredia

grediatur cum aliquo prauo fine. *tom. I. fol. 339. num. 18.*

21. Non est licitus ingressus, si tempore ingressus cessauit causa ob quam data fuerat facultas ingrediendi: & is qui licentiam sine causa obtinuit, non potest licite ingredi, etiam si causa tempore ingressus superueniat. Et hoc verum est, licet Superior licentiam sine causa concedere voluerit. *ibid. num. 19. & 20. & fol. 340. num. 21.*

22. Ingrediens monasterium monialium ex iusta causa, & cum licentia, non afficitur excommunicatione si statim non egrediatur; peccat tamen grauiter contra clausuræ obligationem, si diutius immoretur. *ibid. num. 22.*

23. Ingredientes sine iusta causa & sine licentia speciali cœnobita monialium; item ingredi facientes, permittentes, vel admittentes prætextu facultatum obtentarum ante mortem Gregorij XIII. *ubi gratia*, personas prohibitas, excommunicationem Papæ reſeruatam incurrunt, priuationem dignitatum, & inhabilitatem ad illas. Ita Gregor. XIII. & Trident. *ſeſſ. 25. cap. 5. ibid. n. 1. & fol. 943. n. 1.*

24. Prælati tam ſæculares quàm regulares ingredientiſ ex causa neceſſaria, non afficiuntur excommunicatione, etiam si ducant ſecum perſonas non religioſas, nec ſenes. *tom. I. fol. 943. num. 12.*

25. Monialis quæ virum vel ſceminam prætextu facultatis ingredientiem admittere ſcienter præſumit in monasterium extra caſum neceſſitatis, incurrit ſimiliter ipſo facto excommunicationem Papæ reſeruatam, & priuationem officiorum, ac inhabilitatem ad illa. Abbatiffæ &

& aliæ Superiores monialium eisdem pœnis afficiuntur admittendo aliquem in monasterium. Is autem dicitur admittere, qui directè, vel indirectè cooperatur ingredienti, aut qui non impedit, cum teneatur ex officio impedire. *tom. 1. fol. 945. num. 8. 9. 11. 12.*

26. Monialis priuata quæ alteri moniali mandat, vel consulit, vt aliquem ingredi permittat, non ligatur his pœnis, modò ipsa non concurrat ad alterius ingressum ex parte ingredientis. *ibid. num. 13.*

27. Ex dictis à fortiori patet Prælatum, Abbatissam, vel alias Superiores non expellentes ingressum dum commodè expellere possunt, ligari præfatis pœnis. *tom. 1. fol. 946. num. 15.*

De violatione clausuræ ob ingressum fœminarum in monasteria religiosorum virorum.

28. Monasterium est spatium illud quod intra monasterij ambitum continetur. Hinc prædia, & domus rusticæ non sunt obnoxia clausuræ, consequenter religiosus potest fœminas ad huiusmodi loca causa audiendi sacra admittere. Præterea choris non est pars monasterij, sacristia verò ad quam non patet aditus nisi per claustra monasterij, subiicitur clausuræ. Item infirmariæ, hospitia, & similia loca non comprehenduntur nomine monasterij: secus dicendum de hortis contiguus monasterio, cum intra monasterij ambitum contineantur. *tom. 1. fol. 946. num. 1. & seq.*

29. Omnibus fœminis interdictus est ingressus in monasteria virorum, & non solum coniugatis
aut

aut viduis, verum etiam puellis quæ rationis
vsum nactæ sunt, vel ad septennium peruenerunt.
Item & fundatricibus, nisi fortè in regula ipso-
rum religiosorum habeatur, vt fundatrices de-
center comitatæ admittantur: imò fœminæ in
dignitate constitutæ non possunt hoc tempore
virtute priuilegiorum ingredi monasteria mo-
nialium; probabile tamen est Reginas & ipsa-
rum filias posse monasteria religiosorum ingredi,
etiam absque peculiari priuilegio. Religiosi igitur
grauiter peccant admittendo fœminas in sua
monasteria, quia cooperantur delicto fœmina-
rum; & fœminæ quoque grauiter peccant ingre-
diendo, etiam si tunc temporis nullus in mona-
sterio religiosus existat. *tom. 1. fol. 947. num. 1.*
& seq.

30. Nullus præter Romanum Pontificem, vel
habentem ab ipso priuilegium, potest extra mor-
tis articulum absolueret ab excommunicatione
quam incurrunt fœminæ ingredientiæ, & reli-
giosi eas admittentes in sua monasteria. *tom. 1.*
fol. 949. num. 3.

*Causæ excusantes fœminas ingredientiæ
monasteria virorum.*

31. Priuilegio Summi Pontificis obtento post
constitutiones Pij V. & Gregorij XII. excusari
possunt fœminæ, monasteria religiosorum ingre-
dientes; quamquam si in eo monasterio extra
regula non admittendi fœminas, & in priuilegio
non fiat mentio huius regulæ, non potest fœmi-
na virtute priuilegij ingredi. *tom. 1. fol. 950. n. 1.*
& 2.

32. Fœmina alicuius dignitatis quæ potest
mona

monasterium virorum ingredi, potest secum decentem familiam ducere. *ibid. num. 3.*

33. Fœmina licitè ingredi potest ob necessitatem, ex. gr. ad lactandum infirmum, seu medendum, dum aliud remedium commodum non est. Item fœminæ possunt adhuc ingredi monasteria virorum causa Missæ, funeris, concionis, sepulturæ, processions, vel alterius diuini officij, vel dum tantus est populi concursus, vt mulieres commodè ingredi, aut egredi non possint: imò fœminæ possunt ingredi monasterium causa audiendæ Missæ in capella claustrum, modò ad alia loca non progrediantur. Item dum recitantur horæ Canonice, dum fit benedictio candelarum, &c. Item ingredi possunt dum fit lotio pedum, modò tunc legatur Euangelium, vel alia oratio fiat: vel dum aliquis in claustro professionem emittit, cum solitis religiosorum ceremoniis; non autem dum habitum suscipit: neque similiter ingredi potest ad audiendam comœdiam, vel disputationem. *ibid. num. 4. & seq.*

34. Quæres, utrùm fœmina ingrediens monasterium tempore diuinorum officiorum, seu concionis, &c. non animo audiendi diuina, vel concionem excusari probabiliter possit à peccato & pœnis contra clausuram? Respond. probabiliter excusari posse. *tom. 1. fol. 95 1. num. 13.*

35. Fœmina non peccat contra clausuram, si ingrediatur occasione processions, quam Prælati indixit hoc fine, vt fœminæ ingredi possint. Idem aliqua ratione dici potest de ipso religioso processionem ad eum finem indicente; quamquam huiusmodi religiosus peccet abusu potestatis, & sit aliqua pœna dignus. *ibid. num. 14.*

36. Fœmina quæ iusta de causa ingressa est, tenetur

netur statim moraliter egredi, non tamen afficitur excommunicatione, si statim non egrediatur, imò etiamsi ad vltiora loca progrediatur. Secus dic de religiosis eam admittentibus. *ibid. num. 15.*
& *fol. 952. num. 16.*

*Moniales, & pœna violatoribus clausuræ
impositæ.*

Vide v. *Monasterium.*

37. Clausura est spatium quod intra ianuam monasterij semper clausam continetur; seu est locus monasterij, intra quem moniales sistere debent, & à quo egredi nequeunt sine violatione præcepti, vel etiam voti, dum clausuram ex voto seruare tenentur: vnde monialis non potest ad domos monasterio contiguas accedere, etiamsi ibi degant fœminæ colligendis eleemosynis deputatæ. Quod si transeat ad alieni tecti partem, vel transferat se extra ianuam distantia vnus pedis, vel rota egrediatur, rea est violatæ clausuræ. Præterea sequitur monialem non posse transferre se ad Ecclesiam exteriorẽ, vel ad alium locum, ad quem sæcularibus patet accessus. Item monialis monasterio egressa, si domo in qua constituta est, exeat, non violat clausuram, cum domus illa non sit pars monasterij.

Omnes & singulæ moniales cuiuscumque ordinis sint post professionem, tenentur onere clausuræ, modò in congregatione viuunt. Hinc conuersæ & tertiariæ post professionem tenentur clausura, etiamsi in illis monasteriis nunquam ante Tridentinum seruata fuerit clausura; secus dicendum de nouitiis nondum professis, aut de
fœmi

fœminis quæ non sunt verè moniales, etiamfi aliquæ simplicia vota emittant. Imò ad clausuram non tenentur fœminæ solemnem professionem emittentes, hac conditione, vt in domo propria remaneant; quia hîc sermo est de monialibus in congregatione viuentibus. *tom. 1. fol. 855. num. 1. & seq. item fol. 856. num. 1. & seq.*

38. Clausura monialium, iure humano positiuo, non autem iure naturali vel diuino indicta est, vt patet in *cap. periculoso, de statu regular. in 6. Concil. Trident. sess. 25. cap. 5. tom. 1. fol. 857. num. 1.*

39. Moniales egredientes à monasterio, etiamfi paruo spatio extra ianuam procedant, dantes licentiam egrediendi, ac receptatores, excommunicationem ipso facto & alias pœnas incurrunt. Hac excommunicatione non afficitur monialis quæ iusta de causa egressa est, si finita egressus causa statim non reuertatur. *ibid. num. 1. & seqq.*

40. Episcopus, vel Superiores religionum, qui sine iusta causa licentiam exeundi moniali concesserunt, iisdem pœnis afficiuntur. Idem dic de comitantibus, vel receptantibus moniales iniustè egressas, modò tamen sint causa egressus, vel perseuerantiæ in egressu: secus si causa vrbanitatis, vel consanguinitatis comitentur, vel recipiant. *ibid. num. 4. & fol. 858. num. 5.*

41. Nemo præter Summum Pontificem, vel habentem ab ipso facultatem iure communi potest à dicta excommunicatione absolvere, dum excommunicatio publica est. Dicitur *habentem ab ipso facultatem*, quia habens priuilegium à Summo Pontifice, potest absolvere in foro conscientiae, etiamfi delictum sit publicum, vel deductum

ductum ad forum contentiosum. Item religiosi habentes priuilegium absoluendi, possunt absolvere in foro conscientiae, etiamsi delictum ad forum externum deductum sit, quidquid in contrarium à multis afferatur. *ibid. num. 1. & seq.*

42. Onus cogendi moniales ad clausuram incumbit Episcopo auctoritate ordinaria, in suis monasteriis: auctoritate verò Sedis Apostolicæ delegata, in monasteriis Sedi Apostolicæ subditis, ut constat ex Trident. *sess. 25. cap. 5.* In monasteriis verò exemptis hæc facultas non competit Episcopo, sed Superioribus illorum ordinum, ex *cap. periculoso, de statu regular.* ex Trident. *sess. 25. cap. 9.* Prædicti Episcopi, & alij Superiores implorare possunt Principum & magistratum saecularium auxilium; & magistratus tenentur sub excommunicatione ipso facto incurrenda opem ferre. Magistratum autem nomine veniunt personæ publicæ, quæ iurisdictionem saecularem exercent. Imò iudices Ecclesiastici gaudentes potestate saeculari ligantur excommunicatione non præbendo Episcopo auxilium circa clausuram. *tom. 1. fol. 859. num. 1. & 2. item fol. 860. n. 4. & 5.*

43. Superiores non tenentur sub mortali decretum clausuræ quotannis publicare. *tom. 1. fol. 859. num. 3.*

Ad quem pertineat facultatem exeundi monialibus concedere, & quibus ex causis.

44. Ad Episcopum, vel ad eius Vicarium generalem pertinet facultatem exeundi è monasterio concedere monialibus in monasteriis Episcopo, aut Sedi Apostolicæ subiectis. Monialibus verò
subdi

subditis religiosis concedunt Superiores religiosi, & etiam Episcopus; & quidem in scriptis, alioquin non tenet.

Hanc facultatem exeundi concedere non possunt Abbatissæ ipsarum monialium, quia etiam ipsæ clausuræ præcepto tenentur. *rom. 1. fol. 860. num. 1. & fol. 861. n. 2. & seqq.*

45. Monialis excusatur à peccato & pœnis, si urgente necessitate exeat; tenetur tamen dum extra monasterium existit, causam sui egressus Superiori significare; quamquam materiæ paruitas excusat ubi non est perfecta clausuræ violatio; secus si adsit perfecta transgressionis causa, etiamsi monialis vno pede distet à ianua clausuræ. Idem valet in ingredientibus claustra monialium. *ibid. n. 5. & 6.*

46. Ut monialis è monasterio licitè egredi possit, requiritur facultas Superioris cum iusta & graui causa: tres autem sunt iustæ exeundi causæ, incendium, infirmitas lepræ, & epidemiæ, & si quæ sint aliæ consimiles & urgentiores causæ; qualis est, v.g. belli: nam monialis potest monasterio exire, dum bellum geritur contra infideles, periculumque graue impendet ab infidelibus. *rom. 1. fol. 862. n. 1. 2. & 7.*

47. Abbatissa non potest exire, ut visitet monasterium, cæmentarios vel sua monasteria, aut ut curam nepotum gerat, neque ut visitet parentes infirmos; potest tamen monasterio egredi, dum totus conuentus in alium locum transferatur. Item Abbatissa exire potest ad præstandum iuramentum fidelitatis sæculari domino feudi. Imò si ei constet licentiam à Superiore iniuste denegari, adhuc exire potest, secus si dubitet. Similiter monialis exire potest ad reformandum

dum monasterium eiusdem ordinis, vel ut ibi sit Abbatissa, vel ianuæ præfecta, vel magistra nouitiarum, & finito monasterio potest reuerti si velit, etiamsi socia redire nolit. Item monialis potest ad perfectiorem religionem transire, vel ad aliud monasterium transferri causa correctionis aut punitionis in casibus, in quibus ita iura decernunt. *ibid. num. 3. 4. 5. & 8. item fol. 863. num. 9. & seq.*

48. Monialis eiici potest in sententia nonnullorum, etiamsi emendatio non speretur: sed probabilius est, & ita censet D. Bonacina, monialem ob incorrigibilitatem eiici non posse. *ibid. num. 14.*

49. Moniales conuersæ ob necessitatem peccendæ eleemosynæ exire possunt seruariis constitutionibus Pij V. & nihilominus possunt adhuc recipi & admitti ad professionem in monasteriis monialium. *ibid. num. 15. & 16.*

50. Monialis non potest exire monasterio ob infirmitatem non contagiosam, etiamsi alioquin mortalis sit; quamquam non sunt puniendi Superiores qui licentiam exeundi concesserunt moniali graui infirmitate, sed non contagiosa laboranti. Sunt tamen multi qui asserant licitum esse moniali egredi tempore infirmitatis periculosa.

Monialis quæ iusta de causa egressa est, tenetur finita egressus causa redire quamprimum potest moraliter, non metaphysicè. *tom. 1. fol. 864. num. 18. & seq.*

Monitorium.

Vide v. *Denunciatio.*

Mono

Monopolia.

Vide v. *Emptio & venditio.*

1. Quando mercatores inter se conueniunt de vendenda re supra pretium rigorosum, peccant mortaliter contra iustitiam, excedunt enim iustum pretium. Idem militat in emptoribus con-
spirationem incuntibus non emendi nisi pretio viliori: nam iis licitum est solum in tantum conspirare, in quantum monopolium venditorum perseuerat contra illos. Et quando vnus vel pauci conueniunt emere omnes merces aliquius generis, vt eas ipsi asseruent in tempus caritatis & inopiæ, animo carius vendendi & lucrandi, grauitur peccant, saltem contra charitatem, vel contra iustitiam legalem.

Potest tamen quilibet suppressere merces suas vsque ad tempus opportunum, quo eas maiori pretio vendat, secluso monopolio; vitur enim iure suo quod habet consulendi sibi, & merces suas vendendi iusto pretio. *tom. 2. fol. 733. num. 2. & seq.*

2. Qui vi vel fraude impediunt, ne merces aliunde aduehantur, vt ipsi carius res suas vendant, peccant contra iustitiam, & tenentur ad restitutionem. At qui iusta de causa impetrat à Principe priuilegium quo solus possit certum quoddam genus mercium aduehere & vendere, non videtur grauitur peccare, modò iustum pretium taxetur à Principe, vel à viris prudentibus, consideratis considerandis. *tom. 2. fol. 734. num. 8. & 9.*

3. Præter iam dicta monopolia sunt & alia, quæ ad illicitum monopolium reuocari possunt,

vt

ut patet quando multi conueniunt, ut opus ab vno inceptum inchoatum alter non perficiat; aut quando artifices conueniunt, ut non doceant artem, nisi soluto quodam pretio iniquo; aut quando aliqui rumorem disseminant, vel litteras confingunt, quibus exprimitur naues submersas fuisse, quibus merces certi generis aduehebantur, & hac de causa pretium mercium augeatur, aut denique quando vendens sub hasta apponit fictum licitatore qui plus offerat, ut ceteri emptores ascendant in pretio. Vtrum vero mercator qui non exercuit monopolium, possit suas merces vendere pretio communi, quod per monopolium creuit, sunt qui affirmant, sunt qui negent. *ibid. num. 10. & 11.*

4. Emptor qui emit pretio currenti sciens breui futuram inopiam, potest reticere inopiam futuram, & emere pretio currenti, utitur enim iure suo, & emit pretio iusto. Item non peccat contra iustitiam, qui ad sui lucrum utitur priuata scientia, qua scit condendam esse legem, qua minuetur; vel augebitur pretium mercium, vel monetæ. Denique non peccat, neque tenetur ad restitutionem, qui sciens breui diminuendum esse valorem monetæ, mutuatur pecuniam alteri cum pacto ut sibi restituatur iuxta valorem quem habebit tempore restitutionis. Neque refert, quod mutuarius non sit pecuniam acceptam insumpturus, antequam pecuniæ valor Principis auctoritate diminuatur, quia mutuans utitur iure suo, & nihil accipit supra sortem. *tom. 2. fol. 735. num. 13. & seq.*

Mons

*Mons pietatis.*Vide v. *Vsura.**Munera, Munerum largitio.*Vide v. *Religiosus.*

1. Clemens VIII. in Bulla XXVIII. quæ incipit *Religiosè*, ut votum paupertatis integrè seruaretur, & bonis religionum consulereetur, interdixit largitiones, seu donationes fieri, directè, vel indirectè, iniuncta tam largientibus, quàm largitionem recipientibus, siue per se immediatè, siue per alium poena: unde sequitur religiosum peccare contra Bullam & votum, commodando vel mutuando aliquid alteri, animo illud amplius non repetendi, quia dicitur indirectè donare. Similiter religiosus vel monialis condonans consanguineo solutionem legati, vel alterius debiti, rea est violationis Bullæ; hæc enim remissio censetur donatio. Religiosus tamen non peccat contra hanc constitutionem, dum alicui volenti rem aliquam sibi vel monasterio tradere, vel legare, rogat ut illam tradat suo consanguineo. Non violatur quoque hæc constitutio mutuando, locando, commodando, aut vendendo etiam infimo pretio. *tom. I. fol. 1065. & fol. 1066. num. 2. & seq.*

2. Secunda actio prohibita in hac Bulla Clementis VIII. est erogatio pecuniarum quouis modo in honorem alicuius, etiam protectoris, benefactoris, vel ordinarij. Excipiuntur tamen aliqui casus, in quibus licitum est regularibus aliquid largiri vel erogare, videlicet si fiat de consensu generalis Capituli, vel de leuioribus poculentis

lents & esculentis, (modò non sint quotidiana,) & munusculis ad deuotionem pertinentibus, vel de pecuniis quæ in diuinum cultum expenduntur, vel de eleemosynis ad subleuandas veras necessitates, vel de hospitalitate frugali, præsertim erga pauperes & peregrinos. *ibid. n. 6. & seq.*

3. Omnes & singuli religiosi vtriusque sexus cuiuscunque gradus & dignitatis existant; imò etiam Capitula tam generalia quàm prouincialia, ordo, conuentus vel religio prohibentur munera largiri ex bonis ad monasterium pertinentibus. Excipiuntur religiosi habentes beneficium Ecclesiasticum, aut certam quantitatem ad proprium vsum assignatam à Prælato, de qua nullam rationem reddere debeant. Præterea non comprehenduntur in hac Bulla nouitij, tertiarij, qui non militant in religione approbata; neque religiosi militares, neque Episcopi religiosi; secus dicendum de religiosis Societatis IESV (cum sint verè religiosi, etiamsi solum tria vota simplicia emiserint,) & de eiectis è monasterio, dum expendunt ad libitum bona quæ acquirunt; liberam enim habent dum viuunt huiusmodi bonorum administrationem; licèt aliunde peccent prodigè & superuacaneè illa expendendo. *tom. I. fol. 1067. num. 1. & seqq.*

4. Potèstne quis remunerationis vice aliquid accipere à religioso? Potest de consensu legitimi Superioris, & modò munera accepta non excedant merita. *tom. I. fol. 1069. num. 2.*

5. Pœnæ quibus afficiuntur qui munera capiunt à regularibus sunt quod absolui nequeant, nondum facta reali restitutione, obliganturque restituere ante illam iudicis sententiam. *tom. I. fol. 1070. num. 1. & 2.*

6. Religiosi largitionem facientes contra dispositionem Bullæ Clementis VIII. priuantur dignitatibus, gradibus, seu iure superioritatis & officiis : redduntur incapaces & inhabiles ad illa & alia in futurum obtinenda, sunt perpetuò infames, priuantur voce actiua, & passiuâ, contra eos tanquam furti & simoniæ reos agi & procedi potest. *tom. I. fol. 1071. num. 1.*

7. Quares, vtrum quantitas sufficiens ad peccatum mortale sufficiat ad incurrendas pœnas in hac Bulla Clementis VIII. contentas? Respond. eam quantitatem sufficere, quæ à legitimo Superiore taxata fuerit. *tom. I. fol. 1072. n. 6.*

8. Prælatus religionis non solum potest elemosynas facere de superfluis, aut de non superfluis conuentus : verum etiam alias donationes pro ratione administrationis, ex causa quam vir prudens sufficientem existimauerit. Intellige modò aliud non ferat consuetudo, vel statuta religionis seu conuentus circa quantitatem, modum & dependentiam à maiori parte Capituli. Non potest tamen Prælatus religionis aliquid in ludos illicitos, aut in vanas causas expendere, nec aliquid testamento relinquere, quia non est dominus, sed administrator bonorum monasterij. *tom. I. fol. 1074. num. 1. & seq.*

9. Religiosus subditus non potest vllas elemosynas vel donationes facere absque Superioris licentia, & iusta de causa. Per Superiorem intellige non solum Generalem, aut Prouincialem; verum etiam immediatum monasterij Superiorem, & etiam Abbatissam respectu suarum monialium, dummodo tamen Abbatissæ vel Priorissæ facultas restricta & limitata non fuerit ex consuetudine, aut constitutionibus illius religionis.

nis, aut ex præcepto Superioris Prælati. *ibid.n.5.*

¶ 6. ¶ fol. 1075. n. 7.

10. Religiosi accipientes vel expedientes aliquid non petita expressa licentia, excusantur quoties in tali religione viget consuetudo illa accipiendi vel expendendi absque expressa licentia; tunc enim censetur adesse tacita voluntas & licentia Superioris per consuetudinem explicata, modo Superior non reclamet contra consuetudinem. Idem militat, quando religiosus aliquid accipit, vel expendit ad subueniendum extremæ necessitati, propriæ aut alienæ; tunc enim non peccat mortaliter, quia Superior censetur consentire, & consensum præstare debet. *tom. I. fol. 1076. num. 15. ¶ 16.*

11. Religiosus qui extra monasterium ex debita licentia existit, potest præciso præcepto, vel consuetudine in contrarium aliquid largiri in remunerationem obsequiorum vel munerum acceptorum, potestque religiosus in claustrum, vel extra claustrum viuens habensque assignatam sibi certam quantitatem ad suam sustentationem de illa honestè disponere ad suum libitum; sicut & absens à monasterio causa studiorum, vel negotiorum, vel peregrinationis potest eleemosynas & donationes facere iuxta consuetudinem sui monasterij. Item Procuratores & Cellarij possunt eleemosynas & donationes facere iuxta quantitatem administrationis & consuetudinem. *ibid.n. 17. ¶ 18. ¶ fol. 1077. num. 19.*

12. Monachus furans aliquid extraneo, potest restitutionem facere ex peculio, quod habet cum licentia disponendi, ut sibi placuerit. *ibid. num. 20.*

13. Religiosus non peccat accipiendo, vel di-

strahendo aliquid Superiore vidente & non contradicente, aut ex tacita voluntate illius, qui licentiam daret, si peteretur, etiam si illi displiceat modus accipiendi. Item emens grana benedicta, scuticas, & his similia de licentia Superioris, non peccat ea distribuendo sine noua licentia. Non tamen excusabitur religiosus si rem acceperit, vel expenderit cum licentia per dolum obtenta, aut si expenderit in profanos vsus, non potest prætenu tacitæ licentiæ excusari. *ibid.num.21.*
Et seq.

14. Religiosus qui monasterij bona profane expendit, seu insumpsit ad eos vsus, ad quos licentiam non habebat, monasterioque damnum intulit, debet admonere recipientem vt restituat si ex admonitione fructum sperat, nec grauis damni periculum timet. *tem.1.fol.1079.n.32.* Item

15. Religiosus cui onus impositum fuerat conseruandi bonæ monasterij, aut aliquorum vsus concessus fuerat, ipse autem in iis conseruandis debitam curam non adhibuit, ad restitutionem quoque obligandus est, si ex lata ipsius culpa res pereat, surripiatur, vel deterior fiat. *ibid.num.33.*

Mutilatio.

Vide v. *Irregularitas.*

Mutuum.

Vide v. *Vsura.*

1. Mutuum est contractus, quo rei dominium transfertur in accipientem, spe recipiendi similem in specie & bonitate. hinc patet mutuum celebrari de iis rebus quæ recipiunt functionem, id est, quarum vna dari & substitui potest loco
 alte

alterius, vt vinum pro vino, pecunia pro pecunia, ita vt vna fungatur fufficienter vice alterius. *rom. 2. fol. 747. num. 1. & 2.*

2. Diuiditur mutuum in expreffum, feu formale, & in tacitum, feu implicitum ac virtuale, id eft, quod virtute includitur in aliis contractibus, & ob id palliatum dicitur. *ibid. num. 4.*

3. Aduerte aliquos eximi ab obligatione mutui, ita vt ad mutui accepti restitutionem non teneantur; tales funt Ecclefia, loca pia, minor, & filiusfamilias qui non habebat bona caftrenfia, vel quafi caftrenfia, nec credebatur effe fui iuris: hic enim non tenetur pecuniam fibi mutuò datam foluere, faltem in foro externo, ante vel poft mortem parentum; ficut neque Ecclefia aut minor tenentur foluere, nifi mutuans probet mutuum effe conuerfum in vtilitatem illorum. Videtur tamen filium feu filiam familias teneri ad restitutionem mutui accepti etiam ante mortem parentum, quando accepit pecuniam mutuò, ad ea, ad quæ infumenda erat pecunia à patre, vt fi filius pecuniam accepit ad emendos libros, aut quando pecunia conuerfa eft in vtilitatem patris, aut eam accepit de confenfu illius, aut quando iurauit filius, fe foluturum, quamquam poteft iuramenti relaxationem obtinere. Neque refert quod renunciarit priuilegio *Macedonianum* nuncupato; cum illud videatur principaliter conceffum in fauorem parentum, nullus autem cedere poteft priuilegio in fauorem alterius conceffo. *ibid. num. 6. & fol. 748. num. 7. & 8.*

N

Notarius.

1 **N**otarius habere debet scientiam, saltem mediocrem eorum quæ ad proprium officium pertinent, debetque referre in scriptum ea quæ à partibus asseruntur & fiunt. Peccatque graviter dum renuit instrumenta conficere, aut dum confecta occultat, vel non extendit, vel in registro non collocat, vel dum conficit instrumentum carentis usu rationis, teneturque ad restitutionem, & legata præsertim pia manifestare; neque potest quicquam ultra taxam accipere, dum pretium à lege taxatum est, alioquin tenetur ad restitutionem, quando est quid notabile. *tom. 2. fol. 486. num. 1. & seq.*

2. Clericus initiatus maioribus ordinibus, non potest tabellionis Cæsarei officium suscipere; potest verò si minoribus tantum sit initiatus. *tom. 2. fol. 487. num. 8.*

O

Observatio vana.

Vide v. *Superstitio, Divinatio.*

1 **V**ana observatio contingit, quando ex consideratione alicuius eventus casualis coniicitur aliquid prosperi, vel aduersi. Nomine *vane observationis*, venit magia, veneficium, maleficium, &c. Est autem vana observatio superstitio, qua media inutilia adhibentur ad præstandum,

dum, vel omittendum aliquid, ad quod illa media nec à Deo, nec à natura virtutem ullam habent; vt contingit quando quis medijs inutilibus contendit acquirere bona temporalia, vt sanitatem, scientiam, &c. aut quando aliquibus verbis intendit alligare dæmonem, illumque includere in annulo, in vase, aut quando quis mittit chirographum animalibus noxiis, vel cum ipsis litem mouet, vt illa expellat, &c. *tom. 2. fol. 295. num. 1.*

& seqq.

2. Vana observatio alia dicitur ars notoria, qua quis credit se consecuturum scientiam absque labore per quædam ieiunia, orationes, inspectiones figurarum, &c. hæc est peccatum mortale; alia observatio sanitatum, qua adhibentur aliqua inania & inutilia, vt verba, signa, &c. ad sanandos morbos hominum, vel animalium; & alia observatio euentuum, qua ex consideratione alicuius euentus coniicitur quid futurum sit, vt si quis ex eo quod aliquid casu euenit, aliquid sibi prosperi vel aduersi promittat, indeque actiones suas moderetur observans loca, verba, audita, tempora, occursum hominum, aut animalium, &c. & hæc observatio est etiam peccatum ex genere suo. *ibid. num. 4. & seqq. item fol. 268. num. 21. & 23.*

3. Petes, an sit licitum uti ea scientia quæ semel acquisita fuit ope dæmonis? Respond. affirmatiue, modò conseruatio illius non pendeat à dæmone. *tom. 2. fol. 265. num. 6.*

4. Superstitiosus est effectus ad quem aliqua vana circumstantia adhibetur vt necessaria, & quando is superat actiuitatem, causæ naturalis applicatæ, vt constare potest exemplo curandi infirmos vulneratos in loco distante; deinde quando effectus sit sine motu locali, vt si quis fa-

ciat mensam aut flumen statim apparere; item quando effectus statim evanescit, & non permanet. *ibid. n. 8. & 9.*

5. Superstitionem committit adhibens imagines, vel characteres sacris verbis inscriptos, aut signo crucis ut effugiat certa cum fiducia inimicorum manus, vel morbum euitet, &c. nam adhibentur ad hos effectus ad quos vim non habent. Caueri tamen potest superstitio in huiusmodi scripturis adhibendis, & ad collum portandis, si nihil falsi vel contra Ecclesiam contineant, si in his nihil reperiatur quo dæmon inuocetur, si non inscribantur nomina ignota, vel alij characteres præter signum crucis, si non ponatur spes in modo, vel tempore scribendi, si in ipsis non adnotentur verba indicantia talis morbi vel mali, vel periculi euitationem. *tom. 2. fol. 266. num. 10. & 11.*

6. Consuetudines colligendi herbas in tali die festo, hauriendi aquam, venam aperiendi animalibus, rescindendi yngues & similes, sunt tamquam superstitiosæ damnandæ; nisi id faciant homines ut se magis excitent ad Deum precandum propter diem Sancto dedicatum, quamquam adhuc sit improbanda hæc consuetudo, cum excedat modum Ecclesiæ consuetum honorandi Deum vel Sanctos. Committitur quoque superstitio dum in publicis supplicationibus imago alicuius Sancti proiicitur in flumen, ut pluat, aut dum existimatur tot orationes prodesse, & non pauciores; non videtur tamen superstitiosa ars inueniendi aquam latentem adhibita virga talis, vel talis generis, id enim fieri potest naturæ viribus. *ibid. num. 12. & seqq.*

7. Non est superstitiosum, si dum colliguntur aliquæ

aliquæ herbæ, aut curantur morbi, recitantur aliquæ orationes, modò hæ nihil vani contineant: neque damnandus est tamquam superstitiosus vsus triginta Missarum S. Gregorij, qui triginta diebus curauit orari pro defunctis, modò aliquæ circumstantiæ vanæ non misceantur. *ibid. n. 15. & 16.*

8. Damnandus est modus curandi vittis, gladio, &c. infirmos vulneratos existentes in loco tam distante, vt ex principiis philosophiæ, aut actiuitate causarum, concludatur illum effectum non posse naturaliter à causa tam distante prouenire; quia agentia naturalia agunt per contactum formalem, & habent determinatam spheram suæ actiuitatis. *ibid. num. 17. & 18.*

Odium.

Vide v. *Charitas.*

Officium diuinum, seu horæ Canonice.

Vide v. *Clericus, Orare, Distributiones, Parochus.*

1. Diuinum officium materialiter sumptum, seu horæ Canonice per se sumptæ, nihil aliud sunt quàm quædam laudes & preces ab Ecclesia institutæ ad orandum & ore laudandum Deum singulis diebus certis ac definitis horis. *tom. 1. fol. 725. num. 1.*

2. Horæ Canonice formaliter consideratæ, vt sunt actus orationis, nihil aliud esse videntur quàm actus quidam religionis, vel obedientiæ, aut etiam iustitiæ, quo non solum Deus laudatur, verum etiam explicatur desiderium Ecclesiæ, & à

Deo vel à Sanctis petuntur res docentes, iuxta eiusdem Ecclesiæ præscriptum. *tom. 1. fol. 726. num. 6.*

3. Horæ Canonice non sunt de iure diuino, sed Ecclesiastico, quia neque ex Scriptura, neque ex Ecclesiæ traditione, neque ex sanctorum Patrum testimonio colligitur eas iure diuino institutas fuisse; quando autem institutæ fuerint, constat quoad substantiam diuinum officium originem à temporibus ipsis Apostolorum traxisse, Actor. 3. *Petrus & Ioannes ascendebant in templum ad horam orationis nonam*, quamquam si consideretur quoad formam & numerum horarum, non constet quandonam fuerint institutæ. Certum tamen est illas ab initio aliquam formam habuisse, & postea in hunc qui modò existit modum redactas fuisse, vt patet ex Bulla Pij V. *tom. 1. fol. 727. n. 1. & seq.*

4. Summus Pontifex (non verò Cardinales, aut Episcopi) potest cum beneficiario, vel clerico sacris initiato dispensare circa obligationem diuini officij recitandi, etiam si aliud onus non iniungat, nam Papa potestatem habet dispensandi in iure Ecclesiastico. *tom. 1. fol. 728. num. 5.*

5. Horæ Canonice sunt septem institutæ ab Ecclesia *cap. 1. de celebrat. Missar.* videlicet Matutinum, Prima, Tertia, Sexta, Nona, Vesperæ, Completorium, quamquam multi Doctores velint esse octo, distinguentes Matutinum à Laudibus, eo quod possint diuerso tempore persolui (quod tamen fieri non potest absque peccato veniali, nisi adsit aliqua causa,) sed vnitas vel distinctio Canonicarum precum non est desumenda à tempore quo ipsæ recitantur; vt patet ex nocturnis antiquitus diuersis temporibus recitari solitis,

tis, quæ tamen diuerſas horas non conſtituebant.

Septem tantum eſſe horas Canonicas ad exprimenda ſeptem præcipua paſſionis Chriſti myſteria, innuunt etiam hi quinque verſus, qui paſſim recitantur in hunc modum.

Hæc ſunt ſeptenis, propter quæ pſallimus horis.

Matutina ligat Chriſtum, qui crimina purgat,

Prima replet Sputis, cauſam dat Tertia mortis,

Sexta cruci neſcit, latus eius Nona bipertit,

Veſpera deponit, tumulto Completa reponit.

Qui teneantur ad diuinum officium.

6. Omnes religioſi choro deputati ex conſuetudine, vel ex peculiaribus decretis tenentur poſt profeſſionem ad perſoluendum diuinum officium, etiamſi non ſint ſacris initiati. *tom. 1. fol. 732. num. 1.*

7. Religioſus qui in priori religione tenebatur recitare diuinum officium, non tenetur ad illud recitandum, ſi tranſeat ad aliam religionem, in qua conſuetudo recitandi officium introducta non ſit. Item religioſus qui compellitur ad triremes, vel per ſententiam eiicitur à monaſterio, non tenetur ad horas Canonicas recitandas, modo religioſus nondum promotus fuerit ad ſacros ordines, quia tunc tenebitur titulo ſacri ordinis. Præterea monachus habens facultatem & diſpenſationem viuendi in perpetuum extra monaſterium, non tenetur ad recitandum diuinum officium. *tom. 1. fol. 733. num. 2. & ſeqq.*

8. Moniales profeſſæ choro deputatæ, tenentur ad diuinum officium perſoluendum iuxta conſuetudines & regulas ipſarum. *ibid. num. 5.*

9. Monachus fugitiuus, aut eiectus à monasterio ad tempus, vel in perpetuum, non tenetur ad diuinum officium; neque idcirco dicendus est reportare commodum ex suo delicto, nisi per accidens, quatenus constituitur in statu in quo non est consuetudo persoluendi diuinum officium. In praxi tamen oppositam sententiam consulerem contra fugitiuum. *ibid. n. 6.*

10. Religiosi qui professionem emiserunt in ea religione quæ non est addicta choro, non tenentur ex vi solius professionis ad pensum diuini officij; tales sunt Patres Societatis I E S V. *ibid. num. 7.*

11. Superior potest cum religiosis circa obligationem recitandi officium ex consuetudine religionis ex iusta causa, vt ex causa studiorum, aut negotiorum, dispensare. *tom. I. fol. 734. num. 9.*

12. Clerici maioribus ordinibus initiati iure Ecclesiastico tenentur ad recitandas horas Canonicas, etiam post degradationem, vel postquam inciderunt in aliquam censuram excommunicationis, vel suspensionis, aut missi sunt ad triremes, vel ab hostibus capti, nisi ob impotentiam, vel aliam iustam causam excusentur. Tenentur etiam clerici Psalmos quos Episcopus in ordinatione iniungit, recitare. Nec refert quod in statu peccati mortalis existant; nam adhuc tenentur officium diuinum recitare, si ordinati vel beneficiarij sint. *ibid. num. 1. & 2. item fol. 735. num. 3. 4. & 6.*

13. Clericus qui de consensu Summi Pontificis duxit vxorem, tenetur ad pensum horarum Canonicarum, nisi fortè in hoc fuerit à Papa dispensatus. *ibid. num. 5.*

14. Reci

14. Recitans diuinum officium ob malum finem, ex. gr. vt aliquem in re graui decipiat, satisfacit præcepto, modò recitet cum debita attentione. *ibid. num. 7.*

15. Habentes beneficium Ecclesiasticum, etiam si non sint sacris initiati, tenentur, regulariter loquendo, ex institutione Ecclesiæ ad recitandas horas Canonicas, siue beneficium sit simplex, siue curatum, siue sit aliqua præbenda tituli clericalis, imò etiam si manuale sit, quamquam ad istius titulum ordinari non potest. Ratio est, quia in iure beneficium dicitur dari propter officium. *tom. 1. fol. 736. n. 1.*

16. Habens beneficium integrè in commendam, tenetur ad diuinum officium, vnde Equites Hierosolymitani & alij gaudentes commendis Ecclesiasticis tenentur ad pensum officij diuini, quia dicuntur habere beneficia. *ibid. num. 2. & 3.*

17. Qui per metum grauem sibi à parente incussum acceptauit beneficium, tenetur ad horas Canonicas, etiam si non habeat animum perseuerandi in statu Ecclesiastico. *ibid. n. 4.*

18. Dantur aliqua beneficia, v. g. quædam simplices præposituræ, vel personatus, &c. quæ ex sua institutione non obligant ad horas Canonicas; clericus tamen habens Capellaniam, tenetur ratione illius diuinum officium recitare, modò Capellania sit collatiua, seu Ecclesiastica, id est, auctoritate Episcopi erecta etiam ex bonis laicorum. *ibid. num. 5. & 6. & fol. 737. n. 7.*

19. Pensionarius percipiens pensionem, vt clericus, tenetur B. Virginis officium persolvere; percipiens verò pensionem titulo sæculari, vt causa belli, vel ob tintinnabula pulsanda, vel propter

aperiem

aperiendas fores Ecclesiæ, &c. non tenetur ad recitandum magnum vel paruum officium. Pensionarius tamen qui vt clericus percipit pensionem, non ita tenetur ad recitandum officium Beatissimæ Virginis Mariæ, quin oneri suo satisfaciat recitando horas Canonicas; quod *officium magnum* vulgò nuncupatur: clericus enim sacris initiatus, simulque pensionem habens; vnicâ magni officij recitatione oneri suo satisfacit. *ibid. num. 8. & 9.*

20. Qui cessit pensioni solùm in partem, non remanet immunis & exemptus ab obligatione diuini officij; secus si in totum cessit, quamuis cesserit anticipatis solutionibus. *ibid. num. 11.*

21. Coadiutor beneficiarij non tenetur ratione coadiutoriæ præcisè persolvere diuinum officium, tenebitur tamen ratione sacrarum ordinum vel alterius beneficij, si quod habet. Similiter Cappellanus seu Sacerdos, qui conceditur alicui parochiæ, vt suppleat vices Parochi in sacramentorum collatione, & in externa Ecclesiæ administratione, non tenetur ex vi coadiutoriæ præcisè ad horas Canonicas recitandas: sicut nec is qui priuilegium Canonicatus obtinuit cum futura successione, aut qui fructus aliquos percipit per modum stipendij, modò non sit pensio propriè accepta. *tom. 1. fol. 738. num. 13. & seq.*

22. Beneficiarius tenetur diuinum officium recitare, etiam si beneficium sit adeò tenue, vt non sufficiat ad sustentationem, quamquam non desint multi graues DD. aliter sentientes, & asserentes non teneri, saltem quotidie, recitare diuinum officium. Hinc collige à fortiori habentes plura tenuia beneficia ex quibus omnibus colliguntur fructus competentes, teneri ad pensum

Cano

Canonicarum precum. Neque beneficiarius, seu Capellanus eximitur ab onere diuini officij recitandi dum maiorem fructuum & reddituum partem tradit Sacerdoti substituto ad peragenda & persoluenda beneficij onera. *ibid.num.17. & fol. 739.num.18. & 19.*

23. Tenetur ad diuinum officium recitandum, qui post collationem ineptus reperitur ad munus beneficij exercendum, etiamsi compellatur coadiutorem assumere, illique omnes, aut ferè omnes beneficij fructus pro munere obeundo tradere. Item impendens omnes beneficij fructus loco pensionis illi qui sibi beneficium renunciauit, tenetur quoque ad diuinum officium, quandoquidem ipse retineat titulum, possessionem & administrationem beneficij, & per ipsum stat ne fructus capiat. Idem dicendum de Canonico etiamsi primo anno fructus beneficij non recipiat, & fructus cedant, vel Canonicis antiquioribus, vel heredibus Canonici defuncti. *ibid.n.20. & 21. & fol.740.n.22.*

24. Beneficiarius iuxta probabiliorem sententiam, tenetur ad recitandum diuinum officium, quoties fructus beneficij in alios pios vsus ex consuetudine, vel Ecclesiæ statuto impenduntur. Idem dicendum de beneficiario qui capta possessione, fructus pro aliquo tempore non percipit, spem tamen habet aliàs percipiendi. Idem valet de eo qui ob delictum, aut alia iusta de causa priuatur fructibus; non autem si fructibus priuetur ex bello, aliàve actione iniusta; secus si iam fructus accepit, & postea iniuste subtrahuntur. *ibid.num.23. & seqq.*

25. Litigiosè circa idem beneficium, non tenentur ad diuinum officium, modò bona fide litigant,

496 *Officium diuinum.*

gent, nec alius pacificè possidere inceperit. *ibid. num. 27.*

26. Iustè possidens plura beneficia, non tenetur pluries in die officium recitare; quamquam qui plura iniquè possidet, teneatur ex iure naturæ plura officia recitare. *tom. I. fol. 741. num. 27.*

¶ 28.

27. Beneficiarius ad diuinum officium recitandum, obligatur solum post captam beneficii pacificam possessionem, quia ex eo tempore acquirit titulum beneficii. Et qui per litem impeditur æ possessionem capiat, non tenetur ad officii recitationem. Similiter qui pensionis titulum obtinuit, sed pensionem non percipit, nec illius percipiendæ spem habet, non tenetur officium recitare. Idem dicendum antequam pensionarius litteras vel instrumentum pensionis expediri curauerit. *tom. I. fol. 741. num. 1. 2. & 4. item fol. 743. num. 6. & 7.*

28. Coadiutor cum futura successione, non tenetur ad diuinum officium, viuentis coadiutore. *ibid. num. 5.*

29. Beneficiarius non tenetur ad restitutionem fructuum, dum officium prætermisit, nisi elapsi sint sex menses à capta possessione. *ibid. num. 8.*

30. Qui beneficium vel ordinem Subdiaconatus suscepit, vel professionem in religione emisit, non tenetur integrum officium eo die recitare, sed pro rata temporis, id est horas respondentes horæ in qua beneficii possessionem accipit, vel ordinem Subdiaconatus, pro eo qui absque beneficii titulo ordinatur. Et qui diuinum officium recitauit antequam beneficii possessionem vel collationem, vel sacrum ordinem reciperet, tenetur iterum accepta possessione & vel collatio-

ne, vel ordine recitare pro rata temporis, & horæ qua possessionem, collationem, vel Subdiaconatum obtinuit. *tom. I. fol. 744. num. 10. & 11.*

*Qua forma recitanda hora Canonica,
ſeu officiū diuinum.*

31. Officiū recitandum eſt iuxta ritum Breuiarij Rom. reformati à Pio V. Excipiuntur habentes priuilegium vel conſuetudinem aliter recitandi à ducentis annis ante Pij V. conſtitutionem, quamquam hi poſſunt Breuiarium Romanum recipere, & eo recepto ad prius Breuiarium redire nequeunt: particulares tamen homines non poſſunt, regulariter loquendo, eo vti non ſolū in publica, verū etiam in priuata recitatione, antequam Breuiarium Romanum communiter recipiatur. *tom. I. fol. 744. num. 1. & fol. 745. num. 2.*

32. Habens priuilegium vtendi Breuiario non Romano, regulariter loquendo, vti non poteſt Romano, iuxta probabiliorem ſententiam. *ibid. num. 3.*

33. Ordinatus ad titulum patrimoni, non poteſt quodlibet Breuiarium adhibere, quia debet ſe ſuæ Eccleſiæ conformare, quamquam multi non improbabiliter oppoſitum ſentiant; & non ſit improbabile aliquem poſſe, relicta conſuetudine propriæ Eccleſiæ, Romanum Breuiarium adhibere, modò non extet decretum in contrarium; quale extat Mediolani, videlicet vt clerici Mediolanenſes diuinum officiū iuxta ritum Ambroſianum recitent: quamuis poſſit clericus Mediolanenſis dum Romæ exiſtit Breuiario Romano vti, iuxta commune & tritum axioma: *Si fuerit*

*ris Roma, Romano viuito more, &c. ibid.num.4.
& seq.*

34. Extraneus qui ad alienam diœcesim accedit animo ibi manendi maiori anni parte, tenetur adhibere Breuiarium iuxta ritum loci ad quem se transfert; secus si ad eum locum accedit intentione ibi breui commorandi: nec refert siue iustè vel iniustè in eo loco existat. *tom.1.fol.746.
num.8.* Hinc

35. Qui duo beneficia possidet in duabus Ecclesiis quæ diuersis vtuntur Breuariis, vti debet Breuario illius Ecclesiæ in qua residet. Item qui beneficium habet, sed in alia diœcesi commoratur, tenetur officium recitare iuxta ritum loci vbi commoratur. Et scholares possunt officium recitare iuxta ritum loci, ad quem se studiorum causa transferunt. *ibid.num.9. & fol.747.n.10.
& 11.*

36. Qui vtuntur Breuario Romano Pij V. non tenentur extra chorum ad recitandum officium defunctorum, vel beatissimæ Virginis, aut Psalmos pœnitentiales, excepto defunctorum die, vt expressè decernitur in Bullis Pij V. & Clem.VIII. quæ in principio Breuarij Romani continentur. Excipe Ecclesias, in quibus ex consuetudine recitatur officium beatissimæ Virginis. *ibid.num.12.*

37. Sacerdotes & beneficiarij qui tempore Litaniarum & Rogationum nō interfunt processionibus quæ publicè fiunt, tenentur priuatim Litanias in Breuario vel Calendario descriptas & designatas sub mortali recitare, alioquin tenentur ad restitutionem pro rata diuini officij. Qui processionibus præfato Litaniarum & Rogationum tempore interfunt, sed Litanias vel preces omitunt, vel ad illarum partem non attendunt, satis-
faciunt

faciunt recitando preces & Litanias quas absentes recitant. *ibid.num. 13. & 14.*

38. Recitans officium lingua Hebraica vulgari aut alia, non peccat grauiter, præcis aliis circumstantiis, consequenter præcepto satisfacit quoad ritum substantialem, nec tenetur ad restitutionem fructuum, quia quoad significationem & substantiã est idem officium. Similiter satisfacit voto, qui orationes promissas vulgari & materna lingua persoluit, præsertim si hoc faciat maioris deuotionis causa. *tom. 1. fol. 748. n. 15. & 16.*

39. Qui spontè & cum aduertentia permutat horas Canonicas recitando de Sancto, dum sunt recitandæ de alio, de feria, vel de vno Sancto, dum sunt recitandæ de alio, vel de Dominica, peccat mortaliter, consequenter præcepto non satisfacit. Et qui sponte vel inaduertenter recitauit officium breuius vnius dici, loco officij alterius dici multò longioris, debet supplere omissa, modò aduertat ad mutationem, seu errorem antequàm dies elapsus sit. *ibid. n. 17. & fol. 749. n. 18.*

40. Episcopus non potest dispensare cum aliquo, vt relicto proprio Breuiario recitet officium iuxta formam alterius Breuiarij, vel vt recitet officium alio die præscriptum; quia non potest dispensare in lege Superioris, videlicet Summi Pontificis. *ibid. n. 19.*

41. Episcopus non solum curare potest vt Breuiarium Romanum recipiatur, verum etiam illud recipere potest cum consensu vniuersi Capituli. *ibid. num. 20.*

42. Non licet quicquam addere Breuiario tanquam partem diuini officij: secus si aliquid addatur, tanquam aliquid extrinsecum, seu concomitanter ad maiorem solemnitatem. *ibid. n. 21.*

43. Dum

43. Dum recitatur officium de Sancto, de quo nulla in Breuiario mentio habetur, recitandum est iuxta rubricas Breuiarij Romani, ita vt in Ecclesia cuius est patronus, recitetur officium duplex cum octaua, vel sine octaua, de consensu tamen Episcopi. *ibid. num. 22.*

*Requisita ad officium studiosè & deuotè
persolvendum.*

44. Vt officium studiosè reciretur, requiritur vt verba non omittantur, vel mutilentur, sed omnia præferantur, nec syllabæ abscindantur, sed recitentur sine syncopa; propterea omittens verba diuini officij in notabili quantitate, peccat mortaliter. Item recitans cum sociis ita festinanter, vt nondum expletis versiculis à sociis, versiculos sequentes recitare incipiat, suæ obligationi non satisfacit. Abseissio syllabarum in recitando officium, non mortale, sed veniale peccatum continet. *tom. I. fol. 750. num. 1. & seqq. item fol. 751. num. 4.*

45. Recitans cum socio satisfacit præcepto, quia recitantes sibi commune faciunt quod alternatim recitant: & hoc valet etiam si is, cum quo recitat, non teneatur officium recitare, aut recitet sine attentione. Idem valet non solum in oratione debita ex præcepto, verum etiam in oratione facta ex deuotione. *ibid. n. 5. & seqq.*

46. Ille oneri chori satisfacit, qui suos versus alta voce canit, & alios qui ab alia parte canuntur, submissa voce recitat. Item satisfacit præcepto, qui suos versus alta voce recitat, & aliquem ab alia parte canentem audit, licet omnes audire nequeat. *ibid. num. 8. & 9.*

47. Dum

47. Dum plures duobus officium simul recitant, alternatim recitandum est facto inter recitantes solum duplici choro, siue plures sint ex vna parte, siue pauciores.

Satisfacit præcepto qui non recitat, sed attentè audit responsoria, lectiones, &c. Item satisfaciunt clerici audientes versiculos, qui per organum canuntur, seruata tamen Ecclesiæ consuetudine. *tom. I. fol. 752. num. 10. & seqq.*

48. Deferentes ex officio, vel libros, vel candelabra, &c. satisfaciunt quidem assistentiæ & obligationi chori, consequenter possunt distributiones accipere, non verò satisfaciunt simpliciter obligationi diuini officij, nisi illud postea priuatim recitent, vel saltem nisi attendant ad ea quæ interim recitantur. *ibid. num. 13.*

49. Canonicus qui domi priuatim recitat officium, vt in choro suam præstet operam in seruitiis Ecclesiæ & chori, percipere potest distributiones, modò ita ferat consuetudo, vel priuilegium. *ibid. num. 14.*

50. Qui choro interest, auditque tantummodo socios canentes, non satisfacit obligationi. Item qui socios canentes suam partem audit, sed ipse suos versus submissa voce recitat, satisfacit obligationi diuini officij, non autem debito chori seruitio. Recitans submissa voce aliis canentibus distributiones percipere non potest. Hoc tamen intelligendum est de illis qui per se ipsos canere, non autem de illis qui officium per mansionarios canere possunt. Tenentur præfati Canonici attendere, & in defectum mansionariorum publicè recitare. *ibid. num. 15. & seqq. item fol. 753. n. 18. & 19.*

51. Qui recitat suam partem, sed alteram quam
alter

alter chorus profert, percipere non potest, quamuis attendat, non satisfacit oneri diuini officij recitandi, licet à debito chori excusetur, & recitato priuatim officio distributiones percipere possit. Item recitans officium cum aliis, tenetur illos audire, nec potest recitationem præuenire, vt postea liberè euagari possit. *ibid. n. 20. & 21.*

52. In recitatione diuini officij mos & consuetudo seruanda est: hæc enim est Ecclesiasticæ obligationis interpres, & legem inducere potest.

Recitans cum aliis non debet esse sollicitus in ea parte tunc temporis reperenda, quæ ab aliis prætermittitur, quia materia leuis est, & ob sollicitudinem illius repetendæ facilè fieri potest vt nouus error committatur.

Recitans diuinum officium priuatim, non tenetur se ipsum audire, contra nonnullos contrarium sentientes, qui verò cum alio recitat, ita recitare tenetur, vt ab alio audiatur. *tom. 1. fol. 754. num. 22. & seq.*

53. Vt officium studiosè reciterur, non solum persoluendum est sine diminutione verborum & cōcissione litterarum & syllabarum, verum etiam sine interruptione, quæ in partibus vnius & eiusdem horæ contingit, vt si quis inchoato Matutino vsque ad Lectiones vocetur ab amico ad ludum, ad negotia, &c.

Hæc interruptio diuini officij non caret culpa veniali, si absque iusta causa contingat; est enim contra vnitatem moralem vniuscuiusque horæ, habetque adiunctam quandam indecentiam. *ibid. num. 26. & fol. 755. n. 30.*

54. Interrumpēs officium animo repetendi iam recitata, satisfacit præcepto, etiam si postea eadem non repetat, sed reliqua solum absoluat:
sicut

sicut & Missam audiens in die festo animo non satisfaciendi præcepto Ecclesiæ adhuc satisfacit, quia Ecclesia præcipit simpliciter Missam audiri. *ibid. num. 31. & fol. 756. n. 32.*

55. Vouens se iterum officium recitaturum dum illud recitaret, non tenetur ad restitutionem fructuum, si officium postea non recitet, quia non ex præcepto Ecclesiæ, sed ex voto tenebatur iterum recitare. *ibid. n. 33.*

56. Vt officium deuotè recitetur, non solum requiritur intentio illius recitandi saltem implicita & virtualis, sed requiritur adhuc attentio, siue illa sit ad verba, siue ad sensum verborum, siue ad Deum, vel ad Christi passionem, vel ad aliam rem piam cum intentione laudandi Deum, vel ad rem quam petimus, vel ad Sanctos ad quos orationem dirigimus, & hæc conditio necessaria est vt præceptum impleatur. Idem dicendum est de aliis orationibus ad quas recitendas tenemur ex voto, vel ex pœnitentia à Confessario iniuncta, vel alia ratione: quamobrem recitans coronam ex deuotione tenetur attendere; secus si eam recitet recreationis vel memoriæ causa. Item recitans absque attentione orationes ex præcepto vel aliter debitas, v.g. confabulando, vel dormiendo, grauiter peccat posita grauitate materiæ, vel nisi habeat intentionem formalem, aut virtuales repetendi. *tom. 1. fol. 757. num. 3. & seq.*

57. Recitans horas Canonicas sine attentione, non percipit distributiones; & qui differt recitationem horarum Canonicarum, v.g. Completorij vsque ad tempus quo somno præoccupabitur, grauiter peccat. *tom. 1. fol. 758. num. 10. & 11.*

58. Satis

504 *Officium diuinum.*

58. Satisfacit præcepto, qui dum horas Canonicas recitat, detinetur in aliqua re externa non impossibili cum attentione. (Idem valet in eo qui inaduertenter detinetur in aliqua actione impossibili cum attentione,) propterea possumus eodem tempore satisfacere præcepto Missæ, & horarum Canonicarum. *ibid. num. 12. & seqq.*

59. Ad recitandum officium sufficit attentio tacita & implicita; virtualis, non verò habitualis: actualis autem non est necessaria. Attentio includitur in intentione orandi, vnde intendens in genere officium modo consueto recitare, sufficientem habet attentionem, sicut & intendens Deum laudare, vel muneri suo satisfacere sufficientem habet intentionem, isque præcepto satisfacit qui recitat officium cum proposito faciendi opus consuetum. Denique accedens ad Ecclesiam de more, ibique recitans officium, sufficientem habere videtur intentionem ad recitandum officium, & attendendi ad illud, quamuis postea recitet inuoluntarie distractus. *ibid. n. 15. & fol. 759. n. 17. 19. & seq.*

Quo tempore recitande sint hora Canonica.

60. Tempus recitandi diuinum officium (quod singulis diebus recitandum est iure Ecclesiastico,) incipit à media nocte antecedentis diei, & perseverat vsque ad mediam noctem sequentis inclusiue, propterea ille non satisfacit præcepto qui pridie recitat officium pro sequenti die, excepta tamen recitatione Matutini officij, quæ permixta est post Vesperas antecedentis diei: & qui intra huius temporis interuallum, nimirum à
media

media nocte, &c. priuatim recitat officium, satisfacit præcepto, quamuis peccet venialiter inuertendo notabiliter tempus horarum absque iusta causa; iusta autem causa videtur esse maior deuotio, vel periculum probabile superuenturæ occupationis. Aduerte tamen cum qui diuinum officium intra hoc tempus recitauit differendo aut recitando ante horam præscriptam, non teneri repetere, vt si Vesperas, v.g. recitauit mane. *tom. 1. fol. 760. num. 1. & seq.* Item

61. Recitantes officium in choro extra horas præscriptas, præciso scandalo, aliâve circumstantia, satisfaciunt præcepto quoad substantiam, licet non satisfaciant obligationi quoad circumstantiam horæ, quæ pluris facienda est in oratione publica quàm in priuata, nisi habenda esset concio aut processio. *ibid. num. 7.*

62. Vt peccatum veniale vitetur, saltem in priuatâ recitatione, recitandum videtur officium diuinum hoc modo: videlicet Matutinum post occasum Solis diei præcedentis; vel post Vesperas eiusdem diei, vsque ad ortum Solis sequentis. Prima ante Solis ortum, vel paulò post. Tertia aliquantulum post ortum. Sexta paulò post. Nona prope prandium: Vesperæ & Completorium post prandium; vel hoc modo: Prima cum Tertia, Sexta, & Nona, simul duabus vel tribus horis post Solis ortum, &c. est enim moderata postpositio, vel anticipatio temporis. *tom. 1. fol. 761. num. 8. & seqq.*

63. Possunt excusari ab omni peccato, qui in Vesperis recitant Matutinum subsequenter diei, etiamsi Laudes differantur vsque in sequentem diem: imò & nocturna possunt separatim recitari iusta concernente causa. Idem valet in Ma-

Y

tutino

tutino iuxta ritum Ambrosianum. Cauendum tamen est ne Matutinum sequentis diei dicatur ante Matutinum præsentis diei absque iusta causa. *tom. 1. fol. 762. num. 11. & 12.*

64. Finito Matutino priuatim recitato seorsim à Laudibus, laudabile est dicere, *Benedicamus Domino*, & ea quæ in fine horarum recitari solent, nullum tamen extat ea de re præceptum. *ibid. num. 14.*

65. Matutinum pro ratione temporum, seu longitudinis & breuitatis diei aliquando recitari potest hora vigesima, vigesima prima, & aliquando vigesima secunda, id est, tribus horis post meridiem, aut duabus aut tribus horis ante Solis occasum. *ibid. n. 17.*

Ordo seruandus in recitatione horarum Canonicarum.

66. Qui ordinem horarum non seruat recitando, ex.gr. Primam ante Matutinum, aut Vesperas ante alias horas, peccat quidem venialiter dum hoc facit aduertenter & sine iusta causa, quia non obseruat consuetudinem & modum præcepti, non tamen peccat mortaliter, nec tenetur repetere; imò nec venialiter dum hoc facit ex iusta causa, vt dum inuitatur ab amico vel à Superiore ad recitandum Primam, cum ipse nondum recitauit Matutinum; nam potest tunc cum eo Primam recitare, & postea Matutinum. Item recitans Tertiam, si recorderetur se nondum recitasse Primam, potest Tertiam proseguire cum intentione recitandi postea Matutinum, vel Primam. *tom. 1. fol. 763. num. 2. & seq.*

67. Peccatum mortale non committitur, seclu-

so

so contemptu & scandalo , non solum dum peruertitur ordo horarum Canonicarum inter se, verum etiam dum peruertitur ordo eiusdem horæ , dicendo Psalmum ante Hymnum , aut vnum Psalmum ante alium ; imò si fiat ex iusta causa , excusatur ab omni peccato. *ibid. num. 5.*

Qui ex obliuione dixit officium de Sancto quod dicendum erat de feria , satisfacit repetendo omissa , quamuis non repetat illa , in quibus vtrumque officium conuenit. Item qui aliquem Psalmum, vel aliquam horam ex obliuione omisit, non tenetur recitare totum officium, vt Psalmum vel horam suo loco dicat , sed satisfacit supplendo omissum. Item qui inter recitandum aduertit se aliquid omisisse, potest proseguire vsque ad finem, & postea omissum recitare. *ibid. num. 6.*

Et seqq.

68. Qui in choro aliquid omisit culpabiliter vel inculpabiliter , non debet omissum repetere durante officio in choro : sed potius debet illud reseruare , post expletum officium , aut si pars illa parua sit , non debet ea curare. *ibid. num. 9.*

69. Qui recitans diuinum officium non amplius meminit an Psalmum antecedentem recitauerit , tenetur Psalmum repetere , nisi dubium practicè deponat. *tom. I. fol. 764. num. 10.*

60. Celebrans Missam nondum recitato Matutino , mortaliter non peccat : imò neque venialiter iusta concurrente causa ; quia quod iusta de causa fit, rationabiliter & prudenter fieri dicitur. *ibid. num. 11.*

*Quo loco recitanda sint hora Canonica,
& quo corporis habitu
& situ.*

71. Canonici cæterique choro deputati diuinum officium in Ecclesia iuxta institutionem beneficiorum & consuetudinem persolvere debent, nisi aliud cogat necessitas, consuetudo vel fundatoris institutio: qui verò ad chorum, seu ad officium in Ecclesia persoluendum deputati non sunt, diuinum officium vbique recitare possunt, modò non regitent in loco indecenti, aut vbi impediatur attentio, v.g. frequenti hominum conuentu, clamore, tumultu & strepitu profano. *tom. 1. fol. 764. num. 1. & fol. 765. num. 5. & 6.*

72. Consuetudine immemoriabili induci potest, vt Canonici qui habent tenues redditus, non teneantur singulis diebus choro interesse. *tom. 1. fol. 766. num. 14.*

73. In priuata oratione non committitur peccatum, per se loquendo, dum recitans officium sedet, dum standum, vel genuflectendum est; in publica tamen oratione facilius inueniri potest culpa stando vel sedendo dum genuflectendum est. *ibid. num. 1. & fol. 767. num. 2.*

74. Canonici cogi possunt ad recitandum officium in proprio stallò, & cum decenti habitu sub pœna amissionis distributionum. *ibid. num. 3.*

Fructus & effectus recitationis officij.

75. Vt officium nomine Ecclesiæ recitetur opus est vt verba proferantur cum intentione & attentione; atque vt recitans non sit euitandus:

vt autem officium nomine proprio celebratum profit ipsi recitanti quoad satisfactionem & meritum, vel etiam quoad satisfactionem aliis, opus est vt in statu gratiæ recitetur: cum oratio facta in peccato profit tantummodo si spectetur quatenus nomine Ecclesiæ offertur, Ecclesia supplet tunc defectum recitantis; & licet oratio peccatoris non sit meritoria de condigno, neque satisfactoria, tamen est impetratoria, quia Deus peccatores aliquando exaudit, & plurima bona confert, vt patet in Publicano. *tom. 1. fol. 767. n. 2. & 3. & fol. 768. n. 5.*

76. Recitatio diuini officij quoad fructum infinita est extensiuè, prodèstque omnibus fidelibus, si fiat ab eo qui ex Ecclesiæ præcepto vel consuetudine diuinum officium recitare debet: quod si diuinum officium ex mera recitantis voluntate recitetur tanquam à persona priuata, prodesse solum videtur ipsi recitanti, & iis quibus ipse officij fructum applicare intendit, instar aliarum precum quæ ex priuata deuotione funduntur. Dicendum ergo officium prodesse omnibus, si recitans, pro omnibus orare intendat, modò illi pro quibus orat, nondum sint in termino, vt sunt beati, sed illum assequi possint, vt sunt fideles viatores, quod facere non possunt damnati & reprobj. *tom. 1. fol. 770. num. 2. & seq.*

77. Recitatio diuini officij non prodest ex opere operato, sed operantis, quia non prodest ultra meritum Ecclesiæ cuius nomine offertur. *tom. 1. fol. 871. num. 11.*

*Prætermittens horas Canonicas quàm
grauiter delinquat, & ad
quid teneatur.*

78. Qui ad horas Canonicas recitandas tene-
tur, mortaliter peccat eas non recitando, aut
omittendo partem illarum notabilem, v. g. ho-
ram paruum, non verò tertiam partem, vel me-
dietatem horæ paruæ. *tom. 1. fol. 772. num. 1.*

79. Qui ratione ordinis sacri & beneficij diui-
num officium recitare tenetur, plura specie pec-
cata committit: vnum contra obligationem or-
dinibus adnexam, alterum contra obligationem
ex beneficio confurgentem: imò quilibet cleri-
cus adstrictus onere diuini officij committit
etiam peccatum contra specialem obedientiam:
ita vt pœnitens qui diuinum officium præter-
mittit teneatur in confessione titulos suæ obli-
gationis aperire; an videlicet teneretur officium
ratione beneficij & ordinis recitare. *ibid. num. 4.
& fol. 773. num. 5.*

80. Beneficiarius aut initiatus ordine sacro
prætermittens aliquo die horas Canonicas, non
tot numero peccata committit, quot sunt horæ
omissæ, præcis actibus voluntatis moraliter in-
interruptis. Dico præcis actibus voluntatis, &c.
nam omittens diuinum officium tot peccata
committit, quot sunt actus moraliter interrupti.
Ideò qui manè statuit non recitare diuinum of-
ficium, & postea sæpius in die repetit volunta-
tem non recitandi, toties peccat, quot sunt actus
peccaminosi voluntatis moraliter interrupti.
Quod si quis vno die diuinum officium omittat
absque repetitione & multiplicatione similium
actuum

actuum voluntatis, & absque oppositione ad varias virtutes, ex quibus ipse tenetur recitare horas, committer vnum tantummodo peccatum externum omissionis consummatum: vnde omit- tens diuinum officium, vel ipsius partem, tenetur in confessione exprimere partem quam omittit, & numerum actuum voluntatis moraliter inter- ruptorum, quibus quis decreuit diuinum officium omittere. *ibid. num. 6. & seq.*

81. Beneficarij habentes onus recitandi diui- num officium titulo beneficij, tenentur etiam ante sententiam iudicis ad restitutionem fru- ctuum pro rata omissionis officij, si elapsis sex mensibus post obtentam beneficij possessionem, officium culpabiliter non recitauerint, etiam si alio die pensum prætermisum supplere concen- tur, nisi fortè pars omissa leuis sit: secus dicen- dum de iis qui titulo patrimonij aut alia ratione ad diuinum officium recitandum nullum habentes beneficium obligantur; nam si diuinum of- ficiū prætermittant, nihil restituere tenentur. Idem dic de prætermittente diuinum officium inculpabiliter, ex gr. bona fide, vel ex obliuione, aut ex legitimo impedimento: nam hic ad nul- lam tenetur restitutionem. *tom. 1. fol. 775. num. 1. & seq.*

82. Qui pensum diuini officij alio die persol- uit, loco officij aliàs omitti iuxta probabiliorem sententiam, obligatur ad restitutionem. *ibid. n. 5.*

83. Confessarius non tenetur pœnitenti in sa- tisfactionem officij prætermisii æquiualentem officij recitationem iniungere, alioqui sequere- tur ei qui Missam die festo audire prætermisit iniungendam esse nouam Missæ auditionem. *tom. 1. fol. 776. num. 6.*

84. Beneficiarius qui diuinum officium prætermittit post sex menses beneficij adepti, tenetur ad fructuum restitutionem etiam ante iudicis sententiam pro rata officij omissi post illos sex primos menses, non verò ratione officij omissi intra primos sex menses; nisi fortè pars omissa levis sit, v.g. Psalmus, aut versiculus, &c.

Non solum qui totum & integrum officium, verum etiam qui partem illius notabilem prætermittit, tenetur ad restitutionem, etiam si parti omissæ modica fructuum quantitas respondeat; imò obligandus videtur ad restitutionem, qui paucos versiculos singulis horis omittit. Et qui sæpius partem notabilem omisit, tenetur ad restitutionem, etiam si singulis omissionibus modica fructuum quantitas respondeat. *ibid. n. 7. & seqq. item fol. 777. num. 13. & fol. 778. n. 14. & 15.*

85. Qui ad chorum inchoato officio accedit, non semper priuatur distributionibus. *tom. 1. fol. 777. num. 12.*

86. Habens plura beneficia tenetur ad restitutionem pro rata singulorum beneficiorum, quoties diuinum officium culpabiliter prætermittit. Similiter qui diuinum officium recitat sine attentione, tenetur ad restitutionem non solum fructuum, verum etiam distributionum. *ibid. num. 16. & 17.*

87. Recitans in peccato mortali, acquirit fructus. Idem dic de recitante in excommunicatione, quidquid dicant alij Doctores. *ibid. num. 18. & 19.*

88. Qui nondum finito officio choro egreditur, obligatur ad restitutionem fructuum, nisi priuatim suppleat, aut habeat intentionem supplendi. *ibid. num. 20.*

89. Pensionarius qui tanquam clericus recipit fructus, & paruum beatissimæ Virginis officium omittit, tenetur ad restitutionem eo modo quo tenetur beneficiarius. *ibid. num. 21.*

90. Omittens diuinum officium priuari potest beneficio, si elapsis sex mensibus adhuc officium post admonitionem recitare negligat. Ita Concil. Lateranense sub Leone X. *tom. 1. fol. 779. num. 23.*

91. Restitutio fructuum ob omissionem diuini officij, facienda est eo pacto, quo à iure præscribitur, quo autem pacto præscripta sit, constat ex constitutione Pij V. videtur tamen hæc Pij V. constitutio posse moderationem aliquam recipere, ita vt beneficiarius omittens diuinum officium, non teneatur ad restitutionem omnium omnino fructuum, sed solum respondentium oneri diuini officij, v.g. Parochus aut Episcopus debet restituere tertiam vel quartam partem fructuum. *ibid. num. 1. & 2. & fol. 780. n. 3.*

92. Restitutio fructuum ob officij omissionem facienda est fabricæ beneficij, vel pauperibus; neque necessariò facienda est in vtilitatem Ecclesiæ beneficij, sed fieri potest in meliorandis agris, non tamen in fabricis aliarum Ecclesiarum, vel locorum piorum, nisi fortè ista restitutio in pauperes, etiam alterius loci, redundet. Item fieri potest in celebrandis Missis, vel in aliis suffragiis offerendis pro defunctis, cum & ipsi sint indigentes. *ibid. num. 1. & seq.*

93. Pensionarius eo pacto tenetur ad restitutionem quo beneficiarius; & beneficiarius qui nouit pensionarium non recitasse diuinum officium, non potest sibi pensionis fructus respondentes omissioni diuini officij retinere, cum de-

beantur fabricæ Ecclesiæ, vel pauperibus; imò beneficiarius qui nouit pensionarium excommunicatum, pensionem temporis excommunicationis respondentem retinere non potest; quamquam si beneficiarius sit pauper, possit sibi fructus restitutioni obnoxios titulo paupertatis retinere; modò contrarium non constet de voluntate Summi Pontificis, aut modò fructus certæ personæ non debeantur. *rom. 1. fol. 781. n. 5. & seq. 94.* Beneficiarius qui diuinum officium non recitauit, potest facta fructuum restitutione retinere sibi fructus, cum iterum sibi titulo donationis traduntur ab eo cui facta fuerat restitutio. Similiter distributiones quæ Canonicis interessentibus accreuerunt, illisque traditæ sunt ob alterius absentiam iure communi retineri possunt, si ab iisdem titulo donationis sine fraude, seu collusionem absentis restituantur. *ibid. num. 10. & fol. 782. num. 11.*

Causæ excusantes à recitatione horarum.

95. Infirmitas grauis, ob quam pronuntiatio verborum valde noceret valetudini corporis, excusat à recitatione diuini officij. Quando dubitatur an infirmitas grauis sit aut leuis, standum est iudicio Medici, qui si dubitet an infirmitas grauis sit aut leuis, non est obligatio recitandi officium. *rom. 1. fol. 782. num. 1. 4. & 5.*

96. Infirmus transacta infirmitate non tenetur officium omissum repetere. *ibid. num. 6.*

97. Qui per se ipsum diuinum officium recitare nequit, non tenetur per alium; neque tenetur alias orationes substituere, aut alium recitantem audire. *rom. 1. fol. 783. num. 7. & 8.*

98. Pere

98. Peregrinatio ad loca pia non eximit à priuata officij recitatione, etiam si peregrinus alium in sui locum substituerit; nam onus diuini officij est personale. *ibid. n. 9.*

99. Facilius quis potest ab assistentia in choro quàm à priuata recitatione excusari. *tom. 1. fol. 782. num. 3.*

100. Grauis occupatio, honesta & necessaria, quæ in aliud tempus commodè differri non possit absque scandalo, vel peccato, vel detrimento sui vel proximi, (hoc titulo aliquando excusantur Concionatores, vel Confessarij,) excusat ab onere diuini officij : tenetur tamen graui occupatione detentus diuinum officium anticipatè persolvere, quoties occupatio anticipatam recitationem permittit. Et beneficiarius aliùsve diuini officij onere detentus, non potest sine iusta & rationabili causa voluntariè suscipere negotium cum officij recitatione impossibile; modò non adsit grauis aliqua necessitas, seu modò actio suscepta, non putetur hîc & nunc maius bonum. *tom. 1. fol. 783. num. 1. & seq.*

101. Impotentia (qualis est carentia inculpabilis Breuiarij, aut impotentia loquendi,) excusat à recitatione diuini officij, seruatis impotentiae terminis & limitibus : propterea cæcus aliùsve simili defectu obstrictus diuinum officium recitare non tenetur, dum ob cæcitatem officium recitare nequit. Idem aliqui censent, etiam si aliquam partem recitare valeat, non verò totum officium, aut integram horam: sed contrarium probabilius videtur. *tom. 1. fol. 784. n. 4. & seq. item fol. 785. n. 11.*

102. Qui diuinum officium sine ope socij recitare non potest, tenetur illum adhibere, modò

commode adhibere possit, & non sit surdus : imò beneficiarius debet illum pecunia conducere, dum illius opera gratis non conceditur ; & reditus sufficientes habet. *rom. 1. fol. 784. n. 8.*

103. Qui choro interesse debet, & potest, tenetur interesse, etiam si surdaster sit. Item cæcus choro deputatus satisfaciet muneri chori, recitando partem quam memoria tenet, & quam cum aliis recitare potest. Præterea cæcus qui defectu memoriæ nihil discere potest, tenetur audire socium omnia dicentem, & cum eo dicere versus ad se pertinentes, si commodè potest. *rom. 1. fol. 758. num. 12. & seq.*

104. Infans, cui facta fuit beneficii, aut sacrorum ordinum collatio ante rationis usum, non tenetur ad horas Canonicas ; imò neque in adolescentia, nisi ordinis susceptionem ratificauerit, postquam ad rationis usum peruenit. *ibid. num. 16.*

105. Dispensatio Summi Pontificis etiam concessa sine causa, carentia fructuum ; quando scilicet beneficiarius non percipit, nec percepturus est fructus beneficii per se, aut per alium : ignorantia probabilis legis, naturalis obliuio, seu inaduertentia, excusant omissionem diuini officii. Addi posset etiam pro causa excusante, metus grauis incommodi. *rom. 1. fol. 786. num. 1. 3. 6. & 8. item fol. 787. n. 9. & 12.*

106. Qui ordinem sacrum vel beneficium habet, tenetur ea parare quæ ad officium recitandum necessaria sunt, alioquin peccat exponens se periculo faciendi contra proprium officium. *ibid. num. 10.*

107. Dubitans an Psalmum, Antiphonam, vel quid simile recitauerit, non tenetur iterum recitare,

tare, quia via infinitis scrupulis aperiretur, & semel repetita sæpius repeterentur. *ibid. n. 12.*

*An extet obligatio recitandi officium
in choro.*

108. Clerici Ecclesiarum Cathedralium & Collegiatarum obligantur ad officium in choro singulis diebus persoluendum, nisi aliud ferat consuetudo vel Ecclesiæ institutio: fieri enim potest, vt ex beneficiorum institutione Canonici non teneantur singulis diebus interesse. Idem valet in casu necessitatis. *tom. 1. f. 788. n. 2. 3. & 6.*

109. Clerici Ecclesiarum non Collegiatarum, absolutè loquendo, non tenentur officium in choro canere, licet canere possint, quia de his non extat in iure obligatio. *ibid. num. 7.*

110. Religiosi choro deputati, tenentur quoque officium iuxta proprias religionis suæ regulas & institutiones in choro canere: strictius tamen tenentur beneficiarij ad officium in choro celebrandum quàm religiosi, quia beneficiarij tenentur ex officio, consequenter ex iustitia, quæ ex suo genere obligat sub mortali, religiosi verò tenentur solù ex vi regulæ. *tom. 1. f. 789. n. 9. & 10.*

111. Quæsitum fuit ab eximio D. Bonacina an liceret in Ecclesia S. Mariæ trans Tiberim Canonicis singulis annis ea die, qua miraculosa quædam beatissimæ Virginis imago manifestata fuit, recitare integrum beatissimæ Virginis officium, acceptis lectionibus ex aliis officiis, quæ aliàs in anno celebrari consueuerunt? Et respondit præfatus dominus Doctor licere. *ibid. n. 12.*

112. Qui ultra tempus à Concilio permissum à choro notabiliter absunt, mortaliter per se loquuntur.

quando, peccant; cum faciant contra iustitiam, id est, contra proprium officium: excusari tamen possunt si absint iusta de causa. Similiter peccat per se grauiter, qui abest frequenter à Capitulis, seu legitimis Congregationibus capitularibus; nisi etiam legitima de causa absit. Canonicus vocatus ad Capitulum tempore diuinorum, debet potius diuinis interesse, nisi aliud cogat necessitas. *tom. 1. fol. 790. num. 1. & seq.*

113. Licitus est cantus, & vsus instrumentorum musicorum non solum in publica, verum etiam in priuata officij recitatione; præciso tamen scandalo, aliisque circumstantiis extrinsecis. *tom. 1. fol. 792. num. 1. & seq.*

114. Canonici alique choro deputati, tenentur diuinum officium canendo, & alta voce recitando persolvere, iuxta Ecclesiæ vsum & consuetudinem: quamquam legitima consuetudine præsertim immemorabili induci potest, vt quis per alium choro assistat, & munus chori obeat, maximè si iste alius sit eiusdem Ecclesiæ. *ibid. num. 5. & fol. 793. num. 1.*

115. Circa condiciones requisitas in eo, qui ad distributiones admitti cupit, vide verb. *Distributiones.*

Orare, Oratio.

Vide v. *Officium diuinum.*

1. Quælibet natura rationalis orare potest, quia oratio est quædam locutio, seu petitio quæ cum subiectione petitur à Superiore quod desideratur; & defectu huius subiectionis oratio actiua nulli personæ diuinæ conuenit, quia Deus Superiorem non agnoscit, à quo aliquid cum subiectione petere possit: conuenit tamen oratio Christo

Christo secundum humanam naturam considerato. Item conuenit Angelis, qui sunt naturæ rationales Superiorem habentes; & Sanctis in cælo existentibus, qui non solum pro nobis, verum etiam pro se ipsis orare possunt, petendo ea quæ pertinent ad beatitudinem ipsorum accidentalem, vt reuelationes aliquarum rerum quas ignorant, felicitatem suorum corporum, &c. Similiter viatoribus, vtpote naturis rationalibus, conueniens est oratio, etiam si peccatis obstricti sint, fieri enim potest vt media oratione exaudiantur & conuertantur: & etiam animabus in Purgatorio existentibus, quæ non solum possunt orare pro se ipsis petendo vt ab igne liberentur; sed etiam pro viatoribus, quia in statu gratiæ existunt, & fieri potest vt intuitu petitionis ipsarum Deus viatoribus bona conferat: singuli fideles postquam ad rationis vsum peruenerunt, tenentur ad orationem iure diuino & naturali, & etiam ex præcepto religionis, aut aliarum virtutum, aliquoties in vita, v.g. in articulo mortis, & quando tentationes ingruunt cum periculo succumbendi. *tem. 1. fol. 729. & seqq.*

Ordo.

Vide v. *Sacramentum, Clericus, Matrimonium.*

1. Ordo est sacramentum quo specialis potestas traditur ad conficiendum corpus & sanguinem Christi. Ordines sunt septem: Ostiariatus, Lectoratus, Exorcistatus, Acolytatus, Subdiacnatus, Diaconatus, & Presbyteratus. De Episcopatu, an sit ordo, grauis est difficultas inter Doctores; dicendum videtur non esse ordinem propriè distinctum à Sacerdotio; & hinc sequitur Episcopatum non posse validè conferri alicui non

Sacer

Sacerdoti, vel infanti : cum Episcopatus non sit ordo distinctus ab ordine sacerdotali : sed illum extendat & supponat. Similiter Archiepiscopatus & Papatus non sunt propriè ordines ; neque prima tonsura, per illam enim non datur aliqua potestas specialis ad conficiendam Eucharistiam, sed est tantum dispositio ad ordines. *tom. 1. fol. 316. num. 1. & seq.*

2. Sacramentum ordinis fuit institutum in ultima cœna Luc. 22. *Hæc facite in meam commemorationem. tom. 1. fol. 317. num. 7.*

3. Non solum ordo sacerdotalis, verum etiam alij singuli sunt sacramenta. Ita Trident. *sess. 23. cap. 3. ibid. num. 2.*

4. Materia remota sacramenti ordinis est res illa quæ traditur suscipienti ordines, scilicet calix cum vino, & patena cum hostia: materia proxima est traditio materiæ remotæ. Valide tamen confertur ordo sacerdotalis, si ex obliuione tradatur vas cum vna tantum specie.

| | | | | | |
|---------|---|----------------|---|-----|---|
| Materia | { | Diaconatus, | } | est | Liber Euangeliorum. |
| | | Subdiaconatus, | | | Calix vacuus cum patena. |
| | | Acolytatus, | | | Traditio vrcolorum. |
| | | Exorcistatus, | | | Liber exorcismorum. |
| | | Lectoratus, | | | Liber lectionum. |
| | | Ostiariatus, | | | Cymbalum & claus. |
| | | Episcopatus, | | | Impositio manuum. <i>tom. 1. fol. 318. n. 1. & seq.</i> |
| | | | | | §. Con |

5. Contractus materiæ ita est de essentia, ut non censeatur ordinatus, qui materiam realiter & physicè non contigit, ut fit in Baptismo, &c. Non est tamen necesse tangere materiam, dum verba proferuntur simultate mathematica, sed morali. *tom. 1. fol. 319. num. 11. & 12.*

6. Forma sacramenti ordinis sunt verba quæ ab Episcopo proferuntur imperatiuo modo cum expressione potestatis, quæ confertur: hæc forma substantialiter variari nequit. *ibid. num. 13. & 14.*

7. Forma sacramenti ordinis adhibetur imperatiuo modo, quia per illam constituitur minister & persona publica. *ibid. num. 15.*

8. Episcopus proferens formam, debet etiam exhibere materiam tangendam. *ibid. num. 16.*

9. Valet ordinatio, quando plures initiantur ordine sacerdotali, & Episcopus prolata semel vnica forma in plurali, præbet materiam pluribus successiue tangendam, quia materia & forma censentur esse simul moraliter. *tom. 1. fol. 320. num. 17.*

Ordinis minister.

11. Ordinarius minister sacramenti ordinis est proprius Episcopus, possunt tamen ordines, saltem minores, conferri ab aliis ex facultate Summi Pontificis; modò ij sint Sacerdotes: nullus enim, licet Episcopus, non Sacerdos, potest validè ordines conferre. *tom. 1. fol. 320. num. 1. & fol. 321. num. 3. & 5.*

12. Episcopus non potest subditis alterius sine licentia proprii Episcopi ordines conferre. Per proprium Episcopum intellige Episcopum originis, vel domicilij, vel beneficij. *ibid. n. 7. & 8.*

13. Epi

13. Episcopus domicilij est Episcopus loci, in quo quis habitat actu, & animo manendi; vt excludantur scholares, milites & alij qui in ciuitatibus habitant, sed non animo manendi. *ibid. n. 9.*

& 10.

14. — Episcopus originis est Episcopus loci, in cuius diœcesi natus est non fortuito is, qui ordinandus est, & in quo parentes habent domicilium. *ibid. num. 13.*

15. Episcopus beneficij est Episcopus loci in quo quis habet beneficium, præsertim residentiale, quamuis tenue, licet fortè non resideat ex dispensatione. *ibid. num. 14.*

16. Obserua tamen, Episcopum ordinarium, & non Titularem, posse ex priuilegio Tridentini *sess. 23. cap. 9.* conferre omnes ordines suo familiari non subdito, qui per triennium commoratus sit cum Episcopo; ad titulum patrimonij, vel pensionis; etiamsi triennium inceperit antequam esset Episcopus. Limita tamen hanc doctrinam, modò adstiterit præsens ipsi Episcopo circa ipsius obsequia; nam Episcopus non potest ritè nosse mores absentis. *ibid. num. 15. & fol. 322. num. 16. & seqq.*

17. Episcopus non solum potest per seipsum ordines conferre, verum etiam potest facultatem conferendi alteri Episcopo concedere concedendo litteras commendatitias & dimissorias, quæ non extinguuntur morte concedentis. *ibid. num. 21. & 22.*

18. Capitulum potest Sede vacante litteras dimissorias concedere in duobus casibus, quando Episcopatus vacauit per annum, & quando quis est arctatus, v. g. perderet beneficium receptum vel recipiendum, si tunc temporis non promoveretur

ueretur ad ordines. Et licet Capitulum extra hos casus nequeat concedere dimissorias, potest tamen dare testimoniales. *ibid.num.23. & 25.*

19. Accipiens ordines ab alieno Episcopo absque Summi Pontificis auctoritate, aut dimissoriis sui ordinarij, incurrit pœnam suspensionis, & ordinatio est irrita quoad executionem: quæ suspensio potest ab Episcopo auferri ex Trident. *sess.24.cap.6.* Et hæc suspensio extenditur etiam ad conferentem & recipientem primam tonsuram. *ibid.num.26. & 27.*

20. Obtinens à Summo Pontifice priuilegium, quo possit à quolibet Episcopo ordinari, non indiget nouis litteris dimissoriis, sed testimonialibus proprij ordinarij de vita & moribus. *ib.n.28.*

21. Episcopus qui in aliena diœcesi cum licentia confert ordines, potest ordinare tantum suos subditos, & subditos illius diœceseos in qua confert ordines. Limita, nisi ordines habentes litteras dimissorias cuiuscumque sint diœcesis. *tom.1. fol.323.num.29.*

22. Episcopus qui confert primam tonsuram alieno subdito sine licentia sui ordinarij, incurrit suspensionem. Item & qui furtiuè suscipit ordines. *ibid.num.30. & 31.*

23. Excommunicatio ab Episcopo lata in accedentes furtiuè contra ipsius prohibitionem ad ordines, non solum cadit in subditos ipsius Episcopi, verum etiam in exemptos: nam ordinandi quatenus ordinandi, videntur ordinario subditi. *ibid.num.32. & 33.*

24. Episcopus examini subiicere non tenetur ordinandum, qui ad ipsum accedit cum dimissoriis, modò sciat ipsum non esse indignum ut promoueatur. *ibid,num.34.*

Ordinis

Ordinis subiectum.

25. Omnis masculus baptizatus est subiectum capax ordinis, quamvis sit infans carens usu rationis, aut insanus, aut hæreticus. *tom. 1. fol. 324. num. 1.*

26. Initiatus ordine sacro antequam ad rationis usum peruenerit, non tenetur vi voti ad seruandam captiuitatem, postquam peruenerit ad usum rationis, nisi tunc votum ratificauerit. *ibid. num. 2.*

27. Pueris usu rationis carentibus validè conferri possunt ordines, etiamsi illos numquam expetierint: illis verò qui post usum rationis inciderunt in amentiam, nec prius expetierunt, non item. *ibid. num. 3.*

28. Episcopatus videtur validè conferri posse ante rationis usum. *ibid. num. 4.*

29. Fœminæ ordinari non possunt, sicut nec hermaphroditus, nisi præualeat sexus virilis. *tom. 1. fol. 325. num. 5. & 6.*

30. Ad validam ordinum susceptionem diuersæ conditiones requiruntur. Primò vt suscipiens sit baptizatus. Secundò vt sit confirmatus, vt patet ex Trident. *sess. 23.* quamquam validè, sed non licitè conferri possit sacramentum ordinis non confirmato. Tertiò vt suscepturus ordines, initiatus sit prima tonsura, valida tamen est ordinatio ante primam tonsuram. Quartò vt sit in legitima ætate, id est, sit saltem septem annorum completorum ad primam tonsuram & minores ordines: ad Subdiaconatum viginti duorum inchoatorum; ad Diaconatum viginti trium inchoatorum, ad Presbyteratum viginti quinque,
etiamsi

etiam si per medium tantum diem inchoati sint. Initiati ordine sacro mala fide ante legitimam ætatem, afficiuntur suspensione, donec absoluantur. Dies bissextilis computandus est pro ætate legitima, quam iura in promouendis ad ordines requirunt. Quintò ut ordinandus habeat scientiam sufficientem ad vsum vniuscuiusque ordinis. Sextò testimonia morum. Septimo titulum sufficientem: nam recipiens sacros ordines absque vlllo titulo, suspenditur ab executione ordinum, ex *cap. neminem, dist. 70*. Idem dicendum de ordinato cum pacto non petendi sustentationem, vel quid aliud ab ordinante vel præsentante; aut ficto patrimonio. *ibid. num. 7. & seq.*

31. Subdiaconus ordinatus sine titulo, & ob-
tenta suspensionis absolutione, iterum incurrit
suspensionem, si ad Diaconatum, vel Sacerdo-
tium sine nouo titulo promoueatur. *tom. 1. fol.*
327. num. 22.

32. Ordinatus sine titulo, duplicem incurrit
suspensionem, si ficto titulo litteras dimissorias
obtinuit, incurritque irregularitatem exercendo
functiones ordinis antequam absoluitur. *ibid.*
num. 23. & 24.

33. Ordinatus cum vero patrimonio, non in-
currit suspensionem, si suscepto sacro ordine pa-
trimonium retrodonet & renunciât: hic enim
non dicitur suscipere ordines sine titulo, cum illa
renunciatio & retrodonatio irrita sit, ex Trident.
sess. 21. cap. 2. ibid. num. 25.

34. Ordines suscipiens assignato sibi patrimo-
nio cum pacto restituendi patrimonium donata-
rio, seu non petendi quidquam, aut non fruendi
bonis donatis, non videtur affici suspensione,
modò non restituat ante ordinationem, & non
inierit

inierit hoc pacto cum ordinante, vel præsente ante ad ordines. *tom. 1. fol. 328. num. 26.*

35. Ordines minores suscipiens sine titulo non ligatur suspensione : sicuti nec is qui ordinatus est ad titulum patrimonij, vel pensionis. *ibid. num. 17. & 28.*

36. Ordinatus ad titulum beneficij quod actu non possidet, sed solum in potentia, incurrit suspensionem : secus probabiliter dici posse videtur de eo, qui beneficij collationem obtinuit; sed eius possessionem nondum cepit. *ibid. num. 29.*

37. Coadiutor cum futura successione, incurrit suspensionem suscipiendo sacros ordines absque alio titulo. *ibid. num. 30.*

38. Titulus ad quem aliquis ordinari potest, triplex est : videlicet beneficij Ecclesiastici, patrimonij seu pensionis, & professionis in religione. *Patrimonij* nomine intellige tam bona immobilia propria arte, vel hæreditate, quàm donatione acquisita, modò donatio sit vera, & non ficta. *ibid. num. 31. & fol. 329. num. 32.*

39. Patrimonium alicui assignans hoc pacto, ut ordinatus illud restituat adepto beneficio, non videtur grauer peccare; ad id tamen requiritur consensus Episcopi. *ibid. num. 33.*

40. Ordinatus ad titulum patrimonij, ligatur suspensione, si are alieno ita grauiatus sit, ut solutis debitis non remaneant illi bona ad titulum sufficientia, & patrimonium ad cuius titulum promouetur, hypothecæ subiectum sit pro debito; sic enim non habet legitimum titulum. *ibid. num. 34.*

41. Ordines suscipi non possunt ad titulum cuiuslibet beneficij pensionis, vel patrimonij; sed requiritur sufficiens ad sustentationem. *ibid. n. 37.*

42. Ordi

42. Ordines suscipi non possunt sub titulo doctoratus, litteraturæ, vel alicuius gradus; ut patet ex supra dictis. *ibid.* n. 36.

43. Ordines suscipi possunt ad titulum conflatum ex beneficio & patrimonio simul, quando alterum eorum non est sufficiens ad sustentationem. *tom. 1. fol. 330. n. 39.*

44. Titulus ad quem aliquis ordinatur, perpetuus esse debet; neque alienari potest absque licentia Episcopi, etiam obtento beneficio. *ibid.* num. 40. & 41.

45. Vicaria temporalis, aut beneficium manuale, non est sufficiens titulus ad quem aliquis promoueri possit. *ibid.* num. 42.

46. Ordinans religiosum nondum professum vel alienum absque titulo, suspenditur per annum à collatione talis ordinis. *ibid.* num. 43.

47. Episcopus non tenetur eum alere, quem sine titulo ad sacros ordines promouit; si ordinatus patrimonium habeat quo se valeat sustentare: secus dicendum si eum ordinauit sub titulo beneficii quod ei mala fide contulerat, & beneficium postea euictum fuit. *ibid.* num. 44. & 45.

48. Ordinatus sine titulo de licentia proprii Episcopi, alendus est ab eo qui licentiam dedit promouendi eum in particulari, & mortuo Episcopo ordinante, alendus est à successore. *ibid.* num. 46. & 47.

49. Absolutio suspensionis contractæ suscipiendo ordines absque titulo, impendi potest ab Episcopo, si ordinatus non fecerit pactum cum ordinante vel præsentante non petendi quidquam: nam tunc absolutio conferenda est à Papa, nisi fortè delictum esset occultum: nam in occulto dispensat Episcopus post Tridentinum

sess. 24.

sess. 24. cap. 6. de reformat. tom. 1. fol. 331. num. 1.

50. Confessarius generalem habens facultatem absoluendi à censuris, validè potest absolvere à suspensione contracta ob defectum tituli, vel ob malam ordinum susceptionem. *ibid. num. 49.*

51. Interstitia in ordinibus seruanda sunt, id est annus computandus moraliter inter susceptionem cuiusque ordinis non solum maioris, verum etiam minoris, nisi aliter Episcopo expedire visum fuerit: qui dispensat etiam respectu religiosorum ob causam attestatione Superiorum sibi manifestatam. *ibid. n. 50. & seqq.*

52. Suscipiens ordines non seruatis interstitiis, nullam incurrit censuram, vel irregularitatem, cum non sit in iure expressa. *ibid. n. 53.*

53. Irregularis non potest ad ordines promoveri; (consequenter arcentur ab illis, spurii, carentes debita membrorum integritate, &c.) neque irretitus aliqua censura, praesertim excommunicatione. *ibid. num. 55. & 56.*

54. In adulto suscipiente ordines requiritur intentio: at in carentibus usu rationis sufficere videtur intentio Ecclesiae. *ibid. num. 57.*

55. Ordinatus per metum validè recipit ordines: nam cum inuoluntario mixtò subsistit intentio sufficiens: secus dicendum si recipiat ordines per vim absolutam. *tom. 1. fol. 332. num. 50. & 59.*

56. Debet praeterea is qui ordinatur, esse in gratia per confessionem, aut per contritionem. *ibid. num. 60.*

57. Sex vestibus indui debet Sacerdos qui ad sacram ordinationem accedit, aut Missae sacrum facit, alba videlicet, cingulo, amictu, manipulo, stola,

stola, & cafula, qui numerus est senarius, ad indicandam huius orbis creationem sex diebus factam; & redemptionem, quæ sexta ætate contingit. *ibid.* n. 61.

58. Prima tonsura conferri potest quolibet die, ut constat ex generali consuetudine Ecclesiæ: ordines verò conferendi sunt in Sabbatis quatuor Temporum, vel in Sabbato ante Dominicam Passionis, vel in Sabbato sancto tempore Missæ, ut dispensetur in interstitiis, requiritur Ecclesiæ utilitas & necessitas, non extraordinaria, aut publica. *tom. 1. fol. 333. num. 1. & 2.*

59. Effectus sacramenti ordinis est gratia habitualis, & character, ex Trident. *sess. 23. cap. 4. ibid. num. 3.*

Oscula, tactus, turpiloquium, & aspectus.

Vide v. *Matrimonium.*

1. Oscula & amplexus licitè fiunt, quando fiunt causa amicitiae secundum consuetudinem patriæ. Imò delectatio ex ipsis sequens non est illicita, modò non sit periculum consensus in motus sensualitatis inde consurgentes. Vnde qui osculatur consanguineam animo fruendi delectatione venerea, peccat mortaliter peccato incestus. Dicendum ergo oscula tactus & amplexus qui fiunt causa delectationis sensus quæ percipitur in ipsis, esse peccatum mortale, nisi fiant inter coniuges, in iis enim excusantur, modò non adsit periculum pollutionis extra vas. Similiter sunt illiciti si fiant inter eos qui non sunt sponsi. Imò illicitum est tangere propria pudenda cum venerea delectatione, aut cum periculo delectationis: secus dicendum si adsit iusta causa, ut v.g.

Z.

meden

medendi, nam tunc licitum est tangere non solum propria, sed & aliorum. *tom. 1. fol. 455. n. 1. & 2. & fol. 456. n. 3. & seq.*

2. Fœmina mortaliter peccat, quando adnectit se ab alio libidinosè tangi, & se non retrahit, vel non impedit contactum. *ibid. num. 10.*

3. Lenis tactus manuum, vel pedum fœminæ, aut vellicatio, aut digitorum intorsio non videtur facilè excusandus à peccato, cum hæc materia sit valde periculosa & lubrica. *tom. 1. fol. 457. num. 11.*

4. Aspectus fœminæ vel aliarum personarum ob curiositatem pulchritudinis, non est peccatum mortale, etiam si fiat propter delectationem, modò non adsit periculum luxuriæ. *ibid. num. 13.*

5. Cernere concubitus viri cum fœmina, etiam si fiat ex sola curiositate, est peccatum mortale. *ibid. num. 14.*

6. Circumstantia personæ, circa quam habita fuit delectatio moralis in aspiciendo, aperienda est in confessione; est enim eiusdem malitiæ cuius esset actus consummatus. *ibid. num. 16.*

7. Grauitèr peccat puella, quæ data opera se præbet conspiciendam adolescenti, à quo se credit turpiter concupiscendam. *ibid. n. 17.*

8. Turpiloquium si fiat animo oblectandi se rebus ipsis turpibus narratis & obiectis imaginationi, est peccatum mortale; & veniale tantum, si fiat absque alia prava intentione, & absque venereo affectu. *ibid. num. 18.*

9. Interesse comædiis turpia representantibus est peccatum mortale, si ex rebus turpibus narratis capiatur delectatio, aut imminet periculum delectationis. Et clerici assistentes comædiis secluso scandalo vel alio peccato, non peccant quidem.

Peccatum.

531

quidem mortaliter, est tamen illis prohibitum interesse, *cap. clerici 2. de vita & honestate cleric. ibid. num. 21. & fol. 458. n. 22.*

10. Componentes & repræsentantes comedias continentes res valde turpes & libidinosas, peccant mortaliter, quia dant causam ruinæ proximi, quamvis illam non intendant. *ibid. n. 23.*

11. Choreæ ex se non sunt illicitæ, nisi illicitæ reddantur ex aliqua circumstantia peccaminosa. *ibid. num. 24.*

12. Fucans faciem etiam absque rationabili causa, non peccat mortaliter, nisi hoc faciat ex fine moraliter malo. Idem dicendum de vrente alienis capillis, aut vestibus pretiosis, &c. *ibid. num. 26.*

P

Parentes.

Vide v. *Charitas, Decalogus.*

Parochus.

Vide v. *Residentia, Beneficiarius.*

Peccatum.

Vide v. *Contritio, Pœnitentia.*

Peccatum originale.

Datur peccatum originale, quod in ipsa humanæ carnis conceptione contrahimus, & cum quo in hanc lucem nascentes edimur, iuxta Psalm. 50. *In iniquitatibus conceptus sum.*

sum, & in delictis peperit me mater mea. Peccatum originale cum solo veniali, v. g. mendacio inueniri posse non implicat. *tom. 2. fol. 139. num. 1. & 2.*

2. Peccatum originale est priuatio iustitiæ & sanctitatis debitæ inesse singulis ex pacto facto à Deo cum Adamo; non est autem ipsamet animæ substantia: (alioqui Deus creans animam, crearet etiam peccatum originale,) neque concupiscentia; quia per Baptismum tollitur peccatum originale, & quidquid peccati rationem habet, per Baptismum autem non tollitur concupiscentia. *tom. 2. fol. 140. num. 4. 6. & 7.*

3. Peccatum originale veram peccati rationem habet. Nec refert quod non sit voluntarium in nobis voluntate propria, sed sufficit quod sit aliena, id est Adami, quatenus nos censemur consensisse in peccatum Adami cum Deo factum in nostrum commodum & vtilitatem de transmittenda in nos iustitia originali Adamo seruante pactum. *tom. 2. fol. 141. num. 10. & 11.*

4. Omnes homines siue sint fidelium, siue infidelium filij, peccatum originale contrahunt ex peccato Adami per seminalem generationem, nisi aliquis peculiari priuilegio ab hoc onere eximatur, vt de facto exempta fuit beatissima Virgo, quæ tamen debitum seu obligationem habuit contrahendi matrimonium originale, sed de facto præseruata fuit ne cum peccato originali conciperetur & nasceretur. *ibid. n. 1. & seqq. & fol. 142. n. 4.*

5. Posterius peccatum originale non contraxissent, Adamo pactum cum Deo initum non violante, etiamsi alia peccata commisisset. *tom. 2. fol. 142. num. 6.*

6. Non

6. Non contraxisset peccatum originale qui genitus vel seminatus, vel conceptus fuisset ante peccatum Adæ; & etiam nunc non contraheret is, qui de nouo miraculosè crearetur, aut ab Adamo non descenderet per seminalem generationem. *ibid.num.7. & fol.143. n.10.*

7. Traducitur peccatum originale ab Adamo quatenus vnio corporis cum anima rationali efficitur ab homine generante; quamuis anima suum esse habeat à Deo per creationem. *ibid.num.11.*

8. Pueri cum solo originali decedentes puniuntur pœna damni, id est, priuantur visione Dei: hinc disce quàm grauitè peccent parentes, aut alij qui pueros sine baptismo decedere permittunt, iurèque merito pœna excommunicationis afficiuntur, qui abortum fœtus præsertim animati procurant. *ibid.num.2. & seqq.*

9. Pueri cum solo originali decedentes, non sunt puniendi pœna sensus, id est, non sunt puniendi pœna qua damnati cruciantur in inferno, propter peccata actualia; sunt tamen adducendi in iudicium, vt reassumptis corporibus in tenebras destinentur ob peccatum originale. *tom.2. fol.144.num.7. & 8.*

10. Homines in hoc mundo patiuntur aliquas pœnas ob peccatum originale, scilicet ægritudines, rebellionem appetitus, & alias ingentes & innumeras misérias quas passi non fuissent si Adam non deliquisset, pactumque cum Deo initum non violasset. *ibid.num.9.*

Peccatum actuale & habituale.

11. Peccatum actuale materialiter vel à posteriori.

riori multipliciter definitur. Peccatum est dictum, vel factum, vel concupitum contra legem Dei æternam. Vel : Peccatum, præsertim mortale, est auersio à Deo, & conuersio ad creaturam. Vel : Peccatum est actus contra rectam naturam hominis, ut homo est. *ibid. num. 1. & fol. 145. n. 5.*
¶ 6.

12. Peccatum verò actuale formaliter & à priori hoc pacto definitur : Peccatum est priuatio debitæ rectitudinis ; consequenter ratio formalis peccati consistere videtur in priuatione debitæ rectitudinis. Ad clariorem huius propositionis intelligentiam aduerte duo considerari in peccato ; materiale, scilicet, & formale : materiale peccati commissionis est actus ; formale verò est priuatio rectitudinis debitæ illi actui, seu quæ tali actui inesse deberet. Similiter ratio formalis peccati omissionis consistit in priuatione actus debiti, ita ut omissio formaliter sit mala, quatenus debitam non habet rectitudinem. *rom. 2. fol. 146. n. 12. & seq.*

13. Peccatum habituale est quædam macula quam post se relinquit peccatum actuale. Hæc macula consistit in malitia actus præteriti perseverante per modum habitus, seu ut aliqui dicunt, in extrinseca denominatione ab actu præterito nondum retracto per poenitentiam ; & in priuatione gratiæ habitualis. *ibid. n. 1. & fol. 147. num. 2.*

14. Ad peccatum mortale requiritur plena & perfecta cogitatio, seu expressa aduerrentia malitiæ, vel periculi malitiæ, vel saltem expressa aliqua dubitatio, seu scrupulus peccati. Vnde non ieiunans aliquo die excusatur, si de ieiunio nihil cogitauit. Excusatur quoque proiciens faxum

faxum per fenestram, non aduertens ad periculum lœdendi, committiturque vnum tantummodo peccatum, si peccatum duplicem habeat malitiam, & peccator vnâ tantum aduertat. *tom. 2.*

fol. 148. num. 3. 5. 6. & 9.

15. Motus sensualitatis præuenientes vsum rationis non sunt peccata; propterea semidormientes & non plene aduerrentes ad malitiam, non mortaliter peccant, si pollutionem patiantur. Neque sufficit ad mortale vt aliquis potuerit simpliciter, vel debuerit malitiam considerare, sed requiritur expressa consideratio malitiæ, vel ipsius periculi, vel expressa dubitatio, seu suspicio aliqua malitiæ, vel periculi, alioquin inaduertentia, seu obliuio censetur inuincibilis & inculpabilis. *ibid. n. 10. & seq.*

16. Rarò aduertentia malitiæ deest in iis, quæ iure naturæ sunt prohibita, exceptis subitis quibusdam motibus, de quibus vide v. *Matrimonium* q. 4. *tom. 2. fol. 149. num. 13.*

17. Ad peccatum requiritur quidem consensus saltem virtualis, non verò necessarius est consensus directus & expressus. His adde leuem negligentiam admittentem in repellendis tentationibus, non mortaliter peccare. *ibid. num. 15. & seqq.*

18. Nullus actus deliberatus est in indiuiduo, seu in particulari indifferens, sed quilibet actus deliberatus in particulari bonus est vel malus: hinc sequitur verbum otiosum malum esse, & actum fricationis barbæ, aut subueniendi proximo ob vtilitatem, bonum. *tom. 2. fol. 150. num. 1. & seqq.*

19. Actus versans circa omissionem, cuius actus contrarius bonus est, est malus: actus au-

tem indeliberatus factus ratione non aduertente, est indifferens. *ibid. num. 4. & 5.*

20. Dantur aliqui actus qui secundum speciem nec boni nec mali sunt, at nullus in indiuiduo datur qui non sit bonus vel malus, si deliberatè fiat. *ibid. num. 6.*

21. Malitia peccati & iniuria ac offensa Dei quæ in peccato reperitur, non est intrinsecè infinita, alioqui sequeretur omnia peccata mortalia esse æqualia, cum vnum infinitum non sit maius alio: est tamen malitia peccati, seu iniuria & offensa in peccato infinita extrinsecè & terminatiuè; cum fiat personæ infinitæ, videlicet Deo. *ibid. num. 1. & fol. 151. n. 2. & 3.*

Peccatum mortale & veniale.

22. Peccatum veniale est leue erratum, & reddit homines dignos pœna solum temporali. Non dicitur veniale, eo quod sit contra consilium, mortale verò contra præceptum, neque quia sit præter legem, mortale verò quia sit contra legem; sed dici potest veniale quatenus non priuat gratia & charitate, quemadmodum peccatum mortale. *tom. 2. fol. 152. num. 1. & seq.*

23. Darsi potest peccatum mortale ex suo genere, quod defectu plenæ deliberationis, aut aduertentiæ, aut paruitatis materiæ, fiat veniale, ut est furtum vnus assis quod ex suo genere est mortale, posita materia sufficiente, & non mutata specie furti; tamen hic & nunc est veniale ratione paruitatis materiæ. *tom. 2. fol. 153. n. 4.*

24. Non datur in qualibet materia paruitas rei seu materiæ, ratione cuius peccatum quod alioquin fuisset mortale, efficitur veniale, ut videre est

est in ea materia in qua reperitur integra ratio iniuriæ & offensæ mortalis, qualis est materia simoniæ: nam si quis vendat rem spiritualem licet valde modicam & parvam, peccat mortaliter. Tunc autem semper aderit paruitas materiæ quando res non solum erit parua in se, sed etiam ratione circumstantiarum. *ibid. n. 11. & 12.*

25. Sicut peccatum mortale efficitur ex accidenti veniale, ita peccatum veniale fieri potest mortale ex his capitibus: ratione finis mortalis adiuncti; ob plenam aduertentiam posita materia notabili; ratione specialis contemptus in materia graui, aut specialis inobedientiæ: ratione proximi & moralis periculi incidendi in mortale; ratione conscientie erroneæ aut scandali, aut per additionem materiæ, quatenus peccatum quod ratione paruitatis materiæ esset tantummodo veniale, fit mortale addita maiori quantitate. Item peccatum veniale fit mortale, quando vltimum veniale continuatur cum materia præcedentium, & materiam notabilem complet; propterea ille ieiunium perfringit, qui sæpius exiguum quid eodem ieiunij die comedit, si ea quæ degustantur, efficiant materiam notabilem. *tom. 2. fol. 155. num. 2. 5. & 6. & fol. 157. num. 17. & seqq. & fol. 158. n. 27.*

26. Idem numero peccatum veniale, manens idem in genere moris, non potest fieri mortale, neque è contra. *tom. 2. fol. 157. num. 21.*

27. Contemptus in materia leui est peccatum veniale, quando non adest contemptus formalis Dei, aut legislatoris vt sic. Contemptus formalis explicandus est in confessione, quia nouam specie malitiam actui superaddit. *tom. 2. fol. 156. num. 15. & 16.*

*Distinctio specifica & numerica
peccatorum.*

18. Peccata non sunt inter se connexa, neque paria, vt patet. *rom. 2. fol. 159. num. 1. & 4.*

Peccatum consideratum secundum rationem specificam, si inferioris ordinis, non potest crescere & superare malitiam peccati superioris ordinis: sicut argentum quantumuis magna cum diligentia purgetur, nunquam perueniet ad perfectionem specificam auri, cum habeant essentiam diuersam. Vnde autem fiat vt peccatum ita crescere possit, vt grauius & deterius fiat, contingit ex sequentibus capitibus & circumstantiis: ex maiori affectu vel conatu; ex maiori scientia & cognitione peccati; ex conditione personæ peccantis, & in quam peccatur; ex maiori damno quod infertur, ex peiori fine, cum peccatum aliqua ratione specificetur à fine, ex ratione scandali & ruinæ alterius, denique ex his circumstantiis:

Quis, quid, ubi, quibus auxilijs, cur, quomodo, quando.

29. Aduerte vt circumstantia nouam addat actui malitiam, aliquando debere expressè intendi, aliquando non. Debet intendi quando substantia actus peccati, cui circumstantia communicat malitiam, non potest subsistere, nisi circumstantia intendatur: quando verò substantia actus subsistere potest circumstantia expressè non intenta, non est necesse circumstantiam intendere, sed peculiaris malitia contrahitur, quamuis circumstantia non intendatur. Ex quo sequitur habentem congressum cum alterius

VXORC

uxore committere adulterium, quamvis reiiciat circumstantiam *aliena uxoris*. Surripiens quoque rem sacram, sacrilegium committit, etiamsi expresse non intendat inferre iniuriam rei sacræ. *ibid. num. 8. & fol. 161. n. 9. & 10.*

30. Non sunt tot numero peccata, quot sunt obiecta circa quæ vnus & idem actus eodem tempore versatur, si huiusmodi obiecta sint eiusdem rationis quæ vicem vnus gerant: sed tot sunt peccata, quot sunt actus voluntatis moraliter interrupti, ideò explicandi sunt in confessione. Actus autem voluntatis tunc interruptitur, quoties nec formaliter nec virtualiter durat: vnde habens animum furandi, & interiecta aliqua mora furatur, duplex peccatum committit. Item sunt plura peccata, quando plures actus successiue versantur circa plura obiecta distincta. *tom. 2. fol. 161. num. 1. & fol. 162. num. 5. & seq.*

31. Actiones externæ moraliter coniunctæ cum actu interno voluntatis non constituunt novum peccatum, nisi isti actus propriam habeant malitiam ab actu interno distinctam. *ibid. num. 8.*

32. Repetens eodem impetu iræ multa conuicia, blasphemias, &c. vnum tantum peccatum committit; quia prior voluntas perseverat, & prius peccatum videtur moraliter continuari cum subsequenter, ita vt omnes illi actus vnā rixam vel pugnam integrare videantur. *tom. 2. fol. 163. num. 11.*

33. Regula ad cognoscendam distinctionem numericam peccatorum sit hæc:

Peccata numero distinguuntur per multiplicationem obiectorum, circa quæ actus successiue versantur, non verò ex multitudine obiectorum, circa quæ vnus & idem actus eodem

tempore versatur; deinde per multipliciter actuum voluntatis moraliter interruptorum; quamquam etiam aliunde peccata numero distinguuntur, videlicet ex circumstantiis & finibus. *ibid.*

35. Qui alium inducit ad peccatum, intendens ipsius nocumentum spirituale, peccat duplici saltem peccato; scilicet peccato scandali, & eo peccato quod ab altero committitur: nam qui est causa peccati, reus est illius peccati cuius est causa: hinc qui inducit alium ad peccatum veniale, intentione ut venialiter peccet, peccat tantum venialiter. *tom. 2. fol. 165. n. 8. & 9.*

36. Qui alium ad peccatum inducit, seu cooperatur peccato alterius, non intendens ruinam, nec cum eo consummans peccatum, est reus illius peccati quod alter committit. Qui verò alium inducit ad peccatum, simulque cum ipso consummat peccatum, reus videtur duorum peccatorum, etiam si non intendat ruinam proximi spirituales; quamobrem is qui inducit alterum ad furtum, & furtum cum ipso committit, dupliciter peccat. *ibid. num. 12. & fol. 166. num. 15. & 16.*

37. Quæres, quandònam dicatur aliquis cooperari peccato alterius, seu alterum ad peccatum inducere? Respond. quando facit aliqua quæ de se alliciunt & inducunt ad peccatum; aut quando aliquid licet ex se indifferens facit ea intentione, ut alter peccet; aut quando absque iusta & sufficienti causa facit opus indifferens quo alios credit abusuros ad peccatum. *ibid. num. 17.*

38. Non eadem causa censetur sufficiens & iusta ad cohonestanda omnia opera indifferentia, sed

sed maior in vno quàm in alio casu requiritur : & maior causa requiritur in eo qui facit aliquid , quo alter est abusus contra iustitiam , quàm quando non est abusus contra iustitiam. *ibid.n.19.*

39. Peccat qui facit vel petit aliquid ab eo , qui paratus erat ad illud faciendum seu ad peccandum , etiamsi faciat vel petat aliquod opus indifferens , modò non faciat vel præstet tale opus ex iusta & rationabili causa. *tom.2.fol.167. num.21.*

40. Excusari possunt à mortali locantes domos meretricibus , vsurariis etiam publicis , non tamen alienigenis & præcisa prohibitione ; hi enim locando ad habitandum vtuntur iure suo. Item famuli comitantes herum ad meretricandum , excusantur à peccato , si periculum sit grauis damni desistendo : nam comitari simpliciter censetur actio honesta ; secus dicendum de vendentibus vinum absque iusta causa iis quos probabiliter credunt lapsuros in ebrietatem , hi enim mortaliter peccant. *ibid.n.22.23. & 26.item fol. 168.num.32.*

41. Excusatur vir habens suspensionem de vxoris adulterio , & testes idoneos assumens , vt eam deprehensam conuincant de crimine adulterij. At non potest vxor de consensu mariti fictè amasio consensum præbere , vt amasius comprehensus percutiatur ; hæc enim actio intrinsecè est mala , & censetur inductio & cooperatio ad peccatum amasij. *ibid.n.33. & 34.*

42. Non peccat mortaliter qui facit aliquod opus indifferens , quo alter iam paratus abutetur ad peccatum , sed illud opus indifferens alter faceret , si ipse non faceret , secus si faciat opus intrinsecè

insecè malum, aut si tale opus licèt indifferens censeatur proxima peccati causa. Ex quibus collige excusari caupones, &c. parantes cœnam aut ientaculum nolenti ieiunare, si nōlens ieiunare inueniret alios cibos; aut si dubitent, an qui non vult ieiunare, teneatur ad ieiunium. *ibid. num. 35.*

¶ 37.

43. Consulens minus malum parato facere maius, non peccat; secus si consulat maius parato facere minus. *ibid. num. 39.*

44. Faciens aliquod malum coram aliis quos probabiliter credit non peccaturos occasione prauī sui operis, non peccat mortaliter peccato generali scandali; consequenter non tenetur ad hanc circumstantiam in confessione detegendam. *tom. 2. fol. 169. num. 43.*

45. Peccata distinguuntur specie per ordinem ad diuersas specie perfectiones; non verò per ordinem ad diuersa præcepta, quibus aliquid præcipitur vel prohibetur ex eodem motiuo; secus dicendum est si peccata prohibita sint pluribus præceptis ex diuerso motiuo conditis; tunc enim peccata sunt specie diuersa: propterea initiatus sacris ordinibus duplex peccatum committit, si consentiat in actum venereum: & Fr. Minor non ieiunans die Veneris in quem incidit vigilia, ex præcepto colenda, duplex committit peccatum; videlicet contra votum, & contra Ecclesiæ præceptum quæ sunt duo diuersa motiua; secus dicendum de eo qui omitteret Missam die Dominico, in quem incidit festum alicuius Sancti, v.g. Apostoli, is enim non committit duo peccata, sicut neque possidens plura beneficia, si diuinum officium prætermittat: cum hæc obligatio imposita sit ex eodem motiuo religionis, vt beneficiarius

ciarius rebus sacris vacet. *ibid. n. 1. & fol. 170. n. 5. & seq.* Item

46. Faciens aliquid prohibitum duplici præcepto, simplici scilicet, & alio habente adiunctam excommunicationem, committit vnum tantum peccatum, modò præcepta lata sint ex eodem motivo. *tom. 2. fol. 171. num. 14.*

An peccatum omissionis differat specie à peccato commissionis.

47. Peccatum omissionis differt specie à peccato commissionis, non solum si hæc duo peccata materialiter considerentur, verum etiam formaliter secundum inordinationem & propriam malitiam; cum peccata commissionis & omissionis priuent perfectionibus diuersis, habeantque specialem oppositionem cum recta ratione. *tom. 2. fol. 172. num. 1.*

48. Peccatum commissionis cæteris paribus grauius est peccato omissionis, quia peccatum commissionis immediatè priuat bonitate debita actui, peccatum verò omissionis mediatè tantum priuat bonitate quæ deberet inesse actui. *ibid. num. 2.*

49. Omissio incurritur eo solum tempore quo implendum est præceptum, v.g. omissio sacri incurritur solum ea hora, qua Missæ sacrum audiendum est: malitia verò omissionis incurritur quando omissio contingit, si tunc homo vtatur ratione & libertate: si verò ratione non vtatur aut libertate, incurritur quando apponitur causa omissionis, modò fiat cum aduertentia futuræ omissionis. Ex quo fit vt qui se dat somno præsidens fore, vt non sit à somno excitatus tempore

re

re audiendæ Missæ, incurrat malitiam omissionis sacri, dum apponit causam omissionis sacri, id est, quando se dat somno præuidens sacri omissionem. Idem cæteris paribus dicendum de peccato commissionis: propterea faciens contra leges & præcepta quæ scire tenebatur tunc temporis, quo non potest illa ediscere, peccauit quando potuit ignorantiam vincere & noluit. *ibid. n. 4.*

50. Actiones quæ sunt causa omissionis, sunt malæ & peccaminosæ, consequenter ludus, quo quis tempore Missæ audiendæ detinetur, malus est & peccaminosus, sicut & proiectio Breuiarij in mare ne recitetur diuinum officium mala est & peccaminosa: quia per hanc proiectionem auferitur facultas recitandi diuinum officium. Intellige autem has actiones quæ sunt causa omissionis esse malas, quoties ommissio præcepti imputatur ad peccatum, non solum si actiones sint ex se indifferentes, verum etiam si sua natura bonæ sint. *tom. 2. fol. 174. num. 13. & seqq. & fol. 175. num. 17.*

51. Quæres, quænam actiones censeantur causa omissionis? Respond. non solum propositum omittendi rem præceptam, sed etiam omnes actiones, quæ primò eliguntur elicitò proposito omittendi rem præceptam, esse causam omissionis. *ibid. num. 16.*

52. Quando simul concurrunt duo præcepta impossibilia, seruandum est maius; propterea præceptum naturale diuinum seruandum est, quando concurrit cum solo diuino vel humano; & si præceptum diuinum vel naturale concurrat cum humano, seruandū est diuinum vel naturale; si negatiuum cum affirmatiuo, negatiuū anteponendum est affirmatiuo. Similiter seruandum est præce

præceptum altioris virtutis, si concurrat cum inferioris virtutis præcepto. *ibid.n.18. & fol.176. num.19. & seq.*

53. Eligens adimpletionem minoris præcepti relicto grauiori, peccat venialiter vel mortaliter, iuxta paruitatem, vel magnitudinem excessus inter maius & minus. *ibid.n.24.*

54. Peccata quæ complentur in corde ac voluntate, differunt specie à peccatis quæ perficiuntur & consummantur in ore vel opere; si tamen considerentur vt sunt origo & principium, seu dispositio ad peccatum operis, non differunt specie, quia considerantur vt perfectum & imperfectum in eadem specie. Hinc sequitur voluntatem furandi, fornicandi, &c. esse eiusdem speciei cum furto, fornicatione, &c. *tom.2. fol.177.num.1. & seqq.*

55. Peres, quid significet conscientia? Significat dictamen rationis, quo ratio dictat aliquid fugiendum, vel faciendum.

Conscientia licet erronea obligat ad faciendum id quod ipsa conscientia faciendum dictat per modum præcepti, & non tantum per modum consilij: abstinendum tamen est ab eo quod conscientia vincibilis dictat esse malum. *tom.2. fol.178.num.1. & fol.179.num.11.*

56. Conscientia inuincibiliter errans magis obligat quàm præceptum Superioris, secus si conscientia vincibiliter erret. *ibid.n.17.*

57. Faciens contra conscientiam erroneam falsò credens esse peccatum, committit peccatum illius speciei quam conscientia apprehendit. Ex quo fit vt qui credit esse peccatum sacrilegij expuere in terram, sacrilegium committat si in terram expuat. Quod si conscientia inuincibiliter

cibiliter erret dictans actum esse bonum, cum re vera sit malus, actus est bonus. *tom. 2. fol. 180. num. 18. 19. & 23.* Item

58. Putans ex conscientia erronea inuincibili utramque contradictionis partem esse peccatum, peccat quamcumque partem eligendo : at qui aliàs ex conscientia erronea credidit aliquod opus esse peccatum, sed dum illud præstat, non amplius actu de peccato dubitat, excusatur à peccato. *ibid. num. 27. & fol. 181. num. 28.*

59. Si conscientia fuit temerè & absque fundamento concepta, deponi potest absque vlla ratione, iudicando ipsam conceptam fuisse sine ratione & fundamento, quia res per quas nascitur, per easdem dissolvitur, sed conscientia erronea suborta fuit absque ratione & fundamento, ut supponitur, ergo, &c. *ibid. num. 30.*

60. Dubium propriè dictum est quando intellectus neutri parti assentitur, sed manet in æquilibrio, vel ferè manet in æquilibrio absque determinato assensu alicuius partis, licet fortè maiorem habeat inclinationem & propensionem ad vnam, quàm ad alteram partem. Qui habet dubium speculatiuum, in praxi debet formare iudicium simile speculatiuo, nisi ratio euidenter aliud suadeat. *tom. 2. fol. 182. num. 1. & 2.*

61. Peccat peccato eiusdem speciei cuius est peccatum de quo dubitat, qui cum conscientia practicè dubia aliquid operatur : secus si aliquid operetur non practicè dubitans ; consequenter qui percutit laicum putans esse clericum, peccat contra reuerentiam Ecclesiasticis personis debitam. Item peccat ille, qui speculatiuè certus est licitum esse in die festo docere, sed, dum docet, dubitat, an hîc, & nunc sibi liceat : nam docet
practi

practicè dubitans id sibi licere; secus dicendum de operante. seruiliter in die festo si credat sibi licere ob necessitatem. Similiter dubitans an liceat rem alienam capere, sed practicè deponens dubium, & surripens in extrema necessitate, non peccat. *ibid. num. 3. 4. & 6. item fol. 183. num. 10.*

¶ 11.

62. Petes, quid requiratur vt conscientia practicè deponatur, & vincatur dubium speculatiuum? Respond. requiri debitam diligentiam in ea rei veritate inquirenda, quâ ratio postulat pro rei, temporis, loci qualitate, & conditione: & præterea requiritur iusta aliqua causa deponendi practicè dubium speculatiuum: iusta autem causa censetur iudicium & consilium bonorum & doctorum virorum, & possessio; & vt cognoscatur quis possideat, standum est iudicio fori externi, quando aliunde veritas non apparet. *ibid. n. 12.*

¶ se 79.

63. Ex quibus collige dubitantem an excommunicationem contraxerit, non teneri se tanquam excommunicatum gerere, si præstita debita diligentia non potest rei veritatem inuenire. At qui dubitat an iustè lata sit excommunicatio, vel à legitimo Superiore, excommunicationem incurrit, si contra legem fecerit, quia possessio stat pro lege & pro excommunicatione; secus si dubitetur vtrum lata sit sententia excommunicationis, vel vtrum adimpleta sit talis conditio. *ibid. n. 15. & fol. 184. n. 16.*

64. Possessor bonæ fidei, aut qui matrimonium contraxit, si postea dubitet rem suam esse, vel matrimonium fuisse validum, potest dubium practicè deponere, sibi que rem illam detinere, aut debitum ab vxore petere: at qui dubitat an homicidium

cidium sua culpa contigerit, tenetur se tanquam irregularé gerere, quia præsumptio in hac re stat contra ipsum. *ibid. n. 20. & 21.*

65. Scrupulus est quædam suspicio orta ex leuibus indiciis, v.g. melancholia, ignorantia, &c. consequenter ille dicitur scrupulosus, qui dubitat ex leuibus fundamentis, seu indiciis & motiuis. Non est peccatum facere aliquid deposito, vel etiam perseuerante scrupuloso. Ex quo fit vt probabiliter sibi persuadens aliquid esse licitum, possit tuta conscientia illud agere, non obstantibus apparentiis in contrarium occurrentibus. *rom. 2. fol. 185. num. 1. & seq.*

66. Possumus absque peccato sequi opinionem probabilem, seu eam quæ non leui fundamento nititur, relicta probabiliore & tutiore, quamuis opinio probabilior & tutior, sit propria opinio & tenenda relicta probabili, si imminet aliquod periculum, ad quod vitandum prudentia, iustitia, vel charitas dicet oppositam sententiam eligi debere. *rom. 2. fol. 187. num. 4. & 5.*

67. Ex dictis infer licere Confessario, aut interrogato respondere iuxta opinionem probabilem, & eum posse se accommodare & conformare opinioni pœnitentis probabili. Imò possunt excusari illi qui plures adeunt Doctores, donec vnum inueniant qui respondeat in sui fauorem. *rom. 2. fol. 188. num. 6. 8. & seqq.*

68. Possumus sequi opinionem probabilem non solum eximendo petentem ab obligatione, sed etiam obligationem imponendo, nisi petens requirat sententiam eius qui dat consilium. *ibid. num. 7.*

69. Vir prudens potest aliquando ob firmum fundamentum à communi opinione recedere;

commu

communis autem opinio est illa, quam multi Auctores classici ritè perpensis vtriusque partis rationibus sequuntur. Item iudex in ferenda sententia etiam in criminalibus causis, potest quam maluerit opinionem probabilem sequi, modò opiniones sint æquè probabiles. Aduocatus quoque vel causidicus potest tam in ciuilibus quàm in criminalibus tueri causam in fauorem sui clientis, quamuis putet aduersariorum opinionem probabiliorē esse, modò tamen sua opinio sit probabilis. *tom. 2. fol. 189. num. 11.*

& seq.

70. Pars tutior eligenda est in administratione sacramentorum, quando periculum imminet inualiditatis sacramenti, neque licitum est sequi opinionem probabilem relicta tutiori in sacramentis administrandis, nisi aliter postulet necessitas, aut nisi defectus proueniat ex parte suscipientis. *ibid. num. 18. & 19.*

71. Medicus tenetur infirmo præbere pharmacum, quod certò scit profuturum omisso eo, de quo dubitatur. Quando autem nullum extat certum pharmacum, tenetur sequi tutiorem sententiam in eligendo pharmaco, potestque remedium dubium applicare, quando nulla est spes de salute infirmi, si tunc temporis nullum certum extet. Quod si Medicus tradat pharmacum infirmo ad sumendum de eo experimentum, grauiter peccat contra iustitiam, quoties non adest opinio probabilis de illo pharmaco, & ex alia parte Medicus habet remedia probabiliter vtilia. *ibid. n. 20.*

& seq.

Causa

*Causæ efficientes, subiectum, & effectus
peccatorum.*

72. Deus non est causa peccati, nec illi peccatum imputari potest, neque determinat aut impellit ad malum eligendum, quia Deus non potest id velle, quod ipsius naturæ aduersatur. Peccatorum verò causæ sunt malitia peccatoris, infirmitas sensus, dæmonum suggestiones, superbia, &c. *tom. 2. fol. 191. num. 1. & fol. 192. num. 1. & 2.*

73. Malitia actualis seu formalis peccati est in voluntate tanquam in subiecto, per denominationem verò extrinsecam est in aliis potentiis, quæ actus peccaminosos eliciunt: malitia verò obiectiua conuenit actibus illarum potentiarum à quibus eliciuntur, & in quibus consummantur. Quod attinet ad peccatum habituale, est in eo tanquam in subiecto in quo est habitualis perfectio qua priuat. Vnde peccatum habituale odij est in voluntate, quia in voluntate reperiri debet perfectio amoris & charitatis, qua priuat peccatum odij, & sic de cæteris. *tom. 2. fol. 193. n. 3. & 4. & fol. 194. n. 8.*

74. Effectus peccati sunt macula, reatus peccati damni & sensus, diminutioque naturalis inclinationis ad virtutem, quatenus voluntas acquisito per peccatum habitu vitioso facilius mouetur in malum. *ibid. num. 1.*

75. Peccatum per se & formaliter consideratum, quatenus dicit culpam, non potest esse pœna alterius peccati, ita vt Deus velit hominem ob culpam præcedentem prolabi in aliud peccatum, si tamen peccatum consideretur secundum alia
ipsi

ipsi accidentalialia , vt ratione infamiae vel tristici-
tiae, vel laboris , &c. vnum peccatum potest esse
pœna alterius. *ibid.* n. 2.

76. Nullus homo, si secundum se spectetur, po-
test pro peccato alterius puniri pœna propriè di-
cta, nisi etiam ipse deliquerit; aut modò non con-
sideretur vt alteri aliquo titulo coniunctus, vt vi-
dere est in Dauide, qui punitus fuit in suo popu-
lo , quatenus Dauid considerabatur vt aliquid
coniunctum cum suo populo ratione iurisdictionis.
tom. 2. fol. 195. num. 3. & 5.

Causa excusantes à peccatis

77. Sunt, dispensatio legis, seu præcepti validè
obtentia, impotentia adimplendi præceptum, tam
moralis , quàm physica vis absoluta , metus seu
probabile periculum grauis damni aut mortis,
ignorantia inuincibilis aut probabilis tam iuris,
quàm facti, & ignorantia comitans, saltem respec-
tu actionis externæ. *tom. 2. fol. 196. num. 1. & 2.*
item fol. 199. num. 2. & 3. item fol. 200. num. 7. &
fol. 203. num. 12. & fol. 205. n. 34.

78. Circa prædictam doctrinam aduerte cum
qui totum præceptum adimplere nequit , teneri
ad partem notabilem, si ea sit à Superiore inten-
ta ; & impotentem ad totum officium recitan-
dum , teneri ad eam partem quam potest , modò
sit notabilis. Idem dic de auditione Missæ.
tom. 2. fol. 196. num. 4. & 7. item fol. 197. num. 8.

79. Aduertè præterea peccare eum qui apponit
impedimentum, quod proximè, & per se impedit
adimplentionem præcepti. Vnde peccat mortali-
ter qui triginta diebus nauigaturus proiicit in
mare Breuiarium, vt liber sit ab obligatione offi-
cij

cij recitandi. Neque excusatur excommunicatus, qui tempore Paschatis non constitetur, vel non communicat ob negligentiam in procuranda excommunicationis absolutione; secus dicendum de commorante domi die aliquo festo tempore sacri ad infirmi vel domus custodiam.

Similiter non peccat contra ieiunium laboriosæ venationi dans operam, prævidens fore ut ieiunare non possit, quia venatio videtur causa per accidens fractionis ieiunij, nec præceptum ieiunij prohibet venationem; limita tamen, modò id non fiat in fraudem ieiunij. *tom.2. fol.197. num.10. & seq.*

80. Aduerte rursus dum diximus vim absolutam excusare à peccato, id intelligi dummodo voluntas & membra externa resistent. *tom.2. fol.199. num.2.*

81. Præcepta, etiam humana, obligant sub mortali cum periculo mortis, vel alterius grauis damni, dum vitandum est grande scandalum, vel conseruandum est bonum commune religionis, Reipublicæ, aut communitatis; secus si obseruatio horum præceptorum non est utilior, quàm conseruatio vitæ. *ibid. num.5. & 6.*

82. Metus mortis potest excusare à transgressionem ieiunij, vel diei festi, vel alterius legis humanæ vel diuinæ, modò lex diuina non prohibeat rem extrinsecè malam. *tom.2. fol.200. num.7.*

83. Parochus excusatur à peccato, qui ob periculum mortis non defert ad Episcopum eos, qui tempore præfixo non susceperunt pœnitentiæ & Eucharistiæ sacramentum. *ibid. num.10.*

84. Seruanda est lex cum periculo mortis, quando quis alteri mortem minatur, nisi legem
huma

humanam violet in contemptum legis, vel in odium religionis, vel auctoritatis legis publicæ.

ibid.n.12.

85. Comedens carnes humanas ex metu, excusatur, si eas per modum medicinæ comedat, non est tamen licitum occidere quemquam, ut eius carnes quis per modum medicinæ comedat, cum hoc sit intrinsecè malum. *ibid.n.13. & 14.*

86. Potestne quis carnibus humanis vesci ad tuendam vitam in propositis casibus? Potest, sed hoc facere non tenetur. *ibid.num.15.*

87. Carthusianus, vel alter qui vouit abstinentiam à carnibus, potest & tenetur eas comedere, si illi euidenter necessariæ sint ad vitam tuendam; neque peccat Medicus præbendo carnes Carthusiano indigenti. *ibid.num.16. & fol.201. num.17.*

88. Licitum est in graui vitæ periculo vesci idolothyris, seu cibis idolo immolatis, modò astantes admoneantur, aut nouerint hoc fieri ad tuendam vitam, & non ad profitendam falsam Deorum religionem. *ibid.num.18.*

89. Potest excusari à peccato qui habuit aliquam legis cognitionem, vel aduertentiam, circà malitiam obiecti; sed adhibita modica diligentia rei veritatem non cognouit; dicitur enim laborare ignorantia inuincibili, seu probabili. Vnde excusatur rusticus, vel vetula faciens aliquid consulto Parocho, asserente id esse licitum. *tom.2. fol.203.num.15. & 16.* Item

90. Non tenetur repetere confessionem, qui aliquod peccatum ex ignorantia culpabili, vel etiam scienter commissum in ea prætermittit, inuincibiliter ignorans se teneri illud confiteri; imò peccatum ita potest per ignorantiam mi-

A a

nui,

nui, vt. ex mortali fiat veniale. *ibid.num.17.*
& fel.204.n.21.

91. Quælibet ignorantia legum humanarum potest à mortali excusare, modò adsit bona fides, & ignorantia non sit crassa vel supina. Ex quo sequitur eum non peccare mortaliter, qui bona fide perfringit ieiunium, putans se sufficientem non ieiunandi causam habere. *ibid.n.22. & 23.*

92. Laborans ignorantia inuincibili vnus circumstantiæ, non verò alterius, non excusatur à peccato respondente illi circumstantiæ quam nouit, seu quam culpabiliter ignorat: v.g. sciens furtum esse peccatum, & ignorans furtum imperare esse peccatum, non peccat imperando, peccat verò si furtum committat. Item sciens fornicationem externam esse peccatum, non verò desiderium, non peccat desiderio fornicationis; peccat verò exterius fornicando. *ibid.num.24. & seqq.*

93. Peccata commissa ex ignorantia culpabili, sunt eiusdem speciei cum peccatis cuius sunt peccata facta scienter; quare non tenetur poenitens in confessione explicare num peccauerit ex ignorantia vincibili, vel scienter, nisi ignorantia sit talis, quæ excuset à mortali. *ibid.num.29. & fel.205.num.30.*

94. Ignorantia vincibilis est peccatum oppositum præcepto & virtuti ex qua homo tenetur aliquid scire vel facere. *ibid.num.32.*

95. Iaciens sagittam intentione occidendi quodcumque illud sit quod sibi ob oculos extat, committit homicidium etiam externum eo secuto, quamuis crediderit id esse feram, non hominem, quia hæc occisio censetur sufficienter voluntaria. *ibid.num.35.*

96. Qui

96. Qui ex ignorantia comitante committit homicidium vel aliud damnum infert, excusatur ab obligatione restituendi confurgente ex iniusta acceptione. *ibid.num.37.*

Pensio.

Vide v. *Simonia.*

Percussor clerici.

Vide v. *Censura, Excommunicatio, Clericus.*

Periurium.

Vide v. *Iuramentum.*

Pœnitentia, Pœnitens.

Vide v. *Peccatum, Sacramentum, Confessio, Contritio, Satisfactio.*

1. Sacramentum pœnitentiæ, est sacramentum consistens in actibus pœnitentis & absoluentis, institutum à Deo per modum iudicij emendatiui ad remissionem peccatorum. Est necessarium, tum necessitate mediij in re vel in voto illis qui peccarunt mortaliter post Baptismum; tum necessitate præcepti, & sine eo salus obtineri nequit à lapsis, post Baptismum. Dicuntur verò remitti peccata per sacramentum pœnitentiæ in voto, quando remittuntur per contritionem, teneturq; pœnitens adhuc confiteri peccata suo tempore à quibus per contritionem fuit iustificatus. *tom. 1. fol. 163. num. 1. & punct. 2. n. 1. & 2. item fol. 164. num. 3. & 6.*

2. Institutum fuit pœnitentiæ sacramentum

A a 2

Ioan.

Ioan. 20. Quando post resurrectionem suam in-
fuffilauit in discipulos, dicens: *Accipite spiritum
sanctum, quorum remiseritis peccata, &c.* tom. 1.
fol. 165. n. 2.

3. Materia remota sacramenti pœnitentiæ sunt
peccata etiam venialia, quæ sunt quoque mate-
ria remota saltem sufficiens huius sacramenti.
Dixi, *sufficiens*, quia pœnitens non tenetur in con-
fessione manifestare peccata venialia; & si ali-
qua confiteatur, potest alia reticere si voluerit,
cum ea non sint materia necessaria, sed sufficiens
tantum. Nec refert quod Ecclesia possit venia-
lium confessionem præcipere ad maiorem vtili-
tatem fidelium. tom. 1. fol. 166. num. 3. 5. & seq.

4. Peccatum dubium non est materia sufficiens
sacramenti pœnitentiæ, quando pœnitens dubius
est de facto; secus dicendum de peccatis semel
dimissis, quæ possunt esse materia non confessio-
nis. Hinc est quod pœnitens possit aliqua pecca-
ta dimissa confiteri, & aliqua reticere, quia hu-
iusmodi peccata non sunt materia necessaria, sed
sufficiens. tom. 1. fol. 167. n. 9. & seq.

5. Solus Sacerdos est minister huius sacramen-
ti, ut constat ex Trident. sess. 14. cap. 6. Hinc fit
ut confessio facta laico, Subdiacono, aut Diaco-
no, etiam in mortis articulo, non subsistat. tom. 1.
fol. 257. num. 1. & seqq.

6. Potestas qua Sacerdos potest à peccatis ab-
soluere, consistit in claue ordinis & iurisdictionis,
seu in caractere & iurisdictione delegata
vel ordinaria. *ibid.* n. 5.

7. Non omnis Sacerdos, per se loquendo, est
sufficiens minister istius sacramenti, (præciso
mortis articulo, in quo quilibet Sacerdos etiam
excommunicatus, potest validè absoluere,) cum
non

non omnis Sacerdos habeat iurisdictionem siue ordinariam, siue delegatam. *ibid.n.7.& fol.259. num.8.& 9.*

8. Præsente Sacerdote excommunicato vitando, aut suspenso, debet simplex Sacerdos toleratus absolvere, etiamsi antea non haberet iurisdictionem absoluendi; & qui ab eo in huiusmodi casu absolutus est, non tenetur elapso eo periculo iterum eadem peccata licet reseruata, confiteri. *ibid.n.11.& seq.*

9. Habentes vnum solum domicilium in aliquo loco, possunt sua peccata confiteri Parocho loci, in quo domicilium habent; nam Parochus illius loci est proprius eorum Sacerdos. Habentes duo domicilia, in quibus æquè habitant pro diuersa anni parte, possunt vtrique Parocho in quorum parochia habent domicilia, confiteri. *tom.1.fol.259.num.1.& 2.*

10. Proprius Sacerdos vagorum, est Parochus loci in quo vagi reperiuntur: nam actualis habitatio loci quam pro tempore habent, succedit in locum domicilij. Idem dic de iter agentibus & peregrinis, qui etiam Parocho loci ad quem perueniunt, aut alteri approbato confiteri possunt, modò iter non faciant in fraudem legis, id est, ea solum de causa vt possint aliis confiteri. Sacerdos tamen approbatus in aliqua diœcesi, poterit omnes illius diœcesis ad se concurrentes audire, etiamsi ad ipsum accedant animo vitandi proprium Parochum. Sixtus I V. concessit religiosis facultatem audiendi confessiones extraneorum, modò religiosi sint approbati ab Episcopo loci. *ibid.num.4.& fol.260.n.5.& seq.*

11. Parochus non potest tempore Paschatis Eucharistiæ sacramentum administrare iis, qui

dedita opera confessi sunt Sacerdotibus, aut religiosis extra aut intra diœcesim existentibus non approbatis : secus dicendum si approbati sint , & privilegio gaudeant. *ibid.num.9.*

12. Parochus, seu alter Confessarius qui iurisdictionem in aliquem habet, potest ipsum extra propriam diœcesim audire & absolvere, cum iurisdictione quæ absque strepitu iudicij exercetur, (vt in sacramentali absolutione contingit,) possit extra proprium territorium & diœcesim exerceri. *ibid.num.10.*

13. Qui obtinuit à Sede Apostolica, vel ab Episcopo facultatem eligendi Confessarium , potest sibi eundem eligere mortuo concedente ; quia hæc gratia facta non expirat morte concedentis. Hæc tamen doctrina non est applicanda iurisdictioni Vicarij aut Visitatoris : nam hæc expirat mortuo Episcopo. *tom.1.fol.261.num.2.*

¶ 3.

14. Facultas eligendi Confessarium non finitur per primam electionem, nisi aliter ex circumstantiis colligatur de morte concedentis. *ibid.num.4.*

17. Qui facultatem habet eligendi Confessarium idoneum , debet Confessarium ab Episcopo approbatum eligere. *ibid.num.5.*

16. Triplex est iurisdictione , ordinaria scilicet, delegata, & ex concessione iuris. Iurisdictione ordinaria est potestas quam quis habet in alios ex officio , qualis est curam animarum habens. Delegatam dicitur habere, qui facultatem obtinuit ab habente iurisdictionem ordinariam , quales sunt deputati ad confessiones audiendas. Iurisdictione ordinaria cessat priuatione dignitatis seu officij: iurisdictione delegata cessat tum lapsu temporis,

poris, tum per reuocationem concedentis. *tom. 1. fol. 263. num. 6. & 7.*

17. Ille dicitur habere iurisdictionem ex concessione iuris, qui absoluit eum, cui à iure, vel ex priuilegio concessa est facultas eligendi Confessarium. *ibid. num. 6.*

18. Vt Sacerdos validè administret pœnitentiæ sacramentum laicis (aut clericis, debet esse per examen aut alia ratione approbatus ab Episcopo iam confirmato, & habente subditos; aut à Vicario generali, aut à Capitulo Sedè vacante: Episcopus tamen censetur sufficienter aliquem approbare eo ipso quod sciens & volens mandat alicui curam animarum ad tempus. Ad confessiones regularium audiendas sufficit licentia Superioris: communis enim religiosorum vsus hoc indicat. *ibid. num. 9. & 10.*

19. Parochus non potest neque iure communi, neque particulari aliquem non aliàs approbatum admittere ad audiendas confessiones suorum subditorum. *tom. 1. fol. 264. num. 12.*

20. Sacerdos qui probabiliter credit Episcopum vel Papam absolutionem ratam habiturum de futuro, non sufficienter approbatus censetur: secus dicendum si vidente Episcopo, & non contradicente absoluit. *ibid. num. 13. & 14.*

21. Sacerdos approbari debet ab Episcopo ipsiusmet Confessarij, neque potest Episcopus Sacerdotem non subditum approbare: cum approbatio sit actus iurisdictionis. *tom. 1. fol. 265. num. 15. & 16.*

22. Sacerdos ab Episcopo approbatus nouam licentiam à Parocho obtinere non debet, in cuius parœcia confessiones audire intendit: Episcopus enim habet iurisdictionem in tota sua

diœcesi independenter à parochis. *ibid.num.17.*
 23. Quod si duo præsint eidem parœciæ, potest
 vterque independenter ab altero admittere ali-
 quem ab Episcopó approbatum ad confessiones.
ibid.num.19.

24. Habens privilegium eligendi Confessa-
 rium, non potest eligere Sacerdotem approba-
 tum ab ordinario alterius diœcesis. *tom.1.fol.266.*
num.21.

25. Parochus tempore Iubilæi potest eligi ad
 confessiones subditorum alterius parœciæ au-
 diendas in eadem diœcesi: non censetur tamen
 sufficienter approbatus ad confessionem tempore
 Iubilæi, qui aliàs habuit beneficium parochiale.
ibid.num.23. & fol.267.n.24.

26. Religiosi exempti possunt de consensu sui
 Superioris absolui & dispensari ab Episcopis, si
 se eis subiiciant. *ibid.n.26.*

27. Religiosi qui possunt quoscumque ad se
 accedentes audire, non possunt absolvere religio-
 sum alterius ordinis. *ibid.n.27.*

28. Novitius potest absolui à censuris reserva-
 tis in religione, à quibus potest absolui professus.
ibid.num.28.

29. Ille non censetur sufficienter approbatus,
 qui fuit admissus ab Episcopo sciente illum non
 esse idoneum: nam secundum Concilium Tri-
 dentinum debet idoneus iudicari: valet tamen
 approbatio, si Episcopus aliquem iudicet ido-
 neum, qui re ipsa idoneus non est. *ibid.num.29.*
& 30.

30. Ad validitatem approbationis non requiri-
 tur vt detur in scriptis, consultum tamen est dari
 in scriptis, & gratis; quamvis valida sit, si gratis
 non concedatur. *tom.1.f.268.n.32. & 33.*

31. Vt

31. Ut Confessarius validè pœnitentiæ sacramentum administret, requiritur in eo probitas, scientia, & cognitio eorum quæ necessaria sunt ad materiam & formam sacramenti; prudentia & sollicitudo in præbendis pœnitenti opportunis & debitis remediis, & eo instruendo. *ibid. num. 2.*

¶ 4. item fol. 269. n. 7. & fol. 270. n. 16.

32. Administrans hoc sacramentum in peccato mortali, mortaliter peccat. *tom. 1. fol. 168. num. 3.*

33. Confessarius ciuitatis debet esse instructior eo, qui extra urbem confessiones rusticorum audit. Item maior scientia circa Canones requiritur in excipiente confessiones clericorum, quam in eo qui laicos audit. *tom. 1. fol. 269. num. 8.*

¶ 9.

34. Si Confessario occurrat casus aliquis difficilis, quem nequit statim dissolvere; nec potest tunc temporis sufficientem inquisitionem, aut consultationem adhibere, poterit absolutionem impendere, si pœnitens promittat se facturum, quod postea iudicatum & resolutum fuerit. *ibid. num. 10.*

35. Confessarius inter audiendas confessiones attendere debet ad peccata, ut de illis iudicium ferat: audito tamen quolibet peccato non tenetur in particulari explicitè iudicare, an sit mortale aut veniale; & pœnitens qui bona fide confessus est Confessario nescienti discernere inter mortale & veniale, validè absolui potest. Idem dicendum, quando Confessarius iniuste absoluit, vel errat in imponenda salutari pœnitentia. Neque pœnitens tenetur iterum confiteri peccatum aliàs confessum, quod nunc ipse vel Confessarius cognoscit esse mortale, sed uterque

ipſius gravitatem antea ignorabat. *ibid. num. 11. & ſeq.*

36. Confefſarius poteſt licitè abſolvere pœnitentem nondum facta reſtitutione, modò pœnitens firmum habeat propoſitum faciendi quàm primum, quod facere tenetur. *tom. 1. fol. 270. num. 19.*

37. Parochus poteſt & debet à ſacramentis eos repellere, qui decimas non ſoluunt, nec parati ſunt ſolvere: ſecus dicendum de Eccleſiaſtica ſepultura: hoc enim ius competit Superiori & iudici in foro externo. *ibid. n. 20.*

38. Confefſarius tenetur pœnitentem de obligatione reſtitutionis admonere, quoties iudicaverit expedire: quòd ſi pœnitentem non admonuit de reſtitutione facienda, non idcirco tenetur reſarcire damnum quod tertius patitur ob prætermiſſam à Confefſario admonitionem, niſi fortè ex culpa lata, aut ignorantia craſſa, aut ſcien-ter conſuluerit & dixerit pœnitentem non teneri: nam tunc culpabiliter exercuit actionem damnificati-
viam: ſi tamen opportunè admoncat pœnitentem de reſtitutione facienda, cenſetur retrahere influxum, quem exhibuerat in damnum tertij. *ibid. n. 21. & 22.*

39. Parochus aut alius curam animarum habens, tenetur pœnitentis confeſſionem toties audire, quoties pœnitens vult rationabiliter confiteri, & expedit ſaluti pœnitentis; niſi fortè Parochus tunc temporis ſeriis detineatur negotiis. Epifcopus ſimiliter tenetur confeſſiones ſubditorum audire ſaltem in gravi neceſſitate, ſi peratur. *tom. 1. fol. 271. n. 23. & 25.*

40. Confefſarius ſaltem ex officio, tenetur abſolvere pœnitentem habentem opinionem probabilem,

babilem, cuius contrariam Confessarius sequitur.
ibid. num. 26. & 27.

41. Materia proxima sacramenti pœnitentiæ sunt actus pœnitentis, videlicet, contritio, confessio, & satisfactio, qui actus sunt non solum partes integrales sacramenti pœnitentiæ, verum etiam essentielles, saltem confessio & contritio, seu dolor aliquis formalis, quo qui caret, non recipit sacramentum pœnitentiæ, quantumcumque habeat actum dilectionis Dei. Per *dolorem*, intellige dolorem naturalem, sine quo confessio facta, etiam venialium est inualida. Quamvis ad fructum sacramenti requiratur attritio supernaturalis, quæ perfectior est actu naturali, de qua attritione supernaturali, intelligenda sunt Concilia, dum asserunt ad sacramentum requiri attritionem. Quod si quis bona fide recipiat absolutionem, cum sola attritione naturali, validum quidem, sed informe erit pœnitentiæ sacramentum. *tom. I. f. 168. n. 1. & seq.*

42. Quæres, an dolor efficax esse debeat? Respond. debere esse efficacem, & talem, per quem excludatur propositum peccandi, sufficietque huiusmodi dolor elicitus ante confessionem, vel in ipsamet confessione, vel post, antequam pœnitens absolvatur. *tom. I. fol. 169. n. 13.*

43. Liberum est Confessario iniungere satisfactionem ante, vel post absolutionem. *tom. I. fol. 171. n. 21.*

De forma sacramenti Pœnitentiæ.

44. Forma sacramenti pœnitentiæ consistit in his verbis: *Ego te absolvo à peccatis tuis.* Imò ad essentialiam & valorem sacramenti sufficiunt hæc

duo verba explicitè prolata, *absoluo te*. Quare non est necessarium adiungere inuocationem sanctissimæ Trinitatis. Neque opus est addere in forma, hæc verba: *Authoritate vel potestate mihi à Christo concessa: neque, à peccatis de quibus confessus es.* tom. 1. fol. 171. num. 1. & fol. 172. num. 2. & seq.

45. Absolutio collata hoc modo: *Absoluator servus Christi*, valida est, quia his verbis sufficienter exprimitur actio ministri; estque verus sensus formæ, & Sacerdos verè absoluit à peccatis, modò non adsit obex, ex parte pœnitentis. *ibid.* n. 7. & 8.

46. Mutata substantialiter forma sacramenti pœnitentiæ, irritum est sacramentum; validum est verò, quoties mutatio est solum accidentis, ut diximus de aliis sacramentis. Vnde valet, si dicatur, *remitto*, loco verbi, *absoluo*, aut si loco particulæ, *ego*, dicatur, *nos*, aut absolviendo Regem, *absoluo maiestatem tuam*, aut, *vos absoluo*, si plures in periculo naufragij existentes, vnica forma absoluat Confessarius. Validum est similiter pœnitentiæ sacramentum, quando constructio ex actiua in passiuam mutatur, modò idem verborum sensus permaneat; aut si forma modo imperatiuo proferatur, ut si dicatur, *absoluaris à me*: secus dicendum, si sacramentum administraretur sub forma modo deprecativo prolata, ut si dicatur, *absoluat te Deus*, quia non remanet idem verborum sensus, & pœnitentiæ sacramentum institutum est per modum iudicij, in quo non sufficit ferre sententiam modo optatiuo. tom. 1. fol. 173. num. 2. & seq.

47. Præterea non est validum pœnitentiæ sacramentum administratum hac forma, *inbeo te esse*

esse absolutum, &c. sicut etiam nec validum esset, si omitteretur particulam, *te. tom. I. fol. 174. num. 9.*

48. Obserua tamen committi peccatum, quoties mutatur forma; etiamsi eadem significatio remaneat; quilibet enim tenetur se comuni vsui Ecclesiæ accommodare. *ibid. num. 11.*

49. Validum erit sacramentum pœnitentiæ, etiamsi aliqua conditio de præsentī, vel de præterito apponatur in forma: dummodo non sit de futuro, vt diximus in aliis sacramentis. *ibid. n. 1. & fol. 175. n. 2.*

50. In distinctis confessionibus, validè & licitè iterari potest absolutio super iisdem peccatis semel ritè confessis, vt fit in confessionibus generalibus, receptis ex vsu Ecclesiæ. *ibid. num. 1. & seq.*

51. Absolutio collatā pœnitenti absenti, non est valida, quamuis pœnitens in articulo mortis existat, estque inualida confessio & absolutio facta per litteras inter absentes; esset tamen valida, si pœnitens per litteras mittat peccata sua Confessario, deinde in præsentia eiusdem Confessarij, dicat se de omnibus illis accusare, & ab eodem Confessario absolutionem obtineat in præsentia; quæ absolutio dari non potest in scriptis, vel aliis signis, sed necessariò voce proferenda est; & in hoc differt à confessione, quæ fieri potest nutibus & signis. *tom. I. fol. 176. num. 1. & seq.*

Pollutio, seu mollities.

Vide v. *Matrimonium.*

1. Pollutio voluntaria est peccatum mortale,
&

& contra ordinem naturæ, & naturam generationis. Dixi, *voluntaria*, vt innuerem pollutionem in semiexpergefacto non esse peccatum mortale. Tunc autem pollutio censetur voluntaria & peccatum mortale, quando prouenit ex causa proxima notabiliter influente in pollutionem, si non sit necessaria, utilis, vel honesta. *10m. 1. fol. 459. n. 3. & seq.* Vnde.

2. Illa pollutio non est peccatum mortale, quæ sequitur vi naturæ, aut ex causa aliqua quæ habet alium effectum, qualis est ebrietas, comestio ciborum calidorum, aspectus vel locutio cum fœmina, agitatio itineris vel cursus equi, tactus licitus seu amplexus iuxta patriæ consuetudinem, modò non sit intentio pollutionis vel periculum consensus in illam. Quando pollutio prouenit ex causa venialiter luxuriosa, non est peccatum mortale. *ibid. num. 6. & seq.*

3. Non est licitum procurare pollutionem propter sanitatem, sicut nec procurare magnam commotionem spirituum ordinatorum ad pollutionem. Non est similiter licitum desiderare pollutionem, vel de illa iam secuta gaudere ex affectu libidinis, vel ob delectationem ipsius; cum hoc sit directè consentire in pollutionem. *ibid. num. 11. & fol. 460. num. 13. & 14.*

4. Pollutiones sunt eiusdem speciei, si secundùm se sumantur, per accidens tamen possunt esse diuersæ speciei ratione circumstantiæ adiunctæ habentis diuersam specie malitiam. *ibid. n. 15.*

5. Maritus qui incepit copulam cum vxore, non potest sine causa vrgentissima ab ea desistere antequam ipse aut vxor seminauerit; faceret enim iniuriam vxori quæ habet ius perendi copulam completam: secus dicendum de fornicante,

cante, qui potest desistere ab inchoata copula, etiam si fœmina renuat. *ibid.num.16. & fol.461. num.17.*

Præscriptio.

Vide v.*Restitutio.*

1. Præscriptio est acquisitio seu adeptio dominiij utilis, vel directi rei alienæ per continuationem possessionis bonæ fidei spatio temporis à lege definiti. Ad legitimam præscriptionem quinque conditiones requiruntur, videlicet possessio continuata: capacitas actiua respectu possidentis, & passiua respectu rei quæ possidetur: bona fides seu credulitas, qua quis prudens iudicat rem suam esse, vel saltem ignorat esse alienam, modò ignorantia non sit crassa vel affectata: titulus probabiliter præsumptus, quo accipiens credat tradentem esse legitimum rei traditæ dominum: vltima conditio est tempus à iure definitum, videlicet ad præscriptionem bonorum mobilium, quæ propriè vocatur vsucapio, requiritur spatium trium annorum cum titulo & bona fide inter præsentem, inter absentes verò requiritur spatium quatuor annorum: ad præscriptionem verò rerum immobilium requiritur contra priuatos spatium decem annorum inter præsentem, & inter absentes spatium viginti annorum; at contra rem immobilem Ecclesiæ & loca pia, (excipe Romanam Ecclesiam,) requiritur spatium quadraginta annorum. *tom.2.fol.605. n.1. & fol.606.n.2. & 5. item fol.607.n.14. & 15. item fol.609.n.12. & 28.*

2. Ex dictis sequitur habentem rem alienam apud se depositam, vel commodatam, vel conductam,

Etiam non posse eam præscribere, quia eam non possidet suo nomine: & religiosum non posse aliquid præscribere, cum in eo deficiat capacitas actiua; similiter neque hominem liberum præscribi posse, deficit enim capacitas passiuæ: sequitur præterea debitorem qui iam triginta annis elapsis non soluit debitum, non posse illud præscribere, cum non dicatur habere bonam fidem: & eum qui gratis aliquid soluit singulis annis non acquirere obligationem idem semper soluendi, quia non adest titulus, ob quem acquirat obligationem soluendi. *ibid. num. 4. 7. & 9. item fol. 607. n. 16. & fol. 609. n. 23.*

3. Aduerte autem præscriptionem currere & non interrumpi, quando possessio vnius rei transit de vno ad alterum, ita vt si computato tempore vtriusque possidentis elapsum sit tantum temporis, quantum requiritur ad præscriptionem, res censeatur præscripta, modò vterque possessor bona fide possederit. *tom. 2. fol. 608. num. 21.*

4. Legitima præscriptio excusat à restitutione, non solum in foro externo, sed etiam in foro conscientiae; nam possidens rem alienam bona fide, facit illam suam per continuationem temporis à lege constituti; nullus autem tenetur ad restitutionem rei, cuius habet dominium: verum tamen est minoribus, locis piis, ac Ecclesiis concedi restitutionem in integrum auctoritate iudicis. *tom. 2. fol. 612. num. 33. & 34.*

Precarium.

1. Precarium est contractus, quo quis concedit aliquid alteri, cum potestate illud reperendi quoties voluerit. Dicitur precarium eo quod fiat precii

precibus illius in cuius commodum conceditur. In precario requiritur traditio rei, & vt ille qui tradit precarium, possit illud repetere, quoties voluerit, nisi aliter postulet charitas; vt accidit quando non potest repetere sine grauissimo detrimento illius qui precarium accepit. Et præterea in precario non potest pactum iniri, vt ille qui tradit precarium, non possit repetere, nisi post certum tempus; hoc enim repugnat contractui precarij. *tom. 2. fol. 922. num. 1. & seq.*

2. Precarium finitur vel voluntate illius qui illud concessit; vel per venditionem precarij factam à domino: vel per mortem illius qui accepit precarium. Quod si precarium concessum sit sub hac forma, *vsque ad meum beneplacitum*, vel, *donec voluero*, precarium expirabit morte concedentis, vt dictum est v. *Priuilegium. ibid. n. 5.*

Princeps.

Vide v. *Priuilegium.*

Priuilegium.

Vide v. *Lex.*

1. Priuilegium est lex, qua conceditur aliquid speciale. Multiplex est priuilegium, aliud scriptum, aliud non scriptum, aliud reale, quod directè conceditur alicui rei, vt loco, dignitati, aliud personale, quod conceditur immediatè personæ ratione sui: aliud gratiosum, aliud remuneratorium, aliud conuentionale, & aliud purum, aliud perpetuum, aliud temporale seu quod impleta tali vel tali conditione cessat. *tom. 2. fol. 109. n. 1. & seq.*

2. Priuilegium ab eo conceditur à quo lex ferri potest,

potest, & consequenter Imperator & Rex possunt existentibus in sua ditione, & Papa directè in spiritualibus omnibus priuilegia concedere. Episcopus quoque potest in propriis statutis priuilegia suis subditis conferre. *tom. 2. fol. 111. num. 1. & seq.*

3. Priuilegia contra ius illis tantummodò concedi possunt, qui aliquo modo sunt subditi, quia cum per priuilegium homo eximatur à lege, illis solum concedi possunt, qui sunt aliquo modo subditi. *ibid. num. 5.*

4. Priuilegium vel dispensatio validè potest obtineri absque mandato vel scientia illius, in cuius fauorem obtinetur, seu priuilegiarij, & consequenter valet dispensatio obtenta à Titio ad contrahendum cum affine vel consanguinea, quamuis ipsa non sit conscia dispensationis: imò validè potest obtineri dispensatio pro inuito & nolente, & Superior habens talem facultatem, pro istis dispensare potest. *tom. 2. fol. 112. num. 1. & seq.*

5. Priuilegium non habet vim donec acceptetur ab eo cui conceditur, aut ab ipsius nuncio vel procuratore qui vicem ipsius gerat; vnde valent gesta à priuilegiario facta postquam per nuncium priuilegium acceptauit, etiamsi ipse hoc ignoret. Item valida est confessio facta Sacerdoti ignaro concessionis sibi ab Episcopo factæ, si hæc iam acceptata fuerit ab ipsius procuratore; secus dicendum, si licentiam sibi concessam cognouit per alium quàm per nuncium; neque potest priuilegiarius vti priuilegio, antequam ab ipso vel à procuratore acceptetur: sicut & inuálida est quoque commutatio voti antequam acceptetur; & concedens priuilegium, potest illud

reuo

reuocare antequam acceptetur à priuilegiario.
ibid.num.5. & fol.113.n.6. & seq.

6. Obtinens priuilegium per nuncium ne possit ab aliquo excommunicari, gaudet priuilegio statim ac illud acceptatum fuit à nuncio, priuilegiumque prodest priuilegiario antequam innotescat illi in cuius damnum conceditur. *ibid.n.14. & fol.114.n.16.*

7. Materia priuilegij debet esse honesta, rationalis, fauorabilis; & debet consistere in aliqua facultate ad agendum aliquid vel non agendum, ad recipiendum, vel non recipiendum. *ibid.num.1.*

8. Effectus priuilegij respectu priuilegiarij consistit in facultate aliquid faciendi vel omitendi; quamquam tenetur aliquando priuilegiarius uti suo priuilegio, quando scilicet ex omissione vsus priuilegij sequitur aliorum præiudicium. *ibid.num.2. & 3.*

9. Ut autem validi sint actus facti virtute priuilegij, requiritur ut seruetur forma substantialis contenta in priuilegio, quia actus sine forma substantiali celebratus, non est validus. *tom.2.fol.115.num.1.*

10. Quando alicui datur priuilegium, seu facultas aliquid faciendi de alterius consilio, tenetur, per se loquendo, petere consilium; & opus aliter factum, irritum est; sed non tenetur illud semper sequi, quia aliud est petere consilium, aliud sequi consilium. *ibid.num.3. & 4.*

11. Priuilegio absolute & absque determinatione loci concesso, priuilegiarius uti potest quolibet in loco concedentis; nisi de mente concedentis aliter constet, *ibid.num.1.*

12. Quando Papa concedit facultatem vescendi

di lacticiuiis in Quadragesima ob inopiam piscium in tali vel tali regione, non licet vti dicto priuilegio vltra talem regionem; aliàs priuilegium à Papa; considerato vt est pastor vniuersalis, concessum, vbique terrarum valet. *rom.2. fol.116.num.3.*

13. Priuilegiarius potest præciso scandalo, aut alia circumstantia vbique, etiam extra territorium concedentis, vti dispensatione seu priuilegio personali sibi concesso absque determinatione loci, modò in alieno territorio non extet specialis aliqua prohibitio; & sic qui ab Episcopo dispensationem obtinuit in voto castitatis, vt possit debitum à sua vxore petere, potest debitum ab ea vbique petere; & absolutus ab excommunicatione remanet vbique absolutus, sicut & habens facultatem eligendi Confessorem, potest illum vbique eligere, &c. *ibid.num.4. & seq.*

14. Priuilegium purè fauorabile, in quo nulli præiudicium affertur, latè explicandum est, quantum rationabiliter iudicatum fuerit, seruata verborum proprietate: priuilegium verò odiosum nisi aliter dictet recta ratio, prudentia, grauis aliqua causa, vel necessitas, strictè explicandum est, seruata verborum proprietate, iuxta illam regulam iuris: *Odia restringi, fauores conuenit ampliari.* quamquam priuilegia quæ continentur in iure communi, non videntur strictè explicanda, sicut neque dispensatio quæ per legem vel Canonem conceditur, cum gradus remotior trahat ad se minus remotum, dispensatioque concessa in tertio gradu, extenditur ad secundum cum tertio; priuilegium autem contra ius commune, strictè explicandum est; priuilegium

legiūque irregulari concessum ad beneficia, censetur solum concessum ad beneficia simplicia.

tom.2.fol.118.num.4. & seq.

15. Priuilegium quod præbet occasionem peccandi, vel quod ad lites concessum est, strictè accipi debet; sicut & priuilegium quod vergit in præiudiciū tertij; secus dicendum de facultatibus Bullæ Cruciatæ, aut Iubilæi, aut absoluedi à reſeruatis: hæ enim latè explicandæ sunt, sicut & facultas Episcopis concessa in Tridentino. *tom.2.fol.119.num.11. & seq.*

16. Potestas concedendi priuilegium non est explicanda eo modo quo explicatur ipsum priuilegium. *ibid.num.14.*

17. Priuilegium concessum *ad instar* alterius priuilegij, ita explicandum est, vt per ipsum concessus censeatur omnis fauor & gratia cum eadem extensione & limitatione quæ continetur in alio ad instar cuius priuilegium est concessum; hanc enim significationem admittit illa particula, *ad instar.* *tom.2.fol.121.num.20.*

18. Priuilegium censetur solummodo concessum iis personis vel rebus quæ sunt in priuilegio expressæ, vel quæ in eo comprehenduntur, propter significationem vocis, aut propter materiæ, aut actionis connexionem, vel propter iuris dispositionem. *ibid.num.1.*

19. Priuilegium concessum religiosis extenditur etiam ad moniales; concessum filiis extenditur ad filias, fratribus ad sorores; item priuilegium concessum bonis mariti extenditur etiam ad bona vxoris, communia cum bonis mariti.

Priuilegium quoque concessum Sacerdoti vt possit

possit celebrare tempore interdicti, extenditur ad alterum qui inferuiat Sacerdoti. Vxor præterea gaudet priuilegiis nobilitatis obtentis à viro, sed non priuilegiis clericatus. *ibid.num.2. & seq.*

20. Priuilegium alicui concessum audiendi officia tempore interdicti, extenditur etiam ad familiares & domesticos. *tom.2.fol.122.num.8.*

21. Filius non gaudet priuilegiis patris, excepta nobilitate, aut alia concessione à iure facta. *ibid.num.10.*

22. In dispensationibus non est argumentandú à paritate rationis, vel à maiori ad minus, modò minus non includatur in maiori; tunc enim dispensatio seu priuilegium extendi videtur ad minus, quia qui concedit totum, censetur etiam concedere partes. *ibid.num.12.*

23. Priuilegium personale amittit vim suam per mortem illius cui concessum fuerat, & priuilegium reale non extinguatur morte illius cui concessum fuerat, sequitur enim rem ipsam, & successiue transmittitur ad illos qui rem ipsam acquirunt. Idem dic de priuilegio concesso dignitati vel officio, quod transit ad illos qui talem dignitatem vel officium successiue obtinent. *tom.2.fol.123.num.1. & seqq.*

24. Commissiones datæ Vicario Episcopi, possunt expediri per successorem, eo amoto ab officio vel mortuo; commissiones verò datæ officiali Episcopi, sunt expediendæ per officialem principalem, si Episcopus duos habeat officiales. *tom.2.fol.124.num.9. & 10.*

25. Canonicus potest post resignationem Canoniciatus cognoscere de causa sibi personaliter
com

commiffa tempore Canoniciatus; quia commiffio
personalis fequitur perfonam inftar priuilegij;
at commiffio facta legato, etiam fub nomine di-
gnitatis, extinguitur finita legatione & non tran-
fit ad fuccefforem, quia legatus non dicitur pro-
priè habere fuccefforem. *tom. 2. fol. 125. num. 14.*

¶ 15.

26. Petes, an is cui datur commiffio, debeat in
dignitate exiftere tempore refcripti, vel repræ-
fentationis, vel potius vtroque tempore? Re-
fpond. fufficere, vt is cui difpenfatio committi-
tur, in dignitate exiftat tempore impetrationis,
feu *data*, vt vulgò dicitur, quamuis præfentatio-
nis tempore remotus fuerit ab illa dignitate.
ibid. num. 17.

27. Ille cui delegatur potestas difpenfandi, non
potest per alium difpenfationem expedire, potest
verò receptionem teftium & informationem alij
committere. *tom. 2. fol. 126. num. 18.*

28. Priuilegium ritè obtentum, feu gratia iam
facta, non ceffat morte concedentis, modò priui-
legium conceffum fit fimpliciter fine aliqua con-
ditione, feu particula reft ringente vfque ad
mortem concedentis; & modò fit accepta-
tum ante mortem concedentis; quamquam
multi probabiliter contrarium fentiant. *ibid.*
num. 19.

29. Iurifdictio alicui data fub nomine dignita-
tis, non extinguitur morte concedentis, vt fi di-
catur: *Sedes Apostolica hoc tibi negotium deman-*
dat. *tom. 2. fol. 129. num. 32.*

30. Priuilegium conceffum ad beneplacitum
concedentis, expirat morte concedentis, quia
beneplacitum concedentis ceffat morte conce-
dentis. *tom. 2. fol. 129. num. 3.*

31. Priui

31. Privilegium gratuitum, quo alicui subdito datur facultas faciendi contra ius, vel potius præter ius, potest ex iusta causa reuocari à concedente, vel à successore, vel ab eius Superiore, consequenter privilegium amitti potest per reuocationem illius; secus dicendum de privilegio dato per contractum onerosum, & dato in remunerationem, quod Superior reuocare nequit sine debita compensatione. *tom. 2. fol. 130. num. 1. & 2.*

32. Privilegium reuocatur vel expressè per verba sufficienter indicantia reuocationem privilegiorum in specie vel in genere; vel reuocatur tacitè, vt si concedens faciat aliquem actum, qui non possit subsistere absque derogatione privilegij, vt si Princeps iubeat exigere tributum ab eo quem exemerat à tributis. *tom. 2. fol. 131. num. 11. & fol. 132. n. 14.*

33. Dispensationes alicui concessæ in foro externo à Summo Pontifice, non censentur reuocatae per clausulam generalem reuocantem privilegia. Neque reuocatio facta per huiusmodi clausulam generalem extenditur ad Bullam Cruciatam, aut ad privilegia contenta in Conciliis generalibus, nisi aliter constet de mente concedentis, aut nisi privilegium irritum redderetur. *ibid. num. 12. & 13.*

34. Per legem subsequenter non reuocantur privilegia non contenta in corpore iuris, nisi fiat mentio privilegiorum: item neque per particulare mandatum seu præceptum, seu rescriptum Principis: neque per subsequens privilegium contrarium; reuocatur tamen per sententiam latam contra illud ab eo qui potest privilegium auferre. *tom. 2. fol. 132. n. 15. & seqq. & f. 133. n. 18.*

35. Rur

35. Rursus reuocatio priuilegij fit adhuc per legem publicam seu promulgatam, & per priuatam reuocationem. *ibid.num.19.*

36. Vtroque modo facta operatur suum effectum; priuata postquam peruenit ad notitiam illius cui concessum fuit priuilegium. *ibid.num.20.*

37. Confessarius validè absoluit facta priuatim reuocatione facultatis sibi ignotæ; secus dicendum, si reuocatio facta fuit per legem; quia reuocatio facta per legem sortitur suum effectum, quamuis ignoretur. *ibid.num.22.*

38. Quares, cuiam facienda sit reuocatio priuilegij concessi communitati, vel Collegio, vel ordini, vel ciuitati, vel Prouinciæ? &c. Respond. sufficere, si fiat corpori, seu communitati, & non esse necesse vt innotescat singulis. Item satis est vt reuocatio publicetur in loco cui concessum fuerat. *ibid.n.24.*

39. Priuilegium amittitur per voluntariam priuilegij renunciationem factam à priuilegiario, & acceptatam à concedente, non autem amittitur per renunciationem factam per dolum vel metum. *10m.2.fol.134.v.1.&2.*

40. Priuilegium affirmatiuum quo conceditur facultas aliquid faciendi in grauamen aliorum, amittitur per non vsum priuilegij, quatenus illi in quorum grauamen cedit priuilegium, præscribunt exemptionem à tali onere per tempus legitimum: priuilegium verò quod non cedit in grauamen alterius, non amittitur per non vsum. *ibid.num.3.&4.*

41. Priuilegium amittiturne per contrarium vsum, id est, per actum contrarium priuilegio? Respond. amitti per vsum materialiter & forma-

B b

liter

liter contrarium tori priuilegio. Vt autem actus dicatur contrarius priuilegio, debet fieri ab ipso met priuilegiario. *tom. 2. fol. 135. n. 2. & fol. 136. num. 4. & fol. 137. n. 11.*

42. Priuilegium non amittitur, quoties ex signis & coniecturis sufficienter constat priuilegiarium aliquid fecisse animo non renunciandi. *ibid. num. 5.*

44. Si priuilegium cedit in vtilitatem priuatam, ille potest renunciare priuilegio, in cuius fauorem concessum est; quando verò priuilegium concessum est ob bonum commune, non potest à priuata persona renunciari, etiamsi redundet in bonum illius personæ priuatæ, modò bonum priuatum non sit separabile à communi. *tom. 2. fol. 136. n. 7. & 10.*

45. Priuilegium quod habet tractum successuum, præcisa protestatione, amittitur secundùm quid in vtroque foro per quemlibet actum materialiter & formaliter contrarium priuilegio, modò fiat ab eo qui potest priuilegio cedere, vel de ipsius consensu & voluntate; secus dicendum de priuilegio quod respicit vnum actum, seu quod sit incontinenti: hoc enim simpliciter tollitur per vnum actum contrarium præcisa protestatione, quia renunciatio quoad vnum actum in tali ouentu censetur renunciatio simpliciter. *tom. 2. fol. 137. num. 14. & 16.*

46. Qui abutitur priuilegio contra finem & causam priuilegij, vel vltra limites & terminos illius, ipso iure amittit priuilegium quoad effectum quem agit; nam talis abusus tollit fundamentum priuilegij; & actus censetur factus sine potestate, & consequenter irritus quoad id in quo excedit potestatem. *tom. 2. fol. 138. num. 5.*

Proch

Procurator.

Vide v. *Accusator.*

Professio.

Vide v. *Religiosus, Apostata, Votum.*

Promissio.

Vide v. *Sponsalia.*

1. Promissio est datio fidei, deliberata, vera, & spontanea; de re licita & possibili. *tom. 2. fol. 888. num. 1.*

2. Qui promittit animo promittendi seque obligandi, sed cum animo non adimplendi, tenetur stare promissioni: nam ex promissione facta animo promittendi & se obligandi naturaliter confurgit obligatio adimplendi promissionem; secus de eo qui promittit, ignorans naturam promissionis, nisi intendat facere quod alij faciunt promittendo. *tom. 2. fol. 889. num. 8. & 9.*

3. Promissio facta ad indicandum tantum animi desiderium, vel affectum, vel propositum; aut facta vrbauitatis gratia, non obligat, quia promittens, non intendit se obligare. Idem dicendum de promissione facta per dolum aut metum saltem grauem, hæc enim non obligat, nisi iuramentum ei addatur. *ibid. n. 12. & 13. & fol. 890. num. 14.*

4. Qui interius promisit Deo se ducturum aliquam fœminam quam deflorauit, sub promissione matrimonij, tenetur promissionem Deo factam adimplere; quia huiusmodi promissio est de re meliori, quàm sit eius omissio, cum sit de re

quam promissor tenetur facere. *tom.2.fol.891.
num.20.*

5. Promissio quæ fit Deo, non obligat, si sit impeditiua maioris boni, obligat autem si fiat homini, & quando semel ab homine acceptata est, non potest auferri absque consensu illius, cui facta fuit: at promissio facta Deo quæ obligat, vt votum, potest per commutationem vel dispensationem tolli. *tom.2.fol.892.num.23.*

6. Promissio merè interna, non obligat, nisi fiat per modum voti de meliori bono, quia vt promissio obliget, debet acceptari, sed promissio interna nequit acceptari, nisi exterius proferatur, ergo, &c. At promissio gratuita, externa, & acceptata obligationem inducit; & eam non adimplens, peccat mortaliter, nisi paruitas materiæ excuset. *ibid.n.1. fol.893.n.2. seq.*

7. Estne liberum promissario acceptare promissionem multo iam tempore factam, & non reuocatam? Respondetur affirmatiuè: nam promissio facta & non reuocata, durat; consequenter ille cui facta fuit, potest eam acceptare, & ius per acceptationem acquirere. *tom.2.fol.894.n.7.*

8. Vt autem promittens peccet non adimplendo promissionem gratuitam, requiritur primò vt promittat animo non promittendi, & se obligandi, vt promissio sit rei licitæ & possibilis; deinde vt sit promissio rei notabilis, & vt res in eodem statu permanferint, & non fuerit ita notabiliter mutatus status rerum & personarum, vt si menti occurrisset talis mutatio, non esset facta promissio, nisi cum exceptione; denique requiritur vt promissio sit acceptata; censetur autem acceptata promissio facta in fauorabilibus ei qui tacet, modò qui tacet, sit præsens moraliter, & intelligat

telligat sibi promissionem fieri; & consequenter valida erit huiusmodi promissio positis cæteris conditionibus iam allatis. *ibid. n. 8. & fol. 895. n. 9.*

9. Qui promittit aliquid animo se obligandi solum sub veniali, tenetur solum sub veniali promissionis adimplere; & hoc verum est, etiamsi materia sit grauis. *ibid. n. 11.*

10. Ille potest acceptare promissionem in fauorem absentis, vel donationem, qui ex ea commodum reportat, modò verba promissionis in ipsum directa sint: vel is, cui ex iure id conuenit, vel cui hoc negotium committitur. Vnde qui alterius curam gerit, potest acceptare promissionem nomine illius, cuius curam gerit, vt Prælati vel Parochi nomine suæ Ecclesiæ; tutor nomine pupilli; curator nomine maioris; pater & mater pro filio & filia; hi enim censentur reportare commodum ex promissione, quam acceptant pro eo, cuius curam gerunt. Item qui alterius iuri sunt subditi, validè possunt stipulari pro illis, quorum iuri subiecti sunt, ex. gr. filius pro patre, seruus (sed non mercenarius) pro domino, imò socius pro socio, vxor pro marito potest stipulari. Item iudex nomine partis absentis, & alter pro altero, etiam in causa dotis, potest stipulari. Denique is potest stipulari & acceptare, qui ad hæc habet speciale mandatum. Aduerte tamen promissorem non teneri adimplere promissionem acceptatam à tertio, antequam ratificetur ab eo in cuius fauorem facta est, cum is possit illam respuere. *tom. 2. fol. 893. num. 4. & seq.*

11. Vt promissio vel donatio facta absenti per nuncium, vel per litteras valida sit, requiritur vt promissio vel donatio deferatur promissario, vel donatario per litteras, seu per nuncium ad hoc

destinatum ; coram quo promissio quæ defertur debet acceptari , & non sufficit si coram alio acceptetur. Præterea requiritur ut promittens non reuocarit promissionem : nam si reuocauit, & reuocatio mandati innouit mandatario vel donatario , inualida est. *tom. 2. fol. 899. num. 1. & seq.*

12. Inualidæ sunt promissiones, quibus præbentur occasio peccandi : ut si quis alteri promittat se remissurum obligationem de furtō , de iniuria , &c. Item promissiones quibus adimitur facultas disponendi de rebus suis, irritantur à iure : ut si quis promittat alteri se non reuocaturum testamentum , aut se non electurum alium præter ipsum in hæredem. *tom. 2. fol. 900. num. 2. & 3.*

13. Promissio antea valida & acceptata , desinit obligare, quoties superuenit notabilis mutatio , quæ si tempore promissionis adfuisset , vel præcogitata fuisset , iudicio prudentis promissionem impediuiisset. Et hoc valet etiam si promissio firmata sit iuramento. Hinc sequitur promissionem non obligare, si res promissa facta est inutilis, vel damnoſa, vel impossibilis, vel illicita. *tom. 2. fol. 901. n. 1. & seq.*

Pignus.

1. Pignus est contractus , quo res alicui traditur ad securitatem crediti ; aliquando accipitur pro hypotheca ; differt tamen, propriè loquendo, ab illa, quod pignus sit de re mobili ; hypotheca verò de re immobili. *tom. 2. fol. 857. num. 1. & 2.*

2. Omnia quæ vendi possunt, possunt etiam pignori tradi ab eo qui liberam habet illorum administrationem : & è contra ea tradi nequeunt pignori, quæ nequeunt alienari. *ibid. n. 5.*

3. Eadem res potest pluribus hypothecari , si
suffi

sufficiens sit ad omnibus soluendum : sicut & pignus quod ego accepi à meo debitore, possum quoque alteri oppignorare; desinet tamen secunda oppignoratio, statim ac mihi satisfactum erit.
rom. 2. fol. 859. num. 8. & 9.

4. Creditor non potest cum damno debitoris vti pignore accepto in securitatem crediti, nisi adsit ipsius debitoris consensus expressus vel tacitus ; & tunc debet in sortem computare valorem illius usus, nisi præsumatur dominum gratis concedere usum pignoris ; propterea qui accipit agrum incultum in pignus, si eum colat, tenetur computare fructus in sortem, deductis expensis & laboribus, nisi dominus agri illos condonet creditori. *ibid. num. 9. & 10.*

Purgatorium.

Vide v. *Indulgentia.*

R

Raptus.

Raptus propriè dicitur quando persona aliqua inuita, vel resistantibus eius parentibus, seu illis, sub quorum cura est, abducitur per vim ad libidinem explendam, vel ad matrimonium contrahendum. Raptor subiacet pœnis Tridentini, etiamsi postea non expleuerit libidinem ob superueniens impedimentum. Raptus superaddit fornicationi malitiam contra iustitiam, & non solum committitur, quando femina abducitur per vim siue ipsa sit virgo, siue corrupta, siue coniugata; sed etiam quando vir abducitur per vim : secus dicendum quando quis virginem opprimit in domo patris, aut illam trahit de vno

584 - *Religio, Religiosus.*

cubiculo in aliud, ut ibi ea facilius abutatur. *tom.2.fol.475.num.1.& seq.*

2. Pœnæ contra raptores decretæ sunt capitis & bonorum amissio, excommunicatio ipso facto incurrenda ante sententiam iudicis ab ipsis etiam qui consilium, auxilium & fauorem præbent raptoribus; præterea infamia & incapacitas dignitatum: ut raptor non possit contrahere cum rapta à se vel ab alio antequam constituatur in loco tuto, ut teneatur, siue matrimonium contrahat, siue non, ad decenter dotandam raptam arbitrio iudicis, & ut matrimonium inualidum sit, dum rapta est in potestate raptoris. *tom.2.fol.476.num.9.& seq.*

3. Ille adhuc dicendus est raptor, qui per vim abducit uxorem, quæ vult uti spatio duorum mensium sibi à iure concesso ante consummationem matrimonij. *ibid.num.13.*

Religio, Religiosi.

Vide v. *Apostata, Votum, Suspendio, Monasterium, Simonia, Munera.*

1. Religiosi non tenentur ad clausuram perpetuam, & clausuræ violatio respectu illorum, non est peccaminosa mortaliter, per se loquendo. *tom.1.fol.865.num.2.*

2. Religiosus excusatur ab omni culpa exeundo à monasterio, quando obtinuit licentiam Superioris expressam vel tacitam, iuxta præscriptum religionis, quæ licentia licitè concedi non potest à Superiore, nisi aliquam legitimam illius concedendæ causam habeat; imò religiosus non solum potest, sed & tenetur nonnunquam monasterio

sterio egredi vt parentibus subueniat , de qua re vide v. *Lex. ibid. num. 3. & 4.*

3. Multis modis & multiplici occasione clausuram violare possunt religiosi : vt dimittendo habitum, matrimonium contrahendo , &c. Religiosus autem tacite vel expresse professus dicitur dimittere habitum, quando habitum deponit ad sic incedendum, vel ad se occultandum, ita vt eo deposito nequeat religiosus dignosci. Religiosus ergo in omni loco & tempore habitum suæ religionis deferre debet, saltem ex honestatis debito. *tom. 1. fol. 866. num. 6. & fol. 867. num. 2. & 3.*

4. Religiosus excommunicationem incurrit, non solum dum totum suæ religionis habitum dimittit, verum etiam dum partem detinet , alia dimissa , sed ex parte retenta nequit religiosus dignosci. Idem dic de religioso occultante vestes suæ religionis alio habitu superimposito : & de eo qui accedit ad aliquem locum sine habitu, etiam si facultatem à suo Superiore ad illum locum accedendi obtinuerit. Similiter religiosus non deferens habitum in suo monasterio, excommunicationem incurrit iuxta probabiliorem sententiam. *ibid. num. 8. & fol. 878. num. 10. & seqq.*

5. Aduerte tamen religiosum non incurrere excommunicationem ob quamlibet habitus dimissionem , vt si fiat , v. g. causa seruandæ vitæ dum per loca Turcarum vel inimicorum transiturus est : aut si dimittat ignoras prohibitionem, aut causa alicuius ludicræ actionis , aut ad assumendum habitum alterius religionis strictioris, modò non assumat contra iura ; nam religiosus ita assumens, incurrit excommunicationem, licet

multi Doctores oppositum sentiant. *ibid. num. 13.*

¶ 14. item fol. 869. num. 15. ¶ seqq.

6. Religiosus dimittens habitum ad tempus, incurrit excommunicationem, etiamsi animum habeat illum iterum assumendi; secus dicendum si dimittat tantum ad modicum & breue tempus, ex. gr. ad dimidiam, vel etiam vt plurimum ad integram horam; etiamsi intentionem habuerit diutius dimittendi. *ibid. n. 19. ¶ 20.*

7. Religiosi Societatis Iesv dimittentes habitum religiosum in partibus vbi sacularem habitum non assumunt, ligantur excommunicatione. Idem dicendum de religioso promotum ad beneficium parochiale alicuius Ecclesiæ, si dimittat habitum suæ religionis. *tom. 1. fol. 870. num. 24.*

¶ 25.

8. Religiosus creatus Episcopus non tenetur sub excommunicatione habitum suæ religionis deferre, quidquid sentiant multi in contrarium: quia religiosus factus Episcopus eximitur ab omnibus regulis & statutis religionis. Idem dic de religioso ad dignitatem Abbatis electo, habente propriam diocesim nulli Episcopo subiectam: quamquam religiosus creatus Episcopus vel Abbas cum dignitate quasi Episcopali, tenetur adhuc tribus votis religionis. *ibid. num. 16.*

¶ fol. 871. n. 27. ¶ 28.

9. Religiosus ad Cardinalatus apicem euectus, non subiicitur excommunicationi non deferendo habitum suæ religionis. *ibid. n. 29.*

10. Religiosus dimittens habitum suæ religionis excommunicationem incurrit, etiamsi physicam vel leges sine Superioris licentia audire non intendat. *ibid. n. 30.*

11. Religiosus professus matrimonium sine licentia

centia Papæ contrahens, aut proficiscens ultra mare sine licentia sui Superioris in scriptis expressa, excommunicationem incurrit, etiamsi id faciat absque prauo animo vel scandali periculo. Et Superior concedens facultatem alicui religioso litterato, sed non prouido vel experto transferendi se ad partes transmarinas in quibus pauci fideles reperiuntur, non eximitur ab excommunicatione. *tom. 1. f. 872. punct. 3. & punct. 4. num. 1. & seq.*

12. Superior alicuius ordinis non incurrit excommunicationem transferendo se ultra partes transmarinas sine licentia. *tom. 1. fol. 873. num. 8.*

13. Omnes Monachi & Canonici regulares non habentes administrationem adeuntes curias Principum ad nocendum suis Prælatiis aut monasteriis, excommunicationem ipso facto incurriunt, etiamsi nullum damnum reipsa inferant. Ita *Clement. 1. in agro, de stat. monach.* Nec refert quod ad præfatas curias accedant cum licentia generali suorum Prælatorum. *tom. 1. fol. 874. n. 1. & 6.*

14. Monachus qui bono animo curiam ingressus est, sed postea in curia commoratur intentione damnum inferendi suis Prælatiis vel monasteriis, excommunicationem non videtur incurrere, iuxta probabilem D. Bonaciæ opinionem. *tom. 1. fol. 874. num. 4.*

15. Religiosus accedens ad præfatas curias animo nocendi alteri religioso, vel alteri religioni seu monasterio, non incidit in excommunicationem: textus enim loquitur de nocentibus suis Prælatiis aut monasteriis. *ibid. num. 10.*

16. Aduerte tamen accedentem ad curias Principum animo nocendi, excusari ab excommuni-

catione, si hoc faciat ex ignorantia etiam crassa & supina, modò non sit coniuncta cum ingenti temeritate. *tom. 1. fol. 875. num. 14.*

17. Religiosi accedentes ad studia, seu proficiscentes aliò, id est extra oppidum sui monasterij, sine licentia sui Prælati & consilio Conuentus, vel maioris partis, laqueo excommunicationis obstringuntur. Hinc sequitur accedentem ad studia sui oppidi sine licentia sui Prælati, non incurrere hanc excommunicationem. Idem dicendum, si accedat ad aliud monasterium suæ religionis, in quo studia exercentur: nam hic non dicitur accedere ad studia, sed potius mutare cœnobium. Imò religiosus transferens se ad aliud monasterium suæ religionis intentione dandi operam studiis, quæ extra monasterium exercentur, non incurrit excommunicationem, si intentionem habeat degendi in monasterio suæ religionis. *tom. 1. fol. 875. num. 1. & fol. 876. num. 4. & seq.*

18. Generalis aut Prouincialis (vel etiam Episcopus respectu religiosorum non exemptorum,) potest facultatem concedere religioso sibi subdito accedendi ad studia, quod si licentia sit inuálida, videlicet obtenta per dolum vel metum grauem, religiosus accedens ad studia, non eximitur ab excommunicatione. *ibid. num. 8. & 9.*

19. Non est necesse totum Conuentum conuocare dum alicui religioso concedenda est facultas exeundi ad studia: sufficitque consilium petitum esse à maiori parte conuentus, etiamsi non adsit consensus, dum Superior concedit religioso facultatem eundi ad studia. *tom. 1. fol. 877. n. 10. & 11.*

20. Prælatus monasterij non afficitur excommunicationi

municatione accedendo ad studia sine licentia, quamvis fortè aliunde peccet. *ibid.n.14.*

21. Religiosus è claustro, id est extra ciuitatem, exiens ad audiendas leges vel medicinam, subiicitur excommunicationi, nisi ad claustrum intrabimèstre redeat. Quod si exeat de claustro alia de causa, quàm occasione audiendi physicam vel leges, non incurrit excommunicationem.

tom.1.fol.878.num.1. & 5. Item

22. Religiosus non exiens animo audiendi medicinam vel leges, non videtur in excommunicationem incidere, etiamsi postea extra claustrum permaneat animo eas audiendi. *ibid.n.6.*

23. Religiosus monasterio egressus intentione audiendi medicinam vel leges, excommunicationem incurrit, etiamsi postquam egressus est, mutauerit intentionem illas audiendi, nisi fortè intra duos menses redeat. *ibid.num.7.*

24. Religiosus egrediens monasterio ad docendum medicinam vel leges, non incurrit excommunicationem iuxta communioem Doctorum sententiam, quia iura loquuntur solum de exeuntibus ad audiendum. Imò docens leges vel medicinam coram religioso, non grauitèr peccat, nisi fortè religiosus habitum dimiserit. *tom.1.fol.879.num.9. & 10.*

25. Nouitius non ligatur excommunicatione exeundo è claustro ad audiendas leges vel medicinam. *tom.1.fol.880.num.14.*

26. Magistri seu Doctores qui religiosum postquam dimisit habitum, medicinam, aut leges, seu ius ciuile docere, aut in scholis scienter retinere, seu excipere dum lectio habetur, præsunt, excommunicationis pœna ipso facto puniuntur; & hoc verum est siue doceatur in scholis, siue
extra

extra scholas. *ibid. num. 1. & 3. item fol. 881. n. 7.*

27. Doctor seu Magister docens aliquos dum nouit religiosum in domo propinqua ipsum audire, non ligatur excommunicatione. Quod si aduertat religiosum adesse in sua schola, qui dimisso habitu intendat ipsum audire, debet eum expellere, & si admonitus exire nolit, & sine scandalo expelli nequeat, dimittat lectionem. *tom. 1. fol. 881. n. 10. & 11.*

28. Licitus est transitus ab vna ad aliam arctiorem religionem, nisi aliud obstat, quia cuilibet iure naturæ competit ius perfectioris vitæ capessendæ. *tom. 1. fol. 882. num. 1.*

29. Quæres, an licitum sit alicui nouitiatum vel professionem suscipere animo firmo vel dubio transeundi ad aliam religionem, cum studiorum cursum perfecerit, vel ad presbyteratus ordinem promotus fuerit? Respondendum posse quidem ad arctiorem religionem transire, sed grauiter peccare ingrediendo religionem, vel profitendo cum præfata firma vel dubia intentione; teneretur tamen ad restitutionem expensarum quas monasterium subiit in ipso alendo, & ipse detrahere potest æstimationem laboris & ministerij in vtilitatem monasterij exhibiti; secus dicendum de nouitio bona fide religionem ingressus, si enim ille exeat, non teneretur ad expensas. *ibid. n. 2.*

30. Transitus ad arctiorem religionem conceditur non solum iure humano, verum etiam iure naturali diuino, quibuscumque religiosis, etiam conuersis vel oblaris & monialibus; imò & conuentus totus transire potest ad arctiorem religionem, nisi fortè aliud obstat. *tom. 1. fol. 883. num. 1. & seq.*

31. Præ

31. Prælatus religionis aduolare potest ad perfectiorem religionem. Item Episcopus regularis transire potest ad arctiorem religionem petita prius à Summo Pontifice licentia ; imò potest ad laxiorè transire, posito quod renunciato Episcopatu, nolit ad priorem redire. *tom. 1. fol. 884. n. 6. & seqq.*

32. Transiens de vna religione ad aliam, tenetur nouum peragere nouitium in secunda religione ad quam transit, debet enim ante professionem illius onera & asperitates experiri. *ibid. num. 10.*

33. Volens ad arctiorem religionem transire, licentiam transeundi petere debet à suo Superiore, & cū transitus causam aperire : ita expresse habetur *in cap. licet, de regular.* Et Prælatus non debet religiosum alterius religionis laxioris admittere, dum illi denegatur à suo Superiore licentia transeundi ; nisi ei constet licentiam à Superiore prioris religionis iniquè & indiscretè denegari. Professio in arctiori religione facta, valida est, etiamsi petita vel obtenta non fuerit licentia. *tom. 1. fol. 885. num. 1. & seqq. item fol. 886. num. 7.*

34. Religiosus qui licentiam transeundi ad aliam religionem obtinuit, prius inquirere debet religionem à qua recipiatur antequam monasterio egrediatur, alioquin obligationem clausuræ violat. *tom. 1. fol. 886. num. 5.*

35. Religiosus volens transire ad arctiorem, seu asperiores religionem, licentiam petere potest ab immediato Superiore monasterij, aut à Prouinciali vel Generali, non tenetur tamen licentiam à conuentu petere. *tom. 1. fol. 387. num. 9. & 10.*

36. Monialis volens ad arctiorem religionem transire, non satisfacit petendo licentiam ab Abbatissa, sed huiusmodi licentia petenda est à Prælato cui subest monialis; siue is sit Episcopus, siue Prælatus regularis. *ibid. num. 11.*

37. Summus Pontifex non potest in foro conscientiae licentiam transeundi ad laxiorem religionem concedere sine iusta causa; quia facultas transeundi ad laxiorem, continet commutationem voti in minus, consequenter continet quandam dispensationem, sed Papa non potest sine iusta causa in voto, seu iure diuino dispensare, ergo, &c. *tom. 1. fol. 888. num. 14.*

38. Religiosus facultatem habens transeundi ad quamlibet laxiorem religionem, non potest ingredi religionem equitum militarium, nisi id disertis verbis exprimatur; quia licet equites sint veri religiosi, non tamen sub communi religionis nomine comprehenduntur. *ibid. n. 15.*

39. Transitus ab vna religione ad aliam fieri debet sine notabili damno vel infamia prioris religionis, bono zelo seu amore maioris perfectionis: & si dubium sit an bono vel prauo animo ad aliam religionem quis transire velit, bonus animus & zelus præsumendus est. *tom. 1. fol. 889. num. 1. & seq.*

40. Transiens ad aliam religionem, non tenetur ad vota primæ religionis: & in secunda sedere debet iuxta tempus quo in illa professionem emisit. Quod si quis ad aliam religionem transeat ut ibi sit Prælatus, finito officio remanet religiosus primæ religionis, quia qui ad religionem proficiscitur, ut ibi sit Prælatus, non solet ibi professionem emittere. *tom. 1. fol. 891. num. 1. & seq.*

41. Quam

41. Quando religiosus certam sedem non habet, sed ad nutum Superioris amouetur, & transmittitur ab vno monasterio ad aliud eiusdem religionis, cuius vnum est caput, id est, Generalis vel Prouincialis, bona aut iura ab huiusmodi religioso acquisita iure communi pertinent ad totum ordinem seu religionem; & ad Generalem pertinet illa applicare cui velit monasterio, nisi aliud ferat consuetudo, vel statuta religionis.

tom. 1. fol. 892. num. 1.

42. Bona quæ priori monasterio acquisita fuerant, remanent apud prius monasterium, dum religiosus ab vna ad aliam religionem transit, nisi fortè posterius monasterium cogatur religiosum suscipere. *ibid. num. 2.*

43. Si monasterium aliquod inundatione, incendio, vel alia ratione destruat, nec reedificetur, bona religiosorum deuoluuntur ad monasterium, ad quod transferuntur religiosi illius monasterij destructi. *tom. 1. fol. 893. num. 3.*

44. Bonorum religionis à Summo Pontifice deletæ & extinctæ, dispensatio acquiritur Summo Pontifici, si loquamur de religione exempta: si de non exempta, sed Episcopo subiecta, acquiritur Episcopo tanquam illorum dispensatori. *ibid. num. 4.*

45. Religiosus transiens ad aliam religionem, non potest quicquam secum deferre, nisi à Prælato primæ religionis, vel à Summo Pontifice expressè vel tacitè data sibi fuerit facultas deferendi. Item monialis non potest secum deferre dotem, dum ad sui instantiam, vel ad instantiam secundi monasterij transfertur ad aliud monasterium: & hæreditas quæ delata non fuerat antequam religiosus profiteretur in secunda religione,

gione, pertinet ad primam religionem, etiamsi tunc temporis hæreditas adita non fuerit. Adde usufructum alicuius rei quem religiosus acquisierat ante professionem, vel etiam post professionem, contemplatione sui, non contemplatione prioris monasterij, non remanere penes prius monasterium, sed penes secundum à die professionis factæ in secunda religione, quia usufructus sequitur personam: in dubio tamen an usufructus relictus sit contemplatione monasterij, vel contemplatione personæ; præsumitur relictus contemplatione monasterij. *ibid. num. 5.*

& seq.

46. Peculium concessum religioso ea lege ut monasterium in illud non se ingerat, alioquin illud perdat, acquiritur secundo monasterio quoad fructus percipiendos, postquam religiosus professionem in secundo monasterio emiseric. *tom. 1. fol. 894. num. 11. Item*

47. Bona acquisita à religioso postquã transit à religione capaci vel incapaci ad religionem incapacem, vel etiam capacem, non pertinent ad primam religionem, modò in secunda religione professus sit, quia non est amplius religiosus prioris monasterij. *ibid. num. 12.*

48. Religiosus ad Episcopatum assumptus bona quæ acquirit à die confirmationis Pontificiæ, donatione, legato, testamento, vel alia ratione pertinent ad Ecclesiam cuius est Episcopus, neque sibi potest acquirere, cum ratione voti paupertatis abdicauerit à se ius acquirendi dominium. Idem militat in religioso ad Cardinalatum euecto, qui subiicitur immediate Sūmo Pontifici, & in religioso de licentia Papæ pensionario, qui acquirit monasterio. *tom. 1. fol. 895. n. 16. & seq.*

49. Men

49. Mendicantes transeuntes ad non mendicantes, (excipe religionem Carthusianorum,) etiam cum facultate Pontificis, priuantur voce in Capitulo tam regulari, quàm sæculari. Item priuantur loco in Capitulo quoad honores, non verò priuantur loco in choro; inhabiles tamen efficiuntur ad quælibet officia & administrationes etiam extra religionem. Excipiuntur ab his pœnis religiosi inualidè professi in prima religione; & religiosi translati ad non mendicantes qui iterum reuertuntur ad mendicantes. *tom. 1. fol. 897. num. 1. & seq.*

50. Fratres reformati excommunicationem incurrunt transeundo ad fratres Conuentuales, aut recedendo ab obedientia suorum ministrorum. Idem dic de Capucinis recipientibus fratres Minores de Observantia sine licentia Papæ, & etiam de ipsismet fratribus de Observantia transeuntibus ad Capucinos sine facultate Summi Pontificis, aut sine licentia in scriptis suorum Prouincialium ministrorum. Similiter fratres Minimi ligantur excommunicatione recipiendo fratres Minores de Observantia. *tom. 1. fol. 898. num. 1. & seq.*

51. Religiosi ordinis Humiliatorum excommunicationem incurrunt, admittendo aliquem ad habitum vel professionem sui ordinis. Hæc prohibitio edita fuit à Pio V. in Bulla, *Quemadmodum*, in detestationem nefandi sceleris attentati à Farina religioso illius ordinis contra S. Carolum, quem sclopo ad necem petere intendebat. *tom. 1. fol. 899. num. 4.*

52. Religiosi cuiuscumque ordinis excommunicationem incurrunt recipiendo Patres Societatis IESV non obtenta à Generali licentia. Eadem excom

excommunicatione ligantur ipsimet Patres, sine præfata licentia transeuntes ad aliam religionem, & dantes ad id auxilium. *ibid.n. 5.*

53. Religiosi claustrales recipientes Minimos sine licentia Summi Pontificis; & religiosi Minores recipientes fratres ordinis Prædicatorum, excommunicationi subiiciuntur. Minimi quoque subtrahentes se ab obedientia Correctorum, & Tertiarij Eremitæ deferentes habitum Minorum excommunicationis gladio feriuntur. *ibid.num. 6. & seq.*

54. Præpositus Generalis præclaræ Societatis Iesv facultatem suis religiosis, etiam solemniter professis, concedere potest transeundi ad quilibet religiones, & huic soli id specialiter concessum est. *tom. 1. fol. 908. num. 16.*

55. Religiosus mendicans excommunicatione ligatur transeundo ad non mendicantes, etiamsi religio ipsius instituta fuerit post legem huiusmodi transitum prohibentem. Electus tamen in perpetuum, & habitu priuatus, à religione mendicantium transire potest ad non mendicantes; quia verosimile non est Summum Pontificem velle viam ad perfectiorem statum excludere. *ibid.num. 18. & 19.*

56. Religiosus inualidè professus non tenetur ex vi professionis regulam aut vota seruare; sed intra quinquennium tenetur reclamare, aut professionem ratificare, saltem dum professio irrita fuit per illius culpam. Ad validam autem professionis ratificationem requiritur nouus consensus, quo religiosus sciens præcedentem professionem inualidam esse, eam approbet, volens vt ex tunc teneat & firma sit, siue approbet verbis, siue factis: siue etiam solo animi consensu, vt si
actus

actus professorum faciat intentionem approbandi professionem. Ratificatio professionis non videtur exigere ad hoc ut sit valida novum consensum ex parte acceptantis seu religionis. Ut autem religiosus inualidè professus professionem ratificet, non tenetur novum peragere novitiatum, si novitiatus præcedens expletus fuerit. Probabilèque est religiosum qui professionem ratificauit frui posse priuilegiis religionis, ac si ab initio validè professionem emisisset, aliis religiosis ignorantibus nullitatem professionis.
tom. 1. fol. 901. num. 1. & seq.

*Quibus ex causis religioso competat ius
reclamandi contra professionem.*

57. Causæ reclamandi sunt hæ:

Defectus legitimi consensus, dum quis professionem emisit, ut si v. g. emisit per vim, aut metum grauem, aut tempore dementiæ; aut si professionem celebrauit sub conditione de futuro; hæc enim non est valida ante conditionis euentum. *tom. 1. fol. 903. num. 1. & seq.* Item

58. Defectus integri novitiatus, ut dum professio celebrata est nondum præmisso integro & continuo novitiatus anno: annus autem novitiatus sufficere videtur ad professionem, etiamsi novitius eo expleto exierit, & postea iterum admissus fuerit absque alio novitiatu. Novitiatus hoc tempore peragi debet in habitu religionis, & in legitima ætate, id est in pubertate completa.
tom. 1. fol. 904. num. 1. & seq. Item

59. Defectus legitimæ ætatis: legitima autem ætas in religione tam virorum quam mulierum, est annus decimus sextus completus ex Trident.

sess. 25.

sess. 25. cap. 15. de regu^l. Bissexti dies computandus videtur in legitima ætate ad professionem requisita. Ætas computanda est à die natiuitatis, non autem à die conceptionis, licet multi contrarium sentiant, saltem dum fauorabile est proli ita computari. *tom. 1. fol. 905. num. 1. & seq.*
Item

60. Defectus sui iuris, vt dum, v. g. quis seipsum alteri seu religioni validè tradere non potest: talis est vir coniugatus, aut seruus, qui inuita coniuge aut domino religioni se obstringere nequit, nisi fortè coniugatus perpetui diuortij causam habeat. *tom. 1. fol. 906. §. 4.* Item

61. Defectus legitimi sexus: vt si fœmina in religione virorum, aut vir in religione monialium professionem emisit, huiusmodi enim professio irrita est. Hermaphroditus potest contra professionem reclamare, etiamsi professus sit in religione virorum, & virilis sexus in eo præualeat; quamuis enim professio valida sit, imminet nihilominus maximum scandali periculum. *ibid. §. 5.* Denique vltima causa reclamandi, est

62. Defectus legitimi Superioris professionem acceptantis, dum professio facta fuit illi qui eam acceptare non poterat; potestas autem admit-tendi iure communi, præcisis priuilegiis, constitutionibus, & consuetudine in contrarium pertinet ad immediatum conuentus Superiorem cum consensu conuentus, vel ad alium ipso directè Superiorem in officio. hinc collige Abbatissam posse professionem monialium acceptare, Episcopum verò non posse quemquam in monasteriis exemptis propria auctoritate ad professionemmittere. *ibid. §. 6.*

63. Pro

63. Professio validè acceptari potest ab excommunicato vel suspenso, nisi fortè suspensus sit à potestate admittendi ad professionem; imò professio acceptari & admitti potest per alium, quia quæ per alium facimus, per nos ipsos fieri censentur. *tom.1. fol.908. num.7.*

¶ 8.

64. Professio irrita defectu admittentis, conualefcit accedente consensu & ratihabitione illius qui potest admittere; modò nomine illius acceptata fuerit. *ibid.num.9.*

65. Impotentia ad seruandam religionis regulam non est causa sufficiens ad reclamandum contra professionem, cum ex tali impotentia professio non reddatur irrita. *ibid.*

num.10.

66. Reclamare intendens, non auditur dimisso habitu, quamquam is qui dimisso habitu reclamare volebat, & ob habitus dimissionem auditus non fuit, possit postea reclamare assumpto habitu. *ibid.n.1. & fol.909.n.2.*

67. Religiosus inualidè professus in foro conscientiae, licitè exire potest, nisi obstet alia circumstantia, dum in foro externo nullitatem suæ professionis probare non potest. *ibid.n.3.*

68. Tempus intra quod reclamatio permittitur, incipit à die professionis inclusiue, vsque ad quinquennium, siue professio expressè, siue tacitè emissa fuerit. Ita Trident. *sess.25. cap.9. de regular.* Hoc tempus quinquennij ad reclamandum concessum, incipit à die professionis, etiam respectu illius, qui nullitatem professionis ignorabat. *ibid.num.1. & seq.*

69. Impeditus ad reclamandum intra quinquennium, elapso quinquennio non potest amplius

plius reclamare ; cum Tridentinum loco citato deneget , religiosum vltra quinquennium audiri ob pacem & tranquillitatem religionis , & ad vitandas lites. Quare vir coniugatus professus absque licentia vxoris , non potest elapso quinquennio reclamare ; concedo tamen , vxorem repetere posse virum professum absque sua licentia. Similiter , impedimento perpetuo professionem irritante laborans , elapso quinquennio audiri potest , si manifestè constet tale impedimentum adesse. *ibid.num.4. & fol.910.num.5. & seq. 70.* Religiosus reclamans contra professionem validam , sciens validam , sed falsis testibus probans inuvalidam esse , & ob id resiliens à religione , grauiter peccat , & pœnas Apostatarum incurrit ; talisque verè est apostata ; discedit enim absque debita licentia à religione animo ad illam non redeundi : quod si reclamet contra professionem inuvalidam , mortaliter non peccat. *tom.2.fol.911.num.1. & 2.*

71. Susceptio sacrorum ordinum non sufficienter indicat religiosum tacitè ratificasse professionem. *ibid.num.3.*

Residentia.

Vide v. *Beneficiarius.*

1. Residentia est persistencia in loco , in quo quis habet beneficium , consequenter ille dicitur non residere qui non habitat in loco beneficij , vel ab eo longè distat. *tom.1.fol.1900.num.1.*

2. Parochus dicetúrne residere , si sit extra fines parochiæ , etiamsi non multum distet ab ea ? Respond. non dici residere si ita distet , vt facilis ad ipsum

ipsum aditus parochianis non pateat : hic enim neque corpore, neque effectu ob quem iniunctum & inuentum est residentia munus residere dicitur: fecus si ad eum locum diuertat, in quo parochiani facile queant ad parochum recurrere pro subleuanda spiritali necessitate & sacramentis suscipiendis ; quia huiusmodi absentia non aduersatur fini , quem residentia respicit. *ibid. num. 2.*

3. Quid verò dicendum de eo , qui aliquibus diei horis extra parœciæ ambitum se confert ? Dicendum eum non peccare contra residentiam, etiamsi hoc faciat recreationis causa, modò nullum subfit spirituale subditorum detrimentum. *ibid. num. 5.*

4. Omnes & singuli beneficiarij qui onus per seipsum in loco beneficij exercere debent, ad residentiam obligantur. Tales sunt habentes parochiales Ecclesias , aut etiam Canonicatus in Ecclesiis Cathedralibus , vel Collegiatis. Neque sufficit residere , sed omnis parochus existens in parochia, debet munus parochiale exercere : nec satisfaciunt curatores animarum muneri suo, seu præcepto residendi , substituendo alios , qui munus curatoris sustineant, quamquam parocholiticum est aliquando vti alterius Sacerdotis opera in animarum cura administranda , vt in confessionibus excipiendis , &c. Concedendum etiam habentem Ecclesiam parochialem in qua Vicarium perpetuum legitime institui obtinuit, non teneri eo viuente residere , modò tota cura animarum translata sit in coadiutorem, abdicata à paracho administratione. *tom. I. fol. 109 r. n. I. & seq.*

5. Parochus residens in parochia ; sed omnia
C c
munera

tino concessos, excepta graui causa; secus dicendum de Canonico, qui de licentia Episcopi abesse potest in visitanda diœcesi & aliis Ecclesiæ seruitiis. *tom. I. fol. 1100. num. 11. & fol. 1101. num. 13. & 14.*

15. Excusatur à residentia qui ex iusta & honesta consuetudine non residet, vbi Tridentinum non est acceptatum; sicut & excusari potest qui ad quinque annos Theologiam aut ius Canonicum in vniuersitate audit, vel docet cum licentia Episcopi obtenta in scriptis, saltem respectu parochiæ curatoris animarum. *ibid. num. 15. & seqq.*

Resignatio beneficij.

Vide v. *Simonia.*

Restitutio.

Vide v. *Furtum, Alienatio, Præscriptio, Homicidium, Contractus.*

1. Restitutio est actus iustitiæ commutatiuæ, quo res accepta restituitur, vel damnum illatum compensatur ei cui debetur: ideò vocatur repositio seu constitutio in pristino statu. Duplex est iustitia; commutatiua seu particularis, cuius violatio cum damno alterius semper obligat ad restitutionem; & generalis seu legalis, quæ non obligat, nisi quando eam violans tenetur ex officio conseruare bonum commune, vt accidit quando iudex non impedit furtum, quod ex iustitia tenetur impedire. *tom. 2. fol. 517. num. 1. & 2.*

2. Quæres, an reus qui veritatem in iudicio negauit, teneatur soluere pœnam ad quam fuisset condemnatus, si veritatem confessus fuisset?

Responde

Respond: non teneri, quia non violavit iustitiam commutativam per ordinem ad illum, cui erat applicanda pœna; sed violavit tantum iustitiam publicam. *tom. 2. fol. 518. num. 4.*

3. Rursus, iustitia alia est commutativa, cuius munus est restituere rem ipsam quæ debetur ad æqualitatem, non respiciendo merita personæ, sed æqualitatem rei quæ debetur; quare si accepisti furto decem, decem etiam restituere teneris: alia verò distributiva, cuius munus consistit in conferendis præmiis, dignitatibus, officiis, &c. iuxta qualitatem & merita personarum: quare viro nobili vel docto maiores dignitates ac præmia debentur, quàm ignobili vel indocto. Et qui curam habet bona communia aut spolia distribuendi iuxta personarum dignitatem, tenetur ad restitutionem, si iuxta personarum dignitatem illa non distribuatur. Idem dic de eo qui bona accepit distribuenda studiosis alicuius Collegij, vel pauperibus communis, si ea iuxta præscriptum non distribuatur, videlicet iuxta illorum maiorem eruditionem, vel inopiam. Item Prælatus conferens in concursu beneficium digno, relicto digniore competitore, qui habet strictum ius ut sibi conferatur, tenetur etiam ad restitutionem. *ibid. num. 8. & seq.*

4. Restitutio in eo differt à satisfactione, quod omnis restitutio est satisfactio, non è contra; & quod restitutio fieri soleat pro damno illato, vel re alterius; satisfactio autem exhibeatur, etiam si nullum damnum illatum sit. *tom. 2. fol. 519. num. 17.*

5. Restitutio non est necessaria ad salutem necessitate mediij, sed tantum necessitate præcepti; quia fieri potest ut salus aliquando obtineatur

tino concessos, excepta graui causa; secus dicendum de Canonico, qui de licentia Episcopi abesse potest in visitanda diœcesi & aliis Ecclesiæ seruitiis. *tom. I. fol. 1100. num. 11. & fol. 1101. num. 13. & 14.*

15. Excusatur à residentia qui ex iusta & honesta consuetudine non residet, vbi Tridentinum non est acceptatum; sicut & excusari potest qui ad quinque annos Theologiam aut ius Canonicum in vniuersitate audit, vel docet cum licentia Episcopi obtenta in scriptis, saltem respectu parochiæ curatoris animarum. *ibid. num. 15. & seq.*

Resignatio beneficij.

Vide v. *Simoniam.*

Restitutio.

Vide v. *Furtum, Alienatio, Præscriptio, Homicidium, Contractus.*

1. Restitutio est actus iustitiæ commutatiuæ, quo res accepta restituitur, vel damnum illatum compensatur ei cui debetur: ideò vocatur repositio seu constitutio in pristino statu. Duplex est iustitia; commutatiua seu particularis, cuius violatio cum damno alterius semper obligat ad restitutionem; & generalis seu legalis, quæ non obligat, nisi quando eam violans tenetur ex officio conseruare bonum commune, vt accidit quando iudex non impedit furtum, quod ex iustitia tenetur impedire. *tom. 2. fol. 517. num. 1. & 2.*

2. Quæres, an reus qui veritatem in iudicio negauit, teneatur soluere pœnam ad quam fuisset condemnatus, si veritatem confessus fuisset?

Responde

Respond: non teneri, quia non violavit iustitiam commutativam per ordinem ad illum, cui erat applicanda pœna; sed violavit tantum iustitiam publicam. *tom. 2. fol. 518. num. 4.*

3. Rursus, iustitia alia est commutativa, cuius munus est restituere rem ipsam quæ debetur ad æqualitatem, non respiciendo merita personæ, sed æqualitatem rei quæ debetur; quare si accepisti furto decem, decem etiam restituere teneris: alia verò distributiva, cuius munus consistit in conferendis præmiis, dignitatibus, officiis, &c. iuxta qualitatem & merita personarum: quare viro nobili vel docto maiores dignitates ac præmia debentur, quàm ignobili vel indocto. Et qui curam habet bona communia aut spolia distribuendi iuxta personarum dignitatem, tenetur ad restitutionem, si iuxta personarum dignitatem illa non distribuat. Idem dic de eo qui bona accepit distribuenda studiosis alicuius Collegij, vel pauperibus communis, si ea iuxta præscriptum non distribuat, videlicet iuxta illorum maiorem eruditionem, vel inopiam. Item Prælatus conferens in concursu beneficium digno, relicto digniore competitore, qui habet strictum ius ut sibi conferatur, tenetur etiam ad restitutionem. *ibid. num. 8. & seq.*

4. Restitutio in eo differt à satisfactione, quod omnis restitutio est satisfactio, non è contra; & quod restitutio fieri soleat pro damno illato, vel re alterius; satisfactio autem exhibeatur, etiam si nullum damnum illatum sit. *tom. 2. fol. 519. num. 17.*

5. Restitutio non est necessaria ad salutem necessitate mediij, sed tantum necessitate præcepti; quia fieri potest ut salus aliquando obtineatur

tino concessos, excepta graui causa; secus dicendum de Canonico, qui de licentia Episcopi abesse potest in visitanda diœcesi & aliis Ecclesiæ seruitiis. *tom. I. fol. 1100. num. 11. & fol. 1101. num. 13. & 14.*

15. Excusatur à residentia qui ex iusta & honesta consuetudine non residet, vbi Tridentinum non est acceptatum; sicut & excusari potest qui ad quinque annos Theologiam aut ius Canonicum in vniuersitate audit, vel docet cum licentia Episcopi obtenta in scriptis, saltem respectu parochiæ curatoris animarum. *ibid. num. 15. & seqq.*

Resignatio beneficij.

Vide v. *Simoniam.*

Restitutio.

Vide v. *Furtum, Alienatio, Prescriptio, Homicidium, Contractus.*

1. Restitutio est actus iustitiæ commutatiuæ, quo res accepta restituitur, vel damnum illatum compensatur ei cui debetur: ideò vocatur repositio seu constitutio in pristino statu. Duplex est iustitiæ commutatiua seu particularis, cuius violatio cum damno alterius semper obligat ad restitutionem; & generalis seu legalis, quæ non obligat, nisi quando eam violans tenetur ex officio conseruare bonum commune, vt accidit quando iudex non impedit furtum, quod ex iustitia tenetur impedire. *tom. 2. fol. 517. num. 1. & 2.*

2. Quæres, an reus qui veritatem in iudicio negauit, teneatur soluere pœnam ad quam fuisset condemnatus, si veritatem confessus fuisset?

Responde

Respond: non teneri, quia non violauit iustitiam commutatiuam per ordinem ad illum, cui erat applicanda pœna; sed violauit tantum iustitiam publicam. *tom.2. fol. 518. num. 4.*

3. Rursus, iustitia alia est commutatiua, cuius munus est restituere rem ipsam quæ debetur ad æqualitatem, non respiciendo merita personæ, sed æqualitatem rei quæ debetur; quare si accepisti furto decem, decem etiam restituere teneris: alia verò distributiua, cuius munus consistit in conferendis præmiis, dignitatibus, officiis, &c. iuxta qualitatem & merita personarum: quare viro nobili vel docto maiores dignitates ac præmia debentur, quàm ignobili vel indocto. Et qui curam habet bona communia aut spolia distribuendi iuxta personarum dignitatem, tenetur ad restitutionem, si iuxta personarum dignitatem illa non distribuatur. Idem dic de eo qui bona accepit distribuenda studiosis alicuius Collegij, vel pauperibus communis, si ea iuxta præscriptum non distribuatur, videlicet iuxta illorum maiorem eruditionem, vel inopiam. Item Prælati conferens in concursu beneficium digno, relicto digniore competitore, qui habet strictum ius ut sibi conferatur, tenetur etiam ad restitutionem. *ibid. num. 8. & seq.*

4. Restitutio in eo differt à satisfactione, quod omnis restitutio est satisfactio, non è contra; & quod restitutio fieri soleat pro damno illato, vel re alterius; satisfactio autem exhibeatur, etiam si nullum damnum illatum sit. *tom. 2. fol. 519. num. 17.*

5. Restitutio non est necessaria ad salutem necessitate mediij, sed tantum necessitate præcepti; quia fieri potest ut salus aliquando obtineatur

tino concessos, excepta graui causa; secus dicendum de Canonico, qui de licentia Episcopi abesse potest in visitanda diocesi & aliis Ecclesiæ seruitiis. *tom. I. fol. 1100. num. 11. & fol. 1101. num. 13. & 14.*

15. Excusatur à residentia qui ex iusta & honesta consuetudine non residet, vbi Tridentinum non est acceptatum; sicut & excusari potest qui ad quinque annos Theologiam aut ius Canonicum in vniuersitate audit, vel docet cum licentia Episcopi obtenta in scriptis, saltem respectu parochiæ curatoris animarum. *ibid. num. 15. & seqq.*

Resignatio beneficij.

Vide v. *Simoniam.*

Restitutio.

Vide v. *Furtum, Alienatio, Prescriptio, Homicidium, Contractus.*

1. Restitutio est actus iustitiæ commutatiuæ, quo res accepta restituitur, vel damnum illatum compensatur ei cui debetur: ideo vocatur repositio seu constitutio in pristino statu. Duplex est iustitia; commutatiua seu particularis, cuius violatio cum damno alterius semper obligat ad restitutionem; & generalis seu legalis, quæ non obligat, nisi quando eam violans tenetur ex officio conseruare bonum commune, vt accidit quando iudex non impedit furtum, quod ex iustitia tenetur impedire. *tom. 2. fol. 517. num. 1. & 2.*

2. Quæres, an reus qui veritatem in iudicio negauit, teneatur soluere pœnam ad quam fuisset condemnatus, si veritatem confessus fuisset?

Respond.

Respond: non teneri, quia non violauit iustitiam commutatiuam per ordinem ad illum, cui erat applicanda pœna; sed violauit tantum iustitiam publicam. *tom.2. fol. 518. num.4.*

3. Rursus, iustitia alia est commutatiua, cuius munus est restituere rem ipsam quæ debetur ad æqualitatem, non respiciendo merita personæ, sed æqualitatem rei quæ debetur; quare si accepisti furto decem, decem etiam restituere teneris: alia verò distributiua, cuius munus consistit in conferendis præmiis, dignitatibus, officiis, &c. iuxta qualitatem & merita personarum: quare viro nobili vel docto maiores dignitates ac præmia debentur, quàm ignobili vel indocto. Et qui curam habet bona communia aut spolia distribuendi iuxta personarum dignitatem, tenetur ad restitutionem, si iuxta personarum dignitatem illa non distribuatur. Idem dic de eo qui bona accepit distribuenda studiosis alicuius Collegij, vel pauperibus communis, si ea iuxta præscriptum non distribuatur, videlicet iuxta illorum maiorem eruditionem, vel inopiam. Item Prælati conferens in concursu beneficium digno, relicto digniore competitore, qui habet strictum ius ut sibi conferatur, tenetur etiam ad restitutionem. *ibid. num. 8. & seq.*

4. Restitutio in eo differt à satisfactione, quod omnis restitutio est satisfactio, non è contra; & quod restitutio fieri soleat pro damno illato, vel re alterius; satisfactio autem exhibeatur, etiam si nullum damnum illatum sit. *tom.2. fol. 519. num. 17.*

5. Restitutio non est necessaria ad salutem necessitate medijs, sed tantum necessitate præceptis, quia fieri potest ut salus aliquando obtineatur

plius reclamare ; cum Tridentinum loco citato deneget , religiosum vltra quinquennium audiri ob pacem & tranquillitatem religionis , & ad vitandas lites. Quare vir coniugatus professus absque licentia vxoris , non potest elapso quinquennio reclamare ; concedo tamen , vxorem repetere posse virum professum absque sua licentia. Similiter impedimento perpetuo professionem irritante laborans , elapso quinquennio audiri potest , si manifestè constet tale impedimentum adesse. *ibid.num.4. & fol.910.num.5. & seq. 70.* Religiosus reclamans contra professionem validam , sciens validam , sed falsis testibus probans inuvalidam esse , & ob id resiliens à religione , grauitè peccat , & pœnas Apostatarum incurrit ; talisque verè est apostata ; discedit enim absque debita licentia à religione animo ad illam non redeundi : quod si reclamet contra professionem inuvalidam , mortaliter non peccat. *tom.2.fol.911.num.1. & 2.*

71. Susceptio sacrorum ordinum non sufficienter indicat religiosum tacitè ratificasse professionem. *ibid.num.3.*

*Residentia.**Vide v. Beneficiarius.*

1. Residentia est persistèntia in loco , in quo quis habet beneficium , consequenter ille dicitur non residere qui non habitat in loco beneficij , vel ab eo longè distat. *tom.1.fol.1900.num.1.*

2. Parochus dicetúrne residere , si sit extra fines parochiæ , etiã si non multum distet ab ea ? Respond. non dici residere si ita distet , vt facilis ad ipsum

ipsum aditus parochianis non pateat : hic enim neque corpore, neque effectu ob quem iniunctum & inuentum est residentiae munus residere dicitur: secus si ad eum locum diuertat, in quo parochiani facile queant ad parochum recurrere pro subleuanda spiritali necessitate & sacramentis suscipiendis ; quia huiusmodi absentia non aduersatur fini , quem residentia respicit. *ibid.*

num. 2.

3. Quid verò dicendum de eo , qui aliquibus diei horis extra parœciæ ambitum se confert ? Dicendum eum non peccare contra residentiam, etiamsi hoc faciat recreationis causa, modò nulum subit spirituale subditorum detrimentum. *ibid. num. 5.*

4. Omnes & singuli beneficiarij qui onus per seipsum in loco beneficij exercere debent, ad residentiam obligantur. Tales sunt habentes parochiales Ecclesias , aut etiam Canonicatus in Ecclesiis Cathedralibus , vel Collegiatis. Neque sufficit residere , sed omnis parochus existens in parochia, debet munus parochiale exercere : nec satisfaciunt curatores animarum muneri suo, seu præcepto residendi , substituendo alios, qui munus curatoris sustineant, quamquam parochollicitum est aliquando vti alterius Sacerdotis opera in animarum cura administranda , vt in confessionibus excipiendis , &c. Concedendum etiam habentem Ecclesiam parochialem in qua Vicarium perpetuum legitimè institui obtinuit, non teneri eo viuente residere , modò tota cura animarum translata sit in coadiutorem, abdicata à paracho administratione. *tom. 1. fol. 109 r. c. 1. & seq.*

5. Parochus residens in parochia ; sed omnia
C c munera

munera per alium exercens, potestne percipere fructus beneficii, & illos retinere? Respond. probabile esse huiusmodi parochum posse fructus percipere & retinere, quoties ita per Capellanum deferuit, ut oues nullum graue detrimentum inde ferant. *ibid. num. 6.*

6. Peccatne parochus absens à sua parochia per bimestre in anno sine licentia? Respond. non debere quidem sine licentia recedere, non tamen mortaliter peccare si recedat ex legitima causa, & sine ouium damno, sufficiendoque in sui locum alium idoneum ministrum. *tom. 1. fol. 1093. num. 6.*

7. Episcopus validè prohibere potest parochis ne absint à sua parochia ultra duos dies sine licentia; quia residentia est materia præcepti, non potest tamen ratione etiam longioris absentiae censuram infligere. *tom. 1. fol. 1094. num. 8.*

8. Canonicus qui certis solum hebdomadis tenetur choro interesse, non grauiter delinquit, si in loco beneficii non resideat illis hebdomadis quibus diuino officio assistere non tenetur: nam cessante sine residentia, cessat residentia obligatio. *tom. 1. fol. 1095. num. 12.*

9. Beneficiarius non residens dum residere tenetur, præter culpam, potest incurrere alias penas non residendo, quas ordinarius loci pro qualitate contumaciae & inobedientiae à non residentibus incurrendas iniunxerit, iuxta facultatem sibi collatam in Trident. *sess. 23. cap. 1. de reformat.* nisi aliud illum excuset. Et præter alias penas incurrit etiam ante ullam iudicis sententiam, priuationem fructuum pro rata absentiae. Hinc sic ut coadiutor in cura animarum assigna-

ta

1a illi certa fructuum quantitate, non possit illos percipere, nisi resideat; secus dicendum de parochio absente etiam sine licentia Episcopi per modicum tempus, id est, per bimestre. *ibid. num. 2. & seq.*

10. Parochio habenti iustam causam absentiae non sufficit petiisse licentiam, etsi eam non obtinuerit, quia Concilium requirit licentiam expressam. *tom. 1. fol. 1097. num. 13.*

11. Si Abbates, Priores, & Superiores regularium ultra bimestre non resideant, non tenentur ad restitutionem fructuum, si suum munus sufficienter per alium suppleant. *ibid. n. 14.*

12. Quæres, an alij beneficiarij non residentes, possint retinere fructus beneficij pro rata temporis quo non inferuiunt? Respōd. posse, si per alium deseruiant: nam qui per alium facit, per seipsum facere censetur, nec ulli damnum hoc pacto infert. *tom. 1. fol. 1098. num. 15.*

13. Parochus iuste abesse potest à parochia ob inimicitias graues, ob pestem vel morbum non perpetuum, ob litem motam super suo beneficio, & ex priuilegio Summi Pontificis, cum licentia Episcopi & alio in sui locum suffecto, qui vices parochi gerat. Consuetudo, etiam inmemorabilis, non excusat absentem; secus si absit ad dirimendas controuersias, vel ob alia opera charitatis proximi, vel ad inferuiendum Papæ ob utilitatem Ecclesiæ; propterea Cardinales Papæ assistentes excusantur à sua residentia. *tom. 2. fol. 1099. num. 2. & seq.*

14. Officium Inquisitoris vel Subcollectoris non excusat à residentia beneficij parochialis; neque potest Episcopus uti opera parochi in visitatione ultra duos menses in Concilio Tridentino

tino concessos, excepta graui causa; secus dicendum de Canonico, qui de licentia Episcopi abesse potest in visitanda diœcesi & aliis Ecclesiæ seruitiis. *tom. I. fol. 1100. num. 11. & fol. 1101. num. 13. & 14.*

15. Excusatur à residentia qui ex iusta & honesta consuetudine non residet, vbi Tridentinum non est acceptatum; sicut & excusari potest qui ad quinque annos Theologiam aut ius Canonicum in vniuersitate audit, vel docet cum licentia Episcopi obtenta in scriptis, saltem respectu parochiæ curatoris animarum. *ibid. num. 15. & seq.*

Resignatio beneficij.

Vide v. *Simoniam.*

Restitutio.

Vide v. *Furtum, Alienatio, Prescriptio, Homicidium, Contractus.*

1. Restitutio est actus iustitiæ commutatiuæ, quo res accepta restituitur, vel damnum illatum compensatur ei cui debetur: idè vocatur repositio seu constitutio in pristino statu. Duplex est iustitia; commutatiua seu particularis, cuius violatio cum damno alterius semper obligat ad restitutionem; & generalis seu legalis, quæ non obligat, nisi quando eam violans tenetur ex officio conseruare bonum commune, vt accidit quando iudex non impedit furtum, quod ex iustitia tenetur impedire. *tom. 2. fol. 517. num. 1. & 2.*

2. Quæres, an reus qui veritatem in iudicio negauit, teneatur soluere pœnam ad quam fuisset condemnatus, si veritatem confessus fuisset?

Respond.

Respond: non teneri, quia non violavit iustitiam commutativam per ordinem ad illum, cui erat applicanda pœna; sed violavit tantum iustitiam publicam. *tom. 2. fol. 518. num. 4.*

3. Rursus, iustitia alia est commutativa, cuius munus est restituere rem ipsam quæ debetur ad æqualitatem, non respiciendo merita personæ, sed æqualitatem rei quæ debetur; quare si accepisti furto decem, decem etiam restituere teneris: alia verò distributiva, cuius munus consistit in conferendis præmiis, dignitatibus, officiis, &c. iuxta qualitatem & merita personarum: quare viro nobili vel docto maiores dignitates ac præmia debentur, quàm ignobili vel indocto. Et qui curam habet bona communia aut spolia distribuendi iuxta personarum dignitatem, tenetur ad restitutionem, si iuxta personarum dignitatem illa non distribuatur. Idem dic de eo qui bona accepit distribuenda studiosis alicuius Collegij, vel pauperibus communis, si ea iuxta præscriptum non distribuatur, videlicet iuxta illorum maiorem eruditionem, vel inopiam. Item Prælatus conferens in concursu beneficium digno, relicto digniore competitore, qui habet strictum ius ut sibi conferatur, tenetur etiam ad restitutionem. *ibid. num. 8. & seq.*

4. Restitutio in eo differt à satisfactione, quod omnis restitutio est satisfactio, non è contra; & quod restitutio fieri soleat pro damno illato, vel re alterius; satisfactio autem exhibeatur, etiam si nullum damnum illatum sit. *tom. 2. fol. 519. num. 17.*

5. Restitutio non est necessaria ad salutem necessitate mediij, sed tantum necessitate præcepti; quia fieri potest ut salus aliquando obtineatur

prætermiffa restitutione ob iuftam aliquam cau-
fam. Præceptum restitutionis obligat sub mor-
tali, nifi paruitas materiæ excuset; eftque in fe
formaliter præceptum affirmatiuum, obligans
ad actum pofitiuum restitutionis, quandiu per-
feuerat inæqualitas, & alter non obtinuit rem
fibi debitam. *tom. 2. fol. 520. n. 2. & feq.*

6. Ex folo delicto contra iuftitiam, non verò
contra alias virtutes oritur obligatio restituen-
di, quia per violationem iuftitiæ aufertur alic-
num, quod vnicuique debetur ad æqualitatem,
hoc autem non accidit in aliis virtutibus, vt in
pietate, religione, & aliis: vnde qui noluit in ne-
ceffitate succurrere indigenti, ad cuius neceffita-
tem fubleuandam non tenebatur ex iuftitia, fed
ex charitate, non tenetur ad restitutionem.
tom. 2. fol. 521. num. 1. & 3.

7. Non folùm ex peccato mortali contra iufti-
tiam, fed etiam ex peccato veniali confurgit ob-
ligatio restituendi, alioqui fequeretur eum qui
paulatim magnam abftulit quantitatem, non re-
neri ad restitutionem, quod eft falſum. Quod fi
nulla culpa commiffa fit in damno, licet graui in-
ferendo, nulla extat obligatio restituendi. Idem
dicendum quando damnum illatum eft cum
ignorantia comitante, etiamſi illatum fuerit
operam dando rei illicitæ. *ibid. num. 5. & feq.*

8. Aduerte tam leuem poſſe eſſe aliquando
culpam venialem in damno inferendo, vt vix ad-
ſit obligatio ad centefimam partem damni reſti-
tuendam; & ex oppoſito poſſe aliquando tam
graueſſe culpam venialem, vt obliget ad de-
cimam partem: vnde ſit vt in reſtitutione in foro
conſcientiæ habenda ſit ratio culpæ & delicti.
ibid. num. 9.

9. Ad

9. Ad restitutionem tenetur quis ex triplici capite: ex re bona fide accepta, ex contractu, & ex iniusta acceptione, vel damnificatione. Dicitur *ex re bona fide accepta*, quia qui rem alienam bona fide possedit, id est retinuit per ignorantiam inuincibilem seu probabilem, credens esse suam, tenetur ex iustitia restituere statim, ac cognoscit esse alienam. Neque is qui possidet bona fide rem alienam, quam bona fide emit à fure, potest à domino, cui rem illam restituit, exigere pretium quod ipse soluit; quia æquum non est ut dominus rem suam emat. Quod si renuat rem prædictam domino tradere absque pretio, sit possessor malæ fidei. *ibid. quest. 11. c. fol. 523. n. 3.*

¶ 4.

10. Qui alienauit vel consumpsit rem alienam bona fide credens esse suam, non tenetur ad restitutionem, nisi in aliqua re factus sit locupletior: ille autem censetur factus locupletior, qui cessante bona fide cognoscit se occasione rei alienæ factum esse locupletiores; ut si cognoscat se non fecisse aliquos sumptus, quos alioquin ex re sua fecisset, aut si aliquid habeat, quod alioquin non habuisset. Ex quibus habes eum non teneri ad restitutionem, cui res aliena periit casu, aut etiam propria culpa, modò perierit tunc temporis quo ipse rem bona fide possidebat credens suam esse. Item neque eum qui rem alienam bona fide emit, quam postea vendidit æquali, vel minori pretio: secus dicendum si maiori pretio vendidit: tunc enim tenetur restituere incrementum pretij. Item restitutio non est facienda ab eo, qui rem alienam bona fide alteri donauit, cuius similem vel dissimilem non donasset, si rem illam non habuisset: non enim censetur ditior

C c 4

factus

factus in villa re. Item concedens bona fide rem furtivam apud amicum, tenetur tantum ad restitutionem illius in quo rei suæ pepercit. Et qui apud amicum bona fide comedit rem furtivam valentem triginta asses, sed domi suæ comedisset res valentes quadraginta, tenetur solum restituere triginta. Et qui vestem alienam bona fide consumpsit vel ea usus est, tenetur comparente domino restituere vestem si adhuc extet, vel valorem illius vestis consumptæ, si aliàs vestem æqualis valoris consumpsisset. Item qui bona fide possidens hæreditatem, maiores fecit expensas, quàm fecisset, si credidisset hæreditatem ad se non pertinere, potest in restitutione hæreditatis detrahere expensas, quas alioquin non fecisset. *ibid. n. 5. & seq.*

11. Qui rem alienam bona fide accepit, & postea dubitare incepit alienam esse, potest eam sibi retinere, aut consumere, aut vendere, si postea sufficienti inquisitione non competit alienam esse; debet tamen paratus esse restituere id in quo factus fuerit ditior, comparente domino. Quod si huiusmodi possessor bonæ fidei negligat inquirere & indagare veritatem, & impotens factus sit ad eam sciendam, adhuc non tenetur ad restitutionem, quia melior est conditio possidentis, quamvis multi velint teneri restituere illi, cuius rem esse dubitat; certum tamen est eum peccasse negligendo inquisitionem veritatis. *rem. 2. fol. 525. num. 4. & seq.*

12. Petes, an qui rem aliquam bona fide possidet, & postea dubitat rem esse alienam, possit ea uti, interea dum adhibet diligentiam ad inquirendum dominum? Respond. si res de qua dubitatur consumitur ipso usu, ut est triticum, &c.

aut

aut deterior efficitur, non potest illa vti; quia exponeret se periculo illam consumendi, aut deteriore efficiendi invito domino. *tom. 2. fol. 526. num. 9.*

13. Qui rem aliquam abstulit possessori bonæ fidei, dubitans vel opinans suam esse, tenetur ad integram restitutionem, tanquam possessor malæ fidei, quia cum in dubio melior sit conditio possidentis bona fide, non potest alium spoliare sua possessione, nisi certò sibi constet rem suam esse: secus dicendum de eo qui rem aliquam incepit occupare, cum nondum ab alio possideretur; dubitans enim suam esse vel alienam, non potest totam rem, sed solum illius partem pro quantitate dubij sibi retinere; quia cum non inceperit bona fide possidere, non est potior illius quam alterius conditio. Et qui præoccupat rem à nullo possessam, tenetur comperto domino restituere, non solum rem ipsam, verum etiam fructus; nam res domino fructificat. *ibid. num. 15. & fol. 527. n. 16. & 17.*

14. Non solum in materia iustitiæ, sed etiam aliarum virtutum posita sufficienti diligentia ad veritatem assequendam, valet illa regula: *Melior est conditio possidentis*; unde dubitans an tale ius extet, vel an aliquid includatur sub tali præcepto, non tenetur illud præceptum servare; sicut neque votum, quando æqualiter dubitat an illud emiserit. Idem dubitans an promiserit matrimonium, vel an voluerit se obligare, vel an haberet sufficiens iudicium, vel an adsit causa excusans ab obligatione, vel an lex sit abrogata consuetudine, vel an sit acceptata, non tenetur promissionem adimplere, cum de ea dubitetur, & in dubio melior sit conditio possidentis. Et qui vult in

Cc 5.

dubio,

dubio, tenetur solum ad id quod est minus: & qui commisit adulterium, sed dubitat an proles suscepta, sit propria, vel mariti adulteræ, potest credere prolem esse mariti adulteræ, consequenter non tenetur ad restitutionem. *ibid. num. 1.*

& seq.

15. Item dubitans se esse legitimum, potest cum aliis fratribus paternam hæreditatem diuidere, facta prius diligentia ad veritatem assequendam; quia possessio illi fauet, & melior est conditio possidentis. *tom. 2. fol. 529. numero 12.*

16. Petes, an qui aliqua ratione cooperatus est ad damnum, teneatur ad restitutionem? Respond. teneri ad restitutionem eum, qui non solum aliqua actione positiva efficaciter concurrit ad actionem iniustam & damnum alterius, sed etiam qui negativè cooperatur non loquendo, non obstando, vel non manifestando, quando tenetur ex iustitia loqui, vel ob stare, vel manifestare. Novem autem sunt genera personarum cooperantium ad damnum alterius, quæ his duobus versibus exprimuntur,

Iussio, consilium, consensus, palpo, recursus.

Participans, mutus, non ob stans, non manifestans.

Sex prioribus verbis significatur actio positiva, tribus verò posterioribus ostenditur cooperatio indirecta. *ibidem, numero 1.*

& seq.

17. Aduerte eum non solum teneri ad restitutionem, qui damnum alteri intulit factis, sed etiam eum qui suis verbis alterum damnificavit,
impo

imponendo, v.g. falsum crimen alteri, aut etiam verum, sed occultum, quod iuridicè probari non potest. Similiter ille tenetur ad restitutionem, qui infert alicui damnum, quod alter intulisset; nam ipse proximè & realiter influit in damnum, consequenter in se transfundit obligationem, quam alter subiisset: secus dicendum de eo, qui parato hodie occidere, suadet occidere altera die, vel in alio loco, vbi sit minus scandalum. *tom. 2. fol. 530. num. 5. & seq.*

18. Restitutio non est facienda ab eo, qui non est causa, sed occasio damni; propterea qui alapa alterum percussit, percussus verò agrè ferens alapam, ob impatientiam lapsus est in morbum, ex quo mortuus est; non tenetur ad restitutionem, quia impingens non censetur causa efficax mortis, cum mors non sequatur ex vi huius actionis iniustæ, sed potius ex impatientia percussi. *ibid. num. 11. & 12.*

19. Dubitans an sua actione vel omissione efficaciter cooperatus sit ad damnum alterius, v.g. homicidium, vel furtum, non tenetur ad restitutionem: hinc sequitur eum quoque non teneri ad restitutionem, qui dubitat vtrum depositum vel commodatum sua culpa perierit. Idem dicendum de eo qui dedit alteri consilium occidendi inimicum, sed postea dubitat an ille cui dedit consilium, verè commiserit homicidiū, vel an suo consilio cooperatus sit ad illud; hic enim non tenetur ad restitutionem, quia possessio stat pro ipsius libertate. *tom. 2. fol. 531. num. 1. & seq.*

20. Quid faciendum, quando constat aliquem ex quatuor, damnum intulisse absque mutuo consensu vel consilio, sed dubitatur quisnam illo-

rum damnum intulerit? Tali casu videtur obligandus vnusquisque ad restitutionem ad ratam dubij maioris vel minoris. *ibid.num.5.*

21. Inferens damnum consentienti absolutè & simpliciter, id est absque vlllo inuoluntario admixto, non tenetur ad restitutionem, quia volenti & scienti non fit iniuria: potest tamen fieri iniuria aliis, quorum iuri cedere non potest qui consentit. *ibid.n.1.*

22. Qui iussit vel mandauit damnum aliquod fieri, sed postea tacitè vel expresse mandatum reuocauit, non tenetur ad restitutionem damni secuti per mandatarium; modò mandati reuocatio innotuerit ipsi mandatario. Quare Titius non tenetur ad restitutionem, quando mandauit Caiò vt occideret inimicum ipsius Titij, sed Caius illum occidit postquam cognouit initam esse pacem inter Titium & inimicum. Quod si reuocatio mandati non innotuerit mandatario, mandator tenetur ad restitutionem damnorum; nam suo mandato censetur adhuc causa efficax damni, & non censetur sufficienter reuocasse influxum antea præstitum. *tom.2.fol.532. num.3. & seq.*

23. Petes, quid sit mandatum? Est contractus quo quis officium honestum gratuitò, expresse, vel tacitè suscipit exequendum in gratiam alterius. Dicitur *quo quis officium honestum*; quia mandatum debet esse de re bona & honesta, nam si sit de re illicita, non est validum. *tom.2.fol.533. num.9. & 10.*

24. Ille qui iussus vel rogatus ab alio, vt rem aliquam emeret, quam cum posset ab vno emere pro triginta, quæsivit aliam à quo eam pro viginti emit, non potest sibi decem quibus minoris emit;

emit, retinere. Et hoc verum est, etiamsi venditor dixerit illi, se gratia illius viliori pretio vendere quàm soleat aliis; quia mandatarius debet vtiliter gerere negotium mandatoris, & mandatum semper intelligitur, vt mandatarius minoris emat, quantum potest. Propterea factores tenentur ad restitutionem, quando non gerunt fideliter officium sibi commissum in emendis mercibus pro vestibus conficiendis. *tom. 2. fol. 534. n. 14. et seq.*

25. Ille tamen qui rem aliquam accepit vendendam tanto pretio, càmque sibi pretio constituto accepit, & postea vendidit maiori pretio, potest excessum sibi retinere, quia rem illam vendidit proprio nomine. *ibid. n. 17.*

26. Quando mandatarius mandatum accepit absque vlla forma expressa, debet prudenter, diligenter & rationabiliter negotia præstare; quæ si hoc modo præstiterit, valida erunt, & rata habenda à mandatore. *ibid. n. 20.*

27. Consulens, id est, qui consilium præbet, hortatur, rogat, vel instruit, tenetur ad restitutionem damni suo consilio illati, etiamsi post-damnum illatum admonuerit causam exequentem, vt restitueret, sed re ipsa nondum restituit. Imò consulens tenetur ad restitutionem damni ex suo consilio secuti, quamuis ante factum conatus fuerit consilium reuocare, nisi fortè consilium fuerit falsum, quia censetur adhuc causa efficax damni, diciturque influxisse in damnum. Idem dicendum, etiamsi consulat aliquod damnum quod nihilominus alter consulisset; nam obligatio quam alter subiisset, transfunditur in ipsum ratione damni secuti. At non tenetur ad restitutionem qui suo consilio, vel alia ratione fuit causa.

causa minoris damni quàm alioquin fuisset illatum, quia hoc non est consulere malum, sed electionem minoris mali. Idem valet in ferente opem ad minus malum, modò tamèn non ferat opem in actione intrinsecè mala, & non possit alia ratione delinquentem retrahere à maiori delicto: hinc sequitur eum, qui alicui domino parato ad adulterandum, suadet, vt simplicem potius fornicationem committat, non peccare, quando non potest aliter eum retrahere ab adulterio. *10m.2.fol.536.n.2. & seq.*

28. Qui est causa maioris damni quàm alioquin secutum fuisset, tenetur ad restitutionem, non quidem totius damni, sed illius tantum excessus cuius ipse fuit causa. Ille tamen non tenebitur ad restitutionem qui furi parato surripere duobus, suaserit vt acciperet ab vno tantum, quia suadet minus malum parato facere maius. *rem.2.fol.537.num.12. & seq.*

29. Confessarius, vel Parochus, vel Concionator tenetur ad restitutionem damni, cuius fuit causa per ignorantiam aut negligentiam. Tenetur similiter ad restitutionem ille qui ex culpa lata, vel ex ignorantia crassa docet aliquam falsitatem in materia fidei vel morum, vel in aliqua arte aut scientia; imò tenetur se retractare & errorem reuocare: secus dicendum de idiotis & imperitis hominibus dantibus consilium bona fide, quamuis se sponte ingesserint ad dandum consilium, modò consilium dederint absque fraude & dolo, vel se peritos fingendo. *10m.2.fol.539.num.23. & seq.*

30. Qui suo consensu efficaciter concurrit ad damnum, tenetur ad restitutionem; propterea qui per suffragia necessaria, vel subscriptionem
consen

consentiunt, & influunt in mortem inferendam, vel in aliud damnum proximi, tenentur ad restitutionem. Imò adhuc tenetur ad restitutionem ille, qui prior tulit suffragium, sed certò nouerat alios decreuisse ferre suum suffragium in eandem partem, in quam ipse tulit suum. *ibid. num. 3.*

& seq.

31. Palpans, qui laudat malefactorem, eumque ad inferendum alteri damnum inducit; item receptans, qui scilicet recipit, vel fouet, vel conseruat malefactorem, vel asseruat prædam, vel refugium & securitatem malefactori præbet ad patrandum delictum, vel ad non restituendum, tenetur ad restitutionem; propterea non excusantur cauponarii accipientes pecunias à filiisfamilias, vel à seruis, surreptas à patribus vel dominis rationabiliter inuitis.

Aduerte tamen recipientem furem ratione amicitiae, vel consanguinitatis, vel causa humanitatis, vel hospitij, vel necessitatis, non teneri ad restitutionem, quia non dicitur receptor furis formaliter. Idem militat in abscondente delinquentem, illumque post delictum commissum adiuuante ad fugiendum, nullo modo concurrando ad delictum. *tom. 2. fol. 340. num. 1.*

& seq.

32. Participans in opere intrinsecè malo contra iustitiam, id est cooperans in damno alteri inferendo, ut in furando, vel in consumenda re aliena furto ablata, vel alia ratione, peccat, & tenetur ad restitutionem damni secuti; nam culpabiliter & efficaciter influit in damnum. Secus quando interuenit metus, seu rationabilis causa, propterea excusatur à restitutione, qui metu coactus, præbet furi clauis vel instrumenta, quibus

constrin

confringit arcas: Similiter excusantur Christiani capti à Turcis, nauigantes, seu remigantes metu mortis in triremibus Turcarum contra Christianos; modò ex eorum remigatione non oriatur magnum Christianæ Reipublicæ incommodum. *tom. 2. fol. 541. num. 3. & seq.*

33. Qui ratum habet damnum suo nomine illatum, teneturne ad restitutionem? Respondetur negatiuè, quia non dicitur participare in damno alterius, cum ratihabitio sit tempore posterior damnificatione; quamuis ratificans grauitèr peccet contra charitatem. *tom. 2. f. 542. n. 9.*

34. Quicumque physicè, vel moraliter causa est totius damni, tenetur in solidum, seu in totum ad restitutionem: qui verò non est causa totius damni, sed partis tantum, non tenetur in solidum, sed solum pro sua parte; quia quilibet tenetur ad restitutionem damni eo modo quo fuit illius causa efficax: hinc fit vt is qui fuit particeps prædæ iam factæ, teneatur ad restitutionem pro ea tantum parte, quæ ei obigit, modò non fuerit particeps totius iniustæ actionis, cooperando ad iniustam actionem. *ibid. num. 10. & seq.*

35. Quando plures scienter ingressi sunt vineam, & singuli leuèr vix quantitatem acceperunt, quæ simul sumpta est notabilis, singuli peccarunt mortaliter, suntque restitutioni obnoxij, quia singuli concurrunt ad damnum notabile. Item tenentur ad restitutionem comitantes furem, ostendentes iter, custodientes sarcinas, tenentes scalas sine iusto metu, vel excubias agentes dum fur delictum committit. *ibid. num. 15. & fol. 543. n. 17.*

36. Mutus non obstans, vel non manifestans, qui sine iusta causa non clamat, non impedit, vel
non

non manifestat, cum teneatur ex iustitia ratione officij, vel contractus clamare, impedire vel manifestare, obligatur in solidum ad restitutionem damni secuti: nam sic censetur causa damni, sicut censetur qui positiuè influit in damnum: quare Principes, pastores, belli Duces, aliisque publicam potestatem habentes, tenentur ad restitutionem non impediendo furta, vel alia damna suorum subditorum, quæ tenentur impedire ex officio, modò id fieri possit sine illorum maiori damno vitæ, honoris, famæ, vel rei familiaris, non enim tenentur cum tanto dispendio, nisi fortè inde grauius damna, præsertim spiritualia, Reipublicæ immineant. *ibid. n. 2. & seq.*

37. An teneatur ad restitutionem ille qui interrogatus à vicino, cui bona furto sublata fuerunt, an fures viderit, vel audierit, respondet nec vidisse, nec audiuisse? Respond. non teneri, quia non tenetur ex iustitia, vel officio. Et hoc valet, etiamsi id faciat ex prauo animo. *tom. 2. fol. 544. num. 8.*

38. Quæres, an Confessarij teneantur ad restitutionem, quando sua culpa vel malitia non admonent, vel non cogunt pœnitentem ad restitutionem faciendam, quam pœnitens fecisset, si Confessarius illam iniunxisset, vel absolutionem denegasset? Respond. videri non teneri, modò Confessarij omisio & negligentia non habeat rationem consilij. *tom. 2. fol. 554. num. 15.*

39. Qui sine vi & fraude impedit alium, ne consequatur aliquod bonum, quod ei non debetur ex iustitia, non tenetur ad restitutionem, etiamsi impediatur animo nocendi: secus dicendum de illo qui impedit alterum à consecutione alicuius boni, quod ei debetur ex iustitia, etiamsi impe

impediat sine vi, aut fraude; nam violat ius quod alter habet, ut sibi bonum conferretur. *tom. 2. fol. 546. n. 2. & 3.*

40. Qui donationem nondum acceptatam curauit rescindi sine vi & fraude, aut impediuit ne Caius institueret Titium hæredem, vel curauit testamentum mutari, vel impediuit aliquem ne faceret testamentum, vel ne mutaret iam factum, non tenetur ad restitutionem, modò nulla vis aut fraus intercesserit. Idem dicendum de impediendo dignum à beneficij consecutione, ut daretur digniori; non enim violauit ius digni, cum is non haberet ius ut præferretur digniori. *ibid. num. 4. & 5. item fol. 547. num. 6. & 7.*

41. Tenetur ad restitutionem qui per mendacium (mendacium enim est fraus) impediuit Caium, ne faceret eleemosynam pauperi, dicendo illum non esse pauperem, cum reuera egestare laboraret. *ibid. num. 11.*

42. Fur tenetur ad restitutionem rei acceptæ si extat, siue res melior vel deterior effecta sit, siue permanferit in eodem statu, compensato tamen reliquo damno; quia dominus non amisit dominium rei suæ extantis. Quod si res aliena cum propriis rebus ita commixta est, ut discerni nequeat, aut separari, non erit restituenda res illa indiuidua, sed æqualis tantum. *tom. 2. fol. 548. n. 4. & 5.*

43. Tantum restituendum est, quantum sufficit ad faciendam æqualitatem debiti, vel damni illati, ita ut si quantitas debiti vel damni sit certa, tantundem restituatur: si verò sit incerta, tantum restituatur, quantum vir prudens iudicauerit, consideratis circumstantiis loci, temporis & personæ, habitaq; ratione lucri cessantis & damni emer

emergentis. Hinc sequitur eum qui conculcauit segetes antequam ad maturitatem peruenirent, aut arbores adhuc teneras incidit, teneri arbitrio prudentis restituere, non solum quanti res valebat tunc creditori, sed etiam quanti valuisset, tempore messis detractis expensis & laboribus, habitaque ratione periculi, ratione cuius fieri poterat ut per cæli iniurias, aut per alios casus fortuitos non peruenissent ad maturitatem. *ibid. num. 8. & seq.*

44. Debitores nobiles aut alij qui constituto termino non soluunt pretium mercium credito-
emptarum, & multo tempore differunt solutionem mercatoribus debitam, tenentur in conscientia restituere lucrum cessans mercatoribus, si constet re vera illis lucrum cessasse ob dilatam solutionem, tunc enim fuerunt causa iniusta damni. *tom. 2. fol. 549. num. 12. & 13.*

45. Accepta pro faciendo opere licito debito ex alio præcepto quam iustitiæ, non sunt obnoxia restitutioni, quia ex violatione solius iustitiæ oritur obligatio restituendi; in hoc autem casu non violatur iustitia. *ibid. num. 1.*

46. Similiter non est obligatio restituendi acceptum pro abstinendo ab opere illicito, à quo abstinendum erat ex alia virtute quam iustitiæ. Vnde accipiens pecuniam ne blasphemet, aut ne fornicetur cum publica meretrice, &c. non tenetur acceptum restituere; secus dicendum quando accipitur aliquid pro omittendo opere, v. g. detractioe quod ex iustitia omittendum erat. *tom. 2. fol. 550. num. 3. & seq.*

47. Pro opere illicito patrando, seu pro turpi causa nihil dari vel accipi potest ante factum, quilibet enim tenetur abstinere à malo opere patrando;

trando : secus dicendum de opere illicito patrat-
to contra iustitiam, modò solutio non sit iniqua,
ex. gr. simoniaca : hac de causa qui pro copula
promisit pretium alicui fœminæ, tenetur secuta
copula illud persolvere, quia fœmina locavit
corpus suum alteri, ex quo alter percepit volu-
ptatem pretio æstimabilem. Non desunt tamen
qui hanc sententiam improbent. Bona quoque
incerta acquisita ex contractu, restituenda sunt
pauperibus.

Iudex qui pecuniam accipit pro ferenda sen-
tentia iniusta, non tenetur post factum ad resti-
tutionem pecuniæ acceptæ, quamvis teneatur
damna reficere parti læsæ, contra quam tulit
sententiam iniustam. Hæc doctrina extenditur
etiam ad falsum testem. *tom. 2. fol. 551. num. 2.*
Et seq.

48. Acquisita ob turpem causam, v. g. per simo-
niam, restituenda sunt, non solum ante factum, sed
etiam secuto facto, quando lex efficit acquiren-
tem incapacem dominij, vel inhabilem ad rem
accipiendam. *tom. 2. fol. 553. num. 11. Et seq.*

49. Bona inuenta, quorum dominus ignoratur,
restituenda sunt pauperibus, seu capsæ incerto-
rum, iuxta consuetudinem & decreta locorum,
modò prius adhibita fuerit sufficiens diligentia
in inquirendo domino, & dominus non fuerit in-
uentus. Nomine autem *pauperum*, intellige non
solum priuatos mendicos, sed etiam loca pia, vt
monasteria, hospitalia pauperum, Ecclesias indi-
gentes luminaribus, ornamentis, vel similibus.
Neque opus est vt hæc bona incerta pauperiori-
bus, aut melioribus tradantur, sed sufficit si veris
pauperibus distribuuntur, (præcisa tamen summa
& extrema necessitate,) tali enim necessitate seu
pauper

paupertate laborans praferendus est iure naturæ.
rem.2.fol.554.num.3. et seq.

50. Bona incerta acquilita ex delicto, vt ex iniusta venditione, furto, aut alia defraudatione restituenda sunt pauperibus ex iure positiuo. Dicitur *ex iure positiuo*, quia iure naturæ bona incerta non debentur pauperibus. *tom.2.fol.555.num.9.*

51. Qui aliquos in vini mensura aut alio simili modo defraudauit, quorum aliquos cognoscit, & alios ignorat, tenetur portionem debitam iis referuare quos nouit; portionem verò debitam ignotis, tenetur infumere in pauperes, vel in alia pia operâ. *ibid.n.11.*

52. Habens bona incerta, potest ea sibi titulo paupertatis applicare de licentia Episcopi, vel Confessarij facultatem habentis applicandi, cum ipse non sit deterioris conditionis aliis pauperibus; secus si non sit pauper. *ibid.num.13.*

53. Habens rem inuentam, non tenetur illam restituere cuicumque asserenti suam esse, quia non est temerè cuique credendum, sed diligentia adhibenda est, vt verus dominus inueniatur. *tom.2.fol.556.n.16.*

54. Pauper cui res incerta post sufficientem diligentiam applicata fuit, non tenetur domino comparenti restituere; quia pauper acquisiuit dominium rei sibi traditæ; quamquam non desint, qui rem adhuc apud pauperem extantem restituendam non improbabiler asserant. *ibid.num.18.*

55. Tuta conscientia retineri possunt bona incerta, quæ per compositionem Summus Pontifex retineri concedit; credibile tamen est, si facta compositione reperiatur dominus, faciendam illis esse

esse restitutionem, cum Summus Pontifex per compositionem nulli damnum inferre intendat. *ibid. num. 21.*

56. Bona laicorum morientium ab intestato, & non habentium hæredes intra decimum gradum, iure communi civili deuoluuntur ad fiscum, *l. vacantia, C. de bonis vacantib.* bona verò peregrini mortui ab intestato non pertinent ad hospitem apud quem mortuus est, sed per Episcopum deficientibus hæredibus distribuenda sunt in pias causas. At bona derelicta, seu ea quæ abii-ciuntur intentione non amplius illa recuperandi, fiunt occupantis. Aduerte ad bona derelicta non reuocari ea quæ in periculo sunt eiecta è naui, causa leuandæ nauis, & saluandæ vitæ: vnde iniqua est lex qua sancitur vt prædicta bona sint illius ad cuius locum peruenerint. Quod si dubitetur an bona sint derelicta, præsumendum est non esse derelicta. *tom. 2. fol. 557. v. 2. & seq.*

57. Eripiens aliquid ex vndis quod certò perituum erat, nisi ipse illud eripuisset, non potest illud exceptum sibi retinere; sicut neque ouem quam eripuit è lupi faucibus. Ille tamen qui ita rem aliquam eripuit cum periculo propriæ vitæ, detrahere potest æstimationem laboris & periculi quod subiuit. *tom. 2. fol. 558. num. 7. & seq.*

58. Thesaurus, (seu vetus depositio pecuniæ cuius non extat memoria,) inuentus in proprio fundo, totus est inuentoris. Item & thesaurus in fundo alterius consentientis inuentus, nisi inuentor aliter conuenerit cum domino fundi. Quando autem thesaurus data opera inuentus est, totus pertinet ad dominum fundi, siue sit priuata persona, siue ciuitas, siue quicumque alius. *ibid. n. 1. & seq.*

59. Thesaurus inuentus in loco sacro & religioso, vt in Ecclesia, cœmeterio, platea ante Ecclesiam, &c. diuidendus est inter inuentorem & Prælatum, aliūve cuius fuerit ille locus sacer. Quando autem thesaurus arte magica, vel alia ratione legibus prohibita inuentus est, pertinet ad fiscum (saltem post sententiam iudicis, quoad eam partem quæ alioquin esset inuentoris,) & hoc valet etiamsi inuentus sit in proprio fundo. *ibid. n. 5. §. 6.*

60. Sciens in fundo alterius latere thesaurum, si fundum emat, acquiratne dominium totius thesauri? Acquirat, neque emptor tenetur indicare venditori thesaurum latere in fundo illius, aut ob id pretium fundi augere. *rom. 2. fol. 559. num. 7.*

61. Lapilli, gemmæ, ambarum, corallium, & alia huiusmodi quæ reperiuntur in littore maris, vel in promontoriis, sunt primi occupantis, nisi aliter iure positiuo decernatur: at venæ metallicæ auri, argenti, ferri, plumbi, &c. iure naturæ & gentium spectant ad dominum fundi; quamuis multis in locis vt in Gallia & Hispania aliter sancitum sit; concessumque sit ob bonum commune cuilibet ius effodiendi quasdam venas seruato indemni domino agri. *ibid. n. 11. §. 12.*

62. Animalia fera, vt sunt lupi, leones, lepores, &c. quæ in nullius custodia coercentur, & naturalem habent libertatem, sunt primi occupantis. Idem dicendum est de animalibus mansuetis, v. g. gallinis, quæ facta sunt fera, & quæ iudicio prudentis viri consuetudinem amiserunt redeundi ad priorem dominum. *rom. 2. fol. 551. num. 3.*

63. Fera, quæ continentur in aliquo paruo loco, vt in viuariis, aut parua sylua, spectant ad dominum custodiæ: quæ autem continentur in vastis

stis locis, ut in magna sylva aut vasta palude, fiunt primi occupantis, quia in loco tam vasto videntur retinere naturalem suam libertatem. *ibid. num. 9.*

64. Venatio, piscatio, & aucupium reservari & prohiberi potest à domino agri, & à Principe, non solum quando hoc necessarium est ad ipsius Principis sustentationem, sed etiam propter solam oblectationem; præsertim quando ipsius dignitati ita conducit. Verum tamen est tunc eum debere damna, quæ à feris inferuntur rescire, & cauere ne inferantur. *tom. 2. f. 562. n. 13.*

65. Fera meo capta instrumento & laqueo, sit mea (non autem eximentis illam è laqueo,) quando fera non se poterat inde eximere; nam sic censeor primus occupasse. Idem dic de fera à me vulnerata, sed postea ab alio capta; nam si illa adhuc fugere poterat, non est mea, sed primi capientis; si verò fugere amplius non poterat, eamque insequor cum probabili spe & morali certitudine eam capiendi, mea est. Denique fera illius est, per quem libertatem amittit. *tom. 2. fol. 561. num. 11.*

66. Venans aut piscans venatione vel piscatione, quæ ob bonum commune prohibita est certis anni temporibus, aut certis instrumentis, aut alia simili ratione, non tenetur ad restitutionem, (nisi fortè notabile damnum inferat communitati,) sed satisfacit soluendo poenam contra transgressores legum sancitam, secuta iudicis sententia. *tom. 2. fol. 562. n. 17.*

67. Clericus aut alius Ecclesiasticus capiens feras, liberas ea venatione, quæ ipsi est illicita & prohibita ratione decentiæ status, non tenetur ad restitutionem; cum accipiat rem quæ adhuc nullius

nullius est, & iure gentium fiat primi capientis.
tom. 2. fol. 563. num. 19. & 20.

68. Emens vel accipiens feras quæ naturalem retinent libertatem à venatore, qui eas cepit in loco prohibito, non tenetur ad restitutionem, modò non accipiat in fraudem creditorum; secus dicendum de eo qui venatur, vel piscatur quando ius venandi competit alicui particulari ratione locationis vel concessionis: hic enim tenetur ad restitutionem faciendam arbitrio prudentis viri. Idem dicendum de eo qui venatur & occupat feras mansuefactas, quæ naturalem libertatem amiserunt. *tom. 2. fol. 563. num. 21. & seq.*

69. Peccat mortaliter, qui occidit aut vulnemat animal alterius, dum in suo prædio damnum infert; non enim habet ius occidendi, aut vulnerandi, sed tantùm exigendi satisfactionem, nisi fortè nequeat aliter damnum proprium impedire. Similiter illi tenentur ad restitutionem, qui venando canibus, equis aut pedibus suis inferunt damnum satis, vineis, aut aliis rebus. Item tenentur ad restitutionem qui ligna cædunt, vel fructus colligunt in alienis sylvis, aut in alienis pascuis sua pecora pascunt; nisi fortè sint pars communitalis cuius sunt sylvæ aut pascua. *ibid. num. 24. & seq.*

70. Insulæ quæ aliquando in mari nascuntur, sunt primi occupantis; quæ verò in medio fluminum nascuntur, diuidendæ sunt ex æquo inter eos qui ex utraque ripa possident prædia. Quod si insula sit propinquior ripæ, sit illius cuius prædia sunt viciniora & prope ripam. Idem militat pro alveo. *ibid. num. 28. & fol. 554. n. 30.*

71. Planta quæ radices egit in solo alicuius spectat ad eum, in cuius solo radices egit: si verò

D d

radi

radices egit partim in solo vnius, partim in solo alterius, sit communis. *ibid. n. 34.*

72. Quæres, vtrum damnum illatum per seruos, vel animalia restituendum sit à domino? Respond. dominus tenetur, etiam ante iudicis sententiam, ad refarciendum damnum, quod sua culpa Theologica intulerunt ipsius serui, vel animalia. *tem. 2. fol. 565. num. 3.*

73. Res peritne debitori, ita vt debitor teneatur ad nouam restitutionem, quando res perit, vel non peruenit ad creditorem? Respond. si res quæ debetur ex delicto, casu, vel malitia nuntij à debitore electi, vel alia quauis ratione pereat, antequam perueniat ad creditorem, perit ipsi debitori, siue eadem numero, siue diuersa restituenda esset; quia par non est vt creditor damnum patiatur ob alterius culpam, aut delictum. Similiter quando res non debetur ex culpa, seu delicto, nec est determinata in indiuiduo, qualis est res mutuò accepta, si pereat vel deterior fiat, antequam perueniat ad creditorem, perit vel deterior sit debitori: quare mutuarius tenebitur ad nouam restitutionem, quando pecunia quæ creditori mittebatur pro solutione mutui, perit apud nuntium. *ibid. punct. 9. num. 3. & 4. item fol. 566. num. 5.*

74. Quando autem res est certa in indiuiduo, & eadem numero debetur, perit creditori, si pereat absque culpa debitoris nulla præcedente iniusta ipsius acceptione. Et hoc verum est, etiam si nuntius electus fuerit ab ipso debitore. *ibid. num. 6.*

75. Debitor non tenetur ad restitutionem nouam, quando rem sibi commodatam, vel pignori datam misit domino per seruum quem saepe ex-

pertus

pertus fuerat fidelem, sed modò cum re accepta aufugit, quia res domino perit non interueniente culpa, pacto, vel mora debitoris. Non tenebitur quoque debitor ad nouam restitutionem, quando conuenit cum creditore de re mittenda per seruum, tradito certo signo, sed fur audito pacto, vel tradito sibi signo, rem à debitore accepit & aufugit. Et hoc verum est, siue res debita, determinata esset in indiuiduo, siue indeterminata. Limita tamen, modò debitor ipse non reuelauerit signum. *ibid. n. 10. & 11.*

76. Petes, an debitor teneatur ad nouam restitutionem, quando rem debitam noluit mittere per eum de quo conuenerat cum creditore, sed misit per alium, quem expertus fuerat fidelem, sed modò cum re accepta aufugit? Respond. debitorem non esse liberum ab onere restitutionis, quia debitor non adhibuit sufficientem diligentiam, non enim videtur diligens, qui contra formam pacti agit. *tom. 2. fol. 567. num. 13.*

77. Possessor bonæ fidei qui rem bona fide accepit, & non fuit in mora restituendi, non tenetur ad restitutionem rei quæ apud ipsum perijt, nisi fortè in aliqua re factus sit locupletior; secus dicendum de iniquo possessore qui rem iniuste accepit, vel fuit in mora restituendi; is enim tenetur ad restitutionem rei quæ apud dominum contingenter peritura erat. Dicitur *contingenter*, quia si res certò apud dominum peritura erat absque iniusta actione, ad nihil tenetur, nisi fortè aliqua in re factus sit locupletior. Aduerte iniquum possessorem rei alienæ non teneri ad restitutionem iuxta summum valorem & æstimationem quam res habuit tempore acceptionis vel detentionis, si dominus non est passus damnum

iuxta summum valorem: quia restitutio facienda est ad æqualitatem damni illati domino rei; secus dicendum quando dominus passus est damnum iuxta summum valorem, vel incrementum, etiamsi possessor iniquus inde non perceperit commodum. Ex his habes, furem accipientem vitulum qui tempore detentionis crevit in bo-
uem, teneri ad restitutionem ipsius bouis detractis expensis & laboribus industriæ factis à fure, quos dominus fecisset in educando animali, ipsúmque redigendo ad eum statum. Ratio est, quia res domino fructificat. *ibid.n.1. & 2. item fol. 569.n.2.4. & 5. item fol. 570.n.6.*

78. Quæres, an possessor iniquus teneatur ad restitutionem totius pretij & lucri, quo rem alienam furtivam vendidit, quam dominus non tanti vendidisset? Dicendum videtur, quando augmentum pretij fundatur tam in causa extrinseca quàm intrinseca, & dominus rem suam non vendidisset tanto pretio, sed illam servasset usque ad tempus quo pretium rei diminutum fuisset, aut illam consumpsisset eo tempore, quo non creuisset in pretio, furem non teneri ad restituendum pretium quo rem alienam vendidit, vel quo valuit eo tempore, quo eam consumpsit, sed teneri ad illud pretium restituendum, quo dominus rem suam vendidisset, vel quatenus fur censetur damnum domino intulisse. *ibid.num.8. & 9.*

79. Possessor bonæ fidei non tenetur restituere fructus industriæ perceptos ex re aliena; tenetur tamen restituere fructus tam naturales quàm mixtos, tam pendentes, quàm perceptos, si extant. Si verò non extant, tenetur restituere id, in quo factus est ditior, deductis expensis & valore

lore industriæ. *tom.2.fol.571.num.3. & fol.572.
num.7.*

80. Difficultas superest, vtrum possessor bonæ fidei teneatur restituere fructus naturales, vel mixtos, quando illos bona fide possedit per triennium? Ad quam difficultatem respondendum est negatiuè, quia res mobiles vsucapiuntur trienniali possessione. *ibid.n.10.* Item

81. Possessor bonæ fidei non tenetur restituere fructus quos sua negligentia non percepit: secus dicendum de possessore malæ fidei; quia tenetur ad restitutionem fructuum, quos ipse non percepit, & quos tamen dominus rei percepisset. Et hoc verum est, etiamsi rem alienam meliorem effecisset; quod tamen effecturus non fuisset verus dominus. *ibid.num.15. & fol.573.num.1. & 2.*

82. Possessor malæ fidei non tenetur restituere fructus, quos dominus ex re sua potuisset percipere cum turpi causa, quia iura non patrocinantur delinquentibus; secus dicendum de pretio locationis domus alienæ, quam locauit meretrici ad meretricandum. *tom.2.fol.574.num.7. & 8.*

83. Possessor malæ fidei; aliûsve iniustus damnicator, regulariter loquendo, tenetur illi restitutionem facere, cui rem abstulit, modò ille cui rem abstulit, habeat aliquod ius circa rem ablatam; aut illi, cui damnum intulit, si restitutio facienda est ob damnum iniuste illatum; aut illi qui succedit in iura alterius cui facienda erat restitutio: sic enim seruatur æqualitas, & tollitur inæqualitas: at possessor bonæ fidei, qui rem alienam bona fide accepit titulo emptionis, aut alio titulo oneroso, non tenetur postquam co-

gnouit rem esse alienam, restituere illam domino, sed potest rescisso contractu restituere illi, à quo bona fide accepit, vt possit pretium suum recuperare. Quod si gratis accepit, tenetur comperto domino ipsi restituere, non autem furi à quo accepit. *tom.2.fol.575.num.1. & fol.576.num.1.& 2.*

84. Quid faciendum, quando ego bona fide emi equum, illumque bona fide vendidi Caio; & post venditionem cognosco equum fuisse alienum, sed non inuenitur Caius, cui ego vendidi; quæritur vtrum ego teneam aliquid Caio, aut vero domino restituere? Dicendum me non teneri quidquam restituere Caio, cum is nullum reporter damnum, neque domino, quia res aliena apud me non extat, nec in aliquo factus sum locupletior. *tom.2.fol.577.n.10.*

85. Qui restituit creditori sui creditoris, quod debet suo creditori, videtur satisfacere, & non teneri ad nouam restitutionem, modò debitum sui creditoris sit liquidum, nec ipse creditor inde damnum patiatur. *tom.2.fol.578.n.1.*

86. Sciens aliquid ab alio iniuste possideri, non potest auctoritate propria, aut per vim illud accipere, vt restituat vero domino: sicut enim illud non est licitum vero domino præterquam in flagranti delicto, ita multò minùs poterit alter qui non est proprius dominus hoc licitè præstare. *ibid.num.3.*

*Ubi, cuius expensis, & quo tempore
& ordine facienda sit restitutio.*

87. Quando restitutionis obligatio nascitur solum ex re bona fide accepta, restitutio facienda

Ia est in loco ubi res habetur tunc temporis quo cognoscitur esse aliena, nec est iniungendum onus possessori bonæ fidei, ut illam mittat domino suis expensis: quare si ego emi equum hic Parisiis, & postea comperio esse cuiusdam Bergomenensis, satisfacio restituendo equum hic Parisiis, ubi equum habeo: si verò dominus est absens, re interim tuto loco conservata, admonendus est ut significet quid fieri velit de re sua; vel res ad ipsum mittenda erit ipsius expensis, prout magis expedire visum fuerit. Quando verò restitutionis obligatio nascitur ex iniusta acceptione, facienda est restitutio expensis debitoris in loco, ubi dominus rem suam possessurus erat, si res illi ablata non fuisset; quia ratio dicitur & suadet, ut onus imponatur debitori qui rem alienam iniuste abstulit: non tenebitur tamen suis expensis restitutionem facere, quando maiores expensæ faciendæ essent, quam res ipsa valeat; alioqui loco æqualitatis quæ servari debet, magna esset inæqualitas. *tom. 2. fol. 579. num. 1. & seq.*

88. Quando restitutionis obligatio confurgit ex contractu, vel quasi contractu celebrato in aliquo loco certo, restitutio facienda est in eodem loco, in quo res accepta fuit, nisi aliud in contractu fuerit expressum; aliquando tamen tacite censetur designatus locus is, seu domicilium, in quo creditor habitat. Sed quæres, cuius expensis facienda sit hæc restitutio? Respond. quando res accepta fuit in utilitatem debitoris, restitutio facienda est expensis debitoris: quando verò in utilitatem creditoris, res illi restituenda est suis expensis; nam ipsius negotium agitur; propterea depositum, commodatum & mutuum restituendum est in loco ubi acceptum

D d . 4

fuit,

fuit, expensis depositoris, commodatarij & mutuatarij, quandoquidem id in ipsorum commodum vergat. *tom. 2. fol. 580. num. 9. & seq.*

89. Quæres, an debitor qui non tenetur propriis expensis rem debitam restituere, teneatur eam suis expensis restituere, quando timet eas sibi non esse refarciendas à creditore? Respond. non teneri, non enim tenetur iacturam expensarum pati. *ibid. n. 18.*

90. Quicumque obstrictus est onere restituendi ratione rei acceptæ, vel iniustæ acceptionis, aut detentionis, tenetur restituere statim moraliter ac commodè potest, nisi dilationem obtineat à creditore, aut nisi creditor sit irrationabiliter inuitus. Vnde qui dum in lecto decumbit, vel existit ad mensam, recordatur se teneri ad restitutionem, non tenetur statim à mensa recedere, vel surgere è lecto, vt restitutionem faciat. *tom. 2. fol. 581. num. 1. & 2.*

91. Ille tamen qui non restituit, cùm possit restituere, tenetur ad restitutionem damni ex dilatione secuti, manetque in statu peccati mortalis quandiu non restituit, nisi fortè à mortali excusetur ratione paruitatis materiæ, aut breuitatis temporis: quod si longo tempore differat cum commodè possit restituere, tot peccata committit, quot sunt actus intentionis & voluntatis non restituendi. Neque Confessarius absoluerè potest pœnitentem non habentem firmum propositum restituendi quam primum poterit, data opportunitate. Idem dicendum quando non vult restituere nisi per partes, cùm possit totum restituere; aut quando sæpius Confessario promisit restituere, sed nondum restituit de facto, cum posset commodè restituere, nec obtinuit dilationem à
credi

creditore. *tom. 2. fol. 582. num. 5. 6. 7. & 9. item fol. 583. num. 14. & seq.*

92. Inter cooperantes ad damnum ille principaliter tenetur ad restitutionem, qui præcepit damnum, modò in illud influxerit & habuerit auctoritatem supra illum cui delictum præcepit, qualis est iudex respectu sibi subditi, dominus respectu serui, &c. Post causam verò præcipientem principaliter tenetur exequens qui per se ipsum physicè cooperatus est ad delictum patrandum: post causam exequentem principaliter tenetur consulens & mandans: post consulentem & mandantem, tenetur principaliter receptator: post receptatorem, principaliter tenetur non impediens & non manifestans, qui tenebatur ex officio impedire vel manifestare, vel clamare. Aduerte tamen ante hos omnes prædictos, cum principaliter & primo loco teneri ad restitutionem, qui rem alienam habet apud se extantem formaliter, vel in æquiualehti. *tom. 2. fol. 585. num. 4. & 5. item fol. 586. n. 9. & 10.*

93. Causa minùs principali restituyente, causa principalis non tenetur quidquam restituere parti læsæ, (cum ei integrè satisfactum sit à causa minus principali;) verùm tenetur seruare indemnem causam minùs principalem refarciendo quod ab ipsa fuit solutum parti læsæ. *ibid. n. 12.*

94. Similiter quando plures æqualiter tenentur restituere, sed vnus integrè restituit, ceteri tenentur ad restitutionem illi qui soluit; propterea vna ex concausis minùs principalibus restituyente in defectum principalis, ceteri tenentur suam portionem illi refundere, seu refarcire ad ratam suæ cooperationis. *ibid. num. 14. & fol. 587. num. 15.*

95. Quando tres æqualiter tenentur ad restitutionem trecentorum aureorum, & vnus integrè soluit, aliis duobus nolentibus restituere, sed postea alter duorum proponit restituere, satisfacitne restituendo illi qui integrè soluit restituendo centum? Non satisfacit, sed debet adhuc addere quinquaginta. *ibid. num. 16.*

96. Quando verò plures damnum intulerunt, & dominus condonauit causæ principali obligationem, ceteri qui fuerunt causæ minùs principales liberi sunt ab onere restitutionis, secus si condonauit vni tantum ex minùs principalibus. Quod si omnes æqualiter teneantur ad restitutionem, & pars læsa remittit vni obligationem, ceteri tenentur in solidum ad restituendum residuum, detracta parte quæ restituenda fuisset ab eo cui facta fuit remissio. *ibid. n. 17. & 18.*

97. Debitor qui non potest omnibus satisfacere, tenetur præferre eum, qui sibi creditò vendidit rem quæ adhuc extat apud ipsum debitorem; quia videtur contra rectam rationem, vt res adhuc extans apud emptorem nondum soluto pretio, tradatur potius extraneo, quàm illi qui eam vendidit. Item habens multa debita, quorum aliqua sunt certa, & aliqua incerta, debet priùs persolvere certa, quàm incerta, si non est omnibus soluendo: ita enim dicitur ratio naturalis. Item habens multa debita, quorum aliqua contracta sunt ex delicto, & aliqua ex contractu licito, non tenetur priùs persolvere contracta ex delicto quàm ex contractu. *rem. 2. fol. 580. num. 8. & seq.*

98. Habens debita ex contractu oneroso, & aliqua ex contractu gratioso, tenetur priùs persolvere debita ex contractu oneroso, vt si quis debeat

beat

beat Titio centum nummos ex contractu emptionis, & Caio debeat centum ex promissione gratuita, tenetur in solutione facienda præferre Titium Caio. Similiter in persolvendis debitis, prius facienda est solutio creditoribus realibus habentibus hypothecam, vel pignus, quam creditoribus personalibus hypothecam vel pignus non habentibus, qui communiter appellantur *creditores chirographarij*. Quando verò eadem res fuit pluribus hypothecata, sed non sufficit ad satisfaciendam omnibus, prius restitutio facienda est illi, cui prius fuit hypothecata, quia qui prior est tempore, potior est iure. Similiter quando res aliqua diuersis temporibus vendita fuit multis in solidum, præferendus est primus emptor, si res nulli tradita fuit. Quod verò attinet ad creditores personales, dicendum illos habere æquale ius, consequenter nullum præferri debere, nisi fortè vnus perat ante alium, aut sit in extrema necessitate; nam tunc debitor tenetur prius petenti soluere. Non peccat autem creditor curando vt sibi fiat solutio ante alios, vtitur enim iure suo, & nihil accipit alienum: secus dicendum de debitore, qui propria sponte tradit solutionem vni creditori, vt illi rem gratam faciat; peccat enim, cum sciat se impotentem reddi ad satisfaciendum omnibus creditoribus. *tom. 2. fol. 590.*

num. 12. & seq.

99. Quando bona hæreditatis non sufficiunt ad satisfaciendum omnibus creditoribus, possunt prius deduci expensæ necessariæ ad funus debitoris sepeliendi; quia expensæ funeris præcedunt omne debitum. *tom. 2. fol. 592. num. 25.*

100. Qui aliquid bona fide contractu oneroso accepit à debitore, nesciens alienationem esse in

fraudem creditorum, non tenetur ad restitutionem, postquam cognouit alienationem factam esse in fraudem creditorum à debitore. Qui vero aliquid accepit à debitore titulo gratitudinis, ignorans acceptionem esse in fraudem creditorum, tenetur restituere id in quo factus est ditior, modò repetatur à creditoribus intra annum à die scientiæ. *tom. 2. fol. 593. n. 17.*

101. Petes, utrùm debitor qui non est creditoribus soluendo, peccet contra iustitiam, & teneatur ad restitutionem damni quod passi sunt creditores, eo quod debitor repudiauerit legatum vel hæreditatem, qua non repudiata satisfecisset creditoribus? Respond. in foro conscientiæ peccare contra iustitiam, & teneri ad restitutionem damni, quia censetur respuere media ad satisfaciendum. *tom. 2. fol. 594. n. 36.*

Causæ propter quas differri vel omitti possit restitutio.

102. Damnum ipsius creditoris vel tertiæ personæ est causa sufficiens ad differendam restitutionem. Propterea quando restitutio creditur futura grauitèr perniciofa ipsi creditori, vel quando creditur allatura nocumentum alteri, differri potest in tempus congruum & magis opportunum. Hinc sequitur me posse, imò etiam teneri denegare alteri gladium apud me depositum, petenti ad se vel alterum occidendum; & cum posse restitutionem differre qui commodato accepit equum, quem nouit statim à furibus surripiendum. *tom. 2. fol. 595. num. 1. & fol. 596. n. 1.*

¶ 3.

103. Potestne, vel tenerurne debitor restituere rem,

rem, qua scit suum creditorem abusurum? Respond. quando creditor abusurus est tantummodo in suum detrimentum, ex. gr. in ludos, ebriitates, meretrices, &c. debitorem posse, & teneri restituere præmissa correctione ne abutatur; secus si creditor abusurus sit in detrimentum & iniuriam tertij. *ibid. num. 4.*

104. Præterea causa sufficiens ad differendam restitutionem, est incommodum & damnum quod debitor longè maius patitur statim restituendo, quàm patiatur creditor ex dilatione restitutionis: hoc tamen intellige de damno distincto à re ipsa restituenda. *ibid. n. 11.*

105. Hinc patet à fortiori debitorem posse restitutionem differre ob vitandum magnum & probabile periculum salutis animæ suæ & suorum: neque tenetur debitor restituere bona inferioris ordinis cum notabili iactura bonorum superioris ordinis; idcirco fœmina quæ suscepit filium ex adulterio, non tenetur manifestare suum adulterium ad impediendum damnum filiorum legitimorum, si ex ea manifestatione periculum incurrat vitæ vel famæ, quæ enumerantur inter bona superioris ordinis. Debet tamen fieri restitutio tali casu per Confessarium, si hoc modo restituendo non adsit periculum infamiæ, vel corporis. *tem. 2. fol. 597. num. 12. & seq.*

106. Item debitor potest licitè differre restitutionem, quando eam præstare non potest, nisi cadat à proprio statu iustè acquisito; etiamsi debitum contraxerit ex delicto; ut ex comestationibus, ludis, scortis, &c. neque Confessarius eum ita cogere debet ad restitutionem, ut ex tali restitutione debitor cogatur emendicare; debet tamen aliquid de victu suo & vestitu detrahere, ut restituat.

tuat quantum potest salua decentia status bona fide acquisiti. *tom.2.fol.598.num.24. & 25.*

107.- Impotentia debitoris ad soluendum est similiter causa sufficiens differendæ restitutionis, quia impossibile non est obligatio. Ad hanc causam reuocari potest necessitas extrema debitoris; imò etiam necessitas grauis, modò creditor non existat in pari necessitate. Aduerte tamen rem acceptam in extrema necessitate, sed adhuc extantem post necessitatem, transacta necessitate restituendam esse. *tom.2.fol.599.n.30. 32. & 34.*

108. Cessio bonorum est adhuc causa sufficiens differendi restitutionem; quandoquidem is qui cessit bonis, censeatur esse impotens ad satisfaciendum debitis existentibus post cessionem. Qui cogitur cedere bonis suis, potest abscondere & retinere quantum necesse est ad tenuem sui & eorum quos alere tenetur sustentationem, iuxta suum statum. *ibid.num.36. & fol.600.n.37.*

109. Omitti autem potest restitutio vel obtenta remissione debiti, modò facta sit omnino liberè, nec sit à iure impedita, vel facta compensatione seruatis debitis conditionibus ad iustam compensationem requisitis, vel per compositionem obtentam à Summo Pontifice, quando ignoratur cui facienda sit restitutio, vel per prescriptionem legitimam. *tom.2.fol.601.num.1. & fol.602.n.10. & fol.603.n.27. & 29.*

110. Debitor excusaturne à restitutione ob ingressum in religionem? Respond. debitorem non posse ingredi religionem, quando prauidet fore, vt ingrediendo nequeat satisfacere creditoribus, quibus satisfaceret manendo in seculo, siue sit debitor ex contractu, siue ex delicto. Ratio est, quia

quia obligatio iustitiæ præferenda est consilio, religio autem est de consilio. *tom.2.fol.604. num.1.*

111. Debitor potestne ingredi religionem, quando dubitat an manendo in sæculo satisfactorius sit creditoribus ? Non potest, quia professio stat pro creditoribus ; secus dicendum si agatur tantum de promisso.obsequio adimplendo ; potest enim ingredi religionem ante illius adimplentionem ; & hoc verum est, etiamsi promissioni additum sit iuramentum : neque ingrediens religionem in prædicto caso, tenetur ad resarcienda damna quæ ex illa promissione non adimpleta obveniunt promissario, quamquam si adimpletio promissionis sit actus compatibilis cum religione, tenetur promittens eam adimplere etiam existens in religione. *ibid.num.3. & seq.*

112. Debitor qui religionem ingressus est ante præstitam satisfactionem, quam præstare poterat manendo in sæculo, tenetur curare ut suo labore, vel arte acquirat bona quibus satisfaciat, ex.gr.scribendo,vel aliquid aliud faciendo, quantum decet statum religiosum & regularem observantiam,interueniente licentia sui Superioris, quam Superior potest, & tenetur concedere, si ipse conscius erat debitorum, antequam debitorem admitteret ad religionem. Professio debitoris ingredientis religionem ante factam restitutionem valida est. Vide motum Pij V.super hac re. *tom.2.fol.605.n.7.& 8.*

113. Qui alium induxit ad peccatum, vel abduxit à bono opere absque vi vel fraude, non tenetur ex iustitia, sed ex charitate curare, ut à peccato resipiscat;secus si per vim, vel fraudem,v.g. falso

falso dogmate induxerit ad peccatum, vel retraxerit à bono opere, v.g. ab ingressu religionis ; is enim tenetur ex iustitia vim & fraudem auferre, & curare vt à peccato resipiscat , & si commodè potest , alium inducere ad religionis ingressum. *tom. 2. fol. 613. num. 1. & seq.*

Reus.

Vide v. *Accusator.*

S

Sabbatum.

Vide v. *Decalogus.*

Sacramentum.

Vide v. *Baptismus, Confirmatio, &c.*

Sacramentum est signum sacrum non solum significans, verum etiam infallibiliter efficiens rem sacram, sanctificantem homines.

Sacramentum non est ens rationis, quia habet vim efficiendi, & significandi , etiam nullo cogitante intellectu, differtque sacramentum à sacramentalibus, quod illa suo usu præcisè, & per se, & ex opere operato non conferant gratiam : sacramentum verò ex sua natura infallibiliter producit gratiam in suscipiente , nisi ponatur obex. Differt adhuc sacramentum à sacrificio vt sic, quod sacrificium institutum sit ad indicandam diuinam excellentiam , non verò ad sanctificandum sacrificantem. *tom. 1. fol. 2. num. 1. & seq.*

2. Tri

2. Tripliciter sacramentum dici potest signum, videlicet rememoratiuè, vt passionis; demonstratiuè, vt gratiæ, & prognosticè, vt gloriæ.

De ratione sacramenti est, vt sit signum, similitudine repræsentans id quod significat. *ibid. num. 7. & 8.*

3. Sacramenta nouæ legis septem esse docet Concilium Tridentinum; Baptismum, scilicet, Confirmationem, Eucharistiam, Pœnitentiam, Extremam unctionem, Ordinem, & Matrimonium. Inter hæc ordine necessitatis primum locum tenet Baptismus, deinde Pœnitentia: ordine verò perfectionis, primus locus debetur Eucharistiæ, quia continet Christum veræ sanctitatis auctorem. In statu innocentiae non extiterunt sacramenta, iustitia originali tunc sufficienter præstante, quod sacramenta præstitissent; in statu verò naturæ fuerant aliqua sacramenta, sicuti & in statu legis scriptæ, videlicet Circumcisio, Sacrificium, Agnus paschalis, & alia, quæ erant propriè dicta sacramenta, licet difficiliora, & imperfectiora sacramentis nouæ legis; nec conferebant gratiam ex opere operato, vt patet in Circumcisione. *rom. 1. fol. 3. n. 1. & 3. item fol. 4. n. 2. 7. & 9.*

4. Sacramenta non sunt absolutè & ex natura rei necessaria ad salutem, quia Deus potuisset alia media ad nostram salutem instituere; supposita tamen Christi institutione sunt necessaria, saltem aliqua necessitate medijs ad salutem, & similiter necessaria necessitate præcepti. *rom. 1. fol. 7. num. 2. & seqq.*

5. Omnia sacramenta nouæ legis constant materia, & forma, vel, vt alij loquuntur, rebus & ver-
bis.

bis ; verbis vt forma , rebus vt materia. *tom. 1. fol. 8. num. 3.*

6. Materia sacramentorum duplex est , proxima scilicet & remota , v.g. in sacramento Baptismi, materia remota , est aqua ; proxima verò absolutio , vt patebit ex dicendis propriis locis. Sacramentorum materia ita determinata est à Christo Domino , vt ab Ecclesia mutari , aut variari non possit ; ne quidem in ipso sacramento matrimonij formaliter & propriè. Et sicut est determinata materia sacramentorum , ita etiam est determinata forma seu verba ; ita vt si verba formaliter , seu substantialiter varientur , sacramenta subsistere non possint. Neque loco verborum formæ , possunt adhiberi nutus , aut signa , aut scriptura , cum Christus pro forma sacramentorum , instituerit verba , excepto matrimonio , in quo præscripsit id quod requiritur ad humanum contractum , qui celebrari potest iis nutibus & signis , quibus contrahentium consensus , & animus sufficienter manifestatur. *ibid. num. 6. & fol. 9. num. 7.*

11. & seq.

7. Prædictis adde non solum peccare eum qui vitur in sacramentis conficiendis , forma dubia ; verum etiam qui vitur forma certa , sed ei aliquid addit vel detrahit ; facit enim contra ritum Ecclesiæ in re graui. *tom. 1. fol. 12. num. 32.*

& 34.

8. Adde denique iterandam esse formam , seu sacramentum iterum esse administrandum , quoties quis aduertit se in forma defecisse , aut non rectè protulisse , modò non sit scrupulus , & modò adsit necessitas conficiendi , & suscipiendi sacramentum. *ibid. n. 35.*

9. Res , & verba , seu materia & forma , non solum

lūm sunt partes intrinsecæ sacramentorum nouæ legis, sed etiam sunt de essentia; tribus enim perficiuntur sacramenta: rebus, vt materia; verbis, vt forma; cum intentione ministri, vt habet Concilium Florentinum, *in decreto unionis*. Ad validitatem sacramenti, vbique terrarum sufficit eadem materia, & forma in singulis sacramentis, quæ forma tota & integra proferenda est, ab vno & eodem ministro. *tom. 1. fol. 13. n. 3. & punct. 3. n. 1. & fol. 14. punct. 4. n. 1.*

10. Omnia sacramenta fuisse à Christo instituta per potestatem excellentiæ, patet ex definitione Trident. *sess. 7. can. 1.* quam potestatem instituendi sacramenta potuit communicare Apostolis, vel Ecclesiæ, quod tamen non fecit; tum ne plura essent capita in Ecclesiā; tum ne homines ponerent spem suam in hominibus. *tom. 1. fol. 15. num. 5. & seqq.*

11. Quod ad causam ministerialem sacramentorum attinet, solus homo de potentia Dei ordinatus, est minister necessarius & sufficiens, quamuis Angeli ex diuina dispensatione possint esse ministri sacramentorum, ipsique dæmones de potētia Dei absoluta possint in assumpto corpore validè baptizare de mandato Dei. *ibid. n. 8. & seq.*

12. Quæ verò conditiones requirantur in ministro sacramentorum, patet ex dictis de singulis sacramentis; nunc sufficiat dicere ad validè conficiendum sacramentum, requiri necessariò in ministro intentionem faciendi quod intendit Ecclesiā, vel quod Christus instituit. Per *intentionem*, intellige virtualem, non autem habitualement, quæ non sufficit, sicut nec habitualis attentio; sed est necessaria virtualis, aut actualis. *tom. 1. fol. 20. num. 5. 8. & 11.*

13. Nec

13. Nec refert quod intentio fit conditionata: sacramentum enim administratum sub conditione de præsenti, vel de præterito, validum est, si res ita sit, sicut exprimitur in conditione: secus dicendum de sacramento sub conditione de futuro administrato, quod non est validum, excepto matrimonio, de quo suo loco. *tom. 1. fol. 22. num. 18. & 19.*

14. Omnia sacramenta nouæ legis conferunt gratiam ex opere operato, ut patet ex Trident. *sess. 7. can. 8. 9.* semperque gratia confertur ea suscipienti, nisi ponat obicem, id est, nisi sacramenta suscipiat, sine dispositionibus debitis, aut cum peccato mortali actualiter tunc commisso; neque sacramenta solum conferunt gratiam iustificantem, verum etiam gratiam virtutum, seu donorum, & gratiam sacramentalem. *tom. 1. fol. 23. num. 2. 5. & 6.*

15. Baptismus & pœnitentia ex sua institutione conferunt primam gratiam, id est, eam, quæ nullam aliam supponit in subiecto; reliqua verò sacramenta instituta sunt ad augendam gratiam, & supponunt suscipientem constitutum in gratia, nec conferunt primam gratiam primario, & per se. *tom. 1. fol. 24. num. 1.*

16. Dispositio requisita in suscipiente sacramenta duplex est, vna in intellectu, ut fides; altera in voluntate consistit, ut attritio; & qui recipiunt sacramenta eiusdem speciei cum æquali dispositione, recipiunt æqualem gratiam; non nego tamen quin Deus possit æqualiter disposito maiorem gratiam conferre, sed talis excessus gratiæ non erit effectus sacramenti, sed donum à Deo gratis & liberaliter datum. *tom. 1. fol. 25. num. 4. & punct. 3. n. 1.*

17. Reci

17. Recipientes sacramenta eiusdem rationis cum inæquali dispositione inæqualem gratiam recipiunt, quæ inæqualitas gratiæ non causatur à meliori ministro, quia gratia non confertur ob meritum ministri, sed ob merita Christi, quæ non minuuntur ob indignitatem, & improbitatem ministri. *ibid. num. 2. & fol. 26. punct. 4. n. 1.*

18. Gratia quæ confertur in sacramentis non est diuersa essentialiter, sed est eiusdem speciei in omnibus sacramentis: verum tamen est gratiam sacramentorum esse diuersam accidentaliter. *ibid. n. 1.*

19. Difficultas est quomodo sacramenta conferant, vel producant gratiã, moralitèrne scilicet, an physice? Dicendum sacramenta non modò esse causam moralem instrumentalis gratiæ; verùm etiam esse causam physicam verè producentem ipsam gratiam immediatè, non enim implicat Deum vti creatura ad aliquid supernaturale, & ad faciendum id quod ipsa creatura viribus naturæ facere non potest, vt patet in Christi humanitate, quæ fuit instrumentum physicum efficiendi gratiam & miracula. *tom. 1. fol. 27. num. 3.*

20. Quæres, quo tempore sacramenta conferant gratiam? Respond. quando sunt in esse completo sacramenti, v.g. Baptismus causat gratiam in eo instanti, in quo ablutio, & prolatio verborum gignit perfectum sensum, & sic de reliquis sacramentis. *tom. 1. fol. 28. num. 1. & seq.*

21. Secundarius sacramentorum (saltem horum, Baptismi, scilicet, Confirmationis, & Ordinis) effectus est character, siue qualitas spiritalis animæ diuinitus infusa, qua homo redditur aptus ad sacramenta suscipienda, vel administranda, & ad alia diuini cultus opera: quem character

rafterem sacramenta veteris legis non conferebant. *tom. 1. fol. 29. num. 2. & seqq. item fol. 30. n. 1.*

22. Character semel susceptus semper durat, & permanet: vnde fit, vt sacramenta Baptismi, Confirmationis, & Ordinis non sint iterabilia. *tom. 1. fol. 31. num. 4. & 5.*

23. Subiectum sacramentorum capax, nullum datur præter hominem in hac mortali vita degentem; qui non semper tamen est capax omnium sacramentorum, vt patet in formina, quæ est incapax Ordinis, hermaphrodito, & similibus. *ibid. num. 1. & 5.*

24. Angeli, vt pote spirituales, sunt incapaces sacramenti, quod in rebus materialibus consistit; secus dicendum de beatis, qui de potentia Dei absoluta possunt recipere sacramentum, cum id non implicet contradictionem. *ibid. num. 2. & 3.*

25. Mus comedens hostiam, aut equus hauriens aquam Baptismi, non dicuntur idcirco sacramenti capaces, cum non sumant vt sacramentum. *ibid. n. 4.*

26. Præterea in homine adulto recipiente sacramenta, requiritur debita intentio (saltem habitualis) suscipiendi sacramentum, sicut & in ministro requiritur intentio consiciendi sacramenta. Hinc deducitur eum non recipere sacramentum, qui habuit voluntatem nunquam recipiendi sacramenta, & postea illa suscepit in amentia, antequam alio modo reuocauerit dictam voluntatem; aut qui sacramentum accepit cum intentione neutrali, vt patet ex dictis, verb. *Baptismus.* *tom. 1. fol. 32. num. 1. 5. & 7.*

27. In pueris rationis usu carentibus, non requiritur intentio in receptione sacramentorum, cum

cùm non possint actum voluntatis elicere. *tom. 1. fol. 32. num. 1.*

28. Præter intentionem in adulto recipiente sacramenta, requiritur talis dispositio, qua recipiens sacramentum ita se disponat, ut sit capax, saltem principalis effectus, seu gratiæ. *ibid. num. 10.*

29. Qui accepit aliquod sacramentum cum fictione (ut quia defecit intentio) sublata illa fictione, & mutata voluntate non recipit effectum; secus dicendum de eo, qui recipit pœnitentiæ sacramentum, prætermiſſa inculpabiliter attritione, & dolore requisito ad fructum sacramenti; sublata enim fictione, id est, posita attritione, consequitur effectum sacramenti & gratiam respondentem sacramento præterito. *tom. 1. fol. 33. num. 2. & 3. item fol. 34. n. 4.*

30. Non sunt administranda sacramenta peccatori publico indignè petenti, neque grauitè suspecto de graui crimine: secus dicendum de peccatore occulto, si petat publicè, & repelli non possit sine scandalo & infamia. *tom. 1. fol. 35. n. 2. & seqq. item fol. 36. n. 5.*

31. Nominè *publici peccatoris*, intellige Histrionem, qui comœdias turpes publicè repræsentat; arcendus est enim à sacramentis, donec illam artem deferat. Idem dic de vsurario publico & notorio: potest tamen Sacerdos peccatori publico ob metum administrare sacramenta; neque potest huiusmodi peccatori hostiam non consecratam præbere. *tom. 1. fol. 36. num. 7. & 9. item fol. 37. n. 14. & 15.*

32. Sicut non licet administrare sacramenta indignè petenti, ita neque licet recipere sacramenta extra necessitatem à ministro administraturo

turo in peccato graui; in necessitate verò licitum est sacramenta petere à quocumque Sacerdote peccatore, neque tenetur qui vult recipere sacramenta ab aliquo Sacerdote inquirere an Sacerdos sit probus, & an ea administraturus sit in peccato. *tom. 1. fol. 37. num. 1. & fol. 38. num. 2. & 5.*

33. Sacramenta nec licitè nec validè administrantur sine ritu essentiali; quandoquidem ritus essentialis consistat in materia, forma, & debita intentione ministri. Administrantur tamen validè, sed non licitè, sine ritu accidentali, quos ritus accidentales variare, est peccatum mortale ex suo genere, quamuis leuitas materiæ possit à mortali excusare. *tom. 1. fol. 38. num. 1. & seq.*

Sacrilegium.

Vide v. *Immunitas, Suspendio.*

1. Sacrilegium est violatio rei sacræ, v. g. sacramentorum, vestium sacrarum, &c. vel personæ Ecclesiasticæ, vel locorum auctoritate Episcopi consecratorum. Ex quo fit vt sacrilegium committat qui abutitur verbis & sententiis sacræ Scripturæ ad superstitiones, vel ad ridicula. Tangens quoque imagines ex contemptu, vel eas indecore pingens, vel irreuerenter tractans, committit sacrilegium. Idem dic de abutente vasis, vestibibus sacris, vel iniuriam inferente sacramentis. Item effringentes & spoliantes loca sacra, committunt sacrilegium, & excommunicationem ipso facto incurrunt. Aduerte tamen ad incurrendam dictam excommunicationem requiri, vt eodem tempore concurrat effractio & spoliatio loci sacri: neque incurritur ab eo qui effringit

git Sacristiam disiunctam ab Ecclesia. Est reservata Papæ, sed tantum post denunciationem. *tom.2.fol.271.num.1.& seq.*

2. Placita iudicum & ministrorum regularium exercita in Ecclesiis vel cœmeteriis, valida non sunt: imò Episcopus aliique Prælati iurisdictionem Episcopalem habentes concedere nequeunt iudici saculari facultatem exercendi actus iudiciales in Ecclesiis, neque examinandi reum in loco sacro. *tom.2.fol.274.num.17.18.& 20.*

3. Committitur sacrilegium per effusionem seminis vel sanguinis, & per extractionem personæ è loco sacro, præterquam in casibus paulò post afferendis. *ibid.num.21.& 22.*

4. Per quodcumque furtum in Ecclesia commissum, siue res sit sacra, siue non, siue quocumque modo custodita, &c. committitur sacrilegium: secus si furtum fiat contra Ecclesiam, modò res non sit Ecclesiæ. *ibid.num.23.*

5. Existens in Ecclesia cum animo furandi, fornicandi, occidendi, &c. non committit sacrilegium, modò non intendat hæc facere in eadem Ecclesia. *tom.2.fol.275.n.24.*

Sacrilegium in materia luxuria.

6. Sacrilegium est peccatum luxuriæ, quo res sacra violatur, siue res illa sit persona Deo dicata per votum, siue sit locus consecratus, siue sit alia res sacra. Hinc fit vt committat sacrilegium, qui copulam habet aut desiderat habere cum moniali. Similiter religiosus aut sacris initiatus, patrans aliquod luxuriæ peccatum, committit sacrilegium: & etiam is qui exercet aliquem actum luxuriosum circa rem sacram. *tom.1.fol.477.n.1.& seq.*

E e

7. Non

7. Non est sacrilegium copulam habere cum fœmina habente sacras reliquias ad collum, secus dicendum si tradantur res sacræ pro copula, aut copula habeatur in loco sacro absque necessitate.

ibid. num. 5. & 6.

8. Concupiscere fœminam existentem in Ecclesia, vel in ea delectari, non est speciale sacrilegium, quia non violatur directè locus sacer, nisi concupiscens haberet intentionem habendi copulam in loco sacro. Præterea inspectiones, verba turpia, & tactus impudici facti in Ecclesia non sunt sacrilegium, modò periculum pollutionis non habeant adiunctum. *ibid. num. 7. & 8.*

9. Nomine *loci sacri*, in hac materia intelligitur Ecclesia consecrata, vel benedicta, cœmeteria, & oratoria constituta auctoritate Episcopi, & deputata ad diuinum cultum. Hinc collige copulam habitam in Ecclesia auctoritate Episcopi destructa, non habere malitiam sacrilegij; non enim est locus sacer. *tom. 1. fol. 478. num. 9. & 10.*

10. Locus sacer in Ecclesia vocatur spatium illud quod spectat ad interius corpus Ecclesiæ à recto interiori vsque ad pavementum. Quare non violatur locus sacer, quando copula habetur supra rectum Ecclesiæ, aut extra parietes, modò non inseruiant pro muro cœmeterij: aut quando habetur in aliquo loco subterraneo Ecclesiæ, qui tamen non sit sepulturæ: aut in campanili: aut extra limen Ecclesiæ: aut in Ecclesia diruta quæ non est amplius Ecclesia. Committitur sacrilegium quando copula habetur in Capella de nouo addita Ecclesiæ, quia pars addita fit vnum corpus cum priori; consequenter gaudet illius priuilegiis. *ibid. n. 11. & seq.*

11. Eccle

11. Ecclesia polluitur per voluntariam seminis aut sanguinis humani effusionem iniuriosam in ea, aut quando datur causa naturalis talis effusionis aut mortis. Polluta Ecclesia censetur etiam pollutum cœmeterium illi contiguum. *ibid. n. 19. & 20. & fol. 479. n. 21.*

12. Polluitur etiam Ecclesia, quando benedicitur vel consecratur ab Episcopo excommunicato publico; aut quando in ea sepelitur paganus aut infidelis; aut quando parietes Ecclesiæ maiori ex parte ita deltruuntur, ut Ecclesia reedificari debeat. Quando inter celebrandum Ecclesia violatur, debet Sacerdos intermittere sacrum inchoatum, si nondum inchoatus est Canon; si verò inchoatus sit, debet sacrificium perficere. *ibid. num. 22. & seq.*

13. Celebrans in Ecclesia polluta ab eo die quo delictum in ea commissum publicatum fuit, incurrit suspensionem. *ibid. num. 26.*

14. Probabile est vnum tantummodo sacrilegij peccatum ab eo patrari, qui cum sit simul Sacerdos & religiosus professus, committit nihilominus aliquod luxuriæ scelus. Idem dici potest de fornicatione habente cum Sacerdote religioso professo. Quare poenitens accusans se de copula, satisfaciet dicendo in confessione se esse religiosum vel Sacerdorem; vel habuisse copulam cum Sacerdote. *tom. 1. fol. 480. num. 28. & 29.*

*Satisfactio : & quomodo iniungenda
à Confessario.*

1. Satisfactio est compensatio poenæ temporalis debitæ ob iniuriam Deo illatam, consistens in

operibus pœnalibus & laboriosis taxatis à Confessario. Satisfactio à Confessario imposita non semper remittit omnem pœnam peccatis debitam; cum ipse Confessarius non cognoscat quanta pœna peccatis debeatur: estque validum sacramentum pœnitentiæ, etiamsi (præcisa tamen malitia pœnitentis) Confessarius nullam pœnitentiam iniungat, cum satisfactionis iniunctio non sit pars essentialis sacramenti: tenetur tamen Confessarius, per se loquendo, pœnitentiam seu satisfactionem conuenientem iniungere quantum fieri poterit, pro qualitate criminum, nisi fortè pœnitens infirmus esset, ac morti proximus. *tom. I. fol. 222. n. 1. & fol. 223. n. 1. & seqq. item fol. 224. n. 2.*

2. Non est iniungenda pœnitentia quando Confessarius adeo contritum videt pœnitentem, ut credat integrè Deo satisfecisse. Quæ doctrina extendenda est etiam ad scrupulosum, frequenter intra eandem horam accedentem ad Confessarium. *ibid. num. 3. & 4.*

3. An possit absolui pœnitens nulla iniuncta pœnitentia, quando probabiliter creditur nullam acceptaturus, dissentiunt Doctores; videturque talis indignus beneficio absolutionis. *ibid. num. 5.*

4. Confessarius tenetur satisfactionem iniungere, & non quidem per modum consilij, sed prout necesse iudicauerit: potest illam sub disiunctione præcipere. Aduertat tamen Confessarius ut opus quod in satisfactionem iniungitur, sit opus bonum pœnale, qualia sunt oratio, ieiunium, eleemosyna, & similia quæ ad illa reuocantur. *ibid. n. 6. & seq.*

5. Meditationes, & opus aliàs præceptum, iniungi

iungi possunt in satisfactionem : imponens tamen pœnitentiam, & nihil aliud exprimens, non censetur iniungere opus aliàs debitum ex præcepto, v.g. is cui iniunctum est ieiunium, non satisfacit pœnitentiæ ieiunando eo die quo tenetur ex Ecclesiæ præcepto ieiunare. *tom. 1. fol. 225. n. 10. & seq.*

6. Non solum iniungi possunt opera pœnalia in particulari, verum etiam in generali; sicuti & pro peccatis publicis pœnitentia publica, non autem pro occultis, ne periculo exponatur fama pœnitentis absque sufficienti causa. *ibid. num. 13. & 14.*

7. Confessarius potest magis contrito leuiorem pœnitentiam iniungere, sicuti etiam & homini fragili & debili iuxta ipsius fragilitatem; & tempore Iubilæi aut indulgentiarum: iniungens tamen leuissimas pœnas pro mortalibus tenetur pœnitentem admonere de leuissima, & non sufficienti pœna illi imposita. Idcirco autem mitior pœnitentia iniungi solet, ne pœnitens gravitate pœnæ terreatur, sed potius leuitate pœnitentiæ alliciatur ad sacramentum. *tom. 1. fol. 262. n. 16. & seqq.*

8. Confessarius, per se loquendo, potest satisfactionem iniungere, tam ante quam post absolutionem sacramentalem: non potest autem pœniteptem obligare ad satisfactionem adimplendam ante absolutionem, si pœnitentia consideretur ut est compensatio pro pœna temporali; secus dicendum si consideretur ut medicina. Neque si pœnitentia adimpleatur ante absolutionem, sacramentum statim habet suum effectum ex opere operato, cum sacramentum non producat suum effectum, nisi sit perfectum: non est

autem perfectum ante sacramentalem absolutionem. *ibid.num.19. & seq.*

9. Confessarius ex iusta & rationabili causa potest in confessione diminuere & commutare pœnitentiam à se, vel ab alio Confessario inferiori, vel æquali, vel etiam Superiori iniunctam; quando id postulat bonum animarum: imò verò potest etiam pœnitentiam præseruatiuam in aliam præseruatiuam & salutarem iusta & rationabili de causa commutare.

Similiter carens facultate absoluendi à reseruatiss, potest pœnitentiam pro reseruatiss à Superiore impositam, iusta interueniente causa commutare. Hæ tamen supradictæ pœnitentiæ commutationes extra confessionem fieri non possunt. *tom.1.fol.227.num.1. & seq.*

10. Pœnitens oblitus totius pœnitentiæ aliàs iniunctæ tenetur saltem præcipua peccata iterum confiteri, vt congruam commutationem obtineat. Imò sunt qui velint eum qui omnino oblitus est pœnitentiæ, teneri iterum confiteri ad seruandam integritatem sacramenti, nec potest aliam quam ipse voluerit pœnitentiam ex arbitrio suo adimplere; aut in æquale, aut in melius commutare: liberum tamen erit pœnitenti facta commutatione pœnitentiæ, quam voluerit eligere. *tom.1.fol.228.num.8. & seq.*

Pœnitentis obligatio circa pœnitentiam acceptandam, & adimplendam.

11. Pœnitens tenetur pœnitentiam tolerabilem, & humanæ fragilitati accommodatam acceptare, acceptatamque adimplere. Quod si pœnitentia grauis & rigorosa sit, poterit rogare Confes-

Confessarium vt eam mitiget & minuat : qui si nolit mitigare, poterit pœnitens alium Confessarium adire. *tom.1.fol.229.num.1. & fol.230.n.2. & 3.*

12. Non solum peccat mortaliter pœnitens non adimplendo pœnitentiam, sed peccat etiam non adimplendo intra tempus præfixum à Confessario ; quia facit contra obligationem in re graui. Quod si nullus terminus præfixus sit, tenetur adimplere quam primum commodè potest : & quidem in statu gratiæ ; alioqui peccat, quamuis iniunctæ à Confessario pœnitentiæ satisfaciatur etiam in statu peccati. *ibid.n.4. & seq. item fol.232.num.15.*

13. Si pœnitens re ipsa suscipiat indulgentiam respondentem satisfactioni pro pœnis debitæ, satisfacit pœnitentiæ iniunctæ. Cessat item obligatio pœnitentiæ, quatenus est satisfactio, non solum per indulgentias, verum etiam per remissionem pœnæ alia via obtentam, vt per alia pia opera satisfactoria propria, vel aliena sibi applicata ; raro tamen remittendæ sunt pœnitentiæ sacramentales ob susceptionem indulgentiarum, vel ob alia pia opera. *ibid.num.7. & fol.231.num.8.*

14. Satisfactio iniuncta à Confessario non potest per alium adimpleri, sed per ipsummet pœnitentem adimplenda est, nisi Confessarius aliud exprefferit : nam obligatio pœnitentiæ est personalis ; secus dicendum si pœnitens nequeat per se ipsum adimplere pœnitentiam, & pœnitentia non consistat in actione personali, sed in illis operibus quæ per alium tanquam per merum instrumentum fieri possunt. *ibid.num.11. & 12.*

15. Qui non potest satisfactionem per se ipsum

adimplere, non tenetur eam per alium adimplere. *ibid.num.13.*

16. Pœnitentia in peccato facta non remittit pœnam durante statu mortalis peccati, quia peccatum mortale nondum remissum, est obex; quò sublato pœnitentia in mortali facta, prodest: & in eo differt pœnitentia sacramentalis à reliquis operibus in statu peccati mortalis factis, quòd hæc sint mortua, & non reuiuiscant. *ibid.num.16. & seq.*

Sacramenti pœnitentiæ effectus.

17. Pœnitentiæ effectus sunt remissio peccatorum mortalium & venialium, irreuocabilitas peccatorum, recuperatio virtutum, meritorum & gratiæ; ac obligatio sigilli. *tom.1.fol.232. quest.4.*

18. Pœnitentia delet peccata mortalia licet grauissima, & plurima, toties quoties homo peccauerit, & legitimè pœnitentiam susceperit, potestque homo à peccatis semper resurgere: neque datur certus peccatorum cumulus, quo posito nequeat homo à peccatis resurgere. *tom.1.fol.234.n.1. & seq.*

19. Pœnitentiæ sacramentum nequit vnum peccatum mortale sine alio remittere; alioqui posset quis esse amicus Dei, & eius inimicus. *tom.1.fol.235.punct.3.*

20. Remisso peccato mortali quoad culpam, necesse est de potentia Dei ordinaria remitti etiam reatum pœnæ æternæ, ut patet ex Trident. *sess.6. c.14.* sed non semper remittitur totus reatus pœnæ temporalis, qui reatus aliquando est maior, aliquando minor iuxta maiorem vel minorem

norem contritionem. *ibid. punct. 4. num. 1.*
 & 2.

21. Datur sacramentum pœnitentiæ informe (id est sine gratia & charitate) defectu attritionis; qua posita, sacramentum confert suum effectum, sublato scilicet obice seu fictione: sufficitque attritio ut sacramentum præcedens informe conferat suum effectum, si tamen post susceptum pœnitentiæ sacramentum informe, nullum aliud de nouo commissum est peccatum mortale: tunc enim requireretur contritio, vel nouum pœnitentiæ sacramentum formatum. *tom. 1. fol. 236. num. 1. & fol. 237. n. 3. & seq.*

22. Omnia peccata venialia remittuntur per sacramentum pœnitentiæ, nisi ponatur obex. Remittuntur etiam ex opere operantis peccata venialia per sacramentalia, quæ sunt hoc carmine contenta:

Orans, tinctus, edens, confessio, dans, benedicens.

23. Peccata venialia non solum delentur per contritionem formalem, verum etiam per dilectionem, seu amorem Dei perfectum, qui sit incompossibilis cum ipsis peccatis venialibus. *tom. 1. fol. 240. n. 5.*

24. Per nullos alios actus peccata venialia remittuntur extra sacramentum, quam per actus contritionis & dilectionis. *tom. 1. fol. 241. n. 6.*

25. Vnum peccatum veniale remitti potest sine alio, si actus amoris non sit ita perfectus, ut habeat oppositionem, cum omnibus peccata mortalia similiter remitti possunt absque remissione peccatorum venialium, quia non omnis dispositio sufficiens ad remissionem peccatorum mortalium, sufficit ad remissionem venialium: secus

dicendum de venialibus, quæ non possunt de potentia Dei ordinaria remitti sine remissione peccatorum mortalium. *ibid. n. 2. & 3. item fol. 242. num. 4.*

26. Quamvis remissio venialium in hac vita nunquam fiat sine infusione vel augmento gratiæ habitualis, tamen ad illorum remissionem non requiritur per se formaliter gratia quæ illa expellat. *ibid. n. 5. & 6.*

27. Peccata ita delentur per pœnitentiam, vt de lege ordinaria non redeant, nec etiam redire possint de potentia Dei absoluta; etiam si noua peccata multiplicentur: nam si reuiuiscerent, id fieret miraculosè, cum idem numero effectus non possit viribus naturæ reparari & reproduci: sed non fit miraculosè; alioqui reuiuiscencia peccatorum tribuenda esset principaliter Deo, quod dici non potest. *tom. I. fol. 243. punct. 1. num. 1.*

28. Peccata commissa post præcedentia remissa, grauiora sunt ratione ingratitudinis peccatis antea remissis. *tom. I. fol. 244. num. 4.*

29. Peccata prius remissa non redeunt, nec etiam redire possunt de potentia Dei ordinaria, quoad reatum pœnæ per subsequens peccatum; quamuis aliquo modo, ratione scilicet maioris ingratitudinis dici possunt redire; tamen in se formaliter non redeunt quoad reatum pœnæ per subsequens peccatum. Ratio est, quia reatus pœnæ sequitur culpam, sed culpa non redit in se formaliter, ergo, &c. *ibid. num. 1.*

30. Peccata non ita delentur per pœnitentiam, quin reatus peccatorum præcedentiũ de potentia Dei absoluta redire possit per subsequens peccatum: cum peccata possint remitti sub conditione,

ut si peccator de nouo peccet, redeat idem pœnæ reatus, ac si peccata remissa non fuissent. *tom. 1. fol. 245. num. 4.*

Opera per pœnitentiam an reuiuiscant.

31. Opera mortua priuatiuè non reuiuiscunt, nec fiunt meritoria vitæ æternæ per subsequen-tem pœnitentiam : cùm eiusmodi opera non sint facta ab homine existente in gratia? *tom. 1. fol. 245. num. 2.*

32. Opera mortificata per peccatum, valent per subsequentem pœnitentiam ad vitam æternam consequendam : quia sublata causa, scilicet peccato, cessat effectus, id est iterum incipiunt valere. *tom. 1. fol. 246. num. 3.*

33. Per pœnitentiam non solum recipitur noua gratia, verùm etiam restituitur tota gratia præcedens, quæ præcedentibus meritis respondebat. *tom. 1. fol. 247. num. 4.*

34. Item virtutes infusæ quæ ita connexæ sunt cum gratia, ut simul cum ea amittantur, beneficio pœnitentiæ subsequentis recuperantur, iuxta gradum gratiæ respondentem : sunt enim accessorium gratiæ, accessorium autem sequitur principale, nempe gratiam. *ibid. n. 6. & 7.*

Schisma.

1. Est voluntaria & pertinax subtractio & separatio ab obedientia vniuersalis Ecclesiæ, vel Summi Pontificis, qui Principem in Ecclesia locum tenet. Hinc habes eum qui se separat ab obedientia sui Prælati, vel Principis, vel particularis Ecclesiæ seu diœcesis, non esse propriè schis-

maticum; sed ut quis sit propriè schismaticus, debet esse rebellis formaliter in Papam, ut Papa est, seu quatenus est supremus Christi Vicarius. *tom. 2. fol. 254. num. 1. & 2.*

2. Schisma est peccatum mortale gravissimum ex suo genere, quod reddi nequit veniale ex paritate materiæ: & si accedat error intellectus, aut contemptus specialis, continet malitiam specialis inobedientiæ, aut hæresis. *tom. 2. fol. 255. num. 3. & seq.*

3. Schismatici priuantur iurisdictione, saltem postquam denominati fuerunt tales; excommunicantur ipso facto statim ac schisma factis, aut verbis, aut alio signo externo manifestant, incurrunt poenam inhabilitatis ab beneficia: non tamen incurrunt ipso facto priuationem beneficiorum prius adeptorum præciso alio delicto; neque irregularitatem quandiu delictum non sit notorium. *ibid. num. 7. & seq.*

4. Suscipiens ordines à schismatico, saltem denunciato, incurrit suspensionem ab usu ordinum, ab eo susceptorum: suscipiens autem beneficia vel dignitatem, priuandus est beneficio vel dignitate Ecclesiastica. *tom. 2. f. 257. n. 13.*

Scrupulus.

Vide v. *Peccatum.*

Secretum.

Vide v. *Restitutio, Detractio.*

1. Reuelans secretum, cuius reuelatio redundat in alterius graue damnum vel iniuriam, mortaliter peccat, præsertim si commissum fuit ei secretum

cretum sub sigillo. Reuelare tamen vni vel duobus qui illud celabunt, non videtur peccatum mortale, nisi id quod detegitur, vergat in infamiam, aut graue detrimentum alterius; aut modò non detegatur illi cui certò vel probabilius creditur cum, qui secretum commisit, voluisse celari. *tom. 2. f. 514. n. 1. & 2.*

2. Qui aperit secretum magni momenti, quod credebat esse parui momenti, non videtur peccare mortaliter modò adhibuerit debitam diligentiam ad cognoscendum num secretum esset magni momenti. *ibid. num. 3.*

3. Violans secretum absque iusta causa cum alterius detrimento, tenetur ad restitutionem; censetur enim causa iniusta damni. Et hoc verum est, etiam quando secretum commissum fuit cum pacto tacito; vt accidit quando quis gratia petendi consilij aliquid manifestat Aduocato vel Confessario, &c. intendens secretum celare. Hinc infer aperientem & legentem litteras sigillo munitas, aut quæ seruabantur in secreto loco, mortaliter peccare, si hoc faciat præuidens fore, vt inde aliquod notabile damnum oriatur, secus si id faciat ob curiositatem, causa sciendi noua, aut ridendi ob inelegantem & barbaram compositionem; aut credat adesse interpretatiuam voluntatem eius qui scripsit, vel illius ad quem mittitur. Similiter non peccat qui litteras aperit ad proprium periculum præcauendum, quod sibi timet. *tom. 2. fol. 615. n. 4. & seq.*

4. Qui nouit secretum alterius, non peccat quando vñ tormentorum & mortis compellitur ad illud reuelandum: habet enim iustam causam reuelandi, nec tenetur celare secretum cum tanto suo incommodo. Intellige tamen modò ex ea
reue

reuelatione non oriatur graue damnum publicum, ad quod vitandum quilibet tenetur mortem subire. *ibid.num.8.*

5. Quando secretum vergit in damnum innocentis, detegendum est, etiamsi promissum sit cum iuramento: detegendum est adhuc, quando quis iuridicè interrogatur de aliqua re, de qua tenetur loqui & respondere seclusa promissione secreti eo quòd alia via scierit. *ibid.num.9.*

6. Petes, an is cui concreditum est secretum, possit iudici interroganti respondere cum iuramento se nihil scire? Potest, addita restrictione, *ut illi aperiat*, vel æquiuatione; non enim potest iudex cogere ad manifestandum secretum quod ex obligatione naturali seruandum est. Et qui per fraudem vel iniuriam extorsit secretum, aut qui nouit aliquid ab altero, cui commissum erat sub secreto, tenetur illud seruare secretum. Vide verb. *Ludus. tom.2.fol.616.num.10.*
 ¶ 12.

Sigillum confessionis.

Vide v. *Confessio.*

1. Confessarius non solùm tenetur iure naturæ & diuino ad sigillum confessionis, verùm etiam Ecclesiastico; peccatque contra iustitiam, (consequenter tenetur ad restitutionem damni inde secuti) & religionem, peccato sacrilegij: facit enim iniuriam sacramento pœnitentiæ: tamque stricta est obligatio sigilli confessionis, ut illud violans, semper peccet mortaliter; nec datur in hac re paruitas materiæ excusans à mortali peccato. Pertinet autem cognitio fractio-
 nis

nis sigilli ad iudicem ordinarium ipsius Confessarij, cui subiectus est. *tom.1.fol.248.num.1.*
et seq.

2. Ea omnia cadunt sub confessionis sigillum, quæ manifestata sunt Sacerdoti per ordinem ad confessionem sacramentalem, factam animo se accusandi. *tom.1.fol.249.num.1.*

3. Hinc collige non oriri obligationem sigilli, quando pœnitens scienter manifestat peccata sua laico, vel clerico quem scit non esse Sacerdotem. Neque similiter tenetur ad sigillum is, cui aliquid manifestatum est sub sigillo ab eo, qui non habebat intentionem confitendi. *ibid.num.2.*

et 3.

4. Confessarius tenetur ad sigillum confessionis, quando dubitat aliquid sibi revelatum fuisse per ordinem ad confessionem: secus dicendum quando quis ad ipsum accessit, ut ipsum pertraheret ad peccatum. *ibid. num.4.*

et 5.

5. Confessarius obligatur ad ea reticenda quæ in confessione audiuit, etiamsi pœnitentem ob aliquem defectum non absoluerit: nam illa audiuit per ordinem ad confessionem. Idem dicendum de proposito committendi aliquod peccatum, quoties pœnitens illud manifestavit Confessario animo se accusandi. *tom.1.fol.250. num.6. et 7.*

6. Parochus qui in confessione novit aliquod impedimentum, tenetur illud sub sigillo reticere; consequenter non potest matrimonium pœnitenti denegare, quem in confessione novit obstrictum esse impedimento dirimente. *ibid.num.8.*

7. Sub sigillum cadunt peccata tam venialia quam

quàm mortalia quamvis publica, si allunde Confessarius non habuit illorum cognitionem, quàm per confessionem sacramentalem. Item & omnes circumstantiæ quamvis inutiles in confessione manifestatæ. *ibid. num. 9. & 10.*

8. Denique ea subiiciuntur sigillo quæ quis aperit Sacerdoti animo se accusandi in foro sacramentali. *ibid. num. 12.*

9. Illi tenentur ad sigillum confessionis qui aliquid norunt occasione confessionis : quales sunt Confessarius ; Superiores quibus Confessarius aliquid in confessione auditum legitima de causa manifestavit. Illi adhuc tenentur ad sigillum, quibus Confessarius dum consilij gratia aliquid manifestaret, imprudenter manifestavit pœnitentis personam. Item interpretes quibus pœnitens utitur in confessione, & ij. qui ex malitia vel casu peccata pœnitentis audierunt ; aut chartam inuenerunt, in qua expressa erant alicuius peccata per ordinem ad confessionem : hi enim saltem tenentur ad secretum naturale, peccantque legendo aliquid, postquam cognouerunt in ea charta contineri peccata. *ibid. num. 1. & seq.*

10. Confessarius loquens de auditis in confessione absque manifestatione personæ & sine periculo, ut audientes veniant in cognitionem, vel suspicionem personæ, non dicitur frangere sigillum : caueat tamen ne loquendo, suspicionem ullam ingerat, ne vnum pœnitentem nimium laudet ; & ne dicat aliquem sibi confessum fuisse tali occasione, &c. *tom. 1. fol. 252. num. 1. & 2.*

11. Confessarius non frangit sigillum testando in tali ciuitate multos, improbos adesse, vel talia crimina perpetrari ; aut dicendo, *absolui Petrum.* Secus si diceret : *Titius mihi confessus est casum*

refer

reservatum, vel graviora peccata: tali enim locutione efficit ut pœnitens magis peccator cognoscatur. *ibid. num. 3. & seqq.*

12. Si dicatur: *Non absolvi Titium*, frangitur sigillum: ingeritur enim audientibus suspicio gravis alicuius defectus; secus si dicatur, *nondum absolvi Titium*. Neque tenetur Confessarius schedulam confessionis præbere illi, quem ob aliquam causam non absoluit. *ibid. num. 6. & fol. 253. num. 7.*

13. Confessarius non potest extra confessionem sine libera pœnitentis licentia uti scientia confessionis ad aliquid faciendum, vel omittendum, quoties periculum imminet revelationis, directè vel indirectè alicuius peccati in confessione auditi: sed perinde se debet gerere, ac si nihil sciret in iis rebus, ex quibus pudor, seu confusio, aut damnum pœnitenti sequeretur. *ibid. num. 8.*

14. Quando pœnitens dat facultatem Confessario loquendi de auditis in confessione, non censetur etiam facultatem concedere revelandi personam sui ipsius. Et licentia loquendi de auditis in confessione, debet esse expressa saltem æquivalenter, nec sufficit tacita aut præsumpta. Ex quibus collige Confessarium non frangere sigillum, si cum pœnitente loquatur de auditis in confessione, de quibus pœnitens Confessarium alloqui cœpit: neque si admoneat pœnitentis hæredes iuxta pœnitentis præscriptum. Collige præterea Confessarium ob peccatum in confessione auditum non posse priuare pœnitentem officio, etiamsi officium esset amovibile: sicut nec famulum suum dimittere, quem per solam confessionem novit esse furacem: neque pœnitenti

renti electionem ad beneficium denegare quem improbum & indignum tantummodo per confessionem cognouit. *ibid.num.9. & fol.254.n.10. & seq.*

15. Confessarius siue sit Parochus, siue alius, non potest Eucharistiam denegare ob peccatum in confessione auditum: inde enim proueniret pudor & confusio pœnitenti: neque potest Confessarius uti scientia confessionis cum reuelatione pœnitentis ad tuendum bonum temporale: adeò enim inuiolabile est sigillum confessionis, ut nunquam licitè violari possit: & in hoc differt ab alio secreto in alia materia, quod aliquando licitè violari potest. Neque licet Confessario peccatum in audienda confessione commissum manifestare, quando periculum est, ut alter Confessarius veniat in cognitionem peccati alterius pœnitentis. Similiter qui per confessionem solam nouit Ecclesiam esse pollutam, non potest detegere ut reconcilietur: nec Confessarij qui eiusdem pœnitentis confessiones exceperunt, possunt ad inuicem de peccatis in confessionibus auditis loqui. His adde Confessarium non posse ex notitia in sola confessione habita corrigere complicem pœnitentis; nec faciem asperiores pœnitenti præbere ob peccata in confessione audita. *ibid.num.17. & seq.*

16. Confessarius qui in confessione nouit sibi insidias parari ab alio, potest se domi continere, aut recedere à loco in quo sibi parantur insidiae: imò potest Missam prætermittere, quando per confessionem nouit vinum esse veneno infectum, poteritque ob audita in confessione cautiore & vigilantior reddi. *tom.1.fol.255.num.27. & 28. item fol.256.num.29. & 30.*

17. Si

17. Si Confessarius interrogetur de peccato in confessione audito, non potest respondere iuxta interrogantis mentem; licitumque erit ei vti restrictione debita, aut tergiuersatione, aut amphibologia. *ibid.n.31. & 32.*

18. Si Confessarius certò sciat delictum pœnitentis extra confessionem, & pœnitens rogatus à Confessario nolit peccatum suum manifestare & explicare, debet illum repellere: indignè enim petit absolutionem. *ibid.n.33.*

Simonia.

1. Simoniæ, nomen dedit Simon Magus Dei donum seu Spiritum sanctum emere volens, vt illud venderet, Act.8. Simonia autem est sacrilegium consistens in studiosa voluntate emendi, aut vendendi, seu commutandi contractu oneroso, & non gratuito rem sacram seu spiritualem, vel spirituali annexam pro temporali. *rom.1. fol.955.num.1. & 2. & fol.956.n.3.* Quare

2. Qui ministerium aliquod spirituale exercet spe lucri aut ob humanum amorem, vel preces, &c. non committit peccatum simoniæ, quia nulum facit contractum onerosum, nec spirituale ministerium exercet tanquam pretium rei temporalis. Intentio quoque decipiendi non inducit simoniam in eo qui pecuniam promittit pro beneficio animo non verè emendi: neque permutatio rei spiritualis cum alia re spirituali: neque is qui consanguineo præbet beneficium propter consanguinitatem, incurrit simoniæ labem. Item neque beneficij collatio facta in gratiam, seu petitionem alterius, simoniaca est; secus dicendum de debitore beneficium conferente suo debitori cum

cum pacto ut sibi debitum soluat. Idem valet in conferente beneficium filio iudicis, vel eum præsentante cum pacto absoluendi reum, vel mitigandi poenam vel rigorem iustæ sententiæ. *ibid. num. 4. & seq.*

3. Non committitur simonia contra ius humanum vel diuinum, dando beneficium alicui, vel faciendo aliquid spirituale ex metu imminentis mali, ut ex timore amissionis vitæ, famæ, honoris, lucri cessantis, vel damni emergentis. *tom. 1. fol. 957. n. 8.*

4. Pretium quod pro re spirituali tradi solet, & cuius traditione committitur simonia, triplex est, videlicet à manu, à lingua, & ab obsequio. Bona temporalia reuocantur ad munus à manu, vel munus à lingua, & munus ab obsequio. Nominem autem *muneris à manu*, intellige quælibet bona externa pretio æstimabilia, sine sint mobilia, siue immobilia, siue corporalia, siue incorporalia. Idem dic de promissionibus, vel obligationibus illorum. Hinc sequitur debitum Ecclesiæ remittentem, ut beneficium obtineat, aut pensionem promittentem vel recipientem, pro beneficij collatione, vel præsentatione, simoniam committere. Idem sentiendum de conferente beneficium, vel recipiente sub conditione mutui, cum mutuum secum afferat temporalem utilitatem. *tom. 1. fol. 958. n. 1. & seq.*

5. Præsentatus ad beneficium, simoniæ labem incurrit promittendo præsentatori, aut electoribus se non exacturum decimas, aut promittens Canonicis electoribus se remissurum partem præbendæ, &c. Secus si liberè & sine pacto largiatur. *tom. 1. fol. 959. n. 6.*

6. Per *munus ab obsequio*, intellige opus hominis

nis

nis conducens ad vtilitatem, seu commodum hominis: quare qui beneficium confert cum pacto præstandi obsequium aliquod temporale, simoniacus est: secus si conferat cum pacto præstandi onera beneficio annexa seu imposita tempore institutionis, seu vacationis. Præterea qui beneficium confert vel procurat in compensationem obsequiorum, seu ad extinguenda debita, simoniacus est: secus si beneficium conferat vel procuret animo conciliandi sibi beneuolentiam, etiam si mediante beneuolentia; seu amicitia temporale lucrum speret. *ibid. num. 8. & seq.*

7. Aulici vel famuli obtinentes beneficia à Cardinalibus vel aliis Prælatibus quibus inferuiunt; simoniam non committunt, modò inferuiant absque pacto tacito vel expresse recipiendi beneficium propter obsequium præstitum. *tom. 1. fol. 960. n. 12.*

8. Per *munus à lingua*, intellige actionem precum, seu supplicationum & intercessionum quæ lingua exerceri solent in fauorem illius qui rem spiritualem confert. Vt autem huiusmodi actio, seu preces rationem pretij habeant, opus est, vt fiant ex pacto expresse vel tacite inito cum eo qui spirituale confert; tunc enim pretio æstimantur, & commutari videntur cum re spirituali. Vnde qui pecunia inducit familiarem vel amicum Episcopi ad petendum pro se, vel pro alio beneficium; simoniam committit; cum pecunia parat sibi viam ad beneficium. *tom. 1. fol. 961. n. 13.*

¶ 14.

9. Verum tamen est familiares Prælatorum non esse reos simoniæ, dum pecuniam accipiunt ob facilem ingressum, quem aliis præbent ad Prælaturam, neque etiam ad mouentem Prælaturam,

&c

& certiozem facientem de meritis oratoris, modo intercessoris officium non gerat. Denique neque is est simoniacus, qui precibus impetrat sibi, vel alteri beneficium, modo nullum intercedat pactum. *tom. 1. fol. 962. n. 15. & seq.*

10. Ad cognoscendum an res temporalis tradita sit pro re spiritali, iudicium ferendum est ex assertionem delinquentis, & ipsius iudicio standum est; quia culpa simoniæ magna ex parte pendet ab intentione operantis. *tom. 1. fol. 963. n. 1.*

Quotuplex sit simonia.

11. Simonia triplex est; mentalis, conuentionalis & realis. *tom. 1. fol. 964. num. 1.*

12. Mentalis dupliciter accipitur: primò pro nudo proposito seu desiderio committendi simoniam; & hæc nulla ratione cum externo actu coniungitur: secundò simonia mentalis accipitur pro illa actione quæ sit quidem mente simoniaca, sed ex se, & ex circumstantiis simoniam non præfert, nec apparet exterius vlla simoniæ labes. *ibid. num. 2.*

13. Simonia conuentionalis consistit in pacto, seu conuentione expressa vel tacita, dandi vel recipiendi temporale pro spiritali: hæc simonia distinguitur à mentali ob conuentionem externam, quam non includit mentalis; distinguitur verò à reali, quia non habet adiunctam rei traditionem. *ibid. num. 3.*

14. Simonia realis est illa qua res temporalis traditur vel accipitur pro spiritali: hæc incompleta dicitur, dum ex vna tantum parte res traditur: completa verò dum res ex vtraque parte traditur. *ibid. n. 4. & 5.*

15. Datur

15. Datur adhuc simonia confidentialis realis, dum, videlicet beneficium re ipsa renunciatur, vel confertur cum pacto vt sibi vel alteri restituatur, vel vt sibi vel alteri pars fructuum tradatur. *ibid. n. 6.*

16. Simonia ficta committitur dum quis exterius promittit rem spiritualem pro temporali, vel rem temporalem pro spirituali absque animo tradendi, & se obligandi ad rem ipsam tradendam; & hæc simonia non est verè simonia, sicut fictum aurum non est aurum. *tom. 1. fol. 965. num. 8.*

17. Sed modò dubium est, vtrum mentalis simonia semper committatur tradendo temporale occasione spiritualis, vel è contra? Respondetur non committi, nisi spirituale intendatur tanquam pretium rei spiritualis, vel temporale tanquam pretium rei spiritualis, vel nisi mens seu intentio feratur in obiectum simoniacum solum ob Ecclesiæ prohibitionem, seu nisi intentio sit praua. *tom. 1. fol. 966. num. 9. & 11.*

Simonia quo iure prohibita, quale peccatum sit; & quam illius materia.

18. Simonia prohibita est iure naturali diuino, & humano: quamquam dari potest solo iure humano prohibita, quia Ecclesia facere potest rem immunem à laica potestate, & prohibere ne res aliqua adnexa rei sacræ vendatur in reuerentiam talis rei. Simonix humanæ materia sunt permutatio, vel venditio, vel resignatio beneficii propria auctoritate & illegitimè facta; præterea acceptio quoque alicuius rei occasione examinationis, & quælibet Ecclesiastica officia spiritualia, seu

scilicet habentia onus spirituale, aut administratio-
nem Ecclesiasticam. *tom. I. fol. 967. num. I. & seq.*
19. Simonia ex suo genere opponitur religio-
ni, estque grauissimum crimen, nec fit veniale ra-
tione paruitatis materiae, si res temporalis trada-
tur pro spirituali; imò simonia formaliter adeò
mala est, ut nunquam licita fiat, ne quidem per
diuinam potentiam. *tom. I. fol. 968. num. II.*
& seq.

20. Materia simoniae est res aliqua sacra spiri-
tualis & supernaturalis; unde committitur simo-
nia vendendo gratiam sanctificantem. *tom. I. fol.*
969. num. I. & 2.

21. Spiritus sanctus vendi potest non de iure,
sed de facto, si v. g. vendatur Sacerdos intuitu
sacerdotij. Similiter vendendo Christum com-
mitti potuit simonia, habita ratione vnionis hy-
postaticae, vel donorum sacrorum & supernatu-
ralium in Christo existentium. Item & Eucharis-
tia tam ratione contenti quam specierum con-
secratarum, est materia simoniae; sicut & sacra-
menta aut sacramentalia, & reliquiae; secus di-
cendum de misericordiae operibus externis, vide-
licet de actionibus & obsequiis sepeliendi mor-
tuos, visitandi infirmos, &c. quia haec opera ex se
non sunt res sacrae, sed naturales. *ibid. num. 2.*
& seq.

22. Simonia committitur dando pecuniam pro
Missae sacrificio; secus si detur titulo eleemosy-
nae, aut congruae sustentationis, vel laboris extra-
ordinarij. Item vendendo rosarium pluri seu
maiori pretio ex eo quod reliquias aliquas San-
ctorum attigerit. *tom. I. fol. 970. num. 9. & 10.*

23. Coadiutoria Ecclesiae, & Commendae cleri-
cales sunt materia simoniae, siue perpetuae sint,
siue

siue temporales, siue dentur ob vtilitatem ipsius Ecclesiæ commendatæ, siue in fauorem commendatarij; secus dicendum de commendis militaribus, quæ conferuntur titulo laico. *tom. 1. fol. 971. num. 14. & seqq.*

24. Committitur simonia accipiendo aliquid temporale pro sacramentis, vt sunt quid conflatum ex materia & forma, cum vt sic sint res sacræ: non autem committitur tradendo vel accipiendo aliquid pro materia remota sacramento, vt pro pane, vino, oleo, &c. *tom. 1. fol. 972. num. 1. & 2.*

25. Quæres, an pro sacramentis nonnunquam præuia pecunia recipi vel dari possit absque simoniæ labe? Respondetur pecuniam tradi posse non pro ipsis sacramentis vel eorum administratione, sed ad remouendum impedimentum, vel ad redimendam iniustam vexationem dum grauis vrget necessitas recipiendi illa sacramenta. Imò sacramentum accipi potest tradita pecunia, etiam quando administrans pretium petit, tanquam pretium administrationis, modò petens pretium pro sacramento non petat illud in contemptum seu iniuriam Christianæ religionis. *tom. 1. fol. 973. num. 3. & seq.*

26. Cæremoniæ & benedictiones sacræ, seu sacramentalia tam transeuntia quam permanentia sunt materia simoniæ; vendi tamen possunt sacramentalia permanentia ratione materiæ præcisè absque simoniæ labe; secus dicendum de agnis Dei benedictis, quos vendere specialiter prohibitum est in vrbe Roma. *tom. 1. fol. 974. n. 1. & seq.*

27. Susciciens ordines præuia pecunia, seu pretio, patronus præsentans aliquem ad ordines cum

pacto vt ab eo nihil petatur ; ordinum collatores accipientes aliquid in collatione ordinum, etiam si sponte offeratur, simoniaci sunt : Notarius tamen potest aliquid loco stipendij accipere pro litteris testimonialibus, dimissoriis, &c. dum ei salarium constitutum non est. *tom. 1. fol. 975. num. 1. & seq.*

28. Functiones ordinum, tam maiorum quàm minorum, sunt materia simoniæ ; sicut & etiam prima tonsura, officia diuina, orationes priuatæ, & exequiarum vel funerum actiones spirituales, v. g. recitatio & cantus Psalmorum. Cantor canens tanquam laicus pretio accepto vel promisso, non incurrit simoniæ labem. *tom. 2. fol. 976. num. 1. & seq.*

29. Dubium est an simonia committatur vendendo sepulturam ? Respond. probabilius videri committi peccatum simoniæ iure humano prohibita, si pretium exigatur pro ipsa terra deputata communi sepulturæ fidelium ; non autem committi simoniam, si in venditione habeatur ratio loci honoratioris ob rationem & respectum aliquem temporalem. Idem militat in iure stalli, seu sedendi aut standi certo loco in Ecclesia. *tom. 1. fol. 979. num. 3. & seq.*

30. Quæres, an committatur simonia promittendo vel dando temporale alicui, vt opus spirituale præstet ? Respond. committi, quia simonia committitur emendo aut vendendo spirituale pro temporalibus : qui tradit aliquid alteri vt peccatum vitet, vel vt opus spirituale faciat in solius operantis vtilitatem relicta illi facultate & libertate faciendi tale opus, non committit simoniam, nec alia ratione peccat præciso scandali periculo ; siue tale opus sit consilij, siue supererogationis,

gationis, siue præcepti. Similiter non committitur simonia promittendo aliquid alteri tradendum sub conditione, si tale opus spirituale præstiterit. Idem militat dum temporale traditur sub conditione operis spiritualis, etiam dum recipiens obligatur ad restitutionem rei acceptæ, nisi spirituale opus præstiterit. *ibid. n. 2. & seq.*

31. Nihil tradi vel accipi potest tanquam pretium pro ingressu in religionem, seu pro ipsa professione vel statu religioso; cum status religiosus sit res spiritualis; non committitur tamen simonia tradendo aliquid pro congrua religiosi sustentatione. *tom. 1. fol. 980. num. 1. & 2.*

32. Committiturne simonia accipiendo pecuniam pro abstinendo à bono opere? Respond. non committi si opus sit naturale, & non pertineat ad religionem: imò omissio actus spiritualis, vel pravi operis quod quis facturum erat in rigore loquendo non est materia simoniæ; neque occultans peccatorem accepta pecunia, est simoniacus propriè loquendo. *tom. 1. fol. 982. num. 1. & seq.*

33. Committiturne præterea simonia vendendo scientiam & doctrinam, id est, docendo ratione pretij, vel docendi licentiam concedendo? Respond. scientiæ & doctrinæ, etiam miraculosè obtentæ actum, seu exercitium veritatem naturalem, &c. vendi posse absque simoniæ labe; potestque pretium iustum taxari habita ratione qualitatis personæ; quare docens Theologiam prævia pecunia, simoniæ labem non incurrit; neque præbens consilium in facultate Theologica, etiamsi consilium huiusmodi detur ad pacandam alterius conscientiam. *tom. 1. fol. 983. num. 1. & seq.*

34. Concio est materia simoniæ si ipsa per se spectetur ; & nihil accipi potest pro eâ , præciso labore & sustentatione quæ in pactum deduci potest : at licentia docendi, etiam in sacra Theologia, non est materia simoniæ ; sicut neque Doctoratus seu magisterium , quia huiusmodi gradus & actus docendi non est spiritualis. *tom. I. fol. 984. n. 8. 10. & seq.*

35. Quæres, vtrum materia simoniæ non solum sint res sacræ & spirituales secundum se, verum etiam illæ quæ spiritualibus sunt annexæ ? Respond. annexum antecederet spirituali ut sic esse materiam simoniæ, secus si per se spectetur. Ius patronatus numeratur inter annexa spiritualibus antecederet, & ut sic vendi non potest. Idem dic de ipsa præsentatione, seu actu præsentandi ; quia est actio spiritualis. *tom. I. fol. 985. num. 2. & seq.*

36. Adnexum spiritualibus comitanter, vel consequenter est materia simoniæ, ergo vendi non potest absque simonia ; sequitur enim naturam principalis, seu spiritualis cui adnexum est: ideo beneficiarius resignans alteri beneficium, non potest quicquam exigere ab eo cui beneficium confert, etiam si intendat aliquid exigere ratione fructuum ; & beneficiarius resignans beneficium accepto pretio ratione fructuum, simoniam incurrit etiam contra ius diuinum. *tom. I. fol. 986. num. 7. & seq.*

37. Episcopus seu beneficij collator nihil exigere potest ob beneficij collationem, licet hoc facere intendat intuitu temporalis incommodi ; potest tamen Episcopus separatus Ecclesiam sui iuris à sua dignitate aliquid exigere in recognitionem iuris antiqui. *tom. I. fol. 987. n. 11. & 12.*

38. Etiam

38. Etiam ipse Papa non potest in collationibus beneficiorum quicquam exigere in sui aut alterius fauorem, si beneficium spectetur ratione tituli seu iuris spiritualis; potest tamen pensionem imponere, & nolle beneficium conferre, nisi illi qui vult pensionem soluere potest. Imò potest adhuc dum beneficium alicui confert cum pensione, aestimare totum pensionis valorem, illumque anticipatè recipere, aut alteri conferre ius ad illud recipiendum. Quare resignans Episcopatum alteri, potest de licentia Papæ resignare Episcopatum cum pacto vt resignatarius statim extinguat pensionem, qua extincta mille remaneant titulari Episcopo. *tom. I. fol. 988. num. 12.*
& seq.

*An simonia committatur in permutatione
 beneficiorum, aliarumve rerum
 spiritualium; aut occasione
 pensionum.*

39. Permutatio rei spiritualis cum alia re spirituali præcisè, simoniaca non est; secus si fiat permutatio rei spiritualis cum alia spirituali, cui adnexa est temporalis. *tom. I. fol. 989. num. 1.*
& 2.

40. Beneficiorum permutatio seu prouisio, priuata auctoritate facta, simoniam contra ius Canonicum continet. Idem valet in permutatione actionum pertinentium ad prouisiones beneficiorum, si priuata fiat auctoritate; quamquam permutantes beneficia possunt prius inter se agere de permutatione facienda, & obligare se mutuo ad persistendum in conuentione, donec Super-

rior, v. g. Episcopus consensum denegauerit, vel præstiterit. *tom. 1. fol. 990. num. 3. & seq.*

41. Beneficia quamuis inæqualia in temporalibus permutari non possunt cum pensione, vel alia re pretio æstimabili coram Episcopo aut alio inferiore Papa, etiamsi pensio aut alia res temporalis exigatur ratione beneficii pinguioris, quod cum tenuiori permutatur, ad solum enim Papam pertinet beneficiorum inæqualitatem circa proventus compensare annua pensione, vel etiam numerata pecunia titulo sustentationis, &c. vt permutans pinguius cum tenuiori indemnis seruetur. Dicitur *circa proventus*, quia beneficii inæqualitas in dignitate compensari non potest pecunia, vel alia re pretio æstimabili, etiam auctoritate Papæ, si dignitas præcisè spectetur. *tom. 1. fol. 992. num. 10. & seq.*

42. Pensio laicalis, seu quæ laicis tribuitur ob causam merè temporalem, non est materia simoniæ, saltem contra ius diuinum; pensio verò clericalis, seu spiritualis est materia simoniæ, non solum contra ius humanum, verum etiam contra ius diuinum. *tom. 1. fol. 993. num. 3. & 4.*

43. Pensionarius non potest pensionem transferre accepto pretio, vel reseruata fructuum parte; verum tamen est pensionarium habentem facultatem transferendi pensionem, posse illam in totum vel in partem transferre. *tom. 1. fol. 994. num. 5. & 6.*

44. Pensionarius non potest pensionem anticipatis quibusdam solutionibus priuata auctoritate extinguere; & si extinguat, tenetur adhuc ad pensum officij cum reportarit idem stipendium. *ibid. num. 7. & seqq.*

45. Pensionarius liberè cedere potest pensioni priua

privata auctoritate, cum quilibet cedere possit iuri suo, nisi lege prohibeatur. Imò vendere, vel donare quoque potest fructus suæ pensionis, etiam ad totam vitam. Et hoc valet, etiam si pensionarius titulum pensionis sibi retineat. *tom. 1. fol. 995. num. 12. & seq.*

46. Pensionis fructus emens à pensionario anticipata pecunia, non est reus simoniæ, etiam si constituatur procurator ad exigendum fructus pensionis à beneficiario. *ibid. num. 15.*

An simonia committatur in resignatione beneficiorum, vel transactione.

47. Resignatio beneficii non pura labem simoniæ continet, si fiat coram Prælato inferiore Papa: quia quælibet pactio in beneficiis iure communi vetita est: quare resignans beneficium cum pacto ut sibi resciantur expensæ in asssecutione beneficii factæ, simoniam incurrit; si hanc resignationem faciat coram inferiore Papa. Præterea sequitur committi simoniam faciendo coram Episcopo resignationes reciprocas, ut si quis dicat; Ego resigno meum beneficium tuo nepoti, vel amico, tu verò resigna tuum mihi vel meo nepoti. Item resignatio beneficii cum designatione successoris, inualida est & illicita si fiat coram inferiore Papa: vel cum pacto ut collator conferat personæ designatæ: & Prælatus admit- tens resignationes cum designatione futuri successoris, incidit in graues pœnas. *tom. 1. fol. 996. num. 2. & seq.*

48. Transactio est pactio non gratuita de re dubia & lite incerta ad litem dirimendam: fit duobus modis transactio, vel compensando rem

spiritualem cum temporali, vel compensando rem spiritualem cum spirituali. *tom. 1. fol. 998.*

n. 1. & 2. Hoc posito

49. Transactio simoniaca est, dum in ea remittitur vel retinetur ius spirituale pro temporali; hinc sequitur committi simoniam faciendo transactionem circa reliquias tradita vel accepta pecunia: transactio verò circa rem spiritualem non est simoniaca, dum res spiritualis compensatur largitione vel cessione alterius rei, seu iuris spiritualis proportionati. Et hoc verum est, etiam si transactio fiat propria auctoritate, modò non fiat in materia beneficii; (nam hæc fit auctoritate Episcopi, vel arbitratorum,) quamquam aliquando fieri non potest sine Prælati auctoritate, ut si transigentes intendant transactionem perpetuam facere, quæ successores etiam afficiat. Imò si transactio seu compositio fiat cum laicis super decimas, necessarius est Summi Pontificis consensus. *ibid. n. 3. & seq.*

50. Episcopus ad dirimendam litem potest absque simonia applicare vni beneficium cum onere, ut soluat pensionem quandiu vixerit. Imò potest etiam pensio imponi beneficiario ab Episcopo etiam ex prævia petitione & instantia partium ad dirimendam litem; modò partes non absolute inter se conuenerint de huiusmodi pensionem, & postea illius confirmationem petant ab Episcopo. *tom. 1. fol. 999. num. 9. & seq.*

51. Litigantes circa beneficium possunt communi consensu clericum arbitrum eligere, etiam si arbiter non sit Prælati, vel iudex causæ, cum hoc nullibi vetitum reperiatur. *tom. 1. fol. 1000. num. 12.*

52. Quæres, vtrum simonia committatur, tradendo

dando vel accipiendo aliquid pro actibus iurisdictionis fori interni? Respond. actus iurisdictionis fori interni, v.g. absolutionem censurarum, peccatorum reservationem esse materiam simoniæ, committique simoniam tradendo, vel accipiendo pecuniam, seu pretium pro illis actibus, sicut & pro indulgentiarum concessione, pœnitentiæ impositione, &c. Idem dic de facultate audiendæ confessionis. Non committitur tamen simonia tradendo pecuniam, ad tollendum iniustum impedimentum absolutionis, seu iniustam vexationem, quia tunc pecunia non datur pro actu spirituali, sed pro remouendo impedimento illo iniusto. In praxi tamen id faciendum non est, nisi pœnitenti imminet inde graue aliquod damnum. *tom. I. fol. 1001. num. 1. & seq.*

53. Parochorum acta pertinentia ad pastorem curam sunt materia simoniæ; & Parochus nolens matrimonio assistere absque pretio, simoniacus est; quamquam Parochus præbens facultatem alteri assistendi matrimonio, non committit simoniam ineundo pactum de tradenda sibi pecuniæ parte; quæ illi ea occasione tradetur. *ibid. num. 6. & seq.*

54. Sacerdos cui data fuit pecunia ad tribuendam absolutionem, simoniacus est si re ipsa non intendat absolueret: non erit tamen reus simoniæ iniungendo pœnitenti eleemosynam in satisfactionem peccatorum; secus si obliget ipsum ad tradendam sibi pecuniam. *tom. I. fol. 1002. n. 9. & 10.*

55. Simonia non committitur dando vel accipiendo temporale pro actibus iurisdictionis laicæ & temporalis, seu politicæ: unde Prælati Ecclesiastici concedens licentiam docendi vel

legitimandi ad honores temporales, vel ad successionem in bonis, non est reus simoniæ. Committitur tamen simonia tam dando vel accipiendo temporale pro iurisdictione Ecclesiastica voluntaria vel contentiosa, quàm dando vel accipiendo temporale pro actibus iurisdictionis: hinc collige sententiam iudicis Ecclesiastici in causa spirituali, v. g. in causa hæresis, esse materiam simoniæ. *ibid. num. 1. & seq.*

§ 6. Officia, vt Auditoratus Camerae, &c. non sunt materia simoniæ si per se spectentur, seu potius ratione emolumentorum, quæ talia officia consequuntur. *ibid. n. 5.*

§ 7. Papa in dispensationibus concedendis aliquid exigere potest his de causis; videlicet ob sustentationem Summi Pontificis, & onus ac laborem officialium; ob commutationem vnius operis in aliud; ob poenam delicti, & vt homines retrahantur ab illis petendis. *tom. 1. fol. 1003. num. 6.*

§ 8. Aduocatus non incurrit simoniæ labem impendendo operam suam in iudiciis; neque similiter Notarius, per se loquendo, accipiens aliquid pro scripturis, seu litteris. *ibid. num. 7. & 8.*

§ 9. Testis accipiens aliquid pro ferendo testimonio, simoniæ labem non incurrit; secus si accipiat aliquid vt inducat iudicem ad iudicandum vel dispensandum in causa spirituali. *ibid. num. 10.*

Quinam simoniæ labem committere possint.

§ 10. Omnes cuiuscumque conditionis homines possunt

possunt esse rei simoniæ iuris naturalis diuini, etiam Papa: similiter omnes cuiuscumque conditionis homines baptizati incurrere possunt simoniam iuris Canonici; etiam Papa, nisi prius secum dispenderit in lege. Cardinales quoque, religiosi, Prælati, &c. possunt esse simoniaci; neque tolerantia Pontificis excusat à simonia, nisi talis adsit scientia, tolerantia & consuetudo, ut iudicio prudentum ea lex sublata censeatur. *tom. 1. fol. 1004. num. 1. & seq.*

Quæ causæ excusare possint à simonia.

61. Non committitur simonia dum occasione rei spiritualis accipitur pecunia seu res pretio æstimabilis, non tanquam pretium rei, sed gratis, vel titulo gratitudinis, & non in pretium rei spiritualis. Hinc patet non committi simoniam quando aliquis gratitudinis gratia dicit conferenti beneficium vel alteri cuius opera usus est in obtinendo beneficio, *omnia quæ ego habeo, etiam ipsum beneficium, sunt dicata tuo obsequio & voluntati, &c.* *tom. 1. fol. 1005. num. 1. & seq.*

62. Obligatio antidotalis, quam quis sperat vel intendit, non est materia simoniæ; neque amicitia vel beneuolentia quam quis intendit in collatione rei spiritualis; collationem enim beneficii necessario sequitur beneuolentia ex natura rei. Vnde fit ut simonia non committatur tradendo beneficium seu aliquid spirituale intentione adimplendi suam obligationem quam quis contraxit ob acceptionem rei temporalis. Item simoniacus non est qui temporale tradit intentione ut sibi aliquid spirituale conferatur titulo gratitudinis, etiam si ab eo cui temporale tradit,

petat gratitudinem vel recognitionem suæ obligationis naturalis : non potest tamen obligatio antidotalis in pactum deduci pro re spirituali. *tom. 1. fol. 1007. num. 7.*

63. Sustentationis titulus excusare debet à simonia , potestque sustentatio in pactum deduci absque simonia , modò non adsit prohibitio aliunde, vel excessus : accipiens enim plus pro sustentatione quam ferat ratio laboris & operis, iniustitiam committit; imò incurrit suspicionem simoniæ , quia tunc præsumitur accipere tanquam pretium rei spiritualis. *ibid. num. 1. & seq.*

64. Committitur simonia accipiendo aliquid pro labore intrinseco actioni spirituali , quia labor iste non distinguitur ab ipsa actione sacra; secus dicendum de labore extrinseco ; id est , de eo sine quo tale opus fieri potest , consequenter cantus Missæ adiunctus non est materia simoniæ ; sicut neque defatigatio & molestia percepta ex magna contentione virium , vocis vel animi ; quamobrem concionator non incurrit simoniam suscipiendo aliquid pro magna contentione vocis & animi , aut pro labore & studio. Similiter iter occasione rei spiritualis susceptum non videtur materia simoniæ , sicut neque obligatio manendi in aliquo loco , vel celebrandi tali hora. *tom. 1. fol. 1008. num. 1. & seq.*

65. Locatio operarum, seu obligatio exercendi spiritualia (non quatenus dicit ordinem ad spiritualia vt sic) videtur pretio æstimabilis , consequenter excusare solet à simonia ; cum huiusmodi obligatio sit aliquid distinctum ab actione ipsa spirituali. *tom. 1. fol. 1009. num. 9.*

66. Non committitur simonia , per se loquendo,

do, accipiendo aliquid titulo priuationis libertatis ad alia opera vtilia quæ quis eo tempore præstitisset: potestque haberi ratio lucris cessantis vel damni emergentis, quod quis patitur occasione operis spiritualis peragendi: non debet tamen opus ipsum spirituale esse ratio traditionis pretij, hoc enim simoniacum est. *ibid. n. 1. & 2.*

67. Titulus redimendæ vexationis iniustæ, seu ut alij loquuntur vexationis de facto, non de iure, excusat à crimine simoniæ tradentem aliquid temporale. Ita *cap. dilectus, de simon.* Vexatio tamen iniusta non excusat à simonia, dum pro ipsa tollenda traditur res spiritualis: sicut nec vexatio iusta in re spirituali excusat tradentem pecuniam ad ipsam tollendam. *tom. 1. fol. 1010. num. 1. & seq.*

68. Aduerte tamen vexationem in beneficiis illatam ab eo qui prodesse potest, non excusare tradentem pecuniam ad ipsam tollendam. Ideo si elector vexet me eligendo indignum, simoniam committo redimendo talem vexationem: secus si tradam pecuniam subornanti & corruptenti electorem ne me ipsum eligat: nam tunc non datur pecunia, ut me ipsum eligat, sed ne damnum mihi inferat corrumendo electorem. Similiter simonia non committitur tradendo pecuniam illi qui per vim impedit meum concursum in beneficio: sicut neque etiam committitur redimendo pecunia iniustam vexationem, quæ quis iniuste impeditur capere possessionem beneficii ad quod habet ius certum & non dubium. Idem dicendum in redemptione vexationis iniustæ in ferendis vel auferendis censuris. *ibid. n. 4.*

& seq.

69. Testi pecuniam tradens pro dicenda veritate,

tate, simoniam non committit : item electoribus volentibus hæreticum vel schismaticum, seu indignum eligere, aut iniquè impediendis tradi potest pecunia ne illum eligant; secus si pecunia tradatur ut dignus vel dignior eligatur. Item Eucharistiam vel religionem conculcare volenti tradi potest pecunia, ne illas conculcet : reliquæ quoque extrahi possunt è manibus infidelium tradita pecunia; sic enim vindicatur & redimitur iniusta vexatio, quæ Eucharistiæ, aut reliquiis impendebat. *tom. 1. fol. 1012. num. 9. & seq.*

70. Aduerte tamen non esse licitum per subornationem resistere subornationi; ut si Caius muneribus vel importunis precibus peruertat aliquos electores ad sui electionem, non licet mihi alios electores eadem ratione pervertere, aut eosdem vehementius inducere, & in mei fauorem pertrahere. *tom. 1. fol. 1013. num. 15.*

71. Consuetudo non est titulus sufficienter excusans acceptionem vel traditionem rei temporalis pro spirituali per modum pretij; quia hoc est intrinsecè malum & simoniacum contra ius naturale diuinum, quod nulla consuetudine abrogari potest. Potest tamen consuetudo conferre ius ad maiores prouentus, saltem titulo sustentationis, modò huiusmodi consuetudo suspicionem aliquam simoniæ, vel turpis auaritiæ non præseferat. *ibid. num. 1. & 2.*

*Pœna contra simoniacos lata, & de
ipsarum dispensatione.*

72. Primò inducitur excommunicatio dum simonia est confidentialis; quæ contingere solet in resignatione, collatione, electione, vel præsentatione;

tatione; hoc animo vt beneficium vel fructus in totum vel in partem restituantur, vel referuantur ipsimet resignanti, conferenti vel præsenti, aut alteri iuxta ipsius electionem. Ad incurrendam hanc excommunicationem non est opus vt ista confidentia in pactum expressum deducatur, vel vt adsit ex parte vtriusque, sed requiritur solum vt resignans cum hac spe resignet, & resignatarius istum resignantis animum animaduertat, etiamsi recipiens hunc animum non habeat. Vnde beneficium recipiens absque intentione recipiendi illud in confidentiam, non videtur affici excommunicatione, etiamsi alter ei beneficium resignet cum spe & confidentia: beneficiarius autem cui beneficium resignatur, cognoscere poterit beneficium sibi in confidentiam resignari, ex coniecturis quibus adduci potest ad credendum beneficium sibi tradi in confidentiam. *tom. 1. fol. 1013. punct. 1. & fol. 1014. num. 1. & seq.*

73. Simonia confidentialis committitur, etiam dum conferens, præsenti, aut eligens ad beneficium, confidit quod beneficiarius resignabit beneficium iuxta suam voluntatem aut fructus, vel eorum partem, sibi vel alteri tradet; & hoc verum est, etiamsi conferat, præsenter vel eligat personam alioquin dignam. *tom. 1. fol. 1015. num. 7.*

74. Simonia confidentialis inducit excommunicationem statim ac pensio vel beneficium sub spe & confidentia receptum fuit, etiamsi nondum capta sit pacifica beneficii possessio. Quod dictum est de simonia confidentiali in beneficiis, dici etiam debet de confidentia in pensionibus. *ibid. num. 8. & seq.*

75. Car

75. Cardinales & alij Prælati committentes simoniam confidentialem videntur potius affici pœna interdicti quàm excommunicationis. *ibid. num. 11.*

76. Materia excommunicationis contra committentes simoniam in ordine, (etiam in prima tonsura,) vel beneficio, est sacrilegium quod consistit in his actionibus: dare temporale pro spirituali vel è contra in beneficio, aut etiam in ordine; accipere temporale pro spirituali, vel è contra pro beneficio, aut etiam pro ordine; & denique mediatorem esse seu procurare ut temporale tradatur pro spirituali. Hinc sequitur simoniacum in collatione, aut consecutione pensionis non ligari excommunicatione, cum pensio non sit beneficium: debetque simonia esse realis; propterea simoniacus in ordine vel beneficio non ligatur excommunicatione effectu nondum secuto; sed excommunicatio solum incurritur statim, ac pretium traditur. *tom. 1. fol. 1017. num. 1. & seq.*

77. Cognoscens beneficium acquisitum fuisse per simoniam ab altero commissam, ipso incio, tenetur quidem beneficium resignare, sed non incurrit excommunicationem, illud retinendo. Item obtinens beneficium per simoniam ab altero contractam ipso incio, non incurrit excommunicationem, si cognito simoniæ crimine restituat pecuniam quam alter pro consecutione beneficij erogauerat. *tom. 1. fol. 1019. num. 13. & 14.*

78. Simoniam sciens ab altero commissam in ordine vel beneficio, absolui non potest, nisi delinquentem denunciaret. *ibid. num. 15.*

79. Simoniaci absolui debent à Summo Pontifice

fice ob excommunicationem contractam in simoniaca collatione, vel receptione ordinis, aut beneficij. *tom. 1. fol. 1020. n. 20.*

80. Petentes, vel exigentes aliquid in collatione aliave prouisione beneficiorum, aut admissione ad illorum possessionem, grauibus pœnis subiiciuntur in Bulla 104. Pij V. quæ incipit, *Durum nimis*. Hæ pœnæ non incurruntur, dum in prouisione beneficiorum exigitur aliquid conuertendum in pios vsus iuxta consuetudinem, vel constitutiones Ecclesiarum. *tom. 1. fol. 1021. n. 1.*

¶ 5.

81. Urbanus I V. in cap. *sanè, de simonia*, excommunicationem imposuit singularibus personis dantibus vel recipientibus aliquid ex pacto pro ingressu in religionem: Capitulis verò & Conuentibus pœnam suspensionis iniunxit; ideo pecuniam tradens vt in religionem admittatur, excommunicationem incurrit, etiamsi mentem suam recipienti non aperiat. Simonia tamen non committitur, dum aliquid traditur vel recipitur pro sustentatione ingredientis religionem, etiamsi monasterium diues sit & locuples, licet multi Doctores oppositum sentiant. Hinc moniales nolentes aliquam in monasterium admittere, nisi congruam dotem afferat, non ligantur excommunicatione; licitumque est monasterio mutuam pecuniam, depositum, vel commodatum recipere à parentibus, vel curatoribus puellæ; excusarique potest à simonia Abbatissa, quæ certam pecuniæ quantitatem paciscitur, vel recipit, donec dos conuentui promissa pro nouitia ingrediente soluat, si hanc pecuniam accipiat ratione damni emergentis, quod interim monasteriū patitur ob dotem non solutam. *tom. 1. fol. 1022. n. 1. & seq.*

82. Subie

82. Subiectum huius excommunicationis impositæ in hac Extrauaganti sunt omnes singulares personæ, quæ aliquid dant, vel accipiunt pro ingressu in religionem, siue sint viri, siue feminae: Collegium verò vel conuentus incurrit pœnam suspensionis ab officio & beneficio simul. *tom. 1. fol. 1024. num. 9. & 10.*

83. Simoniam committitur non solum dum aliquid traditur vel recipitur tempore professionis, verum etiam in ipso ingressu & receptione ad habitum; quamquam in hoc secundo casu non incurritur censura donec professio emittatur. *ibid. num. 11.*

84. Religionem ingrediens simoniam quidem committit, sed excommunicationem non incurrit, dum aliquid ex pacto petit, vel accipit à monasterio, vt ingrediatur. *tom. 1. fol. 1025. num. 12.*

85. Simoniacè professus per sententiam expellendus est, & in arctius monasterium conijciendus ad agendam pœnitentiam. *ibid. n. 13.*

86. Pius V. in Bulla 99. quæ incipit, *quàm plenum*, censuram excommunicationis imposuit iis qui concederent ob quæstum indulgentiam, aut facultatem absoluendi, siue id per se faciant, siue per alium; imò Episcopi, alique Præsules, seu Antistites, etiam si Cardinalatus dignitate præditi sint, si præfata faciant, incidunt in suspensionem ab ingressu Ecclesiæ, & à perceptione fructuum, reseruatam Summo Pontifici, à qua absolui nequeunt, nisi præstira satisfactione. Hic tamen aduerte simoniacam publicationem, vel concessionem alicuius facultatis non inducere pœnam censuræ, exceptis indulgentiis, & facultatem absoluendi, quæ adhuc non incurritur, nisi effectus

effectus publicationis secutus sit. *ibid.num.1. & seq.*

87. Publicationi vel concessioni indulgentiarum ob quæstum cooperantes, non subiiciuntur excommunicationi, quia Bulla de his non loquitur. *rem. 1. fol. 1026. num. 8.*

88. Indulgentias de nouo concessas nullus, ne quidem religiosus exemptus, publicare potest in sua Ecclesia absque licentia ordinarij. Ita Trident. *sess. 21. cap. 9. & sess. 22. cap. 5.* Imò in hoc decreto Concilij prohibentur prauæ eleemosynarum quæstores; debentque ordinarij locorum aduigilare ut collectores eleemosynarum sint honestæ vitæ & bonæ famæ, ut non publicent indulgentias, & ne circumferant reliquias, &c. *ibid. num. 9. & 10.*

89. Non solum excommunicatio, verum etiam suspensio contrahitur ob simoniam tam ab eo qui ordines simoniacè confert, quàm ab eo qui ordines per simoniam suscipit. Materia autem huius suspensionis est susceptio ordinum cum vitio simoniæ commissio ab ipso susceptore ordinum, vel illi quoad culpam imputato. *ibid. §. 4. num. 1.*

90. Ordinatus per simoniam ab alio commissam ipso inscio, suspensionem non incurrit, cum hic culpa careat, ut supponitur. Item ordinatus bona fide per simoniam ab alio commissam, non ligatur suspensione, etiamsi post ordinationem approbet simoniam ab alio commissam. *ibid. n. 2. & fol. 1027. n. 3.*

91. Ad incurrendam hanc suspensionem opus est ut simonia sit completa, quia censura non incurritur, nisi adsit effectus completus sub censura prohibitus. *ibid. n. 4.*

92. Subie

92. Subiectum huius suspensionis sunt omnes cuiuscumque gradus & conditionis homines suscipientes ordines simoniacè, etiamsi regali vel alia quavis Ecclesiastica vel mundana dignitate præfulgeant. *ibid.n.5.*

93. Quæres, an mediatores simoniæ sint etiam suspensi? Respond. quoslibet mediatores non esse suspensos, sed præsentatores ad ordinem: nam contra eos *in cap. pen. de simon.* lata est suspensio per triennium ab ordinum executione. *ibid.n.6.*
Et seq.

94. Effectus quem parit ista suspensio, est suspendere ab exercitio, & executione ordinum susceptorum, & ab aliis suscipiendis. *ibid. num.8.*

95. Suspensio lata contra simoniacum in ordine, non suspendit à beneficio & officio, quia hoc nullo iure probatur, nec Sixtus V. hanc pœnam imposuit. *ibid. num.9.*

96. Suspensio lata contra simoniacos in ordine, perpetua est, cum iura absolutè loquantur: si ius antiquum spectemus, Episcopus absolvere potest ab hac suspensione: si verò inspiciamus constitutionem Sixti V. non potest Episcopus absolvere, saltem in delicto publico. *ibid. num.10.*
Et seq.

97. Suspenduntur quoque per Bullam Sixti V. quæ incipit, *Sanctum, & salutare*, conferentes ordines vel tonsuram simoniacè. *tom.1. fol.1028. num.1.*

An acta simoniacè, valida sint?

98. Actiones seu functiones ordinis vel iurisdictionis simoniacè factæ, validæ sunt, per se loquendo,

quando, quia nullibi eas constat irritari. Aduerte tamen hoc esse peculiare in sacramento pœnitentiæ, vt simoniacè collatum, irritum sit. Et Ecclesia quæ per pactionem consecrata fuit, potius execrata, quàm consecrata dici debet, quia consecrans quantum est ex parte sua, illam polluit, & contrectat tanquam rem profanam. *tom. 1. fol. 1030. num. 1. & seq.*

99. Beneficij acquisitio simoniaca, inspecto solum iure naturali & diuino, valida est, sicut & etiam professio facta per simoniam. *ibid. n. 6. & 7.*

100. Omnis actio iurisdictionis, vel administrationis quæ ordinatur ad obtinendam beneficij prouisionem, si fiat per simoniam, irrita est, non quidem iure naturali, vel diuino, (cum nihil desit ad substantiam acquisitionis,) sed iure Ecclesiastico, vt patet ex *cap. Mattheus, de simonia*. Ex quo licet, inferre prouisum per simoniam, licet occultam, teneri beneficium dimittere (nulum enim acquisiuit ius in beneficium,) & eum restitutionem fructuum ex huiusmodi beneficio perceptorum facere debere successor in beneficio, aut Cameræ Apostolicæ, aut Ecclesiæ beneficij. Et hoc valet etiamsi prouisus simoniam ignoraret. *tom. 1. fol. 1031. n. 10. & fol. 1032. n. 11. & 13. & fol. 1033. num. 19.*

101. Beneficij prouisio simoniacè facta, irrita est, etiamsi crimen simoniæ commissum sit à tertia persona, nisi fortè prouisus contradixerit, seu nisi pecunia data sit à tertia persona in odium & detestationem prouisi. *tom. 1. fol. 1032. num. 17.*

102. Approbatio simoniæ post obtentum beneficium non irritat consecutionem beneficij præcedentem. Item, iuxta nonnullorum Doctorum sententiam, pensionis collatio facta per simoniam

moniam valida est. *tom. 1. fol. 1033. n. 18. & fol. 1034. num. 22.*

103. Regula de triennali possessore fauet obtinenti beneficium per simoniam quam ipse obtinens ignorabat. *tom. 1. fol. 1033. n. 20.*

104. Officium Auditoratus vel Clericatus Cameræ Apostolicæ validè obtinetur, etiam si per simoniam acquiratur. Idem dicendum iuxta nonnullos de officiis religionum spiritualibus. *tom. 1. fol. 1034. num. 23. & 24.*

105. Aduerte autem beneficij prouisionem, &c. simoniacam non esse inuvalidam, nisi secuta simonia reali & completa, non autem conuentionali & semireali tantum. Vnde beneficiarius simoniacè acquirens beneficium retinere potest beneficium, modò simonia nondum sit completa. *ibid. num. 25. & 26.*

106. Promissio pecuniæ pro obtinendo beneficio vel re spirituali, non est adimplenda, etiam obtento beneficio seu re spirituali, aliqui compleretur simonia realis. Promissio beneficij facta per simoniam secuto effectu, & completa simonia reali, ita irritatur, ac si ab initio conuentionis irrita fuisset. Probabile tamen est beneficia aut beneficiorum fructus perceptos ante completam realem simoniam restitui non debere iuxta sententiam nonnullorum Doctorum. *ibid. num. 27. & fol. 1035. n. 28. & 29.*

107. Examinatores simoniam committentes priuantur beneficiis ritè antea obtentis, si occasione examinis aliquid accipiant. Potest tamen illis aliquid ab Episcopo conferri titulo præmij vel sustentationis: secus si assistentes examini aliunde habeant quo se sustentent. *tom. 1. fol. 1036. n. 5. & seq.*

108. Simo

108. Simoniacus in beneficio efficitur inhabilis ad obtinendum illud idem beneficium, in quo simoniam commiserat, nisi habilis ad illud efficiatur per dispensationem à Summo Pontifice obtentam. Imò efficitur etiam inhabilis ipso facto ad alia beneficia in futurum obtinenda. *tom. 1. fol. 1037. n. 1. & seq.*

Utrum simonia inducat obligationem restituendi accepta simoniacè.

109. Qui pretium accepit pro re spirituali, tenetur iure naturali diuino illud restituere illi qui pretium dedit, etiam si res spiritualis nondum tradita sit. Aduerte tamen pretium simoniacè, sed non iniuste acceptum, non esse obnoxium restitutioni iure naturali diuino; secus si pretium simoniacè & simul iniuste acceptum sit. *tom. 1. fol. 1038. n. 1. & 2. item fol. 1039. n. 3. & 5.*

110. Obligatus ex iustitia ad aliquam functionem gratis præstandam, tenetur ad restitutionem pretij accepti pro illa functione. Item vendens beneficia vel officia quorum non est dominus, tenetur quoque ad restitutionem pretij accepti. Similiter electores beneficiorum accipientes pretium pro eligendo digno & omittendo indigno, tenentur iure naturæ ad restitutionem. Reliquiarum quoque pretium acceptum restituendum est; secus dicendum de pretio accepto pro vasis sacris, oleo sancto, chrismate, & his similibus, si tamen pretium æquiualeat valori materiæ, & nihil detur pro spirituali. Item pretium acceptum pro functione spirituali quantum valet ipsa functio per se & materialiter spectata, non est obnoxium restitutioni. Idem sentiendum si accipiens poterat

rat tantundem exigere titulo sustentationis.
rom. 1. fol. 1040. num. 6. & seq.

111. Vendens officium Ecclesiæ non tenetur ad restitutionem pretij, si officium illud adnexum habeat temporale commodum. *rom. 1. fol. 1041. num. 13.*

112. Religio pretio admittens aliquem, non tenetur iure naturali ad restitutionem; modo non plus accipiat quàm ferat onus sustentationis. Item imaginis miraculosæ pretium acceptum ob lucrum, vel ob aliud commodum temporale, restituendum non est iure naturæ. *ibid. n. 15. & 16.*

113. Pretium acceptum pro ingressu in religionem, restituendum non est ante iudicis sententiam: sicut neque pretium acceptum in collatione ordinum vel sacramentorum. *rom. 1. f. 1042. num. 20. & 21.*

114. Res spiritualis simoniacè accepta, etiam iure Canonico, non est obnoxia restitutioni ante sententiam, exceptis beneficiis. *rom. 1. fol. 1045. num. 3.*

115. Mediatores simoniæ commissæ in beneficio, tenentur ad restitutionem, non solum pretij accepti, verum etiam fructuum beneficii in defectu beneficiarij; quia ipsi censentur causa & cooperatores damni; cooperatores autem damni tenentur ad restitutionem in defectum causæ principalis. *ibid. num. 6.*

116. Dispensatio in simonia à nullo homine obtineri potest, excepto Papa, qui dispensare potest in simonia iuris Canonici. Nulla verborum forma necessaria est ad dispensandum in simonia, quia nulla huiusmodi forma in iure præscripta extat. *ibid. num. 1. & seq.*

Societatis

Societatis contractus.

1. Societas est conuentio duorum vel plurium conferentium suam pecuniam vel industriam, vel laborem, vel aliam rem pretio æstimabilem ad lucrum commune. Ad societatem hæ conditiones requiruntur; vt fundetur in negotiatione licita & honesta; vt singuli aliquid conferant in commune, siue conferant pecuniam, siue operam, siue industriam; vt seruetur æqualitas inter socios, ita vt lucrum, expensæ, & damna sint communia omnibus ad ratam pecuniæ vel industriæ in societatem collatæ; vt fors seu pecunia quam socius in communem contulit, subiaceat periculo conferentis, illiquè pereat (est enim dominus, res autem domino perit,) nisi aliter iustè conuentum sit; & vt seruentur pacta, quoties seruari possunt, quia fides data, seruanda est. *tom. 2. fol. 793. num. 1. & seq.*

2. Quæres, an qui societatem iniit, séque ad operas in vna societate obligauit, peccet, & teneatur ad restitutionem, ineundo alias societates, suásque in iis operas impendendo? Non peccat, nec tenetur ad restitutionem, quoties hoc præstare potest absque præiudicio prioris societatis. *tom. 2. fol. 794. n. 4.*

3. Contractus societatis regulariter celebrari potest ab iis qui facultatem habent disponendi ad suum libitum de rebus quas conferunt ad societatem; & consequenter iniri potest societas inter patrem & filium, quando filius confert ad societatem bona castrensia vel quasi; aut quando pater ponit pecuniam, & filius operam & industriam. Item celebrari potest societas inter fra-

G g

tres,

tres, salvo tamen iure patris. At neque pupillus, vel minor absque licentia tutoris, neque rationis usu carentes, neque religiosus, cum non sit sui iuris, neque Medicus cum infirmo, Aduocatus cum cliente, tutor & curator cum pupillo & minore, &c. validè possunt societatem inire. *tom. 2. fol. 795. num. 1. & seq.*

4. Quomodo facienda diuisio in societate? Facienda est ad æqualitatem, habita ratione illius quod quisque contulit in societatem: propterea qui æqualiter posuit pecuniam vel industriam, debet recipere lucrum æquale, inæquale verò, si inæqualiter posuit: at qui posuit solas operas, par non est, ut recipiat aliquid loco capitalis, cum nihil posuerit in sorte vel capitali. *tom. 2. fol. 796. num. 3.*

5. Quæres, quomodo possit recipi lucrum ab eo qui pecuniam posuit in societate, cum pecunia sit infœcunda & infrugifera? Respondetur non recipi lucrum ex pecunia, prout est pecunia & pretium rerum venalium, sed quatenus exponitur negotiationi periculo ipsius apponentis. *ibid. num. 4.*

6. Damna quæ patitur socius ex causa proxima societatis, debent esse communia, modò non eueniant ex leui culpa socij. Et si res societatis furto sublata fuerint, damnum debet esse commune, si absque culpa sociorum sublata fuerint. Item expensæ quæ non superflue fiunt à socio apponente industriam, faciendæ sunt ex communi pecunia societatis, nisi aliter conuentum sit inter socios, aut aliter lege cautum, vel consuetudine receptum. Vnde eleemosynæ quas facit socius apponens industriam, si moderatæ sint & discretæ, fiântque intuitu felicitis exitus societatis, rationabili

nabiliter soluendæ videntur ex communibus lucris. *tom. 2. fol. 799. num. 1. & seq.*

7. Quando faciendæ sunt aliquæ expensæ in utilitatem societatis, socius tenetur eas facere ex propria pecunia, aut mutuò ab aliis petere, si non possit extrahi pecunia è societate ad eas faciendas; ipsi tamen competit ius repetendi à sociis quod insumpsit, cum utiliter gesserit negotium societatis non secus ac si fuisset proprium negotium. *tom. 2. fol. 800. num. 5.*

8. Petes, quid requiratur ad contractum societatis circa animalia? Ut unusquisque sociorum aliquid conferat in societatem, siue conferat animalia, siue custodiam, siue industriam; ut seruetur æqualitas, ita ut damna, expensæ & lucra prouenientia ex causa societatis sint communia; ut animalia stent periculo apponentis, ita ut si pereant, pereant apponenti. Quare iniquus est contractus societatis, quo traduntur animalia hoc pacto, ut si pereant, æqualiter pereant apponenti & recipienti; si verò non pereant, capitale detur apponenti, fructus verò diuidantur æqualiter. Iniquus est similiter ille contractus, quo quis tradit animalia pastori cum pacto ut ea custodiat & pascat, & semper seruentur in eodem numero, ita ut si aliqua pereant, compleatur numerus ex fœtibus; & pastor in fine singulorum annorum accipiat dimidiam partem reliquorum fœtuum: in hoc enim contractu deesse videtur æqualitas, si pastoris industria pluris æstimeretur, quam valeat numerus animalium ipsi constitutus & assignatus: secus si non pluris ipsius opera & industria æstimeretur. *tom. 2. fol. 801. num. 2. & 5.*

9. Licita videtur societas, qua traduntur animalia hoc pacto, ut lucrum sit commune; & qui

animalia recipit, nihil capiat, donec pretium animalium domino fuerit persolutum. *ibid. num.4.*

10. Animalia quæ culpa socij perierunt, restituenda sunt iuxta valorem & æstimationem quam habebant tempore amissionis seu læsionis; nam ad dominum pertinet incrementum & decrementum rei, nisi aliud in iustum pactum deducatur; consequenter animalia restituenda sunt iuxta valorem quem habebant tempore amissionis seu læsionis, cum animalia ad illud usque tempus essent domini, seu apponentis. *ibid. num.7.*

11. Illicita est societas inita cum pacto ut lucrum diuidatur, pretium verò ouium tradatur apponenti iuxta valorem quem oves habebant tempore traditionis; hoc tamen limita, nisi grauamen iusta mercede compensetur. *ibid. num.9.*

Societas inter fratres.

12. Fratres defunctis parentibus habere solent bona indiuisa per modum societatis, ita ut lucra & damna sint communia; quamquam hæc societas extendit se tantum ad bona hæreditaria, & ad lucra ex illis prouenientia, nisi aliter deductum sit in pactum. Propterea si vnus negotietur altero nihil conferente, non dicitur societatem cum altero iniisse; imò si vterque negotietur, non videntur societatis contractum celebrasse, si nihil ad negotiationem conferant. Quare societas inter fratres extenditur solum ad ea quæ inter se fratres communicant, & in commune conferunt animo conferendi in commune, non verò se extendit

tendit ad bona aliunde à fratribus, acquisita.
tom.2.fol.806.n.1.

13. Fratres indiuisi ex bonis communibus possunt facere sumptus ordinarios & competentes; extraordinarios verò non possunt; quamobrem si vnus fratrum propter aliquod delictum cogatur soluere pœnam, non potest hos sumptus facere de communibus societatis bonis. *rem.2.fol.807.num.4.*

14. Petes, quænam bona sint à fratribus ad partitionem adducenda seclusa societate? Responderetur bona tantummodo profectitia, quæ filius accepit à patre vel ab auo, cui succedit, adducenda esse à filio cum reliquis quibuscum succedit in hæreditate: bona verò castrensia, vel quasi, non sunt conferenda, quia dominium eorum pleno iure pertinet ad filium. Præterea bona aduentitia quoad proprietatem similiter non conferuntur, cum pertineant ad filium quoad proprietatem. *tom.2.fol.809.num.3.*

15. Filius teneturne cum aliis fratribus conferre, quæ à patre accepit causa dotis, vel ad ordines, vel titulo legati? Non tenetur, si velit ab hæreditate abstinere contentus re sibi tradita; modò hoc non noceat legitimæ aliis debitæ; sicut neque tenetur conferre quæ pater consumpsit in studio ipsius filij, quia hæc censentur condonata, nisi fortè filius habuerit vnde se aliunde sustentare potuerit. Idem dicendum de iis quæ pater illi tradidit præ aliis ad cibum, vestitum, equitatum, & ludum; imò & de libris viuente patre traditis, & expensis factis ratione conuiuij à patre facti occasione sacri à filio celebrati, vel occasione Doctoratus adepti, vel professionis in religione; secus de vestibus pretiosis, torquibus,

arrhis, & aliis largitionibus sponsalitiis factis propter nuptias, aut propter redemptionem filij à captiuitate; hæc enim adducenda sunt in diuisione paternæ hæreditatis. *ibid. num. 4. & seq.*

Sodomia.

1. Sodomia propriè accepta est coitus inter personas eiusdem sexus, estque peccatum turpissimum & grauissimum; & clericus exercens hoc nefandum crimen meretur penam depositionis; non incurrit tamen suspensionem vel irregularitatem quamdiu delictum est occultum: cum hoc non habeatur in iure expressum. Debet Confessarius seuerum se exhibere erga Sodomitas, nec facilè absolueret; est enim casus reseruaturs quando masculus abutitur masculo, aut quando femina sese supergrediuntur, & recipiunt semen intra vas naturale vel præposterum. Explicanda est persona in confessione cum qua perpetrata fuit Sodomia; nam commissæ cum religioso, aut Sacerdote, aut consanguineo, habet aliam malitiam præter malitiam Sodomiae, videlicet sacrilegij, incestus, &c. *tom. I. fol. 461. num. I. & seq.*

2. Vir coniugatus qui præpostero actu incipit cognoscere suam vxorem, sed actum perficit & seminat in vase naturali, peccat mortaliter, & propter attentationem huius peccati Canones sentiunt posse vxorem petere diuortium à marito. *tom. I. fol. 463. num. 12.*

Sollicitare, Sollicitatio.

Vide v. *Denunciatio.*

Spes.

Spes.

1. Spes est virtus Theologica & supernaturalis, qua speramus beatitudinem diuino auxilio obtinendam. Dicitur *Theologica*, quia versatur circa Deum tanquam circa obiectum, opponiturque præsumptioni, quæ ex suo genere est peccatum mortale, nec à mortali excusatur ob paruitatem materiæ, quia grauem continet inordinationem & iniuriam. *tom.2. fol.232. num.1.*

& seq.

2. Differens pœnitentiam vsque ad mortem spe veniæ obtinendæ, potius peccat contra præceptum pœnitentiæ quàm contra præceptum spei, quia hic tantum differt conuersionem suam. *ibid. num.6.*

3. Præceptum spei negatiuum obligat semper & ad semper, affirmatiuum verò quando insurgunt tentationes contra spem cum periculo desperationis. *tom.2.f.233.n.2.*

4. Is cui fieret reuelatio damnationis suæ, non videtur posse vel debere amplius sperare, imò potest desperare sine mortali peccato, modò tamen negatio futuræ beatitudinis non reducat in defectum omnipotentiae vel misericordiae Dei. Ratio est, quia impossibile est sperare id quod non est possibile, videlicet assecutionem beatitudinis supposita reuelatione damnationis. *ibid. num.4.*

5. Actus desperationis potest aliquando subsistere sine peccato hæresis, v.g. si quis dicat nihil iudicando contra fidem, *Deus non me saluabit, vel nunquam bene agam.* *ibid. num.5.*

Sponsalia, Sponsus.

Vide v. *Matrimonium*.

1. Sponsalia sunt mutua promissio futuri matrimonij, v.g. quando vterque sponsus dixit, Ducam vel accipiam te in coniugem; vel promitto tibi matrimonium, censentur celebrasse sponsalia, eo quod adsit mutua promissio. *tom. I. fol. 337. num. I.*

2. Ad validitatem sponsaliorum tres requiruntur communiter conditiones, vt promissio sit voluntaria; sit mutua & accepta, & aliquo signo externo sufficienter manifestata. *ibid. num. 2.* Vnde,

3. In sponsalibus non sufficit propositum, sed requiritur promissio, & quidem deliberata: cum enim obligent sub mortali, requiritur deliberatio sufficiens. *tom. I. fol. 338. n. 4.*

4. Sponsalia non obligant, quando promittens ignorabat obligationem sequi ex promissione. Imò non tenetur ducere, si sciebat obligationem sequi ex promissione, sed ipse promittens expresse noluit obligari. *ibid. n. 5.*

5. Expressa voluntas se obligandi non semper requiritur in sponsalibus, sed sufficit tacita & implicita. *ibid.*

6. Promissio regulariter non obligat antequam acceptetur: habet enim hanc tacitam conditionem, *si alter acceptauerit*. Potest quis se obligare independenter ab alterius repromissione. *ibid. num. 6. & 8.*

7. Promissio in sponsalibus debet exterius manifestari; nam promissio fit homini, qui non potest

rest obligationem acquirere, nisi signo aliquo externo sibi manifestetur, & quidem sufficienter; siue hoc signum sit verbum, aut factum, aut nuntus, siue aliquid illi æquiualens. Taciturnitas, per se loquendo, non habetur pro expressione consensus; nisi fortè alicubi constet ex consuetudine, vel lege, taciturnitatem accipi pro expressione consensus. *ibid. num. 9. & seq.*

8. Consensus non sufficienter videtur exprimi per hæc verba: *Non ducam aliam præter te*, cum hæc verba faciant sensum conditionatum. *tom. 1. fol. 339. n. 13.*

9. Quando verba in sponsalibus habent duplicem sensum, explicanda sunt in foro conscientiae iuxta intentionem secundum quam proferuntur. Quod si dubitentur an adfuerit animus se obligandi, indicandum est quod adfuerit: quia nemo præsumitur dicere, quod in corde non habet. *ibid. num. 14. & 15.*

10. Matrimonium, vel sponsalia valida sunt, quando verba significant consensum de futuro, & sponsi adhibent illa ad significandum consensum de præsentis, & è contra: non sunt tamen valida, quando ab altero contrahentium accipiuntur iuxta communem significationem. Quod si verba dubia sint, & non constet de intentione proferentium, contrahentes compellendi sunt ad seruanda verba in eo sensu, quem rectè intelligentes solent communiter ex iis verbis percipere; aut standum est iudicio fori externi, modò non innitatur falsæ præsumptioni. *ibid. n. 16. & fol. 340. num. 17.*

11. Hæc verba, *habebo te in uxorem*, in foro externo explicanda sunt pro sponsalibus: in foro verò interno standum intentioni contrahentium.

G g 5

Illu

Illà verò verba, *ex hoc tempore*, vel *semper*, vel *deinceps*, vel *omnibus diebus vitæ meæ habebō te in uxorem*, explicanda sunt pro matrimonio de præfenti. *ibid. num. 18.*

12. Ex veris sponsalibus oritur obligatio sub mortali ad ipsa adimplenda, & sponsalia voluntariè & scienter celebrata à nobili vel diuite, cum ignobili vel paupere obligant. *ibid. num. 1. & 2.*

13. Ficta promissio est ea quæ fit sine animo promittendi, aut cum animo non se obligandi. quod si facta sit cum iuramento, seruanda est quando iuramentum factum fuit animo iurandi & se obligandi. *tom. 1. fol. 341. n. 3. & 4.*

14. Vir non tenetur ducere fœminam quæ simulabat se virginem aut diuitem, eamque decepit ficta promissione extorquendo copulam. Similiter non tenetur ducere fœminam malæ famæ, cum qua sub ficta matrimonij promissione copulam habuit. Item vir qui fictè promisit, extorquendo copulam, non tenetur ducere fœminam quæ est notabiliter impar nobilitate aut diuitiis, si mulier sciebat disparitatem & inæqualitatem. Idem dic quando ambo sunt parès genere; sed notabiliter impares diuitiis. Imò adhuc non tenetur vir eam ducere quam decepit, etiã si fœmina ignorabat inæqualitatem status: damnum enim amissæ virginittatis non tanti æstimatur; nec conferendum est cum damno, quod pateretur vir longè superioris conditionis ducendo fœminam multò inferiorem. *ibid. num. 5.*

& seq.

15. Ad nihil tenetur vir qui vult ducere fœminam cui fictè promisit, sed parentes aut ipsa recusât: nam per virum non stat, ne promissio adimpleatur. *tom. 1. fol. 342. num. 10.*

16. Fœmi

16. Fœmina vt plurimum non tenetur ducere virum, à quo extorsit copulam ficta promissione matrimonij. *ibid.n.11.*

17. Qui dubitat an promiserit, vel an verba contineant promissionem, non tenetur stare sponsalibus, si dubium adhuc perseverat post factam diligentiam ad cognoscendam veritatem. *ibid.num.12.*

18. Qui promisit seu sponsalia contraxit, tenetur stare promissioni seu sponsalibus, quando dubitat vtrum promiserit animo se obligandi. Ratio est, quia actus præsumitur factus secundum suam naturam, nec vllus præsumitur dicere quod non habet in mente. *ibid.n.13.*

Sponsalia incerta.

19. Sponsalia incerta non sunt propriè & perfectè sponsalia. Nomine *incertorum sponsalium*, intellige ea quæ fiunt cum persona incerta & indeterminata, seu quæ fiunt cum pluribus sub disjunctione, vt quando Caius promittit tribus vel quatuor filiabus Titij se vnam illarum ducturum; & ipse similiter repromittunt. *tom.1. fol.343. num.1. & 2.*

20. Sponsalia incerta redduntur certa & perfecta per determinationem & electionem promissoris, qua posita, statim inducitur impedimentum publicæ honestatis post Concil. Trid. *sess.24.c.1. ibid.num.3.*

21. Ex sponsalibus incertis confurgit obligatio adimplendi sponsalia, potestque aliquis compelli ad seruandam promissionem. Verum si vna ex illis quibus promisit, renuat, promissor non tenetur aliam ducere. *ibid.n.4.*

708 *Sponsalia, Sponsus.*

22. Pater qui promisit Caio vnam ex quatuor filiabus suis, non tenetur aliam tradere, si interim Caius copulam habeat cum vna earum: est enim impedimentum affinitatis cum reliquis.

Neque pater qui Caio promisit vnam ex quatuor filiabus suis, tenetur alteram tradere, si Caius vnam à patre electam & oblatam respuat. *ibid. num. 5. & 6.*

23. Ætas septem annorum requiritur tam in masculo quàm in fœmina, ad celebranda sponsalia; & celebrata ante septennium, sunt inualida, tam in foro externo quàm interno, nisi adsit sufficiens vsus rationis, & malitia suppleat ætatem. Imò sponsalia contracta, etiam post septennium, quando vterque sponsus, vel alter illorum nondum attigit vsus rationis, sunt inualida. *ibid. n. 1. & 2. item fol. 344. n. 3. & 5.*

24. Contrahentes sponsalia ante septennium, peccant mortaliter; similiter impuberes contrahendo matrimonium ante pubertatem malitia non supplente ætatem. *ibid. num. 6. & 7.*

25. Parentes, aut alij; v.g. tutores, consanguinei, &c. possunt contrahere sponsalia pro filiis qui nondum peruenerunt ad septennium: regulariter tamen non tenentur filij stare sponsalibus pro se contractis à parentibus, vel tutoribus, &c. nec vllatenus ad standum compellendi sunt. *ibid. num. 8. & fol. 345. n. 9.*

26. Ad validitatem matrimonij requiritur in masculo, vt annus moraliter sit completus: censetur autem completus, quando duo vel tres dies deficiunt: in fœmina verò 12. anni sufficiunt; quia potentia generandi citius reperitur in fœminis quàm in viris. In casu necessitatis Episcopus dispensare potest circa ætatem. *ibid. n. 10. & seq.*

Sponsa

Sponsalium rescissio.

27. Obligatio in sponsalibus contracta cessat his de causis:

Ob ingressum in religionem, ob votum simplex castitatis, aut sacrorum ordinum: ob aetatem, aut lapsum termini, aut discessum in longinquum: ob dolum, metum, aut matrimonium subsequens cum alia celebratum, aut impedimentum dirimens matrimonium: ob fornicationem superuenientem: ob mutuum consensum; denique ob conditionem non adimpletam. *tom. I. fol. 346. num. 1.*

28. Sponsus ingrediens religionem non tenetur postea ducere sponsam si egrediatur: nam obligatio sponsaliorum extincta fuit, nec postea reuiuiscit. *ibid. num. 3.*

29. Qui contraxit sponsalia cum iuramento, potest ingredi religionem ante contractum matrimonium, nisi aliud obstat; v.g. copula habitata: ingressus enim religionis in hoc casu est illicitus, cum fiat cum iniuria alterius; nec refert quod vouerit ingredi post copulam habitam. *ibid. num. 4. & 5.*

30. Votum religionis factum à sponso postquam à sponsa copulam extorsit, obligat, etiam post dissoluta sponsalitia aut matrimonium, mortua uxore. *tom. I. fol. 347. num. 6.*

31. Qui facto voto religionis vel castitatis virginem deflorauit, tenetur potius cū ea matrimonium contrahere (si illa votum ignorabat) quam votum adimplere. *ibid. n. 7.*

32. Secunda sponsalia seruanda sunt, quando habita est copula cum secunda sponsa, si illa gra-

ue

ue damnum subiret, prior verò non item. *ibid.*
num. 8.

33. Habens votum simplex castitatis vel religionis, peccat mortaliter contrahendo matrimonium animo ingrediendi religionem, antequam matrimonium consummet. *tom. I. fol. 348. n. 11.*

34. Potest quis vouere castitatem, animo dissoluendi sponsalia, utitur enim iure suo, & meliorem vitæ statum eligit. Item qui factis sponsalibus vouit castitatem, sed postea voti dispensationem obtinuit, non tenetur stare sponsalibus, cum iam fuerint extincta, nec amplius reuiuiscant. His adde secunda sponsalia inualida seruanda non esse, si priora valida dissoluantur. *ibid.*
num. 14. 16. & 17.

35. Sponsus qui post celebrata sponsalia cum vna, contrahit matrimonium cum alia, non tenetur mortua vxore ducere priorem sponsam. *ibid.*
num. 18.

36. Sponsalia rescindi possunt, si vnus ex sponsis voueat castitatem, saluo iure alterius. *tom. I. fol. 349. num. 19.*

37. Qui vouit sacros ordines, non tenetur seruare castitatem antequam illos suscipiat, alioqui à pari vouens ingredi religionem, teneretur ad ieiunia & ad alia onera religionis antequam ingrediatur. *ibid. n. 21.*

38. Ille qui erat pubes tempore sponsaliorum, non potest ratione ætatis præcisè rescilire à sponsalibus, etiamsi impubes consentiat: secus dicendum de impubere. Sponsalia dissoluuntur quando impubes ante pubertatem dissensit, non verò acquisita pubertate. *ibid. n. 2. & 3.*

39. Sponsalia impuberum cum iuramento celebrata dissolui non possunt, ratione ætatis præcisè

cisè acquisita pubertate. Reclamatio & contradictio ad dissoluenda sponsalia fieri debet apud Episcopum, vel eius Vicarium, aut personas honestas. *tom. 1. fol. 350. num. 4. & 5.*

40. Sponsalia possunt dissolui per moram & dilationem alterius, quando nullus terminus fuit præfixus ad perficienda sponsalia. Sponsalia quamvis facta sint cum iuramento, dissolui possunt per discessum alterius sponsi in longinquum absque licentia alterius. *ibid. num. 7. & fol. 351. num. 8.*

41. Dissoluto matrimonio per mortem coniugis, adimplenda sunt priora sponsalia iurata; & hoc ratione iuramenti facti. *ibid. num. 3.*

42. Priora sponsalia non dirimuntur per posteriora, sicut dirimuntur per matrimonium, quia nullus obligari potest ad id, quod sine peccato præstare non potest. *tom. 1. fol. 352. n. 4.*

43. Sponsalia etiam iurata dissoluntur per impedimentum dirimens matrimonium; quale impedimentum est error personæ, affinitas superueniens, &c. & etiam fama publica de impedimento, aut scandalum. *ibid. num. 5. & 6.*

44. Sponsus qui post celebrata sponsalia contrahit impedimentum, tenetur illius dispensationem impetrare, quando id commodè potest. *ibid. num. 9.*

45. Valida sunt & conditionalia sponsalia contracta sub conditione: *Si Papa dispensauerit in impedimento.* Item & sponsalia clandestina valida sunt: neque illa contrahentes, peccant mortaliter. *ibid. n. 10. & fol. 353. n. 12. & 13.*

46. Sponsus potest resilire à sponsalibus, non solum si fœmina fornicetur, sed etiam si permittat se ab alio impudicè tangi, ut per amplexus,
oscu

712 *Sponsalia, Sponsus.*

oscula, &c. Idem dic, etiamsi fornicatio est involuntaria, & per vim cognita fuerit. *ibid.num. 1. & seq.*

47. Quando uterque sponsus fornicationem commisit, neuter potest à sponsalibus resilire. *tom. 1. fol. 354. num. 6.*

Sicut sponsalia dissolui possunt ob fornicationem corporalem, ita etiam ob spirituales; ut ob hæresim, vel apostasiam. *ibid. n. 7.*

48. Rescindi possunt sponsalia, quoties notabilis mutatio superuenit: qualis est morbus lepræ superueniens, paralytis, morbus Gallicus, amissio oculorum, nasi, notabilis deformitas, fœtor oris valde magnus, paupertas notabilis, crimen aliquod turpe, scruitia sponsi, aduentus grauis & capitalis inimicitiae inter sponsores; si quæ putabatur virgo aut diues, est deflorata & pauper. Imò possunt adhuc rescindi, quando post sponsalia incipit cognosci aliqua causa, qua cognita non fuissent celebrata. Secus dicendum si qui vult resilire, ea causa cognita, adhuc sponsalia celebrasset. *ibid. num. 8. & seq.*

49. Non tenetur stare sponsalibus qui dubitat an tempore celebrationis sponsaliorum haberet voluntatem promittendi, si cognouisset aliquod vitium; hæc enim est notabilis mutatio, maximè si vitium est graue. *tom. 1. fol. 355. num. 20. & 21.*

50. Valida sunt sponsalia per dolum tantummodo incidentem celebrata, si sponsus cognito dolo adhuc illa celebrasset. *tom. 1. fol. 356. num. 3.*

51. Sponsalia celebrata per metum leuem incussum ad illa extorquenda, dissolui possunt in foro conscientiae: in iure tamen non habetur ratio metus leuis. *ibid. n. 6.*

52. Ut

52. Vt sponsalia mutuo consensu dissoluantur, remissio vtriusque debet esse libera; est enim veluti quædam donatio: quare si alter ex metu incusso remittat obligationem, sponsalia non dissoluantur. *tom. 1. fol. 357. num. 1. & seqq.*

53. Sponsalia dissoluantur, quando non adimplentur conditiones sub quibus celebrata fuerunt. Quando sponsalia cum iuramento celebrata dissoluantur, si natura rei spectetur, non est opus iudicis auctoritate aut relaxatione sacramenti: sed rescindi possunt auctoritate propria, si causa dissolutionis est publica: si sponsalia sunt publica, vel si causa est occulta, & simul etiam sponsalia occulta. Non poterunt tamen propria auctoritate rescindi, quando dubitatur an adsit iusta causa. Imò, etiam si adsit iusta causa, dissolui non poterunt, si sponsus postea carnaliter cognoscat sponsam. Ad dirimenda sponsalia in foro conscientie sufficit dictum vnius testis. *ibid. n. 4. & seq.*

54. Habens copulam cum sponsa alterius, retur hanc circumstantiam in confessione explicare, ratione iniurie sponso illatæ. *tom. 1. fol. 358. num. 13.*

55. In sponsalibus apponi non potest pœna soluenda ab eo qui fregerit fidem sponsaliorum, etiam si cum iuramento apposita sit sponsalibus; peccantque mortaliter qui apponunt pœnas in sponsalibus; nam faciunt contra libertatem matrimonij. Qui tamen reciperet pœnam in sponsalibus appositam, non teneretur ad restitutionem illius ante sententiam iudicis, & inualida esset promissio illius qui diceret: *Promitto tibi sub tali pœna me non contracturum matrimonium cum Titio.* *ibid. n. 1. & fol. 359. n. 2. & seq.*

56. Inter

56. Interesse damni emergentis peti potest ab eo qui dissoluit sponsalia, ratione iniustitiæ commissæ ab iniuste violante fidem sponsaliorum. *ibid. num. 6.*

Stuprum, Stuprator.

1. Stuprum strictè acceptum est concubitus viri cum virgine fœmina, quo virginalis carnis integritas violatur, siue puella consentiat, siue sit inuita. Hoc peccatum habet malitiam specie distinctam à fornicatione necessario explicandam in confessione (quamquam in hac propositione diuisi sint Doctores;) propterea in confessione explicanda est circumstantia virginittatis fœminæ. *tom. 1. fol. 471. num. 1. & 2. item fol. 472. n. 3.*

2. Puella corrupta per actus interiores, vt per delectationes venereas, aut per voluntariam pollutionem potest velari & sacrari; secus dicendum si per copulam corrupta fuit, dummodo per vim oppressa non fuerit; nam tunc adhuc velari potest si copula occulta fuit. Quod si puella occultè carnaliter cognita veletur, tenetur postquam fuit velata abstinere ab officiis virginum, si commodè potest absque scândalo & infamia. In aliquibus locis vsu receptum est, vt dispensatio petatur, quæ consuetudo tenenda est vbi viget. *ibid. n. 4. & seqq.*

3. Qui per vim aut fraudem, aut metum, aut mendacia copulam à puella extorsit absque promissione matrimonij, tenetur illam ducere in matrimonium, vel commodè dotare, vel curare, vt æquè bene nubat, ac si virgo esset. *ibid. num. 7.*

4. Stuprator non tenetur ad restitutionem, quando

quando fœmina per vim vel fraudem deflorata æquè bene nupsit, ac si non fuisset deflorata, eo quod stuprum fuerit occultum; secus dicendum quando violator cognouit fœminam per vim vel fraudem, quæ aliàs fuerat quidem cognita ab alio, sed publicè habebatur virgo, & illa ratione istius infamiæ non potest ita commodè nubere.

tom. 1. fol. 473. num. 8. & 9.

5. Stuprator non tenetur ad restitutionem faciendam puellæ vel parentibus, quando puella condonauit stupratori obligationem restituendi, quia puella potest cedere iuri suo. *ibid. num. 10.*

6. Qui vi ita sollicitauit puellam ad copulam, vt ob id fuerit illi causa infamiæ, tenetur vel ducere vel dotare, ita vt æquè bene nubat, ac si sollicitata non fuisset. *ibid. n. 11.*

7. Quando puella vi corrupta aut eius parentes nolunt eam tradere stupratori, stuprator tenetur eam honestè dotare, liberum est enim puellæ accipere eum in coniugem, aut dotem. *ibid. n. 12.*

8. Qui copulam extorsit precibus, muneribus & blanditiis, non tenetur ad restitutionem puellæ aut patri, modò nulla adfuerit vis aut coactio. *ibid. n. 13.*

9. Filius non peccat, per se loquendo, non obediendo patri in iis quæ pertinent ad vitæ statum, vt in materia religionis, aut matrimonij; per accidens tamen posset etiam in his peccare filius non obediendo patri, v.g. si contrahat cum aliqua indigna, &c. & valde consentaneum est honestati vt filij non ineant matrimonium absque patris consilio, nisi fortè habeant iustam causam aliter contrahendi. *tom. 1. fol. 474. n. 18. 24. & 25.*

10. Vali

10. Valida sunt matrimonia quæ sunt inuitis & insciis parentibus ; nam filij in hac materia sunt sui iuris , Ecclesia tamen prohibuit ita celebrari. *ibid.n.23.*

11. Prælarus potest impedire matrimonium contrahendum à filiofamilias cum aliqua indigna , quando ex eius celebratione præuidet graue scandalum , ac rixas inter parentes. *tom.1. fol.475.num.27.*

Superstitio.

Vide v. *Decalogus , Diuinitio, Idololatria, Obseruatio vana.*

1. Est falsa religio, id est, cultus vitiosus , quo vel colitur creatura cultu diuino , vel Deus modo indebito. Superstitio contingit vel ratione rei cultæ , quatenus creatura colitur cultu Dei , vel ratione modi indebiti colendi Deum , quatenus Deus colitur modo indebito ; falso scilicet cultu, v.g. Iudæorum , vel superfluo vt præter Ecclesiæ vsum ; vnde cantans in diuino officio voce aut organo turpia, & vana , si hæc admisceat tanquam diuini officij partem, peccat cultu falso & superfluo. *tom.2. fol.257.num.1. & seq.*

Suspensio.

Vide v. *Censura, Clericus.*

1. Suspendio propriè accepta est censura Ecclesiastica , qua persona Ecclesiastica impeditur, ne functiones exerceat sui beneficij , vel officij , vel ordinis in totum , vel in partem , in perpetuum vel ad tempus. Multiplex est suspensio. Alia est ab

ab officio in totum, vel in partem: alia est pœnalis, alia medicinalis: alia est temporalis, alia perpetua: alia est à iure, alia ab homine. *tom. 1. fol. 608. num. 1. & 2.*

2. Iudex vel Episcopus qui tulit censuram suspensionis, vel interdicti, potest ex iusta causa illam suspendere ad tempus, & concedere celebranti vt tunc temporis non incurrat irregularitatem, quia censura non ligat vltra intentionem iudicis. *ibid. n. 4.*

3. Suspendio lata absolutè absque limitatione expressa vel tacita, suspendit absolutè ab omnibus, id est, ab officio & beneficio: lata verò cum expressione alicuius effectus particularis extenditur ad illum effectum, & ad ea quæ sunt illi adnexa, & non ad alia. Quare suspensus ab ordine, non est eo ipso suspensus à iurisdictione, vel beneficio, quia ordo non est necessariò adnexus iurisdictioni aut beneficio. *tom. 1. fol. 609. num. 1. 2.*

& 4.

4. Suspensus ab ordine inferiori censetur suspensus à superiori, nisi suspensio expressis verbis restringatur ad inferiorem: & suspensus ab ordine absque alia moderatione, intelligitur suspensus à quolibet ordine, sicut suspensus absolutè ab officio nulla addita limitatione, intelligitur suspensus ab officio non tantum ordinis, sed etiam iurisdictionis: suspensus tamen simpliciter ab officio, non intelligitur suspensus à beneficio, seu fructibus beneficij. *tom. 1. fol. 610. num. 7. & seq.*

5. Collatio beneficij facta suspenso ab officio, est inualida. *ibid. num. 11.*

6. Suspensus à beneficio, intelligitur suspensus tantum à fructibus beneficij, seu à iure ad fructus: hinc fit vt suspensus à beneficio, teneatur adhuc

adhuc perfoluere onera beneficij. *ibid.num.12.*

fol.611.num.13.

7. Fructus beneficij pro tempore quo aliquis permanet suspensus à beneficio, conuertendi sunt in vtilitatem Ecclesiæ, (detractis iis qui traduntur substituto ad inseruiendum,) distributiones verò pro eo tempore quo clericus eas non lucratur, tradendæ sunt aliis clericis, qui interfunt diuinis officiis. *ibid.n.14.*

8. Suspensus ab officio non potest sacramenta administrare: sicut & suspensus ab officiis diuinis non potest ea ex officio perfoluere. *ibid.n.15.*

fol.16.

9. Iniuste suspensus ab officio, distributiones potest recipere, saltem si ante suspensionem consueuerat frequentare chorum. *ibid.n.17.*

10. Suspensio absolutè prolata absque conditione, vel limitatione temporis, durat donèc auferatur per absolutionem: lata verò cum temporis determinatione durat intra tempus determinatum, & eo tempore elapso cessat. *tom.1.fol.612.num.1. fol.2.*

11. Qui contraxit suspensionem per annum, seruare debet suspensionem tot diebus quot durat annus, nempe 365. diebus, incipiendo ab eo die in quo contracta est, vsque ad eundem diem sequentis anni, vel mensis, si lata sit per mensem. *ibid.num.3. fol.4.*

12. Suspensus ab officio ab aliquo Superiore est vbique suspensus, consequenter non potest alibi exercere officium, modò suspensio lata sit absque loci determinatione: & suspensus peccat mortaliter ex suo genere exercendo actum à quo est suspensus, nisi aliunde excusetur. *tom.1.fol.613.num.1. fol.7.*

13. Coope

13. Cooperans & communicans cum suspensio tolerato, seu nondum denunciato in iis actibus iurisdictionis & officij, à quibus est suspensus, non peccat mortaliter; propterea petens sacramentum à Sacerdote suspensio ab officio, sed nondum denunciato, non peccat. *ibid. num. 3.*

¶ 4.

14. Suspensio ex delicto fit irregularis, violando suspensionem per exercitium solemne maioris ordinis, à quo est suspensus. Nec refert quod suspensio lata sit cum restrictione ad determinatum tempus: propterea suspensus ab ordine, efficitur irregularis benedicendo aquam, iuxta solemnitatem Ecclesiæ. *tom. 1. fol. 614. n. 5.*

¶ 6.

15. Acta per suspensum qui non est nominatim denunciatus, valida sunt: secus dicendum de actis nominatim denunciati, nisi adsit titulus coloratus, & error communis vulgi. *ibid. num. 7.*

Suspensio contra clericos.

16. Suspenduntur hi: clericus aut religiosus recipiens sacros ordines ficto patrimonio, vel beneficio, aut faciens pactum cum Episcopo ordinante vel præsentante non petendi victum, alimenta aut provisionem. Recipiens ordines extra constituta tempora, vel ante legitimam ætatem, vel sine litteris dimissoriis (non comprehendit tamen recipiens ordines non servatis interstitiis.) *tom. 1. fol. 615. num. 1. & fol. 616. num. 2.*

¶ 3.

17. Recipiens duos ordines sacros eodem die, aut minores ordines cum Subdiaconatu, vel duos ordi

ordines sacros duobus diebus continuis sine dispensatione. Recipiens sacros ordines cum litteris dimissoriis à capitulo receptis, vacante Episcopatu, nec occasione beneficij accepti recipiendive arctatus : Recipiens ordinem per saltum: Recipiens ordines ab Episcopo excommunicato, aut interdicto denunciato, seu vitando, vel à simoniacò per sententiam declarato : Recipiens ordines ab Episcopo qui Episcopatu renuntiavit, hoc est, iurisdictioni & officio Episcopi : Recipiens ordinem scienter per simoniam, aut in excommunicatione (non tamen recipiens primam tonsuram vel Episcopatum in excommunicatione est suspensus, cum non sit ordo :) Recipiens ordines furtivè, aut post matrimonium contractum etiam non consummatum, nisi cum bona fides excuset : item celebrans Missam nec in ea communicans ; celebrantes vel celebrare facientes in locis interdictis à iure vel ab homine : Præsumens sine graui causa Missam incompletam omittere : Clerici, etiam exempti, aut religiosi admittentes ad sacramenta, &c. publicè excommunicatos denunciatos, vel interdictos : Admittentes manifestos vsurarios ad communionem altaris, ad Ecclesiasticam sepulturam, &c. Sacerdos tam regularis quàm secularis coniungens in matrimonium, vel benedicens subditos alterius parœciæ sine licentia : Beneficiarius publicè & absque rationabili causa partita, vel virgata veste vtens ; hic enim suspensus est per sex menses à recipiendis fructibus beneficiorum. *ibid. num. 4. & seq.* Item

18. Clericus præsumens commissas sibi Ecclesias alienis debitis grauare, aut litteras, vel sigilla alteri concedere quibus possit obligari, suspenditur

ditur ab administratione temporalium & spiritualium : præterea occupantes bona Cathedralis, regularis, aut collegiatæ Ecclesiæ, spectantia ad Prælatum defunctum, vel ad Sedem, vel ad successorem, Episcopatu vacante : Compromissarius eligens indignum in Episcopum, superiorémve dignitatem : Eligentes indignos ad Episcopatum, vel ad beneficia inferiora animarum curam habentia : Impugnantes alicuius electionem, vel postulationem, & postea in probatione deficientes, id est, obiiicientes id quod postea probare non possunt. *tom. 1. fol. 619. n. 23. & seq.*

19. Episcoporum electores infra octo dies postquam commodè potuerint præsentationem electo culpabiliter præsentare, negligentes, à beneficiis suspenduntur. Item præsumentes ad Ecclesiasticam præbendam aliquem eligere sæcularis potestatis abusu, seu interuentu & auctoritate Principis sæcularis nullum ius habentis circa eiusmodi electionem. Similiter conferentes, vel recipientes illorum beneficia, qui pro suis negotiis Romanam Curiam adierunt, aut aliqua negotia in ea exercent : Conseruatoris munus exercentes, qui se scienter de aliis intromittunt, quam de manifestis iniuriis, aut de iis quæ iudicalem indaginem non requirunt : Iudex Ecclesiasticus non Episcopus faciens iniuriam contra iustitiam & conscientiam parti litiganti. *ibid. num. 28. & seq.*

21. Iudex excommunicationis sententiam sine scriptis, aut sine causæ expressione ferens, vel requisitus scripturæ copiam intra mensem non tradens, ab ingressu Ecclesiæ suspenditur. Eadem censura ligatur ferens censuram excommunicationis sine monitione & testibus. *ibid. n. 33. & 34.*

22. Visitatores Episcopis inferiores pecuniam vel munera in visitatione recipientes suspenduntur. *ibid. n. 35.* Item

23. Præsumentes in populari concione in alterutram partem de conceptione B. Mariæ Virginis disputare, aut de hac ipsa quæstione, sub quouis prætextu vulgari lingua scribere, &c. aut in publicis concionibus, lectionibus, conclusionibus, &c. asserere audentes beatissimam Virginem cum originali conceptam fuisse, suspenduntur. Gregorius X V. per Bullam quæ incipit, *Sanctissimus D. N. post longam*, non solum de præfata quæstione in actibus publicis agere, verum etiam priuatim quidquam in contrarium asserere prohibuit. *ibid. n. 36. & fol. 620. n. 37.*

24. Iurantes sponte de tenendo schismate, suspensione quoque ligantur. *ibid. num. 38.* Sicuti &

25. Notorius ac publicus concubinarius; item publicus peccator, vel Sodomita iure antiquo totalem suspensionem incurrerant; non tamen est expressum in iure nouo. *tom. 1. fol. 621. num. 37.*

Suspensio contra Episcopos.

26. Suspenduntur Episcopi, Abbates, & Prælati religionum à Sede Apostolica promoti, sine litteris authenticis eiusdem Sedis suarum Ecclesiarum administrationem recipientes. *tom. 1. fol. 621. num. 1.*

27. Episcopus aut alius Episcopo superior qui ab excommunicatis, suspensis, &c. consecrationem accipit, suspensus remanet. Item Episcopus *Extravag. 2. de elect.* Ioannis XXII. quoad fructuum

Etuum perceptionem primi vel secundi anni sui
Episcopatus, non seruans. *tom.1.fol.622.num.2.*

& 3.

28. Conferens ordines vel tonsuram extraneo
sine licentia sui Episcopi, suspensionem incurrit;
& hoc valet etiam in minoribus respectu ordina-
ti. *ibid.num.4.* Præterea hi omnes suspensionem
incurrunt: videlicet

29. Ordinans in aliena diocesi absque expref-
sa licentia ordinarij, vel de licentia, personas non
subditas: Ordinans religiosum non professum,
seu qui votum solum temporale fecit: Ordinans
Monachum sine licentia Abbatis, aut bigamum,
vel eum qui facit poenitentiam publicam: Ordina-
ns iniuste inuitum, vel Sacerdotem indignum:
Conferens tonsuram illiterato, id est, nescienti
legere & scribere, vel infanti qui nondum com-
pleuit septennium: Conferens duos ordines sa-
cros eodem die, vel duobus diebus immediatis:
Conferens Sacerdotium indigno, aut ab illo or-
dine suspenso: Conferens simoniace ordines, vel
cum pacto, vt ordinatus non petat alimenta:
Confirmans & consecrans iam electum in Epi-
scopum, postquam ad Sedem Apostolicam fuit
appellatum: Episcopus qui debitam diligen-
tiam non adhibet circa electum ad curam ani-
marum: Episcopus aut alius beneficiorum col-
lator beneficij resignationem contra præscri-
ptum Bullæ Pij V. admittens: Episcopus acci-
piens aliquid in visitatione, in pecunia, &c. ultra
id quod sibi debetur, suspenditur ab ingressu Ec-
clesiæ donec duplum restituat, non obstante qua-
uis remissione: Extenditur etiam ad alios visita-
tores Ecclesiarum, & restringitur ad visitantes
ordinario iure: Extenditur iterum ad religiosos;

præcis ipforum statutis, &c. Episcopus, aut etiam Cardinalis indicem casuum, gratiarum & indulgentiarum certo soluto pretio proponens: Episcopus, Commissarius, vel Delegatus, &c. qui per gratiam, timorem, aut sordes in detrimentum Ecclesiæ sibi commissa potestate utuntur: Episcopi abutentes officio Inquisitorum in causis fidei. *ibid. num. 5. & seq.*

30. Episcopi aliique Prælati procurantes ut clerici capiantur à dominis temporalibus, ut beneficia resignent, vel citati ad Apostolicam Sedem accedere nequeant, à fructibus suarum Ecclesiarum suspenduntur. (Extenditur ad Episcopos qui simul sunt domini temporales & Episcopi.) Episcopus relaxans poenam contentam in *cap. pessimam. tom. 1. fol. 623. num. 24. & seqq.* Item

31. Episcopus alienans bona Ecclesiarum, monasteriorum, &c. absque licentia Summi Pontificis, suspensionem incurrit. Idem dic de Abbatibus. Item Episcopus bona Ecclesiarum sibi commissarum sine Capituli consensu, & Sedis Apostolicæ facultate laicis subiiciens, ab officio simpliciter, & ab administratione rerum spiritualium, & temporalium Ecclesiæ grauata suspenditur. *tom. 1. f. 624. num. 27. & 28.*

32. Episcopus ingrediens monasteria monialium sine necessitate, prima vice suspenditur ab ingressu Ecclesiæ, secunda à diuinis, tertia excommunicatur. *ibid. n. 29.*

33. Episcopus Apostolorum limina non visitans singulis tribus annis, secluso legitimo impedimento, suspensionem incurrit: datur tamen longius tempus Gallis, Germanis & remotioribus. *ibid. num. 30. & 31.*

34. Episco

34. Episcopus permittens vsurarios publicos alienigenas conducere domos in suis terris ad exercendum fœnus, suspenditur. Item & Episcopus qui post Concilium Prouinciale infra sex menses clerum non conuocat; aut qui contra simoniacos procedere negligit. Eadem de causa alij Episcopis inferiores id permittentes, excommunicantur; communitates autem interduntur. *ibid.num.32. & seq.*

*Suspensiones contra Conuentus
& Capitula.*

35. Suspenduntur Capitula Ecclesiæ, vel monasterij, quæ Episcopum aut Prælatum religionis à Sede Apostolica prouisum, sine litteris eiusdem Sedis recipiunt, aut illi obediunt: Capitula & Collegia, quæ Sede Cathedrali, Collegiata vel regulari vacante occupant bona ad Prælatum defunctum, vel ad ipsam Ecclesiam pertinentia: Capitula & Conuentus, qui aliquid directè vel indirectè accipiunt ob receptionem alicuius in religionem aut post illam: Moniales tamen conuentionem de dote facientes nulli pœnæ subiacent. *rom.1.fol.624.num.1. & seq.*
Item

36. Suspenduntur Capitula, singulæve personæ beneficiorum resignationem extra casus & formam Bullæ Pij V. *Quanta Ecclesia*, admittentes. *ibid.num.5.*

Suspensiones contra Religiosos.

37. Suspenduntur Conuentus, & Capitula aliquid in receptione alicuius in religionem peten-

tia: religiosi tamen non incurrunt censuras in clericos simpliciter latas, quia religiosi simpliciter non dicuntur clerici. *rom. 1. fol. 625. num. 1.*

38. Prælati Prædicatorum Minorum mendicantium admittens aliquem ad probationem nondum expleto professionis anno, suspensionem incurrit. *ibid. num. 2.*

39. Item suspenduntur religiosi qui ad sacros ordines nondum professione facta promouentur. *ibid. num. 3.*

40. Suspenditur quoque Apostata sacrum ordinem in apostasia recipiens. Idem militat in eo qui ad aliam religionem inualidè transit, & in ea sacros ordines recipit. *ibid. n. 4.*

41. Religiosi quicumque monasteriis, Prioratibus, Ecclesiis præsidentes, &c. & iura, redditus, vel possessiones eorundem monasteriorum, &c. alicui quouis modo concedentes, &c. pecunia etiam inde recepta, suspenduntur, & inualida est concessio. *ibid. num. 5.*

42. Grauentes seu defraudantes Ecclesias circa decimas eis debitas, easque sine causa, vel privilegio sibi usurpare præsumentes, suspensione ligantur, donec destiterint & satisfecerint. *ibid. num. 6.*

43. Suspenduntur Fratres Ordinis Prædicatorum non reddentes ordini libros, & alia quæ habent dum ad Episcopatum, aliásve Prælaturas promouentur. Prælati quoque religiosorum, ad quos occasione prohibitorum excessuum à suis subditis commissorum aliquid quoquo modo peruenerit: hi autem excessus sunt: retrahere testantem à legatis faciendis Ecclesiis matricibus: retrahere testatorem à debitis restituendis;

&

& procurare ut legata, debita, vel malè ablata, incerta dentur sibi aut aliis singularibus personis ordinis sui in præiudicium aliorum quibus debentur. *tom. 1. fol. 626. num. 7. & seqq.*

44. Prælati religiosorum non satisfaciētes Prælato de damno à suis subditis in concione indiscreta illato, suspensi remanent. Item Confessarii qui requisiti pœnitentibus sibi confitentibus conscientiam de soluendis decimis scienter facere prætermittunt, suspensionem contrahunt. Similiter & Abbates aut alij quicumque licet exempli litteras dimissorias aliis quàm suis regularibus subditis concedentes, suspensioni subiacent. Item concedentes dimissorias vel ordines nouitio nondum expleto probationis anno. *ibid. num. 10. & seq.*

45. Suspenditur monachus niger S. Benedicti, habitu & vestitu, iuxta præscriptam formam, non utens. Iidem monachi aucupationi aut venationi clamorosa ex proposito interessentes, suspensi remanent. *ibid. num. 14. & fol. 627. num. 15.*

46. Fratres Prædicatores Inquisitoris officium à Minoribus Fratribus exercitum perturbare præsumentes, suspensionem incurrunt, & è contra. Item & religiosi coniungentes in matrimonium, vel benedicentes sponso alienæ parœciæ absque Parochi facultate; aut præsumentes introducere mulieres in monasterio. *ibid. num. 16. & seq.*

Absolutio à suspensione.

47. Suspendio lata ad tempus, eo tempore lapsa, cessat absque alia absoluteione: sicut etiam

suspensio lata cum particula, *donec satisfeceris*, exhibita satisfactione. *tom. 1. fol. 627. num. 1.*

48. Non sunt determinata aliqua verba ad absoluendum à suspensione: nec est necessarium in absolutione explicare causam, ob quam contracta est suspensio, petendum est tamen iuramentum in delictis grauibus obediendi Ecclesiæ. *ibid. n. 2. & seqq.*

49. Episcopus potest absolvere suos subditos à suspensione Papæ reseruata vel perpetua, modò proueniat ex delicto occulto, & non deducto ad forum contentiosum. Aduerte tamen suspensionem datam in puram pœnam pro delicto præterito, auferri non posse ab ordinario, aut ab alio inferiore; aufertur enim per dispensationem, quæ non datur ab inferiore eo qui eam tulit. *ibid. num. 3. & fol. 628. n. 6.*

Susurratio.

Vide v. *Detractio, Contumelia.*

1. Susurratio est peccatum linguæ, quo quis manifestat alterius defectum ad seminandas discordias inter amicos; est peccatum mortale ex suo genere contra iustitiam, continens aliquando plures malitias necessario explicandas in confessione, ut quando susurro malum refert ad seminandas discordias inter duos coniuges, ut inde facilius occasionem arripiat adulterandi cum altero. Aliquando etiam susurratio excusari potest à peccato mortali ratione indeliberationis & inaduertentia; vel quando quis manifestat alterius defectum ad dissoluendam perniciosam

ciosam & periculofam amicitiam, v. g. concubinariorum, nullo intercedente mendacio. Ex fuffuratione confurgit obligatio reftituendi, vt per fe patet. *tom. 2. fol. 642. n. 1. & feqq. item fol. 643. num. 1. & feq.*

T.

Tentatio Dei.

TEntatio Dei est actus contra religionem, quo quis absque iusta causa aliquid dicit vel facit ad capiendum experimentum de diuina perfectione, ex. gr. de potentia, de sapientia Dei, &c. ut si imperitus velit absque iusta causa conditionari nulla praeuia meditatione, seu praeparatione sperans sibi à Deo suggerendos conceptus. & hæc tentatio Dei manifestanda est in confessione, exprimendumque an fuerit tacita vel expressa. *tom. 2. fol. 308. n. 1. c. seq.*

2. Committitur autem peccatum tentationis Dei, quando experimentum coniunctum est cum aperto grauis damni periculo, vt quando quis graui laborans infirmitate respuit absque iusta causa medicinas & remedia, sperans à Deo sanitatem; quando periculum est scandali, & quando fit intentione videndi opus aliquod supernaturale, vt quando petitur miraculum ex curiositate. *ibid. n. 5. & seq.*

Testamentum & legatum.

Vide v. *Substitutio*, *Heres.*

1. Testamentum est nostræ voluntatis iusta:

H.h. 5

fer:

730 Testamentum & legatum.

sententia de eo quod quis vult fieri post mortem, cum directa institutione hæredis. Differt testamentum à codicillo, quod in testamento instituitur hæres; in codicillo verò neque instituitur, neque adimitur, nisi alicui concessum sit privilegium instituendi hæredem per codicillum. Præterea in testamento requiruntur septem testes, rogati, masculi & puberes: in codicillo verò sufficiunt quinque, siue rogati, siue non; siue sint masculi, siue fœminæ. *tom. 2. fol. 924. n. 1. & 2.*

2. Duplex est testamentum: vnum in scriptis seu clausum, eo quòd testator latere velit, quod in eo continetur: alterum dicitur, *nuncupatiuum*, eo quòd testator sine scriptura coram testibus declaret, quid fieri velit post mortem, & ob id appellatur testamentum apertum. *tom. 2. fol. 925. num. 9.*

3. Ad testamentum in scriptis requiritur, vt post confectam & clausam scripturam adhibeantur septem testes masculi liberi, vel qui liberi reputentur, puberes & rogati, id est, vocati ad hoc: coram quibus testator vno eodémque tempore indicet illud esse suum testamentum, & illud propria manu subscribat, si nouit & potest subscribere: si verò nescit, vel non potest subscribere, sufficit si per alium scribat. Præterea poni debet dies, mensis, & annus. *ibid. num. 10. & fol. 926. n. 11.*

4. Ad testamentum verò nuncupatiuum requiruntur septem testes masculi, liberi, vel qui liberi reputentur, puberes qui videlicet compleuerint decimum quartum annum, rogati, id est vocati, seu inuitati: & testes debent simul audire & intelligere vocem & voluntatem testatoris, siue scriptam, siue viua voce expressam. *ibid. n. 12.*

5. Quilibet nisi prohibeatur, testari potest, modo

Testamentum & legatum. 731

dò sufficientem rationis vsum habeat, & liberam bonorum administrationem. *Nisi prohibeatur*, quia carens vfu rationis, furiosus qui lucida non habet interualla; surdus simul & mutus à natiuitate prohibentur testari ad causas profanas. Item prohibetur qui non potest articulatè loqui, ita vt nequeat hæredem exprimere; & impubes qui nondum expleuit decimum quartum annum si sit masculus, si verò sit fœmina, duodecimum. Item prohibetur prodigus; cui prohibita est bonorum administratio; & filiusfamilias existens sub patris potestate: præterea illi quibus ob delicta testari interdictum est à iure; quales sunt vsurarij notorij, percussores Cardinalium, & hæretici; damnatus ob libellum famosum; condemnati ad mortem; (quamquam alicubi aliter receptum videtur,) & religiosi qui votum paupertatis emisserunt in approbata religione. *tom. 2. fol. 927. n. 1.*

& seq.

6. Beneficiarius & clericus possunt de bonis patrimonialibus, vel quasi, licitè testari, mortuo patre; sicut etiam possunt de bonis castrensibus vel quasi, viuente patre; sunt enim domini istorum bonorum. Imò beneficiarius, de bonis necessariis ad congruam sui sustentationem, quæ parcè viuendo subtraxit suæ congruæ sustentationi potest testari, etiam ad causas profanas; cum possit de illis bonis disponere prout vult. *tom. 2. fol. 930. num. 5.*

7. Omnes non solùm priuati, verùm etiam communitates possunt institui hæredes & legatariae, modò non sint incapaces hæreditatis, (vt sunt Fratres Minores de Obseruantia & Capucini S. Francisci,) & à iure non impediuntur, sicut impenduntur ciuitates hostium; & ij qui sunt inte-

H h 6

stabiles

732 Testamentum & legatum.

Instabiles actiue propter delictum, id est, qui non possunt testari ob aliquod crimen; quales sunt, qui persequuntur, & percutiunt vel capiunt Cardinales. Adde filium spurium non legitimatum non posse institui hæredem à patre, nec illi posse aliquid relinqui præter alimenta: neque pater potest aliquem instituere in hæredem, rogando illum ut hæreditatem restituat filio spurio; hæc enim conditio apposita, est turpis; & consequenter hæredem tali conditione institutum non obligat. Sicut autem spurij non possunt succedere parentibus, ita parentes, aliique ascendentes nequeunt succedere filiis spuris; est enim par ratio. At fratres spurij aut naturales vterini sibi inuicem succedunt; secus dicendum si non sint vterini, quamuis legitimati sint, & geniti ab eodem patre. *rom. 2. f. 931. n. 1. & fol. 932. n. 5. item fol. 935. n. 12. & fol. 937. n. 15. 17. & 18.*

8. Filius potestne à patre priuari hæreditate? Non potest, nisi iusta concurrente causa, scilicet ingratitude, ut si patrem gravi iniuria affecerit, aut se maleficis immiscuerit, &c. *ibid. n. 19.*

9. Filia non potest exhæredari, eo quòd matrimonium contraxerit inuito patre, vel cum indigno; cum hoc videatur repugnare libertati matrimonij; secus si turpem vitam agat. *ibid. n. 20.*

10. Quæres, quænam succedant ab intestato? Succedunt filij, parentes, fratres, & sorores; ita ut deficientibus descendantibus succedant parentes; & deficientibus ascendentibus & descendantibus, fratribus, & eorum filiis, succedunt propinquiore per capita usque ad decimum gradum inclusiue. *rom. 2. fol. 938. n. 23.*

11. Occidens aliquem, ut ei succedat, potestne succedere? Potest, donec per iudicem condemnetur:

tur:

Testamentum & legatum. 733

tur : hoc tamen non videtur procedere in eo, qui occidit uxorem, aut eam sua culpa permittit perire. Limita tamen hanc doctrinam in viro occidente uxorem in flagranti delicto adulterij deprehensam ; quam impunè per leges occidit. *ibid. num. 24.*

Substitutio.

1. Substitutio est vocatio vnius aut plurium ad hæreditatem in locum alterius vel aliorum.
- Sex modis potest quis alteri substitui : substitutione vulgari, pupillari, exemplari, fideicommissaria, reciproca, & compendiosa, seu breuiloqua. *tom. 2. fol. 939. num. 1. & 2.*
2. Substitutio vulgaris est substitutio directa & simplex, qua quis absque peculiari priuilegio aliquem substituit. Hæc substitutio fit sub conditione, vt si ille qui fuit institutus hæres, vel qui succedere debet ab intestato, nolit, aut non possit esse hæres, succedat substitutus. *ibid. n. 3.*
3. Substitutio pupillaris est illa, qua quis proli impuberi in sua potestate constitutæ substituit aliquem ; vt si pater dicat, *si filius meus infra pupillarem ætatem, id est ante decimum quartum annum decedat, substituo Titium* ; quo casu decedente filio infra ætatem pupillarem, ei succedit Titius. *ibid. num. 4.*
4. Substitutio exemplaris, ea est, qua quis filio amenti, vel prodigo, vel alia ratione prohibito testari, substituitur. *ibid. n. 5.*
5. Substitutio fideicommissaria, ea est, per quam hæres ab intestato, vel testamento constitutus grauatür restituere hæreditatem, vel partem eius aliquotam, vt tertiam vel dimidiam partem, alteri

734 Testamentum & legatum.

teri post mortem. Quod si hæres grauatus professionem faciat in religione, alia quàm Minorum, non idcirco hæreditas deuoluitur ad fideicommissarium, sed expectanda est mors naturalis hæredis licet religiosi. *tom.2.fol.940.num.6. & fol.941.num.9.*

6. Substitutio reciproca seu breuiloqua dicitur ea, qua hæredes substituti sibi inuicem substituantur: vt si testator dicat, *instituo tales hæredes, quos inuicem substituo. tom.2.fol.944.num.18.*

7. Substitutio compendiosa illa est, quæ comprehenditur plures substitutiones diuersas quoad tempora, vt si dicatur, *instituo Caium filium meum hæredem, & cum migrauerit è vita, substituo ei Titium. ibid.num.19.*

8. Iuramentum additum contractui inualido, firmat contractum, eique robur præstat. Item testamentum factum ad pias causas, sine solemnitate requisita à iure positiuo, validum est. Illud autem dicitur testamentum ad pias causas, seu legatum pium, quod relinquitur pro honore Dei vel Sanctorum, vel pro animæ salute. Et vt testatori magis profit dispositio legatorum piorum, curandum est vt testamentum conficiatur, dum testator existit in gratias; aut saltem vt illud ratificet postquam consecutus fuerit gratiam sanctificantem. *tom.1.fol.947.1.6. & 7. item fol.953.n.1. & 3.*

9. Testamentum & legatum semper potest reuocari à testatore, (excipe religiosum professum) vsque ad mortem, nisi testator iurauerit se non reuocaturum: nam qui iurauit se non reuocaturum, non videtur amplius posse testamentum licitè reuocare; quamquam si reuocet, validè reuocet; quia aliud est illicitè reuocare, aliud inuali-

de,

dè, cum multa illicitè fiant, quæ tamen facta tene-
rent. tom.2. fol.947.n.1. & fol.948.n.5. Vide v.
Hares.

Testis.

Vide v. *Accusator.*

V

Uctigal.

Vide v. *Restitutio.*

Venditio.

Vide v. *Emptio.*

QUOTIES taceretur vitium notabile, quo co-
gnito emptor non emisset, contractus est
nullus, adestque obligatio restituendi damna; &
in foro externo datur actio quæ dicitur *redhibi-*
toria, ad rehabendum pretium, & restituendam
rem acceptam: secus quando vitium quod tace-
tur, non est notabile absolute, neque reddit rem
notabiliter minus utilem in ordine ad usum ad
quem res ipsa emitur, etiam si venditor præsumat
fore, ut emptor non emeret, aut non tanto pretio,
si vitium cognosceret: hic tamen contractus non
est iustus, & res cum huiusmodi levi vitio minus
valet quam sine vitio. Ex his habes eum qui ven-
dit semina corrupta pro recentibus, teneri in
conscientia ad restitutionem, quia dolus dat cau-
sam contractui cum damno emptoris, qui cense-
tur rationabiliter inuitus. Item eum qui vendi-
dit ouem morbidam non manifestato vitio, tene-
ri

ri ad restitutionem damnorum quæ consecuta sunt ex eo, quod ovis morbida alias infecit. Item eum teneri ad restitutionem qui mendaciis alios induxit, & efficaciter mouit ad emendam rem notabiliter minus utilem ad vsum ad quem emitur; cooperatus est enim actioni iniustæ & damnicatiuæ; secus si mendacia non efficaciter mouerunt. *tom. 2. fol. 736. n. 2. & seqq. item fol. 737. num. 11.*

2. Venditor teneturne emptori manifestare vitium patens? Non tenetur, per se loquendo, manifestare; non enim magis spectat ad venditorem huiusmodi vitium manifestare, quam ad emptorem illud inspicere; & si emptor ex sua negligentia non aduertit, debet sibi imputare; secus dicendum, si venditor animaduertat vitium non cognosci ab emptore ex inaduertentia inuincibili; nam tali casu debet detegere, sicut & interrogatus de occultis rei vitiis tenetur ea manifestare, quamuis non sint notabilia in se vel in ordine ad vsum ad quem res emitur. *ibid. n. 13. & 14.*

3. Neque excusatur vendens rem aliquam habentem vitium particulare, quod ipse venditor laudibus vel ingenio quodam artis occultat; ut si vitium illud proferat simul cum aliis vitiis, quæ constar non inesse rei, ut mentiendo in iis quæ constar non inesse, inducat ad credendum, nec inesse occulta; ut si vendens equum occultè claudum dicat; Vendo hunc equum pro claudo, cæco, surdo, & habente omnia alia vitia; nam hæc manifestatio perinde se habet ac si non fieret, & venditor mentiendo in iis vitiis quæ constar non inesse rei, inducit emptorem ad credendum non inesse vlla alia occulta vitia. *tom. 2. fol. 738. num. 16.*

4. Emptor

4. Emptor qui restituit rem emptam venditori propter notabile vitium occultum non manifestatum, tenetur restituere fructus rei emptæ medio tempore collectos, deductis expensis & æstimatione industriæ quam ipse adhibuit. Sed ad quem pertinebunt fructus pendentes tempore venditionis, siue maturi sint, siue nondum ad maturitatem peruenerint? Pertinebunt ad emptorem quoad valorem, quem habent tempore venditionis, nisi aliter conuentum sit inter contrahentes. *ibid.num.18. & fol.739.v.1.*

5. Quando res vendita tradita est emptori, sed pretium nondum fuit solutum, nec habitum pro soluto, fructus rei venditæ quoad valorem quem acquirunt post venditionem, pertinent ad venditorem; ideo si emptor ex re sibi tradita fructus percepit, tenetur eos restituere venditori. Quando verò venditor tradidit rem emptori soluto pretio, vel habita fide de pretio, & concessa dilatione ad soluendum, fructus omnes pertinent ad emptorem, nec emptor tenetur ad interesse pro pretio non soluto, nisi fortè aliter conuentum sit inter contrahentes. Hinc colligitur eum qui vendit & tradit alteri domum, posse pacisci de pretio locationis exigendo, donec pretium domus solvatur. *ibid.num.4. & 5. item fol.740.num.6.*

6. Estne licitus contractus, quo quis tradit pecuniam alteri sibi aliam rem tradenti, relicta vtrique facultate repetendi rem vel pecuniam? Illicitus est, per se loquendo, potest tamen iustificari ex duplici titulo; ratione lucri cessantis, si lucrum cesset illi qui pecuniam tradit; & ratione pacti retrouendendi in fauorem vtriusque contrahentis, ita vt tradens pecuniam obliget se ad rem acceptam restituendam, quoties qui pecuniam

niam accipit, restituerit pecuniam, & è contra.
ibid.num.7.

7. Quando contractus venditionis cum pacto adiectionis in diem, vel legis commissoriæ verbis directis celebratus dissolvitur, fructus medij temporis pertinent ad venditorem: si verò contractus celebratus sit verbis obliquis, fructus medij temporis pertinent ad emptorem. *tom.2. fol.741.num.3.*

8. Quid sentiendum in hoc casu: Titius vendidit & tradidit equum Caio quinquaginta nummis aureis, celebrando contractum hoc pacto, vendo tibi hunc equum quinquaginta nummis aureis hac lege, vt si quinquaginta nummos restituerò intra duos menses equus sit inemptus: Titius verò intra duos menses restituit Caio quinquaginta nummos, sed equus antequam Titio à Caio restituatur, moritur apud Caium. Queritur ytrum equus Titio pereat, an Caio? Respond. perire Caio: nam res domino perit, Caius autem remanet dominus equi, donec illum Titio tradat. *tom.2.fol.742.n.5.*

9. Quando venditio dissolvitur per pactum retrouendendi eodem pretio, fructus medij temporis, qui videlicet producti sunt à tempore venditionis vsque ad tempus redemptionis pertinent ad emptorem secundum valorem, quem habent vsque ad diem retrouenditionis, quia res domino fructificat, sed tempore intermedio res fuit primi emptoris, ergo, &c. Fructus medij temporis pertinent adhuc ad emptorem, quando venditio dissolvitur, eo quod pœniteat prioris contractus, & alter de nouo mutuo consensu celebratur, ob rationem iam allegatam. *ibid.n.6. & fol.743.n.8.*

10. Quan

10. Quando verò venditio celebrata fuit sub conditione de futuro, & conditio non adimpletur, fructus medij temporis pertinent ad venditorem, siue res tradita sit emptori, siue non. Propterea si quis dicat, vendo tibi hunc equum, si intra mensem solueris pretium: aut, vendo tibi hanc vineam, nisi alius intra mensem offerat meliorem conditionem, fructus qui percipiuntur ex vinea ante conditionis euentum, sunt venditoris; quia non adimpleta conditione, venditio nulla est, consequenter venditor est dominus rei; adimpleta verò conditione fructus sunt emptoris. *ibid. n. 12.*

11. Petes, cuinam res peteat vel deterior fiat, emptorine an venditori, si pereat vel deterior fiat ante vel post traditionem? Respond. si res vendita pereat post traditionem, perit emptori. Imò si res vendita sit certa & determinata, & post venditionis contractum pereat, vel deterior fiat ante traditionem, regulariter perit & deterior fit emptori, modò venditio sit perfecta & absoluta, nec adsit culpa, vel mora venditoris in re tradenda domino. Quòd si venditio facta sit sub conditione pendente in futurum, periculum interitus rei ante conditionis euentum pertinet ad venditorem: & si vterque contrahens fuit in mora, periculum est illius qui posterior est in mora, modò tamen mora prioris non fuerit causa posterioris. Ex quibus sequitur dolium vini quod venditum fuerat ad corpus, si pereat ante traditionem, perire emptori; & si domus vendita incendio absumatur, vel seruus venditus pereat, vel aliqua corporis parte lædatur post perfectam venditionem, damnum pertinere ad emptorem, ipsúmque teneri pretium venditori solue

soluere. *tom. 2. fol. 744. num. 2. & seqq.*

12. Sed cuiam res peribit, quando ex certo numero vna venditur sub disiunctione, vt si dicatur, Vendo tibi hanc vel illam ouem? Peribit venditori; nam ouibus saluis, liberum illi erat tradere, quam vellet, ergo par est, vt si aliqua percat ante traditionem, illi pereat: si verò omnes percant simul, aut successiue nulla excepta, vna perit emptori, consequenter emptor tenetur pretium soluere, quamuis res sibi nondum fuerit tradita. Ad quem verò pertinebit periculum rei, quando de communi consensu constitutus fuit terminus ad mensurandam, vel ponderandam rem venditam? Periculum pertinebit ad illum qui fuit in mora. *ibid. num. 9. & fol. 745. n. 10.*

13. Petes, quid sit euictio? Est rei emptæ, vel iusta causa receptæ per sententiam iudicis abductio, vel rei taliter acceptæ iuridica amissio. *ibid. num. 1.*

14. Venditor teneturne de euictione? Tenetur, si rem alienam, quam sciebat alienam esse, vendidit emptori ignorantem alienam esse, id est, tenetur emptori pretium restituere, & quantum interest rem ipsius factam non fuisse. Et non solum in venditione, verum etiam in aliis contractibus onerosis, contrahentes tenentur de euictione: non tenentur autem in contractibus gratuitis, secluso pacto, & culpa contrahentis; quia par non est, vt donator damnum patiatur ex eo quod sua liberalitate tradit absque præuia promissione, vel obligatione. *ibid. n. 2. & fol. 746. n. 9.*

Extrema Vnctio.

Vide v. *Sacramentum.*

1. Sacra

1. Sacramentum extremæ vnctionis est signum rei sacræ, quo aliquæ partes corporis infirmi vn-
guntur oleo benedicto sub præscripta verborum
forma, iuxta Christi institutionem ad salutem
animæ & corporis. *tom. 1. fol. 309. num. 4.*

2. Materia remota sacramenti extremæ vn-
ctionis est oleum ex oliuis expressum & benedi-
ctum ab Episcopo, vt patet Iacob. 5. *Vngentes oleo,*
proxima verò est vnctio. *ibid. num. 2. & 3. item*
fel. 310. n. 9.

3. Parochus potest licitè oleum non consecra-
tum miscere consecrato, quando timet fore vt
oleum consecratum non sufficiat: vtrumque enim
censetur consecratum per admixtionem, modò
quod additur sit minoris quantitatis consecrato.
ibid. num. 8.

4. Non est de necessitate sacramenti vt oleum
fuerit eo anno benedictum, ex præcepto tamen
debet esse benedictum eodem anno. *ibid. n. 6.*

Forma, & minister huius sacramenti.

5. Forma huius sacramenti sunt hæc verba
quæ proferuntur à Sacerdote: *Per istam sanctam*
Vnctionem, & suam pyssimam misericordiam in-
dulgeat tibi Deus quidquid deliquisti per visum.
Amen. Hæc eadem forma adhibetur in vnctioni-
bus aliorum sensuum, expresso nomine singulo-
rum sensuum, v.g. *per auditum*, quando inungun-
tur aures, &c. Hæc forma fit modo deprecatiuo,
quia infirmus eget deprecatione aliorum; &
Christus ita instituit. *tom. 1. fol. 310. n. 1. & 3.*

6. Inuocatio sanctissimæ Trinitatis non est de
essentia formæ, cum non contineatur in verbis
formæ, *Per sanctam & pyssimam*, non videntur
etiam

hoc sacramentum administrandum est, si fieri potest, quando infirmus adhuc rationis usu gaudet, ut se magis ad fructum sacramenti recipiendū disponat, & sit capax alacritatis quæ conferri solet in hoc sacramento. *ibid.n.7.*

18. Si infirmus dum vngitur ex hac vita decedat, Parochus debet ab vñtionibus desistere; cum non sit amplius viator; quod si dubitetur an sit mortuus, administrandum est sacramentum sub conditione, *si adhuc vivit. ibid.n.8.*

¶ 9.

19. Omittens hoc sacramentum tantummodò ex negligentia, non peccat mortaliter: tenetur tamen Parochus illud conferre, cum illi incumbat ex officio consulere saluti suorum subditorum. *ibid.num.11. ¶ 12.*

20. Dandum est hoc sacramentum etiam illi qui nunquam actualiter peccauit, ex his verbis Iacob.5. *Si in peccatis sit, dimittentur ei*: nam supponit posse conferri cuicumque infirmo. Quare conferri potest hoc sacramentum saltem sub conditione adulto, qui statim post susceptum Baptismum, incidit in morbum lethalem. *ibid.num.13.*

¶ 14.

21. Non est peccatum mortale conferre sacramentum extremæ vñtionis ante sacramentum pœnitentiæ, vel Eucharistiæ: quia infirmus potest per contritionem se ad illud disponere. *tom.1. fol.314.num.15.*

22. De necessitate & essentia huius sacramenti est ut inungantur quinque sensus corporis, oculi scilicet, aures, nares, os, & manus, repetita ad singulos forma: quod si quis careat vno corporis membro in quo viget aliquis sensus, vngenda est pars magis propinqua. Solæ autem hæ partes
inun

inunguntur, & non totum corpus, quia hoc sacramentum applicatur per modum medicinæ corporalis, quæ applicatur iis partibus à quibus morbus originem trahit. *ibid.num.16.*

23. Vnctio in pedibus vel renibus & vmbilico adhiberi vel prætermitti potest iuxta loci consuetudinem: semper tamen omittitur vnctio in fœminis in vmbilico propter decentiam & honestatem. *ibid.num.18.*

24. Sacerdotes non vnguntur in palma, quia semel fuerunt inuncti in susceptione ordinis sacerdotalis, sed in superiori versa parte manus. *tom.1.fol.315.num.19.*

25. Non est necessariò vngendum vtrumque organum vnius sensus, exempli gratia vterque oculus, vel vtraque manus, &c. quia significatio istius sacramenti satis saluatur per vnctionem vnius organi: ex præcepto tamen seruanda est locorum consuetudo, quæ vim habet legis. *ibid.num.21.*

Effectus Extrema Vnctionis.

26. Multiplices sunt huius sacramenti effectus. Primò abstergit reliquias peccatorum, id est expellit habitudines & procliuitates ad malum. Secundò subleuat infirmum à corporali ægitudine, & sanitatem confert si animæ saluti expedierit. Tertiò confert gratiam non solum sanctificantem, verùm etiam delet peccata venialia, iuuâtque contra tentationes & dæmonis incursus, qui eo præsertim tempore solent esse vehementes. Producit autem hos effectus in eo instanti in quo perficitur, id est in vltima vnctione, vt patet ex dictis in aliis sacramentis. *tom.1.fol.315.num.1.& seqq.*

soluere. *tom.2. fol.744.num.2. & seqq.*

12. Sed cuinam res peribit, quando ex certo numero vna venditur sub disiunctione, vt si dicatur, Vendo tibi hanc vel illam ouem? Peribit venditori; nam ouibus saluis, liberum illi erat tradere, quam vellet, ergo par est, vt si aliqua pereat ante traditionem, illi pereat: si verò omnes pereant simul, aut successiuè nulla excepta, vna perit emptori, consequenter emptor tenetur pretium soluere, quamuis res sibi nondum fuerit tradita. Ad quem verò pertinebit periculum rei, quando de communi consensu constitutus fuit terminus ad mensurandam, vel ponderandam rem venditam? Periculum pertinebit ad illum qui fuit in mora. *ibid.num.9. & fol.745.n.10.*

13. Petes, quid sit euictio? Est rei emptæ, vel iusta causa receptæ per sententiam iudicis abductio, vel rei taliter acceptæ iuridica amissio. *ibid.num.1.*

14. Venditor teneturne de euictione? Tenetur, si rem alienam, quam sciebat alienam esse, vendidit emptori ignoranti alienam esse, id est, tenetur emptori pretium restituere, & quantum interest rem ipsius factam non fuisse. Et non solum in venditione, verum etiam in aliis contractibus onerosis, contrahentes tenentur de euictione: non tenentur autem in contractibus gratuitis, secluso pacto, & culpa contrahentis; quia par non est, vt donator damnum patiatur ex eo quod sua liberalitate tradit absque præuia promissione, vel obligatione. *ibid.n.2. & fol.746.n.9.*

Extrema Vnctio.

Vide v. *Sacramentum.*

1. Sacra

1. Sacramentum extremæ vnctionis est signum rei sacræ, quo aliquæ partes corporis infirmi vn-
guntur oleo benedicto sub præscripta verborum
forma, iuxta Christi institutionem ad salutem
animæ & corporis. *tom. 1. fol. 309. num. 4.*

2. Materia remota sacramenti extremæ vn-
ctionis est oleum ex oliuis expressum & benedi-
ctum ab Episcopo, vt patet Iacob. 5. *Vngentes oleo,*
proxima verò est vnctio. *ibid. num. 2. & 3. item*
fel. 310. n. 9.

3. Parochus potest licitè oleum non consecra-
tum miscere consecrato, quando timet fore vt
oleum consecratum non sufficiat: vtrumque enim
censetur consecratum per admixtionem, modò
quod additur sit minoris quantitatis consecrato.
ibid. num. 8.

4. Non est de necessitate sacramenti vt oleum
fuerit eo anno benedictum, ex præcepto tamen
debet esse benedictum eodem anno. *ibid. n. 6.*

Forma, & minister huius sacramenti.

5. Forma huius sacramenti sunt hæc verba
quæ proferuntur à Sacerdote: *Per istam sanctam*
Vnctionem, & suam pyssimam misericordiam in-
dulgeat tibi Deus quidquid deliquisti per visum.
Amen. Hæc eadem forma adhibetur in vnctioni-
bus aliorum sensuum, expresso nomine singulo-
rum sensuum, v.g. *per auditum*, quando inungun-
tur aures, &c. Hæc forma fit modo deprecatiuo,
quia infirmus eget deprecatione aliorum; &
Christus ita instituit. *tom. 1. fol. 310. n. 1. & 3.*

6. Inuocatio sanctissimæ Trinitatis non est de
essentia formæ, cum non contineatur in verbis
formæ, *Per sanctam & pyssimam*, non videatur
etiam

etiam de essentia, cum sensus verborum sit completus, & subsistat illis omissis. *ibid. n. 2. & fol. 311. num. 4.*

7. Poterit Sacerdos existente periculo in mora & in casu necessitatis dicere vngendo aurem, nares, oculum & os : *Per istam sanctam unctionem & suam piissimam misericordiam parcat tibi Dominus quidquid per visum, auditum, odoratum, gustum & tactum deliquisti. ibid. num. 5.*

8. Proprius minister huius sacramenti est solus Sacerdos, & non Diaconus aut Subdiaconus. Sacerdos non habens iurisdictionem aut ab Ecclesia impeditus, validè quidem administraret hoc sacramentum, sed non licitè; nam qui non est proprius Sacerdos vel Parochus, aut qui facultatem non habet à proprio Parocho, graviter peccat administrando hoc sacramentum. *ibid. n. 1. & seq.*

9. Adde religiosos licet exemptos qui sine Parochi licentia, vel sine privilegio Sedis Apostolicæ administrant sacramentum extremæ vñtionis, incidere in excommunicationem. *ibid. num. 6.*

10. Plures Sacerdotes possunt eodem tempore urgente necessitate vni & eidem conferre sacramentum extremæ vñtionis, modò unusquisque vngat independentè ab alio : non potest tamen vnus ungere, & alter formam proferre. *ibid. n. 7. & fol. 312. n. 8.*

11. Alius Sacerdos debet perficere sacramentum inchoatum, si primus morte præoccupetur, indèque incipere, ubi aliter finit. *ibid. n. 9.*

12. Sacerdos non incurrit irregularitatem, si ægrotus ex hac vita decedat, dum Sacerdos curat illum revolui ad vñtionem impendendam; hæc enim

enim irregularitas non extat in iure expressa.
ibid.num.10.

*Subiectum huius sacramenti, & quæ
partes vngendæ.*

13. Subiectum extremæ vñctionis sunt soli fideles de vita periclitantes, qui ratione vtantur, vel certè antea vñ sint, hocque sacramentum recipere optauerint. Ita habetur in Concilio Florentino. *com.1.fol.312.num.1.* Hinc

14. Phreneticis qui ante phrenesim optauerunt hoc sacramentum, potest conferri, sicut & iis qui optauerunt, saltem interpretatiuè, quales sunt qui Christianè vixerunt. *ibid.num.2. & fol.313.num.3.*

15. Non est conferendum iis qui non laborant infirmitate, licet in magno vitæ periculo versentur, vt patet ex dictis: quales sunt gerentes bellum, existentes in mari, damnati ad mortem à iudice, aut mulieres in partu existentes, quia non laborant infirmitate corporali. *ibid.num.4.*

16. Hoc sacramentum conferri potest non solum adolescentibus post vsum rationis ægrotantibus, verum etiam senibus, qui senectute conficiuntur absque alia infirmitate: nam senectus ipsa morbus est. Conferri potest præterea omnibus morti propinquis ob morbum, ob pestem, ob tactum viperæ, ob vulnus, & ob rabidum morsum: caueat tamen Sacerdos ne rabidi hominis sputum, seu saliuam attingat; nam inficit attingentem. *ibid.num.5.*

17. Non est expectandum extremum vitæ periculum, aut tempus quo infirmus sensu prorsus careat, aut quo omnis eius desperata sit salus: sed
hoc

hoc sacramentum administrandum est, si fieri potest, quando infirmus adhuc rationis usu gaudet, ut se magis ad fructum sacramenti recipiendū disponat, & sit capax alacritatis quæ conferri solet in hoc sacramento. *ibid. n. 7.*

18. Si infirmus dum vngitur ex hac vita decedat, Parochus debet ab vñtionibus desistere; cum non sit amplius viator; quod si dubitetur an sit mortuus, administrandum est sacramentum sub conditione, *si adhuc vivit. ibid. n. 8.*

¶ 9.

19. Omittens hoc sacramentum tantummodò ex negligentia, non peccat mortaliter: tenetur tamen Parochus illud conferre, cum illi incumbat ex officio consulere salutem suorum subditorum. *ibid. num. 11. ¶ 12.*

20. Dandum est hoc sacramentum etiam illi qui nunquam actualiter peccavit, ex his verbis Iacob. 5. *Si in peccatis sit, dimittentur ei*: nam supponit posse conferri cuicumque infirmo. Quare conferri potest hoc sacramentum saltem sub conditione adulto, qui statim post susceptum Baptismum, incidit in morbum lethalem. *ibid. num. 13.*

¶ 14.

21. Non est peccatum mortale conferre sacramentum extremæ vñtionis ante sacramentum pœnitentiæ, vel Eucharistiæ: quia infirmus potest per contritionem se ad illud disponere. *tom. 1. fol. 314. num. 15.*

22. De necessitate & essentia huius sacramenti est ut inungantur quinque sensus corporis, oculi scilicet, aures, nares, os, & manus, repetita ad singulos forma: quod si quis careat vno corporis membro in quo viget aliquis sensus, vngenda est pars magis propinqua. Solæ autem hæ partes

inun

inunguntur, & non totum corpus, quia hoc sacramentum applicatur per modum medicinae corporalis, quae applicatur iis partibus à quibus morbus originem trahit. *ibid. num. 16.*

23. Vnctio in pedibus vel renibus & umbilico adhiberi vel prætermitti potest iuxta loci consuetudinem: semper tamen omittitur vnctio in foeminis in umbilico propter decentiam & honestatem. *ibid. num. 18.*

24. Sacerdotes non vnguntur in palma, quia semel fuerunt inuncti in susceptione ordinis sacerdotalis, sed in superiori versa parte manus. *tom. 1. fol. 315. num. 19.*

25. Non est necessariò vngendum vtrumque organum vnus sensus, exempli gratia vterque oculus, vel vtraque manus, &c. quia significatio istius sacramenti satis saluatur per vnctionem vnus organi: ex præcepto tamen seruanda est locorum consuetudo, quae vim habet legis. *ibid. num. 21.*

Effectus Extremae Vnctionis.

26. Multiplices sunt huius sacramenti effectus. Primò abstergit reliquias peccatorum, id est expellit habitudines & procliuitates ad malum. Secundò subleuat infirmum à corporali ægitudine, & sanitatem confert si animæ saluti expedierit. Tertiò confert gratiam non solum sanctificantem, verum etiam delet peccata venialia, iuuatque contra tentationes & dæmonis incurfus, qui eo præsertim tempore solent esse vehementes. Producit autem hos effectus in eo instanti in quo perficitur, id est in vltima vnctione, vt patet ex dictis in aliis sacramentis. *tom. 1. fol. 315. num. 1. & seqq.*

I i

27. Sacra

27. Sacramentum extremæ vnctionis iterari potest, cùm non imprimat characterem. Circa ritus & cœremonias quibuscum deferenda est extrema vnctio ad infirmum, standum est Rituali, consuetudini, & legibus Episcoporum. Non est necesse vt administrans extremam vnctionem habeat ministrum qui respondeat. *ibid. num. 4. & fol. 316. n. 5. & 6.*

28. Peccat Sacerdos administrando hoc sacramentum prætermittis orationibus, quæ ab Ecclesia in ipsius administratione præscribuntur, si non sit periculum in mora, aut proximum mortis periculum; nam tunc omittere poterit, & post peracta essentialia sacramenti supplere, si infirmus adhuc superstes sit: non licet tamen etiam in necessitate hoc sacramentum administrare non adhibitis vestibus ab Ecclesia præscriptis. *ibid. num. 7. & seq.*

Votum.

Vide v. *Matrimonium, Religiosus, Apostata, Hares.*

1. Votum est voluntaria & deliberata promissio facta Deo de aliquo bono meliori. Ex hac definitione collige ad votum non sufficere propositum, neque semiplenam aduertentiam & deliberationem; & consequenter amentem vel infantem, &c. inualidè vouere; quamquam sufficit deliberatio virtualis, quando votum est in se volitum. *tom. 2. fol. 336. num. 1. & seq.*

2. Præterea votum debet esse voluntarium; & ideo promissio per errorem vel dolum circa substantiam, vel causam finalem extorta, non habet vim

vim voti, cum non adsit sufficiens voluntarium circa votum requisitum; quod nequit esse validum, nisi volitum sit, saltem tacitè & implicitè aut virtualiter. *ibid.num.6. & 7.*

3. Qui suscipit ordines sacros, & positivè respuit votum castitatis illis annexum, tenetur adhuc castitatem servare, non quidem ratione voti, sed ratione statuti Ecclesiæ quæ præcipit observantiam castitatis illi qui noluit vouere, illumque inhabilem facit ad matrimonium. *rom.2. fol.337.num.8.* Vt hæc clariora fiat, aduerte:

4. Ex voto facto absque animo vouendi non oritur obligatio, cum votum ita emissum non sit verum votum. Item ex voto facto animo vouendi, sed non se obligandi, non oritur ex vi voti obligatio, sed oriri potest vel ratione statuti Ecclesiæ, vel scandali. Item non oritur obligatio ex voto facto animo vouendi, sed absque expressa vel tacita intentione se obligandi; unde qui ignorat votum obligare, vel credit non obligare, non obligatur ad votum servandum: at ex voto facto animo vouendi & se obligandi, sed absque intentione adimplendi, oritur obligatio ex vi voti, quia intentio non adimplendi votum, non tollit obligationem voti, seu promissionis, quæ ex ipso voto vel promissione naturaliter sequitur. Aduerte tamen votum invalidum defectu voluntatis vouendi, vel alterius causæ fieri validum per ratificationem, modò ratificans sciat aut credat votum quod ratificat, esse invalidum. *ibid.n.11.*

& seq. item fol.338.n.16.

5. Peccat venialiter qui fictè vouet absque animo vouendi & se obligandi, mortaliter verò peccat qui votum cum animo non adimplendi emit. *ibid.num.15.*

6. Vota facta tam Sanctis, quàm Prælatiſ Ecclēſiæ, ſemper habent reſpectum ad Deum, & illi ſoli fiunt; id eſt vouemus Deo nos facturos illud quod Sanctis promittimus. *ibid.n. 17.*

7. Materia voti debet eſſe de meliori bono, (hinc tamen non ſequitur debere eſſe de optimo) quàm ſit eius oppoſitum: vnde qui vouet ieiunium, validè vouet, quia licet ieiunium non ſit optimum inter omnes actus virtutum, eſt tamen melius quàm eius oppoſitum; id eſt quam non ieiunare: votum autem factum de eo cuius oppoſitum eſt melius, non obligat. Item votum factum de rebus quæ repugnant conſilio, niſi varientur circumſtantiæ, inuolidum eſt. Item non valet votum de his ſuſcipiendis, quæ valde implicant mentem rebus terrenis; nam hæc non ſunt meliora quàm eorum oppoſita. *ibid.num. 18.*

et ſeq.

8. Poſſumus vouere opera ad quæ tenemur ex alio præcepto; votumque horum operum ex alio præcepto debitorum nouam obligationem inducit. *tom. 2. fol. 339. n. 23.*

9. Votum obediendi Prælato in omnibus, vel non recitandi coronam niſi genibus flexis, vel non faciendi eleemoſynam minorem decem aureis, vel non acceptandi quantum eſt ex ſua parte Episcopatum, vel aliud publicum officium; validum eſt: ſicut & votum non petendi iuramenti, vel voti diſpenſationem, vt melius quis animæ ſuæ conſulat, tenet; non poterit tamen impedire, ſi voueat (*vt ſi luſerit, ex.gr. non poſſit ab alio quàm à Summo Pontifice abſolui.*) quin Episcopus adhuc poſſit eum abſoluere, cum huiusmodi votum videatur de re impoſſibili. Non eſt tamen validum votum caſtitatis religionis, vel non nubendi fa-

ctum

etum ab eo, cui ob incontinentiam salubrius est matrimonium. *ibid.num.24. & seq.*

10. Vouens se non amplius lufurum sub pœna, quod si luserit, teneatur adire Romam vt absoluator à Papa, adhuc poterit absolui ab Episcopo; vt patet ex allata ratione. *ibidem, num.30.*

11. Votum multiplex est; aliud est reale, aliud personale, aliud mixtum, aliud conditionale, aliud absolutum; aliud simplex quod consistit in nuda promissione; aliud solemne quod consistit in actuali quadam dedicatione & traditione proprij corporis & libertatis acceptata ab eo qui vicem Dei tenet, cum quadam solemnitate, qualitate ac circumstantiis approbatis ab Ecclesia. *tom.2.fol.340.num.1.*

12. Votum factum sub conditione necessaria, aut honesta, contingente (non autem sub conditione quæ est contra substantiam voti aut rei quæ voto promittitur, aut sub conditione impossibili, aut turpi,) validum est. Quando votum sub pluribus conditionibus copulatiuè emissum est, non obligat nisi adimpleræ sint omnes conditiones copulatiuè positæ. Item vouens aliquid sub conditione futura, non potest quidquam facere, quo se reddat ineptum ad voti executionem secuta conditione, modò conditio sit possibilis, & moraliter reddatur euentura, & modò conditio non pendeat à voluntate vouentis. Item vouens sub conditione tenetur votum adimplere, si per se ipsum ster, ne conditio adimpleatur, nisi pendeat ab ipsius libera voluntate. Item promittens certam eleemosynam alicui, si Deus eum præseruet ab aliquo peccato, tenetur ad eleemosynam, si spontè & scienter peccet, ne ad illam teneatur.

tur. *ibid.num.3. & fol.341.num.4. & seq.*

13. Votum factum ex metu graui illato à causa intrinseca, vel ab extrinseca, non ad extorquendum votum, sed ad alium finem, validum est, & obligat. At votum factum ex metu graui iniuste incusso à causa extrinseca ad hoc, inualidum est, saltem iure Ecclesiastico, modò vouens cognouerit metum sibi incuti ad extorquendum votum. *tom.2.fol.342.num.5. & seqq.*

14. Nullum est votum professionis à foemina emissum ob timorem patris minantis graues iniurias, etiam citra mortem aut exilium. Item suscipiens metu graui ordines sacros non tenetur voto castitatis eis annexo. *tom.2.fol.343.num.8. & 9.*

15. Metus qui facit votum inualidum, sufficit etiam ad excusandum vouentem à peccato. Quod si dubitetur an factum fuerit votum per metum grauem, illud erit adimplendum: secus si constet factum fuisse ex metu graui, etiamsi iuramento firmatum fuisset. *ibid.num.10. & 11. item fol.344.n.12.*

16. Votum factum per errorem aut dolum verfantem circa substantiam & rem promissam, non obligat; quamobrem vouens adire limina Apostolorum, quæ credit non longè distare, non tenetur ad votum, si ea longius distent quam ipse putaret; & qui credit se profiteri in vna religione, cum profiteatur in alia, inualidè proficitur. *tom.2.fol.344.num.2. & seqq.*

17. Votum simplex (non solemne) factum per errorem & dolum circa causam finalem & motiuam, non est validum. Vnde vouens eleemosynam eo quod falsò credat se institutum esse hæredem, non tenetur ad eleemosynam errore cogni

cognito. Item puella quæ vouit religionem eo quod falsò putaret aperiendos esse proprio sponso impudicos tactus cum alio adolescente habitos, non tenetur votum seruare. Item qui vouit ieiunium, quia credebat suum filium absentem ægrotare, non tenetur ieiunare si tempore voti filius iam mortuus erat vel non ægrotabat. *ibid. num. 5. & fol. 345. n. 6. 7. & 9.*

18. Cessante causa finali voti vel iuramenti, cessat etiam ipsius obligatio; secus dicendum si causa tantum impulsiva cesseret; quia ea cessante votum adhuc fuisset emissum. Quod si dubitetur an causa voti finalis cessarit, votum erit seruandum. *ibid. num. 10. & 11. item fol. 346. num. 12.*

19. Vouens tradere eleemosynam alicui ex motiuo paupertatis, sed libentius eam vouit; eo quòd credat illum probum esse, tenetur votum seruare, quamuis is sit improbus. Imò tenebitur hic ad votum, etiamsi ita habitualiter dispositus esset, vt eleemosynam non promississet cognita ipsius improbitate; secus tamen dicendum foret si probitas quæ non subsistit, fuit causa finalis, & non impulsiva voti. Causa autem voti cognoscitur finalis vel impulsiva ex affectu quo quis mouetur ad vouendum. *ibid. n. 14. & seq.*

Materia voti.

20. Opus malum non potest esse materia voti, consequenter si votum fiat de re mala, inualidum est, utpote Deo ingratum: tale est votum de re à superiore prohibita. *tom. 2. fol. 347. num. 1. & 2.*

21. Valet votum ab eo emissum, qui ex amore continentiae vouet se non amplius peccaturum, nisi cum tali formina; cum hoc votum non sit de

re mala, sed bona, scilicet abstinendi ab aliis for-
minis: at votum de immoderatis macerationibus
inualidum est, quando coniunctæ sunt cum peri-
culo mortis, aut alicuius morbi; secus dicendum
de voto ieiunandi toto anno etiam diebus Domi-
nicis. *ibid. n. 3. 5. & 6.*

22. Vouens opus malum vel bonum ad malum
finem, peccat duplici peccato mortali, si materia
& finis est mortalis. *tom. 2. fol. 349. num. 9.*

23. Votum de re indifferente, seu de re quæ non
habet rationem boni vel mali, non est validum:
tale est votum quo quis vouit non abscindere vn-
gues die Sabbati in honorem B. Virginis. Potest
tamen res indifferens esse materia voti, quando
adeft bonus finis, si ea materia inseruiat ad bo-
num finem consequendum, & si honestus finis
tempore voti non cessauerit. Quod si vouens du-
bitet an materia promissa sit indifferens, vel bo-
na, tenetur votum adimplere. *ibid. n. 1. & fol. 349.
n. 2. & seq.*

24. Votum rei bonæ factum ob finem indiffe-
rentem, aut ad obtinendum bona temporalia, va-
lidum est, modò non vitietur ex alia circumstan-
tia. Non valet autem votum, si eius materia ab
initio erat indifferens, nec vouens sibi honestum
finem constituit. Secus, si vouens intendit adim-
plere votum, quando materia non erit amplius
indifferens, vel impossibilis. *tom. 2. fol. 350. n. 6.
7. & 9.*

25. Qui vouit quotidie Missam audire dum
existit in mari, in carcere, vel in excommunica-
tione, tenebitur illam audire data opportunitate.
ibid. num. 10.

26. Materia quæ vouetur, debet esse in potesta-
te vouentis; propterea votum de non moriendo
non

non est validum, cum nobis moriendum sit velimus, nolimus. Si verò materia voti partim sit possibilis, partim impossibilis, partim bona, partim indifferens, &c. adimplenda est possibilis, bona, &c. quæ separari potest à parte indifferenti, impossibili & turpi. Quamobrem vouens adificare totam Ecclesiam, si ob inopiam non possit totam adificare, tenetur ad partem. Item vouens adire Romam genibus flexis, quod illi est impossibile, tenetur adire eo meliori modo, quo potest. Item si quis non possit perficere pedestrem peregrinationem, quam vouit, tenebitur eam equitando perficere, nisi aliter de vouentis intentione colligatur. *ibid. num. 1. & fol. 351. num. 1. item fol. 352. n. 1. 3. 4. & 7.*

27. *Votum de nunquam peccando mortaliter & venialiter, vel adhibendi specialem diligentiam ad euitanda omnia peccata, videtur validum. Et qui vouet se nihil coctum tali die comesturum, & præterea vouet alia die se nihil præter panem sumpturum, tenetur vtrumque votum adimplere, si tempore secundi voti memor erat prioris emissi. tem. 1. fol. 351. num. 4. & seq.*

28. Emittens duo vota impossibilia eodem tempore adimplenda, inualidè vouet: secus si diuerso tempore sint adimplenda. *ibid. num. 8.*

29. *Votum factum sub forma disiunctiuæ, cuius vna pars est apta materia voti, altera verò non, inualidum est, consequenter votum tradendi eleemosynam, aut furandi, inualidum est. Valet tamen votum disiunctiuum de re, quæ tempore voti erat ipsius apta materia, licet postea vna pars fiat inepta; & hæres tenetur adimplere votum reale defuncti, qui votum disiunctiuum emiserat, cuius vna pars erat realis, altera*

personalis. *tom. 2. fol. 353. num. 1. 3. 4. & 5.*

30. Promissio de re aliqua contra prius votum validum, est inualida, quia est promissio de re illicita quæ non obligat. Ideo qui vouit castitatem, & postea promittit alteri matrimonium, inualidè promittit. *ibid. §. 4. num. 1.*

31. Vouens tenetur quàm primum moraliter potest votum adimplere, si tempus ipse non determinauit, vel non est legitimè impeditus: vnde qui vouit ingredi religionem, & nullum sibi præscripsit tempus, potest ingressum differre donec aptus sit ad labores religionis. Potest quoque differri votum vsque ad tempus, quo credit vouens se illud maiori cum deuotione adimpleturum, si nullum sibi designauit tempus; si verò designauit, tenetur adimplere tempore sibi præscripto. Quod si illud non adimpleuit tempore præscripto, adhuc tenetur vouens adimplere elapso termino si votum factum est absolute & simpliciter; secus dicendum si votum factum est in honorem & deuotionem illius temporis principaliter seu dependenter à tempore. Ex hac doctrina collige eum qui vouit singulis hebdomadis Aduentus confiteri peccata sua, non teneri supplere confessiones, si eas aliquando omisit. Item vouens ieiunare in vigilia proxima talis Sancti, non tenetur ad ieiunium eiusdem vigiliæ anni futuri si hoc anno non ieiunauit. Similiter qui non potest votum adimplere præfixo tempore, satisfacit anticipando, si terminus fuit præfixus ne vltra differretur voti executio; secus si votum factum fuit principaliter in honorem talis temporis. *tom. 2. fol. 354. num. 1. & seq.*

32. Petes, vtrum obligatio voti transeat ad hæredes, seu an hæres teneatur adimplere vota defuncti

functi? Respond. hæredem non teneri persolvere vota personalia, quæ defunctus non adimplevit; tenetur tamen solvere vota realia postquam hæreditatem adiit, salva legitima portione, & modò non excedant vires hæreditatis. Idem quoque militat quando plures hæredes existunt, his enim incumbit ad ratâ persolvere vota defuncti realia.

Monasterium vel alius hæres succedens alicui qui professionem fecit in approbata religione, non tenetur solvere illius profitentis vota, nisi fortè hæc vota fuerint acceptata ab eo in cuius fauorem facta sunt: at qui iure hæreditario non successit ante professionem illius cuius est hæres, tenetur vota religiosi realia persolvere, modò eius Superior illa vota non irritauerit. *tom. 2. fol. 357. num. 3. & 4. item fol. 358. n. 7. 8. 9. & 11.*

33. Hæres tenetur votum mixtum quoad partem realem persolvere, si votum est æqualiter reale & personale, quia hæres adeundo hæreditatem, censetur inire contractum soluendi omnia debita realia defuncti, cuius personam quoad hoc repræsentat. Quod si bona defuncti non sufficiant ad satisfaciendum omnibus, hæres tenebitur persolvere votum de meliori bono, si illud cognoscat, aliter tenebitur primum votum persolvere. Et si hæredi non constet quòdnam votum magis obliget, dabitur hæredi optio: sunt tamen vota præferenda legatis, non verò debitis ex iustitia.

Si defunctus duabus Ecclesiis vouit duas res æquales, sed diuersi valoris, hæres poterit pretiosiores tradere cui voluerit, nisi aliter constet de vouentis mente. *ibid. num. 10. & fol. 359. n. 13. & seq.*

34. Hæres certus de voto reali à defuncto emisso, sed dubius an illud adimpleuerit, tenetur

illud adimplere, quia possessio stat pro voto; & dubitatur de ipsius executione. *ibid.num.17.*

35. Votum parentum offerentium infantes religioni, non obligat infantes, nisi illud ipsi ratificauerint, quia in iis quæ pertinent ad vitæ statum, quilibet est sui iuris. *ibid.num.18.*

36. Successor non obligatur vi voti ad seruandum votum à communitate factum, nisi votum à singulis fiat vel acceptetur, aut nisi interueniat consensus Episcopi. Item donatarius in nullo casu tenetur loco donantis vota persolvere, quamuis donatarius sciat ipsum vouentem per hanc donationem reddi impotentem ad voti satisfactionem. *tom.2. fol.360. num.20. & 21.*

37. Vouens adhuc videbitur obligandus ad vota realia, non verò personalia adimplenda, si post mortem ad vitam reuocetur. *ibid.num.22.*

38. Vouens si fiat impotens ad votum personale adimplendum, non tenetur per alium satisfacere; secus dicendum de voto reali, nam qui non potest illud adimplere per se ipsum, tenetur adimplere per alium: quare vouens tantam pecuniam in eleemosynam, satisfacit, si ea eleemosyna nomine suo ab alio erogetur; votum tamen non censebitur adimplerum, si supradicta eleemosyna ab alio fiat vouente inuito. *tom.2. fol.361. num.2. & seqq.*

39. Votum mixtum quoad partem personalem, non potest per alium adimpleri; hinc fit vt is qui non potest perficere peregrinationem Lauretanam quam vouerat, non teneatur in eleemosynam tradere sumptus, quos ipse in itinere fecisset. Item qui non potest votum adimplere, non tenetur votum in aliud quod præstare posset, commutare. *ibid.num.6. & 7. item fol.362.num.9.*

40. Vio

40. Violatio voti ex suo genere est peccatum mortale, nisi paruitas materiæ excuset. Cognoscitur autem materia voti sufficiens ad peccatum mortale, vel ad veniale tantum, ex magno vel exiguo honore qui ex voti adimpletione redundat in Deum, & ex comparatione ad legem & ad alia præcepta; vnde non peccat mortaliter ob leuitatem materiæ, qui parum vini semel bibit contra votum non bibendi vinum. *rom. 2. f. 362. num. 3. & fol. 363. n. 5. & 6.*

41. Non adimplens votum in materia graui factum cum intentione obligandi se tantum sub veniali, venialiter tantum peccabit. Hoc idem valet respectu illius qui generaliter proposuit obligare se solum sub veniali in votis, & hoc propositum nunquam mutauit. *ibid. n. 7. & 8.*

42. Qui dubitat an votum emisit, non peccat illud non adimplendo; quia hoc est dubium iuris, id est voti, quod est lex quædam priuata: quamobrem qui dubitat an vouerit castitatem absolutam, vel tantum abstinenciam à coniugio, tenetur abstinere à coniugio tantum. *ibid. n. 9. & 10.*

43. Quando materia voti est debita ex alio præcepto, qui illam violat, duo saltem peccata committit. *ibid. n. 11.*

44. Vouens, sufficienter votum adimplet, dum nihil cogitans de voto, illud adimplet. Item qui vouit inuisere limina Apostolorum, satisfacit voto, si adiit Romain causa negotiorum, & limina inuisit ea occasione. Similiter ille quem poenitet vouisse, non peccat mortaliter, nisi habeat intentionem omittendi rem promissam. *rom. 2. fol. 364. num. 12. & seq.*

45. Qui habet votum castitatis vel virginitaris, tenetur abstinere à matrimonio, peccatque si
contra

contrahat, si petat debitum, vel consummet matrimonium. *ibid. num. 1. & 2.*

46. Qui votum habet non nubendi, peccat nubendo; facit enim contra votum: contracto tamen matrimonio potest petere & reddere debitum, quia votum non nubendi, non æquiualeat voto castitatis, sed solum importat negationem status matrimonialis; quæ negatio cum sit facta impossibilis per matrimonium iam contractum, sequitur obstrictum eo voto posse licite petere & reddere, etiamsi causam habeat diuortij. Adde non peccare fornicando, aliud enim est votum non nubendi, & aliud votum non fornicandi. *rom. 2. fel. 365. num. 6.*

47. Qui vouit ingredi certam religionem, tenetur eam ingredi, quando in ea viget regularis obseruantia, licet tempore voti ea non seruaretur. Item qui vouit determinatam religionem, potest aliam æquè arctam ingredi. Item qui vouit mori in religione, censetur vouisse professionem & perseuerantiam in ea. Item qui vouit aliquam certam religionem, ad quam non fuit admissus, liber est ab obligatione voti, modo per ipsum non stet ne recipiatur, & verè repulsam tulerit. Quod si ad religionem non fuit admissus ob imperitiam, tenebitur acquisita scientia votum adimplere. Item tenetur scientiam addiscere, ut admittatur ad religionem, si tempore voti sciebat necessariam esse scientiam, ut admitteretur. Qui autem vouit religionem in generali, tenetur aliam inquirere, si ad aliquam non admittatur; quamquam non tenetur omnia monasteria adire, ut recipiatur, sed satisfaciet adeundo diuersa diuersorum ordinum. Item qui vouit religionem ad quam credit se admittendum patefacto

facto voto, tenetur illud manifestare. *tom.2.fol. 366.num.3. & fol.367.n.4. & 7.item fol.368.n.10. & seqq.*

48. Fœmina quæ vouit religionem, non tenetur extra patriam adire, si in patria ad eam non admittatur. *ibid.num.14.*

49. Qui vouit religionem ad quam in perpetuum non admitteretur, potest matrimonium inire manendo in sæculo, si credat fore ut nunquam admittatur, nisi fortè principaliter vouerit castitatem. Item qui post votum religionis matrimonium contraxit, tenetur ante illius consummationem religionem ingredi. Similiter qui vouit religionem in genere antequam ingrederetur, & profiteretur, non tenebitur aliam inquirere, si ab ea in qua professionem emisit, expellatur. Item qui vouit strictiorem religionem, & nihilominus professus est in laxiori, quamuis grauiter peccet ratione professionis istius in laxiori, tamen si ab ea eiiciatur, non tenetur strictiorem ingredi. *tom.2.fol.369.num.18. & seq.*

50. Qui simpliciter vouit religionem sine intentione profitendi in ea, satisfecit si postquam bona fide est ingressus, statim ante professionem exeat. Quod si non constet de vouentis intentione, præsumendum est vouisse solum ingressum in religionem, non verò professionem. *ibid.num.22. & fol.370.n.23.*

51. Professus, propter incorrigibilitatē eiectus, tenetur extra monasterium paupertatem & castitatem seruare ratione voti solemnæ. *ibid.n.26. & 27.*

52. In explicatione voti si non constet de vouentis intentione, attendi debent verba vouentis & explicari secundum communem sensum; hinc
fit,

fit, vt qui vouit non bibere vinum, possit bibere ceruissiam, quia ceruissia verè non venit nomine vini quamuis inebriet: & qui vouit ieiunare quolibet die Sabbati, tenetur ieiunare quamuis in eum diem incidat dies Natalis Domini, modò vouens hunc diem non exceperit. Præterea votum strictè explicari debet seruata verborum proprietate: propterea qui vouit non bibere vinum, potest sumere vtramque ablutionem in Missa. Et qui aliquid vouit modò indeterminato, potest eligere quod minus est. Et qui vouit ieiunare non definiens dies, satisfacit si vno die ieiunet: si vouit ieiunare pluribus, satisfaciet ieiunando duobus diebus. Et qui vouit peregrinationem, potest equitando satisfacere. *tom. 2. fol. 371. n. 1. & seqq. item fol. 372. n. 9. & seqq.*

53. Denique quando dubitatur de intentione vouentis, votum explicandum est ad modum legis diuinæ vel humanæ; hinc sequitur vt qui vouit audire Missam, vel recitare officium, debeat ea cū attentione præstare; & qui vouit abstinentioniam à carnibus, teneatur etiam abstinere à iure, seu brodio. Item qui vouit ieiunare toto aliquo mense, non teneatur ieiunare diebus Dominicis in eo mense contentis, nisi hoc expressè intenderit. Item qui vouit tradere calicem Ecclesiæ, quem emit, tenetur adhuc alium tradere, si primus vouenti ante traditionem fuit surreptus, quia non vouit indiuiduum, sed speciem, quæ non corrui destructo vno indiuiduo. *tom. 2. fol. 373. num. 21. 22. 23. 25. & 30.*

54. Peres, an obligatio voti tollatur cessatione causæ, aut notabili mutatione superueniente? Respond. obligatio voti cessat sublata causa finali propter quam factum fuit votum. Item cessat superue

perueniente notabili impedimento, quo cognito vouens non vouisset. Item votum non obligat quando seruari non potest sine magno damno vel vitæ periculo; aut si tempore adimpletionis voti, materia voti facta est illicita, impeditiua maioris boni, vel indifferens: at non cessat obligatio voti vel iuramenti ob superuenientem mutationem, quæ si cognita fuisset à principio à vouente, adhuc vouisset vel iurasset. *tom.2.fol.374.num.1. & 2. item fol.375.num.3.5. & 7.*

55. Obligatio voti tolliturne irritatione? Resp. omnia illorum vota irritari posse, qui subiecti sunt alteri, vel in omnibus, vel saltem quoad id quod est materia voti: Papam verò posse irritare tantum ea vota, quæ ipsius administrationi obesse possunt; vnde non potest irritare votum illius, qui vouit carnis suæ macerationem, neque potest dispensare in omnibus votis clericorum, sed solum in iis, in quibus clericus à Summi Pontificis arbitrio pendet. Et quod dictum est de Pontifice, dicendum est à fortiori de Episcopo. Potest tamen Papa irritare vota religiosorum, quæ possunt irritari à suis Prælatiis. *tom.2.fol.376.n.1. & seq.*

56. Vota seruorum siue facta sint ante seruitutem, siue tempore seruitutis, possunt à domino, etiam inuitis seruis, irritari, seu potius suspendi, si ipsi domino præiudicant; sicut & heri possunt etiam vota suorum famulorum obsequio ipsis debito præiudicantia suspendere; & mariti vota vxorum quæ impediunt domus gubernationem & actum matrimonialem irritare; excipe tamen ea quæ vxores emisserunt adimplenda post mortem maritorum. Adde maritum posse adhuc validè vota vxoris irritare, etiamsi emissa sint de ipsius mariti licentia. At vxor potest ea solum
vota

vota mariti irritare, quæ sibi præiudicant. *ibid.*
num. 7. & seqq. item fol. 377. num. 10. & seq.

57. Omnia vota realia, personalia, vel mixta filiorum impuberum possunt irritari à patre, curatore, vel habente ipsorum curam, saltem intra tempus impubertatis. Imò possunt filiorum impuberum vota irritari etiam acquisita pubertate, modò impubes iam pubes factus illa non ratificauerit. Quod verò attinet ad vota filiorum puberum, dicendum patrem non posse irritare vota personalia (nisi dubitetur an emissæ sint ante vel post pubertatem) neque etiam realia, quæ è filiis relata sunt in tempus, quo erunt sui iuris. *ibid.*

num. 18. & fol. 378. num. 19. 21. item fol. 379. n. 22.

58. Non valet irritatio voti realis à filio emissæ, facta ab eo, qui credebatur vouentis pater: at curator regulariter potest irritare vota realia & mixta minorum puberum; quamvis ea sint iuramento confirmata quamdiu minor est. *ibid. n. 23.*

& 25.

59. Omnia religiosorum vota, excepto voto arctioris religionis, irritari possunt à Prælato, seu ab iis, qui vices superiorum gerunt, modò generalem facultatem & iurisdictionem habeant. Nec refert quod ipsi in religiosorum vota consenserint, quamquam peccabunt, si hoc faciant absque iusta causa. Vota nouitiorum non possunt irritare, sed tantum suspendere. *ibid. n. 26. & 27.*
item fol. 380. n. 28. & seqq.

60. Religiosus potest ea vouere sine licentia sui Superioris, quæ non repugnant regulæ, vel Superioris præcepto; & idem dicendum de commutatione. *ibid. num. 34.*

61. Petes, utrùm obligatio voti tollatur per commutationem, & quoniam possint vota commutare?

mutare? Quilibet potest vota sua commutare in euidenter melius; melius autem in præfenti materia est illud, quod omnibus consideratis est Deo gratius; ideo qui vouit aliquid alicui Ecclesiæ, potest tradere alteri Ecclesiæ aliquid melius, relicto primo voto, nisi fortè iam fuerit acceptatum votum à prima Ecclesia. Præterea votum reale potest ex iusta causa commutari in personale, si sit magis gratum Deo: imò probabile est vouentem posse sua vota propria auctoritate commutare in euidenter æquale. *tem. 2. fol. 381. n. 3. & fol. 382. n. 4. 5. 7. & 8.*

62. Qui potest in votis dispensare, potest etiam ea commutare, quia commutatio est quid minus contentum in potestate dispensandi: sufficitque si commutatio quæ fit per priuilegium, fiat in minus, modò adsit iusta & rationabilis causa. *tem. 2. fol. 383. num. 10. & 11.*

63. Facultas dispensandi vel commutandi vota alicui concessa, extenditur etiam ad vota post concessionem facultatis facta; non extenditur tamen ad vota reseruata Papæ, etiam tempore Iubilæi, nisi hoc exprimatur. *ibid. num. 12. & 13.*

64. Qui voluntariè vel ex obliuione tempore Iubilæi non curauit commutari vota quæ habebat, probabilius est non posse transacto eo tempore à simplici Confessario eorum dispensationem, vel commutationem obtinere: sunt tamen qui velint Confessarium posse adhibito prudenti arbitrio tempore Iubilæi validè commutare vota illius qui expressè non meminit numeri votorum, sed solùm recordatus est talis obiecti; aut si Confessarius tempore habili, seu Iubilæi, vel indulti inchoauit causam posse illam transacto Iubilæi tempore absolucere, seu dispensare vel
commu

commutare, modò vouens consecutus sit Iubilæum. Aduerte tamen eum qui tempore Iubilæi omnimodam voti commutationem non obtinuit, peccare non seruando interim votum prius emissum. *ibid.num.14. & fol.384.n.15.*

65. Non reuiuiscunt vota tempore Iubilæi cōmutata, quamuis qui eorum commutationem obtinuit, non præstet ea quæ sunt ad Iubilæi consecutionem necessaria. *ibid.n.18.*

66. Votum in quod præcedens fuit commutatum, potest multoties commutari, factaque commutatione voti liberum est vouenti prius votum seruare, tenetur tamen qui voti commutationem obtinuit, prius votum seruare, si illud primum de nouo ratificet. Idem militat in commutatione voti in minus, si qui eam obtinuit, illi postea cessit, eamque noluit seruare. Item qui commutationem obtinuit prioris voti, & de nouo vouit priorem materiam, tenetur vtrumque votum seruare, nisi aliter ipse intenderit. *tom.2.fol.385.num.19. & seq.*

67. Potestatem dispensandi in votis, seu nomine Dei condonandi obligationem voti quam vouens erga Deum contraxerat vouendo, habent Prælati iurisdictionem habentes in foro externo, & Episcopi respectu suorum subditorum etiam extra propriam dioccesim; modò vota non sint Papæ reseruata, aut non sint vota Catechumenorum; hocque fiat ex iusta causa, & votum non sit factum in fauorem tertij, ab eoque acceptatum. Archiepiscopus quoque potest dispensare in votis suorum Suffraganeorum. *tom.2.fol.386.n.1. 3. & 4. item fol.387.n.7. & 8.*

68. In votis religiosorum exemptorum dispensare possunt illi omnes, qui sunt capaces potestatis

tis dispensandi, de licentia tamen Superioris eorundem religiosorum, & in iis omnibus, in quibus ipse Superior dispensare potest. *ibid. num. 9. & 10.*

69. Vota reservata Papæ, in quibus Episcopus non potest dispensare, sunt quinque; votum castitatis perpetuæ, votum religionis approbatæ, votum peregrinationis ad limina Apostolorum, aut ad S. Iacobum Compostellanum, aut votum in terram sanctam. *tom. 2. fol. 388. num. 11.*

70. In generali concessione dispensandi in votis, non comprehenditur facultas dispensandi in huiusmodi votis Papæ reservatis. Quod si Papa concedat facultatem dispensandi in tribus votis minoribus peregrinationis, non censetur facultatem concedere dispensandi in maioribus, castitatis scilicet & religionis, quamquam potest aliquando Episcopus in voto castitatis dispensare, quando imminet graue periculum expectando dispensationem Papæ vel legatis; & quando votum castitatis per metum etiam leuem emissum est; item quando votum est conditionale sub conditione de futuro, modò conditio nondum sit adimpleta. *ibid. num. 12. & fol. 389. n. 13. 15. & 17.*

71. Habentes facultatem commutandi votum, possunt etiam commutare pœnam, quam vouens incurrit ob fractionem & violationem voti. *tom. 1. fol. 390. num. 18.*

72. Votum non est reservatum eo quòd vouens intenderit illud suum votum Papæ reservare; sicut neque votum emissum de materia reservata remanet reservatum, si vouens tempore voti habuit intentionem obligandi se sub veniali tantum; quia hoc non censetur votum perfectum. *tom. 2. fol. 391. num. 19. & 20.*

73. Papa potest aliquando dispensare in voto
solemni

solemni castitatis & religionis ex iusta causa; quia potest dispensare in voto simplici castitatis; ergo potest etiam in solemni, cum solemnitas dependeat à constitutione Ecclesiæ. *rom. 2. fol. 392. num. 22.*

74. Qui petit dispensationem voti simplicis castitatis vel religionis quam Papa commisit Confessario, potestne adhuc ab eo Confessario dispensari? Potest, quamvis ante dispensationis consecutionem multoties repetierit idem votum. *ibid. num. 23.*

75. Parochi, aut alij Sacerdotes non possunt in votis dispensare, nisi speciale priuilegium habeant; item neque Abbatissæ in votis monialium. *ibid. num. 26. & fol. 393. n. 29.*

76. Prælatus vel alius habens facultatem generalem dispensandi, potest secum dispensare, & alteri facultatem dare, qui secum dispense. Superior censetur cum eo dispensare, quem ad aliquem actum admittit, sciens ipsum habere impedimentum ad talem actum. *ibid. n. 31. & fol. 394. num. 53.*

Vsura, Vsurarius.

Vide v. *Census, Cambium, Societas, Mutuum.*

1. Vsura est lucrum immediatè proueniens ex mutuo. Vsura alia est realis, quæ contingit quando interuenit pactum saltem implicitum reddendi aliquid supra sortem; alia mentalis, vt quando mutuans intendit lucrum ex mutuo recipere, quamvis nullum pactum exterius apponat. Præterea alia est expressa & formalis, alia virtualis & implicita. Hinc sequitur committi vsuram mentalem ab eo qui sperat vel intendit lucrum immedia

mediatè ex mutuo tanquam sibi debitum ex obligatione iustitiæ; hoc est, si speret vel intendat lucrum non ex liberalitate aut amicitia mutuatarij, sed tanquam pretium ex mutuo. Sequitur vltèrius licitum esse sperare amicitiam ex mutuo, cum amicitia sit quid honestum, nec sit aliquid pecunia æstimabile; non est tamen licitum in mutuo deducere eam in pactum, hoc enim esset alteri obligationem imponere. *tom. 2. fol. 748. num. 1. & seq.*

2. Non peccat peccato vsuræ, qui pecuniam mutuatur alteri indigenti, sperans illum gratum fore ac liberalem; secus dicendum de eo qui dat mutuo pecuniam Principi, sperans etiam minus principaliter lucrum ex mutuo tanquam pretiũ, & in recompensationem non gratuitam nec liberalem; estque grauiter reprehendendus mutuatur qui excitat mutuatarium ad aliquid sibi liberaliter tradendum in remunerationem mutui; hoc enim redolet labem vsuræ. *tom. 2. fol. 749. num. 8. & seq.*

3. Vsura adeò illicita est, vt qui eam licitam esse pertinaciter asseruerit, censeatur hæreticus. Prohibita est iure diuino & Ecclesiastico, vt constat ex Concilio Viennensi. *ibid. n. 12.*

5. Quæres, an quælibet obligatio imposita mutuatario sit vsura? Respond. omnem pactionem & conuentionem, per quam imponitur mutuatario onus & obligatio quasi ex iustitia, ad quam mutuatarius alias non tenebatur, labem vsuræ continere: quam ob causam vsura ab eo committitur, qui tradit alteri mutuum cum pacto, vt præstet munus & officium, à lingua, (v.g. alloqui Regem) vel ab obsequio, vel à manu. Item vsura committitur ab eo, qui mutuatur alteri cum pacto vt mu-
tuatur

tuatarius sibi quamuis digno vel alteri conferat aliquod officium vel priuilegium, imponit enim obligationem pretio æstimabilem. Item usura est dare mutuo oleum, vel pecuniam cum pacto vt restituatur res diuersæ rationis, aut vendatur vinum, vel triticum tempore messis pretio communi. Item non excusatur ab usura qui alteri mutuum dat ea conditione vt mutuatarius remutuare teneatur statim vel in futurum: non est tamen illicitum sibi vicissim mutuum dare, aut vicissim se obligare ad mutuandum; tunc enim contrahentes sunt pares in obligatione. Erit præterea usura, si quis mutuet alteri cum pacto vt veniat ad suum molendinum vel apothecam; aut Medico, hoc pacto vt teneatur curare & mederi; aut fœminæ cum intentione vel pacto vt sui copiam faciat in pretium mutui; aut si quis (præciso tamen lucro cessante) mutuet alteri pecuniam, vel triticum cum pacto, vt illud sibi non restituat nisi tunc temporis quo plus valebit; nam ex contractu mutui obligat mutuatarium ad dandum sibi lucrum supra sortem, incrementum scilicet valoris tritici aut pecuniæ. At non committit usuram qui mutuatur cum pacto vt mutuatarius ineat contractum pignoris vel hypothecæ pro securitate mutui; neque qui mutuatur cum pacto vt mutuatarius restituat quod sibi debetur ex iustitia; neque qui mutuatur ad redimendam vexationem tam propriam quàm alienam, aut ad obtinendam remissionem rancoris & odij; neque committit usuram is, qui suas merces credito vendit, vt plures attrahat emptores ad emendum, modò non excedat in iusto pretio. *tom. 2. fol. 750. num. 1. & 2. item fol. 751. num. 3. & seq.*

6. Committitne usuram, qui mutuū dat alicui,

vt

vt tantundem restituatur quando plus valebit ? Non committit vsuram si æqualiter dubitetur an res tempore solutionis sit plus vel minus valitura , & æquale periculum sit ascensus & descensus valoris rei ; sic enim vterque contrahens æqualem subit sortem lucrandi & perdendi, & par est vtriusque conditio. *tom. 2. fol. 752. n. 20.*

7. Consultius est in contractu mutui, imò etiam in omnibus aliis contractibus, vt cambio, censu, &c. solutionem facere iuxta valorem, quem pecunia aut res habebat tempore contractus, siue valor decreascit, siue crescat ; quia hoc pacto seruatur æqualitas inter datum & acceptum, modò aliud in pactum non deducatur : vnde non committitur vsura ab eo qui mutuatur alteri decem modios tritici valentes quinquaginta nummis aureis, cum pacto vt sibi restituantur duodecim cum dimidio, si tempore restitutionis pretium tritici ita decreuerit, vt duodecim cum dimidio sint æquales illis decem in æstimatione. Item non committitur vsura obligando mutuatarium ad restituendam pecuniam eiusdem materiæ & formæ ; committeretur verò vsura obligando ad restituendam pecuniam pretiosorem ; non enim seruaretur æqualitas. Denique non committitur vsura ab eo, qui certam pecuniam quam timet in futurum minùs valituram ob decretum Principis, mutuatur cum pacto, vt sibi restituatur idem valor & pretium quo æstimatur tempore mutui. *tom. 2. fol. 753. num. 21. & fol. 754. num. 25. 28. & 29.*

8. Quæres, an mutuator possit aliquid accipere à mutuatorio ratione damni emergentis, vel lucri cessantis ? Respond. quod mutuator possit in principio contractus pacisci de aliquo lucro, seu

K k

pecu.

pecunia sibi soluenda ratione damni emergentis præcisè causa mortui, vel ratione periculi damni. Imò mutuatarius existens in mora soluendi, tenetur de damno emergentè, etiam quando de illo nulla facta fuit mentio expressa in contractu mutui, modò tamen mutuator non consentiat in mora. Et hoc verum est etiam si mutuator elapso termino non petat solutionem: nam terminus petit, & interpellat pro creditore virtute pacti ab initio præstiti. Dicitur autem mutuatarius, vel alius debitor esse in mora, quoties non soluit termino constituto cum possit soluere; propterea tenetur resarcire creditori detrimentum quod creditor passus est ob variationem valoris rei aut pecuniæ. Præterea qui mutuatur alteri centum cum pacto exigendi decem ultra sortem, sciens se ex eo mutuo passurum damnum decem, non committit usuram. *tom. 2. fol. 755. n. 2. & seqq.*

9. Denique qui iniuste coëgit mutuantem ad sibi mutuandum, tenetur ad restitutionem lucri cessantis mutuantis, etiam si nullum præcesserit pactum de huiusmodi lucro restituendo, quia per iniuriam extorquendo mutuum censetur causa iniusta damni. *tom. 2. fol. 756. num. 9.*

10. Mutuator potest ab initio pacisci, ut mutuatarius soluat sibi lucrum cessans causa mutui, concurrentibus his tribus conditionibus: videlicet ut mutuatio sit causa, cur cesset lucrum quod habebatur in spe certa vel probabili; ut lucrum non statim exigatur, & ut non tantum exigatur ratione lucri cessantis, quantum re ipsa futurum esset lucrum, sed quantum valet spes lucri, detractis expensis, quas fecisset mutuator negotiando, vel alio modo impendendo suam pecuniam; quia lucrum in spe quod non est certum, minus

minus valet quàm lucrum in re. *ibid.num.12.*
§ 13.

11. Licitum est præterea in mutuo aliquid supra sortem accipere ratione periculi amittendi capitale, vel illud recuperandi cum expensis vel laboribus & diligentis etiam extraordinariis, modò non plus exigatur ratione istius periculi, quàm communiter æstimeretur huiusmodi periculum; & modò verè sit periculum amissionis capitalis & expensarum; aut modò mutuator non compellat mutuatarium ad suscipiendum se ipsum pro affecuratore vel fideiussore, sed mutuatario libertatem relinquat exigendi quem velit. *tom.2. fol.757.num.1. § 2.*

12. Non est vsura mutuare centum cum pacto; ut si mutuatarius moriatur intra duos annos, nihil teneatur solvere; si verò superuiuat, restituat centum & quinquaginta; quia vterque se periculo exponit lucrandi & perdendi, estque contractus sortis qui est licitus. *tom.2.fol.758.num.4.*

13. Non licet aliquid exigere pro carentia pecuniæ, & obligatione expectandi solutionem mutui usque ad certum tempus, seu non repetendi mutuum intra tantum temporis; quia sic defendi posset omnis contractus vsurarius, apponendo pactum non repetendi, nisi post tantum temporis. Potest tamen mutuator pactum inire cum mutuatario, ut nisi soluerit tempore præfixo, soluat aliquam pœnam, id est aliquid supra sortem in pœnam moræ; cauendum est tamen ne pœna apponatur in fraudem vsuræ, seu ad palliandam vsuram; & ne pœna quæ apponitur, sit immoderata, & ne culpam excedat: & præterea debet mutuatarius verè esse in culpabili mora soluendi; secus si ob impotentiam ne-

queat soluere. *ibid. num. 1. & fol. 759. num. 1. & 2.*

14. Non committitur usura quando apponitur pactum in mutuo, ut nisi mutuum solvatur intra talem terminum, pignus acceptum in mutuo vendatur iusto pretio, aut maneat venditum, tacite intelligendo, iusto pretio; quia hoc non fit in gravamen pro mutuo, sed ut mutuator se ipsum servet indemnem, & rem suam debito tempore recuperet: huiusmodi pactum censetur appositum in poenam. *tom. 2. fol. 760. num. 3.*

15. Quæres, an creditor seu mutuator sibi retinere possit fructus pignoris accepti ad securitatem crediti? Non potest, sed deductis expensis debet eos reddere debitori, aut computare in sortem capitalis, nisi aliqua causa iusta subsit, ratione cuius possit eos retinere, aut in sortem non computare; talis causa est ratio lucri cessantis, vel damni emergentis, vel poenæ conventionalis, vel alimentorum debitorum: nam vidua mortuo marito alenda est ab hæredibus; dos enim traditur ut vxor alatur, & onera matrimonij sustineantur; & maritus potest retinere fructus pignoris accepti pro dote non soluta, etiam si concesserit focero seu alteri dilationem ad solvendam dotem; imò gener potest aliquid accipere donec solvatur dos ratione compensationis debita pro sustinendis interea oneribus matrimonij: committeret tamen gener usuram (secluso lucro cessante) tradendo focero pecuniam dotis mutuo, cum pacto, ut focer tradat rem aliquam frugiferam in pignus, non computando fructus in sortem. Item committeret adhuc usuram gener, si focero volente dotem soluere, renuit illam acceptare, sed petit pignus frugiferum cum intentione

rentione non computandi fructus in sortem; cum proinde se habeat, ac si mutuaret socero pecuniam cum pacto aliquid recipiendi supra sortem.

rom. 2. fol. 761. num. 1. & seq.

16. Secluso lucro cessante, aut damno emergente, committitur vsura, anticipata solutione emendo minoris chirographa, seu credita in posterum exigenda, id est emendo ius quod alter habet ut aliquid in futurum solvatur; & debitor non potest minoris redimere & extinguere debitum in posterum soluendum secluso damno, vel alio iusto titulo. At creditum non planè certum, sed periculosum ac litigiosum & cum difficultate exigendum, potest absque labe vsuræ ab eo qui non est causa difficultatis, minoris emi quàm valeat, prout difficultas & incertitudo solutionis maior vel minor fuerit; minùs enim vallet cum tali periculo & difficultate. Et hinc patet minoris emi posse credita, seu stipendia, seu salaria debita militibus aut famulis nobilium virorum, cum habeant huiusmodi credita adiuncta pericula, incommoda & molestias in ipsis exigendis. Quod valet etiam non solum in creditis in futurum soluendis, verùm etiam in creditis quæ persolunda erant tempore præterito, aut præsentis, sed nondum soluta sunt. Aduerte tamen iis qui sunt causa difficultatis aut malignæ solutionis, aut quibus incumbit onus soluendi, non licere huiusmodi chirographa creditorum minoris emere; quia par non est ut hi commodum reportent ex delicto suo. *rom. 2. fol. 763. num. 2. & seq.*

17. Quæres, an liceat accipere quinque pro centum in mutuo? Per se loquendo non licet, nisi ratione lucris cessantis, vel damni emergentis,

vel ratione periculi cui exponitur capitale , &c. Difficultas est utrùm accipiens quinque vel sex pro centum in contractu trium , id est , societatis , assecurationis capitalis , & assecurationis lucri certi pro maiori incerto , peccet , & teneatur ad restitutionem ? Respond. negativè : & hoc verum est , etiamsi isti contractus expressè non in-
eantur , sed tantum tacitè & æquivalenter seu intentione implicita celebrentur ; ut accidit quando quis tradit pecuniam mercatori credens se posse quinque vel sex pro centum exigere , intendensque contrahere eo modo quo licitè potest ; ut si dicat , confero centum in societatem , ut solvas quinque vel sex saluo capitali , modo licito , vel eo modo quo docent Doctores : propterea excusari possunt viduæ & pupilli , qui pecuniam suam tradunt mercatoribus cum pacto accipiendi quinque vel sex pro centum , si prædictam habeant intentionem ; secus si tradant suas pecunias alicui quem sciunt non esse mercatorem , & non negotiatum illis pecuniis.

Imò excusari potest is , qui prædictos contractus celebrat , tradendo pecuniam mercatoribus cum assecuratione capitalis & lucri certi , ut evitet incommodum conficiendarum rationum & accepti , vel quia non est certus de fidelitate socij , nec facilitè debet ei fidere. Idem valet pro eo quoque qui ponit solam industriam in huiusmodi contractu. *tom. 2. fol. 764. num. 1. & fol. 765. n. 2. & seq.*

18. Petes , quid sit mons pietatis , & utrùm in eo inveniatur usura ? Per *montem pietatis* , intellige summam pecuniæ , aut frumenti , aut alterius rei similis publicè deputatæ ad subueniendum

dum pauperibus : & in hoc non est vsura, sed potius pietas & iustitia ; cum ex hac summa soleat dari mutuum pauperibus , accepto pignore ab ipsis ad certum tempus ea conditione ut pauperes qui mutuum accipiunt , aliquid soluant pro sustentatione ministrorum ad hoc munus deputatorum ; & pro aliis laboribus & expensis necessariis ad hoc munus præstandum , ut ad custodiendum pignus , & referendam in libros rationem dari & accepti , &c. Si autem contingat mutuatarios non soluere termino præfixo , venditur pignus sub hasta , ut ex eo vendito satisfiat monti , & eius ministris : quod verò superest , restituatur domino pignoris. Fiet tamen hic mons vsurarius , si aliquid accipiat ad augendum montem , vel ut dominus montis aliquod lucrum referat ; sic enim acciperetur aliquid supra sortem in mutuo absque iusto titulo.

tom.2. fol.766. num.1.2. & 4.

19. Licetne petere mutuum ab vsurario, quoniam mutuatarius scit non mutuaturum nisi sub vsuris ? Non licet, seclusa extrema necessitate , quia non licet mihi petere quod alter non potest facere sine peccato , hoc enim esset alium inducere ad peccatum ; quamquam non videtur illicitum petere mutuum absolute ad subleuandam necessitatem propriam vel alienam , seu ex iusta causa ; secus si petatur ad vana & inutilia , ut ad superfluas epulas , ad ludos otiosos , &c. etiam si vsurarius aliàs paratus esset dare ad vsuram.

tom.2. fol.768. num.1. & seqq.

20. Vsurarius non acquisiuit dominium eorum quæ supra sortem ob mutuum , & ob vsurarium contractum accepit , quandiu ea quæ accepit , possunt discerni à propriis rebus. Et hoc valet

Kk 4

etiam

etiam respectu fructuum quos percepit ex re aliena accepta per usuram; quia res vero domino (qualis non est usurarius) fructificat. Adverte tamen usurarium vendentem rem per usuras acceptam, fieri dominum pretij, quando emptor emit rem illam bona fide, nesciens alienam esse, ut dictum est v. *Venditio. tom. 2. fol. 769. num. 1. & 2. item fol. 770. num. 4.*

21. Petes, quinam teneantur ad restitutionem propter usuras? Tenentur hi: Usurarius realis; & qui aliquid accepit mala fide seu mente usuraria, credens illud non sibi liberaliter donari, sed dari tanquam pretium mutui; tenetur quoque ad restitutionem rei acceptæ, donec cognoscat rem sibi liberaliter fuisse datam. Item qui aliquid accepit credens illud sibi donari, cum tamen id tanquam pretium mutui tradatur, tenetur ad restitutionem statim ac cognoscit illud tanquam mutui pretium sibi datum fuisse. *tom. 2. fol. 770. num. 4. & 5. item fol. 771. num. 6.*

22. Qui vendit alteri merces rigoroso pretio, & illas postea redimit pretio infimo vel medio, secluso pacto retrouendendi minori pretio, non tenetur ad restitutionem, quia sunt duo contractus distincti. *ibid. n. 6.*

23. Qui celebravit contractum, quem si cognouisset esse usurarium, alium iustum celebrasset, non potest retinere lucrum eo contractu acquisitum; nisi uterque contrahens expresserit velle se obligare omni meliori modo, aut velle contrahere meliori modo quo posset: nam expressio illa qua celebrantes contractum usurarium intendunt se obligare eo meliori modo quo possunt, hoc operatur; ut cum ille contractus sit inualidus, alius validus.

facc

succedat in ipsius locum. *ibid.num.9. & fol.772. num.10.*

24. Præterea concurrentes effectiuè ad contractum vsurarium, vel ad exactiorem vsurariam, agendo partes vsurarij, tenentur in solidum ad restitutionem; quia cooperantur efficaciter ad damnum alterius; secus dicendum de eo qui cooperatur ad vsuram, agendo partes mutuatarij, quia quod agit, agit volente & sciente mutuuario; volenti autem & scienti non fit iniuria & iniustitia. Tenebitur tamen ad restitutionem si consulat vel suadeat celebrare contractum vsurarium, vel mutuare sub vsuris. *ibid.n.11. & 12.*

25. Hæredes vsurarij tenentur ad restitutionem, si vsurarius non restituit, dum viueret, sicut etiam tenentur hæredes furis in defectum furis, *cap. tua nos, de vsuris.* Quod si duo sint hæredes vsurarij, & vnus nolit, aut non possit restituere, alter non tenetur ad integram restitutionem, sed solum ad ratam hæreditatis; nisi res eadem numero obnoxia sit restitutioni; nam tunc illa restituenda est à quocumque retineatur. Sed petes, an hæredibus vsurarij nolentibus restituere, legatarij aut donatarij teneantur ad restitutionem? Respond. negatiuè, modò vsurarius reliquerit hæredibus bona sufficientia ad satisfaciendum debitis, & præterea legitimam, vel quartam, quæ ipsis de iure debetur, iuxta locorum statuta. *tom.2.fol.773. num.13. & 14. item fol.774.n.15.*

26. Vsurariorum notiorum (scu qui tergiversari non possunt, aut à iudice condemnati sunt,) pœnæ sunt vt non admittantur ad Eucharistiam, donec publicè satisfecerint, neque
ad

ad sepulturam Ecclesiasticam; vt nullus inter-
sit testamento (quod est irritum) vsurarij mani-
festi, nisi prius præstiterint satisfactionem,
quam præstare possunt; & ante non admittan-
tur ad confessionem sacramentalem; denique
vt sint infames, & vt non admittantur ad obla-
tiones. *ibid. num. 1. & fol. 775. num. 2.*





